

كتاب العهد الجديد

ديال ربّنا ومنجّينا

يسوع المسيح

بالدارجة المغربية

سنة الإصدار

1932

كتاب العهد الجديد

ديال ربنا ومنجينا يسوع المسيح

إنجيل يسوع المسيح على يد متى

الفصل الأول

1 كتاب السنسلة د يسوع المسيح بن داود بن إبراهيم. 2 إبراهيم ولد إسحاق. وإسحاق ولد يعقوب. ويعقوب ولد يهودا واخوته. 3 ويهودا ولد فارص وزارح من ثامار. وفارص ولد حصرون. وحصرون ولد ارام. 4 وaram ولد عميناداب. وعميناداب ولد نحشون. ونحشون ولد سلمون. 5 وسلمون ولد بوعز من راحاب. وبوعز ولد عوبيد من راعوث. وعوبيد ولد يسي. 6 ويسى ولد داود السلطان. وداود السلطان ولد سليمان من الي كانت امراة أوريا. 7 وسليمان ولد رحبعام. ورحبعام ولد أبيا. وأبيا ولد آسا. 8 وآسا ولد يهوشافاط. ويهوشافاط ولد يورام. ويورام ولد عزيا. 9 وعزيا ولد يوثام. ويوثام ولد أحاز. وأحاز ولد حزقيا. 10 وحزقيا ولد منسى. ومنسى ولد آمون. وآمون ولد يوشيا. 11 ويوشيا ولد يكنيا واخوته في وقت التجليّة لبابل. 12 ومن مورا التجليّة لبابل يكنيا ولد شألتييل. وشألتييل ولد زربابل. 13 وزربابل ولد أبيهود. وأبيهود ولد ألياقيم. وألياقيم ولد عازور. 14 وعازور ولد صادق. وصادق ولد أخيم. وأخيم ولد أليود. 15 وأليود ولد أليعازر. وأليعازر ولد متان. ومتان ولد يعقوب. 16 ويعقوب ولد يوسف رجل مريم الي اتولد منها يسوع الي مسمي المسيح. 17 وجميع الأجيال من إبراهيم لداود أربععاشر جيل. ومن داود للتجليّة لبابل أربععاشر جيل. ومن التجليّة لبابل للمسيح أربععاشر جيل.

18 وميلاد يسوع المسيح كان هكدا. من اين كانت مريم أمه مملكة مع يوسف قبل ما انجمعوا انصابت حبلى من الروح القدس. 19 ويوسف رجلها حيت كان تقى وما بغى شي يشهرها نوى يطلقها بالتخبيرة. 20 ولاكن حين كان كيخّم في هدو الامور را ملاك الرب ظهر له في واحد المنامة كييقول يا يوسف بن داود لا تخاف شي تاخذ مريم امراتك. على حق اش هدا الي هي حبلى به هو من الروح القدس. 21 وماشية تولد واحد الولد وتسميه يسوع. لانه ينجي قومه من دنوبهم. 22 وهذا الشي كله

كان باش يوفى اليّ انتقال من عند الربّ بالنبي كيقول: 23 را العزبة تحبل وتولد واحد الولد ويسمّيو اسمّه عمّانويل اليّ تفسيره الله معنا.

24 ومن اين فاق يوسف من النعاس عمل بحال ما امره ملاك الربّ وخدا امواته. 25 وما عرفها شي حتّى ولدت ولدها البكري. وسمّى اسمّه يسوع.

الفصل الثاني

1 ومن اين اتولد يسوع في بيت لحم د اليهوديّة في أيّام هيروُدس السلطان را شي حُكّما من الشرق جاوا لأورشليم 2 كيقولوا فاين هو اليّ اتولد سلطان اليهود. على حق اش احنا شغنا نجمته في الشرق وجينا باش نسجدوا له. 3 ومن اين سمع هيروُدس السلطان تهوّل هو وأورشليم كلّها معه. 4 وجمع جميع كبار الكوهنين وكتّاب الناس وسقّصاهم فاين يتولد المسيح. 5 وقالوا له: في بيت لحم د اليهوديّة. لانه هكذا مكتوب على يد النبي: 6 وأنت، يا بيت لحم أرض يهودا ما أنت شي الصغيرة بين كبار يهودا. على حق اش منك يخرج واحد الحاكم اليّ يرعى قومي إسرائيل.

7 داك الوقت عيّط هيروُدس على الحُكّما بالتخبيعة وتحقّق منهم على وقت النجمة اليّ ظهرت. 8 وسيفطهم لبيت لحم وقال: سيروا تبحتوا بالتحقيق على الصبي. ومن اين تجبروه خبروني باش نجى أنا تاني ونسجد له. 9 وحين سمعوا من السلطان مشاوا ورا النجمة اليّ شافوها في الشرق سبقت قدّامهم حتّى جات ووقفت فوق فاين كان الصبي. 10 ومن اين شافوا النجمة فرحوا فرحة كبيرة بالزّاف. 11 ودخلوا للدار وشافوا الصبي مع مريم أمّه. وطاحوا وسجدوا له. وحين فتحوا دخايرهم جابوا له هديّات د الذهب واللّبان والمرّ. 12 ومن حيث تنبّهوا من عند الله في واحد المنامة باين ما يرجعوا شي لعند هيروُدس، مشاوا على طريق أخرى لبلادهم.

13 ومن مورا ما مشاوا را ملاك الربّ ظهر ليوسف في واحد المنامة كيقول: قوم وادّي الصبي وأمّه واهرب لمصر واجلس تمّ حتّى نقول لك. على حق اش هيروُدس معوّل يفتّش على الصبي باش يهلكه. 14 وقام وادّي الصبي وأمّه في الليل ومشى لمصر. 15 وبقي تمّ حتّى لموت هيروُدس. باش يوفى اليّ انتقال من عند الربّ بالنبي كيقول: من مصر عيّطت على ابني.

16 داك الوقت من اين شاف هيروُدس باين الحُكّما تملّعوا عليه غضب بالزّاف. وسيفط وقتل جميع الصبيان اليّ في بيت لحم وفي جميع نواحيها من مول عامين للورا على حساب الوقت اليّ تحقّق به من عند الحُكّما. 17 داك الوقت وفى اليّ انتقال بإرميا النبي كيقول: 18 واحد الصوت اتسمع في

الرامة النواح والبكا والزجا كثير. راحيل كتبكي على أولادها وما بغ ت شي تتعزّي على حق اش ما هم شي كاينين.

19 ومن اين مات هيرودس را ملاك الربّ ظهر في واحد المنامة ليوسف في مصر 20 كيقول:

قوم، وادّي الصبي وأمه وسر لارض إسرائيل. على حق اش ماتوا اليّ كانوا كيفتشوا على عمر الصبي.

21 وقام وادّي الصبي وأمّ وجا لارض إسرائيل. 22 ولاكن من اين سمع باين أرخيلالوس كيحكم على

اليهوديّة في موضع هيرودس ابوه خاف يمشي لثمّ. ومن حيث تنبّه من عند الله في واحد المنامة مشى

لجوايه الجليل. 23 وجا وسكن في واحد المدينة كيقولوا لها ناصرة. باش يوفى اليّ انقال بالانبيا:

ماشي يتسمّى ناصري.

الفصل الثالث

1 وفي ديك الايام جا يوحنا المعمدان كيوعّظ في الخلا د اليهوديّة. 2 كيقول: توبوا على حق اش

قرّبت ملاكة السماوات. 3 على حق اش هذا هو اليّ انقال عليه بإشعيا النبي كيقول: الصوت د واحد

اليّ كيبرّح في الخلا وجّدوا طريق الربّ. عدّلوا طرقائه مسقّم. 4 وهذا يوحنا كان لباسه من الوبر د

الجمال وعلى ن صّه حزام من الجلد. وكان مأكوله الجراد والعسل د الخلا. 5 داك الوقت خرج لعنّده

أورشليم واليهوديّة كلّها وجميع البلاد الدايرة بالاردن. 6 وتعمّدوا على يده في الاردن كيسقروا بدنوبهم.

7 ومن اين شاف بالزّاف من الفريسيين والصدوقيين كيجوا لمعموديّته قال لهم: يا أولاد اللفاع

اشكون نبّهكم تهربوا من الغضب الما جي؟ 8 عملوا الغلّة بعداليّ تليق بالتوبة. 9 ولا تخمّموا شي تقولوا

في أنفسكم عندنا إبراهيم أبونا. على حق اش نقول لكم باين الله قادر ينوّص من هذو الاحجار أولاد

لإبراهيم. 10 ودابّ را الشاقور منزل على عروق الاشجار. وكلّ شجرة اليّ ما كتجيب شي الغلّة الجيدة

تتقطّع وتتسيّب في العافية. 11 أنا كنعمّكم بالما للتوبة. ولاكن هداك اليّ جاي من موراي هو أقوى منّي

اليّ ما نستاهل شي نرفد نعايله. هو ماشي يعمّدكم بالروح القدس والعافية. 12 اليّ المدري دياله في يده

وماشي يصفّي جاعته مسقّم ويجمع قمحه في الخزين. ولاكن التبن يحرقه بالعافية اليّ ما تنطفا شي.

13 داك الوقت جا يسوع من الجليل للاردن لعند يوحنا باش يتعمّد على يده. 14 ولاكن يوحنا

حصّره كيقول: أنا محتاج نتعمّد على يدك وانت كتجي لعندي. 15 وجاوب يسوع وقال له: خليّني

دابّ. لانه هكدا يليق بنا باش نكمّلوا كلّ تقوى. داك الوقت خلاّه. 16 ومن اين تعمّد يسوع طلع في

الحين من الما. ورا السماوات انفتحوا له وشاف روح الله بحال الحمامة نازل وماجي عليه. 17 وواحد

الصوت من السما كيقول: هذا هو ابني الحبيب اليّ به كنفرح.

الفصل الرابع

1 داك الوقت تجوّد يسوع للخلا بالروح باش يتجرّب بإبليس. 2 ومن مورا ما صام اربعين يوم واربعين ليلة جاه الجوع في الاخر. 3 وجا لعنّده الم جرّب وقال له: إذا كنت ابن الله امر باش يوليوا هذو الاحجار خبز. 4 وجاوب وقال: مكتوب ماشي بالخبز وحده يعيش الانسان لاكل كلمة الّتي تخرج من فم الله. 5 داك الوقت إداّه إبليس للمدينة المقدّسة ووقفه على الصمعة د بيت المقدس. 6 وقال له: إذا كنت ابن الله سيّب روحك لتحت. على حق اش مكتوب باين يوصّي ملائكته عليك. وعلى يديهم يرفدوك باش ما توالي حتّى حجرة برجلك. 7 قال له يسوع: مكتوب تاني لا تجرّب الربّ إلهك. 8 وإداّه تاني إبليس لواحد الجبل عالي بالزّاف ووراه جميع ملاكات الدنيا وعزّهم. 9 وقال له: أنا نعطيك هدا الشي كلّهُ إذا طحتّ وسجدت لي. 10 داك الوقت قال له يسوع: سير يا الشيطان. على حق اش مكتوب للربّ إلهك تسجد وهو وحده تعبد. 11 داك الوقت فارقه إبليس ورا الملائكة جاوا كيخدموه.

12 ومن اين سمع يسوع باين يوحنا تسيّب في الحبس مشى للجليل. 13 وخلّى الناصرة وجا وسكن في كفرناحوم الّتي هي حدا البحر في حدود زبولون ونفتاليم. 14 باش يوفى الّتي انقال بإشعيا النبي كيقول: 15 ارض زبولون وأرض نفتاليم على طريق البحر لهيه من الاردن جليل الجنوس. 16 الناس الّتي جالسين في الظلام سافوا ضوّ كبير. والّتي جالسين في بلاد الموت وظلّها شرق عليهم الضو. 17 من داك الوقت بدا يسوع كيوعّظ وكيقول توبوا على حق اش قربت ملاكة السماوات. 18 وحين كان يسوع ماشي حدا بحر الجليل شاف زوج د الخوت سمعان الّتي كيقولوا له بطرس وأندراوس خاه كيسيّبوا واحد الشبكة في البحر على حق اش كانوا حوّاة. 19 وقال لهم: اتبعوني وأنا نجعلكم تصيّدوا الناس. 20 وفي الحين خلاّوا الشباك وتبعوه. 21 وداز من تمّ وشاف زوج د الخوت اخرين يعقوب بن زبدي ويوحنا اخاه في السفينة مع زبدي ابوهم كيصلحوا شباكهم وعييط لهم. 22 وفي الحين خلاّوا السفينة وابوهم وتبعوا. 23 وكان يسوع كيدور في الجليل كلّهُ كيعلّم في جوامعهم وكيخبر بإنجيل الملائكة وكيشاف كلّ مرض وكلّ ضعف في الناس. 24 وشاع خبره في سورّية كلّها. وجابوا له جميع المرضى الّتي معدّبين اللامراض والاوراجاع على كلّ رهط والمجنونين والمرياحين والّتي فيهم بوفالج وشافهم. 25 وتبعوه جماعات كبار من الجليل والعشر المدن وأورشليم واليهوديّة ومن الاردن لهيه.

- 1 ومن اين شاف الناس بالزّاف ، طلع للجبل. وحين جلس جاوا لعنّده تلاميذه. 2 وفتح فمّه وعلمهم كيقول. 3 مبروكين المساكين في الروح. على حق اش ديالهم ملاكة السماوات. 4 مبروكين اليّ كيبكيوا. على حق اش همّيتفرّحوا. 5 مبروكين المتواضعين. على حق اش هم يورتوا الارض. 6 مبروكين اليّ كيجوعوا وكيعطشوا على التقوى. على حق اش هم يشبعوا. 7 مبروكين الرّحما. على حق اش هم يتّرحموا. 8 مبروكين الصافيين القلب. على حق اش يشوفوا الله. 9 ومبروكين اليّ كي عملوا الصلح. على حق اش يتسمّوا أولاد الله. 10 مبروكين اليّ كي ترمدوا على سبب التقوى. على حق اش ديالهم ملاكة السماوات. 11 مبروكين أنتم حين يعايروكم ويمردوكم ويقولوا فيكم كلّ كلمة قبيحة بالكدوب على سببي أنا. 12 افرحوا وانشطوا. على حق اش أجركم كبير في السماوات. على حق اش هكدا مرمدا الانبيا اليّ كانوا قبل منكم.
- 13 أنتم ملح الارض. ولاكن إذا فسد الملح وباش يتملّح. ما بقى يصلح حتّى لشي غير يتسيّب على براّ ويتّعفس بالناس. 14 أنتم ضوّ الدنيا. ما تقدر شي تتخبّع واحد المدينة مبنية على الجبل. 15 وما كيشعلوا شي الضوّ وينزلوه تحت العبر لآكن على الحسكة ويضوي على جميع اليّ هم في الدار. 16 وخليوا ضوكم يضوي هكدا قدام الناس باش يشوفوا أعمالكم الملاحويمجّدوا ابوكم اليّ في السماوات.
- 17 لا تظنّوا شي باين أنا جيت باش نطيح الشرع أو الانبيا. ما جيت شي باش نطيح لآكن باش نكمّل. 18 لآنه بالحق نقول لكم حتّى يزول السما والارض ما يزول حرف واحد أو نقطة واحدة من الشرع حتّى ينكمّل كلّ شي. 19 والي يبطلّ واحدة من هده الوصايات الصغار ويعلم الناس هكدا يتسمّى الصغير في ملاكة السماوات. واما اليّ يعمل ويعلم بهم هدا يتسمّى كبير في ملاكة السماوات. 20 على حق اش نقول لكم إذا ما تزيد شي التقوى ديا لكم على التقوى دالكتاب والفريسيين ما تدخلوا شي لملاكة السماوات بالكلّ.
- 21 سمعتوا باين انقال للناس دالزمان: لا تقتل شي. والي يقتل واجب عليه الحكم. 22 واما أنا كنقول لكم باين كلّ واحد اليّ يغضب على اخاه بلا سبب واجب عليه الحكم. والي يقول لآخاه: “راقا” واجبة عليه الجماعة. والي يقول: يا أحق واجبة عليه نار جهنّم. 23 وإذا جبت هديتك للمديح وتمّ تفكرت باين اخاك عنده شي حاجة عليك 24 خلي تمّ هديتك قدام المديح وسير في الاول وتصلح مع اخاك. وداك الوقت أجي تقدّم هديتك. 25 توافق مع صاحب دعوتك دغيا ما حدكّ معه في الطريق. عندك يدفعك صاحب دعوتك للقاضي ويدفعك القاضي للمخزني وتتسيّب في الحبس. 26 بالحق نقول لك ما تخرج شي من تمّ حتّى تخلّص الفلس الاخر.

27 سمعتوا باين انقال للناس دالزمان: لا تزني شي. 28 واما أنا كنقول لكم باين كل واحد الي يشوف في شي امراة باش يشتهاها هو زنى بها في قلبه. 29 وإذا كانت عينك داليمين كتعترك قلعهها وسيبها عليك. على حق اش خير لك باش ينهلك واحد من اطرافك وما يتسيب شي جسدك كله في جهنم. 30 وإذا كانت يدك داليمين كتعترك اقطعها وسيبها عليك. على حق اش خير لك باش ينهلك واحد من اطرافك وما يتسيب شي جسدك كله في جهنم.

31 وانقال: الي يطلّق امرأته لازم يعطيها كاغط الطلاق. 32 واما أنا كنقول لكم باين الي يطلّق امرأته على شي سبة من غير الزنا كي عملها تزني. والي يتزوج بالمطلقة هو كيزني.

33 تاني سمعتوا باين انقال للناس دالزمان: لا تحنت شي لآكن أوفي للرب حلوفك. 34 واما أنا كنقول لكم لا تحلفوا شي بالكل. لا بالسما على حق اش هو كرسي الله. 35 ولا بالارض على حق اش هي موضع رجلية. ولا بأورشليم على حق اش هي مدينة السلطان الكبير. 36 ولا تحلف شي براسك على حق اش ما تقدر شي ترد شعرة واحدة بيضا أو كحلا. 37 لآكن يكون كلامكم إيه إيه، لا لا. والي يتزاد على داك الشي هو من القبيح.

38 سمعتوا باين انقال: العين بالعين والسنّ بالسنّ. 39 واما أنا كنقول لكم لا تعارضوا شي الشر. لآكن الي طرشك على خدك داليمين دور له الاخر تاني. 40 والي بغى يدعيك ويدي لك قفطانك خليه يدي السلهام تاني. 41 والي كلف عليك تمشي ميل واحد، سير معه زوج. 42 الي طلب لك اعطيه. والي بغى يسلف منك لا تردّه شي.

43 سمعتوا باين انقال: تحب جارك وتبغض عدوك. 44 واما أنا كنقول لكم: حبوا عديانكم. باركوا للي كيخطبوا فيكم. اعملوا الخير في الي كيبلغضوكم. واطلبوا الخير على الي كيتقبحوا عليكم وكيمرمدوكم. 45 باش تكونوا أولاد ابوكم الي في السماوات. على حق اش هو كيامر شمسّه تشرق على القبايح وعلى الملاح وكيعطي الشتا للتقيين وللظالمين 46 لآنه إذا حببوا الي كيحبوكم أش من أجر عندكم؟ واش ماشي النكاسة تاني كي عملوا داك الشي؟ 47 وإذا سلّمتموا على اخوتكم وكان، أش كتعملوا أكثر من اخرين؟ واش ماشي النكاسة تاني كي عملوا هكدا؟ 48 وكونوا انتم كاملين بحال ابوكم الي في السماوات هو كامل.

الفصل السادس

1 ردّوا بالكم لاتعملوا صدقتكم قدام الناس باش يشوفوكم. أو ما يكون لكم أجر عند ابوكم الي في السماوات. 2 ومن اين تعمل شي صدقة لاتضرب شي قدامك بالغیطة بحال ما كي عملوا المنافقين في

الجوامع وفي الزناقي باش يمجّدوهم الناس. بالحقّ نقول لكم باين هم حازوا أجرهم. 3 واما انت من اين تعمل شي صدقة لا تخبر شي شمالك ب اليّ كتعمل يمينك. 4 باش تكون صدقتك في الخفا. وابوكم اليّ كيشوف في الخفا هو يجازيك ظاهر.

5 ومن اين تصلي لا تكون شي بحال المنافقين. على حق اش هم كيحبّوا يصلّوا واقفين في الجوامع وفي قنوت الزناقي باش يظهروا للناس. بالحقّ نقول لكم باين هم حازوا أجرهم. 6 واما انت من اين تصلي ادخل لببتك وشدّ الباب وصلي لابوك اليّ في الخفا. وابوك اليّ كيشوف في الخفا يجازيك ظاهر. 7 وحين تصلّوا لا تعودوا شي الكلام باطل بحال ما كي عملوا الجنس. على حق اش هم كيظنّوا باين بكترة كلامهم يستاجب لهم. 8 ولا تكونوا شي بحالهم. لانه ابوكم كي عرف اليّ كتحتاحوه قبل ما تطلبوا له.

9 وصلّوا انتم هكدا. ابونا اليّ في السماوات. يتقدّس اسمك. 10 تجي ملاكتك. ينعمل خاطرك بحال ما هو في السما كدالك على الارض. 11 خبزنا اليّ يكفيننا اعطيه لنا اليوم. 12 واسمح لنا في د يوننا بحال ما كنسمحوا احنا تاني لليّ كنسالوا لهم. 13 ولا تدخلنا شي في التجربة. لكان نجينا من القبيح. لانه دياك الملائكة والقوّة والمجد على الدوام. امين. 14 على حق اش اذا تسمحو للناس في عيوبهم يسمح لكم تاني ابوكم السماوي. 15 واذا ما تسمحو شي للناس في عيوبهم ما يسمح لكم شي ابوكم تاني في عيوبكم.

16 ومن اين تصوموا لا تكونوا شي معبّسين بحال المنافقين على حق اش هم كيبدّلوا وجوههم باش يظهروا للناس صايمين. بالحقّ نقول لكم باين هم حازوا أجرهم. 17 واما انت من اين تصوم ادهن راسك واغسل وجهك. 18 باش ما تظهر شي للناس صايم لكان لابوك اليّ في الخفا. وابوك اليّ كيشوف في الخفا يجازيك ظاهر.

19 لا تخزنوا شي لانفوسكم الدخاير على الارض فاين كتفسدّهم التنية والصدّا وفاين كيتقبّوا السرّاق ويسرقوا. 20 لكان اخزنوا الانفوسكم الدخاير في السما فاين ما تفسدّهم لا تنية ولا صدّا وفاين ما يتقبّوا شي السرّاق ولا يسرقوا. 21 على حق اش فاين تكون دخيرتك تمّ يكون قلبك تاني. 22 ضوّ الجسد هو العين. واذا كانت عينك صافية جسّدك كلّهُ يكون ضاوي. 23 واذا كانت عينك قبيحة جسّدك كلّهُ يكون مظلام. واذا كان الضوّ اليّ فيك ظلام قدّ اش يكون داك الظلام!

24 ما يقدر احد يخدم زوج دالاسياد. لانه إما يبغض واحد ويحبّ الاخر أو يقابل واحد ويحقر الاخر. ما تقدروا شي تخدموا الله والمال. 25 على داك الشي نقول لكم لا تخمّموا شي على حياتكم أش تاك لوا واش تشربوا. ولا على اجسادكم أش تلبسوا. واش ماشي الحياة افضل من الماكلة والجسد افضل

من الل باس؟ 26 شوفوا طيور السما. ما كيزرعوا ولا كيحصدوا ولا كيجمعوا في الخزائن وابوكم السماوي كيقتلهم. واش ما انتم شي افضل منهم بالزاف؟ 27 واشكون منكم إذا يخمم يقدر يزيد على طولهُ دراع واحد؟ 28 وعلاش كتخمموا في الل باس؟ تنابهاوا ل سوسانات الفدان كيف كيكبروا. ما كيخدموا ولا كيغزلوا. 29 ولاكن نقول لكم حتى سليمان في عزهُ كامل ما كان شي لابس بحال واحدة من هدو. 30 وإذا كان ربيع الفدان الي ينصاب اليوم ويتسيب غدا في الفران كيلبسهُ الله هكدا اعساك انتم كيف ما يلبسكم شي يا قلالين الايمان. 31 على داك الشي لا ترفدوا شي الهم وتقولوا أش ناكلوا أو أش نشربوا أو أش نلبسوا؟ 32 على حق اش على هذا الشي كلهُ كيفتشوا الجنوس. لانه ابوكم السماوي كيعرف باين انتم كتحتاجوا هذا الشي كلهُ. 33 لاكن فتشوا في الاول على ملاكة الله والتقوى دبالهُ وهذا الشي كلهُ يت زاد لكم. 34 ولا ترفدوا شي الهم لغدا. على حق اش غدا يرفد الهم لنفسهُ. النهار يكفيه شرهُ.

الفصل السابع

1 لا تحكموا شي باش ما تنحكموا شي. 2 على حق اش بالحكم الي به تحكموا تنحكموا. وبالعبر الي به تعبروا يتعبر لكم. 3 وعلاش كتشوفوا الهيشرة الي في عين اخاك؟ ولاكن الخشبة الي في عينك ما كتفطن شي بها. 4 وكيف تقول لآخاك: خاليني نخرج الهيشرة من عينك وها الخشبة في عينك؟ 5 يا المنافق خرج في الاول الخشبة من عينك. وعاد تشوف مسقم باش تخرج الهيشرة من عين اخاك. 6 لا تعطيو شي الي مقدس للكلاب. ولا تسيبوا جوهركم قدام الحلاف. عندكم يعفسوه برجليهم ويدوروا ويفرسوكم.

7 اطلبوا ينعطى لكم. فتشوا تصيبوا. دقوا ينفتح لكم. 8 من حيث كل واحد الي يدق ينفتح له. 9 أو اش من ر جل فيكم إذا طلب له ولده خبزة يعطي له حجرة؟ 10 وإذا طلب له حوتة واش يعطي له حية؟ 11 وإذا كنتوا كتعرفوا تعطيو لاولادكم المعطيات المزيانيين وانتم قباج اعساك ابوكم الي في السماوات واش ما يعطي شي الخيرات للي يطلبوا له؟ 12 وكل ما بغيتوا يعملوا الناس لكم اعمالوا هكدا انتم تاني لهم. على حق اش هذا هو الشرع والانبيا.

13 ادخلوا من الباب الضيقة. على حق اش واسعة الباب وعريضة الطريق الي كتدي للهليكة. وبالزاف هم الي كيدخلوا منها. 14 على حق اش ضيقة الباب ومحصورة الطريق الي كتدي للحياة. وقال هم الي كيصيبوها.

15 ردوا بالكم من الانبيا الكدابين الي يجيوكم في ل باس الغنم ولاكن من داخل هم دياب خطافة. 16 من غلتهم تعرفوهم. واش كيحنوا العنب من الشوك أو الكرموس من الجرنيج؟ 17 هكدا

كلّ شجرة جيّدة تجيب غلّة جيّدة. ولاكن الشجرة الخايبة تجيب غلّة خايبة. 18 ما تقدر شي واحد الشجرة جيّدة تجيب غلّة خايبة ولا شجرة خايبة تجيب غلّة جيّدة. 19 كلّ شجرة الّي ما تجيب غلّة جيّدة تتقطّع وتتسيّب في العافية. 20 وهكذا من غلّتهم تعرفوهم.

21 ماشي كلّ واحد الّي كيقول لي يا ربّ يدخل ملاكة السماوات. لاكن الّي كي عمل خاطر ابي الّي في السماوات. 22 بالزّاف ماشيين يقولوا لي في داك النهار: يا ربّ، يا ربّ، واش ماشي باسمك كاشفنا وباسمك خرّجنا الجنون وباسمك عملنا عجائب كتار؟ 23 وداك الوقت نقول لهم ظاهر: عمري ما عرفت كم. سيروا عليّ، يا فاعلين الشرّ.

24 وكلّ واحد الّي يسمع هذا الكلام ديالي ويعمل بهُ نشبّه بواحد الرجل بعقله الّي بنى داره على الحجر. 25 وطاحت الشتا وجاوا الويدان ونفخوا الارياح ودفّعوا على ديك الدار وما طاحت شي. حيث كانت ملّسة على الحجر. 26 وكلّ واحد الّي يسمع هذا الكلام ديالي وما يعمل شي بهُ يتشبّه بواحد الرجل احمق الّي بنى داره على الرمل. 27 وطاحت الشتا وجاوا الويدان ونفخوا الارياح ودفّعوا على ديك الدار وطاحت. وكانت طيحتها كبيرة.

28 ومن اين كمّل يسوع هذا الكلام تعجّبوا الجماعات من تعليمه. 29 حيث كان كيعلّمهم بحال واحد الّي عنده القدرة وماشي بحال الكتّاب.

الفصل التامن

1 ومن اين هوّد من الجبل تبعوه جماعات كبار. 2 ورا واحد المبراص جا وسجد له كيقول: يا ربّ، إدا بغيت تقدر تصفيّني. 3 ومدّ يسوع يده ومسّه كيقول: أنا بغيت. كون صافي. وفي الحين صفا البرص دياله. 4 وقال له يسوع: ش فلا تقول لاحد. لاكن سير تورّي نفسك للكهون واعطي الهدية الّي أمر بها موسى شهادة لهم.

5 ومن اين دخل يسوع لك فرناحوم جا لعنده واحد قايد المية كيطلب له 6 كيقول: يا سيدي، عبدي طايح في الدار ببو فالج معدّب بالزّاف. 7 وقال له يسوع: أنا نجّي ونشافيه. 8 وجاوب قايد المية وقال: يا سيدي، أنا ما نستاهل شي باش تدخل تحت السقف ديالي. لاكن غير ق ل واحد الكلمة ويبرا عبدي. 9 على حق اش أنا تاني واحد الرجل تحت الكلمة. عندي العسكر تحت يدي. نقول لهذا: سير ويمشي وللاخر اجي ويجي ولعبيدي اعمل هذا الشي ويعمله. 10 وحين سمع يسوع تعجّب. وقال للّي تابعينه: بالحق نقول لكم ما صبت إيمان قدّ هذا الشي حتّى في إسرائيل. 11 ونقول لكم باين ناس بالزّاف ماشيين يجيوا من الشرق والغرب ويجلسوا مع إبراهيم وإسحاق وي عقوب في ملاكة

السموات. 12 وأما أولاد الملاكَة يتسبّبوا في الظلام على برّا. تمّ يكون البكا وتعزيز السنان. 13 وقال يسوع لقايد المية: سير وبحال ما امنتّ يكون لك. وبرا عبده في ديك الساعة.

14 ومن اين جا يسوع لدار بطرس شاف نسيبته راقدة ومريضة بالحمّى. 15 ومسّ يدها وطلقت ها الح مّى. وقامت وتسخرت عليهم. 16 وحين جات العشية جابوا له بالزّاف دالمجنونين. وخرّج الجنون بكلامه وجميع المرضى شافهم. 17 باش يوفى اليّ انقال بإشعيا النبي كيقول: هو إدّى علاّتنا ورفد أمراضنا.

18 ومن اين شاف يسوع جماعات كبار دايرين به أمر يمشيوا للديزة الاخرى. 19 وجا واحد الكاتب وقال له: يا المعلم، نتبعك فاين ما مشيت. 20 وقال له يسوع: التعالب عندهم الغيران وطيور السما عندهم الاعشاش. وأما ابن الانسان ما عنده فاين يسند رأسه. 21 وقال له واحد اخر من تلاميذه: يا سيدي، خلّيني نمشي في الأوّل وندفن ابوي. 22 وقال له يسوع: اتبعني وخليّ الميتّين يدفنوا الموتى ديالهم.

23 ومن اين دخل للسفينة تبعوه تلاميذه. 24 ورا واحد الفرتونة عظيمة وقعت في البحر حتّى تغطات السفينة بالامواج. وكان هو ناعس. 25 وجاوا تلاميذه وفيّقوه كيقولوا: يا ربّ، نجّينا را احنا ماشيين ننهلكوا. 26 وقال لهم: مالكم خايفين يا قلاّين الايمان. داك الوقت قام ونهض في الارياح والبحر وولاتّ واحد الهدنة كبيرة. 27 وتعجّبوا الناس كيقولوا: اشكون هو هذا حتّى كيطيعوا له الارياح والبحر؟

28 ومن اين جا للديزة الاخرى لبلاد الجرج سيّين تلاقاواه زوج دالمجنونين خارجين من القبور هايجين بالزّاف حتّى ما قدر احد يدوز من ديك الطريق. 29 ورا هم غوّتوا كيقولوا: أش بيننا وبينك يا يسوع ابن الله؟ واش جيتّ لهنا قبل الوقت باش تعدّبنّا؟ 30 وكانت بعيدة منهم واحد الدولى كبيرة دالحالاف كترعى. 31 والجنون طلبوا له كيقولوا: إذا خرّجت نا خلّينا ندخلوا في الدولى دالحالاف. 32 وقال لهم: سيروا. وخرجوا ودخلوا في الدولى دالحالاف. ورا الدولى دالحالاف كلّها جرات بالجهد مع الحدودرة للبحر وماتت في الما. 33 واليّ كانوا سارحينها هربوا ومشوا للمدينة وخبروا بكلّ شي وباليّ وقع للمجنونين. 34 ورا المدينة كلّها خرجت باش تتلاقى يسوع. ومن اين شافوه طلبوه يمشي من حدودهم.

- 1 ودخل للسفينة وقطع وجا لمدينته. 2 ورا واحد الرجل فيه بو فالج جابوه له راقد على الفراش. ومن اين شاف يسوع إيمانهم قال للي فيه بو فالج: كون هاني. مغفورين لك دنوبك. 3 ورا شي ناس من الكتاب قالوا في أنفسهم: هذا كيكفر. 4 وعلم يسوع على تخميمهم وقال: علاش عندكم تخميمات قباج في قلوبكم؟ 5 أمّا أسهل فيهم، ينقال مغفورين لك دنوبك أو ينقال قوم تمشي؟ 6 ولاكن باش تعرفوا باين ابن الانسان عنده القدرة على الارض باش يغفر الدنوب. داك الوقت قال للي فيه بو فالج: قوم، ارفد فراشك وسير لدارك. 7 وقام ومشى لداره. 8 والجماعات من اين شافوا تغجبوا ومجدوا الله الي اعطى للناس القدرة بحال هده. 9 وحين كان يسوع دايز من تم شاف واحد الرجل جالس في موضع الاعشار اسمه متى. وقال له: اتبعني. وناض وتبعه. 10 وحين كان جالس في الدار كياكل را النكاسة والمدنبيين بالزاف جاوا وجلسوا مع يسوع وتلاميذه. 11 ومن اين شافوا الفرّيسيين قالوا لتلاميذه: علاش كياكل الفقيه دياكم مع النكاسة والمدنبيين؟ 12 ومن اين سمع يسوع قال لهم: الي هم صحاح ما كيحتاجوا شي الطبيب لاكم الي هم مراض. 13 وسيروا وتعلموا المعنى د هدا الشي. أنا كنبي الرحمة ماشي الديحة. على حق اش أنا ما جيت شي باش نعيظ على التقيين لاكم على المدنبيين يتوبوا.
- 14 داك الوقت جاوا لعنده تلاميذ يوحنا كيقولوا: علاش كنصوموا بالزاف احنا والفرّيسيين واما تلاميذك ما كيصوموا شي؟ 15 وقال لهم يسوع: واش يقدرنا الناس دالعرس يبيكوا ما حدّ العريس معهم؟ ولاكن يجيوا الايام حين يتحيّد عليهم العريس عاد يصوموا. 16 حتّى واحد ما كي عمل شي رقعة من توب جديد على كسوة بالية. حيث الرقعة تدّي من الكسوة وتولي القطعة اقبح من الي كانت. 17 وما كي عملوا خمر جديد في جلود باليين باش ما يتقطّعوا الجلود والخمر ينهرق والجلود يفسدوا. لاكم كي عملوا الخمر الجديد في الجلود الجدد وينصانوا بزواج.
- 18 وحين كان كيتكلّم معهم بهذا الشي را واحد الحاكم جا وسجد له كيقول بنتي دابّ عاد ماتت. لاكم اجي تحطّ يدك عليها وتحيا. 19 وقام يسوع وتبعه هو وتلاميذه. 20 ورا واحد المرأة مريضة بتجربة الدمّ مدّة من اطاشر سنة جات من موراه ومسّت هدوب كسوته. 21 على حق اش هي قالت في نفسها: إذا مسّيت غير كسوته نتشافى. 22 ودار يسوع وشافها وقال: كوني هانية يابنتي. إيمانك هو الي شافاك. وتشافات المرأة من ديك الساعة. 23 ومن اين جا يسوع لدار الحاكم وشاف الغياطة والناس كيغوتوا 24 قال لهم: وسّعوا. على حق اش البنّت ما هي شي ميّنة لاكم هي ناعسة.

وضحكوا عليه بالزّاف. 25 ومن اين خرّج الناس دخل وقبضها من يدها. وقامت البنت. 26 وشاع هذا الخبر في ديك الارض كلّها.

27 وحين كان يسوع دايز من تمّ تبعوه زوج د العميانين كيغوتوا وكيقولوا: ارحمنا يا ابن داود.

28 ومن اين دخل للدار جاوا لعنّده العميانين. وقال لهم يسوع: واش كتأمّنوا باين نقدر نعمل هذا

الشي؟ قالوا له: إيّه، يا ربّ. 29 داك الوقت مسّ عينيهم وقال: على قدّ إيمانكم يكون لكم. 30

وانفتحوا عينيهم. ووصّاهم يسوع بالتوكيد كيقول: شوفوا لا تخبروا احد! 31 ولاكن هم خرجوا وشهّروه في ديك الارض كلّها.

32 وحين كانوا خارجين را واحد الزيزون مجنون جابوه له. 33 ومن اين تخرّج الجنّ تكلمّ

الزيزون. وتعجّبوا الجماعات كيقولوا: عمرُ بحال هذا الشي ما ظهر في إسرائيل! 34 وإمّا الفرّيسيّين

قالوا: بسلطان الجنون كيخرّج الجنون.

35 وكان يسوع كيدور في المدّن كاملين والدشور كيعلّم في جوامعهم. وكيخبر بإنجيل الملائكة.

وكيشافي كلّ مرض وكلّ ضعف في الناس. 36 ومن اين شاف القوم بالزّاف حنّ عليهم حيث كانوا

حيرانين ومشتتّين بحال الغنم بلا راعي. 37 داك الوقت قال لتلاميذه: الحصاد كثير ولاكن الخدّامة

قلال. 38 على داك الشي اطلبوا من ربّ الحصاد يسيّط الخدّامة لحصّاده. بغاوا الاخرين يفرضوا

على المسيح وتلاميذه الدين دياهم. ولاكن بهذا المتل بيّن المسيح باين هذا الشي مستحيل على حق اش

الايمان به ما مأسّس شي على الطاعة لفرائض الشرع ولاكن على التّقة بالّي عمل المسيح على سببنا

على الصليب وفي القيامة دياله من الموت. في هذا المتل، يعني، الايمان به هو الخمر الجديد الّي كيفسّد

الدين إذا حاولت تخلّطهم وكيضيعوا بزواج بهم.

الفصل العاشر

1 وعيّط لتلاميذه باطناش واعطاهم القدرة على الجنون المنجوسين باش يخرجوهم ويشافيوا كلّ

مرض وكلّ ضعف. 2 واسميّات الطناشر رسول هم هدو. الاوّل سمعان الّي كيقولوا له بطرس وأندراوس

اخاه. يعقوب بن زبدي ويوحنا اخاه. 3 فيلبّس وبرثولماوس. توما ومثّي العشّار. يعقوب بن حلفي

ولبّاس الّي مكّني تدّاوس. 4 سمعان القانوي ويهوذا الاسخاريوطي الّي باعه.

5 هدو الطناشر سيفطهم يسوع ووصّاهم كيقول: في طريق الجنوس لا تمشيوا شي ولشي مدينة د

السامريين لا تدخلوا شي. 6 لاكن سيروا لغنم دار إسرائيل الّي متلوفة. 7 وحين تكونوا ماشيين بشّروا

وقولوا: قرّبت ملاكة السماوات. 8 شافيوا المرضى. صفيوا المبراصين. قيّموا الموتى. خرّجوا الجنون.

باطل قبلتوا باطل تعطيتوا. 9 لا توجّدوا لا ذهب ولا نقرة ولا نحاس في حزاماتكم. 10 ولا مزود للطريق ولا زوج د الكساوي ولا نعايل ولا عكاز. على حق اش الخدّام كيستاهل ماكوّله.

11 وكلّ مدينة أو قرية الّي تدخلوا لها فتشوا على الّي فيها كيستاهل. واجلسوا تمّ حتّى

تخرجوا. 12 وحين تدخلوا للدار سلّموا عليها. 13 وإذا كانت الدار مستاهلة يجي سلامكم عليها. ولاكن إذا ما كانت شي مستاهلة يرجع لكم سلامكم. 14 والّي ما يقبلكم شي ولا يسمع كلامكم اخرجوا على برّا من ديك الدار أو من ديك المدينة وانفضوا الغبرة من رجلينكم. 15 بالحقّ نقول لكم حالة أرض سدوم وعمورة تكون في يوم الدين اسهل من حالة ديك المدينة.

16 هاني كنسيفطكم بحال الغنم في وسط الدياب. وكونوا بعقلكم بحال الحيات وبلا ضرر بحال الحمام. 17 ولاكن ردّوا بالكم من الناس. على حق اش يدفعوكم للجماعات وفي جوامعهم يعصّيوكم. 18 ويديّوكم لقدّام العمّال والسلّاطين على سببي شهادة لهم وللجنوس. 19 وحين يدفعوكم لا تخمّموا شي كيف أو باش تتكلّموا. على حق اش ينعطى لكم في ديك الساعة باش تتكلّموا. 20 من حيث ماشي انتم الّي كتتكلموا لاكن روح ابوكم الّي كيتكلّم فيكم. 21 والحو ماشي يدفع اخاه للموت والبو ولدّه. ويقوموا الاولاد على والديهم ويقتلوهم. 22 وتكونوا مبغوضين عند الناس كاملين على سبب اسمي. ولاكن الّي يصبر حتّى للتمام هداك ينجا. 23 وحين يمرمدوكم في هذه المدينة اهربوا للاخرى. على حق اش بالحقّ نقول لكم ما تكملّوا شي مدّن إسرائيل حتّى يجي ابن الانسان

24 التلميذ ما هو شي اكثر من الفقيه ديالّه ولا العبد اكثر من سيّدّه. 25 بركة على التلميذ إذا

كان بحال الفقيه ديالّه والعبد بحال سيّدّه. إذا كنّاوا مول الدار بعلزبول اعسّاك اهل دارّه. 26 ولا تخافوا شي منهم. على حق اش ما كاين حتّى شي مغطيّ الّي ما يتعرّى شي ولا مخبّع الّي ما ينعرف شي. 27 الّي نقوله لكم في الظلام قولوه في الضو. والّي كتسمعوه في الادن برّحوا به على السطوح. 28 ولا تخافوا شي من الّي كيقتلوا الجسد وأمّا النفس ما يقدرّوا شي يقتلوها. لاكن خافوا من الّي يقدر يهلك النفس والجسد بزواج في جهنّم. 29 واش ما كينباعوا شي زوج دالبراطل بفلس؟ وحتّى واحد منهم ما يطيح شي للارض بلا ابوكم. 30 وأمّا انتم حتّى شعرات روسكم كاملين معدودين. 31 ولا تخافوا شي. انتم افضل من بالزّاف د البراطل. 32 وكلّ واحد الّي يستقرّ بي قدّام الناس نستقرّ به أنا ثاني قدّام ابي الّي في السماوات. 33 ولاكن الّي ينكرني قدّام الناس ننكره أنا ثاني قدّام ابي الّي في السماوات.

34 لا تظنّوا شي باين جيت باش نسيّط الصلح على الارض. ما جيت شي باش نسيّط الصلح

لاكن السيف. 35 على حق اش أنا جيت باش نفرق الرجل على ابوه والبنت على أمّها والعروسة على

عجوزتها. 36 وعديان الانسان هم اهل داره. 37 اليّ كىحبّ ابوه أو أمّه اكثر مَنّي ما يستاهلني شي.
واليّ كىحبّ ولده أو بنته اكثر مَنّي ما كىستاهلني شي. 38 والّي ما يرفد شي صليبه ويتبعني ما
يستاهلني شي. 39 اليّ يصيب حياته يضيّعها. والّي يضيّع حياته على سببي يصيبها. 40 اليّ يقبلكم
كىقبلني والّي يقبلني كىقبل اليّ سيفطني. 41 اليّ يقبل واحد النبي باسم واحد النبي الاجر د واحد
النبي يقبض. والّي يقبل واحد التقي باسم واحد التقي الاجر د واحد التقي يقبض. 42 والّي يشرب
واحد من هدو الصغار غير كاس د الما بارد باسم واحد التلميذ بالحق نقول لكم ما يضيع له شي أجره.

الفصل الحشاش

1 ومن اين كمل يسوع وصايته لتلاميذه باطناش مشى من تمّ باش يعلم ويبشّر في مدنهم. 2
ويوحنا من اين سمع في الحبس بأعمال المسيح، سيفظ زوج من تلاميذه. 3 وقال له: واش انت هو اليّ
ماجي أو نتسناوا واحد اخر؟ 4 وجاوب يسوع وقال لهم: سيروا تخبروا يوحنا بالّي كتسمعوا وتشوفوا.
5 العمى كيشوفوا والعرج كيمشيوا والمبراصين كيصفاوا والصومك كىسمعوا والميتين كيقوموا والمساكين
كىتخبروا بالانجيل. 6 ومبروك اليّ ما يعتر شي فيّ.
7 وحين كانوا هدو ماشيين بدا يسوع يقول للجماعات على يوحنا: أش خرجتوا للخلا تشوفوا؟
واش واحد القصة كىحرّكها الريح؟ 8 لآكن أش خرجتوا تشوفوا؟ واش شي رجل لابس كسوة رطبة؟ را
اليّ لابسين الكسوة الرطبة هم في ديار السلاطين. 9 لآكن أش خرجتوا تشوفوا؟ شي نبي؟ إيّه نقول لكم
وافضل من واحد النبي. 10 على حق اش هدا هو اليّ انكتب عليه: ها أنا كنسيفظ قدّام وجهك
مرسولي اليّ يوجّد طريقك قدّامك. 11 بالحق نقول لكم ما قام احد من بين اليّ اتولدوا من النسا اليّ
اكبر من يوحنا المعمدان. ولاكن الصغير في ملاكة السماوات هو اكبر منه. 12 ومن ايام يوحنا المعمدان
لدابّ ملاكة السماوات كتنبض بالآ هدا والمجتهدين كىخطفوها. 13 على حق اش جميع الانبيا
والشرع حتّى ليوحنا كاشفوا. 14 وإدا بغيتوا تقبلوا را هدا هو إيليا اليّ كان ماشي يجي. 15 اليّ عنده
الادنين باش يسمع، لا بدّ يسمع. 16 ولمن نشبه هدا الجيل؟ كيشبه لشي دراري جالسين في
الاسواق كيعيطوا لاصحابهم 17 ويقولوا: غيطننا لكم وما شطحتوا شي نوحننا لكم وما ندبتوا شي. 18
على حق اش جا يوحنا ما كياكل ولا كيشرب. وكيقولوا: فيه شي جنّ. 19 جا ابن الانسان كياكل
ويشرب. وكيقولوا را واحد الرجل وكال وشراب الخمر. صاحب النكاسة والم دن بين. والفهامة راها
تبرّات عند اولادها.

20 داك الوقت بدا يوبّخ المدّن الّلي انعملوا فيهم كترة العجائب دباله على حق اش هم ما تابوا

شي. 21 الويل لك يا كورزين. الويل لك يا بيت صيدا. من حيث لو كان انعملوا في صور وص يدا العجائب الّلي انعملوا فيكم لو كان تابوا زمان في الخيش والرماد. 22 ولاكن نقول لكم باين حالة صور وصيدا تكون في يوم الدين اسهل من حالتكم. 23 وانت، يا كفرناحوم الّلي معلية للسما ماشية تتسيبي لجهنّم. على حق اش لو كان انعملوا في سدوم العجائب الّلي انعملوا فيك لو كان بقات حتّى لليوم. 24 ولاكن نقول لكم باين حالة أرض سدوم تكون في يوم الدين اسهل من حالتكم.

25 في داك الوقت جاوب يسوع وقال نحمدك يا الاب ربّ السما والارض حيث خفيت هدا الشي على العقّال والفهّام وبينيته للصبيان. 26 نعم يا الاب حيث هكدا ظهر مزيان قدّامك. 27 كلّ شي اندفع لي من عند ابي. وما كاين احد الّلي كيعرف الابن من غير الاب. ولا كاين من يعرف الاب من غير الابن ولمن ما بغى الابن يبنيّه له. 28 اجيوا لعندي يا جميع المتعوبين والمتقلّين بالاحمال وأنا نعطيكم الراحة. 29 ارفدوا الزجلو دياالي عليكم وتعلّموا منّي. على حق اش أنا مسكين ومتواضع القلب. وتصيبوا الراحة لانفسكم. 30 لآته الزجلو دياالي ساهل وحلمي خفيف.

الفصل الطناش

1 في داك الوقت مشى يسوع في السبت بين الزروع. وجاعوا تلاميذه وبدّوا يقطعوا السبول وياكلوا. 2 والفريسيين من اين شافوا قالوا له: را تلاميذك كيعلّمو الّلي ما هو شي حلال ينعمل في السبت. 3 وقال لهم: واش ما قريتوا شي الّلي عمل داود حين جاه الجوع هو والّلي كانوا معه؟ 4 كيف دخل لبيت الله واكل خبز المعطى الّلي ما هو شي حلال عليه ياكله ولا على الّلي كانوا معه لاكن على الكوهنين وكان؟ 5 أو ما قريتوا شي في التوراة باين الكوهنين في السبت في بيت المقدس كيحرّموا السبت وهم باريين؟ 6 ولاكن نقول لكم، كاين هنا واحد اعظم من بيت المقدس. 7 ولو كان عرفتموا اش نه وهذا الشي "أنا بغيت الرحمة ماشي الدبيحة" لو كان ما حكمتوا شي على الّلي هم باريين. 8 على حق اش ابن الانسان هو ربّ السبت أنّيت.

9 ومشى من تمّ ودخل لجامعهم. 10 ورا واحد الرجل يدّه مبطولة. وسقّصاواه كيقلّوا: واش حلال الشفا في السبت؟ باش يشكيوا به. 11 وقال لهم: أش من إنسان فيكم الّلي يكون عنده خروف واحد وإذا طاح له نهار السبت في الحفرة واش ما يقبض شي فيه ويطلّعه؟ 12 والانسان افضل بالزّاف من الخروف. على داك الشي حلال ينعمل الخير في السبت. 13 داك الوقت قال للرجل: مدّ يدك. ومدّها. وولات صحيحة بحال الاخرى.

14 ومن اين خرجوا الفريسيين تشاوروا عليه باش يهلكوه. 15 وعرف يسوع ومشى من تمّ. وتبعوه ناس بالزّاف وشافاهم كاملين. 16 ووصّاهم لا يشهّروه شي. 17 باش يوفى اليّ نقال بإشعيا النبي كيقول: 18 را عبدي اليّ اخترته. حبيبي اليّ فرحت به نفسي. ننزل روعي عليه ويخبر الجنس بالحقّ. 19 ما يخاصم شي ولا يغوّت وما يسمع احد صوته في الزناقي. 20 واحد القصبة مشخّشة ما يهرّسها شي. وفتيلة مدخّنة ما يطفئها شي. حتّى يخرج الحقّ للغلب. 21 وفي اسمه يكون الرجا د الجنس.

22 داك الوقت جابوا له واحد المجنون اعمى وزيزون. وشافاه حتّى تكلم الزيزون وشاف. 23 ودهشوا الناس كلّهم وقالوا: واش ماشي هدا هو ابن داود؟ 24 واما الفريسيين من اين سمعوا قالوا: هدا ما كيخرج الجنون من غير ببعلزبول سلطان الجنون. 25 وعرف يسوع تخميمهم وقال لهم: كلّ ملاكة اليّ قايمة على بعضها تنخرب. وكلّ مدينة أو دار اليّ قايمة على بعضها ما تتبت شي. 26 وإذا كان الشيطان كيخرج الشيطان هو قايم على نفسه. وكيف تتبت ملاكته. 27 وإذا كنت أنا ببعلزبول كنخرج الجنون واولادكم، بمن كيخرجوهم؟ على داك الشي هم يحكموا عليكم. 28 ولاكن إذا كنت أنا بروح الله كنخرج الجنون راها جات ملاكة الله. 29 أو كيف يقدر شي احد يدخل لدار المجاهد وياكل متاعه إذا ما ربط شي المجاهد في الأوّل، وعاد ياكل داره؟ 30 اليّ ما هو شي من جهتي هو متعادي معي واليّ ما كيجمع شي معي هو كيشئت. 31 على داك الشي نقول لكم كلّ دنوب وكفر ينغفروا للناس. واما الكفر بالروح ما ينغفر شي للناس. 32 واليّ يتكلّم شي كلمة في ابن الانسان تنغفر له. واما اليّ يتكلّم في الروح القدس ما ينغفر له شي لا في هذه الدنيا ولا في اليّ ماجية. 33 اعملوا الشجرة جيّدة وغلّتها جيّدة. أو اعملوا الشجرة خايبة وغلّتها خايبة. على حق اش من الغلّة تنعرف الشجرة. 34 يا اولاد اللفاع، كيف تقدرؤا تتكلّموا بكلام مليح وانتم قباح؟ على حق اش من شياطة القلب كيتكلّم الفمّ. 35 الانسان المليح من الدخيرة المليحة د القلب كيخرج الامور الملاح. والانسان القبيح من الدخيرة القبيحة كيخرج الامور القباح. 36 ولاكن نقول لكم. كلّ كلمة خاوية اليّ يتكلّموا بها الناس ماشيين يعطيوا عليها الحساب في يوم الدين. 37 على حق اش بكلامك تكون بارئ وبكلامك تتعاقب.

38 داك الوقت جاوبوا شي ناس من الكتّاب والفريسيين وقالوا: يا الفقيه، بغينا نشوفوا منك واحد الامارة. 39 وجاوب وقال لهم: واحد الجيل قبيح وفاسق كيفتش على شي إمارة وما تنعطى له حتّى إمارة غير إمارة يونان النبي. 40 لانه بحال ما كان يونان في كرش الحوتة تلت ايام وتلت ليالي هكدا يكون ابن الانسان في قلب الارض تلت ايام وتلت ليالي. 41 الرجال د نينوى ماشيين يقوموا يوم الدين مع هذا الجيل ويتبتّوا فيه الحقّ. حيث هم تابوا بتبشير يونان. وها واحد اعظم من يونان هنا.

42 سلطانة الجنوب ماشية تقوم يوم الدين مع هذا الجيل وتتبت فيه الحق. على حق اش هي جات من حد الدنيا باش تسمع العلم د سليمان. وها واحد اعظم من سليمان هنا. 43 حين يخرج الجن المنجوس من الانسان كيدوز على المواضع الي ما فيهم شي الما كيفتش على الراحة وما كيصيبها شي. 44 داك الوقت يقول: نرجع لداري الي خرجت منها. ويجي ويصيبها خاوية ومشطبة ومزينة. 45 داك الوقت يمشي ويدي معه سبعة د الجنون اخرين اقبح منه ويدخلوا ويسكنوا تم. ويولي اخر داك الانسان اقبح من اوله. هكدا يكون ثاني لهذا الجيل القبيح.

46 ومن اين كان كيتكلم مع الناس، را أمه واخوته وقفوا على برا باغيين يتكلموا معه. 47 وقال له واحد: را أمك واخوتك واقفين على برا باغيين يتكلموا معك. 48 وجاوب الي تكلم معه وقال له: اشكون هي أمي واشكون هم اخوتي؟ 49 ومد يده لجهة تلاميذه وقال: ها أمي واخوتي. 50 لانه الي كي عمل خاطر ابي الي في السماوات هو اخي واختي وأمي.

الفصل التلطاش

1 في داك النهار خرج يسوع من الدار وجلس حدا البحر. 2 واتجمعوا عليه ناس بالزاف حتى دخل للسفينة وجلس. والناس كلها وقف ت على الشط. 3 وتكلم معهم بالزاف بالامثال كيقول: را الحرّات خرج باش يزرع. 4 وحين كان كيزرع طاح البعض على الطريق. وجاوا الطيور واكلوه. 5 وطاح اخر على المواضع المحجرين فاين ما كان له تراب بالزاف. ونبت دغيا حيث ما كان له غرق في التراب. 6 ولاكن من اين شرق ت الشمس انحرق. ومن حيث ما عنده عروق يبس. 7 وطاح اخر في وسط الشوك. وطلع الشوك وجيّفه. 8 وطاح اخر في الارض المزيانة. وجاب الحب. شي على مية مرة وشي على ستين وشي على ثلاثين. 9 الي عنده الادنين باش يسمع لا بد يسمع.

10 وجاوا التلاميذ وقالوا له: علاش كنتكلم معهم بالامثال. 11 وجاوب وقال لهم: على حق اش انعطى لكم باش تعرفوا أسرار ملاكة السماوات. وأما لهدوك ما انعطى شي. 12 على حق اش الي عنده ينعطى له ويتكتر له. وأما الي ما عنده شي را الي عنده يتزول له. 13 على داك الشي كنتكلم معهم بالامثال. على حق اش هم شايفين وما كيشوفوا شي وسامعين وما كيسمعوا شي ولا كيفهموا. 14 ووف ت فيهم مكاشفة إشعيا الي قالت: سامعين تسمعوا وما تفهموا شي وشايفين تشوفوا وما تميزوا شي. 15 على حق اش قلب هدو الناس غلاظ. وادنيهم تقالوا للسمع. وغمضوا عينيهم باش ما يشوفوا بعينيهم ويسمعوا بادنيهم ويفهموا بقلوبهم ويرجعوا وأنا نشافيهم. 16 ولاكن مبروكين عينيكم على حق اش كيشوفوا. وادنيكم من حيث كيسمعوا. 17 على حق اش بالحق نقول لكم، بالزاف د الانبيا

والتقيين بغاوا يشوفوا الي كتشفوه انتم وما شافوه شي. ويسمعوا الي كتسمعه انتم وما سمعوه شي.

18 واسمعوا انتم متال الحرّات. 19 من اين يسمع شي واحد كلام الملائكة وما يفهمه شي يجي القبيح ويخطف الي انزرع في قلبه. هذا هو الي مزروع على الطريق. 20 والمزروع على المواضع المحجّرين هو الي يسمع الكلام ودغيا يقبله بالفرحة. 21 ولاكن ما عنده عروق في نفسه لاكن يصبر غير شي مدّة، وحين يوقع شي ضيق أو تمرميدة على سبب الكلام دغيا يعتر. 22 والمزروع بين الشوك هو الي يسمع الكلام وهمّ هذه الدنيا وغرور المال كيحيّفوا الكلام وما يجيب شي الغلّة. 23 وأما المزروع على الارض المزيانة هو الي يسمع الكلام ويفهم. وهو الي يجيب الغلّة ويعمل شي على مية مرّة وشي على ستّين وشي على ثلاثين. 24 اعطاهم متال اخر كيقول: كتشبه ملاكة السماوات لواحد الانسان الي زرع زريعة مزيانة في فدائه. 25 ومن اين كانوا الناس ناعسين جا العدو دباله وزرع الخرطال في وسط القمح ومشى في حاله. 26 وحين كبر النبات وعمل الحبّ داك الوقت ظهر الخرطال تاني. 27 وجاوا عبيد مول الدار وقالوا له: يا سيدي، واش ماشي زريعة مزيانة زرعت في فدائك؟ ومن اين جاه الخرطال؟ 28 وقال لهم: شي رجل عدو عمل هذا الشي. وقالوا له العبيد: واش بغيتنا نمشيو ونجمعوه؟ 29 وقال: لا، عندكم تقلّعوا القمح مع الخرطال حين تكونوا كتجمعوه. 30 خليوهم يكبروا بزواج مع بعضهم حتّى للحصاد. وفي وقت الحصاد نقول للحصّادين: اجمعوا في الاول الخرطال واحزموه في الحزمات باش ينحرق. وأما القمح اجمعوه في خزيني.

31 اعطاهم متال اخر كيقول: كتشبه ملاكة السماوات لحبة د الخردل الي اداها واحد الرجل وزرعها في فدائه. 32 وهي الصغيرة في الحبوب كاملين. ولاكن حين تكبر هي الكبيرة في الربيع. وتولّي شجرة حتّى يجيو طيور السما ويتّاواوا في الفروع ديالها.

33 قال لهم متال اخر: كتشبه ملاكة السماوات لشي خميرة الي قبضتها واحد المرأة وخبعتها في ثلاثة د العبرات د الدقيق حتّى خمر الجميع. 34 هذا الشي كلّ به يسوع مع الجماعات بالامتال. وبلا متال ما كان شي كيتكلّم معهم. 35 باش يوفى الي انقال بالنبي كيقول: ماشي نفتح فمي بالامتال وننطق بأمر مخفيين من خلوق الدنيا.

36 داك الوقت سيفط يسوع الناس في حالهم ودخل للدار. وجاوا لعنده تلاميذه كيقولوا: فسّر لنا متال الخرطال د الفدان. 37 وجاوب وقال لهم: الي كيزرع الزريعة المزيانة هو ابن الانسان. 38 والفدان هو الدنيا. والزريعة المزيانة هي اولاد الملائكة. والخرطال هو اولاد القبيح. 39 والعدو الي زرعه هو إبليس. والحصاد هو اخر الدنيا والحصّادين هم الملائكة. 40 وبحال ما كينجمع الخرطال وكينحرق في العافية هكدا يكون في اخر هذه الدنيا. 41 يسيفط ابن الانسان ملايكته ويجمعوا من ملاكته جميع

الّي كيّعترّوا وكيعملّوا الشرّ. 42 ويسيّبّوهم في الكوشة د النار. تمّ يكون البكا وتغزير السنان. 43 داك الوقت يضوّيوا التاقيين بحال الشمس في ملاكة ابوهم. الّي عنده الادنين باش يسمع، لا بدّ يسمع.

44 تاني كتشبه ملاكة السماوات لواحد الكنز مخبّع في شي فدّان الّي جبرّه واحد الرجل وخبّعّه ومن الفرحة ديالّه مشى وباع كلّ ما عنده وشرى داك الفدّان. 45 تاني كتشبه ملاكة السماوات لواحد الرجل تاجر كيفتّس على جوهر مزيان. 46 ومن اين جبر جوهره واحدة تمنها كبير مشى وباع كلّ ما عنده وشرّاها. 47 تاني كتشبه ملاكة السماوات لواحد الشبكة مسيّبة في البحر وجامعة من كلّ شكل. 48 ومن اين تعمّرت طلّعوها على الشطّ وجلسوا وجمعوا المزيانيين في المواعن. وأمّا القباح سيّبوهم على برّا. 49 هكدا يكون في آخر الدنيا. يخرجوا الملايكة ويفرزوا القباح من بين التاقيين. 50 ويسيّبّوهم في الكوشة د النار. تمّ يكون البكا وتغزير السنان.

51 وقال لهم يسوع: واش فهمتوا هدا الشي كلّّه؟ وقالوا: إيّه، يا ربّ. 52 وقال لهم: على داك الشي كلّ كاتب قاري في ملاكة السماوات كيشبه لواحد الرجل مول شي دار كيخرّج من دخيرته أمور جد د وقدام. 53 ومن اين كمّل يسوع هدا الامتال مشى من تمّ.

54 وحين جا لبلاّده كان كيعلّمهم في جامعهم حتّى دهشوا وقالوا: من اين جا لهذا هدا الع لم والعجائب؟ 55 واش ماشي هدا هو ولد النجّار؟ ماشي أمّه اسمها مريم واخوته يعقوب ويوسي وسمعان ويهوذا؟ 56 واخواتاته واش ماشي هم كلّهم معنا؟ ومن اين جا لهذا هدا الشي كلّّه؟ 57 وكانوا كيّعترّوا فيه. وأمّا يسوع قال لهم: واحد النبي ما هو شي بلا وقار من غير في بلاّده وفي دارّه. 58 وما عمل تمّ عجائب كتار على سبب قلّة إيمانهم.

الفصل الاربعطاش

1 داك الوقت سمع هيرودس القايد بخبر يسوع. 2 وقال للمشاوريّة ديالّه: هدا هو يوحنا المعمدان. قام من الميتين وعلى داك الشي كينعملّوا فيه العجائب.

3 لآته هيرودس كان قبض يوحنا وكتّفه وسيّبه في الحبس على سبب هيروديا امرأة فيلبّس اخاه. 4 على حق اش يوحنا كان كييقول له: ما هو شي حلال تاخدها. 5 ومن اين بغى يقتله خاف من الناس. لآته كان عندهم بحال واحد النبي. 6 ولاكن حين جا ميلود هيرودس شطحت بنت هيروديا في الوسط وعجبت هيرودس. 7 على داك الشي عاهد بواحد الحلوف باين يعطيها كلّ ما طلبت. 8 وهي من حيث تقرّت من عند أمّها قالت: اعطيني هنا على واحد الصينيّة راس يوحنا المعمدان. 9 وتغبّن السلطان. ولاكن على سبب الحلوف والّي جالسين معه أمر ينعطى. 10 وسيفط وقطع راس يوحنا

في الحبس. 11 وجابوا رأسه في الصنيّة وانعطى للبنت. وجابته لأمها. 12 وجاوا تلاميذه ورفدوا الجسد ودفنوه. ومشاوا وخبروا يسوع.

13 ومن اين سمع يسوع بذاك الشي مشى من تمّ في السفينة لواحد الموضع خالي بوحده. وساقوا الناس الخبر وتبعوه على رجليهم من المدن. 14 وحين خرج يسوع شاف واحد الجماعة كبيرة وحنّ عليهم وشافى المرضى دياهم. 15 ومن اين جات العشية جاوا لعنده تلاميذه كيقولوا: الموضع خالي والحال مشى. سيفط الجماعات باش يمشيوا للدشور وشربوا لانفسهم ما ياكلوا. 16 وقال لهم يسوع: ما يحتاجوا شي يمشيوا. اعطيهم انتم ما ياكلوا. 17 وقالوا له: ما عندنا هنا غير خمسة د الخبزات وزوج د الحوتات. 18 وقال: جيبوهم لي لهذا. 19 وأمر الجماعات يجلسوا على الربيع. وقبض الخمسة د الخبزات والزوج د الحوتات وهزّ عينيه للسما وبارك وكسّر واعطى الخبزات للتلاميذ والتلاميذ للجماعات. 20 واكلوا كاملين وشبعوا. وجمعوا اليّ شاط من الكسور اطناشر قفّة معمّرة. 21 والي اكلوا كانوا مقدار خمس آلاف رجل دون النسا والدراري.

22 وفي الحين حصر يسوع على تلاميذه باش يدخلوا للسفينة ويسبقوه للديزة الاخرى حتّى يسيفط الناس في حالهم. 23 ومن مورا ما سيفط الناس طلع للحبل بوحده باش يصلي ومن اين جات العشية كان تمّ وحده. 24 واما السفينة كانت دابّ في وسط البحر معدّبة بالامواج. على حق اش الريح كان معكّس. 25 وفي القسمة الرابعة من الليل خلط عليهم يسوع ماشي على رجليه فوق البحر. 26 ومن اين شافوه التلاميذ ماشي على البحر دهشوا وقالوا باين هو شي روحاني. وغوّتوا من الخوف. 27 وفي الحين تكلم معهم يسوع وقال: كونوا هانيين. أنا هو. لا تخافوا شي. 28 وجاوبه بطرس وقال: يا ربّ، إذا كنت انت هو أمرني نجى لعندك على الماء. 29 وقال: اجي. ونزل بطرس من السفينة ومشى على الماء باش يجي لعند يسوع. 30 ولاكن من اين شاف الريح قوي خاف وحيث بدا يغرق غوّت كيقول: يا ربّ، نجّني. 31 وفي الحين مدّ يسوع يده وقبض فيه وقال له: يا قليل الايمان. علاش شكّيت؟ 32 ومن اين دخلوا السفينة تهدنّ الريح. 33 والي هم في السفينة جاوا وسجدوا له كيقولوا: بالتحقيق انت هو ابن الله!

34 ومن اين قطعوا جاوا لارض جنيسارت. 35 وعرفوه رجال داك الموضع. وسيفطوا لديق البلاد الدائرة كاملة وجابوا له جميع المرضى. 36 وطلبوا له يمسّوا غير هدوب كسوته. وجميع اليّ مسّوه تشافوا.

1 داك الوقت جاوا لعند يسوع الكتّاب والفرّيسيّين الّتي من اورشليم كيقلولوا: 2 علاش كيخرجوا تلاميذك على السنّة دالشيوخ؟ على حق اش ما كيغسلوا شي يديهم حين كياكلوا الخبز. 3 وجاوب وقال لهم: وانتم تاني علاش كتخرجوا على وصاية الله على سبب سنّكم. 4 على حق اش الله وصى كيقلول وقرّ ابوك وأمّك. والّتي يشتم في ابوه او أمّه لازم يموت الموت. 5 وأمّا انتم كتقلولوا الّتي يقول لابوه أو أمّه “هدية هذه الّتي تتنفع به منّي” وما يوقّر شي ابوه أو أمّه. 6 وبطلّتوا وصاية الله على سبب سنّكم. 7 يا المنافقين كاشف مليح عليكم إشعيا كيقلول: 8 كيقرّبوا لي هدو الناس بفمهم وكيوقّروني بشواربهم وأمّا قلبهم بعيد عليّ. 9 وباطل كيعدوني وهم كيعلّموا تعاليم الّتي هم وصايات الناس. 10 وعييط للناس وقال لهم: اسمعوا وافهموا. 11 ماشي الّتي كيدخل للفم كينجس الانسان. لادن الّتي كيخرج من الفم هذا الّتي كينجس الانسان. 12 داك الوقت جاوا تلاميذه وقالوا له: واش كتعرف باين الف رّيسيّين غضبوا من اين سمعوا هداكلام؟ 13 وجاوب وقال: كلّ غرس الّتي ما غرسه شي ابي السماوي ينقلع. 14 خليوهم. هم عمي قوّادين العمي. وإذا كان العمي كيقدّ العمى يطيحوا بزواج في حفرة. 15 وجاوب بطرس وقال له: فسّر لنا هدا المتال. 16 وقال يسوع: واش انتم تاني باقيين بلا فهم؟ 17 واش ما زالين ما فهمتوا باين كلّ شي الّتي يدخل للفم كيدوز لك رش وكيّتسيّب في الميضة؟ 18 وأمّا الّتي يخرج من الفم من القلب كيحي. وداك الشي كينجس الانسان. 19 على حق اش من القلب كيخرجوا تخميمات قبّاح؛ القتل، الزنى، الفسق، السرقة، شهادة الزور، الكفر. 20 هدو هم الّتي كينجسوا الانسان. وأمّا باش ياكل بيدين بلا غسيل ما كينجس شي الانسان. 21 وخرج يسوع من تمّ ومشى لنواحي صور وص يدا 22 ورا واحد المراة كنعانيّة جاية من دوك الجواية عيّطت له كتقول: ارحمني يا ربّ، يا ابن داود. بنتي مجنونة بالزّاف. 23 وما جاوبها حتّى بكلمة. وجاوا تلاميذه وطلبوا له كيقلولوا: سيفطها في حالها على حق اش هي كتغوّت من مورانا. 24 وجاوب وقال: أنا ما تسيفطت من غير لغنم دار إسرائيل الّتي متلوفة. 25 وجات وسجدت له كتقول: يا ربّ، عاونّي. 26 وجاوب وقال: ماشي مزيان باش ينقبض خبز الاولاد ويتسيّب للكلاب. 27 وقالت: نعم، يا ربّ، والكلاب تاني كياكلوا من الفتاوت الّتي كيطيحوا من مايدة مواليهم. 28 داك الوقت جاوب يسوع وقال لها: يا المراة، كتير إيمانك. يكون لك بحال الّتي بغيت. وتشافات بنتها من ديك الساعة. 29 ومشى يسوع من تمّ وجا لجهة بحر الجليل. وطلع للجبل وجلس تمّ. 30 وجاوا لعنده ناس كتار. معهم العرج والعمي والزيازن والمبطولين واخرين بالزّاف. وحطّوهم عند رجلين يسوع. وشافهم 31

حتّى تعجّبوا الناس حيث شافوا الزيازن كيتكلّموا والمبطولين كيصحاحوا والعرج كيمشيوا والعمي كيشوفوا. ومجدّوا إله إسرائيل.

32 ويسوع عيِّط لتلاميذه وقال: أنا كنشفق على القوم على حق اش تلت أيام هده وهم معي وما عندهم ما ياكلوا. وما بغيت شي نسيطهم صايمين ربّما يسخفوا في الطريق. 33 وقالوا له تلاميذه: من اين يجينا في الخلا هدا المقدار د الخبز حتّى تشبع هده قوّة بن ادم؟ 34 وقال لهم يسوع: اشحال د الخبزات عندكم؟ وقالوا: سبعة وشي حويات قلال. 35 وامر الناس يجلسوا على الارض. 36 وقبض السبعة د الخبزات والحوث وشكر وكسّر واعطى لتلاميذه والتلاميذ اعطاوا للناس. 37 واكلوا كاملين وشبعوا. وجمعوا الي شاط من الكسور سبعة د السلل معمّرين. 38 والي اكلوا كانوا اربع الاف رجل دون النسا والدراري. 39 وسيط الناس في حالهم وطلع للسفينة وجا لجواية مجدل.

الفصل السطّاش

1 وجاوا لعنده الف رئيسيين والصدّوقيين باش يجربوه وطلبوا له يورّي لهم شي إمارة من السما. 2 وجاوب وقال لهم: حين تكون العشيّة كتقولوا يكون الطياب. حيث السما احمر. 3 وفي الصباح تكون الشتا اليوم. حيث السما احمر ومعّبس. يا المنافقين، كتعرفوا تميّزوا وجه السما واما إمارات الزمانات ما تقدروا شي تميّزوه. 4 واحد الجيل قبيح وفاسق كيفتش على شي إمارة. وما تنعطى له حتّى إمارة يونان النبي. وخلاهم ومشى.

5 ومن اين وصلوا تلاميذه للديزة الاخرى كانوا نساوا يديوا الخبز. 6 وقال لهم يسوع: شوفوا وردّوا بالكم من الخميرة د الفريسيين والصدّوقيين. 7 وخمّموا مع بعضهم كيقولوا: على حق اش ما ادّينا شي الخبز. 8 وعرف يسوع وقال لهم: علاش كتخمّموا مع بعضكم يا قلالين الايمان على حق اش ما ادّيتوا شي الخبز؟ 9 واش باقيين ما فهمتوا ولا كتتكفّروا الخمسة د الخبزات للخمس الاف واشحال من قفّة جمعتوا؟ 10 ولا السبعة د الخبزات للاربع آلاف واشحال من سلّة جمعتوا؟ 11 كيف ما كتفهموا شي باين انا ما تكلمت شي معكم على الخبز باش تردّوا بالكم من الخميرة د الفريسيين والصدّوقيين؟ 12 داك الوقت فهموا باين ما قال شي يردّوا بالهم من الخميرة د الخبز لآكن من تعليم الفريسيين والصدّوقيين.

13 ومن اين جا يسوع لجواية قيص رية فيلبس، سقصى تلاميذه كيقول: أش كيقولوا الناس عليّ ابن الانسان؟ اشكون انا؟ 14 وقالوا: البعض كيقولوا يوحنا المعمدان. اخرين إيليا. واخرين إرميا أو واحد من الانبيا. 15 قال لهم: وانتم، أش كتقولوا عليّ؟ اشكون انا؟ 16 وجاوب سمعان بطرس

وقال: انت هو المسيح ابن الله الحيّ. 17 وجاوب يسوع وقال له: مبروك انت، يا سمعان بن يونا. على حق اش اللحم والدمّ ما وراوا لك شي لآكن ابي الّلي في السماوات. 18 وانا نقول لك تاني انت بطرس وعلى هذه الصخرة نبني كنيسة وببيان جهنّم ما يغلبوها شي. 19 ونعطيك المفتاح د ملاكة السماوات. وكلّ ما تربطه على الارض يكون مربوط في السماوات. وكلّ ما تحله على الارض يكون محلول في السماوات. 20 داك الوقت وصّى تلاميذه لا يقولوا لاحد باين هو يسوع المسيح.

21 من داك الوقت بدا يسوع يبين لتلاميذه باين لا بدّ يمشي لاورشليم ويتعدّب بالزّاف من الشيوخ وكبار الكهنيين والكتّاب وينقتل وفي اليوم الثالث يقوم. 22 وادّاه بطرس للتاسيع وبدا يوبّخه كيقول: حاشاك يا ربّ. ما يكون لك شي هدا الشي. 23 ودار وقال لبطرس: وليّ وراي، يا الشيطان. انت حاجة العترة لي على حق اش ما كتبالي شي بأمور الله لآكن بأمور الناس.

24 داك الوقت قال يسوع لتلاميذه: إذا بغى شي احد يجي من موراي لازم ينكر نفسه ويرفد صليبه ويتبعني. 25 على حق اش الّلي بغى ينجي نفسه يخسرها. والّلي يخسر نفسه على سببي انا يصيبها. 26 على حق اش من فضل عند واحد الانسان إذا ربح الدنيا مجموعة وخسر نفسه؟ أو اش يعطي الانسان في عوض نفسه؟ 27 على حق اش ابن الانسان ماشي يجي في مجد ابوه مع ملائكته وداك الوقت يجازي كلّ واحد على قدّ فعايله. 28 بالحق نقول لكم كاينين البعض من الّلي واقفين هنا الّلي ما يدوقوا شي الموت حتّى يشوفوا ابن الانسان ماجي في ملائكته.

الفصل السبعطاش

1 وبعد ستّ ايام ادى يسوع بطرس ويعقوب ويوحنا اخاه وطلع بهم لواحد الجبل عالي بوحدهم. 2 وتبدلت صفته قدّامهم وضوى وجهه بحال الشمس وولات كسوته بيضا بحال الضو. 3 ورا موسى وإيلياّ ظهوروا لهم كيتكلّموا معه. 4 وجاوب بطرس وقال ليسوع: يا ربّ، كيصلح لنا نكونوا هنا. وإذا بغيت نصوبوا هنا ثلاثة د النوايل. لك واحدة ولموسى واحدة وإيلياّ واحدة. 5 ومن اين كان كيتكلّم را واحد السحابة ضاوية ظلّلت عليهم وواحد الصوت من السحابة كيقول: هدا هو ابني الحبيب الّلي به كنفرج. اسمعوا له. 6 وحين سمعوا التلاميذ طاحوا على وجوههم وخافوا بالزّاف. 7 وجا يسوع ومسّهم وقال: قوموا ولا تخافوا شي. 8 وهزّوا عينيهم وما شافوا احد غير يسوع وحده.

9 ومن اين كانوا هوّادين من الجبل وصّاهم يسوع كيقول: لا تخبروا احد بالّلي شفتوا حتّى يقوم ابن الانسان من الميتين. 10 وسقصاواه تلاميذه وقالوا: وعلاش كيقولوا الكتّاب باين واجب يجي إيليا في الأوّل؟ 11 وجاوب يسوع وقال لهم: بالتحقيق يجي إيليا في الأوّل ويردّ كلّ شي. 12 ولاكن نقول

لكم باين إيليا جا وما عرفوه شي لآكن عملوا به كلّ ما بغاوا. كدالك ابن الانسان تاني ماشي يتعدّب منهم. 13 داك الوقت فهموا التلاميذ باين قال لهم على يوحنا المعمدان.

14 ومن اين جاوا للجماعة جا لعنّده واحد الرجل وسجد له 15 كيقول: يا ربّ، ارحم ولدي على حق اش هو مجنون وكيّتعدّب كثير. وكيّطيح بالزّاف في العافية وبالزّاف في الما. 16 وجبّته لتلاميذك وما قدروا شي يشافيواه. 17 وجاوب يسوع وقال: يا الجيل بلا إيمان ومعكس! حتّى لآين نكون معكم؟ حتّى لآين نصبر معكم؟ جيّبوه لي لهنا. 18 ونهض فيه يسوع وخرج منه الجنّ وتشافى الولد من ديك الساعة. 19 وجاوا التلاميذ لعند يسوع بوحدهم وقالوا: علاش ما قدرنا شي نخرّجوه؟ 20 وقال لهم يسوع: من قلّة إيمانكم. بالحقّ نقول لكم لو كان كان عندكم الايمان قدّ واحد الحبّة د الخردل لو كان تقولوا لهذا الجبل تحوّل من هنا لتّم ويتحوّل وما يكون حتّى شي عندكم مُحال. 21 واماّ هذا الشكل ما كيخرج غير بالصلاة والصيام. 22 ومن اين كانوا باقيين في الجليل قال لهم

يسوع: ابن الانسان ماشي يندفع ليديّن الناس 23 ويقتلوه وفي اليوم الثالث يقوم. وتغبّنوا بالزّاف.

24 ومن اين وصلوا لك فرناحوم جاوا اليّ كيقبضوا الفريضة لعند بطرس وقالوا: واش ما كيخلص شي فقيهم الفريضة؟ 25 قال: إيّه. ومن اين دخل للدار سبقّه يسوع كيقول: أش ظهر لك، يا سمعان؟ من عند من كيقبضوا سلاطين الارض العشور أو الجزية؟ واش من اولادهم أو من البرّانيين؟ 26 قال له بطرس: من البرّانيين. قال له يسوع: وعلى داك الشي الاولاد محرّرين. 27 ولاكن باش ما نعتّروهم، سير للبحر وسيب الصنّارة والحوّنة الأوّل اليّ تطلع اقبضها ومن اين تفتح فمّها تصيب شي نقرّة، إديها واعطيها لهم عليّ وعليك.

الفصل التمنطاش

1 ديك الساعة جاوا التلاميذ لعند يسوع كيقولوا: اشكون هو الكبير في ملاكة السماوات؟ 2 وعيّد يسوع على واحد الوليد ووقفّه في وسطهم 3 وقال: بالحقّ نقول لكم إذا ما ترجعوا شي وتوليوا بحال الوليدات ما تدخلوا شي لملاكة السماوات. 4 واليّ يحني نفسه بحال هذا الوليد هو الكبير في ملاكة السماوات. 5 واليّ يقبل واحد الوليد بحال هذا باسمي هو كيقلّني. 6 واليّ يعتّر واحد من هدو الصغار اليّ كيأمّنوا بيّ احسن له لو كان تتعلّق في عنقه واحد الحجرة د الرحي ويتغرّق في قاع البحر. 7 الويل للعترات. على حق اش لا بدّ يجيوا العترات ولاكن الويل لداك الانسان اليّ يجيوا على يده! 8 وإذا عترتك يدك أو رجلك قطعهم وسيبهم عليك. احسن لك تدخل للحياة اعرج أو مبطل من اليّ تتسيّب في النار الدائمة وعندك زوج د اليدين أو زوج د الرجلين. 9 وإذا عترتك عينك

قلّعها وسيبها عليك. احسن لك تدخل للحياة اعور من اليّ تتسيّب في جهنّم د النار وعندك زوج د العينين. 10 كونوا على بال لا تحقروا احد من هدو الصغار. على حق اش انا نقول لكم باين ملائكتهم في السماوات ديما كيشوفوا وجه ابي اليّ في السماوات. 11 لآته ابن الانسان جا باش ينجي اليّ كان متلوف. 12 أش ظهر لكم؟ إذا كانت عند واحد الرجل مية د الغنم وانتلفت واحدة منها واش ما يخلي شي التسعود وتسعين ويمشي للجبال ويفتّش على اليّ انتلفت؟ 13 وإذا وقع باين صابها بالحق نقول لكم يفرح بها اكثر من التسعود وتسعين اليّ ما انتلفوا شي. 14 هكدا ما هو شي خاطر ابوكم اليّ في السماوات باش ينهلك واحد من هدو الصغار.

15 وإذا دنّب معك اخاك سير ووبّخه بينك وبيئه وحدكم. إذا سمع منك ربحت اخاك. 16 وإذا ما سمع شي، إدي معك تاني واحد أو زوج باش تتبت كلّ كلمة على فم زوج د الشهود أو ثلاثة. 17 وإذا ما سمع شي منهم، قلها للكنيسة. وإذا ما سمع شي من الكنيسة، لازم يكون عندك بحال الجاهل والنكّاس. 18 بالحق نقول لكم كلّ ما تربطوه على الارض يكون مربوط في السما. وكلّ ما تحلّوه على الارض يكون محلول في السما. 19 ونقول لكم تاني إذا اتّفقوا زوج منكم على الارض في الحاجة اليّ كيطلبوها راها تكون لهم من عند ابي اليّ في السماوات. 20 على حق اش فاين ما اتّجمعوا زوج أو ثلاثة باسمي تمّ نكون انا في وسطهم.

21 داك الوقت جا لعنّده بطرس وقال له: يا ربّ، اشحال من مرّة يدنّب معي اخي وانا نسمح له. واش حتّى لسبعة د المرّات؟ 22 قال له يسوع: ما نقول لك شي حتّى لسبعة د المرّات لآكن حتّى لسبعين مرّة على سبعة د المرّات. 23 على داك الشي كتشبه ملاكة السماوات لواحد الرجل سلطان اليّ بغى يحاسب عبيده. 24 ومن اين بدا يحاسبهم جا لعنّده واحد اليّ كيشال له عشرة الاف وزنة. 25 وحيث ما كان عنده باش يخلّص امر سيده ينباع هو وامراته واولاده وكلّ ما عنده ويتخلّص الدين. 26 وطاح العبد وسجد له كيقول: يا سيدي، اصبر عليّ ونخلّصك في كلّ شي. 27 وسيد داك العبد حنّ عليه وطلّقه وسمح له في الدين. 28 وحين خرج داك العبد جبر واحد من العبيد اخوته كان كيسال له مية دينار. وشبر فيه وشنّق عليه كيقول: خلّصني في اليّ كنسال لك. 29 وطاح العبد اخاه عند رجله وطلب له كيقول: اصبر عليّ ونخلّصك في كلّ شي. 30 وما بغى شي لآكن مشى وسيّبه في الحبس حتّى يخلّص الدين. 31 ومن اين شافوا العبيد اخوته اليّ وقع جاتهم الغبيّنة بالزّاف وجاوا وعادوا لسيدهم كلّ ما جرى. 32 وداك الوقت عيّط عليه سيده وقال له: يا العبد القبيح، داك الدين كلّ سمحت لك فيه من حيث رغبتني. 33 واش ما كان شي واجب عليك انت تاني ترحم العبد اخاك بحال ما

رحمتك انا؟ 34 وغضب سيده ودفعه للي كيعدبوا حتى يخلص كل ما كان كيساله. 35 وهكذا ابي السماوي يعمل معكم ادا ما تسمحوا شي من قلوبكم كل واحد لاخاه في عيوبه.

الفصل التسعاش

1 ومن اين كمل يسوع هذا الكلام مشى من الجليل وجا لجوايه اليهودية من الأردن لهيه. 2 وتبعوه ناس كتار وشافاهم تم.

3 وجاوا لعنده الفريسيين باش يجربوه كيقولوا له: واش حلال على الرجل يطلق امراته على كل سبة. 4 وجاوب وقال لهم: واش ما قريتوا شي باين الي خلقهم من البدو خلقهم ذكر وانثى 5 وقال على سبب هذا الشي يخلي الرجل ابوه وامه ولصق في امراته ويكونوا الزوج جسد واحد؟ 6 على داك الشي ما هم شي داب زوج لآكن جسد واحد. والي جمعه الله لا يفرقه بن آدم. 7 قالوا له: وعلاش وصى موسى باين ينعطى كاغط الطلاق ويطلقها؟ 8 قال لهم: موسى على سبب قسوحية قلوبكم ادنكم تطلقوا نساكم. ولآكن من البدو ما كان شي هكذا. 9 ونقول لكم باين كل واحد الي يطلق امراته على شي سبة من غير الزنا ويتزوج بواحدة اخرى كيزني. وكل واحد الي يتزوج بالملقة كيزني. 10 قالوا له تلاميذه: ادا كان امر الرجل مع المرأة هكذا ما يصلح شي الزواج. 11 وقال لهم: ماشي الناس كاملين الي يقبلوا هذا الكلام لآكن الي انعطى لهم. 12 على حق اش كاينين المزوزلين الي اتولدوا هكذا من كروش أم هاتهم. وكاينين المزوزلين الي زوزلوهم الناس. وكاينين المزوزلين الي زوزلوا ان ف سهم على سبب ملاكة السماوات. الي يقدر يقبل هذا الشي لازم يقبله.

13 داك الوقت جابوا له الاولاد الصغار باش يحط يديه عليهم ويصلي. ونهضوا فيهم التلاميذ. 14 أما يسوع قال: خلياوا الاولاد الصغار يجيوا لعندي ولا تحصروهم شي حيث ملاكة الله هي ديال هدوك الي بحالهم. 15 وحط يديه عليه ومشى من تم.

16 ورا واحد جا وقال له: يا الفقيه المليح، أش من حاجة مليحة نعملها باش تكون لي حياة الاخرة؟ 17 وقال له: علاش كتسميني المليح؟ ما كاين احد مليح غير واحد وهو الله. ولآكن ادا تغيت تدخل للحياة اعمل الوصايات. 18 قال له: أش من وصايات؟ وقال له يسوع: لا تقتل. لا تزني. لا تسرق. لا تشهد بالزور. 19 وقر ابوك وأمك. وتحب جارك بحال نفسك. 20 قال له الشباب: هذا الشي كله عملته من ص غري. أش باقي يخصني؟ 21 قال له يسوع: ادا بغيت تكون كامل سير تبيع كل ما عندك واعطي للمساكين وتكون لك الدخيرة في السما واجي تتبعني. 22 ومن اين سمع الشباب داك الكلام مشى مغبن حيث كان عنده المتاع كتير.

- 23 وقال يسوع لتلاميذه: بالحق نقول لكم صعيب باش يدخل واحد الغني لملاكة السماوات.
- 24 ونقول لكم ثاني، واحد الجمل يدوز من عين الابرة اسهل من الي يدخل واحد الغني لملاكة الله.
- 25 ومن اين سمعوا تلاميذه دهشوا بالزاف كيقولوا: واشكون يقدر ينجا بعد ؟ 26 وشاف فيهم يسوع وقال لهم: هدا الشي عند الناس ما يقدر شي يكون ولاكن عند الله كل شي يقدر يكون.
- 27 داك الوقت جاوب بطرس وقال له: ها احنا سمحنا في كل شي وتبعناك. وأش يكون لنا؟
- 28 قال لهم يسوع: بالحق نقول لكم، انتم الي تبعوني في التجديد من اين يجلس ابن الانسان على كرسي مجده تجلسوا انتم ثاني على اطناشر كرسي تحكموا على الطناشر قبيلة د إسرائيل. 29 وكل واحد الي سمح في الديار أو في الخوت أو في الخواتات أو في البو أو في الأم أو في المراه أو في الاولاد أو في الفدادن على سبب اسمي ياخذ على مية مرة ويورت حياة الاخرة. 30 ولاكن بالزاف من الاولين يكونوا هم الاخرين وبالزاف من الاخرين يكونوا هم الاولين.

الفصل العشرين

- 1 على حق اش ملاكة السماوات كتشبه لواحد الرجل مول الدار الي خرج في الصباح بكري باش يكري الخدامة لجناؤه. 2 وتفاصل مع الخدامة بدينار في النهار وسيفظهم لجناؤه. 3 وخرج مقدار الساعة الثالثة وشاف اخرين واقفين في السوق بطالين. 4 وقال لهم سيروا انتم ثاني للجنان ونعطيكم الي يوجب لكم. ومشاوا. 5 وخرج ثاني مقدار الساعة السادسة والتاسعة وعمل كذاك. 6 ومقدار الساعة الحشاش خرج وجبر اخرين واقفين بطالين. وقال لهم: علاش انتم واقفين هنا النهار كله بطالين؟ 7 قالوا له: من حيث ما كرانا احد. قال لهم: سيروا انتم ثاني للجنان وتقبضوا الي يوجب لكم. 8 ومن اين جات العشية قال مول الجنان للنايب دياه: عيط على الخدامة واعطيهم اجارتهم تبدا من الاخرين حتّى للاولين. 9 وجاوا موالين الساعة الحشاش وقبض كل واحد دينار. 10 ومن اين جاوا الاولين ظنوا باين يقبضوا اكثر. وقبضوا هم ثاني كل واحد دينار. 11 ومن اين قبضوه جمجموا على مول الدار 12 كيقولوا: هدا الاخرين خدموا ساعة واحدة وقاديت هم معنا احنا الي رقدنا التقل د النهار والقايلة. 13 وجاوب وقال لواحد منهم: يا صاحبي، ما ظلمتك شي. واش ما تفاصلت شي معي بدينار؟ 14 قبض الي هو دياك وس ر. أنا بغيت نعطي لهذا الاخر قدك. 15 واش ماشي حلال عليّ نعمل الي بغيت بديالي؟ أو عينك قبيحة على حق اش انا مليح؟ 16 هكدا يكونوا الاخرين الاولين والاولين الاخرين. لانه بالزاف الي كينعرضوا وقلال الي كينختاروا.

17 ومن اين كان يسوع طالع لاورشليم فرز الطناشر تلميذ في الطريق وقال لهم: 18 ها احنا

طالعين لاورشليم وابن الانسان يندفع لكبار الكوهنين والكتّاب ويحكموا عليه بالموت. 19 ويدفعوه للجنوس باش يتملّغوا عليه ويعصّيواه ويصلّبوه. وفي اليوم الثالث يقوم.

20 داك الوقت جات لعنّده أمّ اولاد زبدي مع اولادها وسجدت وطلبت منه واحد الحاجة. 21

وقال لها: أش بغيت؟ قالت له: باش يجلسوا اولادي هدو الزوج واحد على يمينك والاخر على شمالك

في ملاكتك. 22 وجاوب يسوع وقال: ما كتعرفوا شي اش كتطلبوا. واش تقدرنا تشربوا الكاس الّي

ماشي نشرّبه انا وتتعمّدوا بالمعمودية الّي نتعمّد بها انا؟ قالوا له: نقدروا. 23 وقال لهم: كاسي بالحقّ

تشرّبوه وبالمعمودية الّي نتعمّد بها انا تتعمّدوا واماّ الجلاس على يميني وعلى شمالي ما هو شي ديالي

باش نعطيّه غير للّي توجّد لهم من عند ابي. 24 ومن اين سمعوا العشرة تغيّظوا على سبب الزوج د

الخوت. 25 وعيّط عليهم يسوع وقال: انتم كتعرفوا باين حكام الجنوس كيكونوا اسيادهم وكبارهم

كيحكموا عليهم. 26 ولاكن ما يكون شي هكدا عندكم. لاكلن الّي بغى يكون كبير فيكم لازم يكون

متعلّمكم. 27 والّي بغى يكون فيكم رايس لازم يكون عبدكم. 28 بحال ابن الانسان ما جا شي باش

يتسخّرّوا عليه لاكلن باش يتسخّرّ ويعطي نفسه ف دية على ناس كتار.

29 وحين كانوا خارجين من أريحا تبعوه ناس بالزّاف. 30 ورا زوج د العميانين جالسين في

الطريق. ومن اين سمعوا باين يسوع دايز غوتوا كيقلوا: ارحمنا، يا ربّ، يا ابن داود. 31 ونهضوا

فيهم الناس باش يسكتوا. أما هم زادوا غوتوا كيقلوا: ارحمنا، يا ربّ، يا بن داود! 32 ووقف يسوع

وعيّط لهم وقال: أش بغيتوني نعمل لكم؟ 33 وقالوا له: يا ربّ، بغينا ينفّتحوا عينينا. 34 وحنّ يسوع

ومسّ عينيهم وفي الحين ولاّوا كيشوفوا وتبعوه.

الفصل الواحد وعشرين

1 ومن اين قرّبوا لاورشليم وجاوا لببيت فاجي حدا جبل الزيتون داك الوقت سيفط يسوع زوج د

التلاميذ 2 كيقل لهم: سيروا للدشر الّي قدّامكم وفي الحين تجبروا واحد الحمارة مربوطة ودحش معها

اطلقوهم وجيبوهم لي. 3 وإذا قال لكم احد شي حاجة، قولوا: الربّ كيحتاجهم. وفي الحين سيفطهم.

4 وكان هدا الشي كلّهُ باش يوفى الّي انقال بالنبي كيقل: 5 قولوا لبنت صهيون را سلطانك ماجي

لعدك متواضع وراكب على حمارة ودحش ولد الحمارة. 6 ومشاوا التلاميذ وعملوا بحال ما وصّاهم

يسوع. 7 وجابوا الحمارة والدحش وحطّوا كساويهم عليهم وجلس عليهم. 8 وواحد الجماعة كبيرة

بالزّاف فرّشوا كساويهم في الطريق. واخرين قطعوا الاغصان من الاشجار وفرّشوها في الطريق. 9

والجماعات الّتي سبقوا والّتي تبعوا كانوا كيغوّتوا وكيقولوا: أوصنّا لابن داود. مبروك الّتي ماجي باسم الربّ. أوصنّا في العلو. 10 ومن اين دخل لاورشليم تروّعت المدينة كلّها كتقول: اشكون هو هدا؟ 11 وقالوا الناس: هدا يسوع النبي الّتي من الناصرة د الجليل.

12 ودخل يسوع لبيت المقدس د الله وخرّج جميع الّتي كانوا كيبيعوا ويشربوا في بيت المقدس

وقلب الميادي د الصرافية والكراسي د البيّاعين الحمام 13 وقال لهم: مكتوب، بيتي يتسمّى بيت الصلاة وانتم رديتوه كهف د الشفّارة. 14 وجاوا لعنّده العمي والعرج في بيت المقدس وشافاهم. 15 ومن اين شافوا كبار الكهونيم والكتّاب العجائب الّتي عمل والدراري كيغوّتوا في بيت المقدس ويقولوا: أوصنّا لابن داود، غضبوا 16 وقالوا له: واش كتسمع الّتي كيقولوا هدو؟ وقال لهم يسوع: إيّه. واش عمركم ما قريتوا من افوام الصبيان والّتي كيوضعوا وجّدت الحمد؟ 17 وخلّاهم وخرج على برّا من المدينة لبيت عنيا وبات تمّ.

18 وفي الصباح حين كان راجع للمدينة جاع. 19 وشاف واحد الكرمة على الطريق وجا لها وما

صاب فيها حتّى شي غير الاوراق. وقال لها: من دابّ ما تكون فيك غلّة أبداً. ويبست الكرمة في

الحين. 20 ومن اين شافوا التلاميذ داك الشي تعجّبوا وقالوا: كيف يبست الكرمة في الحين. 21

وجاوب يسوع وقال لهم: بالحقّ نقول لكم، إذا كان عندكم إيمان وما تشكّوا شي ما تعملوا شي الّتي

نعمل في الكرمة وكان، لآكن إذا قلتوا تاني لهذا الجبل تحوّل وتسيّب في البحر يكون داك الشي. 22

وكلّ ما طلبتوا في الصلاة وانتم مأمّنين تقبضوه.

23 ومن اين جا لبيت المقدس جاوا لعنّده كبار الكهونين وشيوخ الناس وهو كيعلّم وقالوا: باش

من إدن كتعمل هدا الشي واشكون الّتي اعطاك هدا الادن؟ 24 وجاوب يسوع وقال لهم: وانا تاني

نسقّصاكم على واحد المسالة وإذا قل توها لي نقول لكم انا تاني باش من إدن كنعمل هدا الشي. 25

معموديّة يوحنا، من اين كانت؟ من السما أو من بن آدم؟ وتشاوروا مع بعضهم كيقولوا: إذا قلنا من

السما يقول لنا: وعلاش ما امّنتوا شي به؟ 26 وادا قلنا من بن آدم، نخافوا من الناس. لأنّه يوحنا

عندهم كاملين بحال واحد النبي. 27 وجاوبوا يسوع وقالوا: ما كنعرفوا شي. وقال لهم هو تاني: وحتّى

انا ما نقول لكم شي باش من إدن كنعمل هدا الشي.

28 أش ظهر لكم؟ كان واحد الرجل عنده زوج د الاولاد وجا لعند الأوّل وقال له: يا ولدي،

سير تخدم اليوم في جناني. 29 وجاوب وقال: ما نمشي شي. ولاكن في الاخر ندم ومشي. 30 وجا لعند

التاني وقال له كدالك. وجاوب وقال: نمشي، يا سيدي. وما مشي شي. 31 واشكون من هدو الزوج

الّتي عمل خاطر ابوه؟ قالوا له: الأوّل. قال لهم يسوع: بالحقّ نقول لكم باين النكاسة والفسادات

يسبقوكم ملاكة الله. 32 لأنه يوحنا جاكم في طريق الت ق وى وما آمنتموا شي به. وأما النكاسة

والفاسدات آمنوا به. وانتم حين شفتوا ما ندمتموا شي في الآخر باش تأمنوا به.

33 اسمعوا متال اخر. كان واحد الرجل مول الدار غرس واحد الجنان ودور به الزرب وحفر

فيه معصرة د الخمر وبني ب رج ودفعه لشي رباعة وسافر. 34 ومن اين قرب وقت الغ لة سيفط عبيده

للرباعة باش يقبضوا غلته. 35 وقبضوا الرباعة عبيده وواحد سوطوه وواحد اخر قتلوه وواحد اخر

رجموه. 36 وسيفط تاني عبيد اخرين كتر من الاولين. وعملوا لهم كدالك. 37 وفي الآخر سيفط لهم ولده

وقال: يوقروا ولدي. 38 وأما الرباعة من اين شافوا الولد قالوا مع بعضهم: هذا هو الي ماشي يورت.

اجبوا نقتلوه ونديوا ورثه. 39 وقبضوه وخرجوه على برا من الجنان وقتلوه. 40 ومن اين يجي مول

الجنان، أش يعمل لدوك الرباعة؟ 41 قالوا له: دوك الحراميين يهلكهم بواحد الهليكة قبيحة ويدفع

الجنان لرباعة اخرين الي يعطيوها الغلة في اوقاتها. 42 قال لهم يسوع: واش عمركم ما قربتوا في

الكتب، الحجرة الي سيبيوها البناية هي ولات راس القنت. من عند الرب كان هذا الشي وهو اعجوبة

في عينينا. 43 على داك الشي نقول لكم باين ملاكة الله تتزول لكم وتنعطى لواحد القوم الي يجيبوا

غلته. 44 وكل واحد الي يطيح على هذه الحجرة يتهرس والي تطيح هي عليه تسحقه.

45 ومن اين سمعوا كبار الكوهنيين والفريسيين الامثال دياه عرفوا باين تكلم عليهم. 46 وحين

كانوا كيفتشوا يقبضوه خافوا من الناس حيث كان عندهم بحال واحد النبي.

الفصل الثناين وعشرين

1 وجاوب يسوع وتكلم معهم تاني بالامثال كيقول: 2 كتشبه ملاكة السماوات لواحد الرجل

سلطان الي عمل العرس لولده. 3 وسيفط عبيده باش يعيطوا على المعروضين للعر وما بغاوا شي يجيبوا.

4 وسيفط تاني عبيد اخرين كيقول: قولوا للمعروضين: ها ال غدا دياالي وجدته. تيراني ومعالفي

اندبحوا وكل شي موجد. اجبوا للعرس. 5 ولاكن هم حقروه ومشاوا واحد لعدائه واخر للتجارة دياه. 6

والباقيين قبضوا عبيده ومردوهم وقتلوهم. 7 ومن اين سمع السلطان غضب وسيفط العسكر دياه وهلك

دوك القتالين وحرقت مدينتهم. 8 داك الوقت قال لعبيده: العرس موجد وأما المعروضين ما كانوا شي

مستاهلين. 9 وسيروا لمفارق الطرقات وكل واحد الي جبرته عيطوا عليه للعرس. 10 وخرجوا دوك

العبيد للطرقان وجمعوا جميع الي صابوا قباج وملاح. وتعمّر العرس بالضياف. 11 وحين دخل السلطان

باش يشوف الضياف شاف تم واحد الرجل ما لابس شي كسوة العرس. 12 وقال له: يا صاحبي،

كيف دخلت لهننا وما عندك شي كسوة العرس؟ وسكت. 13 داك الوقت قال السلطان للعبيد: اربطوا

رجليه ويدييه وادّاه وسبيوه في الظلام على برّا. تمّ يكون البكا وتغزير السنان. 14 على حق اش بالزّاف
الّي كينعرضوا وقلال الّي كينختاروا.

15 داك الوقت مشاوا الفرّيسيّين وتشاوروا باش يقبضوه في كلامه. 16 وسيفطوا لعنّده تلاميذهم
مع الهيرودسيّين كيقولوا: يا الفقيه، كنعرفوا باين انت صادق وكتعلّم طريق الله بالتحقيق وما كتبالي
باحد على حق اش ما كتشوف شي لوجوه الناس. 17 وقول لنا، أش كيظهر لك؟ واش حلال تتعطى
الجزية لقيصر أولا؟ 18 وفطن يسوع بخديعتهم وقال: علاش كتجرّبوني، يا المنافقين؟ 19 ورّبوني
دراهم الجزية. وجابوا له واحد الدينار. 20 وقال لهم: دمنّ هذه الصورة والكتابة؟ 21 قالوا له: ديال
قيصر. وقال لهم اعطيوا الّي هو ديال قيصر لقيصر والّي هو ديال الله لله. 22 ومن اين سمعوا هذا
الكلام تعجّبوا وخلّاه ومشاوا.

23 في داك النهار جاوا لعنّده الصدّوقيّين الّي كيقولوا ما كاينة قيامة وسقّصاوا 24 كيقولوا: يا
الفقيه، قال موسى إذا مات شي احد وما عنده اولاد يتزوّج اخاه بامراته ويعمل الدريّة لاه. 25
وكانوا عندنا سبعة د الخوت وتزوّج الاول ومات. ومن حيث ما كانت عنده دريّة خلّى امراته لاه.
26 وكذاك الثاني والثالث حتّى للسبعة. 28 وفي القيامة امراة من تكون من السبعة حيث كانت دياهم
كاملين. 29 وجاوب يسوع وقال لهم: كتتلفوا حيث ما كتعرفوا شي الكتب ولا قوّة الله. 30 على حق
اش في القيامة ما كيزوّجوا ولا كيتزوّجوا لاهن يكونوا بحال ملائكة الله في السما. 31 واما من جهة
سامة الميّتين واش ما قربتوا شي الّي انقال لكم من عند الله كيقول: 32 أنا إله ابراهيم وإله إسحاق
وإله يعقوب. الله ما هو شي إله الميّتين لاهن إله الحيّين. 33 ومن اين سمعوا الناس تعجّبوا من
تعليمه.

34 أما الفرّيسيّين من اين سمعوا باين سكّت الصدّوقيّين اتّجمعوا بعضهم. 35 وسقّصاه واحد
منهم وهو عالم د الشرع باش يجربّه وقال: 36 يا الفقيه، أش من وصاية هي الكبيرة في الشرع؟ 37
وقال له يسوع: تحبّ الربّ إل هك من قلبك كلّ ومن نفسك كلّا ومن عقلك كلّ. 38 هذه هي الوصاية
الاولى والكبيرة. 39 والثانية بحالها. تحبّ جارك بحال نفسك. 40 بهدو الزوج د الوصايات كيتعلّق
الشرع كلّ والانبيا.

41 ومن اين كانوا الفرّيسيّين مجموعين سقّصاهم يسوع 42 كيقول: أش كيظهر لكم في المسيح؟
ابن من هو؟ قالوا له: ابن داود. 43 قال لهم: وكيف كيغيّط له داود بالروح "ربّ"؟ كيقول: 44 قال
الربّ لربّي اجلس على يميني حتّى نردّ عديانك تحت رجلك. 45 وإذا كان داود كيغيّط له ربّ كيف
يكون ابنه؟ 46 وما قدر احد يجاوبه حتّى بكلمة. ومن داك النهار ما زعم احد يسقّصيه بالكلّ.

الفصل الثلاثة وعشرين

1 داك الوقت وعَظَّ يسوع الناس وتلاميذه 2 كيقول: الكتّاب والفريسيين جالسين على كرسي موسى. 3 وكلّ ما كيقولوا لكم تقبضوه اقبضوه واعملوه. ولاكن على حساب اع مالهم لا تعملوا شي حيث هم كيقولوا وما كي عملوا شي. 4 على حق اش كيحزموا اح مال تقال وواشرين للرفود ويحطّوهم على اك تاف الناس وهم ما بغاوا شي يحركوهم حتّى باصبعهم. 5 وجميع اع مالهم كي عملوهم باش يشوفوهم الناس. وكيوسّعوا عصايهم وكيكبّروا هدوب كساويهم. 6 وكيحبّوا المواضع المخيرين في الكرامات والصفوف الاولين في الجوامع. 7 والسلامات في الاسواق وباش يعيّنوا لهم الناس: ربّي، ربّي. 8 واما انتم لا تتسمّوا شي "ربّي" لانه فقيهمك واحد وهو المسيح وانتم كاملين اخوت. 9 ولا تسمّوا احد ابوكم على الارض حيث ابوكم واحد الي هو في السماوات. 10 ولا تتسمّوا فقهاء حيث فقيهمك واحد وهو المسيح. 11 والكبير فيكم يكون متعلّمكم. 12 والي يعلي نفسه ينحني والي يحني نفسه يتعلّي.

13 لاكن الويل لكم، يا الكتّاب والفريسيين المنافقين، على حق اش كتشّدوا ملاكة السماوات على الناس لانه ما كتدخلوا شي انتم ولا تخلّوا الي هم داخلين يدخلوا. 14 الويل لكم، يا الكتّاب والفريسيين المنافقين، على حق اش كتاكلوا ديار الهجالات. وعلى سبب النفاق كتطوّروا الصلاوات. على داك الشي تنزاد لكم العقوبة اكثر. 15 الويل لكم، يا الكتّاب والفريسيين المنافقين، على حق اش كتدوروا البحر والبرّ باش تعملوا دخيل واحد. ومن اين يوليّ كتردّوه ولد جهنّم اكثر منكم على مرتّين. 16 الويل لكم، يا الجوّادين العميانين، الي كتقولوا: الي حلف ببيت المقدس ما تمّ شي، ولاكن الي حلف بذهب بيت المقدس هو يتقلّد. 17 يا الحمّاق والعمي، اما اكثر، الذهب أو بيت المقدس الي كيقدّس الذهب؟ 18 والي حلف بالمديح ما تمّ شي، ولاكن الي حلف بالهدية الي عليه يتقلّد. 19 يا الحمّاق والعمي، اما اكثر، الهدية أو المديح الي كيقدّس الهدية؟ 20 على داك الشي الي حلف بالمديح را حلف به وبكلّ ما عليه. 21 والي حلف ببيت المقدس را حلف به وبالي شاكن فيه. 22 والي حلف بالسما را حلف بكرسي الله وبالي جالس عليه. 23 الويل لكم، يا الكتّاب والفريسيين المنافقين، على حق اش انتم كتعشّروا النعنع وحبّة حلاوة والكمون وتركوا الامور الكبار د الشرع، الحقّ والرحمة والايمان. كان واجب عليكم تعملوا هذو وما تتركوا شي هذوك. 24 يا جوّادين العميانين الي كتصفّوا البعوضة وتبلعوا الجمل. 25 الويل لكم يا الكتّاب والفريسيين المنافقين على حق اش انتم كتتنظّفوا الكاس والجصّة من برّا واما من داخل هم معمّرين بالظلم والفساد. 26 يا الفريسي الاعمى، نظّف في

الاول الكاس والجصة من داخل باش يكونوا منظرين من برّا تاني. 27 الويل لكم، يا الكتاب والفريسيين المنافقين، على حق اش انتم كتشبهوا للقبور المبيضين الي كيظهروا اطراف من برّا واما من داخل هم معمّرين باعظام الميتين وكلّ نجاسة. 28 هكذا انتم تاني من برّا كتظهروا للناس تاقين واما من داخل راكم معمّرين بالنفاق والدنوب. 29 الويل لكم، يا الكتاب والفريسيين المنافقين، على حق اش كتبنوا قبور الانبيا وكتزيّنوا مقامات التاقين. 30 وكتقولوا: لو كان كنا في ايام جدودنا لو كان ما شركنا شي معهم في دمّ الانبيا. 31 وكتشهدوا على ان ف سكم بين انتم اولاد هدوك الي قتلوا الانبيا. 32 وعمرّوا انتم عبر جدودكم. 33 يا الحياي اولاد اللفاع، كيف تفلتوا من عقوبة جهنّم؟ 34 على داك الشي ها أنا كنسيفط لكم الانبيا والحكما والكتاب والبعض تقتلوهم وتصلّبوهم والبعض تعصّيوهم في جوامعكم وتمردوهم من مدينة لمدينة. 35 باش يجي عليكم الدم التاقي كلّهُ الي تسيل على الارض من دمّ هابيل التاقي لدمّ زكريا بن برخيا الي قتلته بين بيت المقدس والمدبح. 36 بالحق نقول لكم باين هذا الشي كلّهُ يجي على هذا الجيل.

37 يا اورشليم، اورشليم، يا الي كتقتلي الانبيا وكتترجمي المرسلين لك، اشحال من مرة بغيت نجمع اولادك بحال ما كتجمع الدجاجة فللسها تحت جناحها وما بغيتوا شي. 38 ها داركم تبقى لكم خالية. 39 على حق اش أنا نقول لكم باين ما تشوفوني شي من داب حتّى تقولوا مبروك الي ماجي باسم الربّ.

الفصل الاربعة وعشرين

1 وخرج يسوع ومشى من بيت المقدس. وجاوا تلاميذه باش يوريواه البنيان د بيت المقدس. 2 وقال لهم يسوع: واش ما كتشوفوا شي هذا الشي كلّهُ؟ بالحق نقول لكم ما تبقى هنا حجرة فوق حجرة الي ما تنهدم شي.

3 ومن اين كان هو جالس في جبل الزيتون جاوا لعنده التلاميذ بوحدهم وقالوا: قول لنا فوقاش يكون هذا الشي واشنهي علامة المجي دياك واخر الدنيا؟ 4 وجاوب يسوع وقال لهم: ردّوا بالكم باش ما يتلفكم احد. 5 على حق اش ماشيين يجيوا بالزّاف باسمي ويقولوا: أنا هو المسيح، ويتلفوا ناس كتار. 6 وتسمعوا بالشروع واخبار الشروع. شوفوا لا تنهولوا شي. من حيث لا بدّ يكون هذا الشي كلّهُ. ولاكن الاخر ما زال. 7 على حق اش يقوم جنس على جنس وملاكة على ملاكة ويكون الجوع والوبا والزلازل في شي مواضع. 8 ولاكن هذا الشي كلّهُ هو البدو د التمارة. 9 داك الوقت يدفعوكم للضيق ويقتلوكم وتكونوا مبعوضين عند الجنوس كاملين على سبب اسمي. 10 وداك الوقت يعتروا ناس كتار

ويبيعوا بعضهم بعض ويبغضوا بعضهم بعض. 11 ويقوموا انبيا كدّابين كتار ويتلفوا ناس كتار. 12 ومن كثرة الذنوب تبرد المحبة د بالزّاف. 13 ولاكن الّي يصبر حتّى للاخر هداك ينجا. 14 ويبشّروا بهذا انجيل الملائكة في الدنيا كلّها شهادة للجنوس كاملين عاد يجي الاخر.

15 ومن اين تشوفوا نجسة الخراب الّي قال عليها دانيال النبي واقفة في الموضع المقدّس، لازم يفهم الّي كيقرا، 16 داك الوقت الّي في اليهودية لازم يهربوا للجبال. 17 والّي في السطح لا يهود شي باش يدّي من داره حتّى شي. 18 والّي في الفدان لا يرجع شي للورا باش يدّي كسوّته. 19 والويل للح بلات والّي كيرضّعوا في ديك الايام. 20 وصلّيو باش ما يكون شي هروبكم في الشتوة ولا في السبت. 21 لانه يكون في داك الوقت واحد الضيق كبير الّي ما كان شي بحاله من اوّل الدنيا حتّى لداب ولا يكون. 22 ولو كان ما تقصّروا شي ديك الايام ما ينجا حتّى بن ادم. ولاكن عى سبب المختورين يتقصّروا ديك الايام. 23 داك الوقت اذا قال لكم شي احد: ها المسيح هنا أو تمّ، لا تصدّقه شي. 24 على حق اش ماشيين يقوموا م س حا كدّابين وانبيا كدّابين ويعملوا إمارات كبار وعجائب حتّى يتلفوا المختورين تاني لو كان قدروا. 25 هاني سبقت وخبرتكم. 26 على داك الشي اذا قالوا لكم ها هو في الخلا لا تخرجوا شي. ها هو في البيوت المخلوبين لا تصدّقوهم شي. 27 لانه بحال ما كيخرج البرق من الشرق ويظهر حتّى للغرب هكدا يكون تاني مجي ابن الانسان. 28 على حق اش فاين ما تكون الجيفة تمّ يتّجمعوا النسور.

29 ومن مورا الضيق د ديك الايام في الحين تظلام الشمس والقمر ما يعطي شي الضو دياه والنجوم يطيحوا من السما وقوّات السماوات يتزعزعوا. 30 وداك الوقت تظهر علامة ابن الانسان في السما. وداك الوقت ينوّحوا قبائل الارض كاملين ويشوفوا ابن الانسان ماجي في سحاب السما بالقوّة ومجد كثير. 31 ويسفط ملائكته بواحد البوق صوته كبير ويجمعوا المختورين دياه من الاربعة د الارباح من طرف السما حتّى للطرف الاخر. 32 ومن الكرمة تعلّموا المتال. حيث يولّي غصنها رطبوتخرج اوراقها تعرفوا باين الصيف قريب. 33 هكدا انتم تاني حين تشوفوا هدا الشي كلّ اعرّفوا باين راه قريب على الببيان. 34 بالحق نقول لكم ما يدوز هدا الجيل حتّى يكون هدا الشي كلّ. 35 السما والارض يزولوا ولاكن كلامي ما يزول شي. 36 ولاكن داك النهار وديك الساعة ما كيعرفهم احد حتّى ملائكة السماوات غير ابي وحده. 37 وبحال ما كانت ايام نوح كدالك يكون تاني مجي ابن الانسان. 38 على حق اش بحال في الايام الّي قبل من الطوفان كانوا كياكلوا ويشربوا وكيترزّوجوا ويزوّجوا حتّى للنهار فاش دخل نوح للسفينة 39 وما عرفوا شي حتّى جا الطوفان وادّاهم كاملين، كدالك يكون تاني مجي ابن الانسان. 40 داك الوقت يكونوا زوج في الفدان، يتّرفد واحد ويبقى الاخر. 41 يكونوا زوج د

النسا كيطحنوا في الرحا، تتّرفد واحدة وتبقى الاخرى. 42 على داك الشي ابقاوا فايئقين على حق اش ما كتعرفوا شي فاش من ساعة يجي ربّكم. 43 واعرفوا هدا الشي باين لو كان عرف مول الدار فاش من قسمة من الليل يجي السارق لو كان بقى فايق وما يخلّي شي دارّه تكون متقوبة. 44 وكونوا انتم تاني موجودين حيت الساعة الّي ما تظنّوها شي فيها يجي ابن الانسان. 45 واشكون هو العبد الصادق والعاقل الّي وقّفه سيّدّه على دارّه باش يعطيهم الماكول في وقته. 46 مبروك داك العبد الّي يجبرّه سيّدّه كي عمل هكدا حين يجي. 47 بالحقّ يقول لكم يوقّفه على متاعه كامل. 48 ولاكن إذا قال داك العبد القبيح في قلبه: سيدي كيتعطّل في مجيه. 49 ويبدا يضرب العبيد اخوّه وياكل ويشرب مع السكايّبة، 50 يجي سيد داك العبد في النهار الّي ما كيتسنّاه شي فيه وفي الساعة الّي ما كي عرفها شي. 51 ويقطّعه ويجعل قسمته مع المنافقين. تمّ يكون البكا وتغزير السنان.

الفصل الخمسة وعشرين

1 داك الوقت تشبه ملاكة السماوات لعشرة دالعزبات الّي اداوا قنادلهم وخرجوا باش يتلاقاوا العريس. 2 وكانوا خمسة منهم عاقلات وخمسة حمقات. 3 والحمقات اداوا قنادلهم وما اداوا معهم زيت. 4 واما العاقلات اداوا الزيت في مواعنهم مع قنادلهم. 5 وحين بطا العريس غلب عليهم النعاس كاملين ونعسوا. 6 وفي نصّ الليل ناض البريح: ها العريس جاي! اخرجوا تتلاقاوا! 7 وقاموا دوك العزبات كاملين ووجدوا قنادلهم. 8 وقالوا الحمقات للعاقلات: اعطونا من زيتكم على حق اش قنادلنا كي طفيوا. 9 وجاوبوا العاقلات كي قولوا: لا واه ربّما ما تقدّنا شي احنا وياكم، لكن سيروا للّي كيبيعوا واشريوا لان ف سكم. 10 وحين كانوا ماشيين باش يشربوا جا العريس والّي هم موجودين دخلوا معه للعرس وانشدّت الباب. 11 ومن مورا داك الشي جاوا العزبات الاخرين تاني وقالوا: يا سيدي، يا سيدي، افتح لنا! 12 وجاوب وقال: بالحقّ نقول لكم أنا ما كنعرفكم شي. 13 وعلى داك الشي، ابقاوا فايئقين على حق اش ما كتعرفوا شي لا النهار ولا الساعة فاش يجي ابن الانسان. 14 على حق اش ملاكة السماوات هي بحال واحد الرجل مسافر الّي عيّط على عبيده ودفع لهم متاعه. 15 واعطى لواحد خمسة دالوزنات ولاخ ر زوج دالوزنات ولاخ ر واحد الوزنة. لكلّ واحد على قدّ جهده. وسافر في الحين. 16 ومشى الّي قبض الخمسة دالوزنات وباع وشرى بهم وربح خمسة دالوزنات اخرين. 17 وكذاك الّي قبض الزوج ربح تاني زوج اخرين. 18 واما الّي قبض الواحدة مشى وحفر في الارض وخبّع النقرة د سيده. 19 وبعد شي مدّة طويلة جا سيد دوك العبيد وحاسبهم. 20 وجا الّي قبض الخمسة دالوزنات وجاب خمسة دالوزنات اخرين وقال: يا سيدي، خمسة دالوزنات

دفعت لي. ها خمسة د الوزنات اخرين ربحتهم. 21 وقال له سيده: مزيان يا العبد المليح والصادق. كنت صادق في القليل، أنا نوقفك على الكثير. ادخل لفرحة سيدك. 22 جا ثاني الي قبض زوج د الوزنات وقال: يا سيدي، زوج د الوزنات دفعت لي. ها زوج د الوزنات اخرين ربحتهم. 23 قال له سيده: مزيان يا العبد المليح والصادق. كنت صادق في القليل، أنا نوقفك على الكثير. ادخل لفرحة سيدك. 24 وجا ثاني الي قبض الوزنة الواحدة وقال: يا سيدي، عرفت باين انت رجل واعر كتحصد فاين ما زرعت شي وكتجمع من الموضع فاش ما شئت شي. 25 وخ فت ومشيت وخبعت وزنك في الارض. ها هي دياك. 26 وجاوب سيده وقال له: يا العبد القبيح والعجزان! عرفت ني كنحصد فاين ما زرعت شي وكنجمع من الموضع فاش ما شئت شي. 27 وكان واجب عليك تنزل نقرتي عند موالين الطالع. وفي المجي دياي نكون قبضت دياي هي والطالع. 28 زولوا له الوزنة واعطيوها للي عنده العشرة د الوزنات. 29 من حيث كل واحد الي عنده يتعطى له ويتكتر له والي ما عنده شي را الي عنده يتزول له. 30 والعبد الرديل سيبيه في الظلام على برا. تم يكون البكا وتغزير السنان.

31 ومن اين يجي ابن الانسان في مجده وجميع الملائكة القديسين معه داك الوقت يجلس على كرسي مجده. 32 ويتجمعوا قدامه الجنوس كاملين ويفرز بعضهم من بعض بحال ما كيفرز الراعي الغنم من المعز. 33 ويوقف الغنم على يمينه والمعز على الشمال. 34 داك الوقت يقول السلطان للي هم على يمينه اجيوا يا المبروكين د ابي، ورتوا الملائكة الي موجدة لكم من خلوق الدنيا. 35 على حق اش أنا جعت وكلتوني. عطشت وشربتوني. كنت غريب وقبلتوني. 36 عريان وكسيتوني. مريض وطللتوا علي. مسجون وجيتوا لعندي. 37 ويجاوبوه التاقيين داك الوقت ويقولوا: يا رب، امتي شف ناك جيعلان ووكلناك؟ أو عطشان وشربناك؟ 38 وامتى شف ناك غريب وقبلناك؟ أو عريان وكسيناك؟ 39 وامتى شف ناك مريض أو مسجون وجينا لعندك؟ 40 ويجاوب السلطان ويقول لهم: بالحق نقول لكم من حيث عملتوا هذا الشي لواحد من اخوتي هذو الصغار لي عملتوه.

41 داك الوقت يقول ثاني للي هم على الشمال: سيروا علي يا المنعولين للنار الدائمة الي موجدة لاب ليس وملائكته! 42 على حق اش أنا جعت وما وكلتوني شي. عطشت وما شربتوني شي. 43 كنت غريب وما قبلتوني شي. عريان وما كسيتوني شي. مريض ومسجون وما طللتوا شي علي. 44 داك الوقت يجاوبوه هم ثاني ويقولوا: يا رب، امتي شف ناك جيعلان أو عطشان أو غريب أو عريان أو مريض أو مسجون وما خدم ناك شي؟ 45 ويجاوبهم ويقول: بالحق نقول لكم من حيث ما عملتوا شي هذا الشي لواحد من هذو الصغار، لي ما عملتوه شي. 46 ويمشيوا هذو للعداب الدائم والتاقيين لحياة الاخرة.

الفصل الستة وعشرين

- 1 ومن اين كمل يسوع هذا الكلام كله قال لتلاميذه: 2 كتعرفوا باين من بعد يومين يكون البيسح وابن الانسان ينباع باش يتصلب.
- 3 داك الوقت اتجمعوا كبار الكوهنين والكتّاب وشيوخ الناس لدار كبير الكوهنين اليّ مسميّ قيافا. 4 وتشاوروا باش يقبضوا يسوع بالخديعة ويقتلوه. 5 ولاكن قالوا: ماشي في العيد باش ما يكون شي الضجيج بين الناس.
- 6 وحين كان يسوع في بيت عنيا في دار سمعان المبراص 7 جات لعنده واحد المرأة عندها حكّ من الرخام فيه شي عطر غالي بالزّاف وكبّته على راسه وهو جالس. 8 ومن اين شافوا تلاميذه داك الشي تغيّظوا وقالوا: علاش هذه الخسارة؟ 9 على حق اش كان يقدر ينباع هذا العطر بتمن كثير وينعطى للمساكين. 10 وعرف يسوع وقال لهم: علاش كتهولّوا المرأة؟ هي عملت فيّ عمل مليح. 11 على حق اش المساكين معكم ديمّا. وأمّا أنا ما أنا شي معكم ديمّا. 12 من حيث كبّت هذا العطر على جسدي عملت داك الشي على سبب التكفين دياالي. 13 بالحق نقول لكم فاين ما يبشّروا بهذا الانجيل في الدنيا كلّها يخبروا تاني بالّي عملت هذه المرأة تفكيراً لها.
- 14 داك الوقت مشى واحد من الطناش اليّ مسميّ يهودا الاسخريوطي لعند كبار الكوهنين 15 وقال: أش بغيتوا تعطيوني وأنا ندفعه لكم؟ وقالوه بتلاتين د النقرة. 16 ومن ديك الساعة كان كيفّتش على الوجبة باش يبيعه.
- 17 وفي النهار الأوّل في عيد الفطير جاوا التلاميذ لعند يسوع وقالوا له: فاين بغيت نا نوجدوا لك باش تاكل البيسح؟ 18 وقال: سيروا للمدينة لعند فلان وقولوا له: الفقيه كيقول "وقتي قريب. نعمل البيسح عندك مع تلاميذي". 19 وعملوا التلاميذ بحال ما وصّاهم يسوع ووجدوا البيسح.
- 20 ومن اين جات العشيّة جلس مع الطناش. 21 وحين كانوا كياكلوا قال: بالحق نقول لكم واحد منكم ماشي يبيعني. 22 وجاتهم غيبنة كبيرة وبدا كلّ واحد منهم يقول له: واش أنا هو، يا ربّ؟ 23 وجاوب وقال: اليّ يغمّس يده معي في الماعون هو اليّ يبيعني. 24 بالحق ابن الانسان ماشي بحال اليّ مكتوب عليه. ولاكن الويل لداك الرجل اليّ ينباع ابن الانسان على يده. كان احسن لداك الرجل لو كان ما خلق شي. 25 وجاوب يهودا اليّ باعه وقال: واش أنا هو، يا الفقيه؟ قال له: انت قلت.

26 وحين كانوا كياكلوا قبض يسوع الخبز وبارك وكسّر واعطى للتلاميذ وقال: خدوا تاكلوا.

هذا هو جسدي. 27 وقبض الكاس وشكر واعطاهم وقال: اشربوا منه كلّكم. 28 على حق اش هذا هو دمّي د العهد الجديد الّلي يتسبّل على سبب ناس بالزّاف لغفران الذنوب. 29 ونقول لكم أنا من دابّ ما نشرب شي من هذه الغلّة د الدالية حتّى لداك النهار حين نشربها معكم جديدة في ملاكة ابي. 30 ومن مورا ما هلّلوا خرجوا لجبل الزيتون.

31 داك الوقت قال لهم يسوع: انتم كاملين تعتروا فيّ هذه الليلة حيث مكتوب: أنا نضرب الواعي وتتشتّت غنم القطعة. 32 ولاكن من مورا قيامتي نسبقكم للجليل. 33 وجاوب بطرس وقال له: إذا عتروا فيك الناس كاملين أنا ما نعتري شي أبداً. 34 قال له يسوع: بالحق نقول لك، هذه الليلة قبل ما يادّن الفروّج انت تنكرني ثلاثة د المرّات. 35 قول له بطرس: وحيّ نموت معك ماننكر شي. هكدا قالوا ثاني التلايد كاملين.

36 داك الوقت جا معهم يسوع لواحد الموضع كيقولوا له جثسيماني وقال للتلاميذ: اجلسوا هنا حتّى نمشي ونصلّي تمّ. 37 وادّى معه بطرس والزوج د اولاد زبدي وبدا يحزن ويتغبّن. 38 وقال لهم: نفسي حازنة بالزّاف حتّى للموت. اجلسوا هنا وابقاوا فايقين معي. 39 وزاد لقدام شواي وطاح على وجهه وصلّى كيقول: يا ابي، إذا يقدر يكون، امر يتحيّد عليّ هذا الكاس. ولاكن ماشي بحال ما كنبيغي أنا لاكن بحال ما كتبغي انت. 40 وجا لعند التلاميذ وجبرهم ناعسين. وقال لبطرس: واش ما قدرتوا شي تبقاوا فايقين معي ساعة واحدة؟ 41 ابقاوا فايقين وصلّوا باش ما تدخلوا في التجربة. الروح بغات واماّ الجسد هو ضعيف. 42 وعاود مشى المرّة الثانية وصلّى كيقول: يا ابي، إذا ما قدر شي يتحيّد عليّ هذا الكاس غير إذا شربته لازم يكون خاطرك. 43 وجا وجبرهم ثاني ناعسين على حق اش عينيهم كانوا تقالوا بالنعاس. 44 وخلاهم وعاود مشى وصلّى المرّة الثالثة كيقول داك الكلام بنفسه. 45 وجا لعند تلاميذه وقال لهم: انعسوا دابّ وارتاحوا. ها الساعة قرّبت وابن الانسان ينباع ليديّن المدنّيين. 46 نوضوا نمشيوا. ها الّلي يبيعني قرّب.

47 ومن اين كان باقي كيتكلّم ها يهودا واحد من الطناش جا ومعه جوقة كبيرة بالسيف والعصي من عند كبار الكوهنين وشيوخ الناس. 48 والّلي باعه اعطاهم واحد الامارة كيقول: الّلي نبوسه هداك هو. اقبضوه. 49 وفي الحين جا لعند يسوع وقال: السلام عليك، يا الفقيه. وباسه. 50 وقال له يسوع: يا صاحبي، علاش جيت؟ داك الوقت زادوا ومدّوا يديهم في يسوع وقبضوه. 51 ورا واحد من الّلي كانوا مع يسوع مدّ يده وسلّ سيفه وضرب عبد كبير الكوهنين وقطع له أدنه. 52 وقال له يسوع: ردّ سيفك لموضعه. على حق اش جميع الّلي كيرفدوا السيف بالسيف ينهلكوا. 53 واش كتظنّ باين أنا

ما نقدر شي دابّ نطلب ابي ويعطيني اكثر من اطناشر طابور د الملائكة؟ 54 لآكن كيف يوفيوآ الكتب باين هكدا واجب يكون.

55 في ديك الساعة قال يسوع للجوقات: واش جيتوا بالسيوف والعصي باش تقبضوني بحال إدا خرجتوا على شي شفّار؟ كلّ نهار كنت جالس معكم كنعلّم في بيت المقدس وما قبصتونني شي. 56 ولاكن هذا الشي كلّه وقع باش يوفيوآ كتب الانبيا. داك الوقت خلاواه التلاميذ كلهم وهربوا.

57 وآلي قبضوا يسوع اداواه لعند قيافا كبير الكوهنين فاين كانوا مجموعين الكتاب والشيوخ.

58 وآمّا بطرس تبعه من بعيد لدار كبير الكوهنين ودخل لداخل وجلس بين المخزنيّة باش يشوف

التمام. 59 وكانوا كبار الكوهنين والشيوخ والجماعة كاملة كيفتشوا على شهادة الزور على يسوع باش

يقتلوه. 60 وما صابوا شي. ووخّى جاوا شهود الزور بالزّاف ما صابوا شي. ولاكن في الآخر جاوا زوج.

61 وقالوا: هذا قال "أنا نقدر نطيح بيت المقدس د الله وفي تلت ايام نبنيه". 62 وناض كبير الكوهنين

وقال له: واش ما تجاوب حتّى بشي؟ اشنهوّ هذا الشي آلي كيشهدوا به هذو عليك؟ 63 وآمّا يسوع

كان ساكت. وجاوب كبير الكوهنين وقال له: دخلت عليك بالله الحيّ إدا ما تقول لنا واش انت

المسيح ابن الله. 64 قال له يسوع: انت قلت. وتاني نقول لكم من دابّ تشوفوا ابن الانسان جالس على

يمين القوّة وماجي على سحاب السما. 65 داك الوقت شرّج كبير الكوهنين حوايجّه كيقول: را كفر.

أش من حاجة باقية عندنا بالشهود؟ ها انتم سمعتوا الكفر دياله. 66 أش ظهر لكم؟ وجاوبوا وقالوا:

واجب عليه يموت! 67 داك الوقت بزقوا في وجهه وضربوه. واخرين طرشوه 68 وقالوا: كاشف لنا،

يا المسيح، اشكون ضربك؟

69 وبطرس كان جالس على برّا في وسط الدار. وجات لعنده واحد المتعلّمة وقالت: وانت تاني

كنت مع يسوع الجليلي. 70 ونكر قدّامهم كاملين كيقول: ما كنعرف شي اش كنتقولي. 71 وحين خرج

للنّباح سافّته واحدة اخرى وقالت للّي هم تمّ: وهذا كان مع يسوع الناصري. 72 ونكر تاني بالحلوف:

أنا ما كنعرف شي هذا الرجل. 73 وبعد شواي جاوا آلي كانوا واقفين وقالوا لبطرس: بالحقّ انت تايين

منهم على حق اش كلامك كيظهرك. 74 داك الوقت بدا يخطي ويحلف كيقول: أنا ما كنعرف شي

هذا الرجل. وفي الحين ادّن الفروج. 75 وتفكّر بطرس كلام يسوع آلي قال له: قبل ما يادّن الفروج

تنكرني ثلاثة د المرّات. وخرج على برّا وبكى واحد البكا حارّ.

1 ومن اين صبح الحال تشاوروا جميع كبار الكوهنين وشيوخ الناس على يسوع باش يقتلوه. 2 وكتّفوه وادّاواه ودفعوه لبيلاطس البنطي العامل.

3 داك الوقت من اين شاف يهودا اليّ باعه باين اتّحكم ندم وردّ التلاتين د النقرة لكبار الكوهنين والشيوخ. 4 وقال: دنبت حيت بعث الدمّ التاقي. وقالوا: أش كمانا؟ شوف انت. 5 وسيّب النقرة في بيت المقدس وخرج. ومشى وجيّف رأسه. 6 وقبضوا كبار الكوهنين النقرة وقالوا: ما هو شي حلال نرميوها في الخزنة على حق اش هي تمن الدمّ. 7 وتشاوروا وشرأوا بها فدّان الفخّار باش يدفنوا فيه الغرباء. 8 على داك الشي تسمّى الفدّان "فدّان الدمّ" حتّى لهذا النهار. 9 داك الوقت وفي اليّ انفال بإرم يا النبي كيقول: وقبضوا التلاتين د النقرة التمن د المقوم اليّ قوموا من بنو إسرائيل 10 واعطاوها في فدّان الفخّار بحال ما امرني الربّ.

11 ووقف يسوع قدّام العامل وسقّاه العامل كيقول: واش انت سلطان اليهود؟ وقال له يسوع: انت كتقول. 12 ومن اين كانوا كبار الكوهنين والشيوخ كيشكيوا به، ما جاوب حتّى بشي. 13 وقال له بيلاطس: واش ما كتسمع شي باشحال من مسالة كيشهدوا عليك؟ 14 وما جاوبه حتّى بكلمة واحدة حتّى تعجّب العامل بالزّاف.

15 وكانت عند العامل القاعدة في العيد باش يطلق للناس مسجون واحد اليّ بغاوا. 16 وكان عندهم داك الوقت واحد المسجون مشهور مسمّى باراباس. 17 وحين كانوا مجموعين قال لهم بيلاطس: اشكون اليّ تغيتوني نطلّقه لكم، باراباس أو يسوع اليّ مسمّى المسيح؟ 18 حيت عرف باين هم دفعوه من الحسد. 19 وحين كان جالس على الكرسي د الحكم سيفطت له امرأته وقالت: كون على بال من داك التاقي. على حق اش أنا تعدّبت اليوم بالزّاف في واحد المنامة على سببه. 20 ولاكن كبار الكوهنين والشيوخ حرّشوا الجوقات باش يطلبوا باراباس ويهلكوا يسوع. 21 وجاوب العامل وقال لهم: اشكون من هذو الزوج بغيتوني نطلق لكم؟ وقالوا باراباس. 22 قال لهم بيلاطس: واش نعمل بيسوع اليّ مسمّى المسيح؟ قالوا له كاملين: يتصلّب! 23 وقال العامل: علاش؟ أش من قباحة عمل؟ وكانوا كيزيدوا يغوتوا كيقولوا: يتصلّب! 24 ومن اين شاف بيلاطس باين ما نفع حتّى شي لآكن وقع الضجيج قبض الما وغسل يديه قدّام الجماعة وقال: أنا بارئ من دمّ هدا التاقي. شوفوا انتم. 25 وجاوبوا الناس كاملين وقالوا: دمه يكون علينا وعلى اولادنا. 26 داك الوقت طلق لهم باراباس. وأمّا يسوع عصّاه ودفعه باش يتصلّب.

27 والعسكر دالعامل اداوا يسوع لدار الحكم وجمعوا عليه الطابور كامل. 28 وعراواه ولبسوا له كسوة ملوكية. 29 وضفروا واحد التاج د الشوك وعملوه له على رأسه وواحد القصة في يده د اليمين. وكانوا كيسجدوا قدامه ويتملغوا عليه كيقولوا: السلام عليك، يا سلطان اليهود. 30 وبزقوا عليه وقبضوا القصة وضربوه على رأسه. 31 ومن مورا ما تملغوا عليه زولوا له الكسوة ولبسوا له حوايجه واداواه باش يتصلب.

32 ومن اين كانوا خارجين صابوا واحد الرجل قيرواني اسمه سمعان وكلفوا عليه باش يرفد صليبه. 33 وحين جاوا لواحد الموضع كيقولوا له "جلجثة" وهو مسمي موضع الجمجمة 34 اعطاواه الخل مخلط بالمرارة باش يشرب. ومن اين داق ما بغا شي يشرب. 35 وحين صلبوه قسموا كسوته وضربوا عليها العود. باش يوفى الي انقال بالنبي: قسموا كسوتي بينتهم وعلى اللباس دياالي ضربوا العود. 36 وجلسوا كيحضيواه تم. 37 وعملوا فوق رأسه السبب ديااله مكتوب "هذا هو يسوع سلطان اليهود". 38 داك الوقت صلبوا معه زوج د الشفارة واحد على اليمين وواحد على الشمال.

39 والي كانوا دايزين كفروا به وهم كيهزوا روسهم 40 كيقولوا: يا الي كتطيح بيت المقدس وكتبنيه في تلت ايام، نجى نفسك ادا كنت ابن الله انزل من الصليب. 41 وكذاك كبار الكوهنين تاني وهم كيتملغوا عليه مع الكتاب والشيوخ قالوا: 42 نجى اخرين واما نفسه ما يقدر شي ينجيها. ادا كان هو سلطان إسرائيل خليه ينزل داب من الصليب ونامنوا به. 43 راه اكل على الله. خليه يعتقه داب ادا هو حبه. لانه قال: أنا ابن الله. 44 وبداك الكلام ائيت كانوا الشفارة الي تصلبوا معه كيعايروه.

45 ومن الساعة السادسة طاح الظلام على الارض كلها حتى للساعة التاسعة. 46 ومقدار الساعة التاسعة غوت يسوع بصوت عالي كيقول: إيلي، إيلي، لما شبتني؟ يعني: إلهي، إلهي، علاش خليتني؟ 47 والبعض من الي كانوا واقفين تم حين سمعوا قالوا: هذا كيبيط على إيليا. 48 وفي الحين جرى واحد منهم وقبض شي جفافة وعمرها بالخل وعملها على واحد القصة واعطاه يشرب. 49 واما الباقيين قالوا: أهذا. خلينا نشوفوا واش يجي إيليا وينجيّه. 50 وغوت يسوع تاني بصوت عالي ودفع روحه.

51 ورا حجاب بيت المقدس تقطع على زوج من فوق حتى لتحت. والارض تنزلت والصخرات انشقوا. 52 والقبور انفتحتا وقاموا بالراف من اجساد القديسين الي كانوا ناعسين. 53 وخرجوا من القبور من مورا قيامته ودخلوا للمدينة المقدسة ظهوروا لناس كتار. 54 وقايد المية والي معه كيحضيوا يسوع من اين شافوا الزنزة والي وقع خافوا بالراف وقالوا: بالحق كان هذا ابن الله. 55 وكانوا تم نسا

بالزّاف كيشوفوا من بعيد الّلي تبعوا يسوع من الجليل وكيخدموه. 56 فيهم مريم المجدليّة ومريم أمّ يعقوب ويوسي وأمّ اولاد زبدي.

57 ومن اين جات العشية جا واحد الرجل غني من الرامة اسمّه يوسف. وكان هو ثاني تلميذ يسوع. 58 وهذا مشى لعند بيلاطس وطلب جسد يسوع. وامر بيلاطس داك الوقت باش ينعطى له الجسد. 59 وادى يوسف الجسد وكفّفه في كتّان نقي. 60 وحطّه في قبره الجديد الّلي كان حفره في الصخرة ودررب واحد الحجرة كبيرة على باب القبر ومشى. 61 وكانت تمّ مريم المجدليّة ومريم الاخرى جالسين قبالة القبر.

62 ولاّ غذا الّلي من مورا نهار التوحيد اتّجمعوا كبار الكهنيين والفريسيين عند بيلاطس 63 وقالوا: يا سيدي، تفكرنا باين داك الخدّاع قال وهو باقي بالروح بعد تلت ايام أنا نقوم. 64 على داك الشي، امر بالعسة على القبر حتّى لليوم الثالث عندك يجيوا تلاميذه في الليل ويسرقوه ويقولوا للناس باين قام من الميتين. وتكون الخديعة التالية اقبح من الاولى. 65 وقال لهم بيلاطس: ها العسة عندهم. سيروا تحصّنوه كيف تعرفوا. 66 ومشاوا وحصّنوا القبر بالعسة وطبعوا الحجرة.

الفصل الثمنية وعشرين

1 ومن مورا السبت عند الفجر نهار الاحد جات مريم المجدليّة ومريم الاخرى باش يشوفوا القبر. 2 ورا واحد الزنزلة كبيرة وقعت. على حق اش ملاك الربّ نزل من السما وجا ودررب الحجرة من الباب وجلس عليها. 3 وكانت صفّته بحال البرق وكسوّته بيضا بحال الثلج. 4 ومن الخوف منه اترعدوا العساسة وولّوا بحال الميتين. 5 وجاوب الملاك وقال للنسا: لا يخافوا شي انتم. على حق اش أنا كنعرف باين كتفتّشوا على يسوع الّلي تصلّب. 6 ما هو شي هنا لأنه قام بحال ما قال. اجيوا تشوفوا الموضع الّلي كان الربّ راقده فيه. 7 وسيروا دغيا وقولوا لتلاميذه باين قام من الميتين. ها هو يسبقكم للجليل. تمّ تشوفوه هاني قلت لكم. 8 وخرجوا دغيا من القبر بالخوف وفرحة كبيرة كيجريوا باش يخبروا تلاميذه. 9 ومن اين كانوا غاديين باش يخبروا تلاميذه را يسوع تلاقاهم وقال: السلام عليكم. وجاوا وقبضوا في رجله وسجدوا له. 10 وقال لهم يسوع: لا تخافوا شي. سيروا تقولوا لاختوتي يمشوا للجليل وتمّ يشوفوني.

11 ومن اين كانوا ماشيين را شي من العساسة جاوا للمدينة وخبروا كبار الكهنيين بكلّ ما وقع. 12 واتّجمعوا مع الشيوخ وتشاوروا واعطاوا للعسكر دراهم بالزّاف 13 كيقولوا: قولوا باين تلاميذه

جاءوا في الليل وسرقوه واحنا ناعسين. 14 وإذا سمع العامل بذاك الشي احنا نرغبوه ونهنيوكم. 15
وقبضوا الدراهم وعملوا بحال ما قرّاهم. وشاع هذا الكلام عند اليهود حتّى لهذا النهار.
16 وأمّا الحضاشر تلميذ مشاوا للجليل للجبل الّلي عيّنه لهم يسوع. 17 ومن اين شافوه سجدوا
لّه ولاكن البعض منهم شكّوا. 18 وجا يسوع وتكلّم معهم كيقول: اندفعت لي كلّ قدرة في السما وعلى
الارض. 19 وسيروا واعملوا تلاميذ من الجنوس كاملين وعمّدوهم باسم الاب والابن والروح القدس. 20
وعلموهم يقبضوا كلّ ما وصيّتكم به. وها أنا معكم الايّام كلّهم حتّى لآخر الدنيا. آمين.

إنجيل يسوع المسيح على يد مرقس

الفصل الاوّل

- 1 بدو إنجيل يسوع المسيح ابن الله 2 بحال ما هو مكتوب في الأنبياء: ها أنا كنسيفط قدّام وجهك الملاك ديالي اليّ يوجّد طريقك قدّامك. 3 الصوت د واحد اليّ كيبّرّح في الخلا: وجّدوا محجّ الربّ عدّلوا طرقانه مسقّمين. 4 يوحنا كان كيعمّد في الخلا ويبشّر بمعموديّة التوبة لغفران الذنوب. 5 وخرجوا لعنده جميع نواحي بلاد اليهوديّة وأهل أورشليم وتعمّدوا كلّهم على يدّه في واد الأرّدن كيستقروا بدنوبهم. 6 وكان يوحنا لابس وبر الجمال وعنده حزام من الجلد على نصّه وكياكل الجراد والعسل د الخلا. 7 وكان كيبشّر ويقول يجي من موراي اليّ هو أقوى منّي اليّ ما نستاهل شي باش نحني ونحلّ سيور نعائله. 8 أنا عمّدكم بالما واما هو ماشي يعمّدكم بالروح القدس.
- 9 وفي ديك الايام جا يسوع من الناصرة د الجليل وتعمّد على يدّ يوحنا في الأرّدن. 10 وفي الحين وهو طالع من الماء، شاف السماوات مفتوحين والروح بحال الحمامة نازل عليه. 11 وكان واحد الصوت من السما كيقول: أنت ابني الحبيب اليّ به كنفرح.
- 12 وفي الحين خرّجه الروح للخلا. 13 وكان تمّ في الخلا أربعين يوم كيتجرّب بالشيطان. وكان مع الوحوش. وكانوا الملايكة كيخدموه.
- 14 ومن مورا ما اتقبض يوحنا في الحبس جا يسوع للجليل كيبشّر بإنجيل ملاكة الله. 15 وكيقول: كمل الوقت وقربت ملاكة الله. توبوا وامنوا بالإنجيل.
- 16 ومن اين كان كيتسارى حدا بحر الجليل، شاف سمعان واندراؤس اخاه كيرميو واحد الشبكة في البحر. على حق اش كانوا صيادين الحوت. 17 وقال لهم يسوع: اجيوا تتبعوني ونعملكم تصيّدوا على الناس. 18 وفي الحين تركوا شباكهم وتبعوه. 19 وداز من تمّ شواي وشاف يعقوب بن زبدي ويوحنا اخاه وهم في السفينة كيصلحوا الشباك. 20 وعييط عليهم في الحين. وخلّوا ابوهم زبدي في السفينة مع الخدّامة وتبعوه.
- 21 ودخلوا لكفرناحوم وفي الحين دخل للجامع في السبت وبدا يعلم. 22 ودهشوا من تعليمه لانه كان كيعلّمهم بحال واحد اليّ عنده القوّة وماشي بحال الكتاب. 23 وكان في الجامع ديالهم واحد الرجل فيه جنّ منجوس. وغوّت 24 كيقول: أش بيننا وبينك، يا يسوع، الناصري؟ واش جييت تهلكنّا؟ أما كنعرفك اشكون أنت القدّوس د الله. 25 ونهض فيه يسوع كيقول: سكّت واخرج منه! 27 وتعجّبوا كلّهم حتّى قالوا بينّتهم: أش هدا الشي؟ اشنّهو هدا التعليم الجديد؟ على حق اش بالقوّة

كيامر حتّى الجنون المنجوسين وكيطيّعوا له. 18 وفي الحين خرج خبره في جميع البلاد الدائرة بالجليل.

29 ومن اين خرجوا من الجامع جاوا في الحين لدار سيمعان واندرأوس مع يعقوب ويوحنا. 30 وكانت نسيبة سيمعان راقدة بالحمى. وفي الحين خبروه بها 31 وزاد وقبضها من يدها ووقفها وفي الحين خرجت منها الحمى وبدات تتسخّر عليهم. 32 وحين جات العشيّة من اين غربت الشمس جابوا لعنده جميع المرضى والمجنونين. 33 وكانت المدينة كلّها مجموعة على الباب. 34 وشافى بالزّاف الي كانوا مراض بالامراض على الشكال وخرّج شياطين كتار وما خلّى شي الشياطين يتكلّموا على حق اش عرفوه 35 وفي الصباح بكري بالزّاف ناض وخرج ومشى لواحد الموضع خالي وكان كيصلّي تمّ. 36 وتبعه سيمعان وآلي معه. 37 وحين صابوه قالوا له: كيفتشوا عليك الجميع. 38 وقال لهم: نمشوا للدشور المجاورين باش نبشّر تمّ تاني على حق اش لهذا الشي خرجت. 39 وكان كيبيشّر في جوامعهم في الجليل كلّه ويخرّج الشياطين.

40 وجا لعنده واحد البراص كيطلب له وكيسجد قدّامه ويقول له: إدا بغيت تقدر تصفّيني. 41 وحنّ يسوع ومدّ يده ومسّه وقال له: أنا بغيت. كون صافي. 42 وفي الحين وهو باقي كيتكلّم مشى منه البرص وتصفّى. 43 ووصّاه وسيفطه في الحين 44 وقال له: شوف، لا تقول لاحد حتّى شي لائن سير تورّي نفسك للكوهن وقدم على تطهيرك داك الشي آلي أمر به موسى شهادة لهم. 45 واما هو خرج وبدا يبرّح بالزّاف ويشيّع الخبر حتّى ما قدر شي يعاود يدخل للمدينة ظاهر لائن كان على برّا في المواضع الخاليين وكانوا كيحيوا لعنده من كلّ جهة.

الفصل الثاني

1 ودخل لكفرناحوم تاني بعد شي ايّام وسمعوا باين راه في الدار. 2 وفي الحين اتجمعوا ناس كتار حتّى ما كان لهم تيسع وخرّج قدّام الباب. وكان كيعلّمهم بالكلام. 3 وجاوا لعنده وجابوا له واحد مريض ببو فالج رافدينه أربعة د الناس. 4 ومن اين ما قدروا شي يقربوا له على سبب الزحام، زوّلوا السقف فاين كان ومن مورا ما فتحو فيه التقبّة دلّوا السرير آلي كان راقد عليه المريض ببو فالج. 5 وحين شاف يسوع إيمانهم قال للمريض ببو فالج: يا ولدي، مغفورين لك دنوبك. 6 وكانوا شي من الكتاب كألسين تمّ كيخمّموا في قلوبهم: 7 علاش كيتكلّم هدا هكدا بالكفر. اشكون يقدر يغفر الدنوب من غير الله وحده؟ 8 وفي الحين فطن يسوع في روحه باين كيخمّموا هكدا في أنفسهم وقال لهم: علاش كتخمّموا في هدا الشي في قلوبكم؟ 9 اما أسهل فيهم باش ينقال للمريض ببو فالج مغفورين لك دنوبك،

أو ينقال له : قوم وارقد السرير ديالك وسير؟ 10 ولاكن باش تعرفوا باين ابن الإنسان عنده القدرة على الأرض باش يغفر الذنوب، قال للمريض ببو فالج : 11 لك كنقول قوم، ارقد سريرك وسير لدارك. 12 وقام في مرة ورقد السرير وخرج قدام الجميع حتى بقاوا مبهورين كلهم ومجدوا الله كيقولوا: عمرنا ما شغنا بحال هذا الشي.

13 وخرج تاني للبحر. وجاوا لعنده الناس بالزّاف وعلمهم 14 وهو دايز شاف لاوي بن حلفى كألّس في موضع النكاس. وقال له : اتبعني. وقام وتبعه. 15 وحين كان متّكي في داره، كانوا بالزّاف د النكاسة والمدنبيين متّكبين مع يسوع وتلاميذه على حق اش كانوا بالزّاف وتبعوه. 16 واما الكتاب والفريسيين من اين شافوه كياكل مع النكاسة والمدنبيين قالوا لتلاميذه: كيفاش حتى كياكل ويشرب مع النكاسة والمدنبيين؟ 17 ومن اين سمع يسوع قال لهم: الصحاح ما كيحتاجوا شي الطبيب لآكن المرضى. ما جيت شي باش نعيّط على التاقيين لآكن على المدنبيين باش يتوبوا.

18 وكانوا تلاميذ يوحنا والفريسيين كيصوموا. وجاوا وقالوا له : علاش كيصوموا تلاميذ يوحنا والفريسيين واما تلاميذك ما كيصوموا شي؟ 19 وقال لهم يسوع: كيف يقدرّوا أهل العرس يصوموا والعريس معهم؟ ما حدّ العريس معهم، ما يقدرّوا شي يصوموا. 20 ولاكن يجيوا الايام حين يتحيّد عليهم العريس عاد يصوموا في ديك الايام. 21 ما كاين احد الّي يخيّط واحد الرقعة من طرف جديد على شي كسوة بالية، عندك الطرف الجديد يدّي من البالي ويولّي القطيع اقبح من الّي كان. 22 وما كاين احد الّي يعمل الخمر الجديد في جلود باليين، عندك يطرطق الخمر الجديد الجلود الباليين والخمر ينهرق والجلود يخسروا. لآكن يعملوا الخمر الجديد في جلود جداد.

23 وداز في السبت بين الزروعات. وبدوا تلاميذه يقطعوا السبول وهم ماشيين. 24 وقالوا له الفريسيين: شوف. علاش كيعلّوا في السبت داك الشي الّي ما هو شي حلال؟ 25 وقال لهم: واش عمركم ما قريتوا داك الشي الّي عمل داود من اين كان محتاج وجاع هو والّي معه؟ 26 كيف دخل لبيت الله في ايام أبياتار، كبير الكهنيين، وكلا خبز المعطى الّي ما هو شي حلال على احد ياكله من غير الكهنيين واعطى للّي كانوا معه تاني. 27 وقال لهم: السبت بالحقّ انعمل على قبل الإنسان، ماشي الإنسان على قبل السبت. 28 على داك الشي ابن الإنسان هو ربّ السبت تاني

الفصل الثالث

1 ودخل تاني للجامع. وكان تمّ واحد الرجل يدّه مبطوبة. 2 وكانوا كيحضيواه واش يشافيه في السبت، باش يشكيوا به. 3 وقال للرجل الّي يدّه مبطوبة: قوم في الوسط. 4 وقال لهم: واش حلال

ينعمل الخير في السبب أو الشرّ؟ تنجا النفس أو تنقّلت؟ وسكتوا. 5 وشاف فيهم مجموعين بالغضب،
حازن على قسوحية قلوبهم وقال للرجل: مدّ يدك. ومدّها وولّات يده صحيحة بحال الاخرى. 6
وخرجوا الفريسيين ديك الساعة مع الهيروُدسيين وتشاوروا عليه باش يهلكوه.

7 ومشى يسوع مع تلاميذه للبحر وتبعوه جماعات كبار من الجليل ومن بلاد اليهودية 8 ومن
أورشليم ومن أدومية ومن الديزة الاخرى د الأردن. وجاوا لعنده تاني هدوك الي في أحواز صور وصيدا
جماعات كبار حيث سمعوا اشحال د الأمور الي عملهم. 9 وقال لتلاميذه باين كتخصه شي سفينة
صغيرة على سبب الناس باش ما يزحموه شي. 10 من حيث كان عاد شافي ناس كتار حتّى زحموا
عليه باش يمسه كلّ واحد الي فيه شي مرض. 11 والجنون المنكوسين من اين شافوه سجدوا له وغوّتوا
كيقولوا: بالتحقيق أنت هو ابن الله! 12 ووصّاهم بالزّاف باين ما يظهره شي.

13 وطلع للجبل وعيّط على من بغى وجاوا لعنده. 14 واختار الطناش باش يكونوا معه
ويسيفطهم باش يبشّروا. 15 وتكون عندهم القدرة باش يشافيو الأمراض ويخرجوا الشياطين 16 وسمّى
سيمعان اسمه بطرس. 17 ويعقوب بن زبدي ويوحنا اخا يعقوب وسمّاهم اسم بوانرجس يعني أولاد
الرعد. 18 واندراس وفيلبس وبرتولماوس ومثّى وتوما ويعقوب بن حلفى وتداوس وسمعان القانوني. 19
ويهودا الاسخريوطي الي باعه. ودخلوا لواحد الدار. 20 وعادوا اتجمعوا ناس كتار حتّى ما قدروا شي
ياكلوا الخبز. 21 وحين سمعوا أحبابه، خرجوا باش يقبضوه على حق اش قالوا باين خارج عقله. 22
وأما الكتاب الي جاوا من أورشليم قالوا: بالتحقيق فيه بعّلزبول. وبرائس الشياطين كيخرج الشياطين.
23 وعيّط عليهم وقال لهم بالامثال: كيف يقدر الشيطان يخرج الشيطان؟ 24 وإذا انقسمت واحد
الملاكة على نفسها، ما تقدر شي تتبّت ديك الملاكة. 25 وإذا انقسمت واحد الدار على نفسها، ما تقدر
شي تتبّت ديك الدار. 26 وإذا قام الشيطان على نفسه وانقسم، ما يقدر شي يتبّت لآكن يتقاضى. 27
ما يقدر احد يدخل للدار د واحد القوي ويحوّص متاعه إذا ما كتّف القوي في الأوّل وعاد يحوّص داره.
28 الحقّ نقول لكم باين جميع الذنوب ينغفروا لأولاد بن آدم والكفر الي يكفروا به. 29 ولاكن الي كفر
بالروح القدس ما يكون له شي الغفران أبداً لآكن واجبة عليه العقوبة الدائمة. 30 حيث راهم قالوا باين
فيه جنّ منكوس.

31 ديك الساعة جاوا اخوته وأمه ووقفوا على برّا وسيفطوا لعنده يعيّطوا عليه 32 والناس كانوا
كالسين دايرين به وقالوا له: ها أمك واخوتك على برّا كيفتشوا عليك. 33 وجاوبهم كيقول: اشكون
هي أمي واشكون هم اخوتي؟ 34 وشاف في الي كالسين مجموعين وقال: ها هم أمي واخوتي. 35 على
حق اش الي يعمل خاطر الله هو اخاي واختي وأمي.

الفصل الرابع

- 1 وبدا عاود تاني يعلّم حدا البحر. واتجمعوا عليه جماعة كبيرة د الناس حتّى دخل للسفينة وكُلّس على البحر والناس كلّهم كانوا حدا البحر على البرّ.
- 2 وكان كيعلّمهم بالزّاف بالامتال وقال لهم في تعليمه: 3 اسمعوا. را الحرّات خرج باش يزرع.
- 4 وهو كيزرع طاح شي على الطريق وجاوا طيور السما وكلاوه. 5 وطاح اخر في موضع الحجر فاين ما كان له تراب بالزّاف. ونبت دغيا حيث ما عنده غرق في الأرض. 6 ولاكن من اين شرقت الشمس انحرق. وحيث ما عنده جدر يبس. 7 وطاح آخر في الشوك. وطلع الشوك وجيّفه وما جاب شي الغلّة.
- 8 وطاح آخر في الأرض الجيّدّة. وجاب الغلّة الّي طلع وكتر. وجاب واحد بتلاتين واخر بستّين واخر بمية. 9 وقال لهم: الّي عنده الأدنين باش يسمع لا بدّ يسمع.
- 10 ومن اين كان بوحده سقصاواه الّي دايرين به مع الطناش على المتال. 11 وقال لهم: انتم اتعطى لكم باش تعرفوا سرّ ملاكة الله. وأمّا الّي هم على برّا بالامتال ينقال لهم كلّ شي. 12 باش شايفين يشوفوا وما يفتنوا شي وسامعين يسمعوا وما يفهموا شي، عندك يرجعوا وينغفروا لهم دنوبهم.
- 13 وقال لهم: واش ما عرفتوا شي هذا المتال؟ وكيف تعرفوا الامتال كلّهم؟ 14 الزّراع كيزرع الكلام.
- 15 وهدو هم الّي على الطريق فاين اتزرع الكلام ومن اين يسمعوا يجي الشيطان في الحين ويحيّد الكلام الّي كان مزروع في قلوبهم. 16 وكدالك هدو الّي اتزرعوا على المواضع المحجّرين هم الّي يسمعوا الكلام وفي الحين يقبلوه بالفرحة. 17 ولاكن ما عندهم جدر في أنفسهم ويصبروا غير شي ساعة. وبعد داك الشي حين يوقع شي ضيق أو ترميدة على سبب الكلام، في الحين يعتروا. 18 والّي اتزرعوا بين الشوك هم هدو الّي يسمعوا الكلام 19 وهموم هذه الدنيا وغرور المال والشهاوي د أمور اخرين يدخلوا ويجيّفوا الكلام ويولّي بلا غلّة. 20 وهدو هم الّي اتزرعوا على الأرض الجيّدّة. الّي يسمعوا الكلام ويقبلوه ويجيبوا الغلّة، واحد تلاتين واخر ستّين واخر مية.
- 21 وقال لهم: واش الضوّ كينجاب وينعمل تحت العبر أو تحت السرير؟ واش ما ينعمل شي على الحسكة؟ 22 على حق اش ما كاين حتّى شي مخفي الّي ما يتظّهّر شي ولا كاينة شي حاجة مخبّعة من غير باش تتشهر. 23 إذا كانوا عند شي احد الأدنين باش يسمع، لا بدّ يسمع. 24 وقال لهم: ردّوا بالكم أش تسمعوا. بالعبر باش تعبروا ينعبركم ويتزاد لكم، يا السامعين. 25 على حق اش الّي عنده ينعطى له. وأمّا الّي ما عنده شي، حتّى داك الشي الّي عنده يتحيّد له.

26 وقال: هكذا ملاكة الله بحال إلى كان واحد الإنسان كيسيّب الزريعة في الأرض 27 وينعس ويقوم ليل ونهار والزريعة تنبت وتكبر وهو ما يعرف شي كيف. 28 على حق اش الأرض من نفسها كتجيب الغلة. في الأول النبات عاد السبولة ومن بعد القمح معمر في السبولة. 29 وأما حين توصل الغلة، داك الوقت يسيفط المنجل على حق اش الحصاد راه وجد.

30 وقال: باش نشبهوا ملاكة الله أو باش من متال نمتلوهما؟ 31 هي متل واحد الحبة د الخردل حين اتزرعت في الأرض راها الصغيرة في جميع الحبوب الي على الأرض. 32 لآكن من اين تتزرع تطلع وتولي اكبر من جميع العشوب وتعمل فروع كبار حتى يقدروا طيور السما يتاواوا تحت ظلها. 33 وبامتال كتار بحال هدا كان يتكلم معهم جهد ما قدروا يسمعوا. 34 وبلا متال ما كان شي كيتكلم معهم. وأما من اين كانوا وحدهم كان كيفسر كل شي لتلاميذه.

35 وقال لهم في داك النهار حين جات العشية: ندوزوا للديزة الاخرى. 36 وسيفطوا الناس وادّاواه كيف كان في السفينة وكانوا معه تاني سفينات اخريين صغار. 37 وناض واحد الريح عصيف وكانوا الأمواج كيضربوا لقلب السفينة حتى ولّات كتتعمر. 38 وكان هو في البروة ناعس على واحد الوسادة. وفيقوه وقالوا له: يا الفقيه، واش ما طلعت فينا حساب واحنا اتهلكنا؟ 39 وقام ونهض في الريح وقال للبحر: اسكت! تهدن! وهمد الريح وولّت واحد الهدنة عظيمة. 40 وقال لهم: مالكم خافين هكذا؟ واش ما عندكم إيمان؟ 41 وخافوا خوف كبير وقالوا مع بعضهم: اشكون هو هدا؟ على حق اش حتى الريح والبحر كيطيعوا له.

الفصل الخامس

1 وجاوا للديزة الاخرى د البحر لبلاد الجدريين. 2 ومن اين خرج من السفينة في الحين تلاقاه من القبور واحد الرجل فيه جنّ منكوس 3 كان مسكنه في القبور وما قدر احد يربطه حتى بالسناسل. 4 على حق اش را اتربط بالزاف د المرات بالقيود والسناسل وقطع السناسل وهرس القيود. وما قدر احد يطوّعه. 5 وكان ديما ليل ونهار في الجبال وفي القبور كيغوت ويجرح نفسه بالاحجار. 6 ومن اين شاف يسوع من بعيد جرى وسجد له 7 وغوت بصوت عالي وقال: أش بيني وبينك، يا يسوع ابن الله العلي؟ دخلت عليك بالله لا تعدّ بني شي. 8 من حيث قال له: اخرج من الرجل، يا الجنّ المنكوس. 9 وسقّاه: أش اسمك؟ وجاوب وقال: اسمي لجيون، حيث احنا بالزاف. 10 ورغبوه بالزاف باش ما يسيفطهم شي يخرجوا من البلاد. 11 وكانت تمّ في الجبال قطيع كبير د الحلاف كيرعوا. 12 وطلبوا له الجنون كلهم كيقلوا: خلينا ندخلوا في الحلاف. 13 وخلاهم يسوع في الحين. وخرجوا الجنون

المنكوسين ودخلوا في الحلالف. وجرى القطيع بالجهد من فوق الجرف للبحر وكانوا مقدار ألفين. وجافوا في البحر. 14 وأما سراح الحلالف هربوا وخبروا في المدينة وعلى برّا. وخرجوا يشوفوا داك الشي الي وقع. 15 وجاوا لعند يسوع وشافوا المجنون الي كان فيه اللجئون كالس ومكسي وبعقله. وخافوا. 16 والي شافوا، عاودوا لهم كيف جرى للمجنون وعلى الحلالف. 17 وبدوا يرغبوه يمشي من حدودهم. 18 ومن اين دخل للسفينة رغبه الي كان مجنون باين يكون معه. 19 وما خلا شي يسوع لآكن قال له: سير لدارك وأهلك وخبرهم بما عمل معك الربّ ورحمك. 20 ومشى وبدا يبرّح في العشر المدين بما عمل معه يسوع. وتعجبوا الجميع.

21 ومن اين داز يسوع في السفينة تاني للديزة الاخرى اتجمعوا عليه ناس بالزاف. وكان حدا البحر. 22 ورا واحد من كبار الجامع اسمه يايروس جا. ومن اين شافه طاح عند رجله. 23 ورغبه بالزاف كيقول: بنتي الصغيرة على حالة الموت. كنرغبك تجي وتحط يدك عليها باش تتشافى وتعيش. 24 ومشى معه وتبعته ناس بالزاف وكانوا كيتزاحموا عليه.

25 وواحد المرأة فيها تجرية الدم مدة من اطناشر عام، 26 وتعدّبت بالزاف من الأطباء كتار وصرفت كلّ ما عندها وما استنفعت شي لآكن ولّات حالتها اقبح من الي كانت، 27 من اين سمعت بيسوع، جات في وسط الناس من موراه ومست كسوته. 28 حيث قالت: إذا مسيت وحي غير حوايجه نتشافى. 29 وفي الحين يبست عين دمها وفطنت في داتها باين برات من المرض. 30 وفي الحين دار يسوع في الناس فاطن في نفسه بالقوة الي خرجت منه وقال: اشكون الي مس حوايجي؟ 31 وقالوا له تلاميذه: أنت كتشوف الناس كيتزاحموا عليك وتقول "اشكون مسني"؟ 32 وشاف من كلّ جهة باش يشوف هديك الي عملت هذا الشي. 33 وأما المرأة جات وهي خيفة وكتترعد عارفة بما وقع لها وسجدت وقالت له الحق كلّ. 34 وقال لها: يا بنتي، إيمانك هو الي شافاك. سيرى بالسلامة وكوني صحيحة من المرض ديالك.

35 وهو باقي كيتكلّم، جاوا شي ناس من دار مقدّم الجامع كيقولوا: بنتك ماتت. علاش باقي تشقي الفقيه؟ 36 وفي الحين سمع يسوع الكلام الي قالوا وقال لمقدّم الجامع: لا تخاف شي. آمن وكان. 37 وما خلّى احد يتبعه غير بطرس ويعقوب ويوحنا اخا يعقوب. 38 وجا لدار مقدّم الجامع وشاف الضجيج. كيبكيوا وينوحوا بالزاف. 39 ودخل وقال لهم: علاش كتعملوا الهرج وتبكيوا؟ الطفلة ما ماتت شي لآكن هي ناعسة. 40 وضحكوا عليه. أما هو خرّجهم كلّهم وادّى ابو الطفلة وأمها والي معه ودخل فاين كانت الطفلة راقدة. 41 وقبض الطفلة بيدها وقال لها: طليثا قومي. الي تفسيره: يا

الطفلة، لك كنقول قومي. 42 وفي الحين قامت الطفلة كتمشي. على حق اش كانت بنت اطناشر عام. وبهتوا بهتة كبيرة. 43 ووصّاهم بالزّاف باين ما يعرف احد داك الشي. وأمر باش تنعطى لها ما تاكل.

الفصل السادس

1 وخرج من تمّ وجا لبلادّه وتبعوه تلاميذه. 2 وحين جا السبت بدا كيعلّم في الجامع. وبالزّاف من اين سمعوا بهتوا كيقلولوا: من اين جا لهذا هذا الشي؟ وأش هذه الحكمة الي اتعطت له حتّى كينعملوا على يديه قوّات بحال هدو؟ 3 واش ماشي هذا هو النجّار ابن مريمّ واخو يعقوب ويوسي ويهودا وسّمعان؟ واش ما هم شي اخواتاته هنا عندنا؟ وكانوا يعتروا فيه. 4 وقال لهم يسوع: ما كاين حتّى نبي الي بلا وقر من غير في بلاده وبين احبابه وفي داره 5 وما قدر يعمل تمّ حتّى قوّة واحدة غير أنّه حطّ يدّوه على شي مرضى قلال وشافاهم. 6 وتعجّب من قلّة إيمانهم. ومشى كيدور في الدشور الدايرين كيعلّم.

7 وعيّط على الطناش وبدا يسيفطهم زوج زوج. واعطاهم القدرة على الجنون المنكوسين. 8 ووصّاهم باين ما يدّيو حتّى حاجة للطريق غير عصا وكان. لا مزود ولا خبز ولا فلوس في الحزام. 9 لآكن يربطوا النعايل على رجليهم وما يلبسوا شي زوج د الكساوي. 10 وقال لهم: فاين ما دخلتوا الشي دار ابقاوا فيها حتّى تخرجوا من تمّ. 11 وكلّ واحد الي ما يقبلكم شي ولا يسمع لكم، اخرجوا من تمّ وانفضوا التراب الي تحت رجليكم شهادة عليهم. بالحق نقول لكم، حالة أرض سدوم وعمورة تكون في يوم الدين أسهل من حالة ديك المدينة. 12 وخرجوا وبدّوا يبشّروا الناس يتوبوا. 13 وخرجوا شياطين كتار ودهنوا بالزّاف د المرضى بالزيت وشافاهم.

14 وسمع هيرودس السلطان. على حق اش اسمه ولّى مشهور. وقال باين يوحنا المعمدان قام من الميتين وعلى داك الشي كينعملوا على يدّه القوّات. 15 آخرين قالوا: هذا إيليا. وآخرين باين هو شي نبي أو بحال واحد من الأنبياء. 16 ولاكن من اين سمع هيرودس قال: هذا هو يوحنا الي قطعت له راسه. راه قام من الميتين.

17 على حق اش هيرودس بنفسه كان سيفط وقبض يوحنا وقيده في السجن على سبب هيروديا امراة فيلبس اخاه حيث كان تزوّج بها. 18 على حق اش يوحنا كان كيقلول لهيرودس: ما هي شي حلال تكون عندك امراة اخاك. 19 وهيروديا تغدّدت عليه وبغات تقتله وما قدرت شي. 20 على حق اش هيرودس كان كيقوّر يوحنا عارف باين هو رجل تاقى وقديس وكان يستره. وحين سمعه كان كيعلّم أمور بالزّاف وسمعه بالفرحة. 21 ومن اين كان نهار موالم حين عمل هيرودس في المولود دياه

واحد العشا للكبار دباله وقيّاد الألوفات والوجوه د الجليل 22 دخلت بنت هيروديا وشطحت. وعجبت هيرودس والي كانوا كالسين معه. وقال السلطان للطفلة: داك الشي الي بغيت اطلبه مني ونعطيه لك. 23 وحلف لها: الحاجة الي طلبت مني نعطيه لك حتى للنص في ملاكتي. 24 وخرجت وقالت لأمها: أش نطلب. وقالت: راس يوحنا المعمدان. 25 ودخلت في الحين بالجري لعند السلطان وطلبت كتقول: بغيتك تعطيني داب راس يوحنا المعمدان على واحد الصنيّة. 26 والسلطان عز به الحال بالزاف. ولاكن على سبب الحلوف والي كالسين ما بغى شي يردّها. 27 ودغيا سيفط السلطان واحد السياف وامره يجيب راسه. 28 ومشى وقطع راسه في السجن وجابه على واحد الصنيّة واعطاه للطفلة والطفلة أعطته لأمها. 29 وحين سمعوا تلاميذه بداك الشي جاوا ورفدوا جسده وعملوه في القبر. 30 واتجمعوا الرسل لعند يسوع وخبروه بكل شي، كل ما عملوا وكل ما علّموا به. 31 وقال لهم: تعالوا انتم بوحدكم لشي موضع خالي ورتاحوا شواي على حق اش الماجيين والماشيين كانوا بالزاف، وما كان لهم وقت باش ياكلوا. 32 ومشوا في السفينة لواحد الموضع خالي بوحدهم. 33 وشافوهم الجماعات ماشيين وبالزاف عرفوه وجراوا لتّم من جميع المدن على رجليهم وسبقوهم واتجمعوا لعنده. 34 وحين خرج يسوع، شاف واحد الجماعة كبيرة وحنّ عليهم حيث كانوا بحال الخرفان بلا راعي وبدا يعلمهم بالزاف. 35 ومن اين مشى الحال جاوا لعنده تلاميذه كيقلوا: الموضع خالي والحال مشى. 36 سيفطهم باش يمشيوا للبلاد الدائرة والدشور ويشريوا الخبز لروسهم. على حق اش ما عندهم ما ياكلوا. 37 وجاوب وقال لهم: اعطيوهم انتم ما ياكلوا. وقالوا له: واش نمشيوا ونشريوا ميتين دينار د الخبز ونعطيوهم ما ياكلوا؟ 38 وقال لهم: اشحال د الخبزات عندهم؟ سيروا تشوفوا. وحين عرفوا قالوا خمسة وزوج د الحوتات. 39 ووصّاهم يكسّوهم كاملين بربايع على الربيع الاخضر. 40 وكسّوا صفوف صفوف، مية مية، وخمسين خمسين. 41 وقبض الخمسة د الخبزات والزوج د الحوتات وهزّ عينيه للسما وبارك وكسّر الخبزات واعطى لتلاميذه باش يحطّوا لهم. وقسم الزوج د الحوتات على الجميع. 42 وكلاوا الجميع وشبعوا. 43 ورفدوا من الكسور اطناشر قفّة معمّرة ومن الحوت. 44 وكانوا الي كلاوا من الخبزات مقدار خمس آلاف رجل.

43 وفي الحين حصر على تلامنده باش يدخلوا للسفينة ويسبقوا للديزة الاخرى لبيت صيدا حتّى سيفط الناس. 46 ومن مورا ما سيفطهم مشى للجبل باش يصلي. 47 وحين جات العشيّة كانت السفينة في وسط البحر وهو على البرّ بوحدّه. 48 وشافهم معدّبين في التقديف. على حق اش الريح كان ضدّهم. ومقدار القسمة الرابعة من الليل خلط عليهم ماشي على رجليه فوق البحر وبغى يدوزهم. 49 وحين شافوه ماشي على البحر، ظنّوا باين شي روحاني وغوّتوا. 50 على حق اش كلهم شافوه وتهوّلوا.

وفي الحين تكلم معهم وقال لهم: كونوا هانين! أنا هو، لا تخافوا شي! 51 وطلع لعندهم للسفينة وهمد الريح. ودهشوا وتعجبوا في أنفسهم بالزاف بلا قياس. 52 على حق اش ما فهموا شي إمارة الخبزات حيث كانوا قلوبهم قاسحين. 53 وحين قطعوا جاوا لأرض جنيسارت ورساوا. 54 وحين خرجوا من السفينة في الحين عرفوه. 55 وداروا في جميع ديك البلاد الدائرة وبدوا ويرفدوا المرضى على السراير للموضع الي سمعوا به باين هو تم. 56 وفاين ما دخل للدشور أو مدن أو بلادات، حطوا المرضى في الأسواق وطلبوا له يمسوا وخي غير هدوب كسوته. وجميع الي مسوه تشافوا.

الفصل السابع

1 واتجمعوا عليه الفريسيين وشي من الكتاب الي جاوا من اورشليم. 2 وحين شافوا شي من تلاميذه كياكلوا الخبز بيديهم موسخين، يعني ما مغسولين شي، عيبوا. 3 على حق اش الفريسيين وجميع اليهود إذا ما يغسلوا شي يديهم مسقم ما ياكلوا شي، قابضين سنة الشيوخ. 4 وحين يجيوا من السوق إذا ما يغسلوا شي ما ياكلوا شي. وأمر اخرين بالزاف قابضينهم من غسيل الكيسان والبرارد والمواعن د النحاس والسراير. 5 وسقصاواه الفريسيين والكتاب: علاش ما كيتمشاوا شي تلاميذك على حسب سنة الشيوخ لكن كياكلوا الخبز بيدين ما مغسولين شي؟ 6 وجاوب وقال لهم: مليح الي تنبأ إشعيا عليكم انتم، يا المنافقين، بحال ما هو مكتوب: هذا القوم كيوقروني بشواربهم واما قلبهم بعيد علي. 7 وباطل كي عبدوني وهم كي علموا تعاليم الي هم وصايات الناس. 8 على حق اش تركتوا وصاية الله وشديتوا في سنة الناس. غسيل البرارد والكيسان وأمر اخرين بالزاف بحال هذو كتعملوهم. 9 وقال لهم: تركتوا بالصح وصاية الله باش تقبضوا سننكم. 10 على حق اش موسى قال: وقر ابوك وامك. والي يشتم في ابوه أو أمه لازم يموت الموت. 11 واما انتم كتنقولوا: إذا قال الرجل لابوه أو أمه: قربان، يعني هدية، هذو الي تستنفع به مني، 12 وما تخليوا شي من مورا داك الشي يعمل حتى شي لابوه أو أمه. 13 كتبطلوا كلام الله باش تقبضوا سننكم. وأمر بالزاف بحال هذو كتعملوهم. 14 وعيط على الناس المجموعين كلهم وقال لهم: اسمعوا مني كلكم وافهموا. 15 ما كاين حتى شي برا من الإنسان إذا دخل فيه الي يقدر ينجسه. لكن الأمور الي كيخرجوا منه هم الي كينجسوا الإنسان. 16 إذا كانوا عند شي احد الأدين باش يسمع لا بد يسمع. 17 وحين دخل من عند الناس للدار سقصاواه تلامنده على المتال. 18 وقال لهم: واش انتم تاني هكدا بلا فهمة؟ واش ما كتفهموا شي باين كل ما دخل للإنسان من على برا ما يقدر شي ينجسه؟ 19 من حيث ما كيدخل شي لقلبه لكن

لجوفه ويخرج للخلا، وداك الشي كيظهر كلّ مأكلة. 20 وقال: داك الشي الي كيخرج من الإنسان هداك هو الي كينجس الإنسان. 21 على حق اش من داخل من قلوب الناس كيخرجوا التخميمات القباح، الزنا، الفسق، القتل، 22 السرقة، الطمع، الخبت، الغدر، الفساد، العين القبيحة، الكفر، النفخة، الجهالة. 23 هدو الأمور القباح كلهم كيخرجوا من داخل وكينجسوا الإنسان.

24 وقام من تمّ ومشى لنواحي صور وصيدا. ودخل لواحد الدار وما بغى شي يعلم عليه احد. ولاكن ما قدر شي نتخبّع. 25 على حق اش واحد المراه بنتها فيها جنّ منجوس سمعت به وجات وطاحت على رجليه. 26 وكانت المراه من الكنوس وفي كنسها فينيقيّة سورّيّة. وطلبته باش يخرج الجنّ من بنتها. 27 واما يسوع قال لها: واجب يشبعوا الأولاد في الأول. على حق اش ماشي مليح يتقبض خبز الأولاد ويتسيّب للكلاب. 28 وجاوبت وقالت له: نعم، يا ربّ. والكلاب تاني تحت المائدة كياكلوا من فتات الأولاد. 29 وقال لها: على هذه الكلمة سيري، الجنّ راه خرج من بنتك. 30 ومشات لدارها وصابت الجنّ راه خرج والبنية راقدة على الفراش.

31 وخرج تاني من نواحي صور وصيدا وداز في وسط الجوايه د العشر المدنّ وجا لبحر الجليل. 32 وجابوا لعنده واحد الاصمك وزيزون وطلبوا له يحطّ عليه يدّه. 33 وعزله من الزحام لتيسع وعمل أصابعه في أدنيه وتفلّ ومسّ لسانه. 34 وهزّ عينيه للسما وتنهدّ وقال له: افتا، يعني افتح. 35 وفي الحين انفتحوا أدنيه وانحلّ رباط لسانه وتكلّم مسرّح. 36 ووصّاهم باين ما يقولوا لاحد شي. ولاكن اكثر ما وصّاهم هكدا اكثر هم كيبرّحوا به. 37 وبهتوا بلا قياس كيقلوا باين عمل كلّ شي مليح. عمل الصمك يسمعو والزبازن يتكلّموا.

الفصل التامن

1 في ديك الايام حين اتجمعوا ناس كتار بالزّاف وما كان عندهم ما ياكلوا، عيّن يسوع على تلاميذه وقال لهم: 2 انا كنشفق على الناس على حق اش هذه تلت ايام وهم كالتسين معي وما عندهم ما ياكلوا. 3 وإدا سيفطتهم لديارهم صايمين يسخفوا في الطريق. على حق اش بالزّاف منهم جاوا من بعيد. 4 وجاوبوا تلاميذه. من اين يقدر الواحد يشبّع هدو بالخبز هنا في الخلا. 5 وسقّاهم: اشحال د الخبزات عندكم؟ وقالوا: سبعة. 6 ووصّى الناس يكلّسوا على الأرض وقبض السبعة د الخبزات وشكر وكسّر واعطى لتلاميذه باش يفرّقوا، وفرّقوا على الناس. 7 وكان عندهم شي شواي د الحوت صغير. وبارك وقال باين يفرّقوا هدو تاني. 8 وكلاوا وشبعوا. ورفدوا الي شاط من الكسور سبعة د السلات. 9

والّي كالأوا كانوا مقدار أربع آلاف ، وسيفطهم في حالهم. 10 وفي الحين دخل للسفينة مع تلاميذه و جا لجوايه دلمانوثة.

11 وخرجوا الفرّيسيّين وبدأوا كيتجادلوا معه كيطلبوا منه شي إمارة من السما باش يجربوه. 12 وتنهدّ في روحه وقال: علاش كيفتّش هدا الجيل على الإمارة؟ بالحقّ نقول لكم، ما تنعطى لهذا الجيل حتّى إمارة.

13 وخلاهم ودخل ثاني للسفينة ومشى للديزة الاخرى. 14 ونساوا يدّيو الخبز وما كان شي معهم في السفينة غير خبزة واحدة. 15 ووصّاهم كييقول: ردّوا بالكم وتحضّيو روسكم من خميرة الفرّيسيّين وخميرة هيرودّس. 16 وخمّموا كييقولوا بعضهم بعض: ما عندنا خبز. 17 وفطن يسوع وقال لهم: علاش كتخمّموا حيث ما عندكم خبز؟ واش ما كتفطنوا شي بعد ولا تفهموا؟ واش حتّى لدابّ قلوبكم قاسحين؟ 18 واش عندكم عينين وما كتشفوا شي وعندكم أدنين وما كتسمعوا وما كتتكفّروا شي؟ 19 من اين كسّرت الخمسة د الخبزات للخمس آلاف، خلق اشحال من قفّة معمّرة بالكسور رفدتوا؟ قالوا له: اطناش. 20 ومن اين كسّرت السبعة د الخبزات للأربع آلاف، اشحال من سلّة معمّرة بالكسور رفدتوا؟ قالوا: سبعة. 21 وقال لهم: كيف حتّى ما تفهموا شي؟

22 وجا لبيت صيدا. وجابوا له واحد العمى وطلبوا له يمسه. 23 وقبض الاعمى بيده وخرّجه على براّ من القرية وتفلّ في عينيه وخطّ يديه عليه وسقّاه إذا شاف شي حاجة. 24 وهزّ عينيه وقال: كنشوف الناس بحال الاشجار كيمشيو. 25 وعاولد خطّ يديه على عينيه وجعله يهزّ عينيه وولّى صحيح وشاف كلّ إنسان ظاهر. 26 وسيفطه لداره كييقول: لا تدخل شي للدشر ولا تقول لاحد في الدشر.

27 وخرج يسوع وتلاميذه للدشور د قيصريّة فيلبّس. وفي الطريق سقّصى تلاميذه كييقول لهم: أش كييقولوا الناس عليّ اشكون أنا؟ 28 وجابوا: يوحنا المعمدان. واخرين إيليا. واخرين واحد من الأنبياء. 29 وقال لهم: وانتم، أش كتقولوا عليّ اشكون أنا؟ وجاب بطرس وقال له: أنت هو المسيح. 30 ووكدّ عليهم باش ما يقولوا لاحد عليه.

31 وبدا يعلمهم باين ابن الإنسان لازم يتعدّب بالزّاف ويندحى بالشيوخ وكبار الكوهنين والكتّاب وينقتل. وبعد تلت ايام يقوم. 32 وقال هدا الشي ظاهر. وادّاه بطرس لعنده وبدا ينهض فيه. 33 وتلفّت وشاف في تلاميذه ونهض في بطرس كييقول: سير عليّ، يا الشيطان! على حقّ اش ما كتبالي شي لأمر الله لآكن بأمر الناس.

34 وعيِّط على الناس مع تلاميذه وقال لهم: الّٰي بغى يجي موراي، لا بدّ ينكر نفسه ويرفد صليبه ويتبعني. 35 وبالحقّ الّٰي بغى ينجي نفسه يهلكها. والّٰي يهلك نفسه على سببي وعلى سبب الإنجيل، هو ينجيها. 36 لأنّه أش من نفع عند الإنسان إذا ربح الدنيا كلّها وخسر نفسه؟ 37 أو أش يعطي الإنسان فدية على نفسه؟ 38 على حق اش الّٰي يحشم بيّ وبكلامي في هذا الجيل الفاسد والقبيح يحشم به ابن الإنسان من اين يجي. بمجد ابوه مع الملائكة القدّيسين.

الفصل التاسع

- 1 وقال لهم: الحقّ نقول لكم، كايين شي من الّٰي واقفين هنا الّٰي ما يدوقوا شي الموت حتّى يشوفوا ملاكة الله جات بالقوّة.
- 2 وبعد ستّ ايام طلع يسوع لواحد الجبل عالي وادّى معه بطرس ويعقوب ويوحنا وحدهم. وتغيّرت صِفته قدّامهم 3 وولاتّ كسوته كتلمع بيضا بالزّاف بحال الثلج وما كاي حتّى صَبان في الدنيا الّٰي يقدر يردها بيضا كيف داك الشي. 4 وظهر لهم إيليا مع موسى. وكانوا كيتكلّموا مع يسوع. 5 وبدا بطرس يقول ليسوع: يا سيدي، مليح نكونوا هنا. نعملوا ثلاثة د النوايل. لك واحدة ولموسى واحدة وإيليا واحدة. 6 على حق اش ما عرف ما يقول حيث كانوا خايقين بالزّاف. 7 وكانت واحد السحابة كتظللّ عليهم. وجا واحد الصوت من السحابة كييقول: هذا هو ابني الحبيب. له تسمعوا. 8 وفي الحين شافوا من كلّ جهة وما بان لهم احد من غير يسوع وحده معهم.
- 9 ومن اين كانوا هابطين من الجبل وصّاهم ما يخبروا احد بالّٰي شافوا حتّى ينوض ابن الإنسان من الميّتين. 10 وحفظوا الكلمة في أنفسهم كيسقّصوا بعضهم بعض: اشنهو النواض من الميّتين؟ 11 وسقّصاواه كيقلّوا: علاش كيقلّوا الكتاب باين إيليا لا بدّ يجي في الأوّل؟ 12 وجاوب وقال لهم: بالحقّ إيليا يجي في الأوّل ويردّ كلّ شي، وبحال ما هو مكتوب على ابن الإنسان باين يتعدّب بالزّاف ويندلّ. 13 لآكن نقول لكم باين إيليا راه جا بعدّ وعملوا به كلّ ما بغاوا كما هو مكتوب عليه.
- 14 ومن اين جا للتلاميذ شاف الناس بالزّاف دايرين بهم والكتاب كيتجادلوا معهم. 15 والناس كلّهم حاروا من اين شافوه وجراوا وسلّموا عليه. 16 وسقّصى الكتاب: علاش كتتجادلوا معهم؟ 17 وجاوب واحد من الناس وقال: يا الفقيه، جببت لك ابني الّٰي فيه واحد الجنّ زيزون، 18 وفاين ما قبضه كيّمخّضه حتّى كيخرّج الكشاكش ويغرّز اسنانه ويبيس. وقلت لتلاميذك يخرّجوه وما قدرنا شي.
- 19 وجاوب وقال لهم: يا الجيل بلا إيمان، حتّى لاين نكون معكم؟ حتّى لاين نصبر معكم؟ جيّبوه لعندي. 20 وجاوبه لعنده. وحين شافه في الحين مخّضه الجنّ وطاح على الأرض وهو كيتمرّغ ويخرّج

الكشاكش. 21 وسقصى ابوه: اشحال هده باش وقع له هدا الشي؟ وقال: من صغره. 22 وبالزّاف د المرات طيحه في العافية وفي الما باش يهلكه. لائن ادا قديت تعمل شي حاجة حنّ علينا وعاونّا. 23 وقال له يسوع: ادا قديت تامن. كل شي يقدر يكون للي يامن. 24 وفي الحين غوت ابو الولد بالدموع وقال: كناّمن، يا ربّ، عاون قلّة إيماني! 25 ومن اين شاف يسوع باين الناس جاوا كييجريوا، نهض في الجنّ المنكوس كييقول له، يا الروح الزيزون الاصمك، أنا كناّمرك تخرج منه ولا تعاود شي تدخل فيه. 26 وغوت وردخه بالجهد وخرج. وولى كيف المييت حتّى قالوا بالزّاف: راه مات. 27 لائن قبضه يسوع من يده ووقفه وقام. 28 ومن اين دخل للدار سقساواه تلاميذه بوحدهم: علاش ما قدرنا احنا نخرّجوه؟ 29 وقال لهم: هدا الشكل ما يمكن شي يخرج من غير بالصلاة والصيام.

30 وخرجوا من تمّ ودازوا في الجليل وما بغى احد يعلم عليه. 31 على حق اش كان كيعلّم تلاميذه ويقول لهم: را ابن الإنسان يندفع ليدين الناس ويقتلوه. ومن مورا ما ينقتل يقوم في النهار الثالث. 32 واما هم ما فهموا شي الكلام وخافوا يسقسواوه.

33 وجا لكفرناحوم. ومن اين كان في الدار سقساهم: علاش كنتوا كتتكلموا بعضياتكم في الطريق؟ 34 وسكتوا على حق اش تجادلوا في الطريق بينتهم اشكون هو الكبير. 35 وكّلس وعييط على الطناش وقال لهم: ادا بغى شي احد يكون الاول هداك يكون التالي في الجميع وخدّام للجميع. 36 وقبض واحد الوليد ووقفه في وسطهم ورفده في حجرة وقال لهم: 37 الي يقبل واحد من الأولاد مثل هدا باسمي كيقلني، ويلي قبلني ما كيقلني شي أنا لائن الي سيفطني.

38 وجاوبه يوحنا كييقول: يا الفقيه، شفنا واحد كيخرّج الجنون باسمك وهو ما كيتبعنا شي. وحصرناه من حيت ما كيتبعنا شي. 39 وقال يسوع: لا تحصروه شي. على حق اش ما كاين احد الي نعمل شي قوّة باسمي ويقدر دغيا يتكلّم عليّ بالشرّ. 40 على حق اش الي ما هو شي متعادي معنا هو من جهتنا. 41 على حق اش الي يشربكم كاس د الما باسمي حيت انتم ديال المسيح بالحق نقول لكم، ما يضيع له شي أجره. 42 ويلي يعتر واحد من الصغار الي كيامنوا بيّ، راه خير له لو كان تعلّقت واحد الحجرة د الرحي في عنقه ويتسيّب في البحر. 43 وادا عترتك يدك، اقطعها. خير لك تدخل للحياة بيدك مقطوعة من الي يكونوا عندك زوج د اليدين وتمشي لجهنّم للنار الي ما تنطفئ شي، 44 فاين دودتهم ما كتموت شي والنار ما تنطفئ شي. 45 وادا عترتك رجلك، اقطعها. خير لك تدخل للحياة أعرج من الي يكونوا عندك زوج د الرجلين وتتسيّب في جهنّم في النار الي ما تنطفئ شي، 46 فاين دودتهم ما كتموت شي والنار ما تنطفئ شي. 47 وادا عترتك عينك، قلّعها. خير لك تدخل لملاكة الله اعور من الي يكونوا عندك زوج د العينين وتتسيّب في نار جهنّم، 48 فاين دودتهم ما كتموت شي

والنار ما تننطفئ شي. 49 على حق اش كل واحد يتملح بالنار وكلّ دبيحة تتملح بالملح. 50 الملح مزيان. ولاكن إدا ولّى الملح ما مالح شي، باش تصلحوه. لا بدّ يكون عندكم الملح في أنفسكم والسلام بعضكم بعض.

الفصل العاشر

- 1 وقام من تمّ وجا لنواحي اليهوديّة من الأردن لهيه. وتجمعوا الناس بالزّاف تاني وكان كيعلّمهم بحال ما كانت عنده القاعدة.
- 2 وجاوا الفريسيين وسقصاواه باش يجربوه: واش حلال على الرجل يطلّق امراته؟ 3 وجاوب وقال لهم: باش وصّاكم موسى؟ 4 وقالوا: موسى ادن باش ينكتب كاغط الطلاق وتتطلّق. 5 وجاوب يسوع وقال لهم: على سبب قسوحية قلوبكم كتب لكم هذه الوصاية. 6 ولاكن من بدو الدنيا خلقهم الله ذكر وانتى. 7 على هد الشي يخلي الرجل ابوه وأمه ويلصق في امراته. 8 ويكونوا الزوج جسد واحد. 9 والّي جمعه الله لا يفرقه شي بن آدم. 10 وفي الدار سقصاواه لتلاميذه تاني على داك الشي. 11 وقال لهم: الّي طلق امراته وتزوّج بواحدة أخرى كيزني عليها. 12 وإدا طلّقت المرأة رجلها وتزوّجت بواحد اخر كتزني.
- 13 وجابوا له الأولاد الصغار باش يمسمهم. وأمّا التلاميذ نهضوا في الّي جابوهم. 14 ومن اين شاف يسوع داك الشي تغدّد وقال لهم: خليوا الأولاد الصغار يجيوا لعندي ولا تحصروهم شي، على حق اش ملاكة الله هي ديال هدوك الّي بحالهم. 15 بالحق نقول لكم، الّي ما يقبل شي ملاكة الله بحال واحد الوليد ما يدخل لها شي. 16 ورفدهم في حجره وحطّ يديه عليهم وباركهم.
- 17 ومن اين كان خارج للطريق، جرى واحد وسجد له وسقصاه: يا الفقيه المليح، أش نعمل باش نورت حياة الاخرة؟ 18 وقال له يسوع: علاش كتسميني المليح؟ ما كاين احد مليح من غير واحد وهو الله. 19 أنت كتعرف الوصايات: لا تزني. لا تقتل. لا تسرق. لا تشهد بالزور. لا تخطف. وقرّ ابوك وأمك. 20 وجاوب وقال له: يا الفقيه، هذا الشي كلّ عملت به من صغري. 21 وشاف فيه يسوع وحبّه وقال له: حاجة واحدة كتخصّك. سير تبيع كلّ ما عندك واعطي للمساكين ويكون لك الكنز في السما وتعال، ارفد الصليب واتبعني. 22 وتغيّر من هذا الكلام ومشى حازن حيث كان عنده المتاع كثير.
- 23 وشاف يسوع من كلّ جهة وقال لتلاميذه: صعيب بالزّاف على موالين المال يدخلوا لملاكة الله. 24 وتعجّبوا التلاميذ من كلامه. وعاود جاوب يسوع وقال لهم: يا أولادي، ما أصعب على هدوك الّي كيتكلوا على المال باش يدخلوا لملاكة الله. 25 واحد الجمل يدوز من عين الإبرة أسهل من الّي

يدخل واحد الغني لملاكة الله. 26 وتعجبوا بالزّاف كيقولوا مع بعضهم: اشكون يقدر ينجأ؟ 27 وشاف فيهم يسوع وقال: عند الناس ما يقدر شي يكون. ولاكن ماشي هكدا عند الله. على حق اش كل شي يقدر يكون عند الله.

28 وبدا بطرس كيقول له: ها احنا خَلينا كل شي وتبعناك. 29 وجاوب يسوع وقال: الحق نقول لكم، ما كاين احد الي خَلّى داره أو اخوته أو اخواتاته أو ابوه أو أمّه أو امراته أو أولاده أو الفدادن على سببي وعلى سبب الإنجيل 30 الي ما ياخذ شي على مية مرّة داب في هذه الدنيا الديار والخوت والخواتات والأمهات والأولاد والفدادن مع التمرميدات وفي الوقت الما جي حياة الاخرة. 31 ولاكن بالزّاف د الاولين يكونوا هم الآخرين والآخريين يكونوا هم الاولين.

32 وكانوا في الطريق طالعين لأورشليم وسبق قدّامهم يسوع. وكانوا حيرانين وهم كيتبعوه خافين. وادّى الطناش تاني وبدا يقول لهم داك الشي الي ماشي يوقع له: 33 ها احنا طالعين لأورشليم وابن الانسان يندفع لكبار الكوهنين والكتّاب ويحكموا عليه بالموت ويدفعوه للكنّوس 34 ويتملّغوا عليه ويعصّواه ويبزقوا عليه ويقتلوه وفي النهار التالت يقوم.

35 وجاوا لعنده يعقوب ويوحنا أولاد زبدي وقالوا: يا الفقيه، بغيناك تعمل لنا كل ما نطلبوا.

36 وقال لهم: أش بغيتوني نعمل لكم؟ 37 وقالوا له: اعطينا نكلّسوا واحد على يمينك والاخر على شمالك في مجدك. 38 وقال لهم: يسوع ما كتعرفوا شي اش كتطلبوا. واش قدرتوا تشربوا الكاس الي نشربه أنا وتتعمّدوا بالمعموديّة الي ماشي نتعمّد بها أنا؟ 39 وقالوا له: نقدروا. وقال لهم يسوع: بالحق الكاس الي نشربه أنا تشربوه وبالمعموديّة الي نتعمّد بها أنا تتعمّدوا. 40 واما الكلاس على يميني وعلى شمالي، ما هو شي ديالي باش نعطيه غير للي توجّد لهم.

41 ومن اين سمعوا العشرة بداوا يتغيّظوا على يعقوب ويوحنا. 42 وعيّن لهم يسوع وقال لهم: أنتم تعرفوا باين الي هم محسوبين حكّام الكنّوس كيكونوا أسيادهم وكبارهم كيحكموا عليهم. 43 لاكن ما يكون شي هكدا عندكم. لاكن الي بغى يولي كبير فيكم هو يكون الخدّام ديالكم. 44 والي فيكم بغى يولي راييس يكون عبد للجميع. 45 على حق اش ابن الانسان تاني ما جا شي باش يتسخّروا عليه لاكن باش يتسخّر ويعطي نفسه فدية على الناس كتار.

46 وجاوا لأريحا. ومن اين كان خارج من أريحا مع تلاميذه والناس بالزّاف كان، بارتيمائوس

الأعمى ولد تيمائوس كالس في الطريق كيسعى. 47 ومن اين سمع باين هو يسوع الناصري بدا يغوّت ويقول: يا يسوع ابن داود، ارحمني! 48 ونهضوا فيه ناس بالزّاف باش يسكت. وغوّت اكثر بالزّاف: يا ابن داود، ارحمني! 49 ووقف يسوع وأمر باين يعيّنوا عليه. وعيّنوا على الأعمى كيقولوا له: كون

هاني. قوم. ها هو كيبيط عليك. 50 وسيب سلهامه وقام وجا لعند يسوع. 51 وجاوب يسوع وقال له: أش بغيتني نعمل لك؟ وقال له الأعمى: يا سيدي، باش نولي بعيني. 52 وقال له يسوع: سير. إيمانك هو الي شافاك. وفي الحين ولي بعينه وتبع يسوع في الطريق.

الفصل الحشاش

1 ومن اين قربوا لأورشليم لبيت فاجي وبيت عنيا عند جبل الزيتون سيفط زوج من تلاميذه 2 وقال لهم: سيروا للقرية الي قدامكم وفي الحين وانتم داخلين لها تجبروا واحد الدحش مربوط الي عمره ما ركب عليه احد. اطلقوه وجيبوه. 3 وإذا قال لكم شي احد: علاش كتعملوا هدا الشي؟ قولوا: الرب كيحتاجه. وفي الحين يسيفطه لهنّا. 4 ومشّوا وصابوا الدحش ومربوط عند الباب على برا في الطريق وطلقوه. 5 وقالوا لهم شي من الناس الي واقفين تمّ: أش كتعملوا تطلقوا الدحش؟ 6 وقالوا لهم كما وصّى يسوع. وخلاّوهم. 7 وجابوا الدحش ليسوع ورمّوا عليه كساويهم وكّلس عليه. 8 وبالزّاف فرّشوا كساويهم في الطريق. 9 والي مشّوا قدامه والي تبعوه كانوا كيغوّتوا ويقولوا: اوصّنّا! مبروك الي ماجي باسم الرب! 10 مباركة ملاكة ابونا داود الي ماجية باسم الرب! اوصّنّا في العلو! 11 ودخل يسوع لأورشليم وبيت المقدس ومن اين شاف كلّ شي من كلّ جهة حيث جات العشية، خرج لبيت عنيا مع الطناش. 12 والّا غدا حين خرجوا من بيت عنيا جاه الجوع. 13 وشاف واحد الكرمة من بعيد فيها الأوراق وجا وربّما يجبر فيها شي حاجة. ومن اين وصل لها، ما صاب حتّى شي من غير الأوراق. من حيث ما كان شي وقت الكرموس. 14 وجاوب يسوع وقال لها: ما يعاود ياكل منك احد شي غلة ابدّا. وكانوا تلاميذه كيسمعوا. 15 وجاوا لأورشليم وحين دخل يسوع لبيت المقدس بدا يخرج الي كانوا كيبيعوا ويشربوا في بيت المقدس وقلب ميادي الصراريّة والكراسي د بيّاعين الحمام. 16 وما خلّى احد يدوز في بيت المقدس بشي ماعون. 17 وكان كيعلّم ويقول لهم: واش ما هو شي مكتوب بيتي يتسمّى بيت الصلاة لجميع الكُنوس؟ وانتم ردّيتوه كهف د الشفّارة. 18 وسمعوا الكتاب وكبار الكوهنين وفتّشوا كيف يهلكوه على حق اش خافوا منه حيث دهشوا الناس كلّهم من تعليمه. 19 ومن اين جات العشية خرج على برا من المدينة.

20 وفي الصباح حين كانوا دايزين شافوا الكرمة وراها يبست من الجدر. 21 وتفكّر بطرس وقال له: يا سيدي، شوف الكرمة الي نعلت راها يبست. 22 وجاوب يسوع وقال لهم: كونوا تامّنوا بالله، 23 بالحقّ نقول لكم باين الي يقول لهذا الجبل: "تتنقل وتتنسّب في البحر!" وما يسكّ شي في قلبه لّاكن يأمّن باين داك الشي الي قال يكون، را كلّ ما قال يكون له. 24 على داك الشي نقول لكم، كلّ

ما تطلبوا من اين تصليّوا، امّنوا باين تقبضوه ويكون لكم. 25 ومن اين توقفوا تصليّوا، اسمحوا إذا كانت عندكم شي حاجة على شي احد باش يغفر لكم ثاني ابوكم اليّ في السماوات دنوبكم. 26 وإذا ما تسمحوا شي أنتم، ما يغفر لكم شي ابوكم اليّ في السماوات ثاني دنوبكم.

27 وجاوا ثاني لأورشليم. وحين كان كيتمشي في بيت المقدس تلاقوا به كبار الكوهنين والكتّاب والشيوخ. 28 وقالوا له: باش من إدن كتعمل هذا الشي؟ واشكون اليّ اعطاك هذا الإدن حتّى تعمل هذا الشي؟ 29 وجاوب يسوع وقال لهم: وانا ثاني نسقّصكم على واحد المسألة. جاوبوني ونقول لكم باش من إدن كنعمل هذا الشي. 30 معموديّة يوحنا واش من السما كانت أو من الناس؟ جاوبوني. 31 وخمّموا في أنفسهم كيقلّوا: إذا قلنا من السما يقول: وعلاش ما امّنّا شي به؟ 32 وإذا قلنا من الناس، نخافوا من القوم. على حق اش يوحنا كان عند الجميع بالتحقيق نبي. 33 وجاوبوا وقالوا ليسوع: ما نعرفوا شي. وجاوب يسوع وقال لهم: وانا ثاني ما نقول لكم شي باش من إدن كنعمل هذا الشي.

الفصل الطناش

1 وبدا يقول لهم بالامثال: واحد الرجل غرس واحد الجنان ودور به الزرب وحفر حفرة المعصرة وبنى برج ودفعه في يد الربّاعة وسافر. 2 وسيفط عبد للربّاعة في الوقت باش ياخذ من الربّاعة غلّة الجنان. 3 وقبضوه وسوّطوه وسيفطوه بلا شي. 4 وسيفط لهم ثاني عبد آخر. ورجموه وجرحوه في راسه وسيفطوه مدلول. 5 وسيفط ثاني واحد آخر. وقتلوه. واخرين بالزّاف وسوّطوا شي وقتلوا شي. 6 وحيث كان عنده ولد واحد عزيز عليه سيفطه ثاني لهم في الاخر كيقلّوا: يهيّبوا ولدي. 7 ولاكن دوك الربّاعة قالوا بعضيّاتهم: هذا هو الوارت. اجيوا نقتلوه ويكون الورت ديالنا. 8 وقبضوه وقتلوه وخرّجوه على برّا من الجنان. 9 على داك الشي، أش يعمل مول الجنان؟ يجي ويهلك الربّاعة ويعطي الجنان لآخرين. 10 واش ما قريتوا هذا الشي اليّ مكتوب: الحجرة اليّ سيّبوها البناية هي ولّات راس القنت؟ 11 من عند الربّ كان هذا الشي وهو أعجوبة في عينينا. 12 وفتّشوا يقبضوه ولاكن خافوا من الناس. على حق اش عرفوا باين قال المتال عليهم. وخلّاهم ومشّوا.

13 وسيفطوا له شي ناس من الفريسيّين والهيروديسيّين باش يصيّدوه في كلامه. 14 ومن اين جاوا قالوا له: يا الفقيه، كنعرفوا باين أنت صادق وما كتبالي باحد على حق اش ما كتشوف شي وجوه الناس لاكن كتعلّم طريق الله بالحق. واش حلال تتعطى الجزية لقيصر أو لا؟ 15 نعطيوها أو ما نعطيوها شي؟ وعلم على نفاقهم وقال لهم: علاش كتجرّبوني؟ جيّبوا لي واحد الدينار باش نشوفه. 16

وجابوه. وقال لهم: ديال من هذه الصورة والكتابة؟ وقالوا له: ديال قيصر. 17 وجاوب يسوع وقال لهم: اعطيوا اليّ ديال قيصر لقيصر واليّ ديال الله لله. وتعجبوا منه.

18 وجاوا لعنده شي ناس من الصدّوقيين اليّ كيقولوا ما كاينة شي القيامة وسقصاواه كيقولوا:

19 يا الفقيه، كتب لنا موسى إذا مات لشي احد اخاه وخلّى امراة وما خلّى أولاد باين ياخذ اخاه

امراته ويقيم الدريّة لآخاه. 20 وكانوا سبعة د الخوت. خدا الاول امراة ومات وما خلّى دريّة. 21

وخداها الثاني ومات وهو ثاني ما خلّى دريّة. وهكذا الثالث. 22 وخداوها السبعة وما خلاوا دريّة. ومن

مورايم كلهم ماتت المراة ثاني. 23 وفي القيامة حين يقوموا، امراة من تكون فيهم؟ حيث كانت زوجتهم

بالسبعة. 24 وجاوب يسوع وقال لهم: واش ماشي على هذا الشي كنتلفوا من حيث ما كتعرفوا لا

الكتب ولا قوّة الله؟ 25 على حق اش حين يقوموا من الميتين ما يزوجوا ولا يتزوجوا لآكن يكونوا بحال

الملايكة في السماوات. 26 وأمّا من جهة الميتين باين كيقوموا، واش ما قريتوا شي في كتاب موسى في

أمر العليقة كيف تكلم معه الله كيقول: أنا إله إبراهيم وإله اسحق وإله يعقوب؟ 27 ما هو شي إله

الميتين، لآكن إله الحيين. وانتم راكم تلفتوا بالرّاف.

28 وجا واحد من الكتّاب وسمعهم كيتجادلوا. ومن اين شاف باين جاوبهم مليح سقصاه: إمّا

وصاية هي الأولى في الجميع؟ 29 وجاوبه يسوع باين أوّل جميع الوصايات هي هذه: اسمع، يا

إسرائيل، الربّ إلهنا هو ربّ واحد. 30 وتحبّ الربّ إلهك بقلبك كلّ وبنفسك كلّا وبعقلك كلّ

وبجهدك كلّ. هذه هي الوصاية الأولى. 31 والثانية بحالها: تحبّ جارك بحال نفسك. ما كاينة

وصاية أخرى اكبر من هدو الجوج. 32 وقال له الكاتب: مليح، يا الفقيه، قلت الحقّ، على حق اش

الله واحد وما كاين آخر من غيره. 33 وباش يحبه الواحد بقلبه كلّ وبعقله كلّ وبنفسه كلّا وبجهد

كلّ ويحبّ جاره بحال نفسه هي أفضل من جميع المحروقات والدبايح. 34 ومن اين شافه يسوع باين

جاوب بالعقل قال له: ما أنت شي بعيد من ملاكة الله. ومن مورا داك الشي ما زعم احد يسوّله

بالكلّ.

35 وجاوب يسوع وقال وهو كيعلّم في بيت المقدس: كيف كيقولوا الكتّاب باين المسيح هو ابن

داود؟ 36 على حق اش داود بنفسه قال بالروح القدس: قال الربّ لربيّ اكّلس على يميني حتّى نردّ

عديانك تحت رجلك. 37 را داود بنفسه كيغيّط له "ربّ". كيف يكون ابنه؟ وواحد الجماعة كبيرة د

الناس كيسمعوا له بالفرحة.

38 وقال لهم في تعليمه : ردّوا بالكم من الكتاب الّتي كُيحبّوا يمشيوا بكساوي طوال والسلامات في الأسواق. 39 والكراسي الأوّلين في الجوامع والمواضع المخيّرين في الكرامات. 40 الّتي كياكلوا ديار الهجّالات وعلى سبب النفاق يطوّلوا الصلاوات. هـو راهم يتعاقبوا اكثر.

41 وكُلّس يسوع قدّام بيت الخزنة وشاف كيف كيرميوا الناس الفلوس في الخزنة. وكانوا بالزّاف د الأغنياء كيرميوا كثير. 42 وجات واحد الهجّالة مسكينة ورمات جوج فلوس ، قيمتهم موزونة. 43 وعيِّط على تلاميذه وقال لهم: بالحقّ نقول لكم باين هذه الهجّالة المسكينة رمت اكثر من جميع الّتي رماوا في الخزنة. 44 على حق اش الجميع رماوا من داك الشي الّتي شاط عليهم. واما هذه من قلة الشي دياها رمت كلّ ما عندها ، معيشتها كلّها.

الفصل التلّطاش

1 ومن اين كان خارج من بيت المقدس ، قال له واحد من تلاميذه : يا الفقيه ، شوف هـو الاحجار وهذا البني ! 2 وجاب يسوع وقال له : واش كتشوف هـذا البني الكبير؟ ما تبقى حجرة على حجرة الّتي ما تنهدم شي. 3 ومن اين كان كألّس في جبل الزيتون قدّام بيت المقدس سقّصاه بطرس ويعقوب ويوحنا واندراس وحدهم : 4 قول لنا امتي يكون هـذا الشي واشنهيّ العلامة فوقاش يوفى هـذا الشي كلّهُ؟ 5 وجابهم يسوع وبدا كيقل: ردّوا بالكم لا يتلّفكم احد. 6 على حق اش بالزّاف ماشيين يجيوا لاسمي كيقلوا : أنا هو. ويتلّفوا ناس كتار. 7 وحين تسمعو بالشرور وبأخبار الشرور ، لا تنهوّوا شي. على حق اش لا بدّ يكونوا. ولاكن الآخر ما زال. 8 على حق اش يقوم كُنس على كُنس وملاكة على ملاكة ويكونوا الزنزلات في شي مواضع ويكون الجوع والشواش. هـذا الشي هو البدو د التمارة. 9 وردّوا بالكم لأنفسكم. على حق اش يدفعوكم للمحكّمات وتتعضّوا في الجوامع وتوقفوا قدّام القيّاد والساطين على سبب شهادة لهم. 10 ولا بدّ في الأوّل يبشّروا بالإنجيل بين جميع الكُنوس. 11 ومن اين يسوكوكم باش يدفعوكم ، لا تخمّموا شي باش تتكلّموا ولا تنهوّوا شي. لآكن الّتي اتعطت لكم في ديك الساعة ، بـداك الشي تكلّموا. على حق اش ماشي انتم الّتي كتكلّموا لآكن الرّوح القدس. 12 والحو ماشي يدفع اخوه للموت والبو ولده. ويقوموا الأولاد على والديهم ويقتلوهم. 13 وتكونوا مبغوضين عند الجميع على سبب اسمي. ولاكن الّتي يصبر حتّى لآخر ، هـذا ينجا. 14 وحين تشوفوا "نجاسة الخراب" الّتي تكلّم عليها دانيال النبي واقفة فاين ما واجب شي تكون ، لا بدّ يفهم الّتي كيقرأ ، ديك الساعة الّتي في اليهوديّة يهربوا للجبال. 15 والّتي على السطح لا يهوّد شي للدار ولا يدخل باش يدّي من داره شي حاجة. 16 والّتي في الفدّان لا يرجع شي للور باش يدّي كسوته. 17 والويل للحبلات

وَالْيَ كِيرَضْعُوا فِي دِيكَ الْإَيَّامِ. 18 وَاطْلُبُوا بَاش مَا يَكُون شَي هُرُوبِكُمْ فِي الشَّتْوَةِ. 19 مِنْ حَيْث يَكُون فِي دِيكَ الْإَيَّامِ الضِّيْقُ الْيَ مَا كَانَ شَي بِحَالِهِ مِنْ أَوَّلِ الدُّنْيَا الْيَ خَلَقَهَا اللَّهُ حَتَّى لَدَابَ وَلَا يَكُون. 20 وَلَوْ كَانَ مَا يَقْصُرُ الرَّبُّ دِيكَ الْإَيَّامِ مَا يَنْجَا حَتَّى بَنَ آدَمَ. وَلَاكِنْ عَلَى سَبَبِ الْمُخْتَوِرِينَ الْيَ اخْتَارَهُمْ قَصْرُ الْإَيَّامِ. 21 دِيكَ السَّاعَةِ إِذَا قَالَ لَكُمْ شَي أَحَدٌ: هَا الْمَسِيحُ هُنَا أَوْ رَاه تَمْ، لَا تَصَدِّقُوهُ شَي. 22 عَلَى حَقِّ أَشْ مَا شَيِّبِينَ يَقُومُوا مُسَحَّاءَ كَذَّابِينَ وَأَنْبِيَاءَ كَذَّابِينَ وَيَعْمَلُوا إِمَارَاتٍ وَعَجَائِبَ بَاش يَتَلَفُّوا الْمُخْتَوِرِينَ تَانِي لَوْ كَانَ قَدَرُوا. 23 وَرَدُّوا أَنْتُمْ بِالْكَمِّ. هَا أَنَا سَبَقْتُ وَخَبَّرْتُكُمْ بِكُلِّ شَي.

24 وَأَمَّا فِي دِيكَ الْإَيَّامِ بَعْدَ دَاكِ الضِّيْقِ رَا الشَّمْسُ تَظْلَامُ وَالْقَمَرُ مَا يَعْطِي شَي الضَّوَّ دِيَالِهِ. 25 وَنَجُومُ السَّمَاءِ يَطِيحُوا وَالْقَوَّاتُ الْيَ فِي السَّمَاوَاتِ يَتَزَعَزَعُوا. 26 وَدِيكَ السَّاعَةِ يَشُوفُوا ابْنُ الْإِنْسَانِ مَا جِي فِي السَّحَابِ بِقُوَّةٍ كَثِيرَةٍ وَالْمَجْدِ 27 وَيَسِيْطُ دِيكَ السَّاعَةِ مَلَائِكَتُهُ وَيَجْمَعُ الْمُخْتَوِرِينَ دِيَالِهِ مِنْ الْأَرْبَعِ دِ الْإِرْيَاحِ مِنْ طَرَفِ الْأَرْضِ لَطَرَفِ السَّمَاءِ. 28 وَمِنْ الْكُرْمَةِ تَعْلَمُوا الْمَتَالَ حِينَ يُوَلِّيْ غَصْنَهَا رَطْبًا وَتَخْرُجُ الْأَوْرَاقُ، تَعْرِفُوا بَايْنَ الصَّيْفِ قَرِيبَ. 29 هَكَذَا أَنْتُمْ تَانِي حِينَ تَشُوفُوا هَدُو الْأُمُورِ وَاقْعِينَ اعْرِفُوا بَايْنَ قَرِيبَ، عَلَى الْبَيِّبَانِ. 30 الْحَقُّ نَقُولُ لَكُمْ، مَا يَدُوزُ هَذَا الْجِيلِ حَتَّى يَكُونَ هَذَا الشَّيْ كُلَّهُ. 31 السَّمَاءُ وَالْأَرْضُ يَزُولُوا وَلَاكِنْ كَلَامِي مَا يَزُولُ شَي. 32 وَأَمَّا دَاكُ النَّهَارِ وَدِيكَ السَّاعَةِ مَا عِلْمٌ عَلَيْهِمْ أَحَدٌ، لَا الْمَلَائِكَةُ الْيَ فِي السَّمَاءِ وَلَا الْإِبْنُ، مِنْ غَيْرِ الْآبِ وَحْدِهِ. 33 رَدُّوا بِالْكَمِّ. ابْقَاوَا فَايْقِينَ وَصَلُّوَا مِنْ حَيْثُ مَا تَعْرِفُوا شَي فَوْقَاشْ يَكُونُ الْوَقْتُ. 34 بِحَالِ وَاحِدِ الْإِنْسَانِ مُسَافِرٍ الْيَ خَلَّى دَارَهُ وَاعْطَى لِعَبِيدِهِ الْإِدْنَ وَلِكُلِّ وَاحِدٍ شَغْلَهُ وَوَصَّى الْبُؤَابَ يَبْقَى فَايْقَ. 35 عَلَى دَاكِ الشَّيْ ابْقَاوَا فَايْقِينَ. مِنْ حَيْثُ مَا تَعْرِفُوا شَي أَمْتِي يَجِي مَوْلُ الدَّارِ فِي الْعَشِيِّ أَوْ فِي نَصِّ اللَّيْلِ أَوْ فِي الْفَجْرِ أَوْ فِي الصَّبَاحِ. 36 عِنْدَ كَمْ يَجِي عَلَى غَفْلَةٍ وَيَجْبِرْكُمْ نَاعَسِينَ. 37 وَالْيَ كَنَقُولُ لَكُمْ، كَنَقُولُهُ لِلْجَمِيعِ. ابْقَاوَا فَايْقِينَ.

الفصل الرابع عَاش

1 وَمِنْ مَوْرَا يَوْمَيْنِ كَانَ الْبَيْسَحُ وَإَيَّامُ الْفَطِيرِ. وَكَانُوا كِبَارُ الْكُوهَنِينَ وَالْكَتَّابُ كَيْفَنَنْشُوا كَيْفَ يَقْبِضُوهُ بِالْحِيلَةِ وَيَقْتُلُوهُ. 2 وَلَاكِنْ قَالُوا: مَا شَي فِي الْعِيدِ بَاش مَا تَكُونُ شَي الْفَتْنَةِ فِي الْقَوْمِ. 3 وَحِينَ كَانَ فِي بَيْتِ عَنِيَا فِي دَارِ سَمْعَانَ الْمِبْرَاصِ وَهُوَ كَالْسُ، جَاتْ لَعْنَدُهُ وَاحِدَةُ الْمَرَاةِ عِنْدَهَا حَكٌّ دِ الطَّيِّبِ عَطَرُ الزَّهْرِ صَافِي غَالِي بِالزَّآفِ وَهَرَسَتْ الْحَكَّ وَكَبَّتَهُ عَلَى رَاسِهِ. 4 وَكَانُوا شَي نَاسٍ مَغِيْظِينَ فِي أَنْفُسِهِمْ وَقَالُوا: عَلَاشَ هَذِهِ خَسَارَةُ الْعَطْرِ؟ 5 عَلَى حَقِّ أَشْ كَانَ يُمْكِنُ يَتَّبَاعُ بَاكَتَرِ مِنْ ثَلَاثِ مِائَةِ دِينَارٍ وَيَتَّعَطَى لِلْمَسَاكِينِ. وَكَانُوا كَيْكُمُكُمُوا عَلَيْهَا. 6 أَمَّا يَسُوعُ قَالَ: خَلِّيوهَا. عَلَاشَ تَهَوَّلُوهَا. رَاهَا عَمَلْتُ فِيَّ عَمَلٌ مَلِيحٌ. 7 عَلَى حَقِّ أَشْ الْمَسَاكِينُ هُمْ مَعَكُمْ دِيمَا وَفَوْقَاشْ مَا بَغِيْتُوا تَقْدَرُوا تَعْمَلُوا فِيهِمْ

الخير. وأمّا أنا، ما أنا شي معكم ديما. 8 عملت علاش قدّدت. راها سبقت ودهنت جسدي العطر للتكفين. 9 بالحقّ نقول لكم، فاين ما يبشّروا بهذا الإنجيل في الدنيا كلّها يخبروا تاني بالّي عملت هذه تفكيراً لها.

10 ديك الساعة يهودا الاسخريوطي، واحد من الطناش، مشى لعند كبار الكوهنين باش يبيعه لهم. 11 وحين سمعوا فرحوا وقاولوه يعطيوا النقرة. وكان كيفّتش كيف يبيعه في الوجبة الموافقة. 12 وفي النهار الأوّل د عيد الفطير، حين كانوا كيدبحوا البيسح، قالوا له تلاميذه: فاين بغيتنا نمشيوا ونوجدوا باش تاكل البيسح؟ 13 وسيفظ زوج من تلاميذه وقال لهم: سيروا للمدينة ويتلاقاكم واحد الإنسان رافد كنبورة د الما. اتبعوه. 14 وفاين ما دخل، قولوا لمول الدار: الفقيه كيقول: فاين الموضع فاش ناكل البيسح مع تلاميذي؟ 15 وهو يوريكم واحد الغرفة كبيرة، مفرّشة وموجودة. تمّ وجدوا لنا. 16 وخرجوا الزوج د التلاميذ وجاوا للمدينة وصابوا كما قال لهم، ووجدوا البيسح. 17 وحين جات العشية جا هو والطناش. 18 ومن اين كانوا كألسين كياكلوا قال يسوع: الحقّ نقول لكم باين واحد منكم الّي كياكل معي يبيعي. 19 وبدوا يحزنوا ويقولوا له واحد بواحد: واش أنا هو؟ 20 وجاوب وقال لهم: هو واحد من الطناش الّي كيغمّس معي في الماعون. 21 را ابن الإنسان ماشي كما هو مكتوب عليه. ولاكن الويل لداك الرجل الّي ينباع ابن الإنسان على يده. كان أحسن لداك الرجل لو كان ما خلق شي.

22 وما حدّهم كياكلوا قبض يسوع الخبز وبارك وكسّر واعطاهم وقال: خدوا تاكلوا هذا هو جسدي. 23 وقبض الكاس وشكر واعطاهم وشربوا منه كلّهم. 24 وقال لهم: هذا هو دمّي د العهد الجديد الّي يتسيّل على سبب ناس بالزّاف. 25 بالحقّ نقول لكم، أنا ما نعاود شي نشرب من غلّة الدالية حتّى لداك النهار من اين نشربه جديد في ملاكة الله. 26 وهلّلوا وخرجوا لجبل الزيتون. 27 وقال لهم يسوع: بالحقّ كلّكم تعتروا فيّ هذه الليلة على حقّ اش مكتوب: أنا نضرب الراعي وتتشّت الغنم. 28 لاكن من مورا قيامتي نسبقكم للجليل. 29 وقال له بطرس: بعدما يعتروا الجميع، أنا ما نعتري شي. 30 وقال له يسوع: بالحقّ نقول لك، اليوم في هذه الليلة قبل ما يادّن الفروج مرّتين تنكرني ثلاثة د المرّات. 31 وقال باكثر التشديد: بعدما نموت معك ما ننكرك شي! وهكذا قالو تاني الجميع.

32 وجاوا لواحد الموضع مسميّ جتسيماني وقال لتلاميذه: اكلّسوا هنا حتّى نصلي. 33 وادّى معه بطرس ويعقوب ويوحنا وبدا يدهش ويتغبّن 34 وقال لهم: نفسي حازنة بالزّاف حتّى للموت. اكلّسوا هنا وابقاوا فايقين. 35 وزاد لقدام واحد الشواي وطاح على الأرض وكان كيصليّ باش تتحيّد

عليه هذه الساعة إذا يمكن. 36 وقال: يا أبّا الأب، كلّ قدرة في يدك. حيّد عليّ هذا الكاس ولاكن يكون ماشي داك الشي الي بغيت أنا، لاكن الي بغيت أنت. 37 وجا وصابهم ناعسين وقال لبطرس: يا سمعان، واش أنت ناعس؟ واش ما قدرت شي تبقى فايق ساعة واحدة؟ 38 ابقاوا فايقين وصلّوا باش ما تدخلوا في التجربة. الروح هي موجودة وأما الجسد هو ضعيف. 39 وعاولد مشى وصلّى كيقول داك الكلام بالذات. 40 ورجع وصابهم ثاني ناعسين حيث كانوا عينيهم تقال وما عرفوا شي باش يجاوبوه. 41 وجا المرّة الثالثة وقال لهم: انعسوا دابّ وارتاحوا. باركة. جات الساعة. ابن الإنسان مدفوع ليديّين المدنبيين. 42 نوضوا نمشوا، را الي يبيعني قريب.

43 وفي الحين وهو كيتكلّم جا يهودا، واحد من الطناش، ومعه واحد الجوقة كبيرة بالسيوف والعصي من عند كبار الكوهنين والكتّاب والشيوخ. 44 والي بايعه أعطاهم واحد الإمارة كيقول: الي نبوسه، هو هداك. اقبضوه وادّيواه واحضيواه. 45 وجا في الحين وقرب لعنده كيقول: يا سيدي، يا سيدي. وباسه. 46 وحطّوا يديهم عليه وقبضوه. 47 وواحد من الي حاضرين سلّ السيف وضرب عبد كبير الكوهنين وقطع أذنه.

48 وجاوب يسوع وقال لهم: بحال إذا على شي شفار خرجتوا بالسيوف والعصي باش تقبضوني. 49 كلّ نهار كنت معكم في بيت المقدس كنعلّم وما قبضتوني شي. ولاكن باش يوفوا الكتب. 50 وخلاّواه كلّهم وهربوا. 51 وتبعه واحد الشابّ لابس الحايك على لحمة، وقبضوه الشبان. 52 وخلّى الحايك وهرب منهم عريان.

53 وادّوا يسوع لعند كبير الكوهنين واتجمعوا معه جميع كبار الكوهنين والشيوخ والكتّاب. 54 وكان بطرس تابعه من بعيد لداخل دار كبير الكوهنين وكان كالس بين المتعلّمين كيسخن حدا العافية. 55 وكانوا كبار الكوهنين والناس كلّهم كيفتشوا على شي شهادة على يسوع باش يقتلوه وما صابوها شي. 56 على حق اش بالزّاف شهدوا عليه بالزور ولاكن شهادتهم ما توافقت شي. 57 وناضوا شي وشهدوا عليه بالزور كيقولوا: 58 احنا سمعناه كيقول: أنا نطيح هدا بيت المقدس الي مصنوع باليديّين وفي تلت ايام نبني واحد آخر ما مصنوع شي باليديّين. 59 وحتّى هكدا ما توافقت شي شهادتهم. 60 وناض كبير الكوهنين في الوسط وسقصى يسوع كيقول: واش ما تجاوب شي والو؟ أش كيشهدوا به هدو عليك؟ 61 أمّا هو كان ساكت وما جاوب حتّى بشي. وسقصاه كبير الكوهنين ثاني وقال له: واش أنت هو المسيح ابن المبارك؟ 62 وقال يسوع: أنا هو. وماشيّين تشوفوا ابن الإنسان كالس على يمين القوّة وماجي في سحاب السما. 63 وشرك كبير الكوهنين حوايجه وقال: أش من حاجة باقية عندنا في

الشهود. 64 راكم سمعتوا الكفر. اثنهوا رايكم؟ وحكموا عليه الجميع باين واجب عليه يموت. 65 وبادوا الناس يبرزقوا عليه ويغطيوا وجهه ويضربوه ويقولوا له: تنبأ! وكانوا المتعلمين كيطرشوه.

66 ومن اين كان بطرس في الدار لتحت، جات واحد المتعلمة د كبير الكوهنين. 67 وحين شافت بطرس كيسخن راسه، حقت فيه وقالت: وانت كنت مع يسوع الناصري. 68 ونكر وقال: ما كنعرف شي ولا نفهم أش كتقولي. وخرج على برا للسطوان. وادن الفروج. 69 وشافته المتعلمة عاود وبدات كتقول للحاضرين: هدا واحد منهم. 70 ونكر تاني. وبعد شواي تاني قالوا الحاضرين لبطرس: بالحق أنت منهم على حق اش أنت جليلي ولغتكت كتشبه للغتهم. 71 وبدا يخطي ويحلف كيقول: ما كنعرف شي هدا الرجل الي كتهدروا عليه! 72 وادن الفروج المرة الثانية. وتفكر بطرس الكلام الي قال له يسوع: قبل ما يادن الفروج مرتين، تنكرني ثلاثة د المرات. ومن اين تفكر داك الشي، بكى.

الفصل الخمسطاش

1 وفي الحين في الصباح تشاوروا كبار الكوهنين والشيوخ والكتاب والناس كلها وكتفوا يسوع وادّاه ودفعوه لبيلاطس.

2 وسقناه بيلاطس: واش أنت سلطان اليهود؟ وجاوب وقال له: أنت كتقول الحق. 3 وكانوا كبار الكوهنين كيشكيوا به بالزاف. 4 وسقناه بيلاطس عاود تاني كيقول: واش ما كتجاوب شي؟ شوف اشحال كيشهدوا عليك. 5 وما جاوب يسوع حتى بشي تاني حتى تعجب بيلاطس. 6 وكان ديما كيطلق لهم في كل عيد واحد المسجون الي بغاواه. 7 وكان واحد مسمي باراباس مقبوض مع اصحابه في الفتنة، الي قتلوا في الفتنة. 8 وغوتت الجوقة وبادوا كيطلبوا باين يعمل كما كان ديما يعمل لهم. 9 وجاوبهم بيلاطس كيقول: واش بغيتوني نطلق لكم سلطان اليهود؟ 10 على حق اش عرف باين كبار الكوهنين كانوا دفعوه بالحسد. 11 لكن كبار الكوهنين حرشوا الناس باين أحسن ينطلق لهم باراباس. 12 وجاوب بيلاطس تاني وقال لهم: أش بغيتوني نعمل بالي كتعيطوا له سلطان اليهود؟ 13 وغوتوا تاني كيقولوا: صلبه. 14 وقال لهم بيلاطس: وأش من شر عمل؟ وزادوا بالزاف كيغوتوا: صلبه. 15 وبيلاطس حيت بغى يعمل للناس داك الشي الي يعجبهم، طلق لهم باراباس، ودفع يسوع من مورا ما عصاه باش يتصلب.

16 وادّاه العسكر لداخل الدار الي هي دار الحكام وجمعوا الطابور كله. 17 ولبسوا له كسوة ملوكية وضمفروا واحد التاج من الشوك وعملوه عليه. 18 وبادوا يسلموا عليه كيقولوا: السلام، يا سلطان اليهود. 19 وكانوا كيضربوه على راسه بواحد القصة ويبزقوا عليه ويسجدوا له طايحين على ركايبهم.

20 ومن مورا ما تملّغوا عليه ، قلّعوا له الكسوة الملوكيّة ولبّسوا له حوايجه وخرّجوه باش يصلّبوه. 21 وكلّفوا على واحد الرجل الّلي دايز جاي من برّا ، وهو سمعان القيرواني ابو الكسندرس وروفس ، باش يرفد صليبه. 22 وجابوه لموضع جُلجُتة الّلي تفسيره موضع جمجمة. 23 واعطاواه الخمر مخلّط بالمرارة باش يشرب ، وما قبله شي. 24 وحين صلّبوه ، قسموا حوايجه وضربوا عليهم العود أش ياخذ كلّ واحد. 25 وكانت الساعة الثلاثة وصلّبوه. 26 وكانت واحد الكتابة السبب دياله مكتوبة : "سلطان اليهود". 27 وصلّبوا معه جوج د الشفّارة ، واحد على يمينه والاخر على شماله. 28 ووفى الكتاب الّلي كيقول : وانحسب مع المدنيين. 29 والّلي دايزين كفروا به وهم كيهزّوا روسهم كيقولوا : يا الّلي كتطيح بيت المقدس وتبنيه في تلت ايام ، 30 نجّي نفسك وانزل من الصليب ! 31 وكذاك كبار الكوهنين وهم كيتملّغوا بينتهم مع الكتّاب قالوا : نجّي آخرين واما نفسه ما يقدر شي ينجيها. 32 ينزل دابّ المسيح ، سلطان إسرائيل ، من الصليب باش نشوفوا ونامّنوا. والّلي تصلّبوا معه كانوا كيغيّروه.

33 وحين وصلت الساعة السادسة كانت الظلمة على الأرض كلّها حتّى للساعة التاسعة. 34 وفي الساعة التاسعة ، غوّت يسوع بصوت عالي كيقول : إلوي ، إلوي ، لما شبقّنتني ؟ الّلي تفسيره : إلهي ، إلهي ، علاش خليّتي ؟ 35 وقالوا شي ناس من الّلي حاضرين حين سمعوا : راه كيغيّط على إيليا. 36 وجرى واحد وعمرّ شي جفّافة بالخلّ وعملها على واحد القصبة وشربّه كيقول : اهداوا ، باش نشوفوا واش يجي إيليا باش يهبّطه.

37 وغوّت يسوع بصوت عالي ودفع روحه. 38 وتشركّ حجاب بيت المقدس على زوج من فوق حتّى لتحت. 39 وحين شاف قايد المية الّلي واقف مقابلة باين غوّت هكدا ودفع روحه قال : بالحقّ كان هذا الإنسان ابن الله. 40 وكانوا تاني شي نسا كيشوفوا من بعيد ، فيهم مريم المجدليّة ومريم أم يعقوب الصغير ويوسى وسالومة ، 41 الّلي تاني تبعوه وخدموه حين كان في الجليل. واخرين بالزّاف الّلي طلّعوا معه لأورشليم.

42 وحين جات العشيّة حيث كان التوجيد ، يعني النهار قبل السبت ، 43 جا يوسف الّلي من الرّامة ، واحد من المجلس وموقّر ، وكان هو تاني كيتسنى ملاكة الله وزعم ودخل لعند بيلاطس وطلب جسد يسوع. 44 وتعجّب بيلاطس حيث مات هكدا دغيا وعيّط على قايد المية وسقّصاه : اشحال هذا باش مات ؟ 45 وحين تحقّق من قايد المية ، اعطى الجسد ليوسف. 46 وشري الكتّان وهبّطه وكفّنه بالكتّان ونزّله في واحد القبر منقوش في الصخرة ودرّب واحد الحجرة على باب القبر. 47 وكانت مريم المجدليّة ومريم أم يوسى كيشوفوا فاين نزّله.

- 1 ومن مورا ما داز السبت ، شرات مريم المجدليّة ومريم أمّ يعقوب وسالومة الحنوط باش يجيوا ويدهنوه. 2 وبكري بالزّاف نهار الاحد جاوا للقبر من اين طلعت الشمس. 3 وكانوا كيقولوا بينتهم: اشكون يدررب لنا الحجرة من باب القبر؟ 4 وطلّوا وشافوا باين الحجرة تدرربت. وكانت كبيرة بالزّاف. 5 وحين دخلوا للقبر، شافوا واحد الشابّ كألّس على اليمين لابس كسوة بيضا، ودهشوا. 6 وقال لهم: لا تدهشوا شي. أنتم كتفتّشوا على يسوع النّاصري المصلّب. راه قام! ما هو شي هنا. ها الموضع الّلي نزلوه فيه. 7 لكن سيروا وقولوا لتلاميذه ولبطرس باين راه يسبقكم للجليل. تمّ تشوفوه كما قال لكم. 8 وخرجوا دغيا وهربوا من القبر على حق اش خافوا وشاروا وما قالوا لاحد شي على حق اش كانوا خايفين.
- 9 ومن مورا ما قام بكري نهار الاحد، ظهر في الأوّل لمريم المجدليّة الّلي كان خرّج منها سبعة د الجنون. 10 ومشات هذه وخبرت الّلي كانوا معه وهم كينوّحوا ويبكيوا. 11 ومن اين سمعوا هدوك باين راه حيّ وشافته هي، ما صدّقوا شي.
- 12 وبعد داك الشي ظهر في صفة أخرى لزّوج منهم وهم ماشيين خارجين لبرّا. 13 ومشاوا هدوك وخبروا الباقيين وما صدّقوهم شي حتّى هم.
- 14 ومن بعد ظهر للحضاش وهم كألّسين ووبّخهم على قلة إيمانهم وقسوحية قلوبهم حيث ما صدّقوا شي الّلي شافوه باين راه قام. 15 وقال لهم: سيروا تخرجوا في الدنيا مجموعة وبشّروا كلّ خلق بالإنجيل. 16 الّلي آمن وتعمّد، ينجا. والّلي ما آمن شي يتعاقب. 17 وهدو الإمارات يتبعوا المومنين: يخرجوا الجنون باسمي ويتكلّموا بلّئس آخرين. 18 يرقدوا الحنوشة. وإذا شربوا شي حاجة الّلي كتقتل، ما تضرّهم شي. ويحطّوا يديهم على المرضى ويبراوا.
- 19 وهكذا من مورا ما تكلمّ معهم الربّ اترفع للسما وكُلّس على يمين الله. 20 وأمّا هم خرجوا وبشّروا في كلّ موضع والربّ كيخدم معهم ويتبّت الكلام بالإمارات التابعين. آمين.

إنجيل يسوع المسيح على يد لوقا

الفصل الاوّل

- 1 من حيث كانوا بزّاف بداوا يكتبوا واحد القصة على الأمور المحقّقين عندنا، 2 بحال ما دفعوهم لنا اليّ كانوا من الاوّل كيشوفوا بعينيهم وكيخدموا للكلمة، 3 وحتّى أنا تاني من حيث فتّشت مسقّم في كلّ شي من الاوّل بالتحقيق ظهر لي مزيان نكتب لك بترتيب يا تاوفيلس الخير 4 باش تعرف تحقيق الكلام اليّ تعلّمته.
- 5 كان في ايّام هيروُدس سلطان اليهوديّة واحد الفقيه اسمه زكريّا من فرقة أبيّا ومراته من بنات هرون اسمها اليصابات. 6 وكانوا بجوج تاقيين قدام الله ماشيين في جميع وصايات الربّ وفرايضه بلا لوم. 7 وما كان عندهم حتى ولد على حق اش اليصابات كانت عاكّرة وكانوا بجوج كبار في سنينهم.
- 8 وحين كان كيخدم كوهن قدام الله في نوبة فرقته 9 بحال ما كانت القاعدة عند الكوهنين، جا العود فيه باش يدخل لبيت المقدس د الربّ ويبخّر. 10 والجماعة د الناس كلّها كانت كتصليّ على برّا في وقت البخور. 11 وظهر له ملاك الربّ واقف على يمين المذبح د البخور. 12 ومن اين شافه زكريّا دهش وجاه الخوف. 13 وقال له الملاك: ما تخاف شي، يا زكريّا، على حق اش صلاتك انقبلت ومراتك أليصابات ماشية تولد لك ولد وتسميه يوحنا. 14 وتكون لك الفرحة والسرور وبالزّاف ماشيين يفرحوا بخلوقه. 15 لانه يكون كبير قدام الربّ وما يشرب الخمر ولا اليّ يسكّر. ومن كرش أمّه يتعمّر بالروح القدس. 16 ويردّ بزّاف من بني إسرائيل للربّ إلههم. 17 ويسبق قدامه بروح إيليا وقوته باش يردّ قلوب الوالدين للاولاد والعاصيين للعقل د التاقيين باش يوجّد للربّ واحد القوم يكون موجّد. 18 وقال زكريّا للملاك: باش نعرف هد الشي؟ على حق اش أنا شارف ومراتي كبيرة في سنينها. 19 وجاوب الملاك وقال له: أنا جبرائيل اليّ واقف قدام الله وانا مرسل باش نتكلّم معك ونبشرك بهد شي. 20 وها أنت تكون مبكوم وما تقدّرشي تتكلّم حتّى للنهار فاش يكونوا هدو الأمور على حق اش ما كتصدّق شي كلامي اليّ ماشي يوفى في وقته. 21 وكانوا الناس كيتسنّاوا زكريّا وتعجّبوا على العطلة دياه في بيت المقدس، 22 وحين خرج ما قدر شي يتكلّم معهم وفهموا باين شاف شي رؤيا في بيت المقدس. وكان كينعت لهم وبقي مبكوم.
- 23 وحين كملت ايّام خدمته، مشى لداره. 24 ومن بعد ديك الايّام، حبّلت أليصابات مراته وتخبّعت خمس شهور وقالت: 25 هكدا عمل لي الربّ في الايّام اليّ فيها شاف فيّ باش يحدّد عيبي من بين الناس.

26 وفي الشهر السادس اترسل جبرائيل الملاك من عند الله لواحد المدينة في الجليل اسمها ناصرة 27 لعند واحد العزبة مملكة مع واحد الرجل من أهل داود اسمه يوسف. واسم العزبة مريم. 28 ودخل عندها الملاك وقال: السلام عليك، يا المكرومة، الربّ معك. مبروكة أنت في النساء. 29 وحين شافته، دهشت من كلامه وبقات كتخمم اشنهو هذ السلام. 30 وقال لها الملاك: ما تخافي شي، يا مريم، على حق اش صبت القبول عند الله. 31 وها أنت ماشية تحبلي وتولدي واحد الولد وتسميه يسوع. 32 وهو يكون كبير ويتسمى ابن العلي والربّ الإلاه ماشي يعطيه الكرسي متاع داود ابوه. 33 ويكون سلطان على أهل يعقوب ديما وما يكون ملاكته تمام.

34 وقالت مريم للملاك: كيف يكون هد شي وانا ما كنعرف حتّى رجل؟ 35 وجاوب الملاك وقال لها: الروح القدس ينزل عليك وقوة العلي تطلّ عليك، وعلى داك شي تاني القدّوس الي تولديه يتسمّى ابن الله. 36 ورا أليصابات الي هي من أهلك هي تاني حبلى بواحد الولد في كبرها وهذا هو الشهر السادس لهديك الي تسمات عاكرة. 37 لأنّه ما كاين حتّى شي الي ما يقدر شي يكون عند الله. 38 وقالت مريم هاني عبدة الربّ. ويكون لي بحال كلامك. ومشى من عندها الملاك.

39 وناضت مريم في ديك الايام ومشات دغيا للجبال لواحد المدينة في يهودا. 40 ودخلت لدار زكريّا وسلّمت على أليصابات. 41 ومن اين سمعت أليصابات سلام مريم قفز الصبي في كرشها. وتعمّرت أليصابات بالروح القدس. 42 وغوّت بصوب عالي وقالت: مبروكة أنت في النساء ومبروكة غلّة بطنك. 43 ومن اين لي هد شي حتّى تجي أمّ ربّي لعندي. 44 وها حين دخل صوت سلامك في أدنيّ قفز الصبي في كرتي من الفرحة. 45 ومبروكة هي الي أمّنت باين ماشي يوفى الي قال لها الربّ.

46 وقالت مريم: نفسي كتعظّم الربّ 47 وكتفرح روعي بالله المنجّي دياالي. 48 حيث شاف في تمسكينة الأمة ديااله. وها من دابّ كلّ جيل يسميني مبروكة. 49 على حق اش القدير عمل فيّ أمور كبار واسمه قدّوس. 50 ورحمته من جيل لجيل على الي كيخافوه. 51 بينّ القوة بدراعه. شتّت المتكبرين في ظنّ قلوبهم. 52 حيّد الحكّام من الكراسي ورفع بالمساكين. 53 شبع الجيعانين بالخيرات وسيفط الأغنياء فارغين. 54 غات إسرائيل عبده باش يتفكر الرحمة. 55 بحال ما قال لجدودنا. لإبراهيم ولدريته على الدوام. 56 وبقات مريم عندها شي تلت شهور ورجعت لدارها.

57 ووفى وقت أليصابات باش تولد وولدت واحد الولد. 58 وسمعوا جيرانها واهلها باين الربّ قوّى عليها رحمته وفرحوا معها. 59 وفي النهار التامن جاوا باش يختنوا الصبي وسمّواه زكريّا على اسم ابوه. 60 وجاوبت أمّه وقالت: لاواه لآكن يتسمّى يوحنا. 61 وقالوا لها: ما كاين حد من أهلك الي تسمّى بهذ الاسم. 62 وسقصاوا ابوه بالنعيت أش بغى يسميه. 63 وطلب لوحة وكتب كيقول: اسمه

يوحنا. وتعجبوا الجميع. 64 وفي الحين انفتح فمه وانطلق لسانه وتكلم وبارك الله. 65 ونزل الخوف على جيرانهم كلهم وتعاودوا هذو الأمور مجموعين في جبال اليهودية كلهم. 66 وجميع الي سمعوا بهم عملوهم في قلوبهم كيقولوا: أش ماشي يكون هد الصبي؟ وكانت يد الرب معه.

67 وتعمّر زكريّا ابوه بالروح القدس وكاشف وقال: 68 مبارك الرب إله إسرائيل لأنّه تفقّد قومه وفداهم. 69 وقيمّ لنا في بيت داود عبده واحد المنجي قوي. 70 بحال ما قال على فم الأنبياء دياله القديسين الي كانوا من أوّل الزمان. 71 باش ننجاوا من عدياننا ومن يدّ جميع الي كيبغضونا. 72 باش يعمل الرحمة لجدودنا ويتفكرّ عهدّه المقدّس، 73 الحلوف الي حلف لإبراهيم ابونا 74 باين يجعلنا نتفكّوا من يدّ عدياننا باش نعبدوه بلا خوف 75 بالقداسة والتقوى قدّامه جميع أيّام حياتنا. 76 وانت، يا الصبي، تتسمّى "نبي العلي" على حق اش تسبق قدّام وجه الربّ باش توجّد طرقانه. 77 باش تعطي لقومه معرفة النجا بغفران دنوبهم 78 بالمحنّة د رحمة إلهنا الي بها جعل الضوّ يشرق علينا من السما. 79 باش يضوي على الكالسين في الظلام وظلّ الموت باش يكوّد رجلينا لطريق السلام. 80 وكبر الصبي وتقوى بالروح وبقي في الصحاري حتّى للنهار الي ظهر فيه لإسرائيل.

الفصل الثاني

1 وفي ديك الايام خرج واحد الظهير من عند أوغسطس قيصر باش تتزّم الدنيا مجموعة. 2 وهذ الزمام الأوّل عملوه حين كان كيرينيوس حاكم على سورية. 3 ومشاوا جميع الناس باش يتزّموا كلّ واحد لمدينته. 4 وحتّى يوسف طلع من الجليل من مدينة الناصرة لليهودية لمدينة داود الي مسميّة بيت لحم على حق اش كان من أهل داود ومن درّيته 5 باش يتزّم مع مريم مراته الي كانت مملّكة معه وهي حُبلَى. 6 وحين كانوا تمّ وفات أيّامها باش تولد. 7 وولدت ابنها البكر وقمّطته ونعّسته في المدود حيث ما صابوا بيت في الفندق.

8 وكانوا في ديك البلاد الرعيان عزّابة كيحضيو قطعاتهم في الليل. 9 وها ملاك الربّ وقف قدّامهم ونور الربّ ضوى عليهم وخافوا خوف كبير. 10 وقال لهم الملاك: ما تخافوا شي. على حق اش ها أنا كنشركم بواحد الفرحة كبيرة الي تكون لجميع الناس. 11 حيث خلق لكم اليوم في مدينة داود واحد المنجي وهو المسيح الربّ. 12 والإمارة لكم هي هدي، تصيبوا طفيل مقمّط راقد في واحد المدود.

13 وفي الحين ظهر مع الملاك عدد د الملائكة من السما كيحمدوا الله ويقولوا: 14 الحمد لله في السماوات وعلى الأرض السلام وللناس الفرحة. 15 وحين مشاوا من عندهم الملائكة للسما، قالوا الرعيان مع بعضهم: نمشيو دابّ لبيت لحم ونشوفوا هد شي الي وقع الي خبرنا به الربّ. 16 وجاوا

زربانين وصابوا مريم ويوسف والطفيل راقد في المدود. 17 وحين شافوه شهرُوا الكلام الّٰي قال لهم الملاك على هد الصبي. 18 وجميع الي سمعوا تعجبوا في الّٰي قالوا لهم الرعيان. 19 وأما مريم عقلت على هد الكلام كلّ وبقات كتخّم فيه في قلبها. 20 ورجعوا الرعيان كيحمدوا الله ويشكروه على كلّ ما سمعوه وشافوه بحال ما قال لهم.

21 وحين وفات تَمَن ايام باش يختنوا الصبي ، تسمّى يسوع بحال ما تسمّى من عند الملاك قبل ما حبّلت به أمّه في كرشها.

22 وحين وفات اَيّام تطهيرها على قاعدة شرع موسى ، طلّعوه لأورشليم باش يحضّروه للربّ. 23 بحال ما هو مكتوب في شرع الربّ: كلّ ذكر الّٰي يفتح الرحم يتسمّى قدّوس للربّ. 24 وباش يقربوا واحد الدبيحة بحال ما قال شرع الربّ: زوجة د اليمام أو زوج د الفراخ د الحمام.

25 وكان واحد الرجل في أورشليم اسمه سَمعان. وهـد الرجل كان تاقى وخايف الله وكان كييعاين تسليّة إسرائيل والروح القدس كان عليه. 26 وكان علّمه الروح القدس باين ما يشوف شي الموت قبل ما يشوف المسيح د الربّ. 27 وجا بروح الله لبيت المقدس وحين دخلوا بالصبي يسوع والديه باش يعملوا له قاعدة الشرع ، 28 رفّده في دراعه وبارك الله وقال: 29 يا ربّ، دابّ كتطلق عبدك بالسلامة بحال ما قلت. 30 على حق اش عينيّ شافوا النجا ديالك 31 الّٰي وجدّته قدّام وجه جميع الناس. 32 ضوّ باش يضيوي على الكُنوس والعزّ د قومك إسرائيل. 33 وتعجّب يوسف وأمّه في الّٰي قال عليه. 34 وبارك لهم سمعان وقال لمريم أمّه: ها هد الصبي منزّل للطيوخ وللنواض د بزّاف في إسرائيل وإمارة الّٰي يتعرّضوا لها. 35 وانت نيت يدوز في نفسك سيف. باش يتبيّنوا تخميمات قلوب بالزّاف.

36 وكانت واحد النبيّة مسمّية حنّة بنت فنويل من قبيلة أشير. وهي كانت كبيرة بزّاف في سنينها. وعاشت مع رجلها سبع سنين من مورا ما كانت عزبة. 37 وهي هجّالة علاين أربعة وتمانين سنة وما فارقت شي بيت المقدس كتعبد بالصيام والصلاة ليل ونهار. 38 وهي في ديك الساعة دخلت كتحمد الربّ وتكلّمت عليه مع جميع الّٰي كانوا كييعاينوا الفدية في أورشليم.

39 ومن اين كمّلوا كلّ شي على قاعدة شرع الربّ ، رجعوا للجليل لمدينتهم الناصرة. 40 وكان الصبي كيكبر وكيثقوى بالروح معمر بالعقل وكانت نعمة الله عليه.

41 وكانوا والديه كيمشيوا كلّ عام لأورشليم في عيد البيسح. 42 وحين كان عنده اطناشر عام طلّعوا لأورشليم على قاعدة العيد. 43 ومن مورا ما كمّلوا الايّام وهم راجعين ، بقى الولد يسوع في أورشليم ويوسف وأمّه ما فطنوا شي به. 44 وحيث ظنّوا باين كان مع الرفاقة ، مشاوا نهار د الطريق. وكانوا كيفتّشوا عليه بين الأهل والمعارف. 45 ومن اين ما صابوه شي ، رجعوا لأورشليم كيفتّشوا عليه.

46 ومن بعد تلت أيام جبروه في بيت المقدس كآلس في وسط العلماء كيسمع منهم ويسقصيهم. 47 وجميع الي سمعوه تعجبوا من فهمه وجواباته. 48 ومين شافوه دهشوا. وقالت له أمه: يا ابني، علاش عملت معنا هكدا. ها أنا وابوك كنّا كنفتشوا عليك معدبين. 49 وقال لهم: علاش فتشثوا عليّ؟ واش ما عرفثوا شي باين واجب عليّ نكون في أمور ابي؟ 50 وما فهموا شي الكلام الي قال لهم. 51 وهود معهم وجا للناصرة وكان طابع لهم. وخزنت أمه هود الأمور كلهم في قلبها. 52 وأمّا يسوع كان كيزيد في العقل والطول والرضا عند الله والناس.

الفصل الثالث

1 وفي العام الخمسطاش من سلطنة طيباريوس قيصر حين كان بيلاطس البُنطي حاكم على اليهوديّة وهيرودس قايّد على الجليل وفيلبس اخاه قايّد على إيطورية وبلاد تراخونيتس وليسانيوس قايّد على الأبلية 2 في أيام كبار الفقهاء حنّان وقيفا، جا كلام الله ليوحنا بن زكريّا في الخلا. 3 وجا يوحنا للبلاد مجموعة الي هي دايرة بالأردن كيبيشر بمعمودية التوبة لغفران الدنوب. 4 بحال ما هو مكتوب في كتاب كلام إشعيا النبي: الصوب د واحد الي كيبرح في الخلا وجدوا محجّ الرب وعدّوا طرقانه مسقّمين. 5 يتعمّر كلّ سهب ويتواطى كلّ جبل وكدية. المعوجين يولّوا مسكّدين والطرقان الواعرين يكونوا ساهلين. 6 وكلّ بن آدم يشوف النجا د الله.

7 وكان كييقول للناس الي خرجوا يتعمّدوا على يده: يا أولاد اللفاع، شكون نبهكم باش تهربوا من الغضب الما جي. 8 اعملوا الغلة بعد الي تليق بالتوبة. وما تبدوا شي تقولوا في أنفسكم: عندنا إبراهيم ابونا. على حق اش نقول لكم باين الله قادر ينوّس من هود الاحجار أولاد لإبراهيم. 9 وداب را الشاقور منزل على عروق الأشجار وكلّ شجرة الي ما كتجيب غلة جيّدة تتقطّع وتتسيّب في العافية. 10 وسقّصواوا الناس كييقولوا: وأش نعملوا. 11 وجاوب وقال لهم: الي عنده جوج د القفاطن يعطي للي ما عنده شي والي عنده الماكلة يعمل كدالك. 12 وجاوا النكاسة تاني باش يتعمّدوا وقالوا له: يا الفقيه، أش نعملوا. 13 وقال لهم ما تقبضوا شي اكر من الي مقدّر لكم. 14 وسقّصواوا العسكر تاني وقالوا: واحنا أش نعملوا. وقال لهم: لا تظلموا حد ولا تطيحووا الباطل على حد واقنعوا بمونتكم.

15 وحين كانوا الناس كيتسنّوا وكيخمّموا كاملين في قلوبهم على يوحنا "واش هو المسيح أو لا"، 16 جاوب يوحنا وقال لهم كاملين: أنا كنعمدكم في الماء، لكن يجي الي هو أقوى منّي الي ما نستاهل شي نحلّ له سيور نعايله. هو ماشي يعمدكم بالروح القدس والعافية. 17 والمدري دياه را ها في يده وماشي يصفّي قاعته مسقّم ويجمع الكُمح في خزينة. ولاكن التبن يحرقه بالعافية الي ما تنطفئ

شي. 18 وبأمور آخرين كتار كان كيوعظ الناس بهم وببشرهم بالإنجيل. 19 وأما هيرودس الحاكم، حيث وبّخه يوحنا على سبب هيروديا مراة فيلبس اخاه وعلى سبب جميع التحرميات الي كان كيعملهم هيرودس، 20 زاد على هد شي كله قبض يوحنا في الحبس.

21 وحين تعمّدوا جميع الناس تعمّد يسوع تاني. ومن اين كان كيصلي انفتح السما 22 ونزل عليه الروح القدس صفته بحال دات الحمامة وواحد الصوت من السما كيقل: أنت ابني الحبيب، بك كنفرح.

23 وحين بدا يسوع كان عنده شي ثلاثين عام وكانوا كيطنوا باين هو ابن يوسف بن هالي 24 بن متات بن لاوي بن ملكي بن يثا بن يوسف 25 بن متاتيا بن عاموص بن ناحوم بن حسلي بن نجاي 26 بن مات بن متاتيا بن شمعي بن يوسف بن يهودا 27 بن يوحنا بن ريسا بن زربابل بن شألتئيل بن نييري 28 بن ملكي بن أدّي بن قصم بن المودام بن غير 29 بن يوسي بن أليعازر بن يوريم بن متات بن لاوي 30 بن شمعون بن يهودا بن يوسف بن يونان بن ألياقيم 31 بن مليا بن مينان بن متاتا بن ناتان بن داود 32 بن يسى بن عوبيد بن بوغز بن سلمون بن نحشون 33 بن عميناداب بن أرام بن حصرون بن فارص بن يهودا 34 بن يعقوب بن إسحق بن إبراهيم بن تارح بن ناحور 35 بن سروج بن رعو بن فالج بن عابر بن شالح 36 بن قينان بن أرفكشاد بن سام بن نوح بن لامك 37 بن متوشالح بن أخنوخ بن يارد بن مهللئيل بن قينان 38 بن أنوش بن شيت بن آدم ابن الله.

الفصل الرابع

1 ورجع يسوع من الأردنّ معمّر بالروح القدس وكوّده الروح للخلا 2 وكان كيجرّبه إبليس أربعين يوم. وما كلا حتّى شي في ديك الايام وحين تقاضاوا، جاه الجوع في الآخر. 3 وقال له إبليس: إذا كنت ابن الله قل لهد الحجرة تولّي خبزة. 4 وجاوبه يسوع وقال: مكتوب "الإنسان ما يعيش شي بالخبز وحده لآكن بكل كلمة من عند الله." 5 وطلّعه إبليس لواحد الجبل عالي ووراه جميع ملاكات الدنيا في رمشة العين. 6 وقال له إبليس: نعطيك هد الحكومة كلها وعزّها على حق اش لي اندفعت ونعطيه لمن بغيت. 7 إذا تسجد لي يكون لك هد شي كله. 8 وجاوبه يسوع وقال: سير يا الشيطان، حيث مكتوب "للربّ إلهك تسجد وهو وحده تعبده." 9 وجاوبه لأورشليم ووقفه على الصمعة د بيت المقدس وقال له: إذا كنت ابن الله سيّب راسك من هنا لتحت. 10 حيث مكتوب "يوصي ملايكته عليك باش يحفظوك. 11 وعلى يديهم يرفدوك باش ما تقيس حتّى حجرة برجلك." 12 وجاوب يسوع

وقال له : مكتوب "ما تجرّب شي الربّ إلهك". 13 وحين كملّ إبليس كلّ تجربة ، فارقه حتّى لوقت آخر.

14 ورجع يسوع بقوة الروح للجليل وخرج الخبر عليه في جميع البلاد الدائرة. 15 وكان كيعلّم في الجوامع ديالهم معظم عند الجميع.

16 وجا للناصرّة فاين كان تربّى. ودخل للجامع بحال ما كانت عنده القاعدة نهار السبت وقام

باش يقرأ. 17 واندفع له كتاب إشعيا النبي. وحين فتح الكتاب ، صاب الموضع فاش كان مكتوب 18

"روح الربّ عليّ على حق اش دهّنتني باش نبشّر المساكين بالإنجيل. سيفطني باش نشافي اليّ مخشّعين

القلوب ، باش نبشّر المساجن بالطلوق والعمي بالبصر ونحرّر اليّ مسحوقين بالظلم ، 19 ونخبّر بالعام

المقبول عند الربّ." 20 ومن بعد ما طوى الكتاب ردّه للمتعلّم وكّلس. وجميع اليّ كانوا في الجامع بقاوا

كيشوفوا فيه بعينيهم. 21 وبدا يقول لهم: هد شي اليّ مكتوب وفي اليوم في أدنيكم. 22 وكانوا

كيشهدوا له كاملين ويتعجّبوا من الكلام الكريم اليّ خرج من فمّه وكيقولوا: واش ماشي هدا هو ابن

يوسف. 23 وقال لهم: على كلّ حال تقولوا لي هد المتال "يا الطبيب ، شافي نفسك. كلّ ما سمعنا باين

وقع في كفرناحوم اعمله هنا تاني في بلادك." 24 وقال: بالحقّ نقول لكم ، ما كاين حتّى نبي مقبول في

بلادّه. 25 وبالحقّ نقول لكم ، كانوا هجّالات بزّاف في إسرائيل في أيّام إيليا حين بقى السما مشدود مدّة

من تلت سنين وستّ شهور حتّى كان واحد الجوع كبير في البلاد كلّها. 26 وما اتّرسل إيليا حتّى

لواحدة منهم غير لواحد المرأة هجّالة في صرّفة صيدا. 27 وكانوا بزّاف د المبراصين في إسرائيل في وقت

أليشع النبي وما برا حد منهم غير نعمان السرياني. 28 وجميع اليّ كانوا في الجامع حين سمعوا هد

شي ، تغدّدوا بزّاف 29 وناضوا وخرّجوه على برّا من المدينة وادّاواه للحافة د الجبل اليّ كانت مدينتهم

مبنية عليه باش يسيّبوه لتحت. 30 لآكن هو داز في وسطهم ومشى في حاله.

31 وهودّ لكفرناحوم واحد المدينة في الجليل. وكان كيعلّمهم كلّ سبت. 32 وتعجّبوا من تعليمه

على حق اش كلامه فيه القوّة. 33 وكان في الجامع واحد الرجل فيه الروح د واحد الجنّ منكّوس

وغوّت بصوت عالي 34 وقال: سير! أش بيننا وبينك يا يسوع النّاصري؟ واش جيت باش تهلكنا؟ أنا

كنعرفك شكّون أنت ، القدّوس د الله. 35 ونهض فيه يسوع وقال: اسكت واخرج منه! وطيحّه الجنّ

في وسطهم وخرج منه وما ضرّه حتّى بشي. 36 ودهشوا كاملين وتكلّموا مع بعضهم كيقولوا: أشنهو هد

الكلام؟ على حق اش بالقدرة والقوّة كيامر الجنون المنكّوسين وكيخرجوا. 37 وكان مشهور في كلّ موضع

في البلاد الدائرة.

38 وحين خرج من الجامع ، دخل لدار سمعان . وكانت نسيبة سمعان قبضتها واحد الحمى قوية وطلبوا له على قبلها. 39 ووقف قدامها ونهض في الحمى وخرجت منها وفي ديك الساعة ناضت وبدأت تتسخر عليهم. 40 وعند المغرب ، جميع الي كانوا عندهم المرضى بالأمراض على كل رهط جابوهم له وحط يديه على كل واحد منهم وشافهم. 41 وكانوا الجنون تاني كيخرجوا من بزاف منهم وكيغوتوا ويقولوا: أنت المسيح ابن الله ! ونهض فيهم وما خلاهم شي يتكلموا على حق اش عرفوه باين هو المسيح.

42 وحين طلع النهار خرج ومشى لواحد الموضع خالي وفتشوا عليه الناس وجاوا لعنده وحصروه باش ما يمشي شي من عندهم. 43 وقال لهم: واجب علي نبشر بملاكة الله في المدن الآخرين تاني على حق اش لهد شي أنا مرسل. 44 وكان كيبشر في الجوامع د الجليل.

الفصل الخامس

1 وحين تداحسوا عليه الناس باش يسمعو كلام الله ، كان واقف حدا البحر د جتيسارت. 2 وشاف جوج د الفلايك واقفين حدا البحر والحواة كانوا خرجوا منهم كيغسلوا الشبك. 3 ودخل لواحدة من الفلايك الي كانت متاع سمعان وطلبه يبعد شواى من البر. وكلس وبدأ يعلم الناس من الفلوكة. 4 وحين قاضى من الكلام ، قال: لسمعان بعد للغرق وسيبوا الشباك ديالكم على الحوت. 5 وجاوب سمعان وقال له: يا المعلم ، الليل كامل واحنا كنخدموا وما قبضنا حتى شي ، ولاكن على كلامك نسيب الشبكة. 6 وحين عملوا داك شي ، قبضوا حوت كثير حتى بدات شبكتهم تتقطع. 7 وشيروا لشركانهم في الفلوكة الأخرى باش يجيو ويعاونوهم. وجاوا وعمروا الفلايك بزوج حتى بداوا يغرقوا. 8 وحين شاف سمعان بطرس داك شي ، طاح على الركابي د يسوع وقال: فارقني يا رب على حق اش أنا رجل مدنب ! 9 على خاطر دهش هو والي كانوا معه كلهم من كثرة الحوت الي قبضوه. 10 وكذلك تاني يعقوب ويوحنا أولاد زبدي الي كانوا شركان سمعان. وقال يسوع لسمعان: ما تخاف شي. من داب راك تصيد على الناس. 11 وحين جابوا الفلايك للبر خلاوا كل شي وتبعوه. 12 ومن اين كان في واحد المدينة كان تم واحد الرجل معمر بالبرص. وحين شاف ، يسوع طاح على وجهه وطلبه وقال: يا سيدي ، إذا بغيت تقدر تصفيني. 13 ومد يده ومسّه وقال: أنا بغيت. كون صافي. وفي الحين مشى منه البرص. 14 ووصاه لا يقول لحد شي: لآكن سير تورّي راسك للكوهن واعطي على الشفاء ديالك بحال ما قال موسى شهادة لهم. 15 وشاع الخبر عليه اكرت واكرت. واتجمعوا ناس كتار باش يسمعو ويبراوا على يده من أمراضهم. 16 وأما هو كان كيمشي وحده للخلا ويصلي.

17 وواحد النهار كان كيعلّم والفريسيين والفقهاء د الشرع كالسين الي كانوا جاوا من كل دشر في الجليل واليهودية وأورشليم. وكانت قوّة الربّ معه باش تشافيهم. 18 وها شي رجال جاوا رافدين واحد الرجل على الفراش فيه بوفالج وكانوا كيفتشوا يدخلوا به وينزلوه قدامه. 19 وحين ما صابوا شي منين يدخلوا به على سبب الزحام، طلعوا للسطح ودلّواه في الفراش من بين اللاجور للوسط قدام يسوع. 20 وحين شاف إيمانهم، قال له: يا الرجل، مغفورين لك دنوبك. 21 وبدّوا الكتاب والفريسيين يخمّموا ويقولوا: شكّون هو هذا الي كيتكلّم بالكفر. شكّون يقدر يغفر الذنوب من غير الله وحده. 22 وفطن يسوع بتخميماتهم وجاوبهم وقال: علاش كتخمّموا في قلوبكم. 23 أمّا اسهل، نقول "مغفورين لك دنوبك"، أو نقول "قوم تمشي؟" 24 ولاكن باش تعرفوا باين ابن الإنسان عنده القدرة على الأرض باش يغفر الذنوب، قال للي فيه بوفالج: لك كنقول قوم ارفد فراشك وسير لدارك. 25 وفي الحين قام قدامهم ورفد داك شي الي كان راقد عليه ومشى لداره وهو كيحمد الله. 26 ودهشوا كاملين ومجدّوا الله وخافوا بزّاف وقالوا: شفنا العجايب اليوم.

27 وبعد هد شي خرج وشاف واحد النكّاس اسمه لاوي كالس في موضع النكّاس. وقال له: اتبعني. 28 وخلا كلّ شي وناض وتبعه. 29 وعمل له لاوي واحد الكرامة كبيرة في داره. وكانوا بزّاف د النكّاسة وناس آخريين الي كالسين معهم. 30 وكُمّموا كتابهم والفريسيين على تلاميذه وقالوا لهم: علاش كتاكلوا وتشربوا مع النكّاسة والمدنبيين؟ 31 وجاوب يسوع وقال لهم: الي هم صحاح ما كيحتاجوا شي الطبيب لآكن الي هم مراض. 32 أنا ما جيت شي باش نعيّط للتقيين لآكن للمدنبيين يتوبوا.

33 وقالوا له: علاش كيصوموا تلاميذ يوحنا كثير ويصليّوا وكذاك تلاميذ الفريسيين تاني. وأمّا تلاميذك كياكلو ويشربوا. 34 وقال لهم: واش تقدروا تصوّموا ناس العرس ما حدّه العريس معهم؟ 35 ولاكن يجيوا الايام حين يتحيّد عليهم العريس. عاد يصوموا في ديك الايام. 36 وقال لهم تاني واحد المتال: حتّى واحد ما كيعمل شي رقعة من كسوة جديدة على واحد الكسوة البالية، وربّما تفزّرها الجديدة والرقعة الي من الجديدة ما تواتي شي البالية. 37 وحتّى حد ما كيعمل خمر جديد في جلود باليين، وربّما الخمر الجديد يطرّق الجلود وينهرق والجلود يفسدوا. 38 لآكن كي عملوا الخمر الجديد في الجلود الجداد وينصّانوا بجوج. 39 وحتّى حد ما شرب خمر حايل ويبغي في الحين الجديد على حق اش يقول الحايل احسن.

- 1 وفي السبت الثاني بعد الاول داز بين الزروعات. وكانوا تلاميذه كيقطعوا السبول ويفركوهم بيدّهم وياكلوا. 2 وقالوا لهم البعض من الفرّيسيّين: علاش كتعملوا اليّ ما هو شي حلال ينعمل في السبت؟ 3 وجاوب يسوع وقال لهم: واش ما قريتوا شي داك شي اليّ عمل داود حين جاه الجوع هو والّي كانوا معه؟ 4 كيف دخل لبيت الله وقبض خبز المعطى وكلا واعطى للّي هم معه ثاني، اليّ ما هو شي حلال ياكله حد من غير الفقهاء وكان. 5 وقال لهم: ابن الإنسان هو ربّ السبت نيت.
- 6 وفي واحد السبت آخر دخل للجامع وبدا يعلم. وكان تمّ واحد الرجل يده د اليمين مبطولة. 7 وكانوا الكتّاب والفرّيسيّين كيعسّوا عليه واش يشافي في السبت باش يصيبوا علاش يشكيوا به. 8 لكن هو علم على ظنّ قلوبهم وقال للرجل اليّ كانت يده مبطولة: قوم توقف في الوسط. وقام ووقف. 9 وقال لهم يسوع: أنا نسقّصكم على واحد الحاجة. واش حلال ينعمل الخير في السبت أو الشرّ، تنجا الروح أو تنهلك؟ 10 وشاف في اليّ كانوا دايرين به كاملين وقال للرجل: مدّ يدك. ومدّها، وولات يده صحيحة كيف الأخرى. 11 وحمقوا بزّاف وبدّوا يتكلّموا مع بعضهم أش يعملوا ليسوع.
- 12 وفي ديك الايام خرج للجبل باش يصليّ. وبقي الليل كامل كيصليّ لله. 13 وحين طلع النهار عيّط للتاليد دياله واختار منهم اطناش اليّ سمّاهم ثاني رُسُل. 14 سمعان اليّ سمّاه ثاني بُطرس واندراوس اخاه، يعقوب ويوحنا، فيلبس وبرتولماوس، 15 متى وتوما، يعقوب بن حلفى وسمعان اليّ كيتسمّى الغيور، 16 يهودا اخا يعقوب ويهودا الإسخريوطي اليّ ولّى بيّاع ثاني.
- 17 وهودّ معهم ووقف في الوطى هو وبالزّاف من تلاميذه وأعداد كتار د الناس من جميع اليهوديّة وأورشليم وساحل البحر د صور وصيدا اليّ جاوا باش يسمعوه ويبراوا من أمراضهم، 18 والمعدّبين بالجنون المنكّوسين، وكانوا كيبراوا. 19 والناس كلّها بغات تمسّه على حق اش كانت كتخرج منه القوّة وتشافي الجميع.
- 20 وهزّ عينيه في تلاميذه وقال: مبروكين أنتم، يا المساكين، على حق اش ديالكم ملاكة الله.
- 21 مبروكين أنتم اليّ كتجوعوا دابّ على حق اش تشبعوا. مبروكين أنتم اليّ كتبكيوا دابّ على حق اش ماشيين تضحكوا. 22 مبروكين أنتم حين يبغضوكم الناس ويفرزوكم ويعايروكم ويتركوا اسمكم بحال اسم قبيح على قِبَل ابن الإنسان. 23 افرحوا في داك النهار وانشطوا، حيث أجركم كبير في السما. على حق اش هكدا عملوا جدودهم للأنبياء. 24 ولاكن الويل لكم، يا الأغنياء، على حق اش حزتوا بعدّ التسلية ديالكم. 25 الويل لكم، يا اليّ شعبانين، على حق اش أنتم ماشيين تجوعوا. الويل لكم يا اليّ

كتضحكوا دابّ على حق اش أنتم ماشيين تحزنوا وتبكوا. 26 الويل لكم حين الناس كاملين يقولوا

فيكم الخير. من حيت هكدا عملوا جدودهم للأنبياء الكذابة.

27 لآكن نقول لكم، يا السامعين، حبّوا عديانكم. واعملوا الخير في آلي كيبلغضوكم. 28 وباركوا

لّلي كيخطبوا فيكم. واطلبوا الخير تاني. وآلي يدّي لك سلهاّمك، ما تحصره شي من القفطان تاني. 30

كلّ واحد آلي طلب لك اعطي له. وآلي يدّي لك متاعك، ما تطلبه شي منه. 31 وبحال ما بغيتوا الناس

يعملوا معكم، اعملوا أنتم معهم تاني كدالك. 32 وادا حبّيتوا آلي كيحبّوكم، أش من أجر عندكم؟ على

حق اش المدنبيين تاني يحبّوا آلي كيحبّوهم. 33 وادا عملتوا الخير مع آلي كيعملوا معكم الخير، أش من

أجر عندكم؟ على حق اش المدنبيين تاني كيعملوا هكدا. 34 وادا شلّفتوا لّلي كتتمناؤا باين تقبضوا منهم

عاود، أش من أجر عندكم؟ على حق اش المدنبيين تاني كيسلّفوا للمدنبيين باش يقبضوا منهم قدّ ما سلّفوا

لهم. 35 لآكن حبّوا عديانكم واعملوا الخير وسلّفوا وما تتمناؤا حتى شي، ويكون أجركم كبير وتكونوا

أولاد العلي على حق اش هو كريم على آلي ما كيشكروه شي وعلى القباح. 36 وكونوا رُحما بحال ما

هو ابوكم تاني رحيم. 37 وما تنويوا في حد باش ما ينوي فيكم حد. ولا تحكموا شي باش ما تنحكموا

شي. اسمحوا ينسمح لكم. 38 اعطيوا ينعطى لكم عبر مزيان ومدكوك ومهزوز لكم. 39 وقال لهم واحد

المثال: واش يقدر الاعمى يكوّد الاعمى؟ واش ما يطيحوا شي بجوج في الحفرة؟ 40 المحضري ما هو

شي اكتر من الفقيه دياه. لآكن كلّ واحد آلي هو كامل يكون بحال الفقيه دياه. 41 وعلاش كتشوف

الهيشرة آلي في عين اهاك، ولاكن الخشبة آلي في عينك ما كتفطن شي بها؟ 42 أو كيف تقدر تقول

لاهاك "يا احي، خليني نخرّج الهيشرة آلي في عينك" وانت ما كتشوف شي الخشبة آلي في عينك؟ يا

المنافق، خرّج في الأوّل الخشبة من عينك وعاد تشوف مسقّم باش تخرّج الهيشرة آلي في عين اهاك!

43 على خاطر واحد الشجرة جيّدة ما تجيب غلة خايبة. ولا شجرة خايبة تجيب غلة جيّدة. 44 على

حق اش كلّ شجرة تنعرف من غلّتها. ما كيغنوا شي الكرموس من الشوك ولا العنب من العليق. 45

الرجل المليح من الدخيرة المليحة د قلبه كيخرّج الملاحه. والرجل القبيح من الدخيرة القبيحة د قلبه

كخرّج القباحه. على حق اش من شياطة قلبه كيتكلم فمه 46 وعلاش كتعيّطوا لي "يا ربّ، يا ربّ"

وانتم ما كتعملوا شي آلي كنقول. 47 كلّ واحد آلي كيحي لعندي ويسمع كلامي ويعمل به، نورّيك لمن

كيشبه. 48 كيشبه لواحد الرجل آلي بنى دار وحفر وغرّق ونزل اللّساس على واحد الحجرة. وحين

جات الحمله، دفع الواد بزّاف على ديك الدار وما قدر شي يززعها على حق اش راها ملّسّة على

الحجر. 49 وآما آلي كيسمع وما يعمل شي كيشبه لواحد الرجل آلي بنى داره على الأرض بلا لّساس.

ودفع عليها الواد وطاحت في الحين وكانت الطيحة د ديك الدار كبيرة.

الفصل السابع

- 1 وحين كَمَلْ كَلَامُهُ كُلَّهُ قَدَّامَ النَّاسِ، دَخَلَ لِكُفْرِنَا حُومَ. 2 وَكَانَ الْعَبْدُ دَ وَاحِدٌ قَائِدُ الْمِيَةِ مَرِيضٌ قَرِيبٌ يَمُوتُ وَكَانَ عِنْدَهُ عَزِيزٌ. 3 وَحِينَ سَمِعَ بِيَسُوعَ سَيْفُطَ لَهُ شِيُوخَ الْيَهُودِ كَيْطَلْبُهُ يَجِي وَيَشَافِي عَبْدَهُ.
- 4 وَحِينَ جَاوَا لَعِنْدَ يَسُوعَ، رَغَبُوهُ بَرْأَفٍ وَقَالُوا لَهُ: يَسْتَاهِلُ تَعْمَلُ لَهُ هَدَّ شَيْ. 5 حَيْثُ كَيْحَبَّ الشَّعْبُ دِيَالِنَا وَهُوَ بَنَى لَنَا الْجَامِعَ. 6 وَمَشَى يَسُوعَ مَعَهُمْ. وَمِنْ أَيْنَ كَانَ قَرِيبٌ لِلدَّارِ، سَيْفُطَ لَهُ قَائِدُ الْمِيَةِ صَحَابُهُ كَيَقُولُ لَهُ: يَا سَيِّدِي، لَا تَشْقَى شَيْ. عَلَى حَقِّ أَشْ مَا نَسْتَاهِلُ شَيْ تَدْخُلُ تَحْتَ السَّقْفِ دِيَالِي.
- 7 وَعَلَى دَاكِ شَيْ أَنَا مَا حَسِبْتُ شَيْ نَفْسِي مَسْتَاهِلُ نَجِي لَعِنْدُكَ. لَآكِنْ قَقْلُ وَاحِدِ الْكَلِمَةِ وَيَبْرَا عِبْدِي.
- 8 عَلَى حَقِّ أَشْ أَنَا تَانِي وَاحِدَ الرَّجُلِ تَحْتَ الْكَلِمَةِ. عِنْدِي الْعَسْكَرُ تَحْتَ يَدِّي. وَنَقُولُ لِهَذَا "سِير" وَيَمْشِي وَلِلْآخِرِ "أَجِي" وَيَجِي وَلِعَبْدِي "اعْمَلْ هَدَّ شَيْ" وَيَعْمَلُهُ. 9 وَحِينَ سَمِعَ يَسُوعَ هَدَّ شَيْ، تَعَجَّبَ مِنْهُ وَدَارَ وَقَالَ لِلنَّاسِ إِلَيَّ كَانُوا كَيْتَبْعُوهُ: نَقُولُ لَكُمْ مَا صَبَتْ إِيمَانٌ قَدْ هَذَا حَتَّى فِي إِسْرَائِيلَ. 19 وَالْيَّ كَانُوا مَسِيْفُطِينَ رَجَعُوا لِلدَّارِ وَصَابُوا الْعَبْدَ إِلَيَّ كَانَ مَرِيضٌ بَرَا.
- 11 وَلَا غَدًا مَشَى لَوَاحِدِ الْمَدِينَةِ مَسْمِيَةِ نَايِينَ وَمَشَاوَا مَعَهُ بَرْأَفٍ مِنَ التَّلْمِيدِ دِيَالِهِ وَنَاسٌ كَتَارَ.
- 12 وَحِينَ قَرَبَ لِبَابِ الْمَدِينَةِ رَا وَاحِدَ الْمَيْتِ مَرْفُودٌ وَمَا كَانَ عِنْدَ أَمِّهِ غَيْرُ هُوَ وَهِيَ هَجَالَةٌ وَنَاسٌ بَرْأَفٍ كَانُوا مَعَهَا مِنَ الْمَدِينَةِ. 13 وَمِنْ أَيْنَ شَافَهَا الرَّبُّ، حَنَّ عَلَيْهَا وَقَالَ لَهَا: مَا تَبْكِي شَيْ. 14 وَزَادَ لِقَدَّامِ وَمَسَّ الْمَحْمَلُ وَوَقَفُوا إِلَيَّ رَافِدِينَهِ. وَقَالَ: يَا الْوَلَدُ، كَنْقُولُ لَكَ قَوْمَ. 15 وَكُلَّسَ الْمَيْتَ وَبَدَا يَتَكَلَّمُ وَدَفَعَهُ لَأَمِّهِ. 16 وَجَاهَمُ الْخَوْفُ كَامِلِينَ وَمَجَّدُوا اللَّهَ وَقَالُوا: قَامَ فِينَا وَاحِدَ النَّبِيِّ كَبِيرٍ وَتَفَقَّدَ اللَّهُ قَوْمَهُ. 17 وَخَرَجَ هَدَّ الْخَبَرَ عَلَيْهِ فِي كُلِّ الْيَهُودِيَّةِ وَفِي جَمِيعِ الْبِلَادِ الدَّائِرَةِ بِهَا.
- 18 وَتَلَامِيدُ يُوْحَنَّا عَاوَدُوا لَهُ عَلَى هَدَّ شَيْ كُلَّهُ. 19 وَعَيَّطَ يُوْحَنَّا عَلَى جُوجٍ مِنْ تَلَامِيدِهِ وَسَيَقْطَهُمْ لَعِنْدَ يَسُوعَ وَقَالَ: وَاشْ أَنْتَ هُوَ إِلَيَّ مَاجِي أَوْ نَتَسَنَّاوَا وَاحِدَ آخَرَ. 20 وَحِينَ جَاوَا لَعِنْدَهُ الرِّجَالُ، قَالُوا: يُوْحَنَّا الْمَعْمَدَانُ سَيْفَطْنَا لَعِنْدُكَ كَيَقُولُ وَاشْ أَنْتَ هُوَ إِلَيَّ مَاجِي أَوْ نَتَسَنَّاوَا وَاحِدَ آخَرَ.
- 21 وَدِيَكِ السَّاعَةِ شَافَى نَاسٌ بَرْأَفٍ مِنَ الْأَمْرَاضِ وَمِنَ الْعَلَّاتِ وَمِنَ الْجَنُونِ وَرَدَّ بَرْأَفَ الْعَمِيَانِينَ يَشُوفُوا.
- 22 وَجَاوَبَ يَسُوعَ وَقَالَ لَهُمْ: سَيَرُوا تَعَاوَدُوا لِيُوْحَنَّا دَاكِ شَيْ إِلَيَّ شَفَتُوا وَسَمِعَتُوا. الْعُمَى كَيْشُوفُوا وَالْعُرْجُ كَيْمَشِيوَا وَالْمَبْرَاصِينَ كَيْصَفَاوَا وَالصُّومُكُ كَيْسَمَعُوا وَالْمَيْتِينَ كَيْقَوْمُوا وَالْمَسَاكِينَ كَيْتَخَبَّرُوا بِالْإِنْجِيلِ.
- 23 وَمَرُوكَ إِلَيَّ مَا يَعْتَرِ شَيْ فِيَّ.
- 24 وَحِينَ مَشَاوَا إِلَيَّ كَانُوا مَسِيْفُطِينَ مِنْ عِنْدِ يُوْحَنَّا بَدَا كَيَقُولُ لِلنَّاسِ عَلَى يُوْحَنَّا: أَشْ خَرَجْتُوا لِلْخَلَا تَشُوفُوا؟ شَيْ قَصْبَةٌ كَيْحَرَّكَهَا الرِّيحُ؟ 25 لَآكِنْ أَشْ خَرَجْتُوا تَشُوفُوا؟ شَيْ رَجُلٌ لَابَسَ كَسُوَةَ رَطْبَةٍ؟

را الّٰي لابسين الكسوة الرفيعة والّٰي كيتدخّموا هم في ديار السلاطين. 26 لآكن أش خرجتوا تشوفوا؟
 شي نبي؟ نعم نقول لكم، وافضل من واحد النبي. 27 هدا هو الّٰي انكتب عليه هاني كنسيفط قدّام
 وجهك مرسولي الّٰي يوجّد طريقك قدّامك. 28 على حق اش نقول لكم بين الّٰي ولدوهم النسا ما كاين
 حتّى نبي اكبر من يوحنا المعمدان. ولاكن الصغير في ملاكة الله هو اكبر منه. 29 وجميع الناس
 والنكّاسة حين سمعوا صدّقوا الله حيث راهم تعمّدوا بمعموديّة يوحنا. 30 واما الفريسيين والعلماء د
 الشرع بهدلوا براي الله في أنفسهم من حيث ما تعمّدوا شي على يدّه.
 31 وقال الربّ لمن نشبّه ناس هد الجيل ولاش كيشبهوا. 32 كيشبهوا لشي دراري كآلسين في
 السوق كيغيّطوا بعضهم بعض ويقولوا غيّطنا لكم وما شطحتوا شي. ندبنا لكم وما بكيتوا شي. 33 لآته
 جا يوحنا المعمدان ما كياكل خبز ولا كيشرب خمر وكتقولوا باين فيه شي جنّ. 34 جا ابن الإنسان
 كياكل ويشرب وكتقولوا راه واحد الرجل وكآل وسكايري، صاحب النكّاسة والمدنبيين. 35 والفهامة راها
 تبرّات عند جميع أولادها.
 36 وواحد من الفريسيين طلبه ياكل عنده ودخل لدار الفريسي وكّلس ياكل. 37 ورا واحد المرأة
 في المدينة الّٰي كانت مدنبّة حين عرفتّه كآلس في دار الفريسي كياكل جابت واحد الحكّ من الرخام فيه
 العطر 38 ووقفت عند رجله من موراها كتبكي وبدأت تفركُ رجله بدموعها وتمسحهم بشعر راسها
 وتبوس رجله وتدهنهم بالعطر. 39 وحين شاف داك شي الفريسي الّٰي عرض عليه قال مع راسه:
 لوكان كان هدا نبي لو كان عرف شكّون هي وأش من مراة هدي الّٰي كتمسه باين راها مدنبّة. 40
 وجاوب يسوع وقال له: يا سمعان، عندي ما نقول لك. وقال: قول، يا الفقيه. 41 كانوا جوج د الناس
 مديانين دبال واحد الرجل. واحد كيسال له خمس مية دينار والآخر خمسين. 42 وحين ما كان عندهم
 باش يخلّصوا، سمح لهم بجوج. وداب قول لي شكّون منهم يحبه اكرّ؟ 43 وجاوب سمعان وقال:
 كيضهر لي الّٰي سمح له في الكثير. وقال له: حكمت بالصواب. 44 ودار في المراة وقال لسمعان: واش
 كتشوف هد المراة؟ أنا دخلت لدارك وما اعطيتني شي الما لرجليّ. ولاكن هي غسلت لي رجليّ بالدموع
 ومسحتهم بشعر راسها. 45 وانت حتّى بوسة ما بستّني. واما هي من الوقت فاش دخلت ما قطعت
 شي البوس من رجليّ. 46 وانت بالزيت ما دهنت لي شي راسي. واما هي دهنت لي رجليّ بالعطر.
 47 وعلى داك شي نقول لك دنوبها الّٰي هم بزّاف مغفورين على حق اش حبّت بالزّاف. ولاكن الّٰي
 مغفور له قليل كيحبّ قليل. 48 وقال لها: مغفورين لك دنوبك. 49 والّٰي كانوا كآلسين معه كياكلوا
 بداوا يقولوا في أنفسهم: شكّون هو هدا الّٰي تاني كيغفر الذنوب. 50 وقال: للمراة إيمانك هو الّٰي
 نجاك. سيري بالسلامة.

الفصل الثامن

- 1 وبعد داك شي ، كان كيتسارى كلّ مدينة وكلّ دشر كيوعطّ وكيبشّر بملاكة الله ومعه الطناش
- 2 وشي نسا اليّ كانوا براوا من الجنون. 3 ويونّا مراة خوزي نايب هيروُدس وسوسنة وآخرين بزّاف اليّ كانوا كيعاونوه من مالهم.
- 4 وحين اتّجمعوا ناس كتار وجاوا لعنده من كلّ مدينة تكلم بواحد المتال: 5 واحد الحرّات خرج يزرع زرعة. وحين كان كيزرع طاح البعض على الطريق وزطموا عليه وطيور السما كلاّوه. 6 وشي طاح على الحجرة وحين نبت يبس حيث ما عنده ما. 7 وشي طاح في وسط الشوك. ونبت معه الشوك وجيّفه. 8 وشي طاح في الأرض المزيانة وحين نبت عمل الزرع على مية مرة. قال هد شي وعيّا: اليّ عنده الادنين باش يسمع لابّد يسمع.
- 9 وسقصاواه التلاميذ دياه وقالوا: اشنهو هد المتال؟ 10 وقال: لكم اتّعطى تعرفوا كلّ سرّ د ملاكة الله. واما لآخرين بالامتال باش ما يشوفوا شي وهم كيشوفوا، وما يفهموا شي وهم كيسمعوا. 11 والمتال هو هذا: الزرع هو كلام الله. 12 وهدوك على الطريق، هم اليّ كيسمعوا. داك الوقت يجي إبليس ويخطف الكلام من قلوبهم باش ما يأمّنوا ويجيوا. 13 وهدوك على الحجرة، هم اليّ حين يسمعوا يقبلوا الكلام بالفرحة. وهم ما عندهم عروق وكيأمّنوا على شي مدّة وفي وقت التجربة يوليوا. 14 واليّ طاح بين الشوك، هم اليّ حين كيسمعوا، كيمشيوا ويتجيّفوا بهوموم الدنيا وما لها وشهاويها وغلّتهم ما كتطيب شي. 15 واليّ في الأرض الجيدة، هم اليّ كيسمعوا الكلام ويقبضوه في القلب الصافي والمليح ويجيبوا الغلة بالصبر.
- 16 وحتى حد ما يشعل الضو ويغطيّه بشي ماعون أو ينزّله تحت السرير، لكن ينزّله على الحسكة باش اليّ هم داخلين يشوفوا الضو. 17 لأنّه ما كاين حتى شي مخفي اليّ ما يظهر شي ولا مخبّع اليّ ما ينعرف شي ويتبيّن. 18 وردّوا بالكم كيف تسمعوا. على حق اش اليّ عنده ينعطى له. واليّ ما عنده شي، را داك شي اليّ كيظهر دياه ينقلع له.
- 19 وجات لعنده أمّه وخوته، وما قدروا شي يوصلوا لعنده على سبب الزحام. 20 وخبروه وقالوا له: أمّك وخوتك واقفين على برّا، كيبغيوا يتكلّموا معك. 21 وجاوبهم وقال: أمّي وخوتي هم هدو اليّ كيسمعوا كلام الله ويعملوا به.
- 22 وواحد النهار دخل لواحد الفلوكة هو والتلاميذ دياه، وقال لهم: نقطعوا للديزة الأخرى. ومشاوا. 23 وحين كانوا ماشيين، نعس. وداز واحد الريح عظيم على البحر، وكانوا كيتعمّروا بالما

وكانوا في الشدة. 24 وجاؤا لعنْده وفَيَّقوه وقالوا له: يا معلِّم، يا معلِّم، احنا غاڊيين نغرقوا! وقام ونهض في الريح والأمواج وهناؤا ووقعت الهدنة. 25 وقال لهم: فاين هو إيمانكم؟ وخافوا وتعجَّبوا وبداءوا يقولوا مع بعضهم: شكون هو هدا؟ لأنَّه كيامر حتى الأرياح والماء ويطيعوا له!

26 ووصلوا لبلاد الجدرِّيِّين الِّي هم مكابلة الجليل. 27 وحين نزل في البرّ، تلاقاه واحد الرجل من المدينة الِّي فيه الجنون من مدّة طويلة وما كان شي كيلبس كسوة ولا يكُلْس في الدار، لآكن غير في القبور. 28 وحين شاف يسوع غوّت وطاح قدّامه وقال بصوت عالي: أش بيني وبينك، يا يسوع ابن الله العلي؟ كنطلب منك ما تعدّبنني شي! 29 على حق اش أمر الجنّ يخرج من الرجل، على حق اش برّاف د المرّات كان كيقبضُه وهو كيتربط بالسناسل والاكبال ويعسّوا عليه، ويقطّع الرباط والجنّ يخرجُه للخلا. 30 وسقّصاه يسوع وقال: أش اسمك؟ وقال: طابور. على حق اش جنون برّاف كانوا دخلوا فيه.

31 وطلبوه ما يامرهم شي يمشيوا لجهنّم. 32 وكانت تمّ واحد القطيع كبير د الحالاف كيرعى في الجبل. وطلبوه الجنون يخليهم يدخلوا فيهم. وخلاهم. 33 وخرجوا الجنون من الرجل ودخلوا في الحالاف، وجرى القطيع بالجهد من الجرف للبحر وجاف. 34 وحين شافوا الرعيان الِّي وقع، هربوا ومشّوا وخبرّوا في المدينة وعلى برّا. 35 وخرجوا باش يشوفوا الِّي وقع. وجاؤا لعند يسوع وصابوا الرجل الِّي خرجوا منه الجنون كُالس عند رجلين يسوع، لابس وبعلقه، وخافوا. 36 والِّي شافوا خبرّوهم تاني كيف نجى المجنون. 38 والناس كلّهم د بلاد الجدرِّيِّين طلبوه يمشي في حاله عليهم، حيث جاهم خوف كبير. ودخل في الفلوكة ورجع. 38 والرجل الِّي خرجوا منه الجنون طلب له يبقّى معه. لآكن يسوع سيفطه وقال: 39 ارجع لدارك وخبرّ بما عمل لك الله. ومشى وهو كيبهرّج في المدينة كاملة بكلّ ما عمل له يسوع.

40 وحين رجع يسوع قرحوا به الناس حيث كانوا كاملين كيتسنّاوا. 41 وها واحد الرجل جا اسمه يايْرُس، وكان مقدّم على الجامع، طاح عند رجلين يسوع وطلّبه يدخل لداره، 42 على حق اش ما عنْدُه غير بنت واحدة وعنْدها شي اطناشر عام وهي كتموت. وحين كان ماشي، زاحموا عليه الناس.

43 وواحد المرأة فيها تجرية الدّم مدّة من اطناشر عام وكانت صرفت مالها كامل على الأطباء وما قدرت تبرّا حتى على يدّ حد، 44 جات من موراه ومسّت هدوب كسوته. وفي الحين انقطعت تجرية دمّها. 45 وقال يسوع: شكون الِّي مسّني؟ وحين كانوا كينكروا كاملين، قال بطرس والِّي معه: يا معلِّم، الناس كيضيّقوا عليك ويزاحموك وانت كتقول "اشكون الِّي مسّني؟" 46 وقال يسوع: شي واحد مسّني على حق اش أنا فطنت باين شي قوّة خرجت منّي. 47 وحين شافت المرأة باين ما

انسترت شي، جات كتترعد وطاحت قدامه وخبرتته قدام جميع الناس علاش من سبة مسّته وكيف برات في الحين. 48 وقال لها: كوني هانية، يا بنتي، إيمانك هو الي سيري بالسلامة.

49 وحين كان باقي كيتكلم، جا واحد من دار المقدّم د الجامع وقال له: بنتك ماتت. ما تشقي شي الفقيه. 50 وحين سمع يسوع، جاوبه وقال: ما تخاف شي. آمن وكان، وهي تبرا. 51 وحين جا للدار، ما خلّى حتى حد يدخل غير بطرس ويعقوب ويوحنا وابو البنت وأمّها. 52 وكانوا كيبيكوا عليها كاملين وكيندبوا، وقال لهم: ما تبكيوا شي. ما هي شي ميّنة لآكن هي ناعسة. 53 وضحكوا عليه بزّاف حيث راهم عرفوا باين ماتت. 54 وخرّجهم كاملين على برّا وقبضها من يدها وعيّط وقال: يا البنت، قومي. 55 ورجعت روحها وقامت في الحين. ووصّى يتعطى لها ما تاكل. 56 وتعجّبوا والديها، ووصّاهم ما يقولوا لحدّ الي وقع.

الفصل التاسع

1 وعيّط لتلاميذه باطناش واعطاهم القوّة والقدرة على جميع الجنون وباش يشافيو الأمراض. 2 وسيفطهم باش يخبروا بملاكة الله ويشافيو المرضى. 3 وقال لهم: لا تدّيو حتى شي للسفر، لا عكّاز ولا مزود ولا خبز ولا دراهم، وما يكون عند حد منكم زوج د الكساوي. 4 والدار الي تدخلوا لها، تمّ انزلوا ومن تمّ اخرجوا. 5 وجميع الي ما يقبلكم شي، حين تخرجوا من ديك المدينة، انفضوا حتى الغبرة من رجليكم شهادة عليهم. 6 وخرجوا وكانوا كيدوزوا على الدشور كيبيشروا بالإنجيل وكيشافيو في كل موضع.

7 وسمع القايد هيرودس بكلّ ما جرى على يده وحار. على حق اش البعض كانوا كيقولوا باين يوحنا قام من الميتّين، 8 والبعض باين إيلياّ ظهر، واخرين باين شي واحد من الأنبياء د زمان قام. 9 وقال هيرودس: يوحنا، قطعت له رأسه. واشكون هذا الي كنسمع عليه هد شي؟ وكان كيبيغي يشوفه.

10 وحين رجعوا الرّسل، عاودوا له كل ما عملوا، وادّاهم ومشى بوحدّه لواحد الموضع خالي قريب لواحد المدينة مسمّية بيت صيدا. 11 وحين عرفوا الناس، تبعوه. وقبلهم وتكلم معهم على ملاكة الله، والي كانوا كيحتاجوا يبرّوا، شافاهم. 12 ومن اين بدا يتقاضى النهار، جاوا الطناش وقالوا له: سيفط الناس في حالهم باش يمشيو للدشور وللبلاد الدائرة ويباتوا ويجبروا الماكلة، على خاطر احنا هنا في موضع خالي. 13 وقال لهم: اعطيوهم أنتم ما ياكلوا. وقالوا: ما عندنا شي اكثر من خمسة د الخبزات وزوج د الحوتات، غير إذا مشينا وشرينا الماكلة لهدو الناس كاملين 14 (من حين كانوا علاين خمس آلاف رجل). وقال لتلاميذه: كلّسوهم خمسين في كل كُلسة. 15 وعملوا داك شي وكلّسوهم

كاملين. 16 وقبض الخمسة د الخبزات والزوج د الحوتات وهزّ عينيّه للسما وباركهم وكسّر واعطى للتلاميذ باش ينزّلوا قدّام الناس. 17 وكلاوا وشبعوا كاملين، واتفرد الّي شاط عليهم د الكسور اطناشر قفّة.

18 وحين كان كيصلّي بوحدّه، كانوا تلاميذه معه، وسقّصاهم وقال: أش كيقولوا الناس عليّ، شكّون أنا؟ 19 وجابوبوا وقالوا: يوحنا المّعدّان. واخرين كيقولوا إيليا. واخرين باين شي واحد من الأنبياء د زمان قام. 20 وقال لهم: وانتم، أش كتقولوا عليّ، شكّون أنا؟ وجابوب بطرُس وقال: المسيح د الله. 21 ونبّههم ووصّاهم ما يقولوا لحدّ داك شي. 22 وقال: را ابن الإنسان لا بدّ يتعدّب بزّاف ويندحى بالشيوخ وكبار الفقهاء والكتّاب وينقتل وفي اليوم الثالث يقوم.

23 وقال للجميع: إدا بغى شي واحد يجي من موراي، لازم ينكر نفسه ويرفد صليبه كل نهار ويتبعني. 24 لأنّه الّي بغى ينجّي نفسه يخسرّها، والّي يخسر نفسه على سببي أنا هو ينجّيها. 25 لأنّه أش ينفع واحد الرجل إدا ربح الدنيا مجموعة وخسر نفسه أو ضيّعها. 26 على حق اش الّي يحشم بيّ وبكلامي، يحشم ابن الإنسان به منين يجي في عزّه وعزّ الاب والملايكة القديسين. 27 نقول لكم الحقّ، كاينين البعض من الّي واقفين هنا الّي ما يدوقوا شي الموت حتى يشوفوا ملاكة الله.

28 وبعد هد الكلام بشي تمن ايّام، ادّى بطرُس ويوحنا ويّعقوب وطلع للجبل باش يصلّي. 29 وفي وقت كان كيصلّي، ولّات صفة وجهه مبدّلة وكسوته بيضا كتبرق. 30 ورا زوج د الرجال كيتكلّموا معه وهم موسى وإيليا، 31 الّي ظهوروا في النور وتكلّموا على موته الّي كان غادي يموتها في قريب في أورشليم. 32 وأمّا بطرس والّي معه كان تقّل عليهم النعاس، وحين فاقوا شافوا العزّ دياه والزوج د الرجال الّي واقفين معه. 33 وحين كانوا كيتفارقوا معه، قال بطرس ليسوع: يا المعلّم، كيصلح لنا

نكونوا هنا. ونصوّبوا ثلاثة د النوايل، لك واحدة ولموسى واحدة وإيليا واحدة. وهو ما كيعرف شي أش كيقول. 34 ومن اين كان كيقول هد شي جات واحد السحابة وظلّلت عليهم. وخافوا حين دخلوا في السحابة، 35 وواحد الصوت من السحابة كيقول: هذا هو ابني الحبيب. اسمعوا له. 36 وحين تقاضى داك الصوت انصاب يسوع بوحدّه. وهم سكتوا وما خبروا حد في ديك الايّام حتى بشي من الّي شافوه. 37 ولاّ غداّ منين هوّدوا من الجبل، تلاقاواه ناس كتار. 38 ورا واحد الرجل من الجماعة عيّط

كيقول: يا الفقيه، كنطلبك تشوف في ابني، حيت ما عندي غير هو. 39 وها شي جنّ كيقبضه ويغوّت في الحين وكيخمّضه حتى كيخرّج الكشاكش وما يفارقه حتى يدكّده. 40 وطلبت من التلاميذ دياك باش يخرّجوه وما قدروا شي. 41 وجابوب يسوع وقال: يا الجيل بلا إيمان ومعكّس! حتى لاش من

وقت نكون أنا معكم ونصبر معكم؟ جيب ولدك لهذا. 42 ومن اين كان ماجي، ردخه الجن ومخضه، ونهض يسوع في الجن المنجوس وشافى الولد وردّه لابوه. 43 ودهشوا كاملين من عظمة الله.

وحين كانوا الجميع كيتعجبوا في كل ما عمل يسوع، قال لتلاميذه: 44 اعملوا أنتم هدا الكلام في أدنيكم، را ابن الإنسان غادي يندفع ليدين الناس. 45 وأما هم ما فهموا شي هدا الكلام وكان مخبّع منهم باش ما يفهموا شي. وخافوا يسقسيواه على هدا الكلام.

46 ووقعت بينتهم واحد المجادلة شكون غادي يكون الكبير فيهم. 47 وشاف يسوع ظنّ قلوبهم وقبض واحد الوليد ونزله حداه 48 وقال لهم: الّي يقبل هدا الوليد باسمي كيقبلني، والّي يقبلني كيقبل الّي سيفطني، لآئه الصغير فيكم كاملين هو الكبير.

49 وجاوب يوحنا وقال: يا المعلم، شفنا واحد كيخرج الجنون باسمك وحصرناه حيث ما كيتبعك شي معنا. 50 وقال له يسوع: ما تحصروه شي. على حق اش الّي ما هو شي متعادي معنا هو من جهتنا.

51 وحين كانت الايام قريبة توفي باش يتّرفع، دور وجهه معول يمشي لأورشليم. 52 وسيفط شي ناس قدام وجهه، ومشاوا ودخلوا لواحد الدشر د السامريين باش يوجّدوا له. 53 وهم ما قبلوا شي على خاطر وجهه كان مقابل لجهة أورشليم. 54 ومن اين شافوا داك شي تلاميذه، يعقوب ويوحنا قالوا: يا ربّ، واش بغيتنا نامروا العافية تنزل من السما وتغنيهم بحل ما عمل إيليا ثاني؟ 55 ودار ووبّخهم وقال: أنتم ما كتعرفوا شي مينين روح أنتم. 56 لآئه ابن الإنسان ما جا شي باش يقتل أرواح الناس لآكن باش ينجيهم. ومشاوا لدشر آخر.

57 ومن اين كانوا ماشيين في الطريق، قال له واحد: يا سيدي، نتبعك فاين ما مشيت. 58 وقال له يسوع: التعالب عندهم الغيران وطيور السما عندهم الأعشاش. وأما ابن الإنسان ما عنده فاين يسند رأسه. 59 وقال لواحد آخر: اتبعني. وقال له: يا سيدي، خلّيني نمشي في الأوّل وندفن ابوي. 60 وقال له يسوع: خلّي الميتين يدفنوا الموتى دياهم، وأما أنت سير تخبر بملاكة الله. 61 وقال واحد آخر ثاني: نتبعك، يا سيدي، ولاكم خلّيني نمشي في الأوّل ونتسيفط مع الّي في داري. 62 وقال له يسوع: كل واحد الّي نزل يده على المحرات وشاف للورا ما يصلح شي لملاكة الله.

الفصل العاشر

1 ومن بعد هدا شي، اختار الربّ سبعين آخرين ثاني وسيفطهم جوج جوج قدام وجهه لكل مدينة ولكل موضع فاين كان معول يجي. 2 وقال لهم: الحصاد كثير ولاكن الخدّامة قلال. اطلبوا ربّ

الحصاد يسيفط الخدّامة لحصاده. 3 سيروا. هاني كنسيفطكم بحال الخرفان بين الدياب. 4 ما تدّيو لا بزطام ولا مزود ولا بلغة وما تسلّموا على حد في الطريق. 5 والدار الّتي تدخلوا لها قولوا في الاوّل "السلام على هدة الدار". 6 وادا كان تمّ ولد السلام، ينزل سلامكم عليها. وادا ما هو شي تمّ، يرجع لكم. 7 وانزلوا في ديك الدار تاكلوا وتشربوا من الّتي عندهم. على حق اش الخدّام كيستاهل إجارتة. ما تتحوّلوا شي من دار لدار. 8 والمدينة الّتي تدخلوا لها ويقبلوكم كولوا من الّتي يتنزّل قدامكم. 9 وشافيو المرضى الّتي فيها. وقولوا لهم "قربت لكم ملاكة الله". 10 والمدينة الّتي تدخلوا لها وما يقبلوكم شي، اخرجوا لزناقيها وقولوا 11 "حتّى الغبرة الّتي لصقت فينا من مدينتكم كننفضوها لكم. ولاكن اعرفوا هد الشي باين قربت لكم ملاكة الله". 12 ونقول لكم باين حالة سدوم تكون في داك النهار اسهل من حالة ديك المدينة.

13 الويل لك، يا كورزين. الويل لك، يا بيت صيدا. لانه لو كان انعملوا في صور وصيدا العجايب الّتي انعملوا فيكم لو كان تابوا زمان كالسّين في الخيش والرماد. 14 ولاكن حالة صور وصيدا تكون في يوم الدين اسهل من حالّكم. 15 وانت، يا كفرناحوم الّتي معلّية للسما ماشية تتسيّبي لجهنّم. 16 الّتي كيسمع منكم، كيسمع منّي. والّتي كيبهدل بكم، كيبهدل بي. والّتي كيبهدل بي، كيبهدل بلي سيفطني.

17 ورجعوا السبعين فرحانين كيقولوا: يا ربّ، حتّى الجنون كيطيعوا لنا باسمك. 18 وقال لهم: أنا شفت الشيطان طايح بحال البرق من السما. 19 ها أنا كنعطيكم القوّة باش تزطموا على الحياي والعقارب وعلى جهد العدو كلّ وما يضرّكم حتّى شي. 20 ولاكن ما تفرحوا شي بهد شي باين الجنون كيطيعوا لكم، لاكن افرحوا باين اسميّاتكم مكتوبين في السموات.

21 ديك الساعة فرح يسوع بالروح القدس وقال: نحمدك، يا الاب ربّ السما والأرض، على حق اش خفيت هد شي على العقّال والفهّام وبينّته للصبيان. نعم، يا الاب، لانه هكدا ظهر مزيان قدامك. 22 كلّ شي اندفع لي من عند ابي. وحتّى حد ما كيعرف شكّون هو الابن من غير الاب، وما كيعرف حد شكّون هو الاب من غير الابن ولمن ما بغى الابن يبيّنه له. 23 ودار للتلاميذ وقال لهم بوحدهم: مبروكين العينين الّتي كيشوفوا هد شي الّتي كتشوفوه أنتم. 24 على حق اش نقول لكم. بزّاف د الانبياء والساطين بغاوا يشوفوا الّتي كتشوفوه أنتم وما شافوه شي ويسمعوا الّتي كتسمعوه أنتم وما سمعوه شي.

25 ورا واحد العالم د الشرع قام كيجربّه ويقول: يا الفقيه، أش نعمل باش نورت حياة الأخرة؟ 26 وقال له: اشنّهو مكتوب في الشرع؟ كيف كتقرا؟ 27 وجاوب وقال: تحبّ الربّ إلهك بقلبك كلّ

وبنفسك كلّها وبقوّتك كلّها وبعقلك كلّها وتحبّ جارك بحال نفسك. 28 وقال له : جاوبت بالصواب. اعمل هد شي وتحيا. 29 وأمّا هو، حيث بغى يبرّي نفسه، قال ليسوع : واشكون هو جاري؟ 30 وجاوب يسوع وقال : كان واحد الرجل هوّاد من أورشليم لأريحا وطاحوا عليه القطّاع وعراّواه وجرحوه ومشّوا وخلّاه ما هو حيّ ما هو ميّت. 31 ورا واحد الفقيه كان هوّاد في ديك الطريق وحين شافه، داز في حاله من التاسيع. 32 وكدالك واحد اللاوي تاني حين وصل حدا الموضع، جا وشاف فيه وداز في حاله من التاسيع. 33 ولاكن واحد السامري كان مسافر ووصل لحداه وحين شافه، حنّ عليه 34 وزاد لعنّده وكبّ الزيت والخمر على جرحاته وربطهم وركّبه على بهيمته وادّاه لواحد الفندق وتهلّا فيه. 35 ولا غداّ منين مشى، جبد زوج د الدنانير واعطاهم لمول الفندق وقال له : تهلّا فيه وإدا صرفت عليه اكثر، حين نرجع أنا نخلّصك. 36 واشكون من هدو الثلاثة كيظهر لك ولّي جار للّي طاحوا عليه القطّاع؟ 37 وقال : الّي عمل معه الخير. وقال له يسوع : سير أنت واعمل كدالك. 38 وحين كانوا ماشيين، دخل لواحد الدشر وواحد المراه اسمها مرثا ضيّفته في دارها. 39 وكانت عندها اختها مسمّية مريم الّي كلّست عند رجلين يسوع وكانت كتسمع كلامه. 40 وأمّا مرثا كانت مشطونة بشغل كثير. ودخلت لعنّده وقالت : يا ربّ، واش ما كتتنابه شي لاختي كيف خلّاتني نخدم بوحدتي؟ قول لها تعاوّنّي. 41 وجاوب يسوع وقال لها : مرثا، مرثا، أنت حيرانة ومهوّلة بأمر كتار. 42 لاكن حاجة واحدة واجبة، واختارت مريم النصيب المريح الّي ما يتزوّل لها شي.

الفصل الحضاش

1 ومن اين كان كيصلّي في واحد الموضع حين كمّل قال : واحد من تلاميذه : يا ربّ، علّمنا نصليّوا بحال ما علّم يوحنا تاني تلاميذه. 2 وقال لهم : حين بصليّوا قولوا "ابونا الّي في السماوات، يتقدّس اسمك، تجي ملاكتك، ينعمل خاطرك بحال ما هو في السما كدالك على الأرض. 3 الخبز الّي يكفيننا اعطيه لنا كلّ نهار. 4 اغفر لنا دنوبنا على حق اش احنا تاني كنسمحوا لكلّ واحد الّي كنسالوا له. وما تدخلنا شيفي التجربة لاكن نجينا من القبيح."

5 وقال لهم : شكون منكم يكون عنده شي صاحب ويمشي لعنّده في نصّ الليل ويقول له : يا صاحبي، سلّف لي ثلاثة د الخبزات، 6 حيث واحد صاحبي جاني من السفر وما عندي ما ننزل له. 7 ويجاوب هداك من داخل ويقول : ما تهوّلني شي. الباب مشدودة دابّ وأولادي معي في الفراش. ما نقدر شي نقوم ونعطيك. 8 نقول لكم وخّى ما يقوم شي ويعطيه حيث هو صاحبه، بالحقّ على سبب التدميم دياه يقوم ويعطيه قدّ ما يحتاج. 9 وانا نقول لكم، اطلبوا يعطى لكم، فتشّوا تصيبوا. دقّوا

ينفتح لكم. 10 على حق اش كل واحد الي يطلب يقبض، والي يفتش يصيب، والي يدق يفتح له. 11 واشكون هو هد ابو فيكم الي يطلب له ولده خبزة ويعطيه حجرة؟ أو يطلب حوتة ويعطيه حية في عوض الحوتة؟ 12 أو إذا طلب بيضة، واش يعطيه عقرب؟ 13 وإذا كترفوا تعطيوا لأولادكم المعطات المزيانين وانتم قباح، لا سيما يعطي الروح القدس للي يطلبوا له.

14 وكان كيخرج واحد الجن وداك الجن زيزون. وحين خرج الجن، تكلم الزيزون، وتعجبوا الناس. 15 وأما البعض منهم قالوا: ببعلزبول سلطان الجنون كيخرج الجنون. 16 واخرين طلبوا له واحد الإمارة من السما كيخرّبوه. 17 وعرف ما في بالهم وقال لهم: كل ملاكة الي قايمة على بعضها تنهلك، والدار الي مقسومة على الدار تطيح. 18 وإذا قام الشيطان ثاني على نفسه، كيف ترسا ملاكته؟ على خاطر أنتم كتقولوا باين أنا كنخرج الجنون ببعلزبول. 19 وإذا كنت أنا كنخرج الجنون ببعلزبول، وأولادكم، بمن كيخرّجوههم؟ على داك شي هم يحكموا عليكم. 20 ولاكن إذا كنت أنا بقوة الله كنخرج الجنون، بلا شك جاتكم ملاكة الله. 21 منين كيحضي المجهود داره وهو مستح، يكون متاعه في الأمان. 22 ولاكن حين يجي الي اجهد منه ويغلبه يزول له سناحه كامل علاش اتكل ويفرق غنيمته. 23 الي ما هو شي من جهتي هو متعادي معي، والي ما كيجمع شي معي راه كيشئت. 24 حين يخرج الجن المنجوس من الرجل يدوز على المواضع الي ما فيهم شي الما كيفتش على الراحة. ومن اين ما يصيبها شي يقول: نرجع لداري من اش خرجت. 25 ويجي ويصيبها مشطبة ومزينة. 26 داك الوقت يمشي ويدي معه سبعة د الجنون آخرين اقبح منه ويدخلوا ويسكنوا تم، ويولي آخر داك الرجل اكفس من اوله.

27 ومن اين كان كيتكلم بهد شي، واحد المرأة من وسط الناس علاّت صوتها وقالت له: مبروك البطن الي حمل بك والبزازل الي رضعتهم. 28 وأما هو قال: نعم، لا سيما مبروكين الي كيسمعوا كلام الله ويعملوا به.

29 ومن اين كانوا الناس كيتزاحموا، بدا يقول: هد الجيل قبيح، كيفتش على واحد الإمارة وما تنعطى لم حتى إمارة غير إمارة يونان النبي. 30 على حق اش بحال ما كان يونان إمارة لأهل نينوى، كدالك يكون ابن الإنسان ثاني لهد الجيل. 31 سلطانة الجنوب ماشية تقوم يوم الدين مع ناس هد الجيل وتتبت فيهم الحق، على حق اش جات من حد الدنيا باش تسمع العلم د سليمان وها واحد اعظم من سليمان هنا. 32 الناس د نينوى ماشيين يقوموا يوم الدين مع هد الجيل ويتبتوا فيه الحق، على حق اش هم تابوا بكلام يونان، وها واحد اعظم من يونان هنا.

33 حتى حد ما كيشعل الضوّ وينزّله في واحد الموضع مخبّع ولا تحت العبر، لآكن على الحسكة، باش الّٰي هم داخلين يشوفوا الضوّ. 34 ضوّ الجسد هو العين. مينين تكون عينك صافية، جسدك كلّه يكون ضاوي. ومن اين تكون قبيحة، جسدك كلّه يكون مظلام. 35 على داك شي ردّ بالك عندك يكون الضوّ الّٰي فيك ظلام. 36 وإذا كان جسدك كلّه ضاوي ما فيه حتى طرف مظلام، يكون ضاوي كلّه بحال ما يكون مينين كتضوّي عليك الشماعة بضوّها.

37 ومن اين كان كيتكلّم عرض عليه واحد الفريسي يتغدّى عنده. ودخل وكُلّس ياكل. 38 وأما الفريسي حين شاف داك شي تعجّب، حيث ما غسل شي في الأوّل قبل الغدا. 39 وقال له الربّ: أنتم دابّ، يا الفريسيين، كنتنظّفوا الكاس والكسعة من برّا وأما قلوبكم هم معمّرين بالظلم والقباحة. 40 يا الحمّاق، واش ماشي هو الّٰي عمل الّٰي من برّا عمل الّٰي من داخل ثاني؟ 41 لآكن اعطيوا الصدقة من الّٰي عندكم ورا كلّ شي يكون عندكم نقي. 42 ولاكن الويل لكم، يا الفريسيين، على حق اش أنتم كتعشّروا النعنع والحرمل والخضرة كلّها وكنتركوا الحقّ ومحبة الله. كان واجب تعملوا هدو وما تخلّوا شي هدوك. 43 الويل لكم، يا الفريسيين، على حق اش كتحبّوا الصفّ الأوّل في الجوامع والسلامات في الأسواق. 44 الويل لكم، يا الكتّاب والفريسيين المنافقين، على حق اش أنتم بحال القبور الّٰي ما كيظهروا شي والناس الّٰي كيمشيوا فوق منهم ما كيفطنوا شي بهم.

45 وجاوب واحد من العلماء د الشرع وقال له: يا الفقيه، حين كتقول هد شي كتعيّينا احنا ثاني. 46 وقال: الويل لكم ثاني، يا العلماء، على حق اش كتتنقلوا على الناس بالأحمال الواعرين للرفود وما كتمسّوا شي الأحمال حتى بواحد من أصابعكم! 47 الويل لكم على حق اش كتبنوا قبور الأنبياء وجدودكم قتلوهم! 48 وبهد شي كتشهدوا باين رضىتوا بأعمال جدودكم. حيث هم قتلوهم وانتم كتبنوا قبورهم. 49 وعلى داك شي ثاني قالت حكمة الله: أنا نرسل لهم الأنبياء والرّسل والبعض يقتلوهم والبعض يمردوهم. 50 باش ينطلب من هد الجيل دمّ زكريّا الّٰي انقتل بين المديح والبيت. نعم، نقول لكم ينطلب من هد الجيل. 52 الويل لكم، يا العلماء، على حق اش زوّلتوا مفتاح المعرفة، ما دخلتوا شي أنتم والّٰي كانوا داخلين حصرتوهم.

53 ومن اين كان كيتكلّم معهم بهد شي، بداوا الكتّاب والفريسيين يتغدّدوا عليه ويحرّشوه باش يتكلّم على أمور بزّاف. 54 وهم كيعسّوا عليه ويستحيلوا باش يقبضوا شي حاجة من فمه ويشكيوا به.

1 وداك الوقت حين اتجمعوا ألوفا د الناس حتى كانوا كيزطموا على بعضهم، بدا يقول لتلاميذه: في الاول ردّوا بالكم من الخميرة د الفريسيين الي هم النفاق. 2 على حق اش ما كاين حتى شي مغطي الي ما يتعرّى شي ولا مخبّع الي ما ينعرف شي. 3 على داك شي كل ما قتلوا في الظلام ينسمع في الضوّ والي تكلمتوا به في الأدنين في البيوت المخلويين يبرّحوا به على السطوح. 4 ولاكن نقول لكم، يا اصحابي، ما تخافوا شي من الي يقتلوا الجسد وبعد داك شي ما بقى لهم ما يعملوا، 5 لاكن نوربكم ممّن تخافوا: خافوا من الي بعد ما يقتل عنده القدر باش يسيّب في جهنّم. نعم، نقول لكم، من هذا خافوا. 6 واش ما كينباعوا شي خمسة د البراطل بزواج د الفلوس؟ وحتى واحد منهم ما هو منسي عند الله. 7 ولاكن حتى شعرات روسكم كاملين معدودين. وما تخافوا شي، أنتم افضل من بزاف د البراطل. 8 ونقول لكم تاني كل واحد الي يستقرّ بي قدام الناس، يستقرّ به ابن الإنسان قدام ملايكة الله. 9 والي ينكرني قدام الناس، يتنكر قدام ملايكة الله. 10 وكلّ واحد الي يقول شي كلمة في ابن الإنسان تنغفر له، واما الي يكفر بالروح القدس ما ينغفر له شي. 11 وحين يديوكم لعند الجماعات والحكام والمخزن، ما تخمّموا شي كيف أو باش تجاوبوا أو باش تتكلموا، 12 لانه الروح القدس يعلمكم في ديك الساعة الي واجب تقولوه.

13 وقال له واحد من الجماعة: يا الفقيه، قول لأخي يقسم معي الورت. 14 وقال له: يا الرجل، شكون عملني عليكم قاضي أو قسام؟ 15 وقال لهم: شوفوا وردّوا بالكم من الطمع، على حق اش حياة الإنسان ما كتكون شي في كترة ماله. 16 واعطاهم واحد المتال وقال: الفدان د واحد الرجل غني جابوا الزرع كثير. 17 وخمّم في نفسه وقال: أش ماشي نعمل على حق اش ما عندي موضع فاين نجمع زرعني؟ 18 وقال: نعمل هد شي، نهدم خزائني ونبني اكبر منهم ونجمع تمّ جميع زرعني ومالي، 19 ونقول لنفسي "عندك مال كثير مخزون لأعداد من السنين. ارتاحي وكولي واشربي وافرحي." 20 لاكن قال له الله: يا الاحمق، هد الليلة تنطلب منك نفسك، وهد شي الي وجدته دمن يكون؟ 21 هكدا هو الي كيخزن المال لنفسه وما هو شي غني بالله.

22 وقال للتلاميذ دياه: على هد شي نقول لكم ما تخمّموا شي على حياتكم أش تاكلوا ولا على الجسد أش تلبسوا. 23 الحياة افضل من الماكلة والجسد افضل من اللباس. 24 خمّموا في الغراب، ما كيزرعوا ما كيحصدوا وما عندهم لا هري ولا خزين والله كيقتوتهم. واش ما أنتم شي افضل بزاف من الطيور؟ 25 واشكون منكم إذا يخمّم يقدر يزيد على طوله ذراع واحد؟ 26 وإذا ما قدرتوا شي على الحاجة الصغيرة، علاش كتخمّموا في الي باقيين؟ 27 خمّموا في السوسانات كيف كيكبروا. ما كيخدموا

ما كيغزلوا ، ولاكن نقول لكم باين حتى سُليمان في عزّه كلّ ما كان شي لابس بحال واحدة من هدو.
28 وإذا كان الله هكدا كيلبس الربيع الي ينصاب اليوم في الفدان ويتسبب غدا في الفران ، لا سيما
يلبسكم انتم ، يا قلاين الإيمان؟ 29 وما تفتشوا شي أنتم لا على ما تاكلوا ولا على ما تشربوا وما
تتهولوا شي. 30 لأنه على هدو الأمور كلّهم كيفتشوا الجنوس د الدنيا. وأما أنتم ابوكم كييعرف باين
كتحتاجوا هدو الأمور. 31 لآكن فتشوا على ملاكة الله وهدو الأمور كلّهم ينزادوا لكم.

32 لا تخافي شي ، يا القطعة الصغيرة ، لأنه ابوكم فرح يعطيكم الملاكة. 33 بيعوا الي عندكم
واعطيوا الصدقة. عدلوا لأنفسكم البزاطم الي ما يبلاوا شي والدخيرة الي ما تتقاضى شي في السماوات
فاين ما يقربها السارق ولا تفسدها تنية. 34 على حق اش فاين ما تكون دخيرتكم تم يكون قلبكم تاني.
35 لا بد يكونوا أنصاصكم محزّمين وضوكم مشعول. 36 وانتم بحال الناس الي كيتسناوا سيدهم في وقت
يرجع من العرس باش منين يجي ويدقّ ، يفتحوا له في الحين. 37 مبروكين دوك العبيد الي حين يجي
سيدهم يجبره فايقين. الحق نقول لكم ، يحزّم نفسه ويكلّسهم باش ياكلوا ويزيد ويتسخرّ عليهم. 38
وإذا جا في القسمة الثانية من الليل أو في القسمة الثالثة ويجبرهم هكدا ، مبروكين دوك العبيد. 39
واعرفوا هد شي باين لو كان عرف مول الدار فاش من ساعة يجي السارق لو كان بقى فايق وما يخليه
شي يتقبّ داره. 40 وكونوا أنتم تاني موجودين على حق اش الساعة الي ما تظنّوا شي ، فيها يجي
ابن الإنسان.

41 وقال له بطرس: يا ربّ ، واش كتقول هد المتال لنا احنا أو للجميع تاني؟ 42 وقال الربّ:
شكون هو هد النايب الصادق والعاقل الي يوقفه سيده على داره باش يعطيهم الماكول في وقته؟ 43
مبروك داك العبد الي حين يجي سيده يجبره كييعمل هكدا. 44 الحق نقول لكم يوقفه على ماله كامل.
45 ولاكن إذا قال داك العبد في قلبه: سيدي كيتعطلّ في مجيه. ويبدا يضرب العبيد والخدم وياكل
ويشرب ويسكر ، 46 يجي سيد داك العبد في النهار الي ما كيتسناه شي فيه وفي الساعة الي ما كييعرفها
شي ويزوّله ويجعل قسمته مع الكفار. 47 وأما داك العبد الي عرف خاطر سيده وما وجد شي ولا عمل
خاطره ، يتعصّي كثير. 48 ولاكن الي ما عرف شي لعمل الي كيستاهل عليه العصا ، يتعصّي شويّا.
وكل واحد الي يتعطى له كثير ، ينطلب منه كثير ، والي تآمن عنده كثير ينطلب منه اكرت.
49 أنا جيت باش نسيب العافية على الأرض. واش نبغي إذا تكون شعلت. 50 وعندي
المعمودية نتعمّد بها وكيف راني محصور حتى تنكمل. 51 واش كتظنّوا باين جيت باش نعطي الصلح
على الأرض؟ لا واه نقول لكم ، لاكن الخصومة. 52 لأنه يكون من دابّ لقدّام خمسة في دار واحدة

قايمين ثلاثة على زوج وزوج على ثلاثة. 53 يقوم الابو على ولده والولد على ابوه، والامّ على بنتها والبنت على أمّها، والعكّوزة على مرّاة ولدها والمرّاة على عكّوزتها.

54 وقال تاني للناس: حين تشوفوا السحاب طالع من الغروب في الحين كتقولوا "الشتا ماجية"، ويكون هكدا. 55 وحين تشوفوا ريح الجنوب كينفخ تقولوا "ماشي يكون السهض"، ويكون. 56 يا المنافقين، كتعرفوا تميّزوا وجه الأرض والسما واما هذ الزمان كيف ما كتميّزوه شي؟ 57 وعلاش ما كتحكموا شي بالحقّ على أنفسكم؟ 58 حين كتمشي مع مول دعوتك لعند المخزن، اعمل جهدك وانت في الطريق باش تنجا منه، عندك يجرّك لعند الحاكم ويدفعك الحاكم للمخزني ويسبّبك المخزني في الحبس. 59 نقول لك، من تمّ ما تخرج حتى تخلّص الفلس الآخر.

الفصل التلّطاش

1 وكانوا حاضرين داك الوقت شي ناس الي خبروه على الجليليين الي خلّط بيلاطس دمّهم مع دبايحهم. 2 وجاوب يسوع وقال لهم: واش كتظنّوا باين هذو الجليليين كانوا مُدّنيين اكثر من جميع الجليليين باش تعدّبوا هكدا؟ 3 لا واه نقول لكم. لकिन إذا ما تبتّوا شي تفناوا انتم كاملين كدالك. 4 أو دوك التمنطاش الي طاح عليهم البرج في سلوام وقتلهم، واش كتظنّوا باين كانوا مُدّنيين اكثر من جميع الناس الي ساكنين في أورشليم؟ 5 لا واه نقول لكم. لकिन إذا ما تبتّوا شي تفناوا انتم كاملين كدالك. 6 وقال هذ المتال: كانت عند واحد الرجل شجرة د الكرموس مغروسة في جناه، وجا كيفتش فيها على الغلّة وما صاب شي. 7 وقال للربّاع: هدي تلت سنين وانا كنجي ونفتّش على الغلّة في هذ الكرمة وما صبت شي. اقطعها علاش كتبطل الأرض. 8 وجاوب وقال له: يا سيدي، خليها هذ العام تاني حتى نبير عليها ونغيرها، 9 إذا جابت شي غلّة مليح، وإذا ما جابت شي عاد تقطعها. 10 وكان كيعلّم في واحد الجامع نهار السبت. 11 وها واحد المرّاة كانت مضرورة مدّة من تمنطاش عام وكانت مقوّسة وما قدرت شي تكمل الوقفة بالكلّ. 12 وحين شافها يسوع، عيّل لها لعنده وقال لها: يا المرّاة، أنت مطلوقة من الضر ديالك. 13 وحطّ يديه عليها وفي الحين ولّات مسرّحة وحمدت الله. 14 وجاوب مقدّم الجامع وهو مغدّد على حق اش يسوع شافى في السبت وقال للناس: كاينين ستّ ايام واجب يخدموا الناس فيهم وفي هذو الايام أجيوا تطلبوا الشفاء وماشي نهار السبت! 15 وجاوب الربّ وقال: يا المنافق، واش ماشي كل واحد منكم في السبت كيفسخ تورّه أو حمارّه من المدّود ويديّه باش يورد؟ 16 وهذ المرّاة وهي بنت إبراهيم الي ربطها الشيطان مدّة من تمنطاش عام،

واش ما كان شي واجب تنطلق من هد الرباط نهار السبت؟ 17 وحين قال هد شي حشمو جميع عديانه وفرحو الناس كاملين بجميع العجايب الي عملهم.

18 وقال: لاش كتشبه ملاكة الله وباش نشبّهما؟ 19 كتشبه لواحد الحبة د الخردل الي قبضها واحد الرجل وسيبها في الجنان دياه ونبتت وولات شجرة كبيرة ونزلوا طيور السما في الفروع دياها. 20 وقال ثاني: باش نشبّه ملاكة الله؟ 21 كتشبه لشي خميرة الي قبضتها واحد المرأة وخبعتها في ثلاثة د العبرات د الدقيق حتى خمر الجميع.

22 وداز على المدن والدشور كيعلّم وهو مسافر لجهة أورشليم. 23 وقال له واحد: يا سيدي، واش قلال هم الي كينجاوا؟ وقال لهم: 24 اعملوا جهدكم باش تدخلوا من الباب الضيقة، على حق اش نقول لكم بزاف ماشيين يفتشوا باش يدخلوا وما يقدرّوا شي. 25 من مورا ما قام مول الدار وشدّ الباب، تبادوا توقفوا على برّا وتدقّوا في الباب وتقولوا: يا ربّ، يا ربّ، افتح لنا! ويجاوب ويقول لكم: ما كنعرفكم شي، مينين أنتم؟ 26 ديك الساعة تبادوا تقولوا كلينا وشربنا قدّامك وعلمت في زناقينا. 27 ويقول: قلت لكم ما كنعرفكم شي مينين أنتم؟ فارقوني، يا جميع فاعلين الظلم! 28 تمّ يكون البكا وتغزير السنان حين تشوفوا إبراهيم وإسحق ويعقوب والأنبياء كاملين في ملاكة الله وانتم مسييين على برّا. 29 ويجيوا من الشرق والغرب ومن الشمال والجنوب ويكلّسوا في ملاكة الله. 30 وها كاينين الآخرين الي يكونوا الاولين وكاينين الاولين الي يكونوا الآخرين.

31 داك النهار جاوا شي فريسيين وقالوا له: اخرج وسير من هنا على حق اش هيرودّس كيبيغي يقتلك. 32 وقال لهم سيروا وقولوا لهد التعلب: ها أنا كنخرج الجنون وكنشافي اليوم وغداً وفي النهار التالت ننكمل. 33 ولاكن واجب نمشي اليوم وغداً وبعد غداً لانه ما يمكن شي ينقتل شي نبي على برّا من أورشليم. 34 يا أورشليم، أورشليم، يا الي كتقتلي الأنبياء وكتترجمي المرسلين لك اشحال من مرّة بغيت نجمع أولادك بحال ما كتجمع الدجاجة فلالسها تحت جناحها وما بغيتوا شي. 35 ها داركم تبقى لكم خالية. والحق نقول لكم ما تشوفوني حتى يجي الوقت فاش تقولوا مبروك الي ماجي باسم الربّ.

الفصل الاربعطاش

1 ومن اين جا للدار د واحد من كبار الفريسيين نهار السبت باش ياكل الخبز، كانوا كيعلّسوا عليه. 2 ورا واحد الرجل قدّامه مريض بالنفخ. 3 وجاوب يسوع وتكلّم مع العلماء د الشرع والفريسيين كييقول: واش حلال على الإنسان يشافي ناهر السبت؟ 4 وسكتوا. وقبضه وشافاه وطلقه. 5 وجاوبهم

وقال: شكون منكم إذا طاح له حمارُه أو تورُه في البير، واش ما يطلَّعه شي دغيا نهار السبت؟ 6 وما قدروا شي يجاوبوه على هد شي.

7 وقال واحد المتال للمعروضين حين شاف كيف اختاروا المواضع المخيرين كيقول لهم: 8 مَين يعرض عليك شي واحد للعرس، ما تكلُس شي في الموضع المخير، عندك يكون عرض على شي واحد اكثر منك. 9 ويجي اليّ عرض عليك وعليه ويقول لك: اعطي الموضع لهذا. وداك الوقت تبدا تكلُس في الموضع الاخر وانت حشمان. 10 لائن مَين تكون معروض، سير تكلُس في الموضع الاخر باش مَين يجي اليّ عرض عليك يقول لك: يا صاحبي، اطلع لفوق. داك الوقت يكون لك التعظيم قدام اليّ كالسين معك كياكلوا. 11 على حق اش كل واحد اليّ يعليّ نفسه، ينحنى والي يحني نفسه يتعلّا. 12 وقال ثاني لليّ عرض عليه: مَين تعمل شي غداء أو شي عشاء، ما تعرض لا على اصحابك ولا على خوتك ولا على أهلك ولا على الجيران الغنيين، ربّما يعرضوا عليك هم ثاني ويخلفوه لك. 13 لائن مَين تعمل شي كرامة، اعرض على المساكين والمبطولين والعرج والعمي. 14 وتكون مبروك على حق اش هم ما يقدرّوا شي يخلفوه لك. لائن ينخلف لك في القيامة د التاقيين.

15 ومن اين سمع داك شي واحد من اليّ كانوا كالسين معه كياكلوا، قال له: مبروك اليّ ياكل الخبز في ملاكة الله! 16 وقال له: واحد الرجل عمل شي عشاء كبير وعرض على ناس كتار، 17 وسيفط عبده في وقت العشاء باش يقول للمعروضين: اجيوا حيث كل شي موجود داب. 18 وبدا الجميع براي واحد يستعدروا. قال له الاول: أنا شريت واحد الفدان ولا بدّ نخرج ونشوفه، نطلبك تسمح لي. 19 وقال واحد آخر: أنا شريت خمس أزواج د التيران وانا ماشي باش نجربهم، نطلبك تسمح لي. 20 وقال واحد آخر: أنا تزوّجت بواحد المارة وعلى داك شي ما نقدر شي نجي. 21 وجا العبد وخبر سيده بذاك شي. داك الوقت غضب مول الدار وقال لعبده: اخرج دغيا لكارات المدينة ولزناقيها ودخلّ لهنّا المساكين والمبطولين والعرج والعمي. 22 وقال العبد، يا سيدي، أنا عملت اليّ أمرت به وباقي التيساع. 23 وقال السيّد للعبد: اخرج للطرقان وللزروب ودخلهم بزّ حتى تتعمرّ داري. 24 حيث راني نقول لكم حتى واحد من دوك الناس المعرضين ما يدوق عشا.

25 وكانوا ناس كتار ماشيين معه ودار وقال لهم: 26 إذا يجي لعندي شي واحد وما يبغض شي ابوه وأمه ومراته وأولاده وخوته وخواتاته وحتى نفسه ثاني ما يقدر شي يكون تلميذي. 27 والي ما يرفد شي صليبه ويجي من موراي ما يقدر شي يكون تلميذي. 28 واشكون منكم إذا بغى يبني شي برج وما يكلُس شي في الاول وبحسب المصروف إذا عنده باش يكمل؟ 29 ربّما ينزل اللساس وما يقدر شي يكمل. ويبداوا جميع اليّ كيشوفوه يضحكوا عليه 30 ويقولوا: هد الرجل بدا يبني وما قدر شي

يكمّل. 31 وأش من سلطان يمشي باش يتشارّ مع سلطان آخر وما يكلّس شي في الاول ويتشاور إذا يقدر يلقي بعشرة آلاف اليّ يجي له بعشرين ألف؟ 32 أو ما حدّ هداك باقي بعيد سيفظ شي نيّاب ويطلب الصلح. 33 وكذاك كل واحد منكم اليّ ما يسمح شي في ماله كلّ، ما يقدر شي يكون تلميذي. 34 الملح مزيان، ولاكن إذا فسد الملح باش ينصلح؟ 35 ما يصلح لا للأرض ولا للزبالة لاكن يسيّبوه على براّ. اليّ عنده الأدينين باش يسمع، لا بدّ يسمع.

الفصل الخمسطاش

1 وكانوا جميع النكاسة والمُدينين كيقربوا لعنده باش يسمعوه. 2 وكُمكموا الفريسيين والكتّاب وقالوا: هدا الإنسان كيقبل المدينين وكياكل معهم. 3 وتكلّم معهم بهدا المثال وقال: 4 شكون هو هدا الرجل فيكم اليّ عنده مية د الغنم وانتلف له واحد منهم، واش ما يخلّي شي التسعود وتسعين في الخلا ويمشي من مورا اليّ انتلف حتى يصيبه؟ 5 وفي وقت يصيبه يرفّده على اكتافه وهو فرحان، 6 ومن اين يجي لداره يجمع اصحابه وجيرانه ويقول لهم: افرحوا معي على حق اش أنا صبت داك الخروف ديالي اليّ كان متلوف! 7 نقول لكم هكدا تكون الفرحة في السما بواحد المُدنب اليّ كيتوب اكثر من اليّ تكون بالتسعود وتسعين تاقى اليّ ما يحتاجوا شي التوبة. 8 أو شكون هي هدا المرأة اليّ عندها عشرة د الدراهم د النقرة إذا انتلف لها واحد الدرهم واش ما تشعل شي الضو وتشتبّ الدار وتفتّش مسقّم حتى تصيبه؟ 9 ومن اين تصيبه، تجمع اصحاباتها وجاراتها وتقول لهم: افرحوا معي على حق اش صبت الدرهم اليّ انتلف لي! 10 هكدا نقول لكم كاينة الفرحة عند ملايكة الله بواحد المدنب اليّ كيتوب.

11 وقال: كان واحد الرجل عنده زوج د الأولاد، 12 وقال الصغير فيهم لابوه: يا ابوي، اعطيني حقّي اليّ كيوجب لي من المال. وقسم لهم متاعه. 13 وبعد شي ايام قليلة، جمع الولد الصغير كل شي وسافر لبلاد بعيدة وتمّ خسر ماله بالعيشة د الفساد. 14 ومن اين صرف كل شي، وقع واحد الجاع كبير في ديك البلاد وولّى محتاج. 15 ومشى ورجع يخدم مع واحد من أهل ديك البلاد وسيفظه للقداد دياله باش يسرح الحلّوف. 16 وكان كيشتهى يعمرّ كرّشه بالخروب اليّ كانوا كياكلوه الحلاف وما اعطاه حد. 17 وحيث توعّى مع نفسه قال: اشحال د المتعلّمين عند ابوي كيشيط عليهم الخبز وانا كنموت بالجوع. 18 نقوم ونمشي لعند ابوي ونقول له: يا ابوي، دنبت مع اليّ في السما ومعك، 19 ومن دابّ لفوق ما نستاهل شي نتسمّى ولدك. اعملني بحال واحد من المتعلّمين ديالك. 20 وقام وجا لعند ابوه. وحين كان ما زال بعيد، شافه ابوه وحنّ عليه وجرى وطاح على عنقه وبأسه. 21

وقال له الولد: يا ابوي، أنا دنبت مع الّي في السما ومعك ومن دابّ لفوق ما نستاهل شي نتسمّى ولدك. 22 وقال الابو للعبيد دياه: خرّجوا الكسوة المخيّرة ولبسوها له واعملوا له واحد الخاتم في يده والبلغة في رجليه، 23 وجيبوا العجل السمين وادبحوه وناكلوا ونفرحوا، 24 لأنّه هد الولد ديالي كان ميّت وحيا وكان متلوف وانصاب. وبداءوا يفرحوا. 25 وكان ولده الكبير في الفدان، وحين كان ماجي وقرب للدار، سمع الأغاني والشطيح. 26 وعيّن لواحد من العبيد وسقّاه: اشنهوّ هد شي؟ 27 وقال له: اخاك جا وابوك دبّح العجل السمين من حيث وصل على خير. 28 وغضب وما بغى شي يدخل. وخرج ابوه ورغبه. 29 وجاوب وقال لابوه: ها أنا خدمت لك أعداد من السنين وعمري ما عصيت كلامك وانت عمرك ما اعطيتني حتى جدي باش نفرح مع اصحابي! 30 ولاكن مّنين جا ولدك هدا الّي كلا متاعك مع الفاسدات دبّحت له العجل السمين! 31 وقال له: يا ولدي، أنت معي ديمّا وكلّ ما عندي هو ديالك. 32 ولاكن كان واجب علينا نفرحوا وننشطوا حيث هدا اخاك كان ميّت وحيا وكان متلوف وانصاب.

الفصل السطّاش

1 وقال ثاني للتلاميذ دياه: كان واحد الرجل غني عنده واحد النايب وشكاوا له به باين كيخسر له متاعه. 2 وعيّن له وقال له: أش هد شي الّي كنسمع عليك؟ اعطي الحساب على النيابة ديالك على خاطر ما تقدر شي تكون نايب من دابّ لفوق! 3 وقال النايب في نفسه: أش نعمل؟ على حق اش سيدي يزولّ لي النيابة. ما نقدر شي نخدم بالفاس ونحشم نسعى. 4 أنا عرفت أش نعمل باش مّنين نتحيّد من النيابة يقبلوني في ديارهم. 5 وعيّن على كل مديان ديال سيده وقال للاول: اشحال كيسال لك سيدي؟ 6 وقال: مية عبر د الزيت. وقال له: خود كاغطك واكّلس دغيا واكتب خمسين. 7 وقال لواحد آخر: وانت اشحال كيسال لك؟ وقال: مية عبر د الزرع. وقال له: خود كاغطك واكتب تمانين. 8 والسيد شكر النايب الخوان حيث عمل هد شي بالعقل، على حق اش أولاد هد الوقت عندهم العقل في جيلهم اكثر من أولاد النور. 9 وانا نقول لكم، اعملوا لأنفسكم اصحاب بمال الحرام باش مّنين يتقاضى لكم هد شي يقبلوكم في المواضع الّي يبقاوا ديمّا. 10 الّي صادق في القليل هو ثاني صادق في الكثير، والّي خاين في القليل هو ثاني خاين في الكثير. 11 وإذا ما كنتوا شي صادقين في مال الحرام، شكون يأمّن عندكم المال الحقيقي؟ 12 وإذا ما كنتوا شي صادقين في متاع الغير، شكون يعطيكم الّي هو ديالك؟ 13 حتى خدام ما يقدر يخدم زوج د الأسياذ، لأنّه إمّا يبعض واحد ويحب الآخر أو يكابل واحد ويحقّر الآخر. ما تقدرّوا شي تخدموا لله والمال.

14 وكانوا الفرّيسيّين تاني كيستمعوا هد شي كلّ وهم كيحبّوا المال وضحكوا عليه. 15 وقال

لهم: انتم هم الّلي كتشهدوا بأنفسكم قدّام الناس باين راكم تاقيين، ولاكن الله كيعرف قلوبكم، على حق اش داك شي الّلي معظّم عند الناس هو مكروه عند الله.

16 كان الشرع والأنبياء حتى ليوحنا، ومن داك الوقت كيتبشّروا بملاكة الله وكلّ واحد كيزاحم

يدخل لها. 17 ولاكن تحييد السما والأرض يكون اسهل من الّلي تتزوّل نقطة واحدة من الشرع. 18 كل واحد الّلي يطلّق مراته ويتزوّج بواحدة أخرى راه كيزني. وكلّ واحد الّلي يتزوّج بالملّقة من رجلها كيزني.

19 كان واحد الرجل غني كيلبس كسوة حمرا وتوب رفيع وكيتدخّم بالماكلة المليحة كل نهار،

20 وكان واحد الدرويش اسمه لعازر الّلي مسيّب في الباب دياه معمر بالحبوب. 21 وكيشتهى يشبع

من الفوات الّلي كيطيحوا من مايدة الرجل الغني، وكانوا الكلاب كيجيوا ويلحسوا الحبوب الّلي فيه.

22 ومات الدرويش ورفدوه الملايكة لحجر إبراهيم. ومات الغني تاني واندفن، 23 وهو في جهنّم

كيتعدّب، هزّ عينيه وشاف إبراهيم من بعيد ولعازر في حُجره. 24 وغوّت وقال: يا ابوي إبراهيم،

ارحمني وسيفط لعازر باش يفزّك طرف اصبعه لما ويبردّ لي لساني حيت راني معدّب في هد النار. 25

وقال إبراهيم: يا ولدي، تفكّر باين أنت في حياتك أدبت خيراتك وكذاك لعازر العذاب. ودابّ هو

كيتسلّى وانت كتتعذب. 26 وبعد هد شي كامل كاين بيننا وبينكم واحد البهموت كبير معدّل حتى الّلي

بغاوا يدوزوا من هنا لعندكم ما يقدرّوا شي والّلي من تمّ ما يدوزوا لعندنا. 27 وقال: يا ابوي، كنطلبك

تسيفطه لدار ابوي، 28 على حق اش عندي خمسة د الخوت، باش يخبرهم عندك يجيوا حتى هم

لهد الموضع د العذاب. 29 قال له إبراهيم: عندهم موسى والأنبياء. لا بدّ يسمعوا لهم. 30 قال: لا

واه، يا ابوي إبراهيم، لاكن إذا مشى شي واحد لعندهم من الميّتين يتوبوا. 31 قال له: إذا ما كيستمعوا

لا من موسى ولا من الأنبياء، بعدما يقوم شي واحد من الميّتين ما يصدّقوه شي.

الفصل السبعطاش

1 وقال للتلاميذ دياه: لا بدّ يجيوا العترات، ولاكن الويل للّلي يجيوا على يدّه. 2 احسن له لو

كان تتعلّق في عنقه واحد الحجرة د الرحي ويتسيّب في البحر من الّلي يعتّر واحد من هدو الصغار. 3

احضيو أنفسمكم، إذا دنب معك اخاك وبّخه، وإذا تاب اسمح له. 4 وإذا دنب معك سبعة د المرّات في

النهار ورجع لعندك سبعة د المرّات في النهار كيقل "أنا تايب"، اسمح له. 5 وقالوا الرّسل للرّب: زيد

في إيماننا. 6 وقال الرب: لو كان كان عندكم الإيمان قدّ واحد الحبّة د الخرّدل لو كان تقولوا لهد الشجرة د الكرموس: انقلعي وانغرسى في البحر وتطيعكم.

7 واشكون فيكم عنده عبد كيحرت أو كيسرح الكسيبة الّتي يقول له حين يجي من الفدان:

اجي دابّ واكّلس تاكل؟ 8 لآكن واش ما يقول له شي: وجدّ لي باش نتعشّى وتتحزّم وتتسخّر عليّ حتى ناكل ونشرب، وبعد داك شي تاكل وتشرب أنت؟ 9 سيّد داك العبد، واش يشكره حيث عمل الّتي أمره به؟ ما ظنّيت شي. 10 كدالك أنتم تاني من مورا ما تعملوا كل شي الّتي توصّيتوا به، قولوا: احنا عبيد الّتي ما نصلحوا شي، من حيث ما عملنا غير الّتي واجب علينا نعملوه.

11 وحين كان ماشي لأورشليم داز في وسط السامرة والجليل. 12 ومن اين كان داخل لواحد

الدر، تلاقواه عشرة د الرجال مبراصين ووقفوا من بعيد، 13 وعلاّوا أصواتهم وقالوا: يا يسوع، يا المعلّم، ارحمنا! 14 ومن اين شافهم قال لهم: سيروا توريّوا أنفسكم للفقهاء. وحين كانوا ماشيين براوا. 15 وواحد منهم مّنين شاف باين برا رجوع وهو كيمجدّ الله بصوت عالي، 16 وطاح على وجهه عند رجله يشكره وكان هو سامري. 17 وجاوب يسوع وقال: واش ما كانوا شي عشرة الّتي براوا؟ فاين هم التسعود؟ 18 واش ما انصاب شي الّتي يرجع باش يحمد الله من غير هد الغريب؟ 19 وقال له: قوم تمشي، إيمانك هو الّتي شافاك.

20 ومن اين سقّصاواه الفريسيين فوقاش تجي ملاكة الله، جاوبهم وقال: ملاكة الله ما كتجي

شي ظاهرة. 21 وما يقولوا شي: ها هي هنا أو راها تمّ، حيث ملاكة الله راها في وسطكم.

22 وقال للتلاميذ: ماشيين يجيوا الايّام فاش تشتهيوا تشوفوا واحد النهار من ايّام ابن الإنسان

وما تشوفوه شي. 23 ويقولوا لكم: شوفوا هنا أو شوفوا تمّ. ما تمشيوا شي من موراها وما تتبعوهم شي.

24 على حق اش بحال البرق الّتي كيبرق من واحد الجهة د السما كيضويّ حتى للجهة الأخرى د

السما، كدالك يكون تاني ابن الإنسان في النهار. 25 ولاكن واجب عليه في الأوّل يتعدّب بزّاف

ويندحى بهد الجيل. 26 وبحال ما كان في ايّام نوح كدالك يكون تاني في ايّام ابن الإنسان. 27 كانوا

كياكلوا ويشربوا وكيزوّجوا ويتزوّجوا حتى للنهار فاش دخل نوح للسفينة وجا الطوفان وفناهم كاملين.

28 كدالك تاني بحال ما كان في ايّام لوط، كانوا كياكلوا ويشربوا وكيبيعوا ويشربوا وكيفرسوا ويبنيوا،

29 ولاكن في النهار فاش خرج لوط من سدوم طاحت الشتا د النار والكبريت من السما وفنات الجميع.

30 هكدا يكون في النهار فاش يظهر ابن الإنسان. 31 داك النهار الّتي على السطح ومتاعه في الدار ما

يهبط شي باش يدّيه. والّتي في الفدان كدالك ما يرجع شي للورا. 32 تفكّروا مراة لوط. 33 الّتي كيفتّش

ينجّي نفسه، را يخسرهما، والّتي يخسر نفسه، ينجّيها. 34 نقول لكم في ديك الليلة يكونوا جوج في

فراش واحد يتترفد واحد ويبقى الآخر. 35 يكونوا جوج د النسا كيطحنوا في رحي واحدة، تتترفد واحده وتبقى الأخرى. 36 يكونوا جوج في الفدان يتترفد واحد ويبقى الآخر. 37 وجابوا وقالوا له: فاين، يا رب. وقال لهم: فاين ما كانت الكُسدة، تَمَّ يتّجمعوا النُسور.

الفصل التمنطاش

1 وقال لهم تاني واحد المتال باين واجب عليهم يصلّيو في كل وقت وما يقنطوا شي: 2 كان في واحد المدينة واحد القاضي الّي ما كان شي كيخاف من الله ولا كيوقّر حد. 3 وكانت في ديك المدينة واحد الهجّالة، وكانت كتجي لعنّده وتقول: اقبط لي الحقّ من صاحب دعوتي. 4 وما بغى شي في الأوّل، لآكن بعد داك شي قال في نفسه: وخّى ما كنخاف شي من الله ولا كنوقّر حد، 5 لآكن من حيث هد الهجّالة كتهوّلني نقبض لها الحقّ باش ما تجي شي ديما وتصدّعني. 6 وقال الربّ: اسمعوا الّي كييقول القاضي الظالم. 7 واش ما يقبض شي الله الحقّ للمختارين دياله الّي كيستغاثوا به ليل ونهار وهو صابر عليهم؟ 8 نقول لكم باين يقبض لهم الحقّ دغيا. ولاكن حين يجي ابن الإنسان، واش يصيب الإيمان على الأرض؟

9 وقال هد المتال لشي ناس الّي كانوا كيتيقوا بأنفسهم باين راهم تاقيين وكيحقروا الآخرين: 10 زوج د الناس طلّعوا لبيت المقدس باش يصلّيو، واحد كان فرّيسي والآخر من النكّاسة. 11 أمّا الفرّيسي وقف كيصلّي في نفسه هكدا: يا الله، كنشكرك على حقّ اش ما أنا شي بحال ناس آخرين سرّاق وظالمين وزانيين ولا بحال هد النكّاسة. 12 كنصوم مرّتين في كل سبع أيّام وكنعشّ الربح ديالي كلّ. 13 وأمّا النكّاس وقف من بعيد ما قدر حتى يهزّ عينيه للسما، لآكن ضرب على صدره كييقول: يا الله، ارحمني، أنا هو المذنب! 14 نقول لكم، هدا هوّ دأره مبرّي دون الآخر، لآنّه كل واحد الّي يعلّي نفسه ينحنى والّي يحني نفسه يتعلّا.

15 وجابوا له الصبيان تاني باش يمسهّم، وحين شافوهم التلاميذ، نهضوا فيهم. 16 أمّا يسوع عيّط لهم وقال: خليوا الأولاد الصغار يجيو لعندي وما تحصروهم شي حيث ملاكة الله هي ديال هدوك الّي بحالهم. 17 بالحقّ نقول لكم، الّي ما يقبل شي ملاكة الله بحال واحد الوليد صغير ما يدخل لها شي بالكلّ.

18 وسقّصاه واحد الحاكم كييقول: يا الفقيه المليح، أش نعمل باش نورت حياة الأخرة؟ 19

وقال له يسوع: علاش كتسمّيني المليح؟ ما كاين حد مليح غير واحد وهو الله. 20 أنت كتعرف الوصايات. ما تزني شي، ما تقتل شي، ما تسرق شي، ما تشهد شي بالزور، وقرّ ابوك وأمّك. 21

وقال: هد شي كلّه عملت به من صُغري. 22 وحين سمع يسوع داك شي، قال له: باقية كتخصّك حاجة واحدة، بيع كل ما عندك وفرّقه على المساكين وتكون لك الدخيرة في السما واجي تتبعني. 23 ومن اين سمع داك شي تغيّر حيث كان غني بزّاف. 24 وحين شافه يسوع باين تغيّر، قال: صعيّب بزّاف على موالين المال يدخلوا لملاكة الله. 25 واحد الجمل يدوز من عين الابرة اسهل من الّي يدخل واحد الغني لملاكة الله. 26 وقالوا الّي سمعوا: واشكون يقدر ينجا؟ 27 وقال: الأمور الّي ما يقدرها شي يكونوا عند الناس يقدرها يكونوا عند الله.

28 وقال بطرس: ها احنا سمحنا في كل شي وتبعناك. 29 وقال لهم: الحقّ نقول لكم، ما كاين حد الّي سمح في دارّه أو والديه أو خوته أو مراته أو أولادّه على سبب ملاكة الله 30 الّي ما ياخذ شي في الدنيا هد شي متني متلّ وفي الآخرة حياة الآخرة.

31 وادّى الطناش وقال لهم: ها احنا طالعين لأورشليم وماشي يوفى كل ما هو مكتوب على يدّ الأنبياء على ابن الإنسان. 32 لآّنه يندفع للجنوس ويضحكوا عليه ويخطيوا فيه ويبزقوا عليه 33 ويعصّيوه ويقتلوه، وفي اليوم الثالث يقوم. 34 وأمّا هم ما فهموا حتى شي من داك شي وكان هد الكلام مخفي عليهم وما عرفوا شي الّي تكلم به.

35 وحين قرّب لأريحا، كان واحد الأعمى كألّس في الطريق كيسعى. 36 ومن اين سمع الناس دايزين سقّصى: أشنهو هد شي؟ 37 وقالوا له: يسوع الناصري دايز. 38 وعييط وقال: يا يسوع، بن داود، ارحمني. 39 والّي كانوا سابقين نهضوا فيه باش يسكت، أمّا هو زاد غوّت اكرت واكرت: يا ابن داود، ارحمني! 40 ووقف يسوع وأمرهم يجيبوه له. ومن اين قرّب سقّصاه 41 وقال: أش بغيتني نعمل لك؟ وقال: يا سيدي باش نولّي بعيني. 42 وقال له يسوع: ولّي بعينيك. إيمانك هو الّي شافاك. 43 وفي الحين ولّي كيشوف وتبعه وهو كيمجدّ الله. وجميع الناس مّنين شافوا، حمدوا الله.

الفصل التسعّاش

1 ودخل وداز في أريحا. 2 ورا واحد الرجل اسمه زكّا كان كبير في النكاسة وهو غني، 3 وبغى يشوف يسوع شكّون هو وما قدر شي على سبب الدحس حيث كان قصير الطول. 4 وزاد لقدّام كييجري وطلع في واحد الكرمة باش يشوفه، لآّنه كان معوّل يدوز من تمّ. 5 وحين وصل يسوع للموضع هرّ عينيه وشافه وقال له: يا زكّا، ازرب تهوّد حيث لازم ننزل اليوم في دارك. 6 وهوّد زربان ونزله بالفرحة. 7 وحين شافوا داك شي، كمّمّوا كاملين كيقولوا: دخل يبات عند واحد الرجل مُدّنب. 8 ووقف زكّا وقال للربّ: ها أنا، يا ربّ، نعطي النصّ في متاعي للمساكين وإذا ظلمت شي واحد نفدي

له على اربعة د المرات. 9 وقال له يسوع: اليوم جا النجا لهد الدار حيث هو تاني ولد إبراهيم. 10
على حق اش ابن الإنسان جا باش يفتش على الي متلوف وينجيّه.

11 ومن اين كانوا كيسمعوا هد شي عاود قال لهم واحد المتال حيث كان قريب لأورشليم وكانوا
كيظنوا باين ملاكة الله ماشية تظهر في الحين. 12 وقال: واحد الرجل كبير في جنسه مشى لواحد
البلاد بعيدة باش يقبض لرأسه واحد الملاكه ويرجع. 13 وعييط على عبيده عشرة واعطاهم عشرة أرتال
نقرة وقال لهم: بيعوا واشريوا بهم حتى نجي. 14 وأما أهل المدينة دياه كانوا كيبيغضوه وسيفطوا من
موراه شي ناس كيقلوا: ما بغينا شي هدا يحكم علينا. 15 وحين رجع بعدما قبض الملاكه، أمر يعييط
له على دوك العبيد الي اعطاهم النقرة باش يعرف اشحال ربح كل واحد في البيع والشر. 16 وجا
الاول وقال له: يا سيدي، الرطل دياك ربحت به عشرة أرتال. 17 وقال له: مزيان، يا العبد المليح،
على حق اش كنت صادق في القليل تكون لك الحكومة على عشرة د المدين. 18 وجا الثاني وقال: يا
سيدي، الرطل دياك ربحت به خمسة أرتال. 19 وقال لهذا تاني: ولي أنت تاني على خمسة د
المدين. 20 وجا واحد آخر وقال: يا سيدي، ها الرطل دياك الي كان عندي مخبّع في واحد السبينية،
21 على حق اش كنت كنخاف منك على خاطر أنت واحد الرجل واعر، كترفد الي ما نزلته شي
وتحصد الي ما زرعت شي. 22 وقال له: على فمك نحكم عليك، يا العبد القبيح. عرفتني رجل واعر
كنرفد الي ما نزلته شي ونحصد الي ما زرعت شي. 23 وعلاش ما نزلت شي النقرة دياي عند موالين
الطالع باش منين نجي نقبضها هي والطالع. 24 وقال للحاضرين: زولوا له الرطل واعطيوا له عند
عشرة أرتال. 25 وقالوا له: يا سيدي، عنده عشرة أرتال. 26 لآكن نقول لكم، واحد الي عنده يتزاد
له، والي ما عنده شي يتزول له حتى الي عنده. 27 أما دوك العديان دياي الي ما بغاوني شي نحكم
عليهم جيبوهم لهنا وادبحوهم قدامي.

28 وحين قال هد شي، زاد لقدام طالع لأورشليم. 29 ومن اين قرب لبيت فاجي وبيت عنيا
حدا الجبل الي مسمي جبل الزيتون، سيفط زوج من تلاميذه 30 وقال: سيروا للدشر الي مقابلكم وحين
تدخلوا له تصيبوا فيه واحد الدحش مربوط الي عمره ما ركب عليه حد. اطلقوه وجيبوه. 31 وإدا
سقصاكم شي واحد علاش كتطلقوه، قولوا له هكدا: الرب كيحتاجه. 32 ومشاوا المسيفطين وصابوا
بحال ما قال لهم. 33 ومن اين كانوا كيطلقوا الدحش، قالوا لهم مواليه: علاش كتطلقوا الدحش؟ 34
وقالوا: الرب كيحتاجه. 35 وجابوه ليسوع وسيبوا كساويهم على الدحش وركبوا يسوع عليه. 36 ومن
اين كان ماشي، فرشوا كساويهم في الطريق. 37 وحين قرب للحدورة د جبل الزيتون، بداوا الجماعات
د التلاميذ كاملين يفرحوا ويحمدوا الله بصوت عالي على سبب جميع العجايب الي شافوا 38 وقالوا:

مبروك السلطان الّلي ماجي باسم الربّ! السلام في السما والحمد في العلو! 39 وأمّا شي فرّيسييين من وسط الناس قالوا له: يا الفقيه، وبّخ تلاميذك. 40 وجاوب وقال لهم: نقول لكم، إذا سكتوا هدو، يغوّتوا الاحجار!

41 ومن اين قرّب، شاف في المدينة وبكى عليها 42 وقال: لو كان عرفت أنت حتى في هد النهار داك شي الّلي يجيب لك الهناء، ولاكن دابّ راه مدرّق من عينيك. 43 على حق اش يجيوا الايام فاش يدوروا عليك عديانك واحد أشبار ويدوروا بك ويحصروك من كل جهة، 44 ويهدموك وأولادك فيك وما يخليوا شي فيك حجرة على حجرة على خاطر ما عرفت شي الوقت فاش تفقدك الله. 45 وحين دخل لبيت المقدس، بدا يخرج الّلي كانوا كيبيعوا ويشربوا فيه. 46 وقال لهم: مكتوب، بيتي هو بيت الصلاة، وانتم ردّيتوه كهف الشفارة!

47 وكان كيعلّم كل نهار في بيت المقدس وكانوا كبار الفقهاء والكتّاب والكبار د الناس كيفتّشوا باش يقتلوه. 48 وما جبروا ما يعملوا حيث الناس كاملين كانوا كيتصنّتوا بزّاف باش يسمعو منه.

الفصل العشرين

1 وفي واحد النهار من ديك الايام حين كان كيعلّم الناس في بيت المقدس وكيبشّر بالإنجيل، وقفوا قدّامه كبار الفقهاء والكتّاب مع الشيوخ 2 وتكلّموا معه وقالوا: قول لنا باش من إدن كتعمل هد شي، أو شكون هو الّلي اعطاك هد الإذن. 3 وجاوبهم وقال: وانا تاني نسقّصكم على مسالة واحدة تقولوها لي. 4 معمودية يوحنا، واش من السما كانت أو من الناس؟ 5 وتشاوروا مع بعضهم وقالوا: إذا قلنا من السما، يقول علاش ما امّنتوا شي به. 6 وإذا قلنا من الناس، الناس كاملين يرجمونا حيث هم كيصدّقوا باين يوحنا نبي. 7 وجاوبوا باين ما عرفوا شي من اين. 8 وقال لهم يسوع: وحتّى أنا تاني ما نقول لكم شي باش من إدن كنعمل هد شي.

9 وبدا يقول للناس هد المتال: واحد الرجل غرس واحد الجنان د الدالية ودفعه لشّي ربّاعة وسافر وغاب مدّة طويلة. 10 وفي وقت الغلّة، سيفط واحد العبد للربّاعة باش يعطيواه من غلّة الجنان. ولاكن الربّاعة ضربوه وسيفطوه في حاله بلا شي. 11 وعاود سيفط عبد آخر. وضربوا هداك تاني وبهدلوا به وسيفطوه في حاله بلا شي. 12 وعاود سيفط الثالث. وجرحوا هدا تاني ودحاواه. 13 وقال مولى الجنان: أش نعمل؟ نسيط ابني الحبيب. يقدر يكون يوقّروه حين يشوفوه. 14 ومن اين شافوه الربّاعة، تشاوروا مع بعضهم وقالوا: هدا هو الوارت. اجيوا نقتلوه باش يولي الوارت ديالنا. 15 وخرّجوه على برّا من الجنان وقتلوه. وأش يعمل لهم مولى الجنان؟ 16 يجي ويقتل دوك الربّاعة ويعطي

الجنان لأخرين. ومن اين سمعوا قالوا: حاشا. 17 وشاف فيهم وقال واشنهُو هذا الّلي مكتوب "الحجرة الّلي سيّبوها البناية هي ولّات راس القنت". 18 كلّ واحد الّلي يطيح على ديك الحجرة يتهرّس. والّلي تطيح هي عليه تسحقه. 19 وبغاوا كبار الفقهاء والكتّاب يمدّوا يديهم فيه في ديك الساعة ولاكن خافوا من الناس حيث عرفوا باين قال هد المتال عليهم.

20 وعسّوا عليه وسيفطوا شي ببّاعة الّلي ظهّروا روسهم تقيين حتّى يقبضوه في كلامه باش يدفعوه ليّد العامل يحكم عليه. 21 وسقصاواه وقالوا: يا الفقيه، احنا كنعرفوا باين كتكلم وتعلم باللتحقيق وما كتعمل شي الوجهيّات لاكن كتعلم طريق الله بالحق. 22 واش حلال علينا نعطيوا الجزية لقيصر أو لا. 23 وفطن بخديعتهم وقال لهم: علاش كتجرّبوني؟ 24 ورّيوني واحد الدينار. دمنّ هي هد الصورة والكتابة؟ وجاوبوا وقالوا: د قيصر. 25 وقال لهم: اعطيوا الّلي هو د قيصر لقيصر والّلي هو د الله لله. 26 وما قدروا شي يقبضوه في كلامه قدّام الناس. وتعجّبوا من جوابه وسكتوا.

27 وجاوا لعنّده شي صدّوقيين الّلي كينكروا القيامة وسقصاواه 27 كيقولوا: يا الفقيه، كتب لنا موسى إذا شي واحد مات له اخاه وعنّده المراه ومات وما خلّى أولاد، ياخذ اخاه مراته ويعمل الدريّة لاخاه. 29 وكانوا سبعة د الخوت، وخدا الأوّل واحد المراه ومات وما خلّى أولاد. 30 وخدا الثاني ديك المراه ومات وما خلّى أولاد. 31 وخداها الثالث وهكذا السبعة نيت، وماتوا وما خلاوا أولاد. 32 ومن موراها كاملين ماتت المراه ثاني. 33 وفي القيامة مراه من تكون منهم؟ حيث كانت مراتهم بسبعة. 34 وجاوب يسوع وقال لهم: أولاد هد الدنيا كيزوّجوا ويتزوّجوا، 35 ولاكن الّلي ينحسبوا مستاهلين باش يحوزوا الآخرة والقيامة من الميّتين، هدم ما يزوّجوا ولا يتزوّجوا، 36 وما يقدرّوا شي يموتوا مرّة أخرى على حق اش بحالهم بحال الملائكة وهم أولاد الله حيث راهم أولاد القيامة. 37 وحتى موسى بيّن في أمر العليقة باين الميّتين يقوموا حين سمّى الربّ "إلاه إبراهيم وإلاه إسحاق وإلاه يعقوب". 38 وما هو شي إلاه الميّتين لاكن إلاه الحيّين حيث الجميع عنّده حيّين. 39 وجاوبوا البعض من الكتّاب وقالوا: يا الفقيه، قلت مليح. 40 وبعد هد شي ما زعموا يسقصواوه حتى على شي.

41 وقال لهم: كيف كيقولوا باين المسيح هو ابن داود؟ 42 وداود بنفسه كيقول في كتاب المزامير: قال الربّ لربّي اكلس على يميني 43 حتى نردّ عديانك تحت رجلك. 44 وإذا داود عيط له ربّ، كيف يكون ابنه؟ 45 ومن اين كانوا جميع الناس كيسمعوا، قال لتلاميذه: 46 ردّوا بالكم من الكتّاب الّلي كيبغيوا يمشيوا بكساوي طوال ويحبّوا السلامة في الأسواق والصفوف الأوّلين في الجوامع والمواضع المخيّرين في الكرامات. 47 هدمو كياكلوا ديار الهجّالات وبالنفاق كيطلّوا الصلاوات. وهدو يتعاقبوا بالعقوبة الكبيرة.

الفصل الواحد وعشرين

- 1 وهزّ عينيه وشاف الأغنياء كيرميو الصدقات ديالهم في الخزنة. 2 وشاف واحد الهجّالة مسكينة رمت تمّ زوج فلوس. 3 وقال: بالحقّ نقول لكم باين هد الهجّالة المسكينة رمت اكتر منهم مجموعين، 4 حيث هدو من شياطة مالهم رماوا في خزنة الله، وأمّا هدي من قلّة الشي ديالها رمت جميع معاشها!
- 5 وحين كانوا البعض كيقولوا على بيت المقدس كيف مزين بالاحجار المزيانين والهديّات، قال: 6 هد شي اليّ كتشوفوه ماشيين يجيووا الايام اليّ ما تبقى شي فيهم حجرة على حجرة اليّ ما تنهدم شي. 7 وسقصاواه وقالوا: يا الفقيه، فوقاش يكون هد شي واشنهبيّ الإمارة حين يوقع هد شي؟ 8 وقال: ردّوا بالكم باش ما تنتلفوا شي، على حق اش ماشيين يجيووا بزّاف باسمي ويقولوا: أنا هو والوقت قرب. ما تمشيوا شي من مورا هم. 9 وحين تسمعو بالشور والغوغات ما تخافوا شي حيث لا بدّ يكون هد شي في الأوّل. ولاكن ما يكون شي الآخر دغيا. 10 وقال لهم: يقوم جنس على جنس وملاكة على ملاكة، 11 ويكونوا زلزلات قويين في شي مواضع والجوع والوباء، والأمر اليّ يخوفوا وإمارات كبار من السماء. 12 وقبل من هد شي كلّ يمدّوا يديهم فيكم ويمردوكم ويدفعوكم للجماعات وللحساسات ويديوكم لقدّام السلاطين والعمّال على سبب اسمي، 13 ويولّي لكم داك شي شهادة. 14 وانويوا في قلوبكم باين ما تخمّموا شي من قبل باش تجاوبوا. 15 على حق اش أنا نعطيكم اللسان والعقل اليّ ما يقدروا شي جميع عديانكم يضادّوه أو يعارضوه. 16 وماشيين يبيعوكم الوالدين والخوت والأهل والاصحاب، ويقتلوا منكم، 17 وتكونوا مبغوضين عند الناس كاملين على سبب اسمي. 18 ولاكن حتى شعرة من روسكم ما تنهلك. 19 بصبركم احفظوا أنفسكم. 20 ومن اين تشوفوا أورشليم دايرين بها المحالّ، داك الوقت اعرفوا باين قرب خرابها. 21 داك الوقت اليّ هم في اليهودية لا بدّ يهربوا للجبال، واليّ هم في وسطها لا بدّ يخرجوا منها، واليّ هم في برّا ما يدخلوا لها شي. 22 على حق اش هدي هي الايام اليّ كتنخلف فيها الحسيّفة باش يوفى كلّ ما هو مكتوب. 23 والويل للحبّلات واليّ كيرضّعوا في ديك الايام من حيث يكون واحد الضيق كبير على الأرض والسخط على هد الجنس. 24 ويطيحوا بضرب السيف ويتيسّروا عند الجنوس كاملين، وتكون أورشليم تحت رجلين الجنوس حتى يوفوا أوقات الجنوس.
- 25 ويكونوا علامات في الشمس وفي القمر وفي النجوم، وفي الأرض الجنوس خوفانين وحيرانين، والبحر والأمواج كيبركموا، 26 والناس يتغاشاوا من الخوف ومن اليّ كيتسنّوا أش ماشي يوقع على

الأرض على حق اش قوَّات السماوات يتزعزعوا. 27 وداك الوقت يشوفوا ابن الإنسان ماجي في السحاب بالقوَّة ونور عظيم. 28 وحين يبدأ هد شي يوقع، قوموا وعلِّوا روسكم لأنّه نجاكم قَرَب. 29 وقال لهم واحد المتال: شوفوا الكرمة والاشجار كاملين، 30 حين يبدأوا يلحقوا تشوفوا وتعرفوا بوحدكم باين الصيف قَرَب. 31 هكدا انتم تاني حين تشوفوا هدو الأمور واقعين، اعرفوا باين ملاكة الله قريبة. 32 الحق نقول لكم، ما يدوز هد الجيل حتى يكون هد شي كلّه. 33 السما والأرض يزولوا، ولاكن كلامي ما يزول شي. 34 وردّوا بالكم عندكم يتقالوا قلوبكم بالخمرة والسكره وهموم الدنيا ويجيكم داك النهار على غفلة، 35 على حق اش بحال واحد المصيصة يجي على جميع الي هم ساكنين على وجه الأرض كاملة. 36 على داك شي ابقاوا فايقين وصلّوا في كلّ وقت باش تنحسبوا مستاهلين تنجاوا من جميع هد شي الي ماشي يوقع وتوقفوا قدّام ابن الإنسان. 37 وفي النهار كان كيعلّم في بيت المقدس وفي الليل كان كيخرج ويبات في الجبل الي كيقولوا له جبل الزيتون. 38 وكانوا الناس كاملين كيحيوا لعنّده بكري لبيت المقدس باش يسمعوه.

الفصل الاتناين وعشرين

1 وقَرَب عيد الفطير الي مسمّي البيسح. 2 وكانوا كبار الفقهاء والكتّاب كيفتشوا كيف يقتلوه، على حق اش خافوا من الناس. 3 ودخل الشيطان في يهودا الي مسمّي الإسخرّيوطي وهو من الطناش. 4 ومشى وتكلّم مع كبار الفقهاء وقبّاد العسكر باش يبيعه لهم. 5 وفرحوا وقاولوه يعطيواه شي دراهم. 6 واعطاهم الكلمة، وكان كيفتش على الوجبة فاش ما يكونوا شي ناس بزّاف حاضرين باش يدفعه لهم. 7 ووصل نهار عيد الفطير الي كان واجب يندبح فيه البيسح. 8 وسيفط بُطرس ويوحنا وقال: سيروا توجّدوا لنا البيسح باش ناكلوه. 9 وقالوا له: فاين بغيتنا نوجّدوه؟ 10 وقال لهم: منين تدخلوا للمدينة يتلاقاكم واحد الرجل رافد برّادة د الماء، اتبعوه للدار الي يدخل لها 11 وقالوا لمول الدار: قال لك الفقيه "فاين هو بيت الضياف الي ناكل فيه البيسح مع تلاميذي؟" 12 وهداك يوريكم واحد الغرفة كبيرة مفرّشة، تمّ وجّدوا. 13 ومشوا وصابوا بحال ما قال لهم، ووجّدوا البيسح. 14 ومن اين جات الساعة، كلّس هو واطناش د الرُّسل معه. 15 وقال لهم: بالشهوة اشتهيت ناكل معكم هد البيسح قبل ما نتعدّب، 16 على حق اش نقول لكم ما نعاود شي ناكل منه حتى ينكمل في ملاكة الله. 17 ورقد الكاس وشكر وقال: اقبضوا هدا واقسموه بينتكم. 18 على حق اش نقول لكم ما نشرب شي من غلّة الدالية حتى تجي ملاكة الله. 19 وقبض الخبز وشكر وكسّر واعطاهم وقال: هدا هو

جسدي الّٰي ينعطى من سببكم، اعملوا هد شي باش تتفكروني. 20 وكذلك الكاس تاني من مورا العشا وقال: هد الكاس هو العهد الجديد في دمّي الّٰي ينهرق على سببكم. 21 ولاكن يدّ هداك الّٰي يبيعني ها هي معي على المائدة. 22 وابن الإنسان ماشي كما هو واجب عليه، ولاكن الويل لداك الإنسان الّٰي ينباع على يدّه. 23 بداوا يسقصيوا بينتهم شكون فيهم الّٰي ماشي يعمل هد شي.

24 وكانت يبينتهم تاني واحد الخصومة شكون الّٰي ينحسب الكبير فيهم. 25 وقال لهم: السلاطين د الجنوس كيحكموا عليهم والّٰي عندهم الكلمة عليهم كيتسمّوا خيرين. 26 واما انتم ما تكونوا شي هكدا، لاكن الكبير فيكم لا بدّ يكون بحال الصغير، والمقدّم بحال الخدّام. 27 لانه شكون هو الكبير؟ الّٰي كالس كياكل أو الّٰي كيتسخّر؟ واش ماشي الّٰي كالس كياكل؟ ولاكن أنا معكم بحال الّٰي كيتسخّر. 28 أنتم همّ الّٰي بقيتوا معي في التجربات دياالي، 29 وانا كنعاهدكم بملاكة بحال ما عاهدني ابي، 30 باش تاكلوا وتشربوا على المائدة دياالي في ملاكتي وتكّلّسوا على الكراسي تحكموا على الطناشر قبيلة د إسرائيل.

31 وقال الربّ: سمعان، سمعان، ها الشيطان طلبكم باش يصيركم بحال الزرع! 32 ولاكن أنا طلبت على سببك باش ما يتقاضى شي إيمانك، وانت منين ترجع، تبّت خوتك. 33 وقال له: يا ربّ، أنا موجود نمشي معك حتى للحبس وحتى للموت! 34 وقال: نقول لك، يا بطرس، ما يادّن الفروج اليوم حتى تنكر ثلاثة د المرّات باين ما كتعرفني شي.

35 وقال لهم: حين سيفطتكم بلا بزطام وبلا مزود وبلا بلغة، واش خصّتكم شي حاجة؟ وقالوا: والو. 36 وقال لهم: لاكن دابّ الّٰي عنده شي بزطام لا بدّ يدّيه، وكذلك المزود، والّٰي ما عنده شي السيف لا بدّ يبيع حوايجّه ويشربه. 37 على حق اش نقول لكم، هد شي الّٰي مكتوب لازم ينكمل فيّ وانحسب مع المدّنين، حيث الأمور الّٰي مكتوبين عليّ عندهم الحدّ. 38 وقالوا: يا ربّ، ها هم زوج د السيوف. وقال لهم: هد شي يكفي.

39 وخرج ومشى لجبل الزيتون، بحال ما هي القاعدة عنده وتبعوه تاني تلاميذه. 40 ومن اين وصل للموضع، قال لهم: صلّوا باش ما تدخلوا شي في التجربة. 41 وبعدّ عليهم جهد رمية الحجرة وطاح على ركايبه وصلّى 42 وقال: يا ابي، إدا بغيت حيدّ عليّ هد الكاس، لاكن لا بدّ يكون خاطرك، ماشي خاطري. 43 وظهر له واحد الملاك من السما كيقيّوه، 44 وحين كان في العذاب زاد اجتهد في الصلاة وولّى العرق دياهه بحال نقاط الدّم طايحين على الأرض. 45 ومن اين قام من الصلاة وجا لعند تلاميذه، جبرهم ناعسين من الحزن. 46 وقال لهم: علاش انتم ناعسين؟ قوموا وصلّوا باش ما تدخلوا شي في التجربة!

47 ومن اين كان باقي كيتكلم، ها واحد الجوقة والي مسمي يهودا، واحد من الطناش، زاد

قدّامهم وقرب ليسوع باش يبوسه. 48 وقال له يسوع: يا يهودا، واش ببوسة كتبيع ابن الإنسان؟ 49 والي كانوا دايرين به حين شافوا الي ماشي يوقع قالوا: يا ربّ، واش نضربوا بالسيف؟ 50 وواحد منهم ضرب عبد كبير الفقهاء وقطع له أدنه د اليمين. 51 وجاوب يسوع وقال: اصبروا حتى في هد شي. ومسّ له أدنه وشافاه.

54 وقبضوه وادّاواه ودخلوه لدار كبير الفقهاء. وأمّا بطرس تبعه من بعيد. 55 وحين شعلوا العافية في وسط الدار وكلسوا مع بعضهم، كلس بطرس في وسطهم. 56 وواحد المتعلّمة شافته كالس حدا العافية وحقّقت فيه وقالت: وهذا كان معه نيت. 57 ونكره وقال: ما كنعرفه شي، يا المرأة. 58 وبعد شويّا شافه واحد آخر وقال: وانت تاني منهم. وقال بطرس: يا الرجل، ما أنا شي منهم. 59 وحين فاتت شي ساعة، واحد آخر تبّت لهم وقال: بالصحّ هذا كان معه نيت حيث حتى هو جليلي. 60 وقال بطرس: يا الرجل، ما كنعرف شي الي كتقول! وفي الحين وهو باقي كيتكلم ادّن الفروج. 61 ودار الربّ وشاف في بطرس، وتفكر بطرس كلام الربّ كيف قال له "قبل ما يادّن الفروج تنكرني ثلاثة د المرّات". 62 وخرج بطرس على برّا وبكى برّاف.

63 والناس الي كانوا قابضين في يسوع كانوا كيتملّغوا عليه وكيعصّواوه. 64 وغطّوا له عينيه وكانوا كيضربوه على وجهه وكيسقصّواوه ويقولوا: كاشف، شكون هو الي ضربك؟ 65 وبالزاف د الأمور آخرين د الكفر كانوا قالوهم عليه.

66 وحين طلع النهار، اتجمعوا شيوخ الناس وكبار الفقهاء والكتّاب وطلّعوه لمشوارهم 67 وقالوا: إذا كنت أنت المسيح قولها لنا. وقال لهم: إذا قلت لكم ما تتيقوا شي. 68 وإذا سقصيتكم تاني ما تجاوبوني شي وما تطلقوني شي. 69 من دابّ يكون ابن الإنسان كالس على يمين قوّة الله. 70 وقالوا له الجميع: واش أنت ابن الله؟ وقال لهم: انتم كتقولوا الحقّ باين أنا هو. 71 وقالوا: أش من حاجة باقية عندنا في الشهادة؟ حيث احنا بروسنا سمعنا من فمه!

الفصل الثلاثة وعشرين

1 وقاموا الناس كاملين وادّاواه لعند بيلاطس، 2 وبدّاوا يشكيوا به وقالوا: جبرنا هذا كيفسدّ جنسنا وكيحصرنا باش ما نعطيوا شي الجزية لقيصر وكيقول باين هو المسيح وسُلطان. 3 وسقصاه بيلاطس وقال: واش أنت هو سُلطان اليهود؟ وجاوبه وقال: أنت كتقول الحقّ. 4 وقال بيلاطس لكبار الفقهاء وللناس: أنا ما كنصيب حتى عيب في هد الرجل. 5 وكانوا كيحرصوا يقولوا: هذا كيزيغ الناس

ويعلم في كل اليهودية، بدا من الجليل حتى لهذا. 6 ومن اين سمع بيلاطس باين ذكروا الجليل، سقى إذا كان هد الرجل جليلي. 7 وحين عرفه من حكومة هيرودس، سيفطه لعند هيرودس الي كان هو ثاني في اورشليم في ديك الايام.

8 واما هيرودس مينين شاف يسوع فرح بزاف حيث مدة طويلة وهو باغي يشوفه على حق اش سمع عليه أمور كتار وتمنى يشوفه يعمل شي إمارة. 9 وسقاه بكلام كتير وما جابو حتى بشي. 10 ووقفوا كبار الفقهاء والكتاب كيشكيوا به بزاف. 11 وبهدل به هيرودس، هو والعسكر دياه، وضحك عليه ولبس له واحد الكسوة كتلمع ورده لبيلاطس. 12 وولّاو بيلاطس وهيرودس اصحاب مع بعضهم في داك النهار على حق اش كانت بينتهم العداوة من قبل.

13 وعيط بيلاطس على كبار الفقهاء والحكام والناس 14 وقال لهم: جبتوا لي هد الرجل وكتقولوا باين كيفسد الناس، وها أنا بحثته قدامكم وما صبت في هد الرجل حتى عيب من الي كتشكيوا انتم به. 15 ولا حتى هيرودس، على حق اش أنا سيفطتكم لعنّده، وها هو ما عمل حتى شي الي يستاهل عليه الموت. 16 وانا نربيّه ونطلقه. 17 لانه كان واجب يطلق لهم واحد في كل عيد. 18 وغوتوا مجموعين وقالوا: ادّي هذا واطلق لنا براباس. 19 وهداك كان تسيّب في الحبس على سبب شي فتنة الي وقعت في المدينة والقتل. 20 وهدر معهم بيلاطس مرّة أخرى وهو كيبيغي يطلق يسوع. 21 وغوتوا وقالوا: صلّبه! صلّبه! 22 وقال لهم المرّة الثالثة: علاش؟ أش من قباحة عمل هذا؟ أنا ما صبت فيه سبة د الموت. أنا نربيّه ونطلقه. 23 وكانوا كيحرصوا بأصوات عاليين كيطلبوا باين يتصلّب. وأصواتهم وأصوات كبار الفقهاء غلبوا. 24 وحكم بيلاطس باين يكون بحال ما طلبوا. 25 وطلق لهم الي كان تسيّب في الحبس على سبب الفتنة والقتل الي طلبوه ودقع لهم يسوع باش يعملوا به خاطرهم. 26 ومن اين كانوا ماشيين به، قبضوا سمعان، رجل قيرواني الي كان ماجي من برا، ورفدوا عليه الصليب باش يرفده من مورا يسوع. 27 وتبعته واحد الجوقة كبيرة من الناس والنساء الي كيندبوا ثاني وينوحوا عليه. 28 واما يسوع دار وقال لهم: يا بنات اورشليم، ما تبكيوا شي علي لآكن ابكيوا على أنفسكم وعلى أولادكم. 29 حيث الايام راها ماجية الي يقولوا فيها مبروكين العاقرات والبطنون الي ما ولدوا شي والبرازل الي ما رضّعوا شي. 30 داك الوقت يبدوا يقولوا للجبال "طيحوا علينا"، وللادي "غطّونا!" 31 حيث إذا كانوا كي عملوا هد شي في الشجرة الخضرا، أش ينعمل في اليابسة؟ 32 وإدّاو معه ثاني زوج آخرين الي كانوا شفارة باش يقتلوهم.

33 ومن اين وصلوا للموضع الّلي مسمّي "جمجمة"، صلّبوه تيمّ، هو والشفّارة، واحد على يمينه

والآخر على شماله. 34 وقال يسوع: يا ابي، اغفر لهم حيث ما كيّعرفوا شي الّلي كيّعملوا. وحين قسموا حوايجهُ، ضربوا عليهم العود.

35 وكانوا الناس واقفين كيشفوا. والحكّام تاني معهم كيضحكوا عليه ويقولوا: نجّي آخرين، خليه ينجّي نفسه إذا كان هو المسيح مختار الله! 36 والعسكر تاني تملّعوا عليه وجاوا واعطاوا له الخلّ 37 وقالوا: إذا كنت أنت سلطان اليهود، نجّي نفسك. 38 وكانت شي كتابة مكتوبة فوق منه بحروف اليونانيّة والرومانيّة والعبرانيّة: هذا هو سلطان اليهود. 39 وكان واحد من الشفّارة الّلي تعلقوا معه كيكره به كيّقول: إذا كنت أنت المسيح نجّي نفسك ونجّينا! 40 وجاوب الآخر ووبّخه وقال: واش ما كتخاف شي من الله وانت في هد العقوبة بنفسها؟ 41 وأمّا احنا على موجب الحقّ على حق اش احنا كنتخلّصوا بلّي كيستاهلوه فعائلنا، وأمّا هذا ما عمل حتى حاجة الّلي خارجة عن الصواب. 42 وقال ليسوع: تفكّرني، يا ربّ، مَنين تجي في ملاكتك. 43 وقال له يسوع: الحقّ نقول لك، اليوم تكون معي في الفردوس.

44 وكانت قريبة الساعة السادسة، وطاح الظلام على الأرض كلّها حتى للساعة التاسعة. 45 وظلمت الشمس وحجاب بيت المقدس تقطّع من وسطه. 46 وعيّط يسوع بصوت عالي وقال: يا ابي، في يدك كنامن روحي! وحين قال هد شي دفع روحه. 47 وحين شاف قايد المية الّلي وقع، مجدّ الله وقال بالتحقيق هد الرجل كان تاقّي. 48 والناس كاملين الّلي تجمعوا باش يشوفوا هد شي حين شافوا الّلي وقع رجعوا وهم كيضربوا على صدورهم. 49 وكانوا جميع المعارف دباله والنسا الّلي تبعوه من الجليل واقفين من بعيد كيشفوا هد شي.

50 ورا واحد الرجل اسمه يوسف، واحد من الحكّام ورجل مليح وتاقّي، 51 هذا ما كان شي موافق مع رايبهم وفعلهم، وهو من الرامة، واحد المدينة د اليهود، وكان تاني كيّتسنّى ملاكة الله. 52 هذا مشى لعند بيلاطس وطلب جسد يسوع. 53 ونزّله وكفّنه بالكثّان وحطّه في واحد القبر محفور في واحد الحجر الّلي عمره ما اندفن فيه حد. 54 وكان داك النهار نهار التوحيد والسبت كيقرّب. 55 وتبعوه النسا تاني الّلي جاوا معه من الجليل وشافوا القبر وكيف تنزّل جسده. 56 ورجعوا ووجدوا الحنوط والعطر. ونهار السبت ارتاحوا بحال ماهي الوصاية.

1 ونهار الحد بكري عند الفجر، جاوا للقبر رافدين الحنوط اليّ وجّدوهم ومعهم شي ناس. 2 وجبروا الحجرة مدرد به عن القبر. 3 ودخلوا وما صابوا شي جسد الربّ يسوع. 4 ومن اين كانوا حيرانين في داك الأمر، ها زوج د الرجال وقفوا حداهم بالكساوي اليّ كيبرقوا. 5 وحيث كانوا خوفانين وحانبيين وجوههم للأرض، قالوا لهم: علاش كنتفتشوا على الحيّ بين الميتين؟ 6 ما هو شي هنا لکن قام. تفكّروا كيف قال لكم مَنين كان باقي في الجليل 7 حين قال: لازم يندفع ابن الإنسان في يدّ الناس المُدَنِّبين ويتصلّب وفي اليوم الثالث يقوم. 8 وتفكّروا كلاًّ، 9 ورجعوا من القبر وخبروا الحضاش والأخرين كلّهم بهد شي كامل. 10 وكانت مريم المجدّلية ويونّا ومريم أمّ يعقوب والنسا الآخرين معهم اليّ قالوا هد شي للرّسل. 11 وكلامهم ظهر لهم بحال الهدرة د الخوا وما صدّقوهم شي. 12 وناض بَطْرُس وجرى للقبر وحنى وشاف الكفن منزّل بوحدّه ومشى كيتعجّب في نفسه في اليّ وقع.

13 ورا زوج منهم كانوا ماشيين في داك النهار لواحد الدشر مسمّي عمواس بينه وبين أورشلیم علاين تمنية د الأميال. 14 وكانوا كيتكلّموا مع بعضهم على هدو الأمور كاملين اليّ وقعوا. 15 ومن اين كانوا كيتكلّموا ويتداكروا مع بعضهم، قَرَب لعندهم يسوع بنفسه ومشى معهم. 16 ولاكن اتقبضوا عينيهم باش ما يميّزوه شي. 17 وقال لهم: اشنهوّ هد الكلام اليّ كنتكلّموا به مع بعضكم وانتم ماشينن معبّسين. 18 وجاوب واحد منهم اسمه كليوباس وقال له: واش أنت وحدك برّاني في أورشلیم باش ما عرفت شي الأمور اليّ وقعوا فيها هد الايّام؟ 19 وقال لهم: أش من أمور؟ وقالوا له: اليّ على يسوع الناصري اليّ كان نبي مقدّد في القول والفعل قدّام الله وجميع الناس. 20 وكيف دفعوه كبار الفقهاء والحكام ديانا باش يحكموا عليه بالموت وصلّبوّه. 21 واحنا كنّا كنتمناوا باين هدا هو اليّ كان ماشي يفدي إسرائيل. وفوق هد شي كلّّه، اليوم النهار الثالث باش وقع هد شي، 22 وشي نساء منّا نيت دهّشونا اليّ كانوا بكري قدّام القبر، 23 وحين ما صابوا شي جسده جاوا كيقلولوا باين شافوا شي ملايكة اليّ قالوا باين راه حيّ! 24 وشي منّا مشاوا للقبر وصابوا هكدا بحال ما قالوا النسا، واما هو ما شافوه شي. 25 وقال لهم: يا الحماق واليّ قلوبكم كيتعطلوا على الإيمان بكلّ ما قالوا الأنبياء! 26 واش ما كان شي واجب باين المسيح يتعدّب بهدو الأمور ويدخل لعزّه؟ 27 وبدا من موسى ومن جميع الأنبياء كيفسرّ لهم من الكتب كاملين الأمور اليّ مكتوبين عليه.

28 وقربوا للدشر اليّ كانوا ماشيين له وهو عمل بحال إذا كان زايد لقدّام. 29 واما هم حصروه وقالوا له: ابقى معنا على حق اش قرّبت المغرب وتقاضى النهار. ودخل باش ينزل عندهم. 30 ومن اين كان كالس معهم، قبض الخبز وبارك وكسّر واعطاهم. 31 وانفتحوا عينيهم وعرفوه داك الوقت

استخفى عليهم. 32 وقالوا لبعضهم: واش ما كان شي قلبنا كينحرق فينا منين كان كيتكلم معنا في الطريق وكيفسر لنا الكتب. 33 وناضوا في ديك الساعة ورجعوا لأورشليم وصابوا الحشاش مجموعين، هم والي معهم، 34 وقالوا: الربّ راه قام بالتحقيق وظهر لسمعان. 35 وهم عاودوا اليّ وقع في الطريق وكيف عرفوه في تكسير الخبز.

36 ومن اين كانوا كيتكلموا بهد شي، وقف يسوع بنفسه في وسطهم وقال لهم: السلام عليكم. 37 واترعبوا وخافوا كيظنّوا باين شافوا شي شبح. 38 وقال لهم: علاش انتم مهولين وعلاش كيدخل الشكّ في قلوبكم؟ 39 شوفوا يديّ ورجليّ باين أنا هو. قلبوني وشوفوا لأنّه الشبح ما عنده لا لحم ولا عظام بحال ما كتشوفوا عندي. 40 وحين قال هد شي، وراهم يديه ورجليه. 41 ومن اين كانوا ما زالين ما صدّقوا من كثرة الفرحة وهم كيتعجّبوا، قال لهم: واش عندكم هنا شي مأكلة؟ 42 واعطوا له طريّف د الحوت مشوي وشوبا من الشهدة د العسل. 43 وقبض وكلا قدّامهم.

44 وقال لهم: هذا هو الكلام اليّ تكلمت معكم به وانا باقي معكم، بين لازم ينكمل جميع اليّ هو مكتوب عليّ في شرع موسى والأنبياء والمزامير. 45 وداك الوقت فتح لهم عقلهم باش يفهموا الكتب، 46 وقال لهم: هكدا هو مكتوب وهكدا كان واجب باين المسيح يتعدّب وفي اليوم الثالث يقوم من الميتين. 47 وباين باسمه يخبروا جميع الجنوس بالتوبة وغفران الذنوب ويبداوا من أورشليم. 48 وانتم شهود لهد شي. 49 وها أنا نسيّط لكم اليّ عاهد به ابي. لكن ابقاوا في مدينة أورشليم حتى تتلبّسوا بالقوّة من السماء.

50 وخرّجهم على براّ لببت عنيا، ورفع يديه وبارك فيهم. 51 ومن اين كان كيبارك فيهم، اتفرق عليهم واترفع للسماء. 52 وسجدوا له ورجعوا لأورشليم فرحانين بزّاف، 53 وكانوا ديما في بيت المقدس كيحمدوا الله ويباركوه. آمين.

إنجيل يسوع المسيح على يد يوحنا

الفصل الاوّل

1 في البدو كان الكلمة والكلمة كان عند الله وكان الكلمة الله. 2 هذا كان في البدو عند الله. 3 كلّ شيء به كان وبلا به ما كان حتّى شيء من الّهي كان. 4 فيه كانت الحياة والحياة كانت ضوّ الناس. 5 والضوّ كيضوّي في الظلام والظلام ما فهمه شيء.

6 كان واحد الرجل مرسل من عند الله اسمه يوحنا. 7 هذا جا للشهادة باش يشهد للضوّ باش يأمّنوا الجميع على يده. 8 ما كان شيء هو الضوّ لآكن باش يشهد للضوّ. 9 كان الضوّ الحقيقي الّهي كيضوّي على كلّ إنسان ماجي للنديا. 10 كان في الدنيا وتكوّنت الدنيا به وما عرفته شيء الدنيا. 11 جا لملكه والّهي هم دياله ما قبلوه شيء. 12 وأمّا جميع الّهي قبلوه اعطاهم القدرة باش يوّلّيو أولاد الله، يعني للّهي كيأمّنوا باسمه، 13 الّهي اتولدوا ماشي من الدم ولا من خاطر الجسد ولا من خاطر الرجل لآكن من الله.

14 والكلمة ولّي جسد وسكن بينتنا وشفنا مجده بحال مجد الوحيد المولود من الاب معمر بالنعمة والحق. 15 يوحنا شهد له وبرّح كيقل: هذا هو الّهي قلت عليه الّهي يجي من موراي ولّي قدامي على حق اش كان قبل مّتي. 16 ومن تعميره احنا كاملين قبضنا، ونعمة فوق نعمة، 17 لأنّه الشرع على يد موسى اتعطى أمّا النعمة والحق على يد يسوع المسيح جاوا. 18 الله ما شافه احد حتّى وقت، الابن الوحيد الّهي هو في صدر الاب هو فسرّه.

19 وهذه هي شهادة يوحنا من اين سيفطوا اليهود من اورشليم كوهنين ولاويين باش يسقصواوه: اشكون انت؟ 20 واستقرّ وما نكر شيء واستقرّ وقال: ما أنا شيء المسيح. 21 وسقصاواوه: وكيف اش؟ واش انت هو إيليا؟ وقال: ما أنا شيء هو. واش انت النبي؟ وجاوب: لا. 22 وقالوا له: اشكون انت؟ باش نعطيو الجواب للّهي سيفطونا. أش كتقول على نفسك؟ 23 قال: أنا الصوت د واحد الّهي كيبرّح في الخلا "سقموا طريق الرب" بحال ما قول إشعيا النبي. 24 والمسيّفين كانوا من الفرّيسيّين. 25 وسقصاواوه وقالوا له: علاش كتعمّد بعدّدا ما كنت لا المسيح ولا إيليا ولا النبي؟ 26 جاوبهم يوحنا وقال: أنا كنعمّد بالما ولاكن في وسطكم واحد واقف الّهي ما كتعرفوه شيء. 27 هو هذا الّهي يجي من موراي وولّي قدامي الّهي ما نستاهل شيء نحلّ له سيور نعايله. 28 هذا الشيء كان في بيت عبرة لهيه من الاردن فاين كان يوحنا كيعمّد.

29 ولاَّ غداً يوحنا شوف يسوع ماجي لعنده وقال: ها خروف الله الي كيرفد دنوب الدنيا. 30

هذا هو الي قلت عليه يجي من موراي واحد الرجل الي ولي قدامي حيث كان قبل مني. 31 وانا ما عرفته شي. لکن باش يظهر لاسرائيل على داك الشي حيث كنعمد بالما. 32 وشهد يوحنا وقال: أنا شفت الروح نازل بحال واحد الحمامة من السما وبقي عليه. 33 وانا ما عرفته شي، لکن الي سيفطني باش نعمد بالما هداك قال لي: الي تشوف الروح ينزل ويبقى عليه هدا هو الي كيعمد بالروح القدس. 34 وانا شفت وشهدت باين هدا هو ابن الله.

35 ولاَّ غداً ثاني كان يوحنا واقف هو وزوج من بلاميده. 36 وشاف يسوع ماشي وقال: راه خروف الله. 37 والزوج د التلاميذ سمعوه كيتكلّم وتبعوا يسوع. 38 ودار يسوع وشافهم كيتبعوه وقال لهم: أش بغيتوا؟ وقالوا له: ربّوني، الي تفسيره "يا الفقيه"، فاين انت نازل؟ 39 وقال لهم: اجيوا تشوفوا. وجاوا وشافوا فاين كان نازل وجلسوا عنده داك النهار. وكانت مقدار الساعة العاشرة. 40 كان أندراوس اخا سمعان بطرس واحد من الزوج الي سمعوا يوحنا وتبعوه. 41 هدا جبر في الاول اخاه سمعان وقال له: صينا مسيّا، الي بفسيره "المسيح". 42 وجابه لعند يسوع. وشاف فيه يسوع وقال: انت سمعان بن يونا. انت تتسمّى صفا، الي تفسيره "بطرس".

43 ولاَّ غداً بغى يسوع يخرج للجليل، وجبر فيلبس وقال له: اتبعني. 44 وكان فيلبس من بيت صيدا من مدينة أندراوس وبطرس. 45 فيلبس جبر نثنائيل وقال له: صينا الي كتب عليه موسى في الشرع وكتبوا الانبيا، يسوع بن يوسف الي من الناصرة. 46 وقال له نثنائيل: من الناصرة تقدر تكون شي حاجة مليحة؟ قال له فيلبس: اجي وش ف.

47 وشاف يسوع نثنائيل ماجي لعنده وقال عليه: ها واحد الاسرائيلي بالحق الي ما فيه غش. 48 قال له نثنائيل: من اين عرفت ني؟ جاوب يسوع وقال له: قبل ما عييط لك فيلبس وانت تحت الكرمة شفتك. 49 جاوب نثنائيل وقال له: يا الفقيه، انت هو ابن الله. انت هو سلطان إسرائيل. 50 جاوب يسوع وقال له: واش امنت حيث قلت لك: أنا شفتك تحت الكرمة؟ ماشي تشوف اكثر من هدا الشي. 51 وقال له: بالحق بالحق نقول لكم من داب تشوفوا السما مفتوح وملائكة الله كيطلعوا وينزلوا على ابن الانسان.

الفصل الثاني

1 في النهار الثالث كان واحد العرس في قانا دالجليل وكانت أم يسوع تمّ. 2 وانعرض ثاني يسوع والتلاميذ دياه للعرس. 3 وحين تقاضى الخمر قالت له أم يسوع ماعندهم خمر. 4 قال لها يسوع

أش بيني وبينك، يا المرأة؟ الساعة ديالي ما زالة ما جات. 5 قالت أمه للمتعلّمين كل ما يقول لكم اعملوه. 6 وكانوا ستة د الخوابي د الحجر منزّلين تمّ على قاعدة التطهير داليهود ترفد كل واحدة زوج دالقرب أو ثلاثة. 7 قال لهم يسوع عمّروا الخوابي بالما. وعمّروهم حتى للفم. 8 وقال لهم: اسقيوا دابّ وادّيو لمقدّم العرس. وادّواوه. 9 وحين داق مقدّم العرس الما إلّي تردّ خمر وما عرف شي من اين هو. لائن المتعلّمين إلّي كانوا سقاوا الما عرفوا. عيّط مقدّم العرس للعريس. 10 وقال له: كلّ واحد كينزل الخمر المليح في الأوّل ومن اين سكروا داك الوقت ينزل إلّي على قدّه أمّا أنت خلّيت الخمر المليح حتى لدابّ. 11 هدا البدو دالامارات عملها يسوع في قانا د الجليل وبيّن مجده وامنّوا به التلاميذ دياله. 12 وبعد هدا الشي هوّد لكفرناحوم هو وأمه وإخواته وتلاميذه بقاوا تمّ شي ايام قليلة. 13 وكان البسيح داليهود قريب وطلع يسوع لاورشليم. 14 وجبر في بيت المقدس إلّي كانوا كيبيعوا البقر والغنم والحمام والصرافية جالسين. 15 وصوبّ واحد المسوطة من الشريط وخرّج كلّ شي من بيت المقدس، الغنم والبقر وكبّ فلوس الصرافية وقلب الميادي ديالهم. 16 وقال لبيّاعين الحمام: حيّدوا هدا الشي من هنا. لا تردّوا شي دار أبي دار البيع والشرّا. 17 وتفكّروا تلاميذه باين مكتوب الغيرة د دارك كلاتني. 18 وجاوبوا اليهود وقالوا له أش من إمارة تورينا باش كتعمل هدا الشي؟ 19 جاوب يسوع وقال لهم طيّحوا هدا بيت المقدس وفي تلت ايام نقيّمه. 20 وقالوا اليهود في ستة واربعين عام انبنى هدا بيت المقدس وانت واش في تلت ايام نقيّمه؟ 21 وأمّا هو كان كيتكلّم على بيت المقدس متاع جسده. 22 ومن اين قام من الميتين تفكّروا تلاميذه باين قال هدا الشي وامنّوا بالكتاب والكلام إلّي قاله يسوع.

23 وحين كان في اورشليم في عيد البسيح بالزّاف امنّوا باسمه من اين شافوا الامارات إلّي عملهم. 24 ولاكن يسوع ما امنّ شي نفسه عندهم لانه كان كيصرف الجميع. 25 وما احتاج احد يشهد على بن ادم على حق اش عرف أش كان في بن ادم.

الفصل الثالث

1 كان واحد الرجل من الفرّيسيّين اسمه نيقوديموس، واحد من حكام اليهود. 2 هدا جا لعند يسوع في الليل وقال له: يا الفقيه، كنعرفوا باين انت جييت من عند الله فقيه على حق اش ما يقدر احد يعمل هدا الامارات إلّي كتعملهم انت إذا ما كان شي الله معه. 3 جاوب يسوع وقال له: بالحق بالحق نقول لك إذا ما يتّولد شي الانسان من فوق ما يقدر شي يشوف ملاكة الله. 4 قال له نيقوديموس: كيف يقدر واحد الرجل يتّولد وهو شارف؟ واش يقدر يدخل لكرش أمه المرّة الثانية

ويَتَوَلَّد؟ 5 جابوب يسوع: بالحقّ بالحقّ نقول لك إذا ما يَتَوَلَّد شي الانسان من الما والروح ما يقدر شي يدخل لملاكة الله. 6 اليّ مولود من الجسد هو جسد واليّ مولود من الروح هو روح. 7 لا تتعجّب شي باين قلت لك لازم تتَوَلَّدوا من فوق. 8 الريح كينفخ فاين بغى وتسمع صوته لآكن ما تعرف شي من اين كيحي ولا لاين كيمشي. هكذا كلّ واحد اليّ مولود من الروح.

9 جابوب نيقوديموس وقال له: كيف يقدر يكون هذا الشي؟ 10 جابوب يسوع وقال له: واش انت الفقيه د إسرائيل وما كتعرف شي هذا الشي؟ 11 بالحقّ بالحقّ نقول لك، كنتكلّموا بليّ كنعرفوه وكنشهدوا بليّ شغناه وما كتقبلوا شي شهادتنا. 12 إذا قلت لكم الامور الارضيّين وما امّنتوا شي، كيف تامّنوا إذا قلت لكم الامور السماويّين؟ 13 وحتّى احد ما طلع للسما من غير اليّ نزل من السما، ابن الانسان اليّ هو في السما.

14 وبحال ما علّق موسى الحيّة في الخلا هكذا لازم يتعلّق ابن الانسان 15 باش ما ينهلك شي كلّ واحد اليّ يامّن به لآكن تكون له حياة الاخرة. 16 لآته هكذا حبّ الله الدنيا حتّى اعطى ابنه الوحيد باش ما ينهلك شي كلّ واحد اليّ يامّن به لآكن تكون له حياة الاخرة. 17 لآته ما سيفط شي الله ابنه للدنيا باش يحكم على الدنيا لآكن باش تنجا به الدنيا. 18 اليّ كيامّن به ما ينحكم شي واليّ ما كيامّن شي راه محكوم من حيث ما امّن شي باسم ابن الله الوحيد. 19 وهذا هو الحكم، باين الضوّ جا للدنيا وحبّوا الناس الظلام اكثر من الضوّ على حق اش كلّ واحد اليّ كي عمل السيّات كي بغض الضوّ وما كيحي شي للضوّ باش ما يتوبّخوا شي فعائله. 21 واما اليّ كي عمل الحقّ كيحي للضوّ باش يظهروا فعائله معمولين بالله.

22 وبعد هذا الشي جا يسوع وتلاميذه لبلاد اليهوديّة وبقي معهم تمّ وكان كي عمّد. 23 وكان يوحنا آتيت كي عمّد في عين نون قريب لساليم حيث كان تمّ الما بالزّاف وكانوا كيحيوا وكي تعمّدوا، 24 على حق اش يوحنا كان باقي ما تسيّب في الحبس.

25 ووقعت واحد المجادلة من تلاميذ يوحنا مع اليهود على التطهير. 26 وجاوا لعند يوحنا وقالوا له: يا الفقيه، هداك اليّ كان معك لهيه من الاردن اليّ شهدت له راه كي عمّد والجميع كيحيوا لعنده. 27 جابوب يوحنا وقال: ما يقدر احد يقبض حتّى شي غير إذا اتّعطى له من السما. 28 انتم بروسكم كتشهدوا لي باين قلت ما أنا شي المسيح لآكن أنا مرسل قدّامه. 29 اليّ عنده العروسة هو العريس. واما صاحب العريس اليّ واقف وكيسمعه كيفرح كثير على سبب صوت العريس. على داك الشي فرحتي هذه كملت. 30 هداك واجب يزيد واما أنا واجب ننقص. 31 اليّ كيحي من فوق هو فوق الجميع واليّ من الارض هو ارضي ومن الارض كي تكلم. اليّ كيحي من السما هو فوق الجميع. 32 وداك

الشيء الذي شاف وسمع كيشهد به وشهادته ما كيقبلها احد. 33 والي قبل شهادته هو حق باين الله صادق. 34 على حق اش الذي سيفطه الله كيتكلم بكلام الله، لانه ماشي بالعبر كيغطي الله الروح. 35 الاب كيحب الابن ودفع كل شيء في يده. 36 الي كيامن بالابن عنده حياة الخرة، والي ما كيامن شي بالابن ما يشوف حياة لكن يبقى عليه غضب الله.

الفصل الرابع

1 وحين عرف الرب باين الفريسيين سمعوا باين يسوع كييمل وكيعمد تلاميذ اكثر من يوحنا،
2 واما بالحق يسوع بنفسه ما كان شي كييعد لכן التلاميذ دياله، 3 خلى اليهودية ومشى تاني للجليل. 4 وكان واجب عليه يدوز في السامرة. 5 وجا لواحد المدينة د السامرة مسمية سوخار، قريبة للبلاد الذي اعطاها يعقوب ليوسف ابنه. 6 وكان تم بئر يعقوب. وحيث عبي يسوع في السفر جلس هكدا على البئر، وكانت مقدار الساعة السادسة. 7 وجاءت واحد المرأة من السامرة باش تسقي الماء، وقال لها يسوع: اعطيني نشرب. 8 على حق اش تلاميذه كانوا مشاوا للمدينة باش يشربوا العوين. 9 وقالت له المرأة السامرية: كيف يطلب مني تشرب وانت يهودي وانا امرأة سامرية؟ على حق اش اليهود ما كيتخالطوا شي مع السامريين. 10 جاوب يسوع وقال لها: لو كان عرفت المعطى د الله واشكون هو الذي كيقول لك اعطيني نشرب لو كان طلبت انت منه ويكون اعطاك الماء الحي. 11 قالت له المرأة: يا سيدي، ما عندك حتى شيء باش تسقي والبئر غارق. ومن اين يجيك الماء الحي؟ 12 واش انت اعظم من ابونا يعقوب الذي اعطانا البئر وشرب منه هو واولاده وكسبيته؟ 13 جاوب يسوع وقال لها: كل واحد الذي يشرب من هذا الماء يعاود يعطش، 14 ولاكن الذي يشرب من الماء الذي نعطيه أنا ما يعطش شي ابدًا. لכן الماء الذي نعطي له يولي فيه عين د الماء كتفور لحياة الخرة. 15 قالت له المرأة: يا سيدي، اعطيني هذا الماء باش ما نعطش شي ولا نجي لهذا نسقي. 16 قال لها يسوع: سيدي وعيط لرجلك واجي لهذا. 17 جاوبت المرأة وقالت: ما عندي رجل. قال لها يسوع: مليح ما قلت ما عندي رجل، 18 على حق اش كانوا عندك خمسة د الرجال والذي عندك داب ما هو شيء رجلك. الحق ما قلت. 19 قالت له المرأة: يا سيدي، كنشوف باين انت نبي. 20 جدودنا عبدوا في هذا الجبل وانتم كتقولوا باين في اورشليم الموضع الذي لازم يعبدوا فيه الناس. 21 قال لها يسوع: يا المرأة، صدقني، تجي واحد الساعة فاش لا في هذا الجبل ولا في اورشليم تعبدوا الاب. 22 انتم كتعبدوا الذي ما كتعرفوا شي، اما احنا كنعبدوا الذي كنعرفوه، على حق اش النجا هو من اليهود. 23 ولاكن تجي واحد الساعة وهي داب حين العباد الحقيقيين يعبدوا الاب بالروح والحق، لانه الاب كيفتش على الذي بحال هذو يعبدوه. 24

الله هو روح ، والي كيعبدوه لازم يعبدوه بالروح والحق. 25 قالت له المرأة: أنا كنعرف باين يجي مسيّا الي كيقولوا له المسيح ، وحين يجي هداك هو يخبرنا بكل شي. 26 قال لها يسوع: أنا الي كنتكلم معك أنا هو.

27 داك الوقت جاوا تلاميذه وتعجبوا حيث كيهدر مع واحد المرأة ، ولاكن ما قال احد اش كتبغي أو علاش كتهدر معها. 28 وخلاّت المرأة جنبورتها ومشات للمدينة وقالت للناس: اجيوا تشوفوا واحد الرجل الي قال لي كل ما عملت. واش يقدر يكون هدا هو المسيح؟ 30 وخرجوا من المدينة وجاوا لعنده.

31 في داك الوقت طلبوه تلاميذه وقالوا له: ياالفيقه ، كل. 32 قال لهم: عندي الماكول ما ناكل الي ما كتعرفوه شي انتم. 33 وقالوا التلاميذ مع بعضهم: واش جاب له شي احد ما ياكل؟ 34 قال لهم يسوع: ماکولي هو باش نعمل الخاطر د الي سيفطني ونكمل شغله. 35 واش ما كتقولوا شي باقي اربع سهور عاد يجي الحصاد؟ ها أنا كنقول لكم هزّوا عينيكم وشوفوا الفدادن باين راهم بياضوا بعدللحصاد. 36 والحصاد كيقبض الاجارة وكيجمع الزرع لحياة الاخرة باش يفرحوا الحرّات والحصاد مع بعضهم. 37 لانه في هدا الشي كيصدق القول، واحد كيزرع واخر كيحصد. 38 أنا سيفطتكم تحصدوا الي ما تعبتوا شي فيه. اخرين تعبوا وانتم دخلتوا على تعبهم.

39 وامّنوا به من ديك المدينة بالزّاف من السامريين على سبب كلام المرأة الي شهدت وقالت: قال لي كل ما عملت. 40 وحين جاوا لعنده السامريين طلبوه يبقی عندهم. وبقى تمّ يومين. 41 وامّنوا به ناس اكثر بالزّاف على سبب كلامه. 42 وقالوا للمرأة: ماشي داب على سبب كلامك كناّمنا، على حق اش احنا سمعنا وكنعرفوا باين هدا هو بالتحقيق المسيح منجّي الدنيا.

43 وبعد يومين خرج من تمّ ومشى للجليل. 44 لانه يسوع بنفسه شهد باين واحد النبي ما عنده توقير في بلاده. 45 وحين جا للجليل قبلوه الجليليين على حق اش كانوا شافوا كل ما عمل في اورشليم في العيد، من حيث هم اتيت مشاوا للعيد. 46 وجا يسوع تاني لقانا د الجليل فاين ردّ الما خمر. وكان واحد كبير في المخزن الي ولدّه مريض في كفرناحوم. 47 هدا حين سمع باين يسوع كان جا من اليهودية للجليل مشى لعنده وطلب له يهبط ويشافي ولدّه حيث كان قريب يموت. 48 وقال له يسوع: انتم ما تامّنوا غير اذا شفتوا الامارات والعجائب. 49 والي هو من المخزن قال له: اهبط، يا سيدي، قبل ما يموت ولدي. 50 قال له يسوع: سير، ولدك راه بالروح. وامّن الرجل بالكلمة الي قالها له يسوع ومشى في حاله. 51 وحين كان هابط تلاقاه عبيده وخبروه كيقولوا: ولدك راه بالروح. 52 وسقّصاهم على الساعة فاش بدا يتعافى وقالوا له: البارح في الساعة السابعة طلقته الحمى. 53 وفهم

ابوه باين كان في ديك الساعة فاش قال لهُ يسوع: ولدك راه بالروح، وامن هو وداره كاملة. 54 هده انيت الامارة الثانية الي عملها يسوع حين جا من اليهودية للجليل.

الفصل الخامس

1 ومن مورا هذا الشي كان واحد العيد د اليهود وطلع يسوع لاورشليم. 2 وفي اورشليم حدا باب الغنم كاين واحد الصهريج مسمي بالعبرانية بيت حسدا عنده خمسة د الاقواس. 3 في هده كانوا ناس بالزاف راقدين د المرضى والعمي والعرج والمبطلين كيتسناوا تحريك الما. 4 حيث واحد الملاك كان كينزل بعض المرات في الصهريج ويحرك الما، والي هو الاول بعد تحريك الما كان يبرا من المرض الي فيه كيف ما كان. 5 وكان تم واحد الرجل فيه شي مرض مدة من تمينة وتلاتين سنة. 6 هده سافه يسوع راقد وعرف باين مدة طويلة وهو هكذا وقال لهُ: واش بغيت تبرا؟ 7 جاوبه المريض: يا سيدي، ما عندي احد الي يدخلني في الصهريج حين يتحرك الما، لكن ما حدني ماجي كيهود واحد اخر قدامي. 8 قال لهُ يسوع: قم، ارفد فراشك وسير. 9 وفي الحين برا الرجل ورفد فراشه ومشى. وكان داك النهار السبت.

10 وقالوا اليهود للي تشافى: السبت هدا. ما هو شي حلال ترفد فراشك. 11 جاوبهم: الي شافاني، هو قال لي: ارفد فراشك وسير. 12 وسقصاواه: اشكون هو الرجل الي قال لك: ارفد فراشك وسير؟ 13 واما الي تشافى ما عرف شي اشكون هو، حيث يسوع كان حيد نفسه على حق اش ناس بالزاف كانوا في داك الموضع. 14 بعد داك الشي جبره يسوع في بيت المقدس وقال لهُ: ها انت برييت. لا تعاود شي تدنب عندك يوقع لك ما اقبح من هدا الشي. 15 ومشى الرجل وخبر اليهود باين يسوع هو الي شافاه. 16 على هدا الشي كانوا اليهود كيهرمدوا يسوع وكيفتشوا يقتلوه حيث عمل هده الامور في السبت. 17 وجاوبهم يسوع: ابي كيخدم حتى لداب وانا كنخدم. 18 وعلى هدا الشي كانوا اليهود كيفتشوا اكثر باش يقتلوه، حيث ما حرم شي السبت وكان، لكن قال ثاني الله هو ابوه كيقادد نفسه مع الله.

19 وجاوب يسوع وقال لهم: بالحق بالحق نقول لكم، الابن ما يقدر يعمل حتى شي من نفسه غير الي كيشوف الاب كي عمله. على حق اش كل شي الي كي عمل هو كي عمله الابن كدالك. 20 لانه الاب كيحب الابن وكيوريه كل ما كي عمل هو، وماشي يوريه اعمال اعظم من هده باش تتعجبوا انتم. 21 لانه بحال ما كيقيم الاب الميتين وكيجيبهم هكذا الابن ثاني كيجي الي بغى. 22 على حق اش

الاب ما كيحكم على احد لآكن اعطى الحكم كله للابن. 23 باش يوقروا الجميع الابن بحال ما كيوقروا الاب. الّى ما كيوقر شي الابن ما كيوقر شي الاب الّى سيفطه.

24 بالحق بالحق نقول لكم، الّى كيسمع كلامي وكيامن بالّى سيفطني عنده حياة الآخرة وما

يدخل شي للحكم لآكن داز من الموت للحياة. 25 بالحق بالحق نقول لكم، تجي واحد الساعة وهي دابّ حين يسمعون الميّتين صوت ابن الله والّى يسمعون يحيوا. 26 لآنه كيف الاب عنده الحياة في نفسه كدالك اعطى للابن باش تكون عنده الحياة في نفسه. 27 واعطاه التفويض باش يحكم تاني حيث هو ابن الانسان. 28 لا تتعجبوا شي في هذا الشي، على حق اش تجي واحد الساعة فاش يسمعون جميع الّى هم في القبور صوته، 29 ويخرجوا الّى عملوا الخير للقيامة د الحياة والّى عملوا الشر للقيامة د الحكم. 30 أنا ما نقدر شي نعمل حتّى شي من نفسي. بحال ما كنسمع كنحكم والحكم ديالي حق على حق اش ما كنتش شي على خاطر ديالي لآكن خاطر د الاب الّى سيفطني.

31 إذا كنت كنشهد لنفسي شهادتي ما هي شي حق. 32 الّى كيشهد لي هو واحد آخر وانا

كنعرف باين شهادته الّى كيشدها لي هي حق. 33 انتم سيفطوا ليوحنا وهو شهد للحق. 34 وانا ما كنقبل شهادة من بن آدم، ولاكن كنقول هذا الشي باش تنجاوا انتم. 35 كان هو القنديل المشعول والضاي وانتم بغيتوا تفرحوا في الضو دياله شي ساعة. 36 واما أنا عندي الشهادة الّى اكبر من ديال يوحنا. على حق اش الأعمال الّى اعطاني الاب باش نكملهم هدو الأعمال بانفسهم الّى كنعملهم أنا هم كيشهدوا لي باين الاب سيفطني. 37 والاب بنفسه الّى سيفطني هو شهد لي. ما سمعتوا شي صوته حتّى وقت ولا شفتوا صفته. 38 وما عندكم شي كلامه ثابت فيكم. على حق اش الّى سيفطه ما كتأمّنوا شي به انتم. 39 فتشوا الكتب على حق اش كتظنّوا باين عندكم فيهم حياة الآخرة، وهم الّى كيشهدوا لي. 40 وما بغيتوا شي تجيوا لعندي باش تكون لكم الحياة.

41 التوقير من عند الناس ما كنقبله شي. 42 ولاكن كنعرفكم باين ما عندكم شي محبة الله في

انفسكم. 43 أنا جيت باسم ابي وما كتقبلوني شي. إذا جا واحد آخر باسم نفسه هداك تقبلوه. 44

كيف تقدروا تأمّنوا وانتم كتقبلوا التوقير من بعضكم بعض والتوقير الّى هو من عند الإلاه الواحد ما كتفتشوا شي عليه.

45 لا تظنّوا شي باين انا نشكي بكم للاب. كايين واحد الّى كيشكي بكم وهو موسى الّى به

كترجوا. 46 على حق اش لو كان صدّقوا موسى لو كان صدّقوني حيث هو كتب عليّ. 47 وإذا ما

صدّقوا شي كتبه هو، كيف تصدّقوا كلامي؟

1 من مورا هذا الشي مشى يسوع لهيه من بحر الجليل وهو بحر طبرية. 2 وتبعوه ناس كتار حيث شافوا الامارات الي كان كي عملهم في المرضى. 3 وطلع يسوع لواحد الجبل وجلس تم مع تلاميذه. 4 وكان البيسح عيد اليهود قريب. 5 وهز يسوع عينيه وشاف ناس كتار ماجيين لعنده وقال فيلبس: من اين نشريوا الخبز باش ياكلوا هذو؟ 6 وقال هذا الشي باش يجربه لانه هو عرف اش غادي يعمل. 7 جاوبه فيلبس: ما تكفيهم شي ميتين دينار الخبز باش كل واحد منهم يقبض شواي. 8 قال له واحد من تلاميذه وهو أندراوس اخا سمعان بطرس: 9 هنا واحد الولد عنده خمسة د الخبزات د الشعير وزوج د الحويطات، ولاكن اشنهم هذو لهذا العدد؟ 10 وقال يسوع: جلسوا الناس. وكان في داك الموضع الربيع بالزاف، وجلسوا الرجال وعددهم مقدار خمس الاف. 11 وقبض يسوع الخبزات وشكر واعطى للتلاميذ والتلاميذ فرقوا على الي هم جالسين. وكذلك من الحويطات قد ما بغاوا. 12 وحين شبعوا قال لتلاميذه: اجمعوا الكسور الي شاطوا باش ما يضيع حتى شي. 13 وجمعوا وعمرّوا اطناشر قفة د الكسور من الخمسة د الخبزات د الشعير الي شاطوا على الي اكلوا. 14 ومن اين شافوا الناس الامارة الي عملها يسوع قالوا هذا هو بالتحقيق النبي الي ماجي للدنيا. 15 واما يسوع حين علم باين هم ماشيين يجيوا ويديواه بالدرع باش يعملوه سلطان، مشى تاني للجبل بوحدّه. 16 وحين جات العشية هودوا تلاميذه للبحر. 17 وركبوا في السفينة وكانوا قاطعين البحر لكفرناحوم. وكان طاح الظلام ويسوع باقي ما جا عندهم. 18 وتفرتن البحر بسبب واحد الريح قوي الي كان كينفخ. 19 وحين كانوا قدّفوا مقدار ثلاثة د الاميال أو اربعة شافوا يسوع ماجي على رجليه فوق البحر كيقرب للسفينة وخافوا 20 وقال لهم: أنا هو، لا بخافوا شي. 21 وركبوه في السفينة بالفرحة وفي الحين وصلت السفينة للبلاد الي كانوا ماشيين لها. 22 ولاّ غدا من اين شافوا الناس الي كانوا واقفين من البحر لهيه، عرفوا باين ما كانت سفينة اخرى غير واحدة وهي هديك الي ركبوا فيها تلاميذه وباين يسوع ما ركب شي في السفينة مع تلاميذه لآكن مشاوا تلاميذه بوحدهم. 23 لآكن جاوا سفن من طبرية قريب للموضع فاش اكلوا الخبز حين شكر الرب، 24 ومن اين شافوا الناس باين يسوع ماهو شي تم ولا تلاميذه ركبوا هم تاني في السفن وجاوا لكفرناحوم كيفتشوا على يسوع. 25 وحين صابوه من البحر لهيه قالوا له: يا الفقيه، إمتى جيت لهنّا؟ 26 جاوبهم يسوع وقال: بالحق بالحق نقول لكم، انتم كتفتشوا عليّ ماشي على حق اش شفتوا الامارات لآكن حيث اكلتوا من الخبز وشبعتموا. 27 لا تخدموا شي على الماكول الي يتقاضى لآكن على لماكول الي يبقى لحناة الاخرة الي يعطيكم ابن الانسان لانه هو عرف به الله الاب. 28 وقالوا له: أش

نديروا باش نعملوا أعمال الله؟ 29 جابو يسوع وقال لهم هدا هو عمل الله باين تامنوا بالي سيفطه.
30 وقالوا له: أش من امارة كتعمل باش نشوفوا ونامنوا بك؟ أش كتعمل؟ 31 جدودنا اكلوا المن في
الخلا بحال ما هو مكتوب: اعطاهم خبز من السما باش ياكلوا.

32 وقال لهم يسوع: بالحق بالحق نقول لكم، ماشي موسى الي اعطاكم خبز من السما لآكن
ابي كيعطيكم الخبز الحقيقي من السما. 33 لآئه خبز الله هو الي كينزل من السما وكيعطي الحياة
للدنيا. 34 وقالوا له: يا سيدي، اعطينا هدا الخبز ديما. 35 وقال لهم يسوع: أنا هو خبز الحياة. الي
يجي لعندي ما يجوع شي والي يامن بي ما يعطش شي أبدا. 36 ولاكن أنا قلت لكم شفتوني وما امتنوا
شي بي. 37 جميع الي كيعطيني الاب يجيوا لعندي والي يجي لعندي ما ندحيه شي الكل. 38 على
حق اش أنا نزلت من السما ماشي باش نعمل خاطري لآكن خاطر د الي سيفطني. 39 وهدا هو خاطر
الاب الي سيفطني باين كل ما اعطاني ما ينتلف لي منه حتى شي لآكن نقيمه في النهار الآخر. 40
لآئه هدا هو خاطر د الي سيفطني باين كل واحد الي يشوف الابن ويامن به تكون له حياة الآخرة
وانا نقيمه في النهار الآخر.

41 وكانوا اليهود كيجمعوا عليه حيث قال: أنا هو الخبز الي نزل من السما. 42 وقالوا:
واش ماشي هدا هو يسوع بن يوسف الي كنعرفوا ابوهم وأمه؟ وكيف كيقل داب: أنا نزلت من السما؟
43 وجابو يسوع وقال لهم: لا تجمعوا شي بينتكم. 44 ما يقدر احد يجي لعندي غير إذا جبده
الاب الي سيفطني وانا نقيمه في النهار الآخر. 45 مكتوب في الانبيا: ويكونوا كاملين مفقهين من الله.
وكل واحد الي سمع من الاب وتعلم يجي لعندي. 46 ماشي باين شي احد شاف الاب غير الي هو من
الله، هو شاف الاب. 47 بالحق بالحق نقول لكم الي كيامن بي عنده حياة الآخرة. 48 أنا هو خبز
الحياة. 49 جدودكم اكلوا المن في الخلا وماتوا. 50 هدا هو الخبز الي كينزل من السما باش ياكل منه
الانسان وما يموت شي. 51 أنا هو الخبز الحي الي نزل من السما. إذا اكل شي احد من هدا الخبز
يحيا طول الآخرة، والخبز الي نعطي هو جسدي الي نعطي على حياة الدنيا.

52 وتخاصموا اليهود بينتكم كيقلوا: كيف يقدر هدا يعطينا جسده باش ناكلوه؟ 53 وقال لهم
يسوع: بالحق بالحق نقول لكم إذا ما اكلتوا جسد ابن الانسان وشربتوا دمه ما عندكم حياة فيكم. 54
الي ياكل جسدي ويشرب دمي عنده حياة الآخرة وانا نقيمه في النهار الآخر. 55 على حق اش جسدي
هو مأكول حقيقي ودمي هو شراب حقيقي. 56 الي ياكل جسدي ويشرب دمي يتبث في وانا فيه. 57
بحال ما سيفطني الاب الحي وانا حي بالاب هكدا الي ياكلني هو يحيا بي. 58 هدا هو الخبز الي

نزل من السما، ماشي كيف اكلوا جدودكم المنّ وماتوا، الّتي ياكل هذا الخبز هو يحيا طول الاخرة. 59
قال هذا الشي في الجامع حين كان كيعلّم في كفرناحوم.

60 وبالزّاف من تلاميذه حين سمعوا قالوا: هذا الكلام صعيّب، اشكون يقدر يسمعه؟ 61

وعرف يسوع في نفسه باين بلاميذه كانوا كيجمعجوا على هذا الشي وقال لهم: واش كيعلّركم هذا الشي؟ 62 وإذا شفتوا ابن الانسان طالع فاين كان قبل؟ 63 الروح هو الّتي كيحيي، امّا الجسد ما فيه نفع. الكلام الّتي كنتكلّم معكم به هو روح وحياة، 64 ولاكن كايّنين البعض منكم الّتي ما كيامنوا شي. لانه يسوع من البدو عرف اشكون هم الّتي ما امنوا شي واشكون هو الّتي ماشي يبيعه. 65 وقال: على هذا الشي قلت لكم ما يقدر احد يجي لعندي إذا ما اتّعطى له شي من عند ابي.

66 من داك الوقت رجعوا بالزّاف من تلاميذه للورا وما بقاوا شي يمشيوا معه. 67 وقال يسوع

للطناش: واش حتّى انتم بغيتوا تمشيوا؟ 68 وجاوبه سمعان بطرس: يا ربّ، لعند من نمشيوا؟ كلام حياة الاخرة هو عندك. 69 واحنا امّنا وعرفنا باين انت هو المسيح ابن الله الحيّ. 70 جاوبهم يسوع: واش ماشي انا اخترتكم باطناش وواحد منكم شيطان. 71 قال هذا الشي على يهودا سمعان الإسخريوطي، على حق اش هذا هو الّتي ماشي يبيعه وهو واحد من الطناش.

الفصل السابع

1 ومن مورا هذا الشي كان يسوع كيدور في الجليل، لانه ما بغى شي يدور في اليهوديّة على حق اش اليهود كانوا كيفتّشوا باش يقتلوه.

2 وكان عيد اليهود عيد النواله قريب. 3 وقالوا له اخوته: سير من هنا وامشي لليهوديّة باش يشوفوا تلاميذك تاني اعمالك الّتي كتعمل، 4 لانه حتّى احد ما كيعمل شي حاجة بالتخبية وهو كيبغي يكون ظاهر. إذا كنت كتعمل هدو الامور ظهّر نفسك للدنيا. 5 على حق اش حتّى اخوته ما كانوا شي كيامنوا به.

6 وقال لهم يسوع: وقتي باقي ما جا، ولاكن الوقت ديالكم ديما حاضر. 7 ما تقدر شي الدنيا تبغضكم ولاكن كتبغضني انا على حق اش كنشهد عليها باين اعمالها قباح. 8 اطلعوا انتم لهذا العيد، أنا ما زال ما نطلع لهذا العيد على حق اش وقتي باقي ما كمل. 9 قال لهم هذا الشي وبقي في الجليل. 10 وحين كانوا طلّعوا اخوته داك الوقت طلع هو تاني للعيد ماشي ظاهر لاكن بحال إذا بالتخبية. 11 وكانوا اليهود كيفتّشوا عليه في العيد وكيقولوا: فاين هو هداك؟ 12 وكانت بين الناس

واحد التجمجمة كبيرة عليه ، البعض منهم كيقولوا باين هو رجل مليح ، وشي اخرين قولوا لا ، لآكن كيتلّف الناس ، 13 ولاكن ما كان احد كيتكلّم عليه ظاهر على سبب الخوف من اليهود.

14 ومن اين داز النّص د العيد طلع يسوع لبيت المقدس وكان كيعلّم. 15 وتعجّبوا اليهود

وقالوا: كيف كيعرف هدا الرجل الكتب وهو ما تعلّم شي؟ 16 جاوبهم يسوع وقال: تعليمي ما هو شي ديالي لآكن د الّي سيفطني. 17 إدا بغى شي احد يعمل خاطره، هداك يعرف التعليم واش هو من الله أو كنتكلّم أنا من نفسي. 18 الّي كيتكلّم من نفسه كيبغي المجد لنفسه، وأمّا الّي كيفتّش على المجد د الّي سيفطه هو صادق وما فيه ظلم. 19 واش ما اعطاكم شي موسى الشرع؟ وحتّى احد منكم ما كي عمل بالشرع. علاش كتفتّشوا تقتلونني؟

20 جاوبوا الناس وقالوا: فيك شي جنّ. اشكون كيفتّش يقتلك؟ 21 جاوب يسوع وقال لهم:

عمل واحد عملته وانتم كتتعجّبوا كاملين. 22 على هدا الشي اعطاكم موسى الختانة، ماشي باين هي من موسى لآكن من الجدود، وفي السبت كتختّنوا الانسان. 23 وإدا كان الانسان كيتختّن في السبت باش ما يتبطل شي شرع موسى، واش كتغضبوا عليّ حيت شافيت واحد الانسان كلّ في السبت؟ 24 لا تحكموا شي بالّي كيظهر لآكن احكموا حكم الحقّ.

25 والبعض من اهل أورشليم قالوا: واش ماشي هدا هو الّي كيفتّشوا يقتلوه؟ 26 وها هو

كيتكلّم ظاهر وما كيقولوا له حتّى شي! واش كي عرفوا الحكم بالحقّ باين هدا هو المسيح الحقيقي؟ 27 ولاكن هدا كن عرفوا من اين هو وأمّا المسيح حين يجي ما يعرف احد من اين هو.

28 وبرّح يسوع وهو كيعلّم في بيت المقدس وقال: كتعرفوني وكتعرفوا من اين انا وما جيت شي من نفسي لآكن الّي سيفطني هو حقّ الّي ما كتعرفوه شي انتم. 29 أنا كن عرفه على حقّ اش انا منه وهو سيفطني. 30 وفتّشوا يقبضوه، ولاكن ما نزل احد يده عليه على حقّ اش ساعته كانت باقية ما جات. 31 وأمّنوا به بالزّاف من الناس وقالوا: حين يجي المسيح واش يعمل الامارات اكثر من هدا الّي عملهم هدا؟

32 سمعوا الفرّيسيّين الناس كيجمعوا عليه بهذا الشي وسيفطوا الفرّيسيّين وكبار الكوهنين

المخزنيّة باش يقبضوه. 33 وقال لهم يسوع باقي لي معكم واحد الشواي عاد نمشي لعند الّي سيفطني. 34 ماشيين تفتّشوا عليّ وما تصيبوني شي وفاين نكون انا ما تقدروا شي تجيوا انتم. 35 وقالوا اليهود مع بعضهم لآين عوّال يمشي هدا حتّى ما نصيبوه شي احنا؟ واش هو عوّال يمشي للمشتّين بين

اليونانيّين وبعلمّ اليونانيّين؟ 36 اشنّهو هدا الكلام الّي قال ماشيين تفتّشوا عليّ وما تصيبوني شي وفاين نكون انا ما تقدروا شي تجيوا انتم؟

37 وفي النهار الآخر الكبير في العيد وقف يسوع وبرّح وقال: إذا اعطش شي احد لازم يجي لعندي ويشرب. 38 ألي كيّا من بي كيف قال الكتاب يجربوا من جوفه الويدان د الما الحي. 39 قال هذا الشي على الروح ألي المدمنين به ماشيين ينالوه، على حق اش الروح القدس كان باقي ما انعطى، لأنّه يسوع كان باقي ما تمجّد. 40 وبالزّاف من الناس من اين سمعوا هذا الكلام قالوا: هذا هو النبي بالتحقيق. 41 آخرين قالوا: هذا هو المسيح. واخين قالوا: واش المسيح يجي من الجليل؟ 42 واش ما قال شي الكتاب باين من دريّة داود ومن بيت لحم القرية ألي كان داود فيها يجي المسيح؟ 43 ووقع الفراق بين الناس على سببه. 44 البعض منهم بغاوا يقبضوه ولاكن ما نزل احد يديه عليه.

45 وجاوا المخزنيّة لعند كبار الكوهنين والفريسيين وقالوا لهم هدو: وعلاش ما جبتوه شي؟ 46 وجاوبوا المخزنيّة: عمر شي احد ما تكلم هكدا بحال هذا الانسان. 47 وجاوبوهم الفريسيين: واش حتّى انتم تلفتوا؟ 48 واش امّن به شي احد من الحكّام أو من الفريسيين؟ 49 ولاكن هدو الناس ألي ما كيفهموا شي الشرع هم منعولين. 50 قال لهم نيقوديموس ألي جا لعنّده في الليل وهو واحد منهم: 51 واش شرعنا كيحكم على واحد الانسان ألي ما سمع شي منّه في الأوّل وعرف اش عمل. 52 جاوبوا وقالوا له: واش انت تاني من الجليل؟ فتش وشوف، ما يقوم حتّى نبي من الجليل. 53 ومشى كلّ واحد لداره.

الفصل التامن

1 ويسوع مشى لجبل الزيتون. 2 وفي الصباح بكرى جا تاني لبيت المقدس وجاوا لعنّده الناس كاملين وجلس كيعلّمهم. 3 وجابوا له الكتاب والفريسيين واحد المرأة اتقبضت في الزنا. ومن اين وقّفوها في الوسط 4 قالوا له: يا الفقيه، هذه المرأة اتقبضت في الزنا وهي كتفعل. 5 وموسى في الشرع وصّانا باين ألي بحال هذه تتّرجم. ولاكن اش كتقول انت؟ 6 قالوا هذا الشي كيّجربوه باش تكون عندهم سبة علاش يشكيوا به. وأما يسوع حنى وكان كيكتب باصبعه على الارض. 7 وحين بقاوا كيسقصيواه، وقف وقال لهم: ألي بلا دنوب فيكن يسبق يسيّب عليها حجرة. 8 وحنى عاود تاني وكان كيكتب على الارض. 9 وأما هم حين سمعوا وبّخهم ضميرهم وخرجوا واحد بواحد بداوا من الكبار حتّى للتاليين. وبقي يسوع بوحدّه والمرأة واقفة في الوسط. 10 ومن اين وقف يسوع وما شاف احد غير المرأة، قال لها: يا المرأة، فاين هم هدوك ألي كيشكيوا بك؟ واش ما حكم عليك احد؟ 11 وقالت: حتّى احد، يا سيدي. وقال لها يسوع: حتّى انا ما نحكم شي عليك. سيري ولا تعاودي شي تدنبي.

12 وعاود تكلم معهم يسوع وقال: أنا هو ضوّ الدنيا. الّلي كيتبعني ما يمشي شي في الظلام
لاكن يكون له ضوّ الحياة. 13 وقالوا له الفريسيين: انت كتشهد لنفسك. شهادتك ما هي شي حقّ. 14
جاوب يسوع وقال لهم: بعدما كنشهد لنفسي شهادتي هي حقّ على حقّ اش انا كنعرف من اين جيت
ولاين نمشي. واما انتم ما كتعرفوا شي من اين جيت ولا لاين نمشي. 15 انتم من جهة الجسد
كتحكموا. اما انا ما كنحكم على احد. 16 وادا كنت كنحكم ديالي هو حقّ على حقّ اش ما انا شي
بوحي لاكن انا والاب الّلي سيفطني. 17 وتاني مكتوب في شرعكم باين شهادة زوج د الرجال هي
حقّ. 18 أنا هو الشاهد لنفسي وكيشهد لي الاب الّلي سيفطني. 19 وقالوا له: فاين هو ابوك؟ جاوب
يسوع: انتم ما كتعرفوني لا انا ولا ابي. لو كان عرفتوني لو كان عرفتوا ابي تاني.
20 هذا الكلام قاله يسوع في الخزنه وهو كيعلّم في بيت المقدس. وما قبضه احد على حقّ اش
ساعته باقية ما جات.

21 قال لهم يسوع تاني: أنا ماشي في حالي وتفتشوا عليّ وتموتوا في دنوبكم. فاين نمشي انا
ما تقدروا شي تجيوا انتم. 22 وقالوا لليهود: واش يقتل رأسه حتّى كيقل فاين نمشي انا ما تقدروا
شي تجيوا انتم؟ 23 وقال لهم: انتم من تحت، اما انا من فوق. انتم من هذه الدنيا، اما انا ما انا شي
من هذه الدنيا. 24 على داك الشي قلت لكم انتم تموتوا في دنوبكم، على حقّ اش انا ما تامنوا شي
باين انا هو تموتوا في دنوبكم. 25 وقالوا له: اشكون انت؟ وقال لهم يسوع: أنا هو بحال ما قلت لكم
من البدو. 26 عندي امور بالزّاف الّلي نقولهم ونحكم بهم عليكم، لاكن الّلي سيفطني هو حقّ، وداك
الشي الّلي سمعت منه كنقول له للدنيا. 27 وما فهموا شي باين كان كيهدر معهم على الاب. 28 وقال لهم
يسوع: من اين تعلّقوا ابن الانسان، داك الوقت تفهموا باين انا هو وما كنعمل حتّى شي من نفسي
لاكن كنتكلم بهدو الامور بحال ما علّمني ابي. 29 والّلي سيفطني هو معي وما خلّاني شي الاب بوحي
على حقّ اش انا ديما كنعمل الّلي كيحبه.

30 ومن اين كان كيتكلم بهذا الشي امنوا به ناس كتار. 31 وقال يسوع لليهود الّلي امنوا به:
إدا تبتّوا في كلامي انتم بالحقّ تلاميذي 32 وتعرفوا الحقّ والحقّ يحرّركم. 33 جاوبوه: احنا دريّة
إبراهيم وعمرنا ما كنّا عبيد لاحد. كيف كتقول انت "انتم تتحرّروا"؟ 34 جاوبهم يسوع: بالحقّ بالحقّ
نقول لكم كلّ واحد الّلي كيحمل الدنوب هو عبد الدنوب. 35 والعبد ما يبقّى شي في الدار على الدوام،
اما الابن هو يبقّى على الدوام. 36 وادا حرّركم الابن تكونوا بالحقّ أحرار. 37 أنا عارف باين انتم دريّة
إبراهيم، ولاكن كتفتشوا تقتلونني حيث كلامي ما عنده موضع فيكم. 38 أنا كنتكلم بالّلي شفت عند
ابي، وانتم كتعملوا الّلي شفتوا عند ابوكم. 39 جاوبوا وقالوا له: ابونا هو إبراهيم. قال لهم يسوع: لو

كان كنتوا اولاد إبراهيم لو كان تعملوا اعمال إبراهيم. 40 ولاكن داب كتفتشوا تقتلونني وانا واحد الرجل الي قال لكم الحق الي سمعه من الله. هذا الشي ما عمله شي إبراهيم. 41 انتم كتعملوا اعمال ابوكم. وقالوا له: احنا ما خلقنا شي من الزنا. عندنا ابو واحد وهو الله. 42 وقال لهم يسوع لو كان كان الله ابوكم لو كان تحبوني على حق اش انا خرجت من عند الله وجيت، وما جيت شي من نفسي لآكن هو سيفطني. 43 علاش ما كتفهموا شي كلامي؟ على حق اش ما تقدروا شي تسمعوا قولي. 44 انتم من واحد ابو وهو إبليس وشهوات ابوكم كتبغيووا تعملوهم. هو كان واحد القتال من الاول وما تبت شي في الحق حيث ما فيه حق. من اين كيتكلم بالكدوب كيتكلم بالي هو دباله لانه كدأب وابو الكدأب. 45 واما انا من حيث كنقول لكم الحق ما كتأمنوا شي بي. 46 اشكون منكم كيتببت في الدنوب. وادا كنقول الحق، علاش ما كتأمنوا شي بي؟ 47 الي هو من الله كيسمع لكلام الله. على داك الشي انتم ما كتسمعوا له شي حيث ما انتم شي من الله.

48 وجاوبوا اليهود وقالوا له: واش ما كنقولوا شي مليح باين انت سامري وفيك واحد الجن. 49 جاوب يسوع: ما في جن لآكن كنوقر ابي وانتم كتحقروني. 50 أنا ما كنفتش شي على المجد لنفسي. موجود الي كيفتش وكبحكم. 51 بالحق بالحق نقول لكم ادا كي عمل شي احد بكلامي ما يشوف شي الموت أبدا. 52 وقالوا اليهود: داب عرفنا باين فيك واحد الجن. مات إبراهيم والانبياء، وانت كتقول "اذا كي عمل شي احد بكلامي ما يدوق شي الموت أبدا". 53 واش انت اعظم من ابونا إبراهيم الي مات؟ والانبياء ماتوا. أش كتحسب راسك؟ 54 جاوب يسوع: ادا كنت كنمجد نفسي المجد دبالني حتى شي ما هو. ابي هو الي كيمجدني الي كتقولوا انتم باين هو إلهكم. 55 وما عرفته شي انتم. ولاكن انا كنعرفه، وادا قلت ما كنعرفه شي نكون بحالكم كدأب. لآكن كنعرفه وكنعمل بكلامه. 56 ابوكم إبراهيم فرح يشوف نهاري وشافه ونشط. 57 وقالوا له اليهود: باقي ما عندك حتى خمسين عام وانت واش شفت إبراهيم؟ 58 قال لهم يسوع: بالحق بالحق نقول لكم، قبل ما يكون إبراهيم، أنا كاين. 59 ورفدوا الاحجار باش يرجموه. ولاكن يسوع خفي راسه وخرج من بيت المقدس دايز في وسطهم وهكذا مشى في حاله.

الفصل التاسع

1 ومن اين كان دايز شاف واحد الرجل اعمى من خلوقه. 2 وسقناه تلاميذه كيقلوا: يا الفقيه، اشكون دنب هذا أو والديه حتى خلق اعمى؟ 3 جاوب يسوع: ما دنب لا هذا ولا والديه لآكن

باش يظهروا أعمال الله فيه. 4 واجب عليّ نعمل الأعمال د اليّ سيفطني ما حدّ النهار. يجي الليل حين ما يقدر احد يخدم. 5 ما حدّنا في الدنيا انا هو ضوّ الدنيا.

6 قال هذا الشي وتفل على الارض وصنع من التفل الطين وطلّى عيينين الاعمى بالطين، 7 وقال له: سير تغسل في صهرج سلوام، اليّ تفسيره "مرسول". ومشي وغسل وجا كيشوف. 8 والجيران والي كانوا كيشوفوه قبل باين كان اعمى قالوا: واش ماشي هذا هو اليّ كان كيجلس كيسعى؟ 9 البعض قالوا: هذا هو. واخرين قالوا: كيشبه له. واما هو قال: أنا هو. 10 وقالوا له: كيف انفتحوا لك عينيّك؟ 11 جابوب هو وقال: واحد الرجل كيقلوا له يسوع صنع الطين وطلّى عينيّ وقال لي: سير لصهرج سلوام واغسل. ومشيت وغسلت ووليت كنشوف. 12 وقالوا له: فاين هو؟ قال ما نعرف.

13 والي كان اعمى قبل جابوه لعند الفرّيسيّين. 14 وكان نهار السبت حين صنع يسوع الطين وفتح له عينيّه. 15 وسقّصاواه الفرّيسيّين تاني كيف ولّى بعينيّه. وقال لهم: عمل الطين على عينيّ وغسلت ودابّ كنشوف. 16 وقالوا البعض من الفرّيسيّين: هذا الرجل ما هو شي من الله حيث ما كيوقّر شي السبت. اخرين قالوا: كيف يقدر واحد الرجل مُدّنب يعمل الامارات بحال هدو؟ وكان بينتهم واحد الفراق. 17 قالوا تاني للاعمى: وانت، أش كتقول عليه من حيث فتح لك عينيّك؟ وقال هو نبي. 18 وما صدّقوا شي اليهود من جهته باين كان اعمى وولّى بعينيّه حتّى عيّطوا على الوالدين د اليّ ولّى بعينيّه، 19 وسقّصاوهم وقالوا: واش هذا هو ولدكم اليّ كتقولوا خلق اعمى؟ وكيف دابّ كيشوف؟ 20 جابوبهم والديه وقالوا: كنعرفوا باين هذا هو ولدنا وخلق اعمى. 21 ولاكن كيف كيشوف دابّ ما كنعرفوا شي. أو اشكون اليّ فتح له عينيّه ما كنعرفوا شي. هو كبير السنّ. سقّصاواه وهو يتكلّم على نفسه. 22 قالوا والديه هذا الشي على حق اش خافوا من اليهود، على خاطر اليهود كانوا اتفقوا باين إذا استقرّ شي احد باين هذا هو المسيح يندحى من الجامع. 23 على هذا الشي قالوا والديه: هو كبير السنّ، سقّصاواه.

24 وعيّطوا تاني على الرجل اليّ كان اعمى وقالوا له: اعطي المجد لله، احنا كنعرفوا باين هذا الرجل مُدّنب. 25 وجابوب هو وقال ما كنعرف شي واش هو مدّنب أو لا. ولاكن حاجة واحدة كنعرفها، أنا كنت اعمى ودابّ كنشوف. 26 وقالوا له تاني: أش عمل لك؟ كيف فتح لك عينيّك؟ 27 جابوبهم: دابّ عاد قلت لكم وما سمعتوا شي. علاش بغيتوا تسمعوا عاود؟ واش بغيتوا انتم تاني تولّوا تلاميذه؟ 28 وشتّموا فيه وقالوا: انت تلميذ هداك! واما احنا تلاميذ موسى! 29 احنا كنعرفوا باين موسى تكلم معه الله، واما هذا ما كنعرفوا شي من اين هو. 30 جابوب الرجل وقال لهم: اعجوبة هده

الّي ماكتعرفوا شي من اين هو وهو فتح لي عيني! 31 وكنعرفوا باين الله ما كيستمع شي للمُذنبين. ولاكن إذا كان شي احد كيخاف الله ويعمل خاطره لهداك كيستمع. 32 عمره ما انسمع باين شي احد فتح العينين د واحد الّي خلق اعمى. 33 لو كان ما كان شي هدا من الله لو كان ما يقدر يعمل حتّى شي. 34 جاوبوا وقالوا له: في الدنوب خلقت انت مجموع وانت كتعلمنا؟ ودحاواه على برّا. 35 وسمع يسوع باين دحاواه على برّا وجبره وقال له: واش كتأمن باين الله؟ 36 جاوب هدا وقال: اشكون هو يا سيدي، باش نامن به؟ 37 وقال له يسوع: انت شفّته وهذا هو الّي كيتكلّم معك. 38 وقال: كنأمن يا ربّ. وسجد له.

39 وقال يسوع: على الحكم جيت لهذه الدنيا باش الّي ما كيشوفوا شي يشوفوا والّي كيشوفوا يعمّوا. 40 وسمعوا هدا الشي الّي كانوا معه من الفريسيين وقالوا له: واش احنا تاني عميانين؟ 41 قال لهم يسوع: لو كان كنتوا عميانين ما يكون شي عندكم الدنوب. ولاكن دابّ كتقولوا: احنا كنشوفوا، وعلى داك الشي دنوبكم باقي.

الفصل العاشر

1 بالحقّ بالحقّ نقول لكم، الّي ما يدخل شي من الباب للمراح د الغنم لاكن يطلع من موضع اخر هو سارق وشفّار. 2 ولاكن الّي يدخل من الباب هو الراعي د الغنم. 3 لهذا يفتح البوّاب والغنم تسمع صوته ويعيظ للغنم دياله باسمياتهم ويخرجها. 4 وحين يخرج الغنم دياله يسبق قدامها والغنم تتبعه على حق اش كتعرف صوته. 5 وأما واحد البرّاني ما تتبعه شي لاكن تهرب منه على حق اش ما كتعرف شي صوت البرّانيين. 6 هدا المتال فاه لهم يسوع، ولاكن هم ما فهموا شي اشنهو الّي كان كيتكلّم معهم به.

7 وقال لهم يسوع تاني: بالحقّ بالحقّ نقول لكم، أنا هو باب الغنم. 8 جميع الّي جاوا قبل منّي هم سراق وشفّارة، ولاكن الغنم ما سمعت لهم شي. 9 أنا هو الباب. إذا دخل شي احد بيّ ينجا ويدخل ويخرج ويصيب فاين يرعى. 10 السارق سا كيحي غير باش يسرق ويدبح ويهلك، وأما انا جيت باش بكون لهم الحياة وتكون كثيرة لهم. 11 أنا هو الراعي المليح، والراعي المليح كيغطي نفسه على الغنم. 12 وأما الّي هو مكري وما هو شي الراعي الّي الغنم ما هي شي دياله كيشوف الديب ماجي ويخلي الغنم ويهرب، والديب يخطف الغنم ويشتتها. 13 المكري يهرب على حق اش هو مكري وما كيوالي شي بالغنم. 14 أما انا كنعرف الاب وكنعطي نفسي على الغنم. 16 وعندي غنم اخرى الّي ما هي شي من هدا المراح واجب عليّ يجيبها تاني وتسمع صوتي وتكون قطعة واحدة وراعي واحد. 17

على داك الشي كيحبّني الاب على حق اش كنعطي نفسي باش ناخذها تاني. 18 حتّى احد ما يزولّها لي لآكن نعطيها انا بخاطري. عندي القدرة باش نعطيها وعندي القدرة باش ناخذها تاني. هذه الوصاية قبضتها من عند ابي.

19 ووقع تاني الفراق بين اليهود على سبب هذا الكلام. 20 وقالوا بالزّاف منهم: فيه واحد الجنّ وهو كيهترق. علاش كتتصّنّوا له؟ 21 اآرين قالوا: هذا الكلام ما هو شي ديال واحد المجنون. واش يقدر واحد الجنّ يفتح عينين العميان؟

22 وكان عيد التجديد في أورشليم وكانت الشتوة. 23 وكان يسوع كيتمشّى في بيت المقدس في نباح سليمان. 24 وداروا به اليهود وقالوا له: حتّى لاين وانت تعلّق انفسنا؟ إذا كنت المسيح قلها لنا ظاهر. 25 جاوبهم يسوع: أنا قلت لكم وما كتأمّنوا شي. الاعمال الّتي كنعملهم باسم ابي هم كيشهدوا لي. 26 ولاكن انتم ما كتأمّنوا شي على حق اش ما انتم شي من الغنم دياالي بحال ما قلت لكم. 27 الغنم دياالي كتسمع صوتي وانا كنعرفها وهي كتتبعني. 28 وانا نعطيها حياة الاخرة وما تنهلك شي أبداً ولا يخطفها احد من يدي. 29 ابي الّتي اعطاها لي هو اعظم من الجميع وحتّى احد ما يقدر يخطف من يدّ ابي. 30 أنا والاب واحد.

31 ورفدوا تاني اليهود الاحجار باش يرموه. 32 جاوبهم يسوع: بالزّاف د الاعمال الملاح وريتهم لكم من عند ابي. على مسبّة اش من عمل منهم كترجموني؟ 33 جاوا اليهود كيقلوا: ما كنرجموك شي على شي عمل مليح لآكن على الكفر، وعلى حق اش انت بن ادم وكتعمل نفسك الله. 34 جاوبهم يسوع: واش ما مكتوب شي في شرعكم: “أنا قلت باين انتم إلهات”؟ 35 إذا سمّي هذوك الّتي جاهم كلام الله إلهات، وما يقدر شي يتبطل الكتاب، 36 والّتي قدّسه الاب وسيفطه للعنّيا، واش كتقولوا له: انت كتكفر من حيث قلت: “أنا ابن الله”؟ 37 إذا ما كنعمل شي اعمال ابي لا تآمنوا باين الاب فيّ وانا فيه.

39 وفتّشوا تاني باش يقبضوه وخرج من بين يديهم، 40 ومشى تاني لهيه من الاردن للموضع فاش كان يوحنا كيعمّد في الاول وبقى تمّ. 41 وجاوا لعنّده ناس كتار وقالوا يوحنا ما عمل حتّى إمارة، ولاكن كلّ ما قاله يوحنا على هذا كان حقّ. 42 وبالزّاف آمّنوا به تمّ.

1 وكان واحد الرجل مريض وهو لعازر من بيت عنيا من قرية مريم ومرثا أختها. 2 ومريم الّلي كان اخاها لعازر مريض هي هذه الّلي دهنت الربّ بالطيب ومسحت رجليه بشعرها. 3 وسيفطوا الخواتات لعنّده وقالوا: يا ربّ، الّلي انت كتحبّه راه مريض.

4 ومن اين سمع يسوع قال: هذا المرض ما هو شي للموت لآكن لمجد الله باش يتمجّد به ابن الله. 5 وكان يسوع كىحبّ مرثا واختها ولعازر. 6 وحين سمع باين هو مريض، داك الوقت بقى يومين في الموضع فاش كان. 7 ومن مورا داك الشي قال لتلاميذه: دوزوا نمشيوا لليهوديّة تاني. 8 قالوا له التلاميذ: يا الفقيه، دابّ عاد كانوا اليهود كيفتّشوا يرحموك وتمشي تاني لثمّ؟ 9 جاوب يسوع: واش ما هي شي اطناشر ساعة في النهار؟ إذا كان شي احد كيمشي بالنهار ما يعتر شي حيث كيشوف ضوّ هذه الدنيا، 10 ولاكن إذا كان شي احد كيمشي بالليل يعتر على حق اش ما فيه ضوّ. 11 قال هذا الشي عاد قال لهم: لعازر صاحبنا نعس، لآكن انا نمشي يفيقّه. 12 وقالوا تلاميذه: يا ربّ، إذا نعس راه يبرا. 13 وكان يسوع كيتكلّم على موته، وهم ظنّوا باين تكلم على الراحة د النعاس. 14 داك الوقت قال لهم يسوع ظاهر: لعازر مات. 15 وانا كنفرح على سببكم الّلي ما كنت شي تمّ باش تآمنوا. ولاكن دوزوا نمشيوا لعنّده. 16 وتوما الّلي كيقولوا له التوام قال للتلاميذ اخوته: نمشيوا احنا تاني باش نموتوا معه.

17 ومن اين جا يسوع صابّه كان في القبر اربع ايام. 18 وكانت بيت عنيا قريبة لأورشليم مقدار زوج الاميال. 19 وكانوا بالزّاف د اليهود جاوا لعند مرثا ومريم باش يعزيّوهم في اخاهم. 20 وحين سمعت مرثا بالمجي د يسوع تعرّضت له وآمّا مريم بقات جالسة في الدار. 21 وقالت مرثا ليسوع: يا ربّ، لو كان كنت هنا لو كان ما مات شي اخي. 22 لآكن حتّى دابّ انا كنعرف باين كلّ ما يطلب من الله يعطيه لك الله. 23 قال لها يسوع: افاك يقوم. 24 قالت له مرثا: أنا كنعرف باين يقوم في القيامة في النهار الاخر. 25 قال لها يسوع: أنا هو القيامة والحياة، الّلي آمنّ بي بعدما مات يحيا. 26 وكلّ واحد الّلي هو حيّ وآمنّ بي ما يموت شي أبداً. واش كتآمنّ بهذا الشي؟ 27 قالت له: إيّه، يا ربّ، أنا كآمنّ باين انت المسيح، ابن الله الّلي كان ماجي للدنيا.

28 ومن اين قالت هذا الشي مشات وعيّطت لمريم اختها بالتخبيعة وقالت: الفقيه راه جا وهو كيغيّط عليك. 29 وهي من اين سمعت ناضت دغيا وجات لعنّده. 30 وكان يسوع باقي ما جا للقرية لآكن كان في الموضع فاين تعرّضت له مرثا. 31 واليهود الّلي كانوا معها في الدار كيغزيّوها حين شافوا مريم ناضت دغيا وخرجت، تبعوها كيقولوا: هي ماشية للقبر باش تبكي تمّ. 32 ومريم من اين جات

للموضع فاين كان يسوع وشافته طاحت عند رجله وقالت له: يا رب، لو كان كنت هنا لو كان ما مات شي اخي. 33 وحين شافها يسوع كتبكي واليهود الي جاوا معها كيبكيوا تنهد في الروح وتشوش 34 وقال: فاين عملتوه؟ قالوا له: يا رب، اجي تشوف. 35 بكى يسوع. 36 وقالوا لليهود: شوفوا كيف حبه. 37 وقالوا البعض منهم: واش ما قدر شي هذا الي فتح عينين الاعمى يجعل هذا ثاني ما يموت شي؟

38 وتنهد ثاني يسوع في نفسه وجا للقبر. والقبر كان واحد الكهف ومنزلة عليه حجرة. 39 قال يسوع: حيدوا الحجرة. قالت له مرثا اخت المييت: يا رب، راه خنز على حق اش هذه له اربع ايام. 40 قال لها يسوع: واش ما قلت لك شي اذا امنت تشوفي مجد الله؟ 41 وحيدوا الحجرة على الموضع فاين كان المييت منزل وهز يسوع عينيه لفوق وقال: يا الاب، كنشرك على حق اش سمعت لي. 42 وانا عرفتك كتسمع لي ديما، ولاكن على مسبة هذو الناس الي واقفين قلتها باش يامنوا باين انت سيفطتني. 43 ومن اين قال هذا الشي، عيط بصوت عالي: لعازر، اخرج! 44 وخرج المييت يديه ورجليه مربوطين بالكفن ووجهه ملوي يواحد الفوطه. وقال لهم يسوع: حلوه وخليواه يمشي.

45 وبالزاف من اليهود الي جاوا لعند مريم وشافوا الي عمل يسوع امنوا به. 46 واما البعض منهم مشاوا لعند الفرّيسييين وخبروهم بالي عمل يسوع. 47 وجمعوا كبار الكوهنين والفرّيسييين واحد الجماعة وقالوا: اش ماشيين نعملوا؟ على حق اش هذا الرجل كي عمل امارات بالزاف. 48 اذا خليناه هكدا يامنوا به الناس كاملين ويجيوا الرومانييين ويزولوا لنا موضعنا وجنسنا. 49 وقال لهم واحد منهم، وهو قيافا، كان كبير الكوهنين في داك العام: انتم ما كتعرفوا حتى شي. 50 وما كتحسبوا شي باين احسن لنا يموت رجل واحد على الناس ولا ينهلك الجنس كله. 51 وما قال شي هذا الشي من نفسه لاكلن حيث كان كبير الكوهنين داك العام كاشف على يسوع باين ماشي يموت على الجنس، 52 وماشي على الجنس وكان، لاكلن ثاني باش يجمع في واحد اولاد الله الي هم مستتتين.

53 ومن داك النهار تشاوروا باش يقتلوه. 54 وما بقى شي يسوع كيمشي بين اليهود ظاهر لاكلن مشى من تم للبلاد الي قريبة للخلا لواحد المدينة مسمية افرايم وبقى تم مع تلاميذه.

55 وكان بسيج اليهود قريب، وطلعوا ناس كتار من البلادات لأورشليم قبل البسيح باش يطهروا انفسهم. 56 وكانوا كيفتشوا على يسوع وكيقولوا بينتهم وهم واقفين في بيت المقدس: اش ظهر لكم، واش هو ما يجي شي للعيد؟ 57 وكانوا اعطاوا كبار الكوهنين والفرّيسييين التنبيه اذا عرف شي احد فاين هو يخبر به باش يقبضوه.

- 1 وقبل البسيح بستّ أيام جا يسوع لبيت عنيا فاين كان لعازر الّي كان مات الّي قيّمه من الميّتين. 2 وعملوا له تمّ العشا، وكانت مرثا ككتسخّر واما لعازر كان واحد من الّي جالسين معه. 3 وقبضت مريم رطل من الطيب د السنبل صافي غالي بالزّاف ودهنت يسوع ومسحت رجليه بشعرها، وتعمّرت الدار بريحة الطيب. 4 ويهودا سمعان الإسخريوطي واحد من تلاميذه الّي كان ماشي يبيعه قال: 5 علاش ما انباع شي هذا الطيب بتلت مية دينار وانعطى للمساكين؟ 6 قال هذا الشي ماشي على حق اش كان يبالي بالمساكين لآكن حيت كان سارق والصندوق عنده وهو كيرفد الّي تسبّب فيه. 7 وقال يسوع: خلّيوها. هي عملت هذا الشي لنهار الدفين ديالي. 8 على حق اش المساكين معكم ديما، واما انا ما انا شي معكم ديما.
- 9 وناس كتار من اليهود عرفوه تمّ وجاوا ماشي على سبب يسوع وكان لآكن باش يشوفوا تاني لعازر الّي قيّمه من الميّتين. 10 وتشاوروا كبار الكوهنين باش يقتلوا لعازر تاني، 11 على حق اش بالزّاف د اليهود على مسبّته كانوا كيمشيوا ويأمّنوا بيسوع.
- 12 ولاّ غدا سمعوا الناس كلّهم الّي جاوا للعيد باين يسوع ماجي لأورشليم، 13 وقبضوا جريد النخل وخرجوا يتعرّضوا له وكانوا كيغيّطوا: أوصنا، مبروك هو الّي ماجي باسم الربّ سلطان إسرائيل. 14 وجبر يسوع واحد الدحش وركب عليه بحال ما هو مكتوب: 15 لا تخافي شي، يا بنت صهيون، راه سلطانك ماجي راكب على دحش الحمار. 16 وهذو الامور ما فهموهم شي تلاميذه في الاول، ولاكن حين تمجّد يسوع داك الوقت تفكّروا باين هذا الشي كان مكتوب عليه وباين عملوا له هذا الشي. 17 والناس الّي معه كانوا كيشهدوا باين عيّط على لعازر من القبر وقيّمه من الميّتين. 18 على هذا الشي تاني تعرّضوا له الناس على حق اش سمعوا باين محل هذه الامارة. 19 وقالوا الفرّيسيّين بينتهم: شوفوا. راكم ما كتصلحوا حتّى لشي. ها هي الدنيا مشات من موراها.
- 20 وكانوا شي ناس يونانيّين من الّي طلّعو يعبدوا في العيد. 21 وجاوا هذو لعند فيلبّس الّي هو من بيت صيدا د الجليل وطلبوا كيقلّوا: يا سيدي، بغينا نشوفوا يسوع. 22 وجا فيلبّس وقالها لأندروس وأندروس وفيلبّس خبروا يسوع. 23 واما يسوع جاوبهم وقال: جات الساعة باش يتمجّد اين الانسان. 24 إدا كان شي احد كيخدمني لازم يتبعني وفاين نكون انا عبدي يكون تمّ أنّيت. وإدا كان شي احد كيخدمني يعزّه الاب. 27 دابّ عاد تشوّشت نفسي. أش ماشي نقول؟ يا الاب، نجّيني من هذه الساعة، ولاكن على مسبّة هذا الشي جيت لهذه الساعة. 28 يا الاب، مجدّ اسمك. وجا واحد الصوت من السما وقال: مجدّته ونمجّده تاني. 29 والناس الّي كانوا واقفين وسمعوا قالوا: تكلمّ الرعد.

واخرين قالوا: تكلم معه شي ملاك. 30 جاوب يسوع وقال: ماشي على مسبتي انا جا هدا الصوت
 لائن على مسبتكم. 31 داب الحكم د هذه الدنيا. داب يندحي رايس هذه الدنيا. 32 وانا ادا تعلقت
 فوق الارض نجبد لعندي الجميع. 33 قال هذا الشي كينعت كيفاش تكون الموت الي ماشي يموتها.
 34 وجاوبوا الناس: احنا سمعنا من الشرع باين المسيح يبقى ديما، وكيف كنتقول انت واجب على ابن
 الانسان يتعلق؟ اشكون هو هذا ابن الانسان؟ 35 قال لهم يسوع: باقي الضو معكم مدة قليلة. امشيوا ما
 حد الضو عندكم باش ما ينزل شي عليكم الظلام، والي كيمشي في الظلام ما كيغرف شي لائن كيمشي.
 36 ما حد الضو عندكم امنوا بالضو باش توليوا اولاد الضو. تكلم يسوع بهذا الشي ومشى وخفى راسه
 عليهم.

37 وبعدهما كان عمل قدامهم هذه قوّة الامارات ما امنوا شي به. 38 باش ينكمل قول إشعيا
 النبي الي قال: يا رب، اشكون تاق بخبرنا ولمن تبين دراع الرب؟ 39 على داك الشي ما قدروا شي
 يامنوا، على حق اش إشعيا قال ثاني: 40 هو اعمى لهم عينيهم وغلظ لهم قلوبهم باش ما يشوفوا شي
 بعينيهم ويفطنوا بقلوبهم ويرجعوا وانا يشافهم. 41 قال إشعيا هذا الشي حين شاف مجده وتكلم عليه.
 42 ولاكن بعدما وقع داك الشي، امنوا به بالزاف من الحكام ثاني واما هم على سبب الفريسيين ما
 استقروا شي به لا يندحاوا من الجامع. 43 على حق اش حبوا العزّ د الناس اكثر من العزّ د الله.
 44 وبرح يسوع وقال: الي كيامن بي ما كيامن شي بي لائن بالي سيفطني، 45 والي
 كيشوفني كيشوف الي سيفطني. 46 انا جيت ضو للدنيا باش كل واحد الي يامن بي ما يبقى شي في
 الظلام. 47 وادا سمع شي احد كلامي وما امن شي انا ما نحكم شي عليه، على حق اش ما جيت شي
 باش نحكم على الدنيا لائن باش ننجي الدنيا. 48 الي حقرني وما قبل شي كلامي عنده الي يحكم
 عليه، الكلام الي تكلمت به هو يحكم عليه في النهار الاخر. 49 على حق اش انا ما تكلمت شي من
 نفسي لائن الاب الي سيفطني هو اعطاني الوصاية اش نقول وباش نتكلم. 50 وانا كنعرف باين
 وصايته هي حياة الاخرة، والامور الي كنتكلم بهم بحال ما قال لي الاب هكدا كنتكلم.

الفصل التلّطاش

1 أما يسوع قبل من عيد البسيح وهو عارف باين ساعته جات باش يمشي من هذه الدنيا لعند
 الاب حيث كان حب ديالّه الي في الدنيا حبهم حتى للتمام، 2 ومن اين كانوا كيتعيش “وا وكان
 الشيطان عمل في قلب يهودا سمعان الإسخريوطي باش يبيعه. 3 يسوع وهو عارف باين الاب كان دفع
 كل شي في يديه وباين من عند الله خرج ولعند الله يمشي. 4 قام من العشا وزول حوايجّه وقبض واحد

الفوطه وتحزّم بها. 5 داك الوقت كبّ الما في الطاس وبدا يغسل رجلين التلاميذ ويمسحهم بالفوطه الّلي كان محزّم بها. 6 وجا لعند سمعان بطرس وقال له هداك: يا ربّ، واش انت تغسل لي رجلي؟ 7 جاوب يسوع وقال له: ما كتعرف شي انت دابّ اش كنعمل ولاكن من مورا هدا الشي تفهم. 8 قال له بطرس: ما تغسل لي شي رجليّ ابدًا. جاوبه يسوع: إذا ما نغسلك شي ما عندك نصيب معي. 9 قال له سمعان بطرس: يا ربّ، ماشي رجليّ وكان لاكن حتّى يدّي وراسي. 10 قال له يسوع: الّلي انغسل ما يحتاج شي يغسل غير رجليه لاكن هو طاهر كلّهُ. وانتم طاهرين ولاكن ماشي كلّكم. 11 لانه عرف الّلي ماشي يبيعه، على داك الشي قال ما انتم شي كلّكم طاهرين.

12 وحين كان غسل لهم رجليهم ورفد حوايجهُ وجلس تاني، قال لهم: واش فهمتوا الّلي عملت لكم؟ 13 انتم كتعيطوا لي الفقيه والربّ ومليح ما كتقولوا على حق اش هكداك انا. 14 وإذا انا الّلي ربّ وفقيه غسّلت لكم رجليكم واجب عليكم انتم تغسلوا الرجلين د بعضكم 15 على حق اش اعطيتكم واحد المتال باش تعملوا انتم تاني بحال ما عملت انا لكم. 16 بالحقّ بالحقّ يقول لكم، العبد ما هو شي اكثر من سيده ولا المرسول اكثر من الّلي سيفطهُ. 17 إذا عرفتوا هدا الشي راكم مبروكين إذا عملتوه. 18 ما كنتكلم شي عليكم كاملين. انا كنعرف الّلي اخترت، لاكن باش يوفى الكتاب، الّلي كياكل معي الخبز هزّ عليّ قدمه. 19 كنقول لكم دابّ قبل ما يكون باش حين يكون تامنوا باين انا هو. 20 بالحقّ بالحقّ نقول الّلي يقبل الّلي نسيفطهُ كيقلني، والّلي يقبلني كيقل الّلي سيفطني.

21 ومن اين قال يسوع هدا الشي تشوّشت روحه وشهد وقال: بالحقّ بالحقّ نقول لكم واحد منكم ما شي يبيعي. 22 وكانوا التلاميذ كيشوفوا شي في شي كيشكّوا على من كيتكلم. 23 وكان متكيّ على صدر يسوع واحد من تلاميذه الّلي كان كيحبّه يسوع، 24 وشار له سمعان بطرس باش يسقّصيه اشكون هو هدا الّلي تكلم عليه. 25 واتكّا هدا على صدر يسوع وقال له: يا ربّ، شكون هو؟ 26 جاوب يسوع هو هدا الّلي نغمّس الشدق ونعطيه له. وغمّس الشدق واعطاه ليهودا سمعان الاسخريوطي. 27 ومن مورا الشدق دخل فيه الشيطان. وقال له يسوع: الّلي تعملهُ اعملهُ دغيا. 28 ولاكن ما فهم احد من الّلي جالسين علاش تكلم معه بهذا الشي. 29 على حق اش البعض حيث كان الصندوق عند يهودا ظلّوا باين يسوع قال له: اشري الّلي نحتاجوه للعيد، أو يعطي شي حاجة للمساكين.

30 وهو من اين قبض الشدق خرج في الحين، وكان الليل. 31 ومن اين خرج قال يسوع: دابّ عاد تمجّد ابن الانسان وتمجّد الله فيه. 32 إذا كان الله تمجّد فيه الله ماشي يمجّدهُ في نفسه ويمجّدهُ دغيا. 33 يا اولادي، انا باقي معكم واحد الشواي. ماشيين تفتّشوا عليّ وبحال ما قلت لليهود فاين نمشي انا ما تقدروا شي تجيوا انتم هكدا كنقول لكم دابّ. 34 واحد الوصاية جديدة نعطيها لكم باين

تَحَبُّوا بعضكم بعض، بحال ما حَبَّيتكم انا تَحَبُّوا انتم تاني بعضكم بعض. 35 بهذا الشي يعرفوا الناس كاملين باين انتم تلاميذي إذا كانت عندكم المحبة مع بعضكم.

36 قال له سمعان بطرس: يا رب، لاين تمشي؟ جاوبه يسوع: فاين نمشي انا ما تقدر شي تتبعني داب، نسبل نفسي عليك. 38 جاوبه يسوع: واش تسبل نفسك علي. بالحق بالحق نقول لك، ما يادّن الفروج حتى تنكرني ثلاثة د المرات.

الفصل الاربعطاش

1 لا يتشوشوا شي قلوبكم. انتم كتامنوا بالله، امّنوا تاني بي. 2 في دار ابي كاينين القصور بالزّاف. لو كان ما كانوا شي لو كان قلت لكم. أنا ماشي باش نوجد لكم واحد الموضع. 3 وإذا مشيت ووجدت لكم الموضع نعاود نجي ونديكم لعندي باش فاين نكون انا تكونوا انتم تاني. 4 وتعرفوا لاين انا ماشي وتعرفوا الطريق. 5 قال له توما: يا رب، ما كنعرفوا شي لاين انت ماشي وكيف نقدرنا نعرفوا الطريق؟ 6 قال له يسوع: أنا هو الطريق والحق والحياة، حتى احد ما يجي لعند الاب من غير بي. 7 لو كان عرفتوني لوكان عرفتوا ابي تاني. ومن داب تعرفوه وبالحق شفتوه. 8 قال له فيلبس: يا رب، وري لنا الاب ويكفيينا. 9 قال له يسوع: هذه المدة وانا معكم وما عرفيني شي، يا فيلبس؟ الي شافني شاف الاب وكيف كنتقول انت: وري لنا الاب؟ 10 واش ما كتامن شي باين انا في الاب والاب في؟ الكلام الي كنتكلم معكم به ما كنتكلم شي به من نفسي لכן الاب الي ساكن في هو كاعمل الاعمال. 11 صدقوني باين انا في الاب والاب في. أو صدقوني على سبب الاعمال بانفسهم. 12 بالحق بالحق نقول لكم الي كيامن بي، الاعمال الي كنعملهم انا يعملهم هو تاني ويعمل اكبر من هدو على حق اش انا ماشي لعند ابي. 13 وكل ما تطلبوا باسمي نعمله باش يتمجد الاب في الابن. 14 إذا طلبتوا شي حاجة مني باسمي، أنا نعملها.

15 إذا كتحبوني اعملوا وصاياتي. 16 وانا نطلب من الاب وهو يعطيكم واحد المعاون اخر باش يبقي معكم ديمًا. 17 وهو روح الحق الي ما تقدر شي الدنيا تقبله على حق اش ما كتشوفه شي ولا كتعرفه، واما انتم كتعرفوه لانه ساكن معكم ويكون فيكم. 18 ما نخليكم شي يتامى. أنا نجي لعندكم. 19 بافي واحد الشواي والدنيا ما تشوفني شي عاود واما انتم تشوفوني. من حيث انا حي انتم تحي وا تاني. 20 في داك النهار تعرفوا باين انا في ابي وانتم في وانا فيكم. 21 الي عنده وصاياتي وكيعمل بهم هو الي كيحبني، والي كيحبني يحبه ابي وانا نحبه ونظهر له نفسي.

22 قال له يهوذا، ماشي الإسخريوطي: يا رب، أش وقع حتّى تظهر نفسك لنا وما تظهرها شي للدنيا؟ 23 جابوب يسوع وقال له: إذا حبّني شي احد يعمل بكلامي ويحبّه ابي ونجّيو لعنّده ونسكنوا معه. 24 الّٰي ما كيحبّني شي ما يعمل شي بكلامي، والكلام الّٰي كتسمعوه ما هو شي ديالي لآكن د الاب الّٰي سيفطني. 25 قلت لكم هذا الشي وانا باقي معكم، 26 واماّ المعاون، الروح القدس، الّٰي ماشي سيفطه الاب بامسي هو يعلمكم كلّ شي ويفكركم بكلّ ما قلت لكم.

27 السلام نخليه لكم، سلامي نعطيكم لكم، ماشي بحال ما كتعطي الدنيا يعطيكم انا. لا يتشوّشوا شي قلوبكم ولا يخافوا. 28 سمعتوا باين قلت لكم انا نمشي ونعاود نجي لعندكم. لو كان حبّيتوني لو كان فرحتوا على حق اش قلت لكم انا ماشي لعند الاب، لآنه ابي اعظم مّني. 29 وقلت لكم دابّ قبل ما يكون باش حين بكون تامّنا. 30 ما يعاود شي نتكلّم معكم بالزّاف على حق اش راييس هذه الدنيا ماجي وما عنده حتّى شي فيّ، 31 ولاكن باش بفهم الدنيا باين انا كذحبّ الاب وبحال ما وصّاني الاب هكدا كنعمل. نوضوا، نمشيو من هنا.

الفصل الخمسطاش

1 أنا هو الدالية الحقيقية وابي هو الربّاع. 2 كلّ غصن فيّ الّٰي ما كيجيب شي الغلّة يزولّه، وكلّ غصن الّٰي كيجيب الغلّة ينقيّه باش يجيب الغلّة اكثر. 3 انتم دابّ نقيّين على سبب الكلام الّٰي تكلّمت معكم به. 4 اتبتوا فيّ وانا فيكم. بحال الغصن ما يقدر شي يجيب الغلّة من نفسه إذا ما تبت شي في الدالية كدالك انتم تاني إذا ما تبتوا شي فيّ. 5 أنا هو الدالية وانتم الاغ صان. الّٰي يتبت فيّ وانا فيه هداك يجيب الغلّة بالزّاف على حق اش بلا بيّ ما تقدروا شي تعملوا حتّى شي. 6 إذا كان شي احد ما يتبت فيّ يتسيّب على برّا بحال الغصن ويببس ويجمعوه ويسيبّوه في العافية وينحرق. 7 إذا تبتوا فيّ وتبت كلامي فيكم تطلبوا الّٰي بغيتوا ويكون لكم. 8 بهذا الشي يتمجّد ابي باين تجيبوا الغلّة بالزّاف وتكونوا تلاميذي. 9 بحال ما حبّني الاب هكدا حبّيتكم انا، اتبتوا في محبّتي. 10 إذا عملتوا وصاياتي تتبتوا في محبّتي بحال ما عملت انا وصايات ابي وكنّتبت في محبّته. 11 تكلّمت معكم بهذا الشي باش تكون الفرحة ديالي فيكم وتنكمل فرحتكم.

12 هذه هي وصايتي باين تحبّوا بعضكم بعض كيف حبّيتكم انا. 13 حتّى احد ما عنده المحبّة اكثر من هذه حتّى يسبّل نفسه على اصحابه. 14 انتم اصحابي إذا تعملوا الّٰي وصّيتكم به. 15 ما نعاود شي نسّمّيك عبيد لآنه العبد ما كيعرف شي اش كي عمل سيده، لآكن انا سمّيتكم اصحاب على حق اش خبرتكم بكلّ شي الّٰي سمعت من عند ابي. 16 انتم ما اخترتوني شي لآكن انا اخترتكم

وعَيَّنْتَكُمْ باش تمش وا وتجيبيوا الغلّة وتدوم غلّتكم باش يعطيكم الاب كلّ ما طلبتوا باسمي. 17 بهذا الشي كنوصيّكم باش تحبّوا بعضكم بعض.

18 إذا كانت الدنيا كتبغضكم، اعرّفوا باين هي بغضتني قبل ما بغضتكم. 19 لو كان كن توا من الدنيا لو كان الدنيا تحبّ اليّ هم ديالها، ولاكن من حيث ما انتم شي من الدنيا لاكن انا اخترتكم من الدنيا على داك الشي كتبغضكم الدنيا. 20 تفكّروا الكلام اليّ قلّته لكم: العبد ما هو شي اكر من سيّدّه. إذا مرمدوني انا يمرمدوكم انتم تاني، وإذا عملوا بكلامي يعملوا بكلامكم تاني. 21 لاكن هدا الشي كلّّه يعملوه بكم على سبب اسمي لانه اليّ سيفطني ما كيغرفوه شي. 22 لو كان ما جيت شي وتكلّمت معهم ما يكون عندهم دنوب، لاكن دابّ ما عندهم عدر على دنوبهم. 23 اليّ كييغضني كييغض ابي تاني. 24 لو كان ما عملت شي في وسطهم الاعمال اليّ ما عملهم احد من غيري ما يكون عندهم دنوب، لاكن دابّ شافوا وبغضوني انا وابي. 25 لاكن باش يوفى الكلام اليّ مكتوب في شرعهم، بغضوني بلا سبب.

26 وحين يجي المعاون اليّ ماشي نسيّفطه لكم انا من عند الاب، روح الحقّ، اليّ من عند الاب كيخرج، هو يشهد لي، 27 وتشهدوا انتم تاني على حق اش كن توا معي من البدو.

الفصل السطّاش

1 تكلّمت معكم بهذا الشي باش ما تعتروا شي. 2 يدحوكم من الجوامع وتجي الساعة اليّ فيها يظنّ كلّ واحد اليّ يقتلكم باين كيخدم شي خدمة لله. 3 ويعملوا بكم هدا الشي على حق اش ما عرفوا شي الاب ولا عرفوني. 4 لاكن تكلّمت معكم بهذا الشي باش من اين تجي الساعة تتفكّروا باين انا قلّته لكم، وهذا الشي ما قلّته لكم شي من البدو على حق اش كنت معكم. 5 ولاكن دابّ انا ماشي لعند اليّ سيفطني وحتّى احد منكم ما كيسقّصيني لايّن تمشي. 6 لاكن من حيث قلت لكم هدا الشي الغبينة عمّرت قلوبكم. 7 لاكن نقول لكم الحقّ، احسن لكم نمشي، على حق اش إذا ما مشيت شي ما يجيكم شي المعاون، ولاكن إذا مشيت نسيّفطه لكم. 8 وحين يجي هو يوبّخ الدنيا على الدنوب وعلى التقوى وعلى الحكم. 9 على الدنوب على حق اش ما كيامنّوا شي بيّ 10 وعلى التقوى على حق اش انا ماشي لعند ابي وما تشوفوني شي تاني، 11 وعلى الحكم على حق اش وايس هده الدنيا انحكم. 12 ما زالين عندي أمور بالزّاف ما نقول لكم ولاكن ما تقدروا شي تحملوهم دابّ. 13 ولاكن حين يجي روح الحقّ هو يجودّكم لجميع الحقّ على حق اش ما يتكلّم شي من نفسه لاكن كلّ ما يسمع يتكلّم به ويخبركم بالامور الما جيين. 14 هو يمجدني على حق اش يقبض من دياالي ويخبركم به. 15

كلّ شيّ اليّ هو د الاب هو د يالي، على داك الشي قلت يقبض من د يالي ويخبركم. 16 بعد واحد الشواي ما تشوفوني شي، وبعد واحد الشواي تاني تشوفوني على حق اش انا ماشي لعند الاب. 17 وقالوا شي من تلاميذه مع بعضهم: اشنهو هدا الشي اليّ كيقول لنا، "بعد واحد الشواي ما تشوفوني شي وبعد واحد الشواي تاني تشوفوني وعلى حق اش انا ماشي لعند الاب؟" 18 وقالوا: اشنهو هدا الشواي اليّ كيقول، ما كنعرفوا شي اش كيقول. 19 وعرف يسوع باين كانوا كيحبوا يسقص واه وقال لهم: واش على هدا الشي كتسولوا بين تكم على حق اش قلت "بعد واحد الشواي ما تشوفوني شي وبعد واحد الشواي تاني تشوفوني؟" 20 بالحق بالحق نقول لكم انتم ماشيين تبكيوا وتنوحوا والدنيا تفرح. انتم تتغبّونوا ولاكن غبينتكم تولي فرحة. 21 المرأة وهي كتولد كتتبغّب على حق اش ساعتها جات، ولاكن حين تولد واحد الولد ما تعاود شي تتفكر الضيق على سبب الفرحة لانه انزاد واحد الانسان في الدنيا. 22 وهكذا انتم داب عندكم الغبينة، ولاكن نشوفكم تاني ويفرحوا قلوبكم وما يزول بكم احد فرحتكم. 23 وفي داك النهار ماتسقصيوني حتّى على شي. بالحق بالحق نقول لكم كلّ ما تطلبوا من عند الاب باسمي يعطيه لكم. 24 لداب ما طلبتوا حتّى شي باسمي، اطلبوا وتقبضوا باش تكون فرحتكم كاملة. 25 تكلمت معكم بهذا الشي بالمتلات ولاكن تجي واحد الساعة حين ما نتكلّم شي معكم تاني بالمتلات لاكن نخبركم على الاب ظاهر. 26 في داك النهار تطلبوا باسمي، وما كنقول لكم شي انا نطلب الاب على سببكم، 27 لانه الاب بنفسه كيحبكم على حق اش حبّيتوني وامّنتوا باين انا خرجت من عند الله. 28 خرجت من عند الاب وجيت للدنيا وتاني نخلي الدنيا ونمشي لعند الاب.

29 قالوا له تلاميذه: ها انت داب كتتكلم ظاهر وما كتقول حتّى متلة. 30 داب كنعرفوا باين انت عارف كلّ شي وما كتححتاج يسقصيك احد، على داك الشي كناّمنا باين انت خرجت من عند الله. 31 جاوبهم يسوع: واش داب كتامّنا؟ 32 واحد الساعة راها تجي وجات داب فاش تتشتّوا كلّ واحد لذياله وتخليوني وحدي. وانا ما انا شي وحدي على حق اش الاب معي. 33 تكلمت معكم بهذا الشي باش يكون عندكم في السلام. في الدنيا تكونوا في الضيق لاكن كونوا هانيين، انا غلبت الدنيا.

الفصل السبعطاش

1 تكلم يسوع بهذا الشي وهزّ عينيه للسما وقال: يا الاب، جات الساعة. مجدّ ابنك باش يمجّدك ابنك تاني 2 حيت اعطيته القدرة على بن ادم كلّ باش يعطي حياة الاخرة لكلّ واحد اليّ اعطيته له. 3 وهذه هي الحياة الاخرة باين يعرفوك انت الإله الحقيقي وحدك ويسوع المسيح اليّ

سيفطته. 4 أنا مجدتك على الارض، الشغل الي اعطيتني نعمله كملته. 5 وداب مجدني انت، يا الاب، عند نفسك بالمجد الي كان عندي معك قبل ما كانت الدنيا.

6 أنا ظهرت اسمك للناس الي اعطيتني من الدنيا. كانوا دياك واعطيتهم لي وهم عملوا بكلامك. 7 وداب عرفوا باين كل ما اعطيتني هو من عندك، 8 على حق اش الكلام الي اعطيتني اعطيته لهم وهم قبلوه وعرفوا بالتحقيق باين انا خرجت من عندك وامنوا باين انت سيفطتني. 9 عليهم انا كنطلب؛ ما كنطلب شي على الدنيا لآكن على الي اعطيتني على حق اش هم دياك. 10 وجميع الي هو دياي هو دياك، والي هو دياك هو دياي وانا تمجدت فيهم. 11 وانا ما انا شي باقي في الدنيا واما هدو راهم في الدنيا وانا ماجي لعندك. يا الاب، القدوس احضي في اسمك هدو الي اعطيتني باش يكونوا واحد كيف احنا واحد. 12 حين كنت معهم في الدنيا كنت كنحضيهم في اسمك، الي اعطيتني حضيتهم وما انهلك منهم احد غير ابن الهلاك باش يوفى الكتاب. 13 لآكن داب انا ماجي لعندك، وكنتكلم بهذا الشي في الدنيا باش تكون عندهم فرحتي مكمولة فيهم. 14 أنا اعطيتهم كلامك والدنيا بغضتهم على حق اش ما هم شي من الدنيا كيف انا ما انا شي من الدنيا. 15 ما كنطلب شي باش تدبهم من الدنيا لآكن باش تحضيهم من القبيح. 16 ما هم شي من الدنيا بحالي ثاني ما انا شي من الدنيا. 17 قدسهم في حقك، كلامك هو حق. 18 بحال ما سيفطتني للدنيا هكدا انا ثاني سيفطتهم للدنيا، 19 وعلى سببهم كنقدس نفسي باش يكونوا هم ثاني مقدسين في الحق.

20 وما كنطلب شي على هدو وكان لآكن ثاني على الي يامنوا بي بكلامهم 21 باش يكونوا كاملين واحد كيف انت، يا الاب، في وانا فيك باش يكونوا هم ثاني واحد فينا باش تآمن الدنيا باين انت سيفطتني. 22 وانا اعطيتهم المجد الي اعطيتني باش يكونوا واحد كيف احنا واحد. 23 أنا فيهم وانت في باش يكونوا مكمولين في واحد وباش تعرف الدنيا باين انت سيفطتني وحببت هم كيف حببتني. 24 يا الاب، بغيت هدو الي اعطيتني يكونوا معيافين نكون انا باش يشوفوا المجد دياي الي اعطيتني على حق اش حببتني قبل من خلق الدنيا. 25 يا الاب التآقي، الدنيا ما عرفت ك شي، لآكن انا عرفتك وهدو عرفوا باين انت سيفطتني. 26 وعرفتهم باسمك ونعرفهم به باش تكون فيهم المحبة الي حببتني بها ونكون انا فيهم.

الفصل الثمنطاش

1 قال يسوع هذا الكلام وخرج مع بلاميذه وقطع واد قدرون فاين كان واحد الجنان ودخل له هو وتلاميذه. 2 وكان يهودا الي باعه كي عرف الموضع، على حق اش يسوع جمع تم بالزاف د المرات

مع تلاميذه. 3 وادى يهودا واحد الطابور د العسكر والمخزنية من عند كبار الكهنيين والفريسيين وجا لتّم بالفنارات والمشاعل والسناح. 4 وخرج يسوع وهو عارف بكلّ ما يوقع له وقال لهم: على من كتفتشوا؟ 5 جاوبوه: على يسوع الناصري. قال لهم يسوع: أنا هو. وكان يهودا ثاني اليّ باعه واقف معهم. 6 ومن اين قال لهم "أنا هو" رجعوا للورا وطاحوا على الارض. 7 وعاود سقّصاهم: على من كتفتشوا؟ وقالوا: على يسوع الناصري. 8 وجاوب يسوع: أنا قلت لكم باين انا هو. وإذا كتفتشوا عليّ خليوا يمشيوا في حالهم. 9 باش يوفى القول اليّ قاله: اليّ اعطيتني ما وضّرت منهم احد.

10 وسمعان بطرس كان عنده واحد السيف وسلّهُ وضرب عبد كبير الكهنيين وقطع له أدنّه اليمنى، وكان اسم العبد ملّخس. 11 وقال يسوع لبطرس: ردّ سيفك لجواه. الكاس اليّ اعطاني الاب واش ما نشره شي؟ 12 داك الوقت الطابور والقايد والمخزنية د اليهود قبضوا يسوع وكتّفوه 13 وادّاواه لعند حنّان في الاول حيث كان نسيب قيافا اليّ كان كبير الكهنيين في داك العام. 14 وكان قيافا هو اليّ نصّح اليهود باين احسن يموت رجل واحد على الناس.

15 وكان سماعيل بطرس والتلميذ الاخر كيتبعوا يسوع، وكان داك التلميذ معروف عند كبير الكهنيين ودخل مع يسوع لدار كبير الكهنيين. 16 وأمّا بطرس كان واقف في الباب على برّا. وخرج التلميذ الاخر اليّ كان معروف عند كبير الكهنيين وتكلّم مع البوّابة ودخل بطرس. 17 قالت المتعلّمة البوّابة لبطرس: واش ماشي انت ثاني من تلاميذ هذا الرجل؟ قال هو: لا، ماشي انا. 18 وكانوا العبيد والمخزنية واقفين وهم ساعلين العافية، على حق اش كان البرد وكانوا كيسخنوا وبطرس واقف معهم كيسخن.

19 وسقّصى كبير الكهنيين يسوع على تلاميذه وعلى تعليمه. 20 جاوبه يسوع: أنا تكلّمت مع الدنيا ظاهر، أنا علّمت كلّ وقت في الجامع وفي بيت المقدس فاين كينجمعوا لليهود ديما، وفي التخبيعة ما قلت حتّى شي. 21 علاش كتسفصيني انا، سقّصي اليّ سمعوني باش تكلّمت معهم، راهم كيعرفوا اش قلت. 22 ومن اين قال يسوع هذا الشي، طرشه واحد من المخزنية اليّ كان واقف وقال: واش هكدا كتجاوب كبير الكهنيين. 23 جاوبه يسوع: إذا تكلّمت قبيح، اشهد بالقباحة، وإذا تكلّمت مليح، علاش كتضربني؟ 24 وسيفطه حنّان مكّتّف لعند قيافا كبير الكهنيين.

25 وسمعان بطرس كان واقف كيسخن، وقالوا له: واش ما انت شي ثاني من تلاميذه؟ ونكر وقال: لا، ماشي انا. 26 قال واحد من عبيد كبير الكهنيين وهو نسيب اليّ قطع له بطرس أدنّه: واش ما شفت ك شي انا معه في الجنان؟ 27 ونكر بطرس ثاني، وفي الحين ادّن الفروج.

28 وادّأوا يسوع من عند قيافا لدار المخزن، وكان الصباح بكري، وما دخلوا شي هم لدار المخزن باش ما يتّنجسوا شي ويأكلوا البيسح. 29 وخرج بيلاطس لعندهم وقال: أش من شكوى كتجيبوا على هذا الرجل؟ 30 جاوبوا وقالوا له: لو كان ما كان شي فاعل الشرّ لو كان ما دفعناه لك شي. 31 وقال لهم بيلاطس: ادّيواه انتم واحكموا عليه بشرعكم. وقالوا له اليهود: ما هو شي حلال علينا نقتلوا احد. 32 باش يوفى قول يسوع اليّ قاله كينعت كيفاش تكون الموت اليّ ماشي يموتها. 33 ودخل بيلاطس تاني لدار المخزن وعييط ليسوع وقال له: واش انت هو سلطان اليهود؟ 34 جاوبه يسوع: واش من نفسك كتقول هذا الشي أو اخرين قالوا لك عليّ؟ 35 جاوبه بيلاطس: واش انا يهودي؟ جنسك وكبار الكوهنين دفعوك لي. أش عملت؟ 36 جاوب يسوع: الملاكة دياالي ما هي شي من هذه الدنيا. لو كان كانت ملاكتي من هذه الدنيا لو كان المخزنية دياالي يضاربوا باش ما نندفع شي لليهود ولاكن دابّ ملاكتي ماهي شي من هنا. 37 وقال له بيلاطس: واش انت بعد سلطان؟ جاوب يسوع: انت كتقول باين انا سلطان. لهذا الشي اتولدت انا ولهذا الشي جيت للدنيا باش نشهد للحق. كلّ واحد اليّ هو من الحق يسمع صوتي. 38 قال له بيلاطس: اشنّهو الحق؟ ومن اين قال هذا الشي خرج تاني لعند اليهود وقال لهم: أنا ما صبت فيه حتّى عيب. 39 ولاكن عدنكم القاعدة باش نطلق لكم واحد في البيسح. واش بغيتوني نطلق لكم سلطان اليهود؟ 40 وغوتوا تاني كاملين وقالوا: ماشي هذا لاكن باراباس. وكان باراباس واحد الشفّار.

الفصل التسعطاش

1 وداك الوقت قبض بيلاطس يسوع وعصّاه. 2 وضفروا العسكر واحد التاج من الشوك وعملوا على رأسه ولبسوا له كسوة ملوكية، 3 وكانوا كيقولوا: السلام عليك، يا سلطان اليهود. وكانوا كيطرشوه. 4 وخرج بيلاطس تاني على برّا وقال لهم: ها انا نخرّجه لكم باش تعرفوا باين انا ما صبت فيه حتّى عيب. 5 وخرج يسوع على برّا لابس التاج د الشوك والكسوة الملوكية، وقال لهم بيلاطس: ها هو الرجل. 6 ومن اين شافوه كبار الكوهنين والمخزنية غوتوا وقالوا: صلّبه، صلّبه! قال لهم بيلاطس: ادّيواه انتم وصلّبوه على حق اش انا ما صبت فيه عيب. 7 جاوبوه اليهود: عندنا واحد الشرع وبشرعنا واجب عليه يموت على حق اش عمل نفسه ابن الله. 8 وحين سمع بيلاطس هذا الكلام زاد خاف. 9 ودخل تاني لدار المخزن وقال ليسوع: من اين انت؟ وأمّا يسوع ما جاوبه شي. 10 وقال له بيلاطس: ما تهدر شي معي؟ واش ما كتعرف شي باين عندي القدرة باش نصلّبك والقدرة باش نطلقك؟ 11 جاوب يسوع: ما تكون عندك قدرة عليّ بالكلّ لو كان ما اتعطت لك من فوق. على داك الشي اليّ

دفعني لك عنده دنوب اكثر. 12 من داك الوقت كان بيلاطس كيفتش كيف يطلقه ولاكن اليهود غوتوا
كيقولوا: إذا طلقت هذا، ما انت شي صاحب قيصر. كل واحد الي كي عمل نفسه سلطان كيضاد قيصر.
13 ومن اين سمع بيلاطس هذا الكلام خرج يسوع وجلس على الكرسي د الحكم في واحد
الموضع كيقولوا له "الترصيف" وبالعبرانية "جباثا". 14 وكان توجيد البيسح وكانت مقدار الساعة
السادسة، وقال لليهود: ها هو سلطانكم. 15 وغوتوا: اديه، اديه، صلبه. قال لهم بيلاطس: واش
نصلب سلطانكم؟ جاوبوا كبار الكوهنين: ما عندنا سلطان غير قيصر. 16 وداك الوقت دفعه لهم باش
يتصلب.

وقبضوا يسوع وادواوه. 17 وخرج وهو رافد صليبه للموضع الي مسمي موضع الجمجمة
وبالعبرانية كيقولوا له "جلجثة" 18 فاين صلبوه وصلبوا زوج اخرين معه، واحد من هذه الجهة والآخر
من هذه الجهة ويسوع في الوسط. 19 وكتب بيلاطس شي كتابة وعملها على الصليب. وكانت
مكتوبة: يسوع الناصري سلطان اليهود. 20 وقرأوا هذه الكتابة بالزاف د اليهود على حق اش الموضع
فاش تصلب يسوع كان قريب للمدينة. وكانت مكتوبة بالعبرانية واليونانية واللاتينية. 21 وقالوا كبار
الكوهنين د اليهود لبيلاطس: لا تكتب شي "سلطان اليهود" لكن اكتب "هو قال: انا سلطان
اليهود". 22 جاوب بيلاطس: الي كتبت راني كتبت. 23 والعسكر حين كانوا صلبوا يسوع رقدوا
كسوته تاني. وكانت القشابة بلا خياطة مخدومة من فوق لتحت. 24 وقالوا مع بعضهم: ما نقطعوها
شي لآكن نضربوا عليها العود دمن تكون. باش يوفى الكتاب الي قال: قسموا كسوتي بينتهم وعلى
اللباس ديالي ضربوا العود. والعسكر عملوا هذا الشي.

25 وكانوا واقفين حدا صليب يسوع أمه واخت أمه مريم امرأة كلوبا ومريم المجدلية. 26 ومن
اين شاف يسوع أمه والتلميذ الي كان كحببه واقف قال لأمه: يا المرأة، راه ابنك. 27 وقال للتلميذ: را
هي أمك. ومن ديك الساعة اداها التلميذ لداره.

28 من مورا هذا الشي عرف يسوع باين كل شي كمل وباش يوفى الكتاب قال: أنا عطشان.
29 وكان واحد الماعون منزل معمر بالخل. وعمروا شي جفافة بالخل وعملوها على قسبة لفمه. 30 ومن
اني قبض يسوع الخل قال: انكمل. وحنى رأسه ودفع روحه.

31 ومن اين كانوا كيوجدوا باش ما يبقاوا شي الاجساد على الصليب في السبت على حق اش
داك السبت كان كبير اليهود، طلبوا لبيلاطس باش يتهرسوا رجليهم ويترقدوا. 32 وجاوا العسكر
وهرسوا الرجلين د الاول ود الآخر الي تصلبوا معه. 33 وأما يسوع من اين جاوا لعنده ما هرّسوا له شي
رجليه على حق اش شافوه مات. 34 لآكن واحد من العسكر تقب له جنبه بالحربة وفي الحين خرج

الدمّ والمّا. 35 والّي شاف شهد وشهادته هي حقّ وهو كي يعرف باين كي يقول الحقّ باش تأمّنوا انتم. 36 على حق اش هدا الشي وقع باش يوفى اكتاب الّي قال: حتّى عظم ما يتهرّس منه. 37 وتاني كي يقول كتاب اخر: يشوفوا في الّي تقبوه.

38 ومن مورا هدا الشي يوسف الّي من الرامة وهو تلميذ يسوع ولاكن بالتخبيعة على سبب الخوف من اليهود طلب ببيلاطس باش يدّي جسد يسوع، وأدّنه ببيلاطس وجا وادّي جسد يسوع. 39 وجا تاني نيقوديموس الّي جا في الاوّل لعند يسوع في الليل وهو رافد واحد الرزمة د المرّ والعود مقدار قنطار. 40 وادّوا جسد يسوع وكفنوه بالكفن والحنوط بحال ما هي القاعدة عند اليهود باش كيكنّوا. 41 وكان في الموضع الّي تصلّب فيه واحد الجنان وفي الجنان واحد القبر جديد عمره ما اندفن فيه احد. 42 وتمّ نزلوا يسوع على سبب توجيد اليهود لانه القبر كان قريب.

الفصل العشرين

1 ونهار الاحد جات مريم المجدليّة للقبر بكري باقي الظلام وشافت الحجرة محيّدّة على القبر. 2 وجرات وجات لعند سمعان بطرس ولعند التلميذ الاخر الّي كان سيوع كيحبّه وقالت لهم: ادّوا الربّ من القبر وما عرفنا شي فاين حطّوه. 3 وخرج بطرس والتلميذ الاخر وجاوا للقبر. 4 وكانوا بزوج كيحبروا. وسبق التلميذ الاخر بطرس وجا هو الاوّل للقبر 5 وحنى وشاف الكفن منزل ولاكن هو ما دخل شي. 6 وجا سمعان بطرس اتّبعه ودخل للقبر وشاف الكفن منزل 7 والفوطه الّي كانت على راسه ما هي شي منزلة مع الكفن لاكن مطويّة في موضع اخر وحدها. 8 وداك الوقت دخل تاني التلميذ الاخر الّي جا هو الاوّل للقبر وشاف وامّن. 9 على حق اش ما زالين ما عرفوا الكتاب باين واجب عليه يقوم من الميّتين. 10 ومش وا التلاميذ تاني لدارهم.

11 امّا مريم كانت واقفة حدا القبر على برّا كتبكي. وهي كتبكي حنات على القبر 12 وشافت زوج د الملايكة بكساوي بويض جالسين واحد عند الراس والاخر عند الرجلين فاين كان جسد يسوع منزل. 13 وقالوا لها: يا المرأة، علاش كتبكي؟ قالت لهم: على حق اش ادّوا ربّي وما كنعرف شي فاين حطّوه. 14 وحين قالت هدا الشي دارت للورا وشافت يسوع واقف وما عرفت شي باين هو يسوع. 15 قال لها يسوع: يا المرأة، علاش كتبكي؟ على من كتفتّش؟ وظنّنت باين هو الربّاع وقالت له: يا سيدي، ادا رفته انت قول لي فاين حطّيته وانا ندّيه. 16 قال لها يسوع: يا مريم. ودارت هي وقالت له: ربّوني الّي تفسيره: يا الفقيه. 17 قال لها يسوع: لا تمسّيني شي على حق اش انا باقي ما

طلعت لعند ابي ، ولاكن سيري لعند اخوتي وقولي لهم انا طالع لعند ابي وابوكم وإلاهي وإلاهم. 18
وجات مريم المجدلية وخبرت التلاميذ باين شافت الربّ وباين قال لها هذا الشي.
19 وداك النهار في العشيّة وهو نهار الاحد من اين كانوا التلاميذ مجموعين والبيبان مشدودين
على سبب الخوف من اليهود جا يسوع ووفق في الوسط وقال لهم: السلام عليكم. 20 وحين قال هذا
الشي ورّاهم يديّه وجنبّه. وفرحوا التلاميذ من اين شافوا الربّ. 21 وقال لهم يسوع تاني: السلام
عليكم. بحال ما سيفطني الاب هكدا كنسيفطكم انا. 22 ومن اين قال هذا الشي ، نفخ وقال لهم: خدوا
الروح القدس. 23 اليّ تغفروا لهم دنوبهم راهم اتغفروا لهم ، والّي تخل وا عليهم دنوبهم واهم تخلّوا.
24 لاكن توما واحد من الطناش اليّ كيقولوا له التوام ما كان شي معهم حين جا يسوع. 25
وقالوا له التلاميذ الاخرين: شفنا الربّ. وقال لهم: إذا ما شفت في يديّه اتر المسامير وعملت اصبعي في
اتر المسامير وعملت يديّ في جنبّه ما نامن شي.
26 ومن مورا تمن ايام كانوا تلاميذه تاني لداخل وتوما معهم. وجا يسوع والبيبان مشدودين
ووقف في الوسط وقال: السلام عليكم. 27 داك الوقت قال لتوما: مدّ اصبعك لهنّا وشوف يديّ ومدّ يدك
وعملها في جنبي ولا تكون شي مشكاك لاكن كون مأمّن. 28 جاوب توما وقال له: ربّي وإلاهي. 29
قال له يسوع: انت امّنت، يا توما، حيث شفّتي. مبروكين اليّ امّنوا وهم ما شافوا شي.
30 وامارات اخرين بالزّاف عملهم يسوع قدام تلاميذه اليّ ما هم شي مكتوبين في هذا الكتاب.
31 واما هدا انكتبوا باش تامّنوا باين يسوع هو المسيح ابن الله وباش تكون لكم إذا امّنتوا الحياة باسمه.

الفصل الواحد وعشرين

1 من مورا هدا الشي ظهر تاني يسوع نفسه للتلاميذ حدا بحر طبريّة. ظهر هكدا. 2 كانوا
مجموعين سمعان بطرس وتوما اليّ كيقولوا له التوام ونثناييل اليّ هو من قانا د الجليل واولاد زبدي
وزوج اخرين من تلاميذه. 3 قال لهم سمعان بطرس: انا نمشي نصيّد الحوت. قالوا له: نمشوا احنا
تاني معك. وخرجوا ودخلوا للسفينة في الحين وفي ديك الليلة ما قبضوا حتّى شي. 4 ومن اين صبح
الحال وقف يسوع على الشطّ. ولاكن التلاميذ ما عرفوا شي باين هو يسوع. 5 وقال لهم يسوع: يا
اولادي، واش عندكم ما تاكلوا؟ جاوبوه: لا. 6 وقال لهم: سيّبوا الشبكة على الجنب اليمين د السفينة
وتصيّبوا. وسيّبوها وما قدروا شي عاود يجبدوها من كثرة الحوت. 7 وقال داك التلميذ اليّ كان يسوع
كيحبّه لبطرس: هو الربّ. ومن اين سمع سمعان بطرس باين هو الربّ تلوى في كسوّته لآته كان عريان
وسيّب رأسه في البحر. 8 واما التلاميذ الاخرين جاوا في السفينة على حق اش ما كانوا شي بعاد من

البرّ غير مقدار ميّتين دراع وهم كيجرّوا الشبكة د الحوت. 9 ومن اين خرجوا للبرّ شافوا تمّ الجمر شاعل والحوت منزلّ عليه والخبز. 10 قال لهم يسوع: جيبوا من الحوت اليّ قبضتوا دابّ عاد. 11 وطلع سمعان بطرس وجبد الشبكة للبرّ معمرة بالحوت كبير، مية وتلاتة وخمسين، وبعدما كان هذا العدد ما تقطعت شي الشبكة. 12 قال لهم يسوع: اجيوا تتغدّوا. وما زعم احد من التلاميذ يسقّصيه: اشكون انت، على حق اش عرفوه الربّ. 13 وجا يسوع قبض الخبز واعطاهم وكذاك الحوت. 14 هذه هي المرّة الثالثة اليّ ظهر يسوع لتلاميذه من مورا ما قام من الميّتين.

15 ومن مورا ما تغدّوا قال يسوع لسمعان بطرس: يا سمعان بن يونا، واش كتحبّني اكثر من هدو؟ وقال له: إيّه، يا ربّ، انت كتعرفني كحبّك. قال له: رعّي خرفاني. 16 عاود قال له المرّة الثانية: يا سمعان بن يونا، واش كتحبّني؟ وقال له: إيّه، يا ربّ، انت كتعرفني كحبّك. قال له: رعّي غنمي. 17 قال له المرّة الثالثة: يا سمعان بن يونا، واش كتحبّني؟ وتغيّر بطرس من حيث قال له المرّة الثالثة "واش كتحبّني" وقال له: إيّه، يا ربّ، انت كتعرف كلّ شي. كتعرفني كحبّك. قال له: رعّي غنمي. 18 بالحقّ بالحقّ نقول لك من اين كنت صغير كنت كتحرّم لراسك وتمشي فاين ما بغيت. ولاكن حين تكون شارف تمدّ يديك وواحد اخر يحزّم لك ويرفدك فاين انت ما تبغي شي. 19 قال هذا الشي كينعت كيفاش تكون الموت اليّ ماشي يمجّد الله بها. ومن اين قال هذا الشي قال له: اتبعني. 20 ودار بطرس وشاف التلميذ اليّ كان يسوع كيحبّه كيتبعه وهو تاني اليّ اتكّا على صدره في العشا وقال: يا ربّ، اشكون هو اليّ ماشي يبيعك؟ 21 ومن اين شافه بطرس قال ليسوع: يا ربّ، وهذا، اش ماشي يكون له؟ 22 قال له يسوع: إذا بغيتّه يبقّى حتّى نجي، اش كماك؟ اتبعني انت. 23 وشاع هذا الكلام بين الخوت باين داك التلميذ ما يموت شي. ولاكن ما قال له شي يسوع ما يموت شي، لاكن "إذا انا بغيتّه يبقّى حتّى نجي، اش كماك؟"

24 هذا هو التلميذ اليّ كيشهد بهذا الشي وكتب هذا الشي. وكنعرفوا باين شهادته هي حقّ.

25 وكاينين امور اخرين بالزّاف اليّ عملهم يسوع إذا انكتب كلّ واحد منهم كنظنّ باين الدنيا بنفسها ما ترفد شي الكتب اليّ ينكتبوا. امين.

أعمال الرُّسل

الفصل الأوّل

1 الكلام الأوّل كتبته ، يا ثاوفيلس ، على جميع الّتي بدا يسوع كيعلّمه ويعلم به 2 حتّى للنهار الّتي اترفع فيه من مورا ما وصّى بالروح القدس الرسل الّتي اختارهم. 3 الّتي ورّاهم تاني نفسه حتّى ببالزاف د الإمارات محقّقين من مورا ما تعدّب وهو كيظهر لهم أربعين يوم وكيتركّم على أمور ملاكة الله. 4 ومن اين كان هو مجموع معهم وصّاهم: ما تمشيوا شي من أورشليم لآكن تسنّوا القول د الاب الّتي سمعته منّي. 5 لأنّه يوحنا عمّد بالما واما انتم ماشيين تتعمّدوا بالروح القدس من داب شي أيّام قليلة. 6 وهم حين كانوا مجموعين سقّصاواه وقالوا: يا ربّ ، واش في هذا الوقت تردّ الملاكه لإسرائيل؟ 7 وقال لهم: ما انعطى لكم شي تعرفوا الزمانات والأوقات الّتي عملهم الاب في يده. 8 لآكن انتم ماشيين تنالوا القوّة حين ينزل عليكم الروح القدس وتكونوا لي شهود في أورشليم وفي كلّ اليهوديّة والسامرة وحتّى للطرف الآخر في الدنيا.

9 وحين قال هذا الشي اترفع وهم كيشوفوا. ورفدّته واحد السحابة من قدّام عينيهم. 10 ومن اين كانوا كيحقّقوا في السما وهو ماشي ، ها زوج د الرجال وقفوا حداهم بكساوي بويض 11 وقالوا: يا الرجال الجليليين ، ما لكم واقفين كتشوفوا في السما؟ هذا يسوع الّتي اترفع عليكم للسما غادي يجي هكدا بحال ما سفتوه ماشي للسما. 12 داك الوقت رجعوا لأورشليم من الجبل الّتي مسمّى جبل الزيتون الّتي هو قريب لأورشليم بسفر السبت. 13 ومن اين دخلوا طلّعوا للغرفة الّتي كانوا نازلين فيها بطرس ويعقوب ويوحنا وأندراوس وفيلبس وتوما وبرثولماوس ومثّى ويعقوب بن حلفى وسمعان الغيور ويهوذا اخا يعقوب. 14 هدو كاملين كانوا براي واحد كيداوموا على الصلاة والطلب مع النسا ومريم أم يسوع ومع اخوته.

15 وفي ديك الأيام ناض بطرس في وسط التلاميذ ، وكان عدد الاسميّات المجموعين مقدار مية وعشرين ، وقال: 16 يا الرجال الخوت ، كان واجب يوفى هذا الشي الّتي مكتوب الّتي قاله الروح القدس قبل بقمّ داود على يهوذا الّتي ولّى كوّاد للّي قبضوا يسوع. 17 من حيث كان معدود معنا وحاز حقّه في هذه الخدمة. 18 وهذا شرى واحد الفدّان بإجارة الظلم وبالطيحة الّتي طاح على وجهه انشقّ من الوسط وانهرقوا مصارثه كلّهم. 19 وولّى داك الشي معروف عند جميع سكّان أورشليم حتّى تسمّى داك الفدّان بلغتهم "حقّل دما" يعني فدّان الدّم. 20 على حق اش مكتوب في كتاب المزامير: تولّى دارّه خربة وما يسكن فيها احد والمرتبة دياله ياخذها واحد آخر. 21 ومن هدو الرجال الّتي اتّجمعوا معنا الوقت كلّه

فاش كان الربّ يسوع كيمشي ويجي في وسطنا 22 من معموديّة يوحنا حتّى للنهار فاش اترفع علينا، واجب يولّي واحد منهم شاهد معنا بقيامته. 23 وعيّنوا زوج: يوسف اليّ مسمّي بارسابا اليّ مكّني يوستس ومتّياس. 24 وصلّوا وقالوا: يا الربّ العالم على قلوب الجميع، وري لنا اشكون في هدو الزوج اليّ اخترته 25 باش يقبض حقّه في هذه الخدمة والرسالة اليّ طاح منها يهوذا باش يمشي لموضعه. 26 وضربوا العود وجا العود في متّياس وانحسب مع الحشاش د الرّسل.

الفصل الثاني

1 وحين وصل يوم الخمسين كانوا كاملين مجموعين براي واحد. 2 وفي الحين وقع واحد الصوت من السما بحال ما كينفخ شي ريح قوي وعمّر البيت كلّّه فاين كانوا جالسين. 3 وظهروا لهم لُسُن مقسومين بحال لسن العافية ونزل على كلّ واحد منهم. 4 وتعمّروا كاملين بالروح القدس وبدّوا يتكلّموا بلُسُن آخرين بحال ما أعطاهم الروح باش يتكلّموا.

5 وكانوا شي يهود رجال تقيين من كلّ جنس تحت السما ساكنين في أورشليم. 6 وحين وقع هذا الصوت اتّجمعوا الناس وحاروا على حق اش كلّ واحد سمعهم كيتكلّموا بلغته. 7 ودهشوا كلّهم وتعجّبوا وقالوا بينّتهم: را هدو اليّ كيتكلّموا، واش ما هم شي كاملين جليليين؟ 8 وكيف كنسمعوا احنا كلّ واحد منّا لغتنا اليّ خلقنا فيها؟ 9 فرتيّن وماديّين وعيلاميّين وسكان مسوبطيميا واليهوديّة وكبدوكيّة وبنّتس وآسيّا 10 وفريجيّة وبمفيليّة ومصر وجوايه لبيّة اليّ حدا القيروان والرومانيّين البرانيّين يهود ودخلا 11 كريتيّين وعرب كنسمعوهم كيتكلّموا بلُسُننا على أمور الله العظام. 12 وتعجّبوا كاملين وحاروا وقالوا بينّتهم: اشنهو هذا الشي؟ 13 وكانوا آخرين كيتملّغوا وكيقولوا راهم تعمّروا بالخمّر الجديد.

14 ووقف بطرس مع الحشاش وعلىّ صوته وقال لهم: يا الرجال اليهود والي ساكنين في أورشليم مجموعين، لازم يكون هذا الشي معروف عندكم وتصنّتوا لكلامي. 15 على حق اش هدو ما هم شي سكرانين بحال ماكتظّنوا انتم، حيث هذه غير الساعة الثالثة في النهار. 16 لکن هذا هو الشي اليّ انقال على فمّ يوثيل النبي: 17 كيقول الله: ويكون في الأيام الآخرين باين نكبّ من روعي على كلّ بشر ويكاشفوا أولادكم وبناتكم ويشوفوا شبّانكم الرؤيات وشيّا بكم ينوموا المنايم. 18 وعلى عبّيدي انّيت والخدم ديالي نكبّ من روعي في ديك الأيام ويكاشفوا. 19 ونظهر العجايب في السما من فوق والإمارات على الأرض من تحت الدّمّ والعافية والضباة د الدخان. 20 تولّي الشمس ظلام والقمر دمّ قبل ما يجي النهار العظيم والمشهور د الربّ. 21 ويكون باين كلّ واحد اليّ يستغات باسم الربّ ينجا.

22 يا الرجال الإسرائيليين، اسمعوا هذا الكلام. يسوع الناصري رجل مشهور لكم عند الله بالقوّات والعجايب والإمارات الّتي عملهم الله على يده في وسطكم بحال ما كترفوا انتم تاني. 23 هذا قبضتوه مدفوع لكم براي الله المقصود والعلم دباله السابق وبيدين قبّاح صلبتوه وقتلتوه، 24 الّتي قيّمه الله وفسخ الاوجاع د الموت على حق اش ما قدر شي يكون يبقى مقبوض بها. 25 لأنّه داود يكقول عليه: كنت كنشوف الربّ حداي في كلّ وقت على حق اش هو على يميني باش ما نتزعزع شي. 26 على داك الشي فرح قلبي ونشط لساني وحتّى جسدي تاني ماشي يرتاح في الرجا. 27 على حق اش أنت ما تترك شي نفسي في جهنّم ولا تخلي قدّوسك يشوف فساد. 28 علّمتني طرّقان الحياة وماشي تعمّرني بالفرحة مع وجهك. 29 يا الرجال الخوت، خليونني نتكلّم معكم ظاهر على داود كبير د الجدود باين راه مات واندفن وقبره عندنا حتّى لهذا النهار. 30 وحيث كان هو نبي وعرف باين الله حلف له بواحد الحلف باين من غلّة صلبه يقيم المسيح من جهة الجسد باش يجلس على الكرسي دباله 31 شاف هذا الشي قبل وتكلّم على قيامة المسيح باين ما انتركت شي نفسه في جهنّم ولا شاف جسده فساد. 32 يسوع هذا قيّمه الله واحنا كاملين شهود لداك الشي. 33 وحيث اترّفع على يمين الله وقبض القول د الروح القدس من الاب هو كبّ هذا الشي الّتي انتم دابّ كتشوفوه وكتسمعوه. 34 لأنّه داود ما طلع شي للسموات لآكن هو بنفسه كيقول: قال الربّ لرّبي: اجلس على يميني 35 حتّى نردّ عديانك تحت رجلك. 36 ولازم يعرفوا بالتحقيق جميع دار إسرائيل باين هذا يسوع الّتي صلبتوه انتم، جعله الله ربّ ومسيح.

37 وحين سمعوا هذا الشي اتّغزوا في قلوبهم وقالوا لبطرس وللرسل الآخرين: اش نعملوا، يا الخوت؟ 38 وقال لهم بطرس: توبوا ويتعمّد كلّ واحد منكم باسم يسوع المسيح لغفران الذنوب وتقبضوا المعطى د الروح القدس. 39 على حق اش القول هو لكم ولأولادكم ولجميع الّتي هم بعاد كلّ واحد الّتي يعيظ له الربّ إلهنا. 40 وبكلام اخر بالزّاف كان كيشهد لهم ويوعظهم كيقول نجّوا أنفسكم من هذا الجيل المعوّج. 41 والّتي قبلوا كلامه بالفرحة تعمّدوا وازادت في داك النهار مقدار تلت الاف نفس. 42 وكانوا كيداوموا على تعليم الرسل والشركة وتكسير الخبز والصلاوات. 43 وكلّ نفس جاها الخوف، وكانوا مع بعضهم وكان عندهم كلّ شي مشروك. 45 وكانوا كيبيعوا أملاكهم ومتاعهم وكيقسموهم بين الجميع قدّ ما احتاج كلّ واحد. 46 وكانوا كلّ نهار كيداوموا بيت المقدس براي واحد. ومن اين كسّروا الخبز في ديارهم كانوا كياكلوا رزقهم بالفرحة والقلب الصافي 47 كيحمدوا الله وعندهم القبول عند جميع الناس. وكان الربّ كلّ نهار كيزيد في الكنيسة الّتي هم كينجاوا.

1 وطلعوا بطرس ويوحنا مع بعضهم لبيت المقدس في ساعة الصلاة وهي الساعة التاسعة. 2 وكان واحد الرجل أعرج من كرش أمه كيتّرفد، وكانوا كينزلوه كلّ نهار حدا باب بيت المقدس اليّ مسمّية "الظريفة" باش يطلب الصدقة من اليّ داخلين لبيت المقدس. 3 وهذا من اين شاف بطرس ويوحنا غاديين يدخلوا لبيت المقدس طلب الصدقة. 4 وحقق فيه بطرس مع يوحنا وقال: شوف فينا. 5 وانتبه لهم كيتسنّى يقبض منهم شي حاجة. 6 وقال بطرس: ما عندي لا نفرة ولا ذهب ولاكن اليّ عندي هو اليّ نعطيك. باسم يسوع المسيح الناصري قوم تمشي. 7 وقبضه من يده د اليمين ووقفه وفي الحين صاحوا رجليه والكعاب دياله 8 ونقّز وكبحمد الله. 9 وشافوه جميع الناس وهو كيمشي وكبحمد الله. 10 وعرفوه هو اليّ كان كيجلس على سبب الصدقة حدا الباب الظريفة د بيت المقدس ودهشوا بالزّاف وتعجّبوا من اليّ وقع له.

11 ومن اين كان الرجل الاعرج اليّ تشافى قابض في بطرس ويوحنا جراوا لعندهم جميع الناس للنجاح اليّ مسمّي نباح سليمان وهم دهشانين. 12 وحين شاف بطرس داك الشي جاوب الناس: يا الرجال الإسرائييين، ما لكم كتتعجّبوا من هذا الشي وعلاش كتحقّقوا فينا بحال إذا احنا بقوتنا أو تقوتنا ردينا هذا كيمشي؟ 13 إله إبراهيم وإسحاق ويعقوب، إله جدودنا عظم ابنه يسوع اليّ دفعتهو انتم ونكرتوه قدّام بيلاطس وهو كان معول يطلّقه، 14 ولاكن انتم نكرتوا القدّوس والتقي وطلبتوا ينطلق لكم واحد الرجل قاتل، 15 وأمير الحياة قتلتهو اليّ قيّمه الله من الميّتين واحنا شهود لداك الشي. 16 واسم يسوع بالإيمان باسمه صحّ هذا الرجل اليّ كتشوفوه وكتعرفوه والإيمان اليّ هو على يده أعطاه هذه الصّحة قدّامكم مجموعين.

17 وداب ، يا الخوت، أنا كنعرف باين من قلّة العرف عملتوا داك الشي بحال ما عملوا حكّامكم تاني. 18 واما الأمور اليّ خبر بهم الله قبل على فمّ جميع الانبيا دياله باين يتعدّب المسيح هو وفاهم هكدا. 19 وتوبوا وارجعوا باش يتمحوا دنوبكم باش يجيوا الاوقات د الفرج من عند الرب. 20 ويسيفط يسوع المسيح اليّ بشروكم به الانبيا من قبل، 21 اليّ واجب يقبله السما حتّى للاوقات فاش يتردّ كلّ شي اليّ تكلم عليه الله على فمّ جميع الانبيا دياله القدّيسين من زمان. 22 وموسى بالحقّ قال للجدود: واحد النبي بحالي ماشي يقيّمه لكم الرب إلهكم من اخوتكم، له تسمعوا في كلّ ما يتكلم معكم به، 23 ويكون باين كلّ نفس اليّ ما تسمع شي لداك النبي تنهلك من بين الناس. 24 وجميع الانبيا تاني من صمويل والي من موراه جميع اليّ تكلموا كاشفوا قبل على هذه الأيام. 25 وفي دريتك

يكونوا جميع قبائل الأرض مبروكين. 26 وحين قيّم الله ابنه يسوع سيفطه لعندكم انتم في الاول باش يبارككم كيرد كل واحد منكم على فعائله القباح.

الفصل الرابع

- 1 ومن اين كانوا كيتكلّموا مع الناس جاوهم الكوهنين وقايد بيت المقدس والصدوقيين 2 وهم طابير لهم على حق اش كانوا كيعلّموا الناس وكيبشّروا بالقيامة من الميتين بيسوع. 3 ومدّوا يديهم فيهم وعملوهم في الحبس حتّى لغدا حيث جات العشية. 4 وبالزّاف من الي سمعوا الكلام امّنوا وولّى عدد الرجال مقدار خمس الاف.
- 5 ولاّ غداّ حكامهم وشيوخهم وكتّابهم اتّجمعوا في اورشليم 6 مع حنّان كبير الكوهنين وقيافا ويوحنا والإسكندر وجميع الي كانوا من أهل كبار الكوهنين. 7 ومن مورا ما وقّفوهم في الوسط بداوا كيسقصيوهم: باش من قوّة أو باش من اسم عملتوا انتم هذا الشي؟ 8 داك الوقت تعمّر بطرس بالروح القدس وقال لهم: يا الحكّام د الناس وشيوخ إسرائيل، 9 إذا كنتوا كتبحتونا اليوم على الخير الي انعمل في هذا الرجل المريض باش تشافى 10 لازم يكون معروف عندكم كاملين وعند جميع ناس إسرائيل باين باسم يسوع المسيح الناصري الي صلّبتوه انتم الي قيّمه الله من الميتين، به كيوقف هذا قدّامكم صحيح. 11 هذه هي الحجرة الي بهدلتوها، يا البنّاية، الي ولات راس القنت. 12 وما كاين نجا بشي احد اخر، لأنّه ماكاين اسم اخر تحت السما الي انعطى بين الناس الي به لا بدّ ننجا.
- 13 ومن اين شافوا الشجاعة د بطرس ويوحنا وفهموهم ناس ما قاريين شي وغشام تعجّبوا، وعرفوهم كانوا مع يسوع. 14 ولاكن حيث شافوا الرجل الي بشافى واقف معهم ما صابوا ما يقولوا. 15 وامروهم يخرجوا على برّا من المشوار وتشاوروا بينتهم 16 كيقلوا: أش نعملوا لهدو الناس؟ حيث ظاهر لجميع سكّان اورشليم باين واحد الإمارة مشهورة وقعت على يديهم واحنا ما نقدروا شي ننكروا. 17 ولاكن باش ما تزيد شي تشيع بين الناس نهّدوا عليهم باش ما يتكلّموا مع احد من دابّ لفوق بهذا الاسم. 18 وعيّنوا عليهم ووصّاهم ما يتكلّموا شي بالكلّ ولا يعلّموا باسم يسوع.
- 19 واما بطرس ويوحنا جاوبوهم كيقلوا: إذا كان هذا الشي حقّ قدّام الله باش نسمعوا لكم اكثر من الله شوفوا انتم. 20 على حق اش احنا ما نقدروا شي ما نتكلّموا شي بالي شفنا وسمعنا. 21 ومن مورا ما هددوا عليهم تاني طلقوهم من حيث ما صابوا كيف يعاقبوهم الكلّ على سبب الناس. على حق اش الجميع كانوا كيمجدّوا الله على ما وقع. 22 على حق اش الرجل الي وقعت فيه هذه الإمارة د الشفا كانت عنده اكثر من اربعين سنة.

23 وحين انطلقوا مشاوا لعند عشانهم وخبروهم بكلّ ما قالوا لهم كبار الكوهنين والشيوخ. 24 ومن اين سمعوا علاّوا صوتهم لله بنفس واحدة وقالوا: يا السيّد، أنت هو الإلاه الّلي خلقت السما والأرض والبحر وكلّ ما فيهم. 25 أنت الّلي قلت على فم داود عبدك: علاش جعروا الكنوس وخمّموا الناس في الخوى؟ 26 قاموا سلاطين الأرض واتّجمعوا الحكّام مع بعضهم على الربّ وعلى المسيح دباله. 27 لأنّه بالتحقيق اتّجمعوا على ولدك القدّوس، يسوع الّلي دهنّته، هيرودس وببلاطس البنطي مع الكنوس وناس إسرائيل 28 باش يعملوا كلّ ما عيّنت يدك قبل ورايك باين يكون. 29 ودابّ، يا ربّ، شوف التهديدات دبالهم واعطي لعبيدك باش يتكلّموا بكلامك بكلّ شجاعة 30 بمدّان يدك للشفا وباش ينعملوا الإمارات والعجايب باسم ولدك القدّوس يسوع. 31 وحين صلاّوا تزعزع الموضع فاش كانوا مجموعين وتعمّروا كاملين بالروح القدس وكانوا كيتكلّموا بكلام الله بالشجاعة.

32 والقوم الّلي امّنوا كان عندهم قلب واحد ونفس واحدة وما قال احد منهم باين شي حاجة من متاعه هي دباله لآكن كان عندهم كلّ شي مشروك. 33 وبقوّة عظيمة كانوا الرسل كيشهدوا بقيامة الربّ يسوع ونعمة عظيمة كانت عليهم مجموعين، 34 حيث ما كان احد فيهم محتاج على حق اش جميع الّلي كانوا عندهم البلادات أو الديار كانوا كيبيعوهم ويجيبوا التمن د الّلي انباع 35 وينزلوه عند رجلين الرسل وكانوا كيفرقوا على كلّ واحد قدّ ما احتاج. 36 ويوسف الّلي سماواه الرسل برنابا الّلي كيتترجم اسمّه "ابن الوعظ" واحد اللاوي اصله قبرسي 37 كانت عنده واحد البلاد وباعها وجاب الدراهم ونزلهم عند رجلين الرسل.

الفصل الخامس

1 وواحد الرجل اسمه حنانيا وامراته سفيرة باع واحد الملك 2 وخبّع من التمن وامراته عندها الخبر وجاب طرف منه ونزّله عند رجلين الرسل. 3 وقال بطرس: يا حنانيا، علاش عمّر الشيطان قلبك باش تكذب على الروح القدس وتخبّع من تمن البلاد؟ 4 من اين كانت ما زالة ما انباعت، واش ما كانت شي دبالك؟ ومن مورا ما انباعت، واش ما كانوا شي الفلوس تحت يدك؟ ومالك عملت في قلبك هدا الشي؟ أنت ما كدبت شي على الناس لآكن على الله. 5 وحين سمع حنانيا هدا الكلام طاح ومات. وجميع الّلي سمعوا بذاك الشي جاها خوف كبير. 6 وناضوا الشبان وكفنّوه وخرجوا به ودفنوه. 7 وبعد شي مدّة مقدار تلت سوايع دخلت امراته وما عندها خبر بالّلي وقع. 8 وجاوبها بطرس وقال: قول لي، واش بهذا التمن بعثوا البلاد؟ قالت: إياه، بهذا التمن. 9 وقال لها بطرس: مالكم اتّفقتوا باش تجرّبوا روح الربّ؟ ها هم الرجلين د الّلي دفنوا رَجلك داخلين في الباب ماشيين يخرجوا

بك. 10 وطاحت في الحين عند رجليه وماتت. ودخلوا الشبان وجبروها ميّنة وخرجوا بها ودفنوها حدا رجلها. 11 والكنيسة كاملة وجميع الي سمعوا بذاك الشي جاهم خوف كبير.

12 وانعملوا بالزاف د الإمارات والعجايب في الناس على يدين الرسل. وكانوا كاملين براي واحد في نباح سليمان. 13 ومن الآخرين ما زعم احد يولي منهم، لآكن الناس كانوا كيغظموهم. 14 وكانوا مومنين كينزادوا للرب اكثر، اعداد من الرجال والنسا. 15 حتّى كانوا كيخرّجوا المرضى للزناقي وكينزّلوهم على الفراشات والسراير باش من اين يدوز بطرس يظلّ على شي احد منهم وحي غير بخياله. 16 واتّجمعوا ناس كتار من المدن الي هم دايرين بأورشليم وافدين المرضى والمعدّبين بالجنون المنجوسين وكانوا كibraوا كاملين.

17 وقام كبير الكوهنين وجميع الي كانوا معه الي هم من مذهب الصدّوقيين وغاروا منهم بالزاف 18 ومدّوا يديهم في الرسل وعملوهم في حبس العامة. 19 ولاكن ملاك الرب في الليل فتح بيبان الحبس وخرّجهم وقال: 20 سيروا وواقفوا وتكلّموا مع الناس في بيت المقدس بجميع كلام هذه الحياة. 21 وحين سمعوا داك الشي دخلوا لبيت المقدس عند الفجر وبدّأوا كيعلّموا. وجا كبير الكوهنين والي كانوا معه وجمعوا الحكّام وجميع شيوخ بنو إسرائيل وسيفطوا للحبس باش يجيبوهم. 22 ولاكن من اين مشاوا المخزنيّة ما جبروهم شي في الحبس ورجعوا وخبروهم 23 وقالوا: احنا صبنا الحبس مشدود مسقّم والعساسة واقفين على براّ قدّام البيبان ولاكن حين فتحنا ما جبرنا احد لداخل.

24 ومن اين سمع الكوهن وقايد بيت المقدس وكبار الكوهنين هذا الكلام حاروا من جهتهم اش ماشي يولي هذا الشي. 25 داك الوقت جا واحد كيخبرهم وقال: الرجال الي عملتوهم في الحبس راهم في بيت المقدس واقفين كيعلّموا الناس. 26 داك الوقت مشى القايد ومخزنيّة معه وجابهم بلا تمرديد حيث كانوا كيخافوا من الناس يرموهم. 27 وحين حضّروهم وقّفوهم قدّام الحكّام، وسقّصاهم كبير الكوهنين 28 وقال: واش ماشي واحد الوصاية وصيناكم باين ما تعلّموا شي بهذا الاسم؟ وها انتم عمّرتوا أورشليم بتعليمكم وبغيتوا تقلّدونا بدمّ هذا الرجل. 29 وجاوب بطرس والرسل وقالوا: واجب نطيعوا الله اكثر من الناس. 30 إلاه جدودنا قيّم يسوع الي قتلتوه انتم معلّقيّنه على واحد الخشبة. 31 هذا رفعه الله بيده د اليمين باش يكون أمير ومنجّي باش يعطي لإسرائيل التوبة وغفران الذنوب. 32 واحنا الشهود دياه بهدو الأمور والروح القدس تاني الي أعطاه الله للي كيطيعوه.

33 وحين سمعوا داك الشي تغدّوا وبدّأوا يتشاوروا باش يقتلوهم. 34 ووقف في وسط الحكّام واحد الرجل فرّيسي اسمه غملائيّل فقيه د الشرع موقّر عند جميع الناس وامر باش يتحيّدوا الرسل واحد الشواي. 35 وقال لهم: يا الرجال الإسرائيليّين، ردّوا بالكم من جهة هدو الناس في داك الشي

الّي عوّلتوا تعملوا لهم. 36 لآئه قبل من هدو الأيّام قام توداس وشكر رأسه باين هو شي حاجة، الّي ولّاو معه عدد د الناس مقدار اربع مية، الّي انقتل وجميع الّي سغفوه تشنّتوا وولّاو حتّى شي ما هم. 37 من مورا هدا قام يهوذا الجليلي في أيّام التزميم وزيّغ من مورا بالزّاف د الناس. وهداك تاني انهلك وجميع الّي سغفوه تشنّتوا. 38 وداب كنقول لكم فارقوا عليكم هدو الناس وخليوهم. حيث إذا كان هدا الراي أو هدا الشغل من الناس راه يتقاضى. 39 وإذا كان من الله ما تقدروا شي تزولوه انتم، عندكم تنصابوا كتحاربوا الله تاني. 40 وسغفوه، وعيظوا للسل وعصّاهم ووصّاهم ما يتكلّموا شي باسم يسوع. داك الوقت طلقوهم.

41 واما هم مشاوا من قدّام الحكّام فرحانين حيث اتّحسبوا مستاهلين يتبهّدوا على سبب اسمّه. 42 وكلّ نهار في بيت المقدس وفي الديار ما كانوا شي كيفتروا على التعليم والتبشير بيسوع المسيح.

الفصل السادس

1 وفي ديك الأيّام حين كتروا التلاميذ وقعت واحد التجمّجيمة من اليونانيّين على العبرانيّين حيث كانوا كيغفلوا على الهجّالات ديالهم في المعاونة اليومية. 2 وعيظوا الطناش على الجماعة د التلاميذ وقالوا: ما يوالم شي لنا نخليوا كلام الله ونتسخّروا على الميادي. 3 وداب اختاروا، يا الخوت، سبعة د الرجال منكم مشهود لهم بالخيارّة ومعمرّين بالروح القدس والعقل الّي نوقّفوهم على هدا السغل. 4 واما احنا نداوموا على الصلاة وخدمة الكلام. 5 والجماعة كاملة عجبها هدا الكلام واختاروا أستفانوس رجل معمرّ بالإيمان والروح القدس وفيلبس وبروخورس ونيكانور وتيمون وبرميناس ونيقولائوس واحد الدخيل من أنطاكية، 6 الّي وقّفوهم قدّام الرسل وصلّاوا وخطّوا يديهم عليهم. 7 وكان كلام الله كيزيد والعدد دالتلاميذ كيكثر بالزّاف في أورشليم وجماعة كبيرة د الكوهنين كانوا كيطيّعوا الإيمان. 8 وأستفانوس معمرّ بالإيمان والقوّة كان كي عمل العجايب والإمارات كبار في الناس. 9 وناضوا شي ناس من الجامع الّي مسمّي جامع الليبرتينيين والقيروانيّين والإسكندريّين ومن الّي من كيليكيا وأسيا كيّجادلوا مع أستفانوس. 10 وما قدروا شي يعارضوا العقل والروح باش كان كيّتكلم. 11 داك الوقت نوّضوا شي ناس الّي قالوا: احنا سمعناه كيّتكلم بكلام الكفر على موسى وعلى الله. 12 وحرّشوا الناس والشيوخ والكتّاب وجاوا له وقبضوه وجابوه لعند الحكّام 13 وعملوا شهود الزور الّي قالوا: هدا الرجل ما كيفتر شي من كلام الكفر على هدا الموضع المقدّس وعلى الشرع، 14 على حق

اش سمعناه كيقول هدا يسوع الناصري ماشي يهدم هدا الموضع ويبدّل القواعد الّتي أعطاهم لنا موسى.
15 وحققوا فيه جميع الّتي جالسين في المشوار وشافوا وجهه بحال إذا كان وجه شي ملاك.

الفصل السابع

1 وقال كبير الكوهنين: واش هذو الأمور هكدا هم؟ 2 وقال: يا الرجال الخوت، وعاود الوالدين، اسمعوا. الله النور ظهر لابراهيم حين كان في مسوبوطيا قبل ما سكن في حاران 3 وقال له: اخرج من بلادك ومن اهلك واجي للبلاد الّتي نورّيتها لك. 4 داك الوقت، خرج من بلاد الكلدانيين وسكن في حاران، ومن مورا ما مات ابوه، رحّله الله من تمّ لهذه البلاد فاش انتم ساكنين داب. 5 وما أعطاه فيها ورت ولا حتى زطمة د القدم ولاكن قاولة بعطيها له ملك له ولدريته من بعده حين كان ما زال ما عنده ولد. 6 وقال الله هكدا، باين دريته تكون مغربة في واحد البلاد غريبة ويردوها عبيد ويمحنوها اربع مية عام. 7 والجنس الّتي يوليوا له عبيد ماشي نعاقبه انا، كيقول الله. وبعد داك الشي يخرجوا ويعبدوني في هدا الموضع. 8 واعطاه عهد الختانة وهكدا ولد إسحاق وختنه في النهار التامن، وإسحاق ولد يعقوب ويعقوب ولد كبار الجدود باطناش. 9 وكبار الجدود حسدوا يوسف وباعوه للّ ادّاواه لمصر وكان الله معه 10 واعتقه من الضيقات دياهه كاملين واعطاه القبول والعقل قدّام فرعون سلطان مصر وهو ردّه مدبر على مصر وعلى داره كلها.

11 داك الوقت، جا واحد الجوع على جميع بلاد مصر وكنعان وتمارة كبيرة وجدودنا ما صابوا ما ياكلوا. 12 وحين سمع يعقوب باين الزرع كاين في مصر، سيفط جدودنا المرّة الاولى، 13 والمرّة الثانية عرف يوسف نفسه لاختوته وعرف اهله لفرعون. 14 وسيفط يوسف وعيط على يعقوب ابوه وجميع اهله خمسة وسبعين بفس. 15 وهود يعقوب لمصر ومات هو وجدودنا 16 وتنقلوا لشكيم وتنزلوا في القبر الّتي سراه إبراهيم بشي نقرة من بني حمور ابو شكيم. 17 وحين قرب وقت القول الّتي حلف الله عليه لإبراهيم، كانوا الناس كيزيدوا ويكثروا في مصر 18 حتى قام سلطان اخر الّتي ما عرف شي يوسف. 19 واستحيل هدا على جنسنا ومحن جدودنا حتى سيّبو صبيانهم باش ما يعيشوا شي.

20 في داك الوقت، خلق موسى وكان مزيان بالزاف في خليقته، وتربّى تلت شهور في دار ابوه.

21 وحين تسبّب رفدته بنت فرعون وربّاته لنفسها بحال ولدها. 22 وتعلّم موسى كل علم المصريين وكان مقدّ في القول والفعل. 23 وحين كانت عنده اربعين عام كاملة، جا في باله برقب على اخوته بنو إسرائيل. 24 وحين شاف واحد منهم مظلوم حامي عليه وقبض الحق للمغلوب وقتل المصري. 25 وظنّ باين اخوته يفهموا باين الله ماشي ينجيهم على يده، واما هم ما فهموا شي. 26 ولا غداً ظهر لهم وهم

كيخاصموا وبغى يصالهم وقال: يا الرجال، انتم اخوت. علاش كتظلموا بعضكم؟ 27 والي كان كيظلم جاره دفعه وقال: اشكون عملك علينا حاكم وقاضي؟ 28 واش يغيث تقتلني بحال ما قتلت المصري البارح؟ 29 وهرب موسى على سبب هذا الكلام وكان غريب في بلاد مديان فاين ولد زوج د الأولاد. 30 ومن اين كملت أربعين عام ظهر له ملاك الرب في خلا جبل سينا في لهبة د العافية في واحد العليقة. 31 وحين شاف موسى داك الشي تعجب من الي شاف. ومن اين كان كيقرب باش يحقق، ناداه صوت الرب: 32 أنا إله جدودك، إله ابراهيم وإله إسحاق وإله يعقوب. واترعد موسى وما زعم شي يحقق. 33 وقال له الرب: زول النعايل من رجليك حيت الموضع فاش أنت واقف هو أرض مقدسة. 34 أنا شفت بالتحقيق عذاب الناس دياالي في مصر وسمعت التنهيدات ديالهم ونزلت باش ننجيهم، واجي داب نسيظك لمصر.

35 هذا موسى الي نكروه وقالوا: اشكون عملك حاكم وقاضي؟ هذا هو الي سيفطه الله حاكم ومنجي على يد الملاك الي ظهر له في العليقة. 36 هذا خرّجهم وهو كي عمل العجايب والامارات في بلاد مصر وفي البحر الأحمر وفي الخلا أربعين عام.

37 هذا موسى هو الي قال لبنو إسرائيل: واحد النبي بحالي ماشي يقيمه لكم الرب إلهكم من اخوتكم. له تسمعوا. 38 هذا هو الي كان في الكنيسة في الخلا مع الملاك الي كان كيتكلم معه في جبل سينا ومع جدودنا، الي قبل الكلمات الحيين باش يعطيهم لنا، 39 الي ما بغاوا شي جدودنا يطيعوا له لائن دفعوه عليهم وقلوبهم ولاوا مع مصر 40 وقالوا لهارون: اعمل لنا الإلاهات الي يسبقوا قدامنا. لأنه هذا موسى الي خرّجنا من بلاد مصر ما كنعرفوا شي أش وقع له. 41 وعملوا واحد العجل في ديك الايام ودبحوا واحد الديحة للصنم وفرحوا بأعمال يديهم. 42 ورجع الله ودفعهم باش يعبدوا نجوم السما بحال ما هو مكتوب في كتاب الانبيا: واش دبحتوا لي الدبايح والقرايين أربعين عام في الخلا، يا دار إسرائيل؟ 43 ورفدتوا خيمة مولوك ونجمة إلهكم رمفان الصورات الي عدلتوهم باش تعبدوهم. وانا نجليكم لهيه من بابل. 44 واما خيمة الشهادة كانت عند جدودنا في الخلا بحال ما أمر الي

تكلم مع موسى باش يعدلها على المتال الي كان شافه. 45 وجدودنا الي جاوا من مورايم دخلوها تاني مع يشوع في ملك الكنوس الي دحاهم الله من قدام وجه جدودنا حتى لايام داود 46 الي صاب القبول قدام الله وطلب باش يجبر واحد المسكن لإلاه يعقوب. 47 ولاكن سليمان بنى له واحد الدار. 48 لائن العلي ما كيسكن شي في الجوامع الي مصنوعين باليدين بحال ما كيقول النبي: 49 السما هو الكرسي دياالي والأرض هي موضع رجلي. أش من دار تبنيوا لي؟ كيقول الرب، واشنهو موضع راحتي؟ 50 واش ماشي يدي صنعت هدو الأمور كلهم؟

51 يا قاسحين الاعناق وقلوبكم وادنيكم بلا ختانة انتم ديما كتعارضوا الروح القدس. بحال ما عملوا جدودكم هكدا كتعملوا انتم. 52 اشكون من الانبيا الي ما مرموده شي جدودكم وقتلوا الي كاشفوا قبل على المجي د التقي الي انتم داب وليتوا بايعينه وقاتلينه، 53 الي حزتوا الشرع على يد الملايكة وما عملتوا شي به.

54 ومن اين سمعوا هذا الشي تغددوا في قلوبهم وغرزوا اسنانهم عليه. 55 واما استفانوس حقق في السما وهو معمّر بالروح القدس وشاف نور الله ويسوع واقف على يمين الله، 56 وقال: ها أنا كنشوف السماوات مفتوحين وابن الانسان واقف على يمين الله! 57 وغوتوا بصوت عالي وغلقوا ادنيهم وزفوا عليه براي واحد، 58 وخرجوه على برا من المدينة ورجموه. والشهود حطوا كساويهم عند رجلين واحد الشباب مسمي شاول. 59 ورجموا استفانوس وهو كيستغات وكيقول: يا الرب يسوع، اقبل روحي! 60 وطاح على ركايبه وغوت بصوت عالي وقال: يا رب، لا تقلدهم شي بهذا الدنب! وحين قال هذا الشي نعس.

الفصل التامن

1 وكان شاول راضي بقتله. وفي داك الوقت وقعت واحد التمرميذة كبيرة على الكنيسة الي كانت في اورشليم وتشتتوا كاملين في بلاد اليهودية والسامرة من غير الرسل. 2 ورفدوا استفانوس شي رجال تقيين وعملوا عليه واحد النواح كبير. 3 واما شاول كان كيهلك الكنيسة وكيدخل للجيار ويجرّ الرجال والنسا وكيدفعهم للحبس.

4 والي تشتتوا ساحوا كيبشروا بالكلام. 5 وهود فيلبس لواحد المدينة في السامرة وكان كيخبرهم بالمسيح. 6 وكانوا الناس كيتصنّوا براي واحد للي قاله فيلبس حين سمعوا وشافوا الامارات الي عملهم. 7 على حق اش الجنون المنجوسين خرجوا من بالزاف د المجنونين وهم كيغوتوا بصوت عالي. وبالزاف من الي فيهم بو فالج والعرج تشافوا. 8 وكانت فرحة كبيرة في ديك المدينة. 9 وكان من قبل في المجينة واحد الرجل اسمه سيمون كيسحر وكيدهش ناس المامرة كيقول باين هو واحد الشي كبير، الي سمعوا له الجميع من الصغير حتى للكبير كيقولوا هذا هو قوّة الله العظيمة، وتبعوه حيث كان دهشهم بسحة مدّة طويلة هده. 12 ولاكن من اين صدقوا فيلبس وهو كيبشر بالأمور ديال ملاكة الله وباسم يسوع المسيح، تعمّدوا الرجال والنسا. 13 وسيمون بنفسه امن انيت. وحين تعمّد بقي مع فيلبس، ومن اين شاف العجايب والامارات الكبار الي انعملوا، دهش.

14 وحين سمعوا الرسل اليّ هم في اورشليم باين السامرة قبلت كلام الله سيفطوا عندهم بطرس ويوحنا، 15 وهم من اين هوّدوا، صلاّوا على قبلهم باش يقبضوا الروح القدس. 16 حيث ما زال ما كان نزل على احد منهم، غير كانوا تعمّدوا باسم الربّ يسوع. 17 داك الوقت حطّوا يديهم عليهم وقبضوا الروح القدس. 18 وحين شاف سيمون باين بحطّان يدين الرسل كينعطى الروح القدس بغى يعطيهم الدراهم 19 وقال: أعطوني أنا تاني هذه القدرة باش اليّ حطّيت عليه يديّ يقبل الروح القدس. 20 وقال له بطرس: تكون نقرتك معك في الهليكة على حق اش ظنّيت تحوز المعطى د الله بالدراهم. 21 ما عندك لا نصيب ولا حق في هذا الامر، حيث قلبك ما هو شي صافي قدّام الله. 22 توب بعدك من هذه القباحة ديالك واطلب الله ادا يقدر يكون ينغفر لك تخميم قلبك. 23 على حق اش أنا كيشوفك في مرّارة المرّ ورباط الظلم. 24 وجاوب سيمون وقال: اطلبوا انتم الربّ على قبلي باش ما يجي عليّ حتى شي من اليّ قلتوه. 25 وهم من مورا ما سهدوا وتكلّموا بكلام الربّ، رجعوا لاورشليم وبشروا بالإنجيل بالزاف د الدشور د السامريين.

26 وملاك الربّ تكلم مع فيلبس وقال له: قوم تمشي لجهة الجنوب على الطريق اليّ كتهوّد من اورشليم لغزّة اليّ هي خالية. 27 وقام ومشى، وراه واحد الرجل حبشي عبد الدار وزير د كنداكة السلطنة د الحبش اليّ كان واقف على مالها كلّ. هذا كان جا لاورشليم باش يسجد. 28 وكان راجع وجالس في كرّوسته وكيقرا كتاب النبي إشعيا. 29 وقال الروح لفيلبس: قرب وترافق مع هذه الكرّوسة. 30 وجرى لعنده فيلبس وصمعه كيقرا كتاب النبي إشعيا وقال له: واش كتفهم اليّ كتقرا؟ 31 وقال: كيف نقدر نفهم إذا ما قودني احد؟ وطلب فيلبس يطلع ويجلس معه. 32 وفصل الكتاب فاش كان كيقرا كان هذا: وهو تقوّد بحال واحد الشأّ للدبيحة وبحال واحد الخروف ساكت قدّام اليّ كيدزّه هكدا ما فتح شي فمّه. 33 في تمسكينت دياهه تحيّد حكمه واشكون يخبر بجيله على حق اش حياته تحيّدت من الأرض؟ 34 وجاوب عبد الدار فيلبس وقال: كنطلبك تقول لي على من كيقول النبي هذا الشي؟ على نفسه أو على واحد اخر؟ 35 وفتح فيلبس فمّه وبدا من هذا الفصل كيبشره بيسوع. 36 ومن اين كانوا ماشيين في الطريق، وصلوا لشي ما. وقال عبد الدار: ها الما. أش كيحصرنى على المعمودية؟ 37 وقال فيلبس: إذا أنت كتأمّن من قلبك كله خيار. وجاوب وقال: أنا كنأمن باين يسوع المسيح هو ابن الله. 38 وحين طلّعوا من الما، خطف روح الربّ فيلبس وما شافه شي عبد الدار عاود تاني. ومشى في طريقه فرحان. 40 وأمّا فيلبس انصاب في أشدود. ومن اين كان دايز، بشر جميع المدن بالإنجيل حتى جا لقيصية.

- 1 وشاول كان ما زال كينفخ بالتهديدات والقتل على تلاميذ الرب، ومشى لعند كبير الكهنيين
- 2 وطلب منه براوات لدمشق للجماعات باش إذا جبر شي ناس من هذه الطريق رجال أو نسا، يجيبهم مكتفين لاورشليم. 3 ومن اين كان ماشي قرب لدمشق وفي الحين برق عليه واحد النور من السما، 4 وطاح على الأرض وسمع واحد الصوت كيقول له: شاول، شاول، علاش كتمرمدني؟ 5 وقال: اشكون انت، يا سيدي؟ وقال الرب: أنا يسوع الي كتمرمدني انت. صعب عليك تركل المناغز. وقال وهو كيترعدهشان: يا رب، أش بغيتني نعمل؟ وقال له الرب: قوم وادخل للمدينة وينقال لك اش واجب عليك تعمل. 7 وأما الرجال التي كانوا مسافرين معه وقفوا منهوضين كيستمعوا الصوت وما كيشوفوا احد. 8 وناض شاول من الأرض وحين انفتحوا عينيه ما شاف احد. وقودوه من يده ودخلوه لدمشق. 9 وكان تلت ايام ما كيشوف شي وما كياكل ولا كيشرب.
- 10 وكان في دمشق واحد التلميذ اسمه حنانيا. وقال له الرب في واحد الرؤيا: يا حنانيا. وقال: ها انا، يا رب. 11 وقال له الرب: قوم وسير للزقة الي كيقولوا لها المسقمة وسقسي في دار يهودا على واحد الرجل طرسوسي اسمه شاول، حيث راه كيصلي 12 وشاف في رؤيا واحد الرجل اسمه حنانيا داخل وحاط يده عليه باش يولي بعينه. 13 وجاب حنانيا: يا رب، سمعت من بالزاف د الناس على هذا الرجل اشحال د الشر عمل في القديسين دياك في اورشليم، 14 وهنا عنده الإذن من كبار الكهنيين باش يكتف جميع الي كيستغاثوا باسمك. 15 وقال الرب: سير. حيث هذا هو عندي واحد الماعون مهتور باش يرفد اسمي قدام الكنوس والساطين وبنو إسرائيل. 16 على حق اش أنا ماشي نوربه اشحال لازم يتعدب على شيب اسمي. 17 ومشى حنانيا ودخل للدار وحط عليه يديه وقال: يا اخي شاول، سيفطني الرب يسوع الي طهر لك في الطريق فاش جيت باش تولي بعينيك وتتعمّر بالروح القدس. 18 وفي الحين طاحت من عينيه شي حاجة بحال القشور وولى بعينه وقام وتعمد. 19 ومن اين كلا صحاح. وكان شاول شي ايام مع التلاميذ الي هم في دمشق. 20 وفي الحين بدا كيخبر في الجوامع بالمسيح باين هو ابن الله. 21 وتعجبوا جميع الي كانوا كيستمعوا وقالوا: واش ماشي هذا هو الي هلك في اورشليم هدوك الي كانوا كيستغاثوا بهذا الاسم وجا لهننا على هذا الشي باش يديهم نكتفين لعند كبار الكهنيين؟ 22 وأما شاول كان كيزيد في القوة وكيحير اليهود الي ساكنين في دمشق كيتبت بين هذا هو المسيح.

23 وحين كملت ايام كثيرة، تشاوروا اليهود باش يقتلوه. 24 وعرف شاول الجيلة دياهم. وكانوا كيحسّوا في البيبان تاني بالنهار وبالليل باش يقتلوه. 25 وادّاواه التلاميذ في الليل وهبطوه من السور كيدلّواه في واحد السلّة.

26 ومن اين جا شاول لاورشليم، بغى يتخالط مع التلاميذ. وكانوا الجميع كيخافوا منه وما صدّقوا شي باين هو تلميذ. 27 وادّاه برنابا وحضره قدّام الرسل وعاود لهم كيف شاف الربّ في الطريق الّلي تكلمّ معه وكيف شهد بالشجاعة في دمشق باسم يسوع. 28 وكان معهم كيدخل ويخرج في اورشليم وكيشهد بالشجاعة باسم الربّ يسوع. 29 وكان كيتكلّم ويتجادل مع اليونانيّين وهم فتشّوا يقتلوه. 30 وحين عرفوا الخوت داك الشي هبطوه لقيصرية وسيفطوه لطرسوس. 31 وداك الوقت الكنايس في جميع اليهودية والجليل والسامرة كانت عندهم الراحة وكانوا كينبناوا وكيمشيوا في خوف الربّ وبالتسليّة د الروح القدس كانوا كيكثروا.

32 ومن اين كان بطرس كيدوز على جميع المواضع هوّد تاني لعند القدّيسين الّلي ساكنين في لدّة. 33 وجبر تمّ واحد الانسان اسمه إنياس الّلي كان طايح في فراشه مدّة من تمن سنين وكان فيه بوفالج. 34 وقال له بطرس: يا إنياس، كيشافيك يسوع المسيح. قوم وفرّش لنفسك. وقام في الحين. 35 وشافوه جميع الّلي ساكنين في لدّة وسارون ورجعوا للربّ.

36 وكانت في يافا واحد التلميذة اسمها طابيثا الّلي مترجم "غزالة". هذه كانت معمّرة بالاعمال الملاح والخيرات الّلي كانت كتعملهم. 37 وفي ديك الايام مرضت وماتت. وغسلوها ونزلوها في واحد الغرفة. 38 ومن حيث كانت لدّة قريبة ليافا وسمعوا التلاميذ باين بطرس تمّ، سيفطوا زوج د الرجال كيطلبوا منه ما يتعطّل شي يدوز لعندهم. 39 وقام بطرس ومشى معهم. وحين وصل طلّعوه للغرفة ووقفوا حداه جميع الهجّالات كيبيكيوا وكيورّيواه المناصر والحوايج الّلي كانت كتخيّط غزالة وهي معهم. 40 وخرّجهم بطرس كاملين على برّا وطاح على ركابيه وصلّى وجار للجسد وقال: يا طابيثا، قومي. وفتحت عينيها، وحين شافت بطرس جلست. 41 واعطاها يدّه ووقّفها، وحين عيّط على القدّيسين والهجّالات حضرها بالروح. 42 ووّلّى داك الشي معروف في يافا كلّها وامّنوا ناس بالزاف بالربّ. 43 وبقي ايام كثيرة في يافا عند سمعان واحد الرجل دباغ.

الفصل العاشر

1 وكان في قيصرية واحد الرجل اسمه كرنيليوس، قائد المية من الطابور الّلي مسمّى "طابور الطلياني". 2 وهو كان تقي وخايف الله هو وداره مجموعة وكان كيغطي الصدقات بالزاف للناس

وكيصلِّي لله ديمًا. 3 وشاف ظاهر في واحد الرؤيا مقدار الساعة التاسعة في النهار واحد الملاك من عند الله داخل لعنده وكيقول له: يا كرنيليوس. 4 وحين حقق فيه، جاه الخوف وقال: اشنهؤ يا سيدي؟ وقال له: الصلوات والصدقات ديالك طلعا تفكيره قدام الله. 5 وداب سيفط ليافا شي رجال وعييط على سمعان الي مكني بطرس 6 وهو نازل عند سمعان واحد الرجل دباغ الي داره حدا البحر، وهو يقول لك اش واجب عليك تعمل. 7 وحين مشى الملاك الي كان كيتكلم مع كرنيليوس عييط على زوج من المتعلمين دياه وواحد العسكري تقي من الي كانوا كيداوموه 8 وخبرهم بكل شي وسيفطهم ليافا. 9 ولا غدا وهم مسافرين وكيقربوا للمدينة طلع بطرس للسطح باش يصلِّي مقدار الساعة السادسة، 10 وجاع بالزاف وبغى ياكل. ومن اين كانوا كيوجدوا الماكلة وقعت عليه واحد الغيبة. 11 وشاف السما مفتوح وواحد الماعون نازل عليه بحال رواق كبير مربوط من اربعة د القنوت ومدلي للأرض. 12 وكانوا فيه بهائم الأرض من كل شكل والوحوش والزحافات وطيور السما. 13 وناداه واحد الصوت: قوم، يا بطرس، ادبح وكول. 14 واما بطرس قال: لا، يا رب، حيث عمري ما اكلت حتى شي محرّم أو منجوس. 15 وناداه الصوت المرّة الثانية كيقول: الي رده الله طاهر، لا تحرّمه شي انت. 16 ووقع هذا الشي ثلاثة د المرّات، عاد اترفد الماعون ثاني للسما.

17 ومن اين كان بطرس حاير في نفسه اشنهي المعنى د الرؤيا الي شافها، كانوا الرجال الي تسيفطوا من عند كرنيليوس سقواوا على دار سمعان وراهم وقفوا قدام الباب 18 وعييطوا كيسولوا واش سمعان الي مكني بطرس نازل تم؟ 19 وحين كان بطرس كيخّم في الرؤيا، قال له الروح: راهم ثلاثة د الرجال كيقتشوا عليك. 20 لکن نوض واهبط تمشي معهم ولا تشك حتى في شي على حق اش أنا سيفطتهم. 21 وهبط بطرس لعند الرجال الي تسيفطوا له من عند كرنيليوس وقال: هاني. أنا هو الي كتفتشوا عليه. اشنهي السبة علاش جيتوا؟ 22 وقالوا: كرنيليوس قايد المية، رجل تقي وخايف الله وكتشهد له الامّة د اليهود كاملة، هو نبهه الله بواحد الملاك مقدس باش يعييط عليك لداره ويسمع منك شي كلام. 23 ودخلهم لداخل وضيّفهم. ولا غدا خرج بطرس معهم وشي ناس من الخوت الي من يافا رافقوه.

24 ولا غدا دخلوا لقيصرية. وكرنيليوس كان كيتسنّاهم وكان غييط على اهله واصحابه لاقرب. 25 ومن اين كان بطرس داخل تلاقاه كرنيليوس وطاح عند رجليه وسجد له. 26 واما بطرس وقفه وقال: نوض، أنا ثاني بن آدم. 27 ودخل وهو كيتكلم معه وجبر ناس بالزاف مجموعين. 28 وقال لهم: انتم كتعرفوا باين حرام على رجل يهودي يتخالط مع شي احد برّاني ويجي لعنده. واما أنا ورّاني الله ما نسّمّي حتى إنسان محرّم أو منجوس. 29 وعلى داك الشي جيت بلا مخالفة حين عييطوا

عليّ. ودابّ كنسقيكم علاش من غرض عيّطتوا عليّ؟ 30 وقال كرنيليوس: قبل من اليوم اربع أيّام كنت صايم حتى لبحال هدا الوقت. وفي الساعة التاسعة كنت كنصليّ في داري وها واحد الرجل وقف قدّامي بالكسوة كتلمع 31 وقال: يا كرنيليوس، اتسمعت صلاتك والصدقات دياك ما اتنسوا شي قدّام الله. 32 وسيفط دابّ ليافا وعيّط على سمعان اليّ مكّني بطرس، وهو نازل في دار سمعان واحد الرجل دبّاغ حدا البحر، وهو من اين يجي يتكلّم معك. 33 وسيفطت لعندك في الحين، وانت عملت مليح حيث جيت. ودابّ احنا كاملين حاضرين قدّام الله باش نسمعوا كل ما امرك به الله.

34 وفتح بطرس فمّه وقال: بالحق أنا كنشوف باين الله ماعنده وجهيّات، 35 لكن في كل جنس الانسان اليّ كيخافه وكيعمل التقوى هو مقبول عنده 36 الكلام اليّ سيفطه الله لبنو إسرائيل كيبيشر بالصلح بيسوع المسيح، هدا هو ربّ الجميع، 37 داك الكلام انتم كتعرفوه اليّ شاع في كل اليهودية مبدي من الجليل من مورا المعمودية اليّ برّج بها يوحنا، 38 على يسوع اليّ من الناصرة كيف دهنه الله بالروح القدس والقوّة اليّ ساح كيعمل الخير وكيشافي جميع اليّ هم معدّبين بإبليس حيث الله كان معه. 39 واحنا شهود بكل ما عمل في بلاد اليهودية وفي أورشليم، اليّ تاني قتلوه معلّقيه على واحد الخشبة. 40 هدا قيّمه الله في اليوم الثالث وببّينه ظاهر 41 ماشي للناس كلّهم لانك للشهود اليّ اختارهم الله من قبل، لنا احنا اليّ اكلنا وشربنا معه من مورا ما قام من الميّتين، 42 ووصّانا باش نخبروا الناس ونشهدوا باين هدا هو اليّ معيّن من عند الله قاضي على الحيّين والميّتين. 43 له كيشهدوا جميع الانبياء باين كل واحد اليّ يأمّن به ينال باسمه غفران الذنوب.

44 ومن اين بطرس باقي كيتكلّم يهدو الأمور نزل الروح القدس على جميع اليّ كانوا كيسمعوا الكلام. 45 والمومنين اليّ هم من اهل الختانة كلّهم اليّ جاوا مع بطرس دهشوا على حق اش اتعطى الروح القدس للجنوس تاني، 46 من حيث كانوا كيسمعوهم كيتكلّموا بلّسن وكيعظّموا الله. داك الوقت جاوب بطرس 47 واش يقدر احد يحصرنا على الما باش ما يتعمّدوا شي هدو اليّ قبضوا الروح القدس بحالنا احنا تاني؟ 48 وامرهم يتعمّدوا باسم الربّ. داك الوقت طلبوه يجلس عندهم شي أيّام.

الفصل الحشاش

1 وسمعوا الرسل والخوت اليّ كانوا في اليهودية باين الكُنُوس تاني قبلوا كلام الله. 2 ومن اين طلع بطرس لأورشليم تخصموا معه اليّ هم من اهل الختانة 3 وقالوا: أنت دخلت لعند الناس اليّ بلا ختانة واكلت معهم. 4 وبدا بطرس كيشرح لهم الامر بالترتيب كييقول: 5 أنا كنت في مدينة يافا كنصليّ وفي واحد الغيبة شفت واحد الرؤيا، شي ماعون نازل بحال واحد الرواق كبير مدليّ من اربعة د

القنوت من السما ووصل حتى لعندي. 6 وحققت فيه كنخمم وشفت بهائم الأرض والوحوش والزحافات وطيور السما. 7 وسمعت واحد الصوت كيقول لي: قوم، يا بطرس، ادبح وكول. 8 وقلت: لا، يا رب، حيث عمره ما دخل في فمي حتى شي محرّم أو منجوس. 9 وجاوبني الصوت المرّة الثانية من السما كيقول: الي رده الله طاهر، لا تحرّمه شي انت. 10 ووقع هذا الشي ثلاثة د المرّات وانخطف كل شي للسما تاني. 11 وها ثلاثة د الرجال وقفوا في الحين قدام الدار الي كنت فيها مسيفطين لعندي من قيصرية. 12 وقال لي الروح نمشي معهم وما نشكّ حتى في شي، ومشاوا معي تاني هدو الخوت بستّة. ودخلنا لدار الرجل 13 وهو خبرنا كيف شاف الملاك في داره واقف وكيقول له: سيفط ليافا شي رجال وعيظ على سمعان الي مكّني بطرس، 14 وهو يتكلّم معك شي كلام الي به تنجا أنت ودارك كلها. 15 ومن اين بديت نتكلّم، نزل الروح القدس عليهم بحال ما نزل علينا تاني في البدو. 16 وتفكرت كلام الرب كيف قال: يوحنا عمّد بالما واما انتم ماشيين تتعمّدوا بالروح القدس. 17 وادا كان الله أعطى لهم المعطى بحال ما أعطاها لنا تاني حين امّنا بالرب يسوع المسيح، اشكون انا؟ واش نقدر نحصر الله؟ 18 وحين سمعوا داك الشي سكتوا ومجدّوا الله كيقولوا: بالحق أعطى الله للجنوس تاني التوبة للحياة. 19 وهدوك الي تشنتوا على قبل الترميدة الي وقعت على سبب أستفانس مشاوا لفينيقيّة وقبرص وأنطاكية وهم ما كيتكلّموا مع احد بالكلام من غير اليهود وكان. 20 ولاكن كانوا فيهم شي ناس وهم قبرصيين وقيروانيين الي حين دخلوا لأنطاكية كانوا كيتكلّموا مع اليونانيين كيبشروهم بالرب يسوع. 21 وكانت يدّ الرب معهم وامّنا عدد كثير ورجعوا للرب. 22 ووصل خبرهم لأدنين الكنيسة الي في أورشليم وسيفطوا برنابا باش يمشي لأنطاكية. 23 الي حين جا وشاف نعمة الله فرح ووعظ الجميع باش يتبتوا في الرب بقلب ثابت. 24 لانه كان رجل مليح ومعمّر بالروح القدس والإيمان، وانزادوا للرب ناس بالزاف. 25 وخرج برنابا لطرسوس باش يفتش على شاول، ومن اين جبره جابه لأنطاكية. 26 واتجمعوا مع الكنيسة واحد العام كامل وعلموا ناس كتار. وأنطاكية هي الموضع الأوّل فاش تسمّوا التلاميذ مسيحيين.

27 وفي ديك الأيام هوّدوا شي أنبيا منأورشليم لأنطاكية. 28 وقام واحد منهم اسمه أغابوس وشار بالروح باين واحد الجوع كبير كان قريب يوقع على الدنيا مجموعة، الي وقع تاني في أيّام كلوديوس قيصر. 29 وعولوا التلاميذ كل واحد على قدّ جهده يسيفطوا المعاونة لاختوتهم الي ساكنين في اليهودية. 30 وعملوا داك الشي وسيفطوها للشيوخ على يدّ برنابا وشاول.

- 1 وفي داك الوقت مدّ هيرودس السلطان بدّيه باش يمحنّ شي ناس من الكنيسة، 2 وقتل يعقوب اخا يوحنا بالسيف. 3 وحيث شاف باين داك الشي عجب اليهود زاد قبض بطرس ثاني، وكانت أيّام عيد الفطير. 4 وحين قبضه عمله في الحبس ودفعه لاربعة د الاربعات د العسكر باش يعسّوا عليه معول يخرجّه للناس بعد البيسح. 5 وكان بطرس مضي في الحبس، واما الكنيسة كانت كتجتهد في الصلاة لله من قبله.
- 6 ومن اين كان هيرودس معول يخرجّه، كان بطرس ناعس ديك الليلة بين زوج د العسكرية مربوط بزواج د السناسل، وكانوا قدّام الباب عسّاسة كيّعسّوا على الحبس. 7 وها ملاك الربّ جا وواحد النور ضوى على البيت، وضرب بطرس في جنبه وفيقه كييقول: قوم دغيا! وطاحوا السناسل من يديه. 8 وقال له الملاك: تحرّم والبس نغايلك. وعمل هكدا. وقال له: البس سلهامك واتبعني. 9 وخرج كيتبعه، وهو ما عارف شي باين داك الشي الي وقع على يد الملاك كان صحيح لکن ظنّ باين شاف شي رؤيا. 10 ودازوا العسّاس الاول والثاني وجاوا لباب الحديد الي كتدي للمدينة وانفتحت لهم بوحدها وخرجوا ودازوا واحد الزنقة وفي الحين فارقه الملاك.
- 11 وحين توعّى بطرس مع نفسه قال: دابّ كنعرف بالتحقيق باين الربّ سيفط الملاك دياه وعتقني من يد هيرودس ومن كل ما كيتسنّوا ناس اليهود. 12 ومن اين كان كيخمّم في هذا الامر جا لدار مريم أمّ يوحنا الي مكّني مرقس، فاين كانوا ناس بالزاف مجموعين كيصلّوا. 13 ومن اين دق بطرس على باب النباح جات واحد المتعلّمة امسها رودا باش تسمع. 14 وحين عرفت صوت بطرس ما فتحت شي الباب من الفرحة لکن جرات لداخل وخبرت باين بطرس واقف قدّام الباب. 15 وقالوا لها: أنت حمقت. واما هي كانت كتتحقق لهم باين هكدا هو. وقالوا: هو الملاك دياه. 16 واما بطرس بقى كيدق، ومن اين فتحوا وشافوه دهشوا. 17 وشار لهم بيدّه باش يسكتوا وعادو لهم كيف خرجّه الربّ من الحبس، وقال: خبروا يعقوب والخرت بهذا الشي. داك الوقت خرج ومشى لموضع اخر.
- 18 وفي وقت طلع النهار، وقعت واحد الدهشة كبيرة بين العسكر، اش هذا الشي الي جرى لبطرس؟ 19 واما هيرودس حين فتش عليه وما جبره شي بحت العسّاسة وامر بيان هم ينقتلوا. داك الوقت هوّد من اليهودية لقيصرية وجلس تمّ.
- 20 وكان هيرودس مغدّد على الصوريين والصيداويين وجاوا لعنده براي واحد وحيث تصاحبوا مع بلاستس حاجب السلطان طلبوا الصلح على حق اش بلادهم كتتنقوّت من بلاد السلطان. 21 وفي واحد النهار معيّن لبس هيرودس الكسوة الملوكية وجلس على الكرسي دياه وبدا يخاطبهم. 22 وغوتوا

الناس وقالوا: هذا صوت واحد الإله! ماشي صوت بن آدم! 23 وفي الحين ضربه ملاك الرب حيث ما أعطى شي التوقير لله. واتكل بالدود ومات.

24 وأمّا كلام الله كان كيزيد ويكثر. 25 ورجعوا برنابا وشاول من اورشليم من مورا ما كملوا الشغل وادّوا معهم يوحنا الّي مكّني مرقس.

الفصل التلّطاش

1 وكانوا في أنطاكية في الكنيسة تمّ شي انبيا ومُعلّمين: برنابا وسمعان الّي مسمّي نيجر ولوكيوس القيرواني ومناين الّي تربّي مع هيرودس القايد وشاول. 2 ومن اين كانوا كيخدموا الرب وكيصوموا، قال الروح القدس: اعزلوا لي برنابا وشاول للشغل علاش عيّطت لهم. 3 وفي وقت صاموا وصلّوا وحطّوا عليهم يديهم، عاد سيفطوهم.

4 وهدو حين تسيفطوا بالروح القدس هودوا لشلوكية ومن تمّ سافروا في البحر لقبرص. 5 ومن اين كانوا في سلاميس خبروا بكلام الله في جوامع اليهود، وكان عندهم يوحنا خدام. 6 وحين دازوا في الجزيرة لبافوس جبروا واحد الرجل سحّار نبي كدّاب يهودي اسمه بار يشوع، 7 الّي كان مع الخليفة سرجيوس بولس واحد الرجل فاهم، وهذا عيّط على برنابا وشاول وبغى يسمع كلام الله. 8 وعارضهم عليم السحّار (حيث هكدا كيتترجم اسمه) باغي يحوّل الخليفة على الإيمان.

9 وأمّا شاول الّي تاني مسمّي بولس معمر بالروح القدس حقق فيه 10 وقال: يا المعمر بكلّ غش وكل تحراميت، يا ولد إبليس، يا العدو د كل تقوى، واش ما تخلص من تعويج طرّقان الله المسقمين؟ 11 ودابّ ها يد الربّ عليك وتكون اعمى ما تشوف شي الشمس على شي مدّة. وفي الحين طاحت عليه الضبابة والظلام وبدا يدور كيفتش على من يقوده من يده. 12 ديك الساعة حين شاف الخليفة الّي وقع، آمن، كيدهش من تعليم الربّ.

13 ومن اين قلّعوا من بافوس بولس والّي هم معه جاوا لبرجة في بمفيلية. وأمّا يوحنا فارقهم ورجع لاورشليم. 14 ولاكن ه دازوا من برجة وجاوا لأنطاكية في بيسيدية ودخلوا للجامع نهار السبت وجلسوا. 15 وبعد القرارية في الشرع والانبيا سيفطوا لعندهم المقدّمين د الجامع كيقلّوا: يا الرجال الخوت، إذا عندكم شي كلمة د التوعيط للناس، قولوها. 16 وقام بولس وشار بيده وقال: يا الرجال الاسرائيليين، والّي كيخافوا الله، اسمعوا. 17 إله هدا القوم د إسرائيل اختار جدودنا ورفع القوم في وقت كانوا مغرّبين في بلاد مصر، وبدرّاع مرفودة خرّجهم منها. 18 ومقدار مدّة من اربعين عام هو صبر معهم في عوايدهم في الخلا. 19 ومن اين هلك سبعة د الكنّوس في بلاد كنعان، قسم لهم بلادهم بالعود.

20 وبعد داك الشي أعطاهم قضاة مدّة من اربع مية وخمسين سنة حتى لوقت صمويل النبي. 21

وداك الوقت طلبوا واحد السلطان واعطاهم الله شاول بن قيس اربعين عام رجل من قبيلة بنيامين. 22

وحين حيده، قيّم لهم داود باش يكون سلطان اليّ شهد له تاني وقال: جبرت داود بن يسى رجل من جهة قلبي اليّ ماشي يعمل خاطري كلّ. 23 من دريّة هذا الرجل قيّم الله لاسرائيل على قوله واحد المنجّي يسوع، 24 حين سبق يوحنا وبرّح قبل المجي دياله بمعمودية التوبة لجميع دار إسرائيل. 25

ومن اين كان نوحنا كيكمّل جريته قال: اش كتطنّوا في؟ اشكون انا؟ ما أنا شي هو لائن راه يجي من موراي اليّ ما نستاهل شي نحلّ نعايل رجليه. 26 يا الرجال الخوت، أولاد اهل إبراهيم، والي فيكم كيخافوا الله، لكم تسيفظ كلام هذا النجا. 27 على حق اش سكّان اورشليم وكبارهم ما عرفوا شي هذا، وكلام الانبيا اليّ كينقرا كلّ سبت كمّلوه حين حكموا عليه. 28 ووخّى ما جبروا فيه حتى سبة د الموت طلبوا من بلاطس باش ينقتل. 29 وحين كمّلوا كل شي اليانكتب عليه، هبطوه من الخشبة ونزلوه في واحد القبر. 30 ولاكن الله قيّمه من الميتين، 31 وظهر أيّام كتيرة لهدوك اليّ طلّعوا معه من الجليل لاورشليم اليّ هم الشهود دياله عند الناس. 32 واحنا كنبنشروكم بالقول اليّ انعطى لجدودنا 33 باش الله وقى هذا لناحنا أولادهم حين قيّم يسوع بحال ما هو مكتوب انيت في المزمور الثاني: أنت ابني. أنا اليوم ولدتك. 34 وباين قيّمه من الميتين وما تعاودشي تفسد داته هكدا قال أنا ماشي نعطيكم الرحمت د داود الصادقين. 35 على داك الشي تاني قال في مزمور اخر: ما تخليّ ش قدّوس يشوف فساد. 36 على حق اش داود من مورا ما خدم جيله في خاطر الله نعس وانزاد على جدود وشاف فساد. 37 واما اليّ قيّمه الله ما شاف فساد. 38 ول لازم يكون معروف عندكم، يا الرجال الخوت، باين على يد هذا كنبنشروكم بغفران الذنوب، 39 وبهجا كل واحد اليّ يامن يكون مبرّي من كل شي اليّ ما قدرتوا شي تكونوا مبرّيين منه بشرع موسى. 40 وردّوا بالكم باش ما يجي عليكم داك الشي اليّ مذكور في الأنبياء: 41 شوفوا يا اليّ كتبهدلوا وتعجّبوا، وافناوا على حق اش واحد العمل نعمله في أيّامكم، واحد العمل اليّ ما تصدّقه شي بعدما يخبركم به شي احد.

42 ومن مورا ما خرجوا اليهود من الجامع طلبوا لهم الكُنوس باش يتكلّموا معهم بهذا الكلام في السبت الماضي. 43 وحين تفرّقت الجماعة بالزاف من اليهود والدُخلاء العبّاد تبعوا بولس وبرنابا اليّ تكلّموا معهم ووَعظوهم يتبتوا في نعمة الله. 44 وفي السبت الثاني اتجمعت المدينة علان كلّها باش تسمع كلام الله. 45 ومن اين شافوا اليهود الجوقات تعمّروا بالغيرة وبدوا يعارضوا اليّ قاله بولس كيجادلوا ويكفروا. 46 وتكلّم معهم بولس وبرنابا بالشجاعة وقالوا: كان واجب ينقال لكم كلام الله انتم في الاول ولاكن من حيت سبّيتوه، عليكم وحكمتموا على أنفسكم باين ما تستاهلوا شي حياة الاخرة، ها

احنا ندوروا لعند الكُنُوس ، 47 حيث هكدا وصّانا الربّ وقال : أنا جعلتك ضوّ للجنوس باش تكون أنت نجا حتى للطرف الاخر في الدنيا. 48 ومن اين سمعوا الكُنُوس داك الشي فرحوا ومجدّوا كلام الربّ ، وامنوا جميع الّلي كانوا معيّنين لحياة الاخرة. 49 وانشهر كلام الربّ في البلاد كلّها. 50 ولاكن اليهود حرّشوا النسا الموقرين الّلي كي عملوا بالدين والرجال كبار المدينة ونوّضوا واحد الترميدة على بولس وبرنابا ودحاوهم من حدودهم. 51 واما هم نفضوا الغبرة د رجليهم شهادة عليهم وجاوا لايقونية. 25 وتعمّروا التلاميذ بالفرحة والروح القدس.

الفصل الاربعطاش

1 ومن اين كانوا في إيقونية ، دخلوا مع بعضهم لجامع اليهود وتكلّموا حتى امنوا عدد كثير من اليهود واليونانيين. 2 ولاكن اليهود الّلي ما كانوا شي مأمّنين حرّشوا وقبّحوا أنفس الكُنُوس على الخوت. 3 وجلسوا مدّة طويلة كيوعّظوا بالشجاعة في الربّ الّلي كان كيشهد لكلام نعمته وكيعطي باش ينعملوا إمارات وعجائب على يديهم. 4 وتقسموا ناس المدينة البعض منهم كانوا مع اليهود والبعض مع الرُّسل. 5 وحين وقعت واحد الهجمة من الكُنُوس واليهود مع كبارهم باش يمرمدوهم ويرجموهم 6 فطنوا بها وهربوا لزوج د المدن في ليكاونية لسترة ودربة والبلاد الدايرة بهم. 7 وتمّ كانوا كي بشروا بالإنجيل.

8 وكان جالس في لسترة واحد الرجل معدور من رجليه زخّاف من كرش أمّه الّلي عمره ما مشى على رجليه. 9 هدا سمع بولس كيتكلّم. الّلي حقق فيه وحيث شاف باين عنده الإيمان باش يتشافى 10 قال بصوت عالي : قوم واقف على رجليك ! ونقز وبدا كيمشي. 11 والناس حين شافوا الّلي عمل بولس علاّوا صوتهم بلغة ليكاونية وقالوا : الإلاهات تشبّهوا لبن ادم ونزلوا لعندنا ! 12 وسماّوا برنابا زيوس وبولس هرمس من حيث كيتقدّم في الكلام. 13 والمقدّم د زيوس الّلي كان حدا المدينة جاب التيران والتيجان د النّوار للبيبان مع الناس وكان باغي يدبح. 14 وحين سمعوا الرُّسل برنابا وبولس داك الشي شرّقوا حوايجهم وجروا لعند الناس كيغوتوا 15 وكيقولوا : يا الرجال ، علاش كتعملوا هدا الشي ؟ احنا تاني بن ادم بالشهاوي بحالكم وكنبشروكم باش ترجعوا من هدو الأمور الخاويين الإلاه الحيّ الّلي خلق السما والأرض والبحر وكل ما فيهم ، 16 الّلي في الأجيال الفاتيتين خلّى جميع الكُنُوس يمشيوا في طرقاتهم. 17 ولاكن بالحق ما خلّى شي نفسه بلا شاهد من حيث كي عمل الخير وكيعطينا من السما الشتاوات وسنين الصابة كي عمّر قلوبنا بالرزق والفرحة. 18 وبهدا الكلام بحرّى حصروا الناس باش ما يدبّحوا شي عليهم. 19 وجاوا لتّم شي يهود من أنطاكية وإيقونية وحرّشوا الناس ورجموا بولس وجروه

على برّا من المدينة ظانّين باين مات. 20 ولاكن حين داروا به التلاميذ قام ودخل للمدينة، ولاّ غداً خرج مع برنابا لدربة. 21 وبشروا بالإنجيل في ديك المدينة وردّوا ناس كتار تلاميذ. عاد رجعوا للسترة وإيقونية وأنطاكية 22 كيتبّتوا أنفس التلاميذ كيوعظوهم باش يتبّتوا في الإيمان وكيقولوا باين بضيقات كتار لازم ندخلوا لملاكة الله. 23 وعيّنوا لهم شيوخ في كل كنيسة عاد صلّوا وهم صايمين وأمّنوهم عند الربّ الّلي كانوا أمّنوا له. 24 وحين دازوا في بيسيدية جاوا لبمفيلية، 25 وتكلّموا بالكلام في برجة عاد هوّدا لاتالية، 26 ومن تمّ سافروا في البحر لأنطاكية فاين كانوا اندفعوا لنعمة الله للشغل الّلي كملوه. 27 ومن اين وصلوا وجمعوا الكنيسة عاودوا كل ما عمل معهم الله وكيف فتح للجنوس باب الإيمان. 28 وجلسوا تمّ مدّة طويلة عند التلاميذ.

الفصل خمسطاش

1 وهوّدا شي ناس من اليهودية وبدّوا كيعلّموا الخوت وقالوا: إذا ما تختنّتوا شي على القاعدة د موسى ما تقدروا شي تنجاوا. 2 وحين كانت عند بولس وبرنابا واحد المغانّة كبيرة ومجادلة معهم، عوّلا يطلعوا بولس وبرنابا وشي ناس آخرين منهم لعند الرّسل والشيوخ في أورشليم على مسبة هذه المسألة. 3 وهّدا من مورا ما تسيفطت معهم الكنيسة دازوا في فينيقية والسامرة كيعاودوا لهم على رجوع الكُنوس وفرحوا جميع الخوت بفرحة كبيرة. 4 وحين وصلوا لأورشليم قبلتهم الكنيسة والرّسل والشيوخ وعاودوا لهم كل ما عمل الله معهم. 5 ولاكن قاموا شي ناس من مذهب الفريسيين الّلي كانوا أمّنوا وقالوا باين لازم يخنّتهم ويوصّيهم يقبضوا شرع موسى.

6 واتجمعوا الرّسل والشيوخ يفتشوا في هذا الأمر. 7 ومورا ما وقعت مجادلة كبيرة قام بطرس وقال لهم: يا الرجال الخوت، أنتم كتعرفوا باين كدا هذه من الّلي اختار الله بينتنا باش من فمّي يسمعو الكُنوس كلام الإنجيل ويأمّنوا. 8 والله العالم على القلوب شهد لهم كيغطي لهم الروح القدس بحال ما أعطاه لنا تاني، 9 وما فرق بيننا وبينهم حتى بشي حيث طهر قلوبهم بالإيمان. 10 ودابّ علاش كتجرّب الله باش تعلقوا واحد الزكّل على عنق التلاميذ الّلي ما قدروا لا جدودنا ولا احنا نرفدوه. 11 لآكن بنعمة الربّ يسوع المسيح احنا كنامنّوا باين ننجاوا بحال هّداك تاني. 12 وسكتت الجماعة كاملة، وكانوا كيسمعو برنابا وبولس كيعاودوا على جميع الّلي عمل الله من الإمارات والعجايب في الكُنوس على يديهم.

13 ومن مورا ما سكتوا جاوب يعقوب كيقل: يا الرجال الخوت، اسمعوني. 14 سمعان عاود لكم كيف تفقد الله الكُنوس في الأوّل باش ياخذ منهم شي قوم لاسمّه. 15 ومع هذا الشي كيتوافق كلام

الأنبياء بحال ما هو مكتوب: 16 ماشي نرجع بعد هذا الشي ونبني تاني خيمة داود الطايحة ونبني تاني الهدم ديالها ونعاود نوقفها 17 باش يفتشوا الباقيين من الناس على الربّ وجميع الكُنُوس الّي كيتسّمّوا على اسمي كيقلول الربّ الّي كيعدل هذا الشي كلّ. 18 معروفين عند الربّ من أوّل الزمان جميع أعماله. 19 على داك الشي الراي ديالي هو باين ما نتقلّوا شي على الّي هم راجعين لله من الكُنُوس، 20 لّاكن نكتبوا لهم يتخلّيووا على الدبايح المنكُوسين للأصنام وعلى الزنا والمجيّف والدم. 21 لأنّه موسى من زمان عنده في كل مدينة الّي كيوعّظوا به حيث كينقروا في الجوامع كل سبت.

22 داك الوقت ترايووا الرُّسل والشيوخ مع الكنيسة كاملة باش يختاروا زوج د الرجال منهم ويسيفطوهم لأنطاكية مع بولس وبرنابا، يهودا الّي مكّني برسابا وسيلا، رجال كبار في الخوت. 23 وكتبوا واحد البراة هكدا وسيفطوها على يديهم: الرُّسل والشيوخ والخوت كيسلّموا على الخوت الّي من الكُنُوس في أنطاكية وسورية وكيليكية. 24 من حيث سمعنا باين شي ناس خارجين من عندنا شوّسوكم بالكلام كيقلبووا أنفسكم وكيقلولوا لازم تتختّنوا وتقبطوا الشرع، الّي ما وصّيناهم شي به احنا، 25 ظهر لنا مزيان وولّينا على راي واحد باش نختاروا زوج د الرجال ونسيفطوهم لعندكم مع أحبابنا برنابا وبولس، 26 رجال الّي سخاوا بعمرهم على سبب اسم ربّنا يسوع المسيح. 27 وسيفطنا يهودا وسيلا وهم يخبروكم بفمّهم على هدو الأمور بنفسم. 28 حيث ظهر مزيان للروح القدس ولنا باش ما نخطّوا شي عليكم التقل اكثر من هدو الأمور الواجبين 29 باش تتخلّوا على الدبايح للأصنام وعلى الدم والمجيّف والزنا. وإذا حيّدتوا أنفسكم على هدو تعملوا مليح. تبقّوا على خير.

30 وهم من اين تسيفطوا جاوا لأنطاكية وجمعوا الجماعة ودفعوا البراة. 31 وحين قراوها فرحوا على سبب التسلية. 32 ويهودا وسيلا من حيث هم تاني أنبيا وعّظوا الخوت بكلام كثير وتبّتوهم. 33 داك الوقت من مورا ما دوّزوا شي مدّة تسيفطوا بالسلامة من عند الخوت لعند الرُّسل. 34 ولاكن سيلا ظهر له مزيان يبقّى تمّ. 35 وأمّا بولس وبرنابا جلسوا في أنطاكية كيعلّموا وكيبشروا بكلام الربّ هم وآخرين بالزاف تاني.

36 وبعد شي أيّام قال بولس لبرنابا: أجي نرجعوا ونرقبوا على اخوتنا في كل مدينة فاش خبرنا بكلام الربّ ونشوفوا حالتهم. 37 وبغى برنابا يديّوا معهم تاني يوحنا الّي فارقهم من بمفليّة وما مشى شي معهم للشغل. 39 ووقع بينتهم واحد الخصومة حتى فارق واحد الآخر، وبرنابا اذا مرقس وسافر في البحر لقبرص. 40 وأمّا بولس اختار سيلا وخرج مدفوع من عند الخوت لنعمة الله. 41 وداز في سورية وكيليكية كيتبّت الكنايس.

1 ووصل لدربة ولسترة ورا واحد التلميد تمّ اسمه تيموثاوس ولد واحد المراة يهودية مومنة ولاكن أبوه كان يوناني. 2 وكانوا كيشهدوا له الخوت الي في لسترة وإيقونية. 3 وبغاه بولس يخرج معه واده وختنه على سبب اليهود الي في دوك الجوايه حيث عرفوا كلهم باين أبوه يوناني. 4 ومن اين كانوا كيدوزوا على المدن، كانوا كيخبروا بالظواهر الي حكموا بهم الرسل والشيوخ الي في أورشليم باش يعملوا بهم. 5 وكانوا الكنيس كيتبتوا في الإيمان وكيزيدوا في العدد كل نهار. 6 ومن مورا ما دازوا في فريجية وبلاد غلاطية حصرهم الروح القدس باش ما يتكلّموا شي بالكلام في آسيا. 7 وحين جاوا لميسيا بغاوا يمشيوا لبثينية وما خلاهم شي الروح. 8 ودازوا على ميسيا وهودوا لترواس. 9 وظهرت لبولس رؤيا في الليل واحد الرجل مكدونى واقف كيرغبه وكيقول: اقطع لمكدونية وعاوننا! 10 ومن اين شاف الرؤيا في الحين فتشنا باش نمشيوا لمكدونية محققين باين الرب عيط لنا باش نبشروهم بالإنجيل.

11 وقلعنا من ترواس وجينا مكودين لساموثراكي ولا غدا لنيابوليس، 12 ومن تمّ لفيلبي الي هي المدينة الكبيرة في ديك الجهة د مكدونيه وهي كولونية، وجلسنا في هذه المدينة شي أيام. 13 وفي نهار السبت خرجنا على برا من المدينة لحدا واحد الواد فاين كانت عندهم القاعدة يصلّوا وجلسنا وكنا كنتكلّموا مع النسا الي اتجمعوا تمّ. 14 وكانت كتسمع واحد المراة اسمها ليدية وهي بيّاعة التوب الرفيع من مدينة ثياتيرا وكانت كتعبد الله وفتح الرب قلبها باش تقبل الي قاله بولس. 15 وحين تعمّدت هي وأهل دارها طلبت كتقول: إذا حسبتوني مومنة بالرب ادخلوا لداري وابقاوا تمّ. وحصرتنا.

16 ووقع من اين كنا ماشيين للصلاة باين واحد الجارية فيها جنّ د السحر تلافتنا، وكانت كتربح أسياها ربح كتير بسحرها. 17 هذه تبعتنا احنا وبولس وغوتت كتقول: هذو الناس هم عبيد الله العلي الي كيخبروكم بطريق النجاة. 18 وكانت كتعمل هذا الشي أيام كتيرة، وانفقص بولس ودار في الجنّ وقال له: أنا كنامرّك باسم يسوع المسيح تخرج منها! وخرج في ديك الساعة.

19 وحين شافوا أسياها باين خرج الي كانوا كيرجاوا منه الربح، قبضوا بولس وسيلا وجروهم للسوق لعند الحكام. 20 وحين جابوهم لعند القياد، قالوا: هذو الرجال كيفتنوا مدينتنا وهم يهود 21 وكيعلموا القواعد الي ما هم شي حلال علينا نقبلوهم ولا نعملوا بهم من حيث احنا رومانيين. 22 وقاموا الناس عليهم في مرة والقياد شركوا عليهم حوايجهم وامروا باين يتعصّوا. 23 وأعطاهم شحطات بالزاف وسيبوهم في الحبس ووصّوا قايد الحبس يحضيههم مسقم. 24 وهو من اين قبض واحد الوصاية بحال هذه سيّبهم في الحبس الداخلي وربط رجليهم بالكبال.

25 ومقدار النص في الليل كان بولس وسيلا كيصلّوا وكيحمدوا الله بالتهليل والمساكن كيسمعوهم. 26 ووقعت على غفلة واحد الزنلة عظيمة حتى تزعزعا لساكات الحبس، وانفتحوا في الحين البيبان كاملين وانفكّوا السناسل ديالهم مجموعين. 27 وحين فاق قايد الحبس وشاف بيبان الحبس مفتوحين سلّ سيفه وكان علاين يقتل راسه كيظنّ باين المساكن هربوا. 28 وعيّط بولس بصوت عالي كييقول: لا تضرّ نفسك حتى بشي، على حق اش احنا كاملين هنا! 29 وطلب الضوّ ودخل بالجري وطاح قدّام بولس وسيلا وهو كيترعد، 30 وخرّجهم وقال: يا أسيادي، أش واجب عليّ نعمل باش ننجا؟ 31 وقالوا له: امّن بالربّ يسوع المسيح وتنجا أنت وأهل دارك. 32 وتكلّموا معه ومع جميع اليّ في داره بكلام الربّ. 33 وادّاهم في ديك الساعة في الليل وغسل لهم جرحاتهم وتعمّد في الحين هو والّي عنده مجموعين. 34 وحين طلّعهم لداره نزل لهم ما ياكلوا وفرح بالزاف هو وداره كاملة حيث امّن بالله.

35 ومن اين طلع النهار سيفطوا القيّاد المخزنية كيقلّوا: اطلق دوك الرجال. 36 وخبر قايد الحبس بولس بهذا الكلام كييقول: القيّاد سيفطوا يطلّقوكم واخرجوا دابّ وسيروا بالسلامة. 37 وقال لهم يولس: عصّونا قدّام الناس من غير حق واحنا رجال رومانيين وسيّبونا في الحبس. واش دابّ كيدحيونا بالتخيبة؟ لاواه! لادن لازم يجيوا هم بأنفسهم ويخرّجوننا! 38 وخبروا المخزنية القيّاد بهذا الكلام ومن اين سمعوا باين هم رومانيين، خافوا، 39 وجاوا ورغبوهم وخرّجهم وطلبوهم يخرجوا من المدينة. 40 وخرجوا من الحبس ودخلوا لعند ليدية وشافوا الخوت وسلاّوهم، عاد مشاوا.

الفصل السبعطاش

1 ودازوا في أمفيبوليس وأبولونية وجاوا لتسالونيكّي فاين كانت جامع د اليهود. 2 ودخل بولس عندهم بحال ما كانت قاعدته وكان كيتباحث معهم ثلاثة د السبوت من الكتب 3 كيوضّح وكيبيّن باين كان واجب على المسيح يتعدّب ويقوم من الميتين، وباين: هدا هو المسيح يسوع اليّ أنا كنخبر به. 4 وتاقوا البعض منهم وتبعوا بولس وسيلا ومن اليونانيين العبّاد جماعة كبيرة ومن النسا الكبار عدد كثير. 5 وغاروا اليهود اليّ ما امّنوا شي وادّاوا شي ناس قبّاح من سلاكط السوق واتجمعوا وروّعوا المدينة وهجموا على دار ياسون باغيين يخرّجهم للناس. 6 ومن اين ما جبروهم شي، جرّوا ياسون وشي ناس من الخوت لعند حكّام المدينة كيغوّتوا وكيقلّوا هدا اليّ فتنوا الدنيا، ها هم جاوا لهنا تاني! 7 وضيّفهم ياسون، وهدو كلّهم كيخالقوا ظواهر قيصر كيقلّوا باين كاين واحد السلطان آخر، يسوع. 8

وتهوّلوا الناس وحكّام المدينة حين سمعوا هذا الكلام. 9 وقبضوا الضامن من ياسون ومن الباقيين وطلقوهم.

10 وأمّا الخوت في الحين سيفطوا بولس وسيلا في الليل لبيريّة وهم من اين وصلوا دخلوا للجامع د اليهود. 11 وهدو كانوا أفضل من هدوك الّي في تسالونيكي وقبلوا الكلام بالفرحة كيفتسوا الكتب كل نهار واش هدو الأمور هكدا همّ. 12 وأمّنوا منهم بالزاف ومن النسا اليونانيات الموقّرات ومن الرجال عدد كثير.

13 وحين عرفوا اليهود الّي هم في تسالونيكي باين في بيريّة تاني خبر بولس بكلام الله، جاوا كيحرّشوا الجماعات تمّ تاني. 14 وداك الوقت سيفطوا الخوت بولس في الحين باش يمشي بحال إذا كان ماشي للبحر، وأمّا سيلا وتيموثاوس بقاوا تمّ. 15 والّي اذاوا بولس وصلّوه لأثينا. ورجعوا هم حين قبضوا واحد الوصاية على سيلا وتيموثاوس باش يجيوا لعنّده بالبطر.

16 ومن اين كان بولس كيتسنّاهم في أثينا، ضاقت روحه حيث شاف المدينة معمرّة بالأصنام. 17 وكان كيتكلّم في الجامع مع اليهود ومع العبّاد ومع الّي كانوا كيتلاقاواه كل نهار في السوق. 18 وتلاقاواه شي ناس من الفلاسفة الأبيكوريين والرواقيين وقالوا البعض منهم: أش كيبغي يقول هذا الهتراق؟ وآخرين قالوا: كيظهر باين كيخبر بالاهات غراب. حيث كان كيبرّشهم بيسوع وبالبعث. 19 واداواه ومشاوا به لعقبة أريوس كيقلوا: واش نقدرنا نعرفوا أشنهو هذا التعليم الجديد الّي كتتكلم به؟ 20 على حق اش أنت كتجيب لأدنيا شي أمور غراب واحنا بغينا نعرفوا أشنهو هذا الشي. 21 على حق اش الأثينويين كلّهم والبرّانيين الّي ساكنين تمّ ما كانوا شي كيتشغلوا بشي حاجة أخرى من غير باش يتكلّموا أو يسمعو شي أمر جديد.

22 ووقف بولس في وسط عقبة أريوس وقال: يا الرجال الأثينويين، أنا كنشوفكم في كل شي ناس دينيين بالزاف. 23 على حق اش من اين كنت دايز وشفت المعبودات ديا لكم جبرت تاني واحد المدبح مكتوب عليه: لإلاه الّي ما هو شي معروف. والّي كتعبدوه وانتم ما كتعرفوه شي به كنخبركم. 24 الإلاه الّي خلق الدنيا وكل ما فيها هذا من حيث هو ربّ السما والأرض ما كيسكن شي في جوامع مبنيين باليدّين، 25 ولا كيتخدم بيدّين بن آدم بحال إذا كان محتاج في شي حاجة. من حيث هو كيغطي للجميع الحياة والنفس وكل شي. 26 ومن دمّ واحد خلق الكُنوس د بن آدم كلّهم باش يسكنوا على وجه الأرض كلّها وحدّ الأوقات المعيّنين وحدود المسكن ديا لهم، 27 باش يفتشوا على الله إذا يقدرنا يدسّسوا عليه ويجبروه لآكن بالحق ما هو شي بعيد حتى على واحد منّا. 28 على حق اش فيه احنا كنحياوا وكنتحرّكوا وكنكونوا. بحال ما قالوا البعض من الشعراء ديا لكم على حق اش احنا تاني

درّيته. 29 وحيث احنا درّية الله ما واجب شي علينا نزنّوا باين الألوهية كتشبه للذهب أو للنقرة أو للحجر المنقوش بالصنعة والعقل د بن آدم. 30 وأوقات الجهل ما حسبهم شي الله ولاكن داب كيامر الناس كاملين في كل موضع يتوبوا. 31 من حيث عيّن واحد النهار الي فيه معول يحكم على الدنيا بالحق على يد الرجل الي عيّنه كيبيغي يعطي لجميع الناس الإيمان حيث قيّمه من الميتين. 32 وحين سمعوا بالقيامة من الميتين بداوا البعض يضحكوا عليه والبعض يقولوا: نسمعوا منك عاود تاني على هذا الشي. 33 وهكذا خرج بولس من وسطهم. 34 ولاكن شي ناس ولاوا معه وامنوا، ومنهم ديونيسيوس الأريوباغي وواحد المراه اسمها دامرس وآخرين معهم.

الفصل التمنتاش

1 وبعد هذا الشي مشى بولس من أثينا وجا لكورنثوس. 2 وجبر واحد اليهودي اسمه أكايلا، أصله بنطي، باقي كيف جا من إيطاليا، وبريسكلا امراته. لأنّه كلوديوس كان أمر اليهود كلهم يمشيوا من رومة. وجا بولس لعندهم، 3 ومن حيث كانت صنعتهم بحال صنعته، جلس عندهم كيخدم على حق اش كانوا في صنعتهم خياطين الخزائن. 4 وكان كيتباحث في الجامع كل سبت كيرد اليهود واليونانيين. 5 ومن اين هوّدا سيلا وتيموثاوس من مكدونيه، كان بولس مقبوض في روحه وهو كيشهد لليهود بالمسيح يسوع. 6 ومن اين كانوا كيخالفوه ويكفروا، نفّض حوايجّه وقال لهم: دمكم على روسكم. أنا باري. من داب نمشي لعند الكنوس. 7 وخرج من تمّ ودخل لدار واحد الرجل اسمه يوستس الي كان كيعبد الله وكانت داره متحادية مع الجامع. 8 وكريسبس المقدّم د الجامع امنّ بالربّ هو وداره كلها. وبالزاف من الكورنثيين من اين سمعوا، امنوا وتعمّدوا. 9 وقال الربّ لبولس في واحد الرؤيا في الليل: لا تخاف شي لآكن تكلم ولا تسكت شي. 10 على حق اش أنا معك وما يقربك احد باش يضرّك. حيث عندي ناس بالزاف في هذه المدينة. 11 وجلس عام وستّ شهور كيعلّم بكلام الله في وسطهم. 12 ومن اين كان غالليون خليفة على أخاية، قاموا اليهود براي واحد على بولس وجابوه للكرسي د الحكم 13 كيقلولوا باين هذا كيعلّم الناس باش يعبدوا الله عكس في الشرع. 14 وكيف بغى بولس يفتح فمه باش يتكلم، قال غالليون لليهود: لو كان هذا الشي ظلم أو خبت قبيح، يا اليهود، لو كان بالحق صبرت معكم، 15 ولاكن إدا هي واحد المسالة على شي كلمات وشي اسميات وعلى شرعكم، شوفوا أنتم، على حق اش أنا ما نكون شي قاضي في هدو الأمور. 16 ودحاهم من المحكمة.

17 واليونانيين كاملين قبضوا سوستانييس المقدم د الجامع وضربوه قدام الكرسي وغاليون ما طلّع حساب في داك الشي.

18 واما بولس بقى تمّ ايام كثيرة عاد تسيفط مع الخوت وسافر في البحر لسورية ومعه بريسكلا وأكيلا من مورا ما حسن رأسه في كنخريّا. لأنّه كان عليه واحد العهد. 19 وجا لأفسس وخلاهم تمّ، واما هو دخل للجامع وتباحث مع اليهود. 20 ومن اين طلبوه يجلس عندهم باقي شي مدّة ما بغى شي، 21 لآكن تسيفط معهم كيقلول: لازم على كلّ حال ندوز العيد المايجي في أورشليم، ولاكن ماشي نرجع لعندكم تاني إن شاء الله. وقلّع من أفسس. 22 وحين نزل في قيصرية، طلع وسلّم على الكنيسة وهود لأنطاكية. 23 ومن مورا ما دوز شي مدّة خرج وداز في بلاد غلاطية وفريجية بالترتيب كيتبّت التلاميذ كاملين.

24 وجا لأفسس واحد اليهودي اسمه أبّلوس، أصله إسكندري، رجل لسانه فصيح ومقدّ في الكتب. 25 كان هدا مقريّ في طريق الربّ وحيث كان مجتهد في الروح كان كيتكلّم وكيعلم مسقّم الأمور د الربّ، عارف غير معمودية يوحنا. 26 وبدا هدا كيتكلّم بالشجاعة في الجامع. وحين سمعوه أكيلا وبريسكلا، ادّواه لعندهم وزادوا فسروا له طريق الله بالتحقيق. 27 ومن اين كان كيبغي يدوز لأخاية، كتبوا الخوت للتلاميذ كيوصيهم يقبلوه. وحين وصل عاونهم بالزاف اليّ بالنعمة كانوا امّونا. 28 لأنّه بالجهد كان كيسكّت اليهود قدام الناس كيبيّن من الكتب باين يسوع هو المسيح.

الفصل التسعطاش

1 وفي وقت كان أبّلوس في كورنثوس، بولس من مورا ما داز في الجوايه الفوقانيين، جا لأفسس. ومن اين جبر شي تلاميذ 2 قال لهم: واش قبضتوا الروح القدس حين امّنتوا؟ قالوا له: ما سمعنا شي واش كاين الروح القدس. 3 وقال لهم: وباش تعمّدتوا؟ وقالوا: بمعمودية يوحنا. 4 وقال بولس: يوحنا عمّد بمعمودية التوبة، كيقلول للناس باين يامّنوا بالّي يجي من مورا يعني بالمسيح يسوع. 5 وحين سمعوا هدا الشي تعمّدوا باسم الربّ يسوع. 6 وحين حطّ بولس يديه عليهم نزل الروح القدس عليهم وبدأوا كيتكلّموا بلّسن ويكاشفوا. 7 وكانوا الرجال كاملين مقدار اطناش. 8 ودخل للجامع وكان كيتكلّم بالشجاعة مدّة من تلت شهور وكيتباحث وكيتبّت بالأمر ديال ملاكة الله. 9 وحين قساحوا البعض وما تاقوا شي لآكن قبحوا الطريق قدام الناس، حيّد عليهم وفرز التلاميذ وولّى كيتباحث كل نهار في المدرسة د واحد الإنسان اسمه تيرائس. 10 وبقى كييعمل داك الشي مدّة من عامين حتى سمعوا كلام الربّ يسوع جميع اليّ ساكنين في آسيا، يهود ويونانيين. 11

وكان الله كيعمل على يدين بولس إمارات غراب، 12 حتى كانوا كيجيبوا من يده السباني أو الفوطات للمرضى وتحيدوا منهم أمراضهم وخرجوا منهم الجنون.

13 وبدوا البعض من اليهود السايحين السحارين كيدكروا على الي فيهم الجنون اسم الرب يسوع كيقولوا: دخلنا عليك بيسوع الي كخبر به بولس! 14 وكانوا سبعة د الأولاد د سكاوا واحد اليهودي كبير الكوهنين الي عملوا هذا الشي. 15 وجاوب الجن وقال: يسوع كنعرفه، وبولس كنعرفه وأما أنتم اشكون انتم؟ 16 ونقز عليهم الرجل الي فيه الجن وغلبيهم وتجهد عليهم حتى هربوا من ديك الدار عريانيين ومجروحين. 17 وولي هذا الشي معروف عند جميع اليهود واليونانيين الي ساكنين في أفسس، وجاهم الخوف كاملين وكان اسم الرب يسوع كيتعظم. 18 وبالزاف من الي آمنوا كانوا كيجبوا واستقروا وخبروا بفعاليتهم. 19 وبالزاف من الي كانوا كيخدموا السحر جمعوا كتبهم وحرقوهم قدام الناس كاملين، وحسبوا تمنهم وجبروه خمسين ألف د النقرة! 20 هكدا كان كلام الرب كيزيد بالزاف وغلبي.

21 وحين كملوا هدو الأمور نوى بولس في نفسه يمشي لأورشليم من مورا ما يدوز في مكدونية وأخاية كيقول من مورا ما نكون تم لازم نشوف رومة ثاني. 22 وسيفط لمكدونية زوج من الي كانوا كيخدموه تيموثاوس وأرسطوس وبقي هو شي مدة في آسيا. 23 ووقع في داك الوقت واحد الضجيج كبير على سبب هذه الطريق. 24 على حق اش واحد الإنسان، اسمه ديميتريوس صياغ، كان كيصنع الجوامع د النقرة لأرطاميس وكان كيربح الصناعات ربح كبير. 25 وجمعهم هم والي خدامين في الخدمة بحالها وقال: يا الرجال، أنتم كتعرفوا باين مالنا كيجي من هذه الصنعة 26 وكتشفوا وكتسمعوا باين ماشي في أفسس وكان، لكن علاين في جميع آسيا هذا بولس غوى وتلف ناس بالزاف كيقول باين الي مصنوعين باليدين ما هم شي إلهات. 27 وماشي غير صنعتنا هذه الي كنخافوا عليها تندل لكن ثاني جامع أرطاميس الإلهة العظيمة تنحسب حتى شي ما هي وماشي ينهدم تعظيمها هي الي كي عبدوها جميع آسيا والدنيا كلها. 28 ومن اين سمعوا هذا الكلام، تعمروا بالغدايد وبدوا يغوتوا كيقولوا: عظيمة هي أرطاميس الأفسسيين. 29 وتعمرت المدينة كلها بالغوات وجراوا براي واحد للمجمع مشنقين على غايوس وأسترخس المكدونيين الي كيرافقوا بولس في السفر.

30 وحين بغى بولس يدخل في وسط الناس، ما خلاواه شي التلاميذ. 31 وشي ناس من كبار آسيا الي كانوا اصحابه سيفطوا كيطلبوه ما يزعم شي يدخل للمجمع. 32 وكانوا البعض كيغوتوا بشي والآخرين بشي آخر، حيث الجوقة كانت حايرة والكثرة فيهم ما عرفوا شي علاش اتجمعوا، 33 وجبدوا إسكندر من الجوقة، وكانوا اليهود كيدفعوه. وشار إسكندر بيده باغي يجاوب الناس. 34

وحين عرفوه يهودي غَوّوا كاملين بصوت واحد مقدار مدّة من ساعتين : عظيمة هي أرطاميس الأفسُسِيِّين.

35 داك الوقت هدّ الكاتب الجوقات وقال : يا الرجال الأفسُسِيِّين ، اشكون هو الإنسان الّلي ما كي يعرف شي باين مدينة الأفسُسِيِّين كتعبد أرطاميس الإلاهة العظيمة والصورة الّلي نزلت من عند زفس ؟
36 ومن حيث ما يقدر شي يتخالف هذا الشي ، لازم تكونوا مهذّنين وما تعملوا حتى شي بالزهاكة .
37 على حق اش جبتوا هذو الرجال وهم ما سرقوا جوامع ولا كفروا بالإلاهة ديا لكم . 38 وإذا كان ديمتريوس والصنایعيّة الّلي معه عندهم شي دعوى مع احد را الشرع موجود والخلايف كاينين وتمّ يتشاكوا مع بعضهم . 39 وإذا كنتوا كتفتشوا على شي مسالة من جهة أمور آخرين ، هي تتصوّب في واحد الجماعة معيّنة من الشرع . 40 على حق اش عندنا علاش نخافوا لا يشكيوا بنا على الفتنة د هذا النهار وما كاينة حتى سبّة الّلي من قبلها نقدروا نعطيوها الحسب على هذه الجوقة . 41 وحين قال هذا الشي سيفط الجماعة في حالها .

الفصل العشرين

1 ومن مورا ما تقاضى الضجيج ، عيّط بولس على التلاميذ وتسيفط معهم وخرج باش يمشي لمكدونية . 2 ومن اين داز في دوک الجوايه ووعّظهم بكلام كثير ، جا لهلاس 3 وبقي تمّ تلت شهور ، وحين استحيلوا عليه اليهود وهو قريب يطلع لسورية ، طاح عليه واحد الراي باش يرجع على طريق مكدونية . 4 ورافقوه لآسيا سوباترس البيري ، ومن أهل تسالونيكي أرسترخس وسكوندس وغايوس الدربي وتيموثاوس ، ومن أهل آسيا تيخيوس وتروفيمس . 5 وهذو سبقوا وتسنّونا في ترواس . 6 واما احنا سافرنا في البحر بعد ايام الفطير من فيليبّي وخلصنا عليهم في خمس ايام لترواس فاين كلّسنا سبع ايام .

7 ونهار الاحد حين كانوا التلاميذ مجموعين باش يكسّروا الخبز وعّظهم بولس وهو معول يمشي الاغدا وطول الكلام حتى لنصّ الليل . 8 وكانوا مصبّحات بالزاف في الغرفة باش كانوا مجموعين ، 9 وكان واحد الشباب اسمه أفتيخوس كّالس في الطاقة منقل بنعاس كثير . وحيث كان بولس كيوعّظ بتوعّظ طويل غلب عليه النعاس وطاح من الطبقة الثالثة لتحت واتفرد ميّت . 10 وهذو بولس وطاح عليه وعنّقه كيقل لا تتهلّوا شي لأنه فيه النفس . 11 وطلع وكسّر الخبز وكلا وتكلّم بالزاف حتى للفجر ، وهكذا خرج . 12 وجابوا الولد حيّ وتسلاّوا بتسلية كثيرة .

13 وأما احنا سبقنا للسفينة وقلعنا الأسوس معولين نركبوا بولس من تمّ لأنه هكدا وصّى معول

هو يمشي على رجليه. 14 وحين خلط علينا لأسوس ركبناه وجينا لميتيليني، 15 وسافرنا من تمّ في البحر ولاغداً جينا مكابلين خيوس، ولاغداً له وصلنا لساموس وبقينا في تروجيليون عاد جينا الاغداً له لميليتس، 16 لأنه بولس عول يدوز أفسس في البحر على حق اش ما بغى شي يضيّع الوقت في آسيا، حيث كان كيزرب باش يكون في اورشليم يوم الخميسين إذا يقدر.

17 ومن ميليتس سيفط لأفسس وعييط على شيوخ الكنيسة 18 وحين جاوا لعنده، قال لهم:

أنتم كتعرفوا من النهار الأول فاش دخلت لآسيا كيف كنت معكم في كل وقت 19 كنخدم الرب بكل صگران الراس وبالدموع بالزاف وبالتجربات الي وقعوا لي بحيلات اليهود، 20 وكيف ما وخرت حتى شي الي ينفع لآكن خبرتكم وعلمتكم قدام الناس وفي كل دار، 21 كنشهد لليهود ولل يونانيين بالتوبة لله والإيمان الي برّبنا يسوع المسيح. 22 ودابّ ها أنا غادي لأورشليم مكتف بالروح ما كنعرف شي أش ماشي يطرا لي تمّ. 23 وأما الروح القدس كيشهد في كل مدينة كيقول باين السناسل والضيقات

كيتسناوني. 24 ولاكنّي ما كنطلع حساب حتى في شي ولا عندي نفسي عزيزة باش نكمّل بالفرحة

جريتني والخدمة الي قبضتها من عند الرب يسوع باش نشهد بإنجيل نعمة الله. 25 ودابّ ها أنا

كنعرف باين ما تعاودوا شي تشوفوا وجهي تاني أنتم كلّم الي مشيت بينتكم كنخبر بملأكة الله. 26

على داك الشي كنشهدكم هذا النهار باين أنا باري من دمّ الجميع. 27 على حق اش أنا ما وخرت شي

باش نخبركم براي الله كلّ. 28 واحضيو أنفسكم والقطعة كاملة الي عملكم الروح القدس عليها حضاية

باش ترعّوا الكنيسة د الله الي شراها بدمّه. 29 على حق اش كنعرف هذا الشي باين من مورا المشي

ديالي ماشيين يدخلوا بينتكم دياب خطّافين الي ما يشفقوا شي على القطعة. 30 ومنكم أنتم انيت

ماشيين يقوموا شي رجال الي يتكلّموا بأمر معوجين باش يجبدوا التلاميذ من مورا هم. 31 وعلى داك

الشي عسّوا وتفكّروا باين مدّة من تلت سنين ليل ونهار أنا ما فترت شي باش ننّبّه بالدموع كل واحد.

32 ودابّ كنا منكم، يا اخوتي، عند الله وعند كلام نعمته الي قادر يبنيكم ويعطيكم الورت مع جميع

المقدّسين. 33 النقرة أو الذهب أو الكسوة د شي احد ما طمعت شي فيهم. 34 أنتم كتعرفوا باين الي

احتجته أنا واحتجوه الي معي خدموا عليه هدو اليدين. 35 في كل شي ورّيتكم باين هكدا واجب

عليكم تخدموا وتعاونوا الي هم ضعاف. تتفكّروا كلام الرب يسوع كيف قال: مبروك هو الي كيغطي

اكثر من هداك الي كيقبض. 36 وحين قال هذا الكلام طاح على ركابه هو وإياهم مجموعين وصلّى. 37

وبكاوا كاملين بالزاف وطاحوا على عنق بولس كيبوسوه 38 معدّبين واكثر على الكلام الي قال باين ما

يشوفوا شي وجهه عاود تاني، ورافقوه للسفينة.

الفصل الواحد وعشرين

1 وحين تفارقنا معهم، قلّنا وجينا مكّودين لكوس ولأغداً لروُدس، ومن تمّ لباترا، 2 ومن اين جبرنا واحد السفينة ماشية تقطع لفينيقيّة، ركبنا فيها وقلّنا. 3 وشفنا قَبْرُص وخليّناها على الشمال وسافرنا لسورية ونزلنا في صور على حق اش تمّ كانت السفينة ماشية تنزّل وسقها. 4 وحين جبرنا التلاميذ كلّسنا تمّ سبع أيّام. وكانوا كيقولوا لبولس بالروح باين ما يطلع شي لأورشليم. 5 ولاكن حين كمّلنا الايّام، خرجنا نمشيوا وهم كاملين رافقونا مع النسا والأولاد حتى لعلّى برّا من المدينة، وطحنا على ركابينا على الشطّ وصلّينا. 6 وحين تسيفطنا مع بعضنا ركبنا في السفينة. وأما هم رجعوا في حالهم.

7 وحين كمّلنا السفر في البحر من صور وصلنا لبتولمايس وسلّمنا على الخوت وكلّسنا عندهم نهار واحد. 8 ولأغداً خرجنا احنا الرفاقة د بولس وجينا لقيصرية ودخلنا لدار فيلبّس المبشّر الّلي كان واحد من السبعة وكلّسنا عنده. 9 وكانوا عند هذا أربعة د البنات عزبات الّلي كيكاشفوا. 10 ومن اين كنّا كالمسين تمّ أيّام كثيرة هوّد من اليهودية واحد النبي اسمه أغابوس. 11 وجا لعندنا وقبض حزام بولس وربط نفسه من يديه ورجليه وقال: هكذا كيقول الروح القدس، «الرجل مول هذا الحزام هكذا ماشيين يربطوه اليهود في أورشليم ويدفعوه ليديّن الكُنّوس.» 12 وحين سمعنا هذا الشي رغبناه احنا والّلي هم من ديك البلاد باش ما يطلع شي لأورشليم. 13 وجاوب بولس وقال: أش كتعملوا تبكيوا وتقطّعوا لي قلبي على حق اش أنا موجود ماشي باش نتربط وكان لاكن باش نموت تاني في أورشليم على سبب اسم الربّ يسوع. 14 وحين ما بغى شي يسعفنا، سكتنا وقلنا: خاطر الربّ يكون. 15 وبعد ديك الايّام وجّدنا حوايجنا وطلعنا لأورشليم. 16 ومشاوا تاني معنا من قيصرية شي ناس من التلاميذ وجابونا لعند مَناسون، رجل قَبْرُصي واحد التلميذ قديم باش ننزلوا عنده.

17 ومن اين وصلنا لأورشليم قبلونا الخوت بالفرحة. 18 ولأغداً دخل بولس معنا لعند يعقوب وكانوا الشيوخ كلّهم حاضرين. 19 ومن مورا ما سلّم عليهم، بدا يعاود لهم شي مورا شي على كل ما عمل الله بين الكُنّوس بخدمته. 20 وحين سمعوا كانوا كيمجّدوا الربّ. وقالوا له: أنت كتشوف، يا اخانا، اشحال د الألوفات د اليهود الّلي آمنوا وهم كلّهم كتجيهم الغيرة على الشرع، 21 وتخبّروا بك باين أنت كتعلّم جميع اليهود الّلي هم في وسط الكُنّوس باش يتركوا موسى، كتقول لهم ما يختنوا شي أولادهم ولا يتبعوا القواعد. 22 ودابّ أش يكون؟ لا بدّ على كل حال تتجمع الجماعة حيث راهم ماشيين يسمعوا باين أنت جييت. 23 واعمل هذا الشي الّلي نقولوا لك. عندنا أربعة د الرجال عليهم

واحد العهد، 24 إديهم وطهر نفسك معهم واصرف عليهم باش يحسنوا روسهم ويعرفوا الجميع باين ما كاين شي من داك الشي الي تخبروا به عليك لآكن أنت تاني كتمشي قابض الشرع. 25 وأما من جهة الي آمنوا من الكنوس كتبنا لهم وحكمنا باين ما يقبضوا حتى حاجة بحال داك الشي غير يحيّدوا أنفسهم من الدبايح للأصنام ومن الدمّ والمجيف والزنا. 26 داك الوقت إدى بولس الرجال ولاغدا طهر نفسه معهم ودخل لبيت المقدس كيخبر بتمام أيام التطهير حتى تندبح على سبب كل واحد منهم دبيعة.

27 ومن اين كانت الايام السبعة قريبة توفى، اليهود الي هم من آسيا شافوه في بيت المقدس وحرشوا الجماعات كاملين ومدّوا فيه يديهم 28 كيغوتوا وكيقولوا: يا الرجال الإسرائيليين، عاونونا! هذا هو الرجل الي كيعلّم الناس كاملين في كل بلاد بخلاف الناس والشرع هذا الموضع حتى دخل شي يونانيين تاني لبيت المقدس ونجس هذا الموضع المقدس! 29 حيث كانوا شافوا تروفيمس الأفسسي معه في المدينة وكانوا كيظنّوا باين بولس دخله لبيت المقدس. 30 وتروّنت المدينة كلّها وجراوا الناس ووقبضوا بولس وجروّه على برّا من بيت المقدس وفي الحين انشدّوا البيبان. 31 ومن اين كانوا كيفتشوا كيف يقتلوه وصل الخبر لعند قايد الرحا باين أورشليم كلّها تروّعت. 32 وفي الحين إدى شي عسكر وقياّد المياوات وجرى عندهم. وحين شافوا قايد الرحا والعسكر، عفّوا على بولس من الضرب.

33 داك الوقت قرب قايد الرحا وقبضه وأمر باش يتربط بزواج د السناسل وبدا يسقصي: اشكون هو واش عمل؟ 34 وكانوا البعض كيغوتوا بشي والبعض بشي آخر في الجوقة. وحيث ما قدر شي يعرف التحقيق على سبب الغوات أمر باش يديّواه للقشلة. 35 ومن اين وصل للدروج، رفدوه العسكر على سبب الجهد د الناس. 36 على حق اش الجوقات د الناس كانوا كيتبعوه كيغوتوا ويقولوا: إديّه! 37 وحين كان بولس علاين يدخل للقشلة قال لقايد الرحا: واش تخليّني نقول لك شي حاجة؟ وقال: واش كتعرف النونانية؟ 38 واش ماشي أنت هو المصري الي قبل من هدو الايام نوّض واحد الفتنة وخرّج للخلا أربع آلاف رجل من القتالة؟ 39 وقال بولس: أنا واحد الرجل يهودي طرسوسي من أهل واحد المدينة الي ما هي شي دليلة في كيليكية. وكنطلب منك تخليّني نتكلّم مع الناس. 40 وحين أدّنه، وقف بولس على الدروج وشار بيده للناس. وحين صارت واحد السكتة كبيرة، تكلم معهم باللغة العبرانية كيقل:

1 يا الرجال الخوت وعوض الوالدين، اسمعوا جوابي دابَ قدامكم. 2 ومن اين سمعوه كيتكلم باللغة العبرانية زادوا سكتوا. وقال: 3 أنا واحد الرجل يهودي خلقت في طرسوس في كيليكية ولاكن تربيت في هذه المدينة عند رجلين غمالايل مقرّي بتحقيق شرع جدودنا، وكانت في الغيرة من جهة الله بحالكم أنتم كلّمكم اليوم. 4 ومردت هذه الطريق حتى للموت، كنكتف وندفع للحباسات الرجال والنسا، 5 بحال ما كيشهد لي تاني كبير الكوهنين وجميع الشيوخ الي قبضت انيت البراوات للخوت ومشيت لدمشق باش نجيب الي كانوا تم لأورشليم مكتفين باش يتعاقبوا. 6 ووقع لي من اين كنت ماشي وقربت لدمشق، مقدار وقت الظهر، برق عليّ واحد النور عظيم من السماء على غفلة. 7 وطحت على الأرض وسمعت واحد الصوت كيقول لي: شاول، شاول، علاش كتمرمدني؟ 8 وجاوبت وقلت: اشكون أنت، يا سيدي؟ وقال لي: أنا يسوع الناصري الي كتمرمدّه أنت. 9 والي كانوا معي شافوا النور وخافوا ولاكن ما سمعوا شي الصوت د الي تكلم معي. 10 وقلت: أش نعمل، يا رب؟ وقال لي الرب: قوم ودخل لدمشق وتم ينقال لك على جميع الي معين لك تعمل. 11 وحيث ما كنت شي كنشوف على سبب الشعاع د داك النور، كودوني من يدي الي كانوا معي ودخلت لدمشق.

12 وحنانياً واحد الرجل تقي من جهة الشرع كيشهدوا له اليهود كاملين الي ساكنين تم، 13 جا لعندي ووقف حداي وقال لي: يا أخي شاول، ولي بعينيك. وفي ديك الساعة شفت فيه 14 وقال: إلاه جدودنا اختارك باش تعرف خاطره وتشوف التقي وتسمع واحد الصوت من فمه، 15 على حق اش أنت ماشي تكون له شاهد لجميع الناس بالي شفت وسمعت. 16 ودابَ علاش كتتعطل؟ قوم، تتعمد واغسل دنوبك واستغاث باسم الرب.

17 ومن مورا ما رجعت لأورشليم وكنت كنصلي في بيت المقدس، جاتني واحد الغيبة 18 وشفته كيقول لي: ازرب واخرج دغيا من أورشليم على حق اش ما يقبلوا شي شهادتك لي. 19 وقلت: يا رب، هم كيعرفوا باين كنت كنسجن وكنعصي في كل جامع الناس الي كيامنوا بك. 20 وحين تسيل دم أستفانوس شهيدك كنت أنا واقف وموافق على قتله وحاضي الحوايج د الي قتلوه. 21 وقال لي: سير، على حق اش أنا ماشي نسيظك بعيد لعند الكنوس.

22 وسمعوا له حتى لهذه الكلمة وعلاوا أصواتهم وقالوا الي بحال هذا حيده من الأرض حيث ما يصلح شي يعيش! 23 ومن اين كانوا كيغوت وكيسيّبوا حوايجهم وكيرميوا الغبرة في السماء 24 أمرهم قايد الرحا يدّيواه للقشلة ووصاهم يبحتوه بالعصا باش يعرف علاش من سبة كانوا كيغوتوا عليه هكدا.

25 ومن اين جَبَدوه للعصا، قال بولس لقايد المية الّتي كان واقف حدها: واش عندكم شي إذن باش تعصّيو واحد الرجل روماني بلا حق فيه؟ 26 ومن اين سمع قايد المية داك الشي مشى لعند قايد الرحا وخبرّه كقول: ردّ بالك في الّتي أنت معولّ تعمل، حيث هذا الرجل روماني. 27 وجا قايد الرحا وقال له: قول لي. واش أنت روماني؟ وقال: إيّه. 28 وجاوب قايد الرحا: أنا بدراهم بالزاف وليت من هذه الرعيّة. وقال بولس: وأمّا أنا خلقت فيها. 29 وفي الحين فارقه الّتي كانوا غاديين يبحتوه وخاف قايد الرحا حين عرفه روماني وحيث كان كتّفه.

30 ولا غداً حيث بغى يعرف التحقيق علاش كيشكيوا به اليهود طلقه من السناسل وأمر كبار الكوهنين يحضروا والحكام كاملين وهبّط بولس ووقفه قدامهم.

الفصل الثلاثة وعشرين

1 وحقق بولس في الحكم وقال: يا الرجال الخوت، أنا عشت لله بكلّ نيّة مليحة حتى لهذا النهار. 2 وحنانياً كبير الكوهنين أمر هدوك الّتي واقفين حدها يضربوه على فمه. 3 داك الوقت قال له بولس: ماشي يضربك الله، يا الحيط المبيّض. واش أنت جالس تحكم عليّ بالشرع وكتامرهم يضربوني مخالف الشرع؟ 4 وقالوا الّتي هم واقفين حدها: واش كتشتم في كبير الكوهنين د الله؟ 5 وقال بولس: ما عرفت شي، يا الخوت باين هو كبير الكوهنين على حق اش مكتوب: حاكم قومك لا تقول فيه قباحة.

6 ومن اين فطن بولس باين البعض منهم كانوا صدوقيين والآخرين فرّيسيّين غوّت في المشاور وقال: يا الرجال الخوت، أنا فرّيسي ولد فرّيسي. على رجا القيامة د الميّتين أنا مدعي. 7 وحين قال هذا الشي وقعت واحد المغاننة بين الفرّيسيّين والصدوقيّين وانقسمت الجماعة. 8 على حق اش الصدوقيّين كيقولوا باين ما كاينة لا قيامة ولا ملاك ولا روح. وأمّا الفرّيسيّين كيستقروا بداك الشي كلّ.

9 ووقع غوات كتير وناضوا الكتاب الّتي هم من قسمة الفرّيسيّين وبدّاوا يخاصموا كيقولوا: ما جبرنا حتى شي قبيح في هذا الإنسان. وإذا كان شي روح أو ملاك تكلمّ معه ما نحاربوا شي الله.

10 وحين وقعت مغاننة كبيرة، خاف قايد الرحا يفرسوا بولس وأمر العسكر يهودوا ويخطفوه من وسطهم ويدخلوه للقسلة. 11 ولا غداً في الليل، وقف الربّ حدها وقال: كون هاني، يا بولس، على حق اش بحال ما شهدت لي في أورشليم هكدا لازم تشهد في رومة ثاني.

12 وحين طلع النهار اتفقوا البعض من اليهود وحلفوا في أنفسهم كيقولوا ما ياكلوا ولا يشربوا حتى يقتلوا بولس. 13 والّتي اتفقوا هكدا كانوا اكثر من أربعين نفس. 14 وجاوا لعند كبار الكوهنين والشيوخ وقالوا حلفنا في أنفسنا بواحد الحلف واعر باين ما ناكلوا والو حتى نقتلوا بولس. 15 ودابّ

اعلموا قايد الرحا أنتم والحكام باش يهبطه لكم غداً بحال إذا انتم معولين تبحتوا في دعوته باكثر التحقيق، واحنا قبل ما يقرب موجودين نقتلوه. 16 ولاكن ولد أخت بولس سمع باين هم مكمّنين له وجا ودخل للقشلة وخبر بولس. 17 وعيط بولس على واحد من قياد المياوات وقال له: إدي هذا الشاب لعند قايد الرحا لأنه عنده شي حاجة يخبره بها. 18 واداه وحضره قدام قايد الرحا وقال: عيط عليّ بولس المسجون وطلب لي نحضر هذا الشاب قدامك وهو عنده شي حاجة يقولها لك. 19 وقبضه قايد الرحا من يده واداه للتيسع وسقصاه وقال: اشنهو اليّ عندك تخبرني به؟ 20 وقال: اليهود اتفقوا يطلبوا منك تهبط بولس غداً للمشوار بحال إذا هم معولين يسقصوا عليه باكثر التحقيق. 21 ولاكن لا تسعفهم شي على حق اش اكر من أربعين رجل منهم مكمّنين له وحلفوا في أنفسهم باين ما ياكلوا ولا يشربوا حتى يقتلوه، وهم داب موجودين كيتسناوا منك تسعفهم.

22 وقايد الرحا سيفط الشباب ووصاه كيقل: لا تقول لاحد باين خبرتني بهذا الشي. 23 وعيط على زوج من قياد المياوات وقال: وجدوا ميتين من العسكر باش يمشوا لقيصرية وسبعين من الخيالة ميتين من المزركية في الساعة الثالثة من الليل. 24 ووجدوا البهايم باش يركبوا بولس ويوصلوا في الأمان لعند فيلكس العامل. 25 وكتب واحد البراة على هذا الكيفية.

26 كلوديوس ليسياس كيسلم على العامل فيلكس الخير. 27 هذا الرجل حين قبضوه اليهود وكانوا علاين قتلوه جيت أنا بالعسكر وعتقته حيث تخبرت باين هو روماني. 28 وحيث بغيت نعرف السبّة علاش كانوا كيشكيوا به هبطته لمشوارهم ، 29 وجبرتهم كيشكيوا به من جهة مسايل شرعهم، ولاكن ما شكوا به حتى بشي اليّ يستاهل عليه الموت أو السناسل. 30 وحين تخبرت باين اليهود بغاوا يديروا للرجل واحد الحيلة، سيفطته في الحين لعندك وأمرت اليّ شاكيين به ثاني يقولوا قدامك اليّ عندهم عليه. تبقى على خير.

31 والعسكر إذاوا بولس بحال ما توصّوا ومشوا به في الليل لأنتبياتريس. 32 ولا غداً خلاوا الخيالة يمشوا معه ورجعوا للقشلة. 33 وهدوك حين دخلوا لقيصرية ودقوا البراة للعامل، حضروا بولس ثاني قدامه. 34 وحين قرا العامل البراة، سقصى من اين حكومة هو وجبر باين هو من كيليكية 35 وقال: ماشي نسمع منك من اين يحضروا ثاني اليّ شاكيين بك. وأمر باش يكون محضي في قصر هيروُدُس.

الفصل الأربعة وعشرين

1 وبعد خمس أيام، هود حنانياً كبير الكوهنين هو والشيوخ وواحد الرجل لسانه فصيح اسمه ترتلس وشكاوا ببولس للعامل. 2 وحين عيطوا عليه بدا ترتلس كيشكي به كيقول: 3 احنا توصلنا براحة كثيرة على يدك وانعملوا في هذا الجنس مصلحات بتدبيرك وكنقبلوهم، يا فيليكس الخير بكل شكر في كل وقت وفي كل موضع. 4 ولاكن باش ما نزيد شي نبسل عليك، كنطلب منك تسمع لنا في شي كلام بالملاطفة ديالك. 5 على حق اش جبرنا هذا الرجل واحد البلا، كينوض الفتنة بين جميع اليهود الي في الدنيا ومقدم على طايقة الناصريين 6 الي تاني بدا ينجس بيت المقدس وقبضناه وبغينا نحكموا عليه بشرعنا. 7 وجا لسياس، قايد الرحا، وزوله لنا بالدرع من بين يدينا 8 وأمر الي شاكيين به يجيوا لعندك، وإذا بحتته تقدر تعرف منه جميع هدو الأمور علاش كنشكيوا به. 9 ووافقوه اليهود تاني وقالوا باين هدو الأمور هكدا هم.

10 ومن مورا ما نعت له العامل باش يتكلم، جاوب بولس وقال: أنا حيت عرفتك قاضي على هذا الجنس سنين كثيرة نجاب على دعوتي بالفرحة اكثر. 11 وأنت تقدر تعرف باين ما عندي اكثر من اطناش يوم من الي طلعت نسجد في اورشليم، 12 وما جبروني كنتجادل مع احد في بيت المقدس ولا كينوض الفتنة في الناس لا في الجوامع ولا في المدينة، 13 والأمور باش كيشكيوا بي داب ما يقدرنا شي يتبتوهم. 14 ولان بهذا الشي أنا كنستقر لك باين على الطريق الي كيسميوها خارجة هكدا كنعبد إلاه جدودي كنامن بكل شي الي مكتوب في الشرع والأنبياء، 15 وعندي الرجا في الله الي كيتسناواه هم تاني باين ماشية تكون قيامة د الميتين التقيين والظالمين. 16 على داك الشي أنا تاني كنولف نفسي باش تكون نية صافية من جهة الله والناس. 17 وبعد سنين كثيرة جيت نعطي الصدقات لجنسي والهديات. 18 وفي داك الوقت شي ناس د اليهود من آسيا جبروني مطهر في بيت المقدس ما كنعمل لا دحس ولا هرج 19 وكان واجب عليهم يحضروا قدامك وشكيوا إذا كانت عندهم علي شي شكوى، 20 أو خلّي هدو بأنفسهم الي هم هنا يقولوا أش من عيب جبروا في من اين كنت واقف قدام الحكام 21 غير من قبل هذا الكلام بوحدته الي غوتت به وأنا واقف بينتهم وقلت على قيامة الميتين أنا مدعي لعندكم اليوم.

22 وحين سمع فيليكس هذا الشي صبرهم حيت كان كيعرف هذه الطريق بالتحقيق كتير وقال: من اين يهود لسياس قايد الرحا نبحت في دعوتكم. 23 وأمر قايد المية يحضي بولس ويخلّيه مطلق وما يحصر احد من اصحابه يتسخر عليه أو يجي لعنده.

24 وبعد شي ايام جا فيليكس مع دروسيلاً امراته وهي يهودية وسيفظ على بولس وسمع منه على الإيمان بالمسيح. 25 ومن اين كان كيتكلم على التقوى والصبر والعقوبة الماجية، خاف فيليكس وجاوب وقال: سير دابّ وحين نكون فاضي نعطّ عليك. 26 وتمنى تاني يعطيه بولس شي دراهم باش يطلقه وعلى داك الشي سيفط عليه بالزاف د المرات وكان كيتكلم معه. 27 ولاكن من اين كملت عامين تعمّل بوركيوس فستوس في موضع فيليكس، وحيث بغى فيليكس يعمل لليهود واحد الخاطر، خلاّ بولس مقبوض.

الفصل الخمسة وعشرين

1 وحين جا فستوس للحكومة بعد تلت ايام، طلع من قيصرية لأورشليم. 2 وشكى له كبير الكوهنين وكبار اليهود ببولس ورغبوه 3 وطلبوا ضدّ في بولس فابور يجيبه لأورشليم وهم مكمّنين يقتلوه في الطريق. 4 وجاوب فستوس باين يكون بولس محضي في قيصرية وباين هو معولّ يمشي لثمّ في قريب، 5 وقال: اليّ يقدروا يمشيوا منكم لازم يهودوا معي. وإذا كان في هذا الرجل شي عيب يشكيوا به.

6 ومن مورا ما كُلس عندهم اكثر من عشر ايام، هوّد لقيصرية، ولاّ غداّ كُلس على الكرسي د الحكم وأمرهم يجيبوا بولس. 7 وحين حضر، داروا به اليهود اليّ كانوا هوّدوا من أورشليم وجابوا على بولس شكاي كتار وكبار اليّ ما قدروا شي يتبّتهم. 8 وهو جاوب على نفسه وقال: أنا ما عملت حتى عيب في شرع اليهود ولا في بيت المقدس ولا في قيصر. 9 ولاكن حيث بغى فستوس يعمل الخاطر لليهود جاوب بولس وقال: واش بغيت تطلع لأورشليم وتنحكم تمّ قدّامي من جهة هدو الأمور؟ 10 وقال بولس: ها أنا واقف قدّام كرسي الحكم د قيصر فاين واجب عليّ ننحكم. ما ظلمت اليهود حتى بشي بحال ما كتعرف أنت تاني بالتحقيق. 11 على حق اش إذا كنت أنا ظالم أو عملت شي حاجة اليّ نستاهل عليها الموت، ما نهرب شي من الموت، ولاكن إذا ما كاين شي من اليّ كيشكيوا بيّ عليه هدوك ما يقدر احد يدعني لهم. لقيصر كنرفع دعوتي. 12 داك الوقت تكلم فستوس مع موالين الديوان وجاوب وقال: واش لقيصر رفعت دعوتك؟ لعند قيصر تمشي.

13 ومن مورا ما فاتت شي ايام، جا أغريباس السلطان وبرنيكي لقيصرية باش يسلموا على فستوس. 14 وحين كانوا كالسّين تمّ ايام كثيرة، عاود فستوس للسلطان دعوة بولس كيقول: كاين واحد الرجل خلاّ فيليكس مسجون 15 وشكاوا لي به كبار الكوهنين وشيوخ اليهود من اين كنت في أورشليم كيطلبوا ينحكم. 16 وجاوبتهم باين ما هي شي القاعدة عند الرومانيين يدفعوا شي احد للموت قبل ما

يكون المدعي متواجه مع الّبي داعيينه ويكون له الإذن باش يجاوب على نفسه في الّبي كيشكيوا به. 17
وحين اتجمعوا هنا ما تعطلت شي لآكن الّا غداً كلست على كرسي الحكم وأمرت باين يجيبوا الرجل،
18 ومن اين وقفوا الشكاوية ما جابوا عليه حتى سبة واحدة من الّبي كنت كنظن. 19 لآكن كانوا عندهم
عليه شي مسایل من جهة دينهم وعلى واحد مسمي يسوع الّبي مات وكان بولس كيقول باين هو حيّ.
20 وحيث كنت حائر في هذه المسالة، سقصيته إذا بغى يمشي لأورشليم وينحكم تمّ من جهة هدو
الأمور. 21 ولاكن من اين رفع بولس دعوته باش ينحصى لحكم أوغسطس، أمرت باش ينحصى حتى
نسيفته لعند قيصر. 22 وقال أغريباس لفستوس: أنا بغيب نسمع من الرجل. وقال: غداً تسمعه.
23 ولاً غداً حين جا أغريباس وبرنيكي في تعظيم كبير ودخلوا للمحكمة مع قياد الرحي وكبار
المدينة بأمر فستوس جابوا بولس. 24 وقال فستوس: يا السلطان أغريباس والرجال الحاضرين معنا
كاملين، أنتم كتشوفوا هذا الرجل الّبي رغبوني من جهته الجماعة د اليهود كاملة في أورشليم وهنا
كيغوتوا ويقولوا باين ما واجب شي يزيد يعيش. 25 وأما أنا، من اين جبرته ما عمل حتى شي الّبي
يستاهل عليه الموت، وحيث رفع دعوته لأغسطس، عولت نسيفته. 26 وما عندي حتى شي محقق من
جهته باش نكتب لسيدنا. على داك الشي، جبته لقدامكم والكترة قدامك، يا السلطان أغريباس، باش
من مورا ما تبخته يكون عندي ما نكتب. 27 على حق اش كيظهر لي حمق كتير باش نسيفظ واحد
المسجون وما نبين شي علاش كيشكيوا به.

الفصل الستة وعشرين

1 وقال أغريباس لبولس: أنا كنادنك تتكلم على نفسك. داك الوقت مدّ بولس يدّه وجاوب على
نفسه: 2 أنا كنهسب نفسي مبروك، يا السلطان أغريباس، حيث ماشي نجاوب اليوم قدامك على كل
ما كيشكيوا بيّ اليهود، 3 واكثر حيث أنت عارف جميع القواعد والمسایل الّبي عند اليهود على داك
الشي كنطلب منك تسمعني بتاسيع خاطر. 4 صرفي من صغري الّبي كان من البدو بين جنسي في
أورشليم كيعرفوه جميع اليهود 5 عارفين بيّ من الأوّل إذا بغاوا يشهدوا باين من جهة المذهب الضيق د
ديننا أنا عشت فرّيسي. 6 ودابّ أنا واقف كنهحكم على رجا القول الّبي أعطاه الله لجدودنا 7 الّبي
قبايلنا بطناش كيرجاوا يحوزوه عابدين بالجهد ليل ونهار. ومن قبل هذا الرجا كيشكيوا بيّ اليهود، يا
السلطان أغريباس. 8 علاش ينحسب عنذكّم أمر ما يتصدق شي باين الله يقيم الميتين؟ 9 وأنا نويت في
نفسي باين واجب عليّ نعمل أمور بالزاف ضدّ في اسم يسوع الناصري، 10 وعملت داك الشي تاني في
أورشليم وسجنت في الحباسات بالزاف من القديسين قابض الإذن من عند كبار الكهنيين، وحين كانوا

كينقتلوا، أنا وافقت عليهم. 11 وفي الجوامع كاملين عاقبتهم بالزاف د المرات وكفرتهم بالرز، وحيث تغدّدت عليهم بالزاف، كنت كنمردهم حتى للمدن البرانيين.

12 ومن اين كنت ماشي على داك الغرض لدمشق بالإدن والوصاية من عند كبار الكوهنين 13

شفت في نصّ النهار في الطريق، يا السلطان، واحد النور من السماء كيبرق اكثر من الشمس وكيضوي عليّ وعلى اليّ ماشيين معي. 14 وحين طحنا مجموعين على الأرض سمعت واحد الصوت كيتكلّم معي وكيقول باللغة العبرانية: شاول، شاول، علاش كتمردني؟ صعيب عليك تركل المناغز. 15 وقلت: اشكون أنت، يا سيدي؟ وقال: أنا يسوع اليّ أنت كتمردّه. 16 ولاكن قوم توقف على رجليك لأنّه على هذا الشي ظهرت لك باش نعملك خدام وشاهد بالي شفت وبالي ماشي نظهر لك فيه 17 ونعتقك من الناس ومن الكنوس اليّ أنا داب كنسيفطك عندهم 18 باش تفتح عينيهم وتردّهم من الظلام للضوء ومن حكومة الشيطان لله باش يتوصلوا بغفران الذنوب وبنصيبهم مع المقدسين بالإيمان بيّ.

19 ومن داك الشي، يا السلطان أغريباس، ما كنت شي عاصي الرؤيا السماوية 20 لاكن خبّرت في الأوّل اليّ هم في دمشق وفي أورشليم وحتى في جميع بلاد اليهودية وتاني الكنوس باين يتوبوا ويرجعوا لله ويعملوا الأعمال اليّ يليقوا بالتوبة. 21 وعلى سبب داك الشي قبضوني اليهود في بيت المقدس وفتشوا يقتلونني. 22 وحيث توصّلت بالمعاونة من عند الله بقيت حتى لهذا النهار كنشهد للصغير والكبير وما كنقول حتى شي من غير اليّ قالوه الأنبياء وموسى بين يكون 23 باين يتعدّب المسيح ويكون هو الأوّل اليّ يقوم من الميتين ويبيّن الضو للناس وللكنوس.

24 ومن اين كان كيجابو بهذا الشي، قال فستوس بصوت عالي: أنت حمقت، يا بولس! كثرة قرايتك ردّتك احمق! 25 وقال: ما أنا شي احمق، يا فستوس الخير، لاكن كنتكلّم بكلام الحق والمعقول. 26 لأنّه السلطان اليّ كنتكلّم معه بالشجاعة كيعرف هدو الأمور على حق اش أنا ميقن باين ما تخبّع عليه حتى شي من هدو المسائل، حيث هذا الأمر ما انعمل شي في واحد الركنة. 27 واش كتأمّن، يا السلطان أغريباس، بالأنبياء؟ أنا كنعرفك كتأمّن. 28 وقال أغريباس لبولس: علاين تردّني نوليّ مسيحي. 29 وقال بولس: كنطلب الله باين ماشي غير أنت لاكن تاني جميع اليّ كيسمعوني اليوم يوليوا، ماشي علاين وكان، لاكن بالصّحّ هكدا بحالي، دون هدو السناسل!

30 وحين قال هذا الشي، قام السلطان والعامل وبرنيكي والي كألسين معهم. 31 وتنفروا وهم كيتكلّموا مع بعضهم كيقولوا: هذا الإنسان ما كي عمل حتى شي اليّ يستاهل عليه الموت أو السناسل. 32 وقال أغريباس لفستوس: كان يقدر ينطلق هذا الرجل لو كان ما رفع شي دعوته لقيصر.

- 1 وحين ترياوا علينا باين نسا فروا في البحر لإيطاليا ، دفعوا بولس وشي مساجن آخرين لواحد قايد المية من طابور أوغسطس ، اسمه يوليوس. 2 وركبنا في واحد السفينة د أدراميتنية وقلعنا معولين يدوزوا على المواضع الي في آسيا. وكان معنا أرسترخس ، رجل مكدونني من تسالونيكي. 3 ولا غدا وصلنا لصيدا وحن يوليوس على بولس وخلاه يمشي لعند اصحابه باش يرتاح عندهم. 4 ومن اين قلعنا من تم سافرنا في البحر من تحت قبرص حيث الاريح كانوا معكسين. 5 ومن مورا ما دزنا البحر الي حدا كيليكية وبمفيلية ، هودنا لميرا ، مدينة في ليكية. 6 وتم جبر قايد المية واحد السفينة د إسكندرية مسافرة لإيطاليا وركبنا فيها. 7 ومن اين سافرنا بالاتي شي ايام كثيرة وما قربنا لكنيدس غير بالدرع حيث ما خلانا شي الريح نزيدوا ، سافرنا من تحت كريت حدا سلموني. 8 وحين دزنا عليها غير بالدرع جينا لواحد الموضع مسمي المراسي الظراف الي هو قريب لمدينة لساية.
- 9 وحين فاتت مدة طويلة وولى السفر في البحر فيه الافات حيث الصيام كان فات بعد ، نبههم بولس 10 كيقول لهم: يا الرجال ، أنا كنشوف باين هدا السفر ماشي يكون بضرر وخسارة كبيرة ماشي غير للوسق والسقينة وكان لائن لأنفسنا تاني. 11 ولاكن كان قايد المية كيسمع لرايس السفينة ولولاهما اكثر من للي قال له بولس ، 12 وعلى حق اش المرسى كانت الترسية ديالها قبيحة في الشتوة ترياوا الكثير فيهم باش يقلعوا من تم انيت ربما يقدرنا يدركوا فينكس باش يشتيوا فيها ، وهي مرسى في كريت مقابلة الجنوب والشمال الغربيين. 13 وحين نفح نسيم الجنوب ، ظنوا باين اتقضى غرضهم وطلعوا المخاطف وداوزوا محاديين كريت.
- 14 ولاكن بعد سواي ناض عليها واحد الريح عفيف كيقولوا له أوروكليدون. 15 ومن اين اتخطفت السفينة وما قدرت شي تقابل الريح ، خلينا يدبها 16 وجربنا تحت واحد الجزيرة كيقولوا لها كلودي وغير بالدرع قدرنا نعتقوا الفلوكة. 17 وحين رفدوها بداوا كيخدموا المعاونات كيحزموا السفينة وحيث خافوا يتسيبوا في السيرتس ، هبطوا القلوع وهكذا كان كيديهم الريح. 18 ومن اين كنا مزعزين بقوة الريح الا غدا بداوا كيسيبوا الوسق ، 19 وفي النهار التالت سبينا بيدنا الإقامة د السفينة. 20 وحين ما ظهرت لا شمس ولا نجوم ايام كثيرة وقوى علينا الريح بالزاف في الآخر قطعنا الاياس ما ننجواو شي بالكل.
- 21 وبعد صيام كثير وقف بولس في وسطهم وقال: كان واجب عليكم ، يا الرجال ، تسمعفوني وما تقلعوا شي من كريت باش ننجواو من هدا الضرر والخسارة. 22 وداب كننهم كونا هانيين حيث ما تضيع حتى نفس واحدة منكم غير السفينة. 23 لأنه وقف حداي هذه الليلة ملاك الإلاه الي أنا

دياله والي كنعبدّه 24 كيقول: لا تخاف شي، يا بولس. لازم توقف قدام قيصر. وأعطاك الله جميع الي مسافرين معك. 25 على داك الشي كونوا هانيين، يا الرجال، على حق اش أنا كنا من بالله باين يكون هكدا بحال ما انقال لي. 26 ولاكن لا بد نتسيبوا في واحد الجزيرة.

27 وحين كانت الليلة الاربعطاش وكان الريح كيدينا تايهين في بحر أدريا، ظنوا البحرية مقدار نصّ الليل باين قربوا لشي بلاد 28 وقيسوا وجبروا عشرين قامة، وحين زادوا شواي قيسوا تاني وجبروا خمسطاش قامة. 29 وحيث خافوا نتسيبوا على مواضع الاحجار، رماوا من القتش أربعة د المخاطف وكانوا كيتمناوا يطلع النهار. 30 ومن اين كانوا البحرية كيفتشوا كيف يهربوا من السفينة ونزلوا الفلوكة للبحر بحال إذا كانوا معولين يسيبوا المخاطف من البروة 31 قال بولس لقايد المية والعسكر إذا ما بقاوا شي هدوك في السفينة ما تقدرنا شي تنجاوا. 32 داك الوقت قطعوا العسكر طولات الفلوكة وخلاواها تطيح. 33 وحين قرب يطلع النهار رغب بولس الجميع باش ياكلوا شواي كيقول هذا هو يوم الاربعطاش وانتم كتتسناوا ما زالين صايمين وما كليتنا حتى شي. 34 على داك الشي كنطلبكم تاكلوا شواي حيث هذا الشي ينفع لصحتكم على حق اش ما تطيح حتى شعرة من راس شي احد منكم. 35 وحين قال هذا الشي قبض الخبز وشكر الله قدام الجميع وكسر وبدا ياكل. 36 وولّاوا كاملين فرحانيين وكلاوا هم تاني شي مأكلة. 37 واحنا كاملين الي في السفينة كنا ميّتين وستة وسبعين نفس.

38 وحين شعبوا من المأكلة، خففوا السفينة كيبيبوا الزرع في البحر. 39 وحين طلع النهار ما عرفوا شي البلاد ولاكن شافوا واحد الرجلّة عندها الشطّ وتراياوا يدخلوا السفينة فيها إذا يقدرنا. 40 وحين قطعوا المخاطف، خلاوهم في البحر وفسخوا رباط الدمان تاني وركبوا القلع للريح وقصدوا الشطّ، 41 وحين تسيبوا على واحد الموضع بين زوج د البحور، حرّتوا السفينة ووحلت من البروة وما بقات شي كتتحرك، واما من القتش بدات كتتهرس بجهد الأمواج. 42 وكان راي العسكر يقتلوا المساجن لا يعوم شي احد منهم ويهرب. 43 ولاكن قايد المية حيث بغى ينجي بولس حصرهم من هذا الراي وأمر الي يقدرنا على العوم يسيبوا أنفسهم ويسبقوا للبر، 44 والباقيين شي منهم على اللواح وشي منهم على اطراف السفينة. وهكدا وصلوا كلهم للبر في الأمان.

الفصل التمنية وعشرين

1 ومن اين نجاوا، جبروا الجزيرة مسمية مليطة. 2 ناسها الجهال عملوا فينا الخير الكثير على حق اش شعلوا العافية وقبلونا كاملين على سبب الشتا الي بدات كتطيح وعلى سبب البرد.

- 3 وجمع بولس واحد الحزمة دالعواد وحطّها على العافية وخرجت من اللهبة واحد اللفعة
ولصقت في يده. 4 وحين شافوا الجهّال الهيشة معلّقة في يده قالوا بينتهم: على كل حال هدا الإنسان
قتال ما خلاّه شي الحق يعيش وخّى نجا من البحر. 5 ونفض الهيشة في العافية وما انصرّ حتى بشي.
6 واما هم كانوا كيتسنّاواه يتنفخ أو يطيح ميّت دغيا. وحين بقاوا كيتسنّاوا بالزاف وشافوا باين ما وقع
له ضرر، بدّلوا ظنّهم وقالوا: هو واحد الإلاه.
- 7 وكانوا حدا داك الموضع بلا دات د مقدّم الجزيرة الي اسمه بوبليوس. وهذا قبلنا وضيّفنا
بالملاطفة تلت ايام. 8 وأبوه د بوبليوس كان راقد شدّاته الحمّى وفيه الزحمة، ودخل لعنده بولس
وصلّى وحطّ يديه عليه وشافاه. 9 ومن اين وقع هدا الشي الباقيين في الجزيرة الي فيهم الأمراض جاوا
وتشافوا. 10 ووقرونا هدا بتوقير كثير. وحين قلّعنا، أعطونا الي احتجناه.
- 11 وبعد تلت شهور قلّعنا في واحد السفينة د إسكندرية مرشومة بعلامة الجوز، كانت دوّزت
الشتوة في الجزيرة. 12 ونزلنا في سراكوسا وكّلّسنا تمّ تلت ايام. 13 ومن تمّ دُرنا ووصلنا لريغيون. وبعد
نهار واحد، نفخ ريح الجنوب ولاّ غداّ جينا لبوطيولي 14 فاين جبرنا شي اخوت وطلبونا نكلّسوا
عندهم سبعة ايام، وهكذا جينا لجهة رومة. 15 ومن تمّ حين سمعوا الخوت بخبرنا، خرجوا باش
يتعرّضوا لنا لفورنّ أبيوس وتلاتة د الفندات، وحين شافهم بولس، شكر الله وتشجّع.
- 16 ومن اين جينا لرومة، دفع قايد المية المساجن لقايد القشلة، واما بولس خلاّواه يسكن
بوحدّه مع واحد العسكري الي كان كيحضيه.
- 17 وبعد تلت ايام، عيّط بولس على كبار اليهود، ومن اين اتجمعوا قال لهم: يا الرجال
الخوت، وخّى ما عملت حتى شي ضدّ في الناس أو قواعد جدودنا، اندفعت مسنسل من أورشليم ليديين
الرومانيين 18 الي حين بحتوني بغاوا يطلقوني من حيث ما كانت في سبة واحدة د الموت. 19 ولاكن
من اين عارضوا داك الشي اليهود بالزّز مّي رفعت دعوتي لقيصر، ماشي زعما عندي شي حاجة
علاش نشكي بجنسي. 20 وعلى هذه السبة عيّطت عليكم باش نشوفكم ونتكلّم معكم لأنّه من قبل رجا
إسرائيل أنا مربوط بهذه السنسلة. 21 وقالوا له: احنا ما قبضنا براوات عليك من اليهوديّة ولا جا احد
من الخوت وخبرنا أو تكلّم عليك بشي أمر قبيح. 22 ولاكن بغينا نسمعوا منك أش كيظهر لك لأنّه من
جهة هذه الطايفة كنعرفوا باين كيعارضوها في كل موضع.
- 23 وعيّنوا له واحد النهار وجاوا لعنده بالزاف لداره وفسرّ لهم وشهد بملاكة الله وتبّتهم من
شرع موسى ومن الأنبياء على يسوع من الصباح حتى للعشيّة. 24 وامنّوا البعض بالّي انقال لهم والبعض
ما امنّوا شي 25 وحين ما توفّقوا شي مع بعضهم مشاوا من مورا ما قال لهم بولس واحد الكلمة باين

مليح ما قال الروح القدس لجدودنا على فم إشعيا النبي 26 كيقول: سير لعند هدو الناس وقول
”سامعين ماشيين تسمعوا وما تفهموا شي، وشايفين ماشيين تشوفوا وما تميزوا شي. 27 على حق اش
قلب هدو الناس غلاظ. وادنيهم تقالوا للسمع، وغمضوا عينيهم باش ما يشوفوا بعينيهم وسمعوا بأدنيهم
ويفهموا بقلوبهم ويرجعوا وأنا نشافيهم.“ 28 لازم تعرفوا باين النجا د الله تسيفط للكنوس وهم ماشيين
يسمعوه. 29 وحين قال هذا الشي مشاوا اليهود وكانت عندهم واحد المجادلة كبيرة بينتهم.
30 وسكن بولس عامين كاملة في داره المكريه لنفسه، وكان كيقبل جميع الي يدخلوا لعنده 31
كيخبر بملاكة الله وكيعلم بأمر الرب يسوع المسيح بكل شجاعة وما حصره احد.

رسالة بولس الرسول لأهل رومة

الفصل الأول

1 بولس عبد يسوع المسيح معيّن رسول مفروز لإنجيل الله 2 اليّ قاوّل به من قبل على يدّ الانبيا ديالّه في الكتب المقدّسين 3 على ابْنه. اليّ ولّي من دريّة داود من جهة الجسد 4 وتبيّن ابن الله بالقوّة من جهة روح القداسة بالقيامة من الميّتين. يسوع المسيح ربّنا 5 اليّ به على سبب اسمه قبضنا النعمة والرسالة لطاعة الإيمان بين الجنوس كاملين 6 اليّ بينتهم انتم تاني المعروضين د يسوع المسيح. 7 لجميع اليّ هم في رومة محبوبين عند الله معروضين تكونوا قديسين. النعمة لكم والسلام من عند الله ابونا والربّ يسوع المسيح.

8 في الأول كنشكر إلهي بيسوع المسيح على قبلكم مجموعين حيث كيبرّحوا بإيمانكم في الدنيا كلّها. 9 والله اليّ كنخدمه بروحي في إنجيل ابْنه هو الشاهد دياي كيف كندكركم بلا فترة 10 كنطلب ديما في الصلوات دياي إذا يقدر يكون يتيسّر لي دابّ السفر في خاطر الله باش نجي لعندكم. 11 على حق اش توحشت نشوفكم باش نوهبّ لكم شي معطى روحية باش تتبتوا. 12 يعني باش نفرح معكم بالإيمان اليّ فينا كاملين إيمانكم وإيماني.

13 وما نبغيكم شي تتغشّموا، يا الخوت، باين أنا بزّاف د المرّات عوّلت نجي لعندكم. وانحصرت حتّى لدابّ. باش تكون لي الغلّة فيكم تاني بحال في الجنوس الآخرين. 14 أنا مديان لليونانيين والجهّال للعقال والحمّاق. 15 وهكذا على قدّ جهدي أنا موجود نبشّركم انتم اليّ في رومة تاني. 16 على حق اش أنا ما أنا شي حشمان بإنجيل المسيح لأنّه هو قوّة الله للنجا لكلّ واحد اليّ كيامن لليهودي في الأوّل وتاني لليوناني. 17 على حق اش فيه مبيّنة التقوى د الله بالإيمان للإيمان بحال ما هو مكتوب "لاكن التّقي بالإيمان يحيا".

18 على حق اش غضب الله مبيّن من السما على جميع فجور الناس ودنوبهم اليّ كيحصروا الحقّ في الدنوب. 19 من حيث المعرفة د الله ظاهرة فيهم على حق اش الله ظهّرها لهم. 20 على حق اش الامور ديالّه اليّ ما هم شي ظاهرين كينشافوا من خلوق الدنيا مفهومين بالامور المصنوعين يعني قدرته الدائمة والألوهيّة ديالّه حتّى بقوا بلا عذر. 21 من حيث هم حين عرفوا الله ما مجدّوه شي ولا شكروه بحال إلاه لائن ولّوا خاويين في ظنونهم وتظلمّ قلبهم المصمم. 22 ومين حسبوا روسهم عقّال ولّوا حمّاق 23 وبدّلوا مجد الله اليّ ما يفنى شي بشبيهة صورة بن ادم اليّ يفنى وبشبيهة الطيور والبهايم والزحّافات. 24 على داك شي دفعهم الله تاني في شهوات قلوبهم للنجاسة باش يحقروا

أجسادهم بينتهم. 25 ألي بدّلوا حقّ الله بالكدوب وعبدوا وخدموا المخلوق دون الخالق ألي هو مبروك ديما آمين. 26 على داك شي دفعهم الله للعشق القبيح. على حق اش حتّى النسا ديالهم بدّلوا العادة د الطبيعة بلي هي مخالفة الطبيعة. 27 وكذاك الرجال تاني خلّوا العادة د الطبيعة مع النسا وشعلوا في شهاويهم مع بعضهم كي عملوا الذكورة مع الذكورة القباحة وتخلّصوا في انفسهم بالمجازية الواجبة د عيبيهم. 28 وكيف ما بغّوا شي يخلّوا الله في معرفتهم دفعهم الله للعقل الرديل باش يعملوا ألي ما يليق شي. 29 معمرين بكلّ دنوب والزنا والشرّ والطمع والخبت عامرين بالحسد والقتل والخصام والخداع والقباحة 30 نمنامين كدّابين باغضين الله اخبات متكبرين فشّارين بادعين تحريمّيات عاصيين الوالدين 31 بلا فهم بلا عهد بلا محنة بلا رضى وبلا رحمة 32 وهم حين عرفوا حكم الله باين ألي كي عملوا بحال هذو الامور كي ستاهلوا الموت ماشي كي عملوهم وكان لائن تاني كيفرحوا بلي كي عملوهم.

الفصل الثاني

1 على داك شي أنت بلا عدر يا الرجل كلّ واحد ألي كيحكم. على حق اش ألي كتحكم به على غيرك كتحكم به على نفسك. على حق اش أنت ألي كتحكم كتعمل دوك الامور بانفسهم. 2 واحنا كنعرفوا باين حكم الله راه بالحقّ على ألي كي عملوا بحال هذو شي. 3 واش كتظنّ هذو شي يا الرجل ألي كتحكم على الناس ألي كي عملوا بحال هذو الامور وانت كتعملهم باين راك تمنع من حكم الله؟ 4 أو كتحقّر كثرة لطفه وصبره وطول التائي دياله وانت ما عارف شي باين لطف الله كي قودك للتوبة؟ 5 ولاكن أنت على شيب قسوحيتك وقلبك ألي ما هو شي تايب كتخزن لنفسك الغضب في نهار الغضب والتبيين د حكم الله ألي هو حقّ 6 ألي يجازي كلّ واحد على قدّ فعايله. 7 هم ألي بالصبر في العمل المليح كيفتشوا على المجد والتوقير والخلود يجازيهم بحياة الآخرة. 8 وأمّا ألي هم من أهل الخصام وما كي طيعوا شي للحقّ لائن كي طيعوا للذنوب يجازيهم بالسخط والغضب 9 والشدة والضيق على كلّ نفس إنسان ألي كي عمل الشرّ اليهودي في الاول وتاني اليوناني. 10 لائن المجد والتوقير والسلام لكلّ واحد ألي كي عمل الخير لليهودي في الاول وتاني لليوناني. 11 على حق اش الله ما عنده شي الوجهيات.

12 لأنّه كلّ واحد ألي دنب وما عنده شرع بلا شرع ينهلك. وكلّ واحد ألي دنب وعنده الشرع بالشرع ينحكم. 13 على حق اش ماشي ألي كي سمعوا الشرع هم ألي تقيين عند الله لائن ألي كي عملوا بالشرع هم يكونوا مبريين. 14 حيث الجنوس ألي ما عندهم شي الشرع حين كي عملوا بالطبيعة الامور ألي هم في الشرع هم لأنفسهم وخي ما عندهم شي الشرع 15 وكيظهروا شغل الشرع مكتوب في

قلوبهم من حيث ضميرهم كيشهد تاني وتخميماتهم مع بعضهم كيشكوا أو كيعدروا. 16 في النهار فاش يحكم الله على الأسرار د الناس بيسوع المسيح بحال ما كيقول الانجيل دياي.

17 ها أنت كنتسمى يهودي وكنتكل على الشرع وكتفشر بالله 18 وكتعرف خاطره وكتميز الامور المختلفين مقرّي من الشرع 19 وميقنّ باين أنت قوَاد للعميان وضوّلّي هم في الظلام 20 وفقهه للجّهال ومعلّم للصبيان وعندك صورة العلم والحقّ في الشرع. 21 وانت بعدّ اليّ كتعلّم غيرك واش ما كتعلّم شي نفسك؟ اليّ كتوعّظ باين الإنسان لا يسرق، واش كتسرق؟ 22 وانت اليّ كتقول باين الإنسان لا يزني، واش كتزني؟ أنت اليّ كتكره الاصنام، واش كتسرق من الجوامع؟ 23 أنت اليّ كتفشر بالشرع، واش بعصيان الشرع كتحقّر الله؟ 24 على حق اش كيكفروا باسم الله بين الجنوس على سببكم بحال ما هو مكتوب. 25 وبالحقّ الختانة تنفع إذا كتعمل بالشرع. ولاكن إذا أنت عاصي الشرع ها ختانتك ولّت ما هي شي ختانة. 26 على داك شي اليّ هم بلا ختانة إذا حضّوا فرايض الشرع، واش ماشي تخلية ختانتهم تنحسب لهم ختانة؟ 27 والي بالطبيعة بلا ختانة إذا عمل بالشرع، واش ما يحكم شي عليك أنت اليّ عندك الكتاب والختانة وكتعصي الشرع؟ 28 على حق اش ماشي اليّ كيظهر يهودي هو يهودي ولا الختانة اليّ كتظهر في اللحم هي ختانة. 29 لآكن اليهودي من داخل هو يهودي. والختانة د القلب في الروح ماشي في الكتاب هي ختانة. اليّ شكرها ما هو شي من الناس لآكن من الله.

الفصل الثالث

1 على داك شي اشينهو الفضل د اليهودي؟ واش من فايده في الختانة؟ 2 برّاف من كلّ جهة. في الاول على حق اش تآمن عندهم كلام الله. 3 وإذا كانوا البعض ما آمنوا شي، واش قلّة إيمانهم ماشية تبطلّ صدق الله؟ 4 حاشا! لآكن يكون الله صادق وبن آدم كلّه كدّاب. بحال ما هو مكتوب: باش تكون باري في كلامك وتغلب مينين تنحكم.

5 ولاكن إذا كانت قلّة تقوتنا كتبينّ التقوى د الله، أش ماشيين نقولوا؟ الله اليّ كيسلّط الغضب واش هو ظالم؟ أنا كنتكلّم بحال واحد الإنسان. 6 حاشا! وكيف يحكم الله على الدنيا إذا كان هكدا؟ 7 على حق اش إذا كان حقّ الله كيكثر بكدوبي لمجده، علاش أنا باقي محكوم بحال واحد المدين؟ 8 وعلاش ما نقولوا شي بحال ما كيقرطوا فينا ويلصّقوا فينا البعض هد الهدرة: “نعملوا السيّات باش يجيووا الخيرات” اليّ عقوبتهم حقّ؟

9 وكيفاش؟ واش احنا افضل؟ لا، أبدًا! على حق اش احنا عاد شكيننا باليهود واليونانيين باين هم كاملين تحت الدنوب 10 بحال ما هو مكتوب: ما كايين حد تقي حتى واحد. 11 ما كايين حد الي كيفهم. ما كايين حد الي كيفتش على الله. 12 كاملين زاغوا وقباحوا مجموعين. ما كايين حد الي كي عمل الخير ما كايين حتى واحد. 13 حلقهم قبر مفتوح. بلسنهم خدعوا. سم اللقاع تحت شواربهم. 14 وفمهم معمّر بالخطا والمرورة. 15 رجليهم خفاف باش يسيلوا الدم. 16 في طرقاتهم الهليكة والتجارة. 17 وطريق السلام ما عرفوها شي. 18 ما كايين خوف الله قدام عينيه. 19 واحنا كنعرفوا باين كل شي الي كيقوله الشرع هو كيتكلّم به مع الي هم تحت الشرع باش ينشدّ كلّ فم وتولي الدنيا كلّها تحت عقوبة الله. 20 على حق اش بأعمال الشرع ما يتبرّي حتى حد في بن ادم قدامه. من حيث بالشرع كينعرفوا الدنوب.

21 ولاكن داب تبيننت التقوى د الله بلا شرع كيشهد لها الشرع والانبيا. 22 التقوى د الله بالإيمان بيسوع المسيح لجميع وعلى جميع الي كيامنوا. لأنّه ما كايين فراق 23 من حيث دنباوا كاملين وما دركوا شي مجد الله. 24 مبريين باطل بنعمته بالفدية الي في يسوع المسيح 25 الي قدّمه الله يكون كفارة بالإيمان بدمه باش يبين التقوى دياه على سبب غفران الدنوب الفاتيتين بصر الله 26 باش يبين التقوى دياه في هد الوقت باش يكون تقي وهو كيبري الي كيامن بيسعة. 27 وفاين الفشر؟ راه اندحي، باش من شرع؟ واش بشرع الأعمال؟ لا، لاكن بشرع الإيمان. 28 وعلى داك شي كنحسبوا باين الإنسان يكون مبري بالإيمان بلا أعمال الشرع. 29 الله واش هو د اليهود وكان؟ واش ما هو شي د الجنوس تاني؟ إيّه، د الجنوس تاني. 30 لأنّه الله واحد هو الي يبري اهل الختانة بالإيمان والناس الي بلا ختانة الإيمان. 31 واش احنا كنبطلوا الشرع بالإيمان؟ حاشا! لاكن كنتبتوا الشرع.

الفصل الرابع

1 أش نقولوا باين جبر إبراهيم أبونا من جهة الجسد؟ 2 لأنّه إذا كان إبراهيم مبري بالأعمال عنده علاش يفخم. ولاكن ماشي قدام الله. 3 على حق اش كيقول الكتاب؟ "وامن إبراهيم بالله واتحسب له تقوى". 4 لاكن الي كيخدم ما تنحسب له شي إجارته على حسب النعمة لاكن على حسب الدين. 5 واما الي ما كيخدم شي لاكن كيامن بلي كيبري الفاجر إيمانه ينحسب له التقوى 6 بحال ما كيقول داود تاني على البركة د الرجل الي كيحسب له الله التقوى بلا أعمال. 7 مبروكين الي انغفروا معصياتهم وتغطّوا دنوبهم. 8 مبروك الرجل الي ما يحسب له شي الربّ الدنوب. 9 واش هد البركة هي لاهل الختانة وكان أو للناس الي بلا ختانة تاني؟ على حق اش احنا كنقولوا باين الإيمان

اتَّحَسِب لإبراهيم تقوى. 10 وكيف اتَّحَسِب؟ واش مِنين كان بالختانة أو بلا ختانة؟ ماشي مِنين كان بالختانة لآكن مِنين كان بلا ختانة. 11 وقبض إمارة الختانة طابع د التقوى د الإيمان الّلي كان عنده قبل ما تختن باش يكون البو د جميع الّلي كيامنوا وهم بلا ختانة باش تنحسب لهم التقوى حتّى هم. 12 والبو د الختانة للّلي ما هم شي من اهل الختانة وكان لآكن تاني كيمشوا في خلفات ايمان ابونا إبراهيم الّلي كان عنده وهو بلا ختانة. 13 على حق اش ماشي بالشرع كان القول لإبراهيم أو لدرّيته باين يكون وارت الدنيا لآكن بالتقوى د الإيمان. 14 على حق اش إذا كانوا هذوك الّلي من الشرع ورتة الإيمان راه تبطلّ وولّي القول بلا فائدة. 15 على حق اش الشرع كي عمل الغضب لآكن فاين ما كاين شرع ما كاينة تاني معصية. 16 على داك شي هو من الإيمان باش يكون من النعمة باش يكون القول ثابت لجميع الدريّة ماشي للّلي من الشرع وكان، لآكن تاني للّلي من ايمان إبراهيم الّلي هو ابونا مجموعين. 17 بحال ما هو مكتوب: أنا عملتك البو د جنوس بزّاف. قدّام الله الّلي آمن به الإلاه الّلي كيحيي الموتى وكيعيطّ للامور الّلي ما هم شي كاينين بحال إذا هم كاينين. 18 وهو وحقّ ما كان شي الرجا آمن في الرجا باش يكون البو د جنوس بزّاف بحال ما قال الله: هكذا تكون دريتك. 19 وما كان شي ضعيف في الإيمان وما خمّم شي في جسده الّلي ولّى ميّت لأنّه كانت عنده مقدار مية سنة ولا خمّم في موت الرحم د سارة. 20 وما شكّ شي في قول الله بقلّة الإيمان لآكن تقوى في الإيمان كي عطي المجد لله. 21 وكان ميّقن باين داك شي الّلي قاوّل به هو قادر يعمله تاني. 22 على داك شي تاني اتّحسب له تقوى 24 لآكن على سببنا احنا تاني الّلي يتّحسب لنا الّلي كنا منّا بهداك الّلي قيّم يسوع ربّنا من الميّتين. 25 الّلي اندفع على سبب دنوبنا وتقيّم على سبب تبريتنا.

الفصل الخامس

1 وعلى داك شي حيث احنا مبريين بالإيمان عندنا الصلح مع الله برّبنا يسوع المسيح 2 الّلي به تاني جانا الدخول بالإيمان لهد النعمة الّلي احنا تابطين فيها وكنفرحوا في الرجا د مجد الله. 3 وماشي هد شي وكان لآكن كنفرحوا تاني في الضيقات عارفين باين الضيق كي جيب الصبر 4 والصبر التجريب والتجريب الرجا 5 والرجا ما كيحشّم شي على حق اش محبة الله انكبّت في قلوبنا بالروح القدس الّلي انعطى لنا. 6 على حق اش مِنين كنّا باقيين ضعاف مات المسيح في الوقت الّلي معيّن على سبب الفجار. 7 لأنّه مُحال ينصاب شي حدّ الّلي يموت على سبب واحد التقي. بالحقّ على سبب واحد المليح يمكن يزعم شي حدّ حتّى يموت. 8 ولاكن الله بيّن محبّته لنا حيث مات المسيح على سببنا واحنا باقيين مدنبيين. 9 واكثر دابّ حيث احنا مبريين بدمه ننجوا به من الغضب. 10 على حق

اش إذا كنّا تصالحنا مع الله بموت ابنه واحنا عديان، اعساك واحنا متصالحين ننجوا بالحياة دياله.

11 وماشي هد شي وكان لادن كنفخموا تاني بالله برّنا يسوع المسيح الّي حزنا به دابّ المصالحة.

12 على داك شي كيف برجل واحد دخل الدنوب للدنيا وبالذنوب الموت وهكذا جات الموت على الناس كاملين من حيث دنبوا كاملين. 13 على حق اش الدنوب كانوا في الدنيا حتّى لوقت الشرع، لادن الدنوب ما اتّحسبوا شي إذا ما كان شرع. 14 وأما الموت حكمت من ادم لموسى حتّى على الّي ما دنبوا شي بشبيهة المعصية د ادم الّي هو متال هداك الّي ماجي. 15 ولاكن ماشي كيف الدنوب هكذا تاني المعطى، على حق اش إذا كانوا بالذنوب د واحد ماتوا بزّاف اعساك نعمة الله والمعطى بالنعمة الّي هي برجل واحد يسوع المسيح كترت لبزّاف. 16 وماشي كيف بواحد الّي دنوب هكذا المعطى. على حق اش الحكم جا بسبب واحد للعقوبة، وأما المعطى هي بسبب دنوب بزّاف للتبرية. 17 لأنّه إذا كان بالذنوب د الواحد حكمت الموت بواحد اعساك الّي ينالوا كثرة النعمة والمعطى د التقوى يحكموا في الحياة بواحد يسوع المسيح. 18 ومن داك شي كيف بدنوب واحد جا الحكم على الناس كاملين للعقوبة هكذا بتقوى واحدة جات المعطى للناس كاملين لتبرية الحياة. 19 على حق اش كيف معصية الرجل الواحد ردّت بزّاف مدنيين هكذا تاني طاعة واحد تردّ بزّاف تقيين. 20 وأما الشرع دخل باش يكتروا الدنوب، ولاكن فاين كتروا الدنوب تمّ كترت النعمة اكرت بزّاف 21 باش بحال ما حكموا الدنوب للموت هكذا تحكم النعمة بالتقوى لحياة الاخرة بيسوع المسيح ربّنا.

الفصل السادس

1 أش ماشيين نقولوا؟ واش نزيدوا في الدنوب باش تكثر النعمة؟ 2 حاشا! احنا الّي متنا للدنوب كيف ماشيين نعيشوا ما زالين فيه؟ 3 واش ما كترعروا باين احنا كاملين الّي تعمّدنا ليسوع المسيح تعمّدنا لموته 4 واندفنّا معه بالمعمودية للموت باش بحال ما تقيّم المسيح من الميّتين بمجد الآب هكذا نتمشوا احنا تاني في تجديد الحياة؟ 5 على حق اش إذا كنّا اتّعرسنا معه في شبيهة موته نكونوا تاني في شبيهة قيامته 6 عارفين هد شي باين انساننا القديم تصلّب معه باش يتبطلّ جسد الدنوب باش ما نعاودوا شي ننكسبوا تاني للدنوب. 7 لأنّه الّي مات راه تبرّى من الدنوب. 8 وإذا كنّا متنا مع المسيح كناّمنا باين نحيوا تاني معه 9 عارفين باين المسيح من حيث تقيّم من الميّتين مايتموت شي تاني، ما تعاود شي تحكم عليه الموت. 10 على حق اش الموت الّي ماتها ماتها للدنوب مرّة واحدة والحياة الّي كيحيها كيحيها لله. 11 كدالك انتم تاني احسبوا انفسكم ميّتين للدنوب ولاكن حيّين لاله بالمسيح يسوع ربّنا. 12 وعلى داك شي لا تخلّوا شي الدنوب يحكموا في

جسدكم الي يموت باش تطيعوا له في شهواته. ولا تعطوا اطرافكم بحال مواعن د الشرّ باش يخدموا للدنوب لآكن اعطوا انفسكم لاله بحال الي حيين من المييتين واطرافكم المواعن د التقوى لاله. 14 على حق اش الدنوب ما يحكموا شي عليكم من حيث ما انتم شي تحت الشرع لآكن تحت النعمة. 15 وكيفاش داب؟ واش ندنوبوا على حق اش ما احنا شي تحت الشرع لآكن تحت النعمة؟ حاشا! 16 واش ما كتعرفوا شي باين هداك لمن تعطوا انفسكم تكونوا عبيده؟ هو سيدكم على حق اش انتم عبيد لمن تطيعوا، اما د الدنوب للموت أو د الطاعة للتقوى. 17 ولاكن الحمد لاله، انتم الي كنتوا عبيد للدنوب راكم طعتوا داب من القلب لديك الصورة د التعليم الي اندقعتوا لها 18 ومن حيث تحررتوا من الدنوب وليتوا عبيد للتقوى. 19 أنا كنتكلم بحال قاعدة بن آدم على حق اش ضعف جسدكم. لأنه بحال ما اعطيتوا اطرافكم عبيد د النجاسة ود الشرّ للشرّ هكدا داب اعطوا اطرافكم عبيد للتقوى للقداسة. 20 على حق اش انتم حين كنتوا عبيد الدنوب كنتوا محررين من التقوى. 21 أش من غلة كانت عندكم داك الوقت في الامور الي كتحشموا بهم داب؟ حيث تمام ديك الامور هو الموت. 22 واما داب حيث انتم تحررتوا من الدنوب ووليتوا عبيد لاله عندكم غلتكم للقداسة والتمام هو حياة الاخرة. 23 على حق اش اجارة الدنوب هي الموت، واما المعطى د الله هي حياة الاخرة بالمسيح يسوع ربنا.

الفصل السابع

1 واش ما كتعرفوا شي يا الخوت، حيث أنا كنتكلم مع الي كيعرفوا الشرع، باين الشرع كيحكم على الإنسان ما حدّه حي؟ 2 على حق اش المرأة الي عندها الرجل هي مربوطة بالشرع مع رجلها الحي. ولاكن إذا مات الرجل هي تحررت من شرع الرجل. 3 وعلى داك شي ما حدّ الرجل حيّ تتسمّى زانية إذا تزوّجت مع رجل آخر. لآكن إذا مات الرجل هي محررة من الشرع وداب ما تكون شي زانية بعدما تتزوّج مع رجل آخر. 4 على داك شي داب يا خوتي انتم تاني متوا للشرع بجسد المسيح باش تتزوّجا مع واحد آخر يعني مع الي تقيّم من المييتين باش نجيبوا الغلة لاله. 5 لأنه منين كنّا في الجسد كانوا شهوات الدنوب الي بالشرع كيخدموا في اطرافنا باش تجي فينا الغلة للموت. 6 ولاكن داب حيث متنا للي كنّا مغبوضين به تحررنا من الشرع باش ما نخدموا شي بعبودية الحرف لآكن بخدمة جديدة ديال الروح.

7 أش نقولوا داب؟ واش الشرع دنوب؟ حاشا! لآكن أنا ما كنت شي نعرف الدنوب من غير بالقرع. على حق اش ما كنت شي نعرف الشهوة لو كان ما قال شي الشرع: لا تشتهي شي. 8 ولاكن

الدنوب حيث صابوا الوجبة بالوصاية عملوا في كل شهوة. حيث بلا شرع الدنوب راه ميّت. 9 وانا كنت عايش قبل بلا شرع، ولاكن حين جات الوصاية عاشوا الدنوب ومِتّ انا. 10 والوصاية اليّ مقصودها الحياة صبتها سبب الموت. 11 على حق اش الدنوب حيث صابوا الوجبة بالوصاية خدعوني بها وقتلونني. 12 وعلى داك شي الشرع مقدّس والوصاية مقدّسة وعادلة ومليحة. 13 واليّ مليح، واش وليّ لي موت؟ حاشا! لاكن الدنوب باش يطهروا دنوب كيخدموا لي الموت بداك شي اليّ مليح باش يوليوا الدنوب قبّاح بزّاف بالوصاية.

14 على حق اش احنا كنعرفوا باين الشرع هو روحي واماّ أنا جسدي مبيوع تحت الدنوب. 15 حيث اليّ كنعمله ما كنعرفه شي على حق اش اليّ كنجبه ما كنعمل شي لاكن اليّ كنكرهه هو اليّ كنعمل. 16 وإذا كنعمل اليّ ما كنجبه شي راني كنوافق الشرع باين هو مليح. 17 ودابّ ماشي أنا اليّ كنعمل داك شي لاكن الدنوب فيّ. 18 على حق اش أنا كنعرف باين ما ساكن فيّ يعني في جسدي حتّى شي مليح. لأنّه خاطر حاضر معي ولاكن باش نعمل الخير ما كنصيب شي. 19 على حق اش الخير اليّ كنجبه ما كنعمله شي لاكن الشرّ لما كنجبه شي هو اليّ كنعمل. 20 وإذا كنعمل اليّ ما كنجبه شي ماشي أنا دابّ اليّ كنعمله لاكن الدنوب اليّ ساكنين فيّ. 21 ودابّ كنصيب هد الشرع فيّ مينين نحبّ نعمل الخير، الشرّ راه حاضر معي. 22 على حق اش أنا كنفرح بشرع الله من جهة الإنسان الداخلي. 23 ولاكن كيشوف شرع آخر في اطرافي كيتشارّ مع شرع عقلي وكيسعاني نكون تحت شةع الدنوب اليّ هو في اطرافي. 24 ويّلي! أنا رجل زغبّي. شكّون يفكّني من جسد هد الموت؟ 25 الحمد لاله بيسوع المسيح ربّنا. وهكذا دابّ أنا براسي كنخدم بعقلي شرع الله ولاكن بالجسد كنخدم شرع الدنوب.

الفصل الثامن

1 وعلى داك شي ما كاينة حتّى شي عقوبة دابّ على اليّ هم في المسيح يسوع اليّ كيمشوا ماشي من جهة الجسد لاكن من جهة الروح. 2 لأنّه شرع روح الحياة في المسيح يسوع حرّمني من شرع الدنوب والموت. 3 على حق اش اليّ ما قدّ شي الشرع يعملّه حيث ضعيف بالجسد، الله عملّه من حيث سيفظ ابّنه في شبيهة جسد الدنوب وعلى سبب الدنوب حكم على الدنوب في الجسد 4 باش توفى التقوى د الشرع فينا احنا اليّ كنتمشوا من جهة الروح ماشي من جهة الجسد. 5 على حق اش اليّ هم من جهة الجسد كييالوا بامور الجسد ولاكن اليّ هم من جهة الروح بامور الروح. 6 حيث المبالية بالجسد هي موت ولاكن المبالية بالروح هي حياة وسلام. 7 على حق اش المبالية بالجسد

هي عداوة مع الله من حيث ما كتطيع شي لشرع الله وتاني ما تقدر شي. 8 والي هم في الجسد ما يقدرُوا شي يعجبوا الله. 9 واما انتم ما انتم شي في الجسد لآكن في الروح إذا كان روح الله ساكن فيكم. ولاكن الي ما عنده شي روح السيح هداك ما هو شي دباله. 10 وإذا كان المسيح فيكم الجسد هو ميّت على سبب الذنوب واما الروح هي حياة على سبب التقوى. 11 وإذا كان الروح د الي قيّم يسوع من الميّتين ساكن فيكم، هو الي قيّم المسيح من الميّتين ماشي يحيي تاني اجسادكم الي يموتوا بروحه الي ساكن فيكم. 12 وعلى داك شي، يا الخوت، احنا مديانين ماشي للجسد باش نعيشوا من جهة الجسد. 13 على حق اش إذا تعيشوا من جهة الجسد لا بدّ تموتوا، لآكن إذا بالروح تقتلوا اعمال الجسد تحيوا. 14 حيث جميع الي يتقودوا بروح الله هدوك هم اولاد الله. 15 على حق اش ما اخدتوا شي روح العبيد تاني للخوف لآكن اخدتوا روح الاولاد الي به كنعيّطوا: يا الآب. 16 الروح بنفسه كيشهد مع روحنا باين احنا اولاد الله. 17 وإذا كنّا اولاد را احنا ورّة تاني الورّة د الله ووارتين مع المسيح، إذا كنّا كنتعدّبو معا باش نتمجّدوا تاني معا.

18 وانا كنحسب باين العذاب د هد الوقت الحاضر ما يستاهل شي يتقيّس مع المجد الي غادي يتبيّن فينا. 19 لأنّه الترجية د الخليقة كلّها كنتسنّى تبين اولاد الله. 20 على حق اش الخليقة تطوّعت للخوى، ماشي بخاطرها لآكن على سبب الي طوّعها للرجا، 21 من حيث الخليقة بنفسها تاني ماشية تتحرّر من عبودية الفساد لتحرير المجد د اولاد الله. 22 على حق اش احنا كنعرفوا باين الخليقة كلّها كتنين وكتنوّج مجموعة حتّى لداب، 23 وماشى هكدا وكان لآكن احنا الي عندنا الغلّة الاولى د الروح احنا بروسنا كننينوا في انفسنا كنتسنّوا التبنّي يعني فدية اجسادنا. 24 على حق اش احنا بالرجا نجينا، ولاكن الرجا الي كينشاف ما هو شي رجا. حيث داك شي الي كيشوفه الواحد كيف يرجاه تاني؟ 25 ولانك إذا كنّا كنرجوا الي ما كنشوفوه شي احنا كنتسنّواه بالصبر. 26 وكدالك الروح تاني كيعاون ضعفنا، على حق اش احنا ما كنعرفوا شي اش نطلبوا كيف واجب علينا ولاكن الروح بنفسه كيشفع فينا بالتنهيدات الي ما يقدر حدّ ينطق بهم. 27 ولاكن الي كيفتشّ القلوب كيعرف اشنّهو المراد د الروح. لأنّه هو كيشفع في القديسين على حسب خاطر الله. 28 واحنا كنعرفوا باين جميع الامور كيخدموا مع بعضهم للخير للي كيجبوا الله الي هم معروضين على حسب قصده. 29 على حق اش هدوك الي عرفهم من قبل عينهم تاني من قبل باش يكونوا متشبهين بصورة ابنة باش يكون هو البكر بين برّاف د الخوت. 30 وهدو الي عينهم من قبل عرض عليهم تاني. وهدو الي عرض عليهم برّاهم تاني. وهدو الي برّاهم مجدهم تاني. 31 أش مشيين نقولوا في هد شي؟ إذا كان الله من جهتنا، شكون يقدر يضادّنا؟ 32 الي ما حنّ شي على ابنة لآكن دفعه على سببنا كاملين، كيف ما يعطينا شي

كلّ شي معه تاني؟ 33 شكون ماشي يشكي بمختورين الله؟ الله هو الي كبيرهم. 34 شكون هو الي يعاقب؟ المسيح هو الّ مات ايّة واكثر قام تاني وهو نيت على يمين الله وتاني كيشفع فينا. 35 شكون ماشي يفرقنا مع محبة المسيح؟ واش الشدة أو الضيق أو الترميدة أو الجوع أو العرى أو الخوف أو السيف؟ 36 بحال ما هو مكتوب: احنا على سببك كنموتوا النهار كلّ، انحسبنا بحال الغنم للديحة. 37 ولاكن احنا في هد شي كلّ اكثر من الغلابين يهداك الي حبنا. 38 حيث أنا ميّقن باين لا موت ولا حياة ولا ملايكة ولا ربّاس ولا قوّات ولا أمور حاضرين ولا ماجيين 39 ولا علو ولا غرق ولا شي خليقة اخرى ما يقدرنا شي يفرقونا مع محبة الله الي هي في المسيح يسوع ربنا.

الفصل التاسع

1 نقول الحقّ في المسيح. ما نكدب شي وضميري كيشهد لي في الروح القدس 2 باين عندي غبينة كبيرة والحريق في قلبي بلا فترة 3 على حق اش كنت كنيغي أنا براسي نكون محروم من المسيح على سبب خوتي اهلي من جهة الجسد 4 الي هم إسرائيليين وديالهم التبني والمجد والعهد والشرع والعبادة والميعادات، 5 وديالهم الجود ومنهم المسيح من جهة الجسد الي هو قوق الجميع الإلاه المبروك ديما آمين.

6 ولاكن ماشي بحال إذا كان كلام الله تبطل، على حق اش ماشي جميع الي من إسرائيل هم إسرائيليين، 7 ولا هم كاملين اولاد وخي هم دريّة إبراهيم. “لاكن في إسحق تتسمي دريتك”. 8 يعني ماشي اولاد الجسد هم اولاد الله لكن اولاد القول هم الي ينحسبوا دريّة. 9 على حق اش كلام القول هو هذا: عام الجاي بحال هد الوقت أنا نجي وكون عند سارة واحد الولد. 10 وماشي هد شي وكان لادن رفقة تاني منين كانت حبلى من واحد وهو إسحق ابونا، 11 على حق اش الاولاد وهم ياقيين ما خلقوا ولا عملوا لا خير ولا شرّ باش يتبت قصد الله من جهة الاختيار ماشي من الاعمال لادن من الي كيعرض، 12 انقال لها باين الكبير يخدم الصغير، 13 بحال ما هو مكتوب: حبّيت يعقوب وبغضت عيسو.

14 أش ماشيين يقولوا؟ واش يون عند الله الظلم؟ حاشا! 15 لأنّه قال لموسى: أنا نرحم الي نرحم ونحن على من نحن. 16 على داك شي ما هو شي من الي كيبيغي ولا من الي كييجري لادن من الله الي كيرحم. 17 على حق اش كيقول الكتاب لفرعون: على هد السبة بنفسها أنا قيّمك باش نظهر فيك قوتي وباش يبرّحوا باسمي في الارض كلّها. 18 وعلى داك شي هو يرحم من بغى ويفسّح من بغى. 19 وداب تقول: علاش باقي كيلوم؟ على حق اش شكون كيضادّ خاطره؟ 20 لا! لادن شكون انت، يا

الرجل، الّتي كتجاوب الله؟! واش المسالة المصنوعة بقول للّتي صنعها: علاش صنعتيني هكدا. 21 أو الفخّار، واش ما عنده قدر على الطين باش يصنع من طرف واحد واحد الماعون للعزّ وواحد اخر للدّل؟ 22 وكيفاش إذا الله باغي يظهر غضبه ويبين قوّته كان صبر بصبر كثير على مواعن الغضب المصوّبين للهليكة؟ 23 وباش يبين كثرة مجده على مواعن الرحمة الّتي وجدهم من قبل للمجد، 24 يعني احنا الّتي عرئ علينا ماشي من اليهود وكان لآكن من الجنوس تاني، 25 كيف كيقول في هوشع تاني: هدوك الّتي ما كانوا شي الناس دياالي نسميهم ناسي والّتي ما كانت شي عزيزة نسميها عزيزة، 26 ويكون في الموضع فاش انقال لهم ما انتم شي ناسي تَمّ يتسمّوا اولاد الله الحيّ. 27 وإشعيا كيبّرّح ويقول على إسرائيل: بعدما كان عدد بنو إسرائيل بحال رمل البحر واحد البقيّة ماشية تنجا، 28 لأنّه يكمل الامر ويقصره بالتقوى، على حق اش واحد الحساب قصير يعملّه الربّ على الارض. 29 وبحال ما قال إشعيا من قبل: لو كان ماخلى لنا ربّ الجنود واحد الدريّة لو كان ولينا بحال سدوم وتشبّهنا بعمورة.

30 أش نقولوا داب؟ نقولوا باين الجنوس الّتي ما فتّشوا شي على التقوى ربهم دركوا التقوى، التقوى الّتي هي بالإيمان، 31 ولاكن إسرائيل وهو كيفتّش على شرع التقوى ما درك شي شرع التقوى. 32 علاش؟ حيث ما فتّش شي عليه بالإيمان لآكن بحال إذا كان باعمال الشرع. على حق اش هم عتروا على حجرة العترة 33 بحال ما هو مكتوب: ها أنا كننزل في صهيون حجرة العترة وصخرة وكلّ واحد الّتي كيامن به ما يتحشّم شي.

الفصل العاشر

1 يا الخوت، شوف قلبي وصلاتي لاله على سبب إسرائيل هي باش ينجّوا. 2 على حق اش أنا كنشهد لهم باين فيهم الغيرة لاله ولاكن ماشي يالفهامة. 3 على حق اش هم حيث ما كانوا شي كيعرفوا التقوى د الله وكيفتّشوا يتبّتوا التقوى د انفسهم ما طاعوا شي للتقوى د الله. 4 لأنّه المسيح هو كمال الشرع للتقوى لكلّ واحد الّتي كيامن. 5 على حق اش موسى كيكتب على التقوى الّتي بالشرع باين الإنسان الّتي كي عملهم يحيا لهم. 6 واما التقوى الّتي بالإيمان هي تقول هكدا: ما تقول شي في قلبك: شكون يطلع للسما يعني باش يهبط المسيح؟ 8 لآكن اش كتقول؟ الكلام قريب لك في فمك وفي قلبك يعني كلام الإيمان الّتي كيخبروا به. 9 على حق اش إذا أنت تستقرّ بفمك بالربّ يسوع وتامن في قلبك باين الله قيّمه من الميتين تنجا. 10 لأنّه بالقلب كيامن الإنسان للتقوى وبالفم كيستقرّ للنجا. 11 على حق اش الكتاب كيقول: كلّ واحد الّتي كيامن به ما يتحشّم شي. 12 لأنّه ما كاين فراق بين اليهودي

واليوناني على حق اش الربّ الواحد د الجميع هو غني لجميع اليّ كيستغاثوا به. 13 على حق اش كلّ واد اليّ يستغاث باسم الربّ ينجا. 14 وكيف يستغاثوا بالّي ما امنوا شي به؟ وكيف يامنوا بليّ ما سمعوا شي به؟ وكيف يسمعو بلا مبشّر؟ 15 وكيف يبشّروا إذا ما تسيفطوا شي؟ بحال ما هو مكتوب: ما اطرف الرجلين د اليّ كيخبّروا بإنجيل الصلح وكيبشّروا بالخيرات؟! 16 لآكن ما طاعوا شي كاملين للانجيل. لأنّه إشعيا يّقول: يا ربّ، شكّون تاق بخرنا؟ 17 على داك شي الإيمان كيّجي بالسمع والسمع بكلام الله. 18 لآكن أنا كنقول واش ما سمعوا شي؟ إيّه، سمعوا. خرج موتهم للارض مجموعة وكلامهم لحدّ الدنيا. 19 لآكن أنا كنقول: واش ما عرف شي إسرائيل؟ في الأوّل موسى كيّقول: أنا نهيجكم باش تغيروا من اليّ ما هم شي جنس. بواحد الجنس جاهل نفقصكم. 20 لآكن إشعيا كيزعم بزّاف ويّقول: اليّ ما فتّسوا شي عليّ راهم جبروني وولّيت ظاهر للّي ما سقصّوا شي عليّ. 21 واما على إسرائيل كيّقول: النهار كلّهُ مدّيت يديّ لواحد القوم عاصيين ومضادّين.

الفصل الحشاش

1 ونقول واش الله سيّل قومّه؟ حاشا! على حق اش أنا تاني إسرائيل من دريّة إبراهيم من قبيلة بنيامين. 2 ما سيّب شي الله قومّه اليّ عرفهم من قبل. أو ما عرفتوا شي اليّ كيّقول الكتاب على إيليا كيف كيرغب الله ضدّ في إسرائيل كيّقول: 3 يا ربّ قتلوا الانبيا ديالك وهدموا المذابح ديالك وبقيت أنا وحدي وهم كيقتّشوا على عمري. 4 لآكن اش كيّقول له الوحي؟: أنا خلّيت لنفسي سبع آلاف رجل اليّ ما سجدوا شي لبعل. 5 وكذلك في هد الوقت الحاضر تاني كاينة واحد البقيّة من جهة اختيار النعمة. 6 وإذا كان بالنعمة ما بقي شي بالاعمال. أو النعمة ما بقّت شي النعمة. 7 وكيفاش؟ داك شي علاش كيقتّش إسرائيل ما دركه شي، ولاكن المختورين دركوه. واما الباقيين تقسّحوا 8 بحال ما هو مكتوب: أعطاهم الله روح النعاس وعينين باش ما يشوفوا شي وأدنين باش ما يسمعو شي حتّى لهد النهار. 9 وداود كيّقول: لازم تولّي المايدة ديالهم مصيدة وشبكة وحاجة العترة ومجازيه لهم. 10 خلّي عينيهم يتظلموا باش ما يشوفوا شي واحني ظهورهم ديما. 11 ونقول واش هم عتروا باش يطيحوا؟ حاشا. لآكن بزّهقتهم جا النجا للجنوس باش تجي فيهم الغيرة. 12 وإذا كانت زهقتهم ربح للدنيا ونقصانهم ربح للجنوس اعسّاك تعميرهم كيف يكون؟ 13 على حق اش أنا كنتكلّم معكم، يا الجنوس، من حيث أنا رسول الجنوس كنمجدّ خدمتي 14 إذا يقدر يون ننوّض في أهلي الغيرة وننجّي شي منهم. 15 على حق اش إذا كانت الدحية ديالهم مصالحة الدنيا، أش يكون قبولهم من غير حياة من الميّتين؟ 16 وإذا كانت الغلّة الاولى مقدّسة كذلك العجيب.

وإذا كان الجدر مقدّس كذلك الأغصان. 17 وإذا اتّقطعوا البعض من الاغصان وانت زيتونة بريّة تلقّمت فيهم وولّيت شريك معهم في جدر الزيتون وإدامها 18 لا تفشر شي على الاغصان. وإذا فشرت راك ما رافد شي الجدر لآكن الجدر هو رافدك انت. 19 ودابّ تقول: اتّقطعوا الاغصان باش نلقّم انا. 20 بالحقّ. من قلّة الإيمان اتّقطعوا وانت بالإيمان تابت. لا تتكبّر شي لآكن خفّ. 21 لأنّه إذا ما حنّ شي الله على الاغصان د الاصل يقدر يكون ما يحنّ شي عليك تاني. 22 شفّ بعدّ لطف الله وشدّته. الشدّة على اليّ طاحوا، واما اللطف لك إذا تبتّ في اللطف وإذا ما تبتّ شي راك تنقطع أنت تاني. 23 وهم تاني إذا ما بقوا شي في قلّة الإيمان ماشيين يتلقّموا. حيث الله قادر يلقمهم عاود. 24 على حق اش إذا كنت اتّقطعت وانت من الزيتون أصلها بريّة وتلقّمت خلاف الطبيعة في زيتونة جيّدة اعسّاك هدو اليّ هم الاغصان د الاصل كيف ما يتلقّموا شي في الزيتون دياهم.

25 على حق اش ما بغيتكم شي، يا الخوت، تتغشّموا في هد السرّ. عندكم تحسبوا أنفسكم عقّال، باين القسوحية جات على شي من إسرائيل حتّى يدخل تعمير الجنوس 26 وهكذا ماشي ينجا جميع إسرائيل، بحال ما هو مكتوب: يخرج من صهيون المنجّي ويحيّد الفجور على يعقوب. 27 وهذا هو العهد ديايالي معهم مّنين نحيّد دنوبهم. 28 من جهة الانجيل هم عديان على سببكم، واما من جهة الاختيار هم عزاز على سبب الجدود. 29 على حق اش معطات الله والعرضة دياله هم بلا ندامة. 30 لأنّه بحال ما كنتوا انتم واحد الوقت ما طعتوا شي لاله ولاكن دابّ اترحمتموا بعصيان هدو 31 هكذا هدو تاني دابّ ما طاعوا شي باش يتّرحموا هم تاني برحمتكم. 32 لأنّه الله شدّ على الجميع في المعصية باش يرحم الجميع.

33 يا غرق الكترة د حكمة الله وعلمّه! ما أبعد أحكامه على البحث وطرقائه على التفتيش!

34 على حق اش شكون عرف راي الربّ أو شكون ولّى له بصيح؟ 35 أو شكون سبق واعطى له ويتّخلف له تاني؟ 36 على حق اش منه وبه وله كلّ شي. له المجد الى الأبد. آمين.

الفصل الطناش

1 على داك شي كنطلبكم، يا الخوت، برحمة الله تعطوا أجسادكم دبيحة حيّة مقدّسة مقبولة عند الله خدمتكم اليّ هي معقولة. 2 ولا تماثلوا شي هد الدنيا، لآكن تتبدّلوا في متالكم بتجديد عقولكم باش تعرفوا بتجريب اشنهو خاطر الله الملبح المقبول الكمال. 3 على حق اش أنا كنقول بالنعمة اليّ اتّعطت لي لكلّ واحد فيكم باين لا يخمّم شي في نفسه فوق اليّ واجب يخمّم لآكن يخمّم بالمعقول بحال ما فرق الله على كلّ واحد قياسه من الإيمان. 4 على حق اش كيف في جسد واحد عندنا أطراف

كتار ولاكن الأطراف كاملين ما عندهم شي شغل واحد، 5 هكدا احنا ناس كتار جسد واحد في المسيح وأطراف مع بعضنا كل واحد للاخر. 6 ولاكن عندنا المعطيات مختلفين على قدّ النعمة الّي اتعطت لنا، إذا المكاشفة نكاشفوا بمقدار الايمان، 7 أو خدمة نبالوا بالخدمة، أو الّي كيقري يبالى بالقراية، 8 أو الّي كيوغظ يبالى بالتوعيط، الّي كيعطي يعطي بالسخاوة، الّي كيحكم يحكم بالجدّ، الّي كيرحم يرحم بالفرحة. 9 المحبة لازم تكون بلا نفاق. اكرهوا الشرّ، الصقوا بالخير. 10 تحابوا مع بعضكم بمحبة الخوت. سبقوا بعضكم بعض في التوقير. 11 اخدموا بالجدّ ولا تعجزوا شي. كونوا حارين في الروح، خدامين الربّ، 12 فرحانيين بالرجاء، صابرين في الضيق، مداومين على الصلاة. 13 اشركوا مع القديسين في ما خصهم، موابدين ضيافة الغربا. 14 باركوا الّي كيبرمدوكم، باركوا ولا (تخطوا) شي. 15 افرحوا مع الّي كيفرحوا وابكوا مع الّي كيبكوا. 16 كونوا في راي واحد مع بعضكم. لا تبالوا شي بالأمور العالبيين لآكن تتقودوا للّي هم حانيين. لاتحسبوا شي روسكم عقّال. 17 لا تجازيوا حد بالشرّ على الشرّ. تهلّوا في أمور ملاح قدّام الناس كلهم. 18 إذا يقدر يكون اعملوا جهدكم تكونوا بخير مع جميع الناس. 19 لا تخلّفوا شي الحسيّفة لروسكم، يا العزاز، لآكن اعطوا موضع للغضب د الله، حيث مكتوب: ديالي الحسيّفة، أنا نخلّف كييقول الربّ. 20 على داك شي إذا جاع عدوك وكلّه. وإذا عطش، شرّبه. على حق اش إذا عملت هد شي تجمع جمر د العافية على رأسه. 21 لا تنغلب شي بالشرّ لآكن اغلب الشرّ بالخير.

الفصل التلّطاش

1 لازم على كل نفس تطيع للسلّاطين. حيث ما كاين حتّى سلّطان غير بالله والسلّاطين الّي كاينين هم معيّنين من عند الله. 2 على داك شي الّي كيضادّ السلّطان كيضادّ ترتيب الله والّي يضادّوا هم يجيبوا على أنفسهم العقوبة. 3 على حق اش الحكّام ما هم شي خوف للاعمال الملاح لآكن للقباح. واش بغيت ما باخف شي من السلّطان؟ اعمل المليح ويكون لك الشكر من عنده. 4 حيث هو خدام الله لك للخير. ولاكن إذا عملت الشرّ، خفّ، على حق اش ما كيرفد شي السيف باطل من حيث هو خدام الله كيغالب بالغضب الّي كييمل الشرّ. 5 على داك شي واجب عليكم تطيعوا له ماشي على سبب الغضب وكان لآكن تاني على سبب الضمير. 6 حيث انتم على هد شي كتخلّصوا الجزية تاني. من حيث هم خدام د الله مداومين على داك الامر بنفسه. 7 واعطوا للجميع حقوقهم. الجزية للّي واجبة له الجزية، العشور للّي واجب له العشور. والخوف للّي واجب له الخوف والتوقير للّي واجب له التوقير.

8 لا يسال لكم حد شي حاجة من غير المحبة بعضكم بعض، حيث الي كىحب غير هداك
كمل الشرع. 9 على حق اش لا تزني لا تقتل لا تسرق لاتشهد بالزور لا تشتهي وادا كانت شي وثاية
أخرى هي مجموعة في هد الكلام يعني تحب جارك بحال نفسك. 10 المحبة ما كتعمل شي الشر
للجار، على داك شي المحبة هي تكميل الشرع.

11 هد شي وانتم عارفين الوقت باين هدي هي الساعة باش نفيقوا من النعاس، على حق اش
نجانا داب أقرب من الي كان حين امّا. 12 تقاضى الليل وقرب النهار وعلى داك شي لازم نزولوا
أعمال الظلام ولبسوا سناح الضو. 13 لازم نمشوا دعرين بحال في النهار لا في الفساد والسكرة ولا في
المباتة والفسق ولا في الخصام والحسد. 14 لائن البسوا الرب يسوع المسيح ولا تدبروا شي للجسد في
الشهواته.

الفصل الاربعطاش

1 الي ضعيف في الإيمان يقبلوه لائن ماشي باش تحكموا على ظنونه. 2 واحد عنده الإيمان باش
ياكل كل شي واما الي هو ضعيف كياكل الخصرة. 3 ويلي كياكل، لا يحقر الي ما كياكل شي، ويلي
ما كياكل شي، لا يحكم على الي كياكل، لأنه الله قبله. 4 شكون أنت الي كتحكم على عبد غيرك؟
هو لمواه يوقف أو يطيح، ولاكن هو يتوقف حيث الله قادر يوقفه. 5 واحد كيفضل نهار على نهار
وواحد اخر كيحسب كل همار بحال بحال. لازم يكون كل واحد ميّقن في عقله. 6 الي كيفضل النهار
راه للرب كيفضله، ويلي ما كيفضل شي النهار راه للرب ما كيفضله شي، ويلي كياكل راه للرب كياكل
حيث كيشكر الله. ويلي ما كياكل شي راه للرب ما كياكل شي وكيشكر الله. 7 على حق اش ما فينا
حد الي كيعيش لنفسه ولا حد الي كيموت لنفسه، 8 على حق اش إذا عشنا، راه للرب نعيشوا. أو إذا
متنا راه للرب نموتوا. وإذا عشنا أو إذا متنا، را احنا ديال الرب. 9 لأنه لهد شي مات المسيح وقام
وعاش باش يكون هو الرب على الحيين والميئين. 10 واما أنت، علاش كتحكم على اخاك؟ أو أنت
تاني، علاش كتبهدل باخاك؟ على حق اش احنا مجموعين ماشيين نوقفوا قدام كرسي المسيح. 11 لأنه
مكتوب: وأنا حي، كيقول الرب، كل ركبة ماشية تسجد لي وكل لسان ماشي يحمده الله. 12 وهكذا
كل واحد منّا ماشي يعطي على نفسه الحساب لله. 13 وعلى داك شي ما نحكموا شي على بعضنا
لاكن احسن تحكموا بهد شي باين لا ينزل حد لاهه الي يعتره أو يطّحه. 14 أنا عارف وميّن في
الرب يسوع باين ما كاينة حتّى حاجة منجوسة من نفسها، غير الي كيحسب شي حاجة منجوسة، له
هي منجوسة. 15 وإذا تغير اخاك على مسبّة مأكولك، ما كتتمشى شي داب بالمحبة. لا تهلك شي

بماكولك هداك الّی مات المسيح على سببه. 16 لا تخلّوا شي خيركم ينشتم. 17 على حق اش ملاكة الله ما هي شي ماکلة وشراب، لکن هي تقوى وسلام وفرحة في الروح القدس، 18 لأنه الّی كيخدم المسيح في هدو الامور هو الّی مرضى عند الله ومزكى عند الناس. 19 على داك شي لازم نتبعوا الامور الّی هم للصلح والّی هم للبنیان بعضنا بعض. 20 لا تهدم شي عمل الله على مسبّة الماکول. كل شي طاهر ولاکن راه قبيح للإنسان الّی کياكل ويعتّر شي حد. 21 مليح إذا ما تاكل اللحم ولا تشرب الخمر ولاحتی شي الّی به يعتراخاك أو يطيح أو يضعف. 22 واش عندك الايمان؟ احضيه لراسك قدّام الله. مبروك الّی ما کيجيب شي الحکام على نفسه بداك شي الّی رضى به. 23 ولاکن الّی کيشک يتعاقب إذا کل من حيث ما اکل شي بالايمان، والّی ما هو شي من الايمان كله دنوب.

الفصل خسطاش

1 وواجب علينا احنا الّی صحاح نرفدوا للضعاف ضعفهم وما نسعفوا شي أنفسنا. 2 ولازم يسعف كل واحد جاره للخير على سبب البنیان. على حق اش حتی المسيح ما سعف شي نفسه لکن بحال ما هو مكتوب المعایر دالّی عایروک طاحوا عليّ. 4 لأنه كل ما انکتب من قبل انکتب على سبب تعلیمنا باش بالصبر والتسلية الّی هي من الکتب يكون عندنا الرجا. 5 وداب يعطیکم إله الصبر والتسلية باين تكونوا في راي واحد مع بعضکم على حسب المسيح يسوع 6 باش تمجدّوا الله ابو ربّنا يسوع المسيح بنفس واحدة وفمّ واحد. 7 على داك شي اقبلوا بعضکم بعض كيف المسيح تاني قبلنا لمجد الله. 8 ونقولوا باين يسوع المسيح ولّی خدّام الدختانة على سبب صدق الله باش يتبّت الميعادات الّی اتعطوا للجدود. 9 وباش الجنوس يمجّدوا الله على سبب الرحمة بحال ما هو مكتوب على داك شي نحمدك بين الجنوس ونهلّ باسمك. 10 وکیقول تاني افرحوا يا الجنوس مع قومه. 11 وتاني احمدا الربّ يا جميع الجنوس وامدحوه يا الناس کاملين. 12 وتاني کیقول إشعيا ماشي يكون واحد دالجنوس. 13 وإله الرجا يعمرکم بكل فرحة والسلام في الايمان باش تکتروا في الرجا بقوة الروح القدس.

14 وانا بنفسي تاني میقن من جهتکم يا خوتي باين انتم معمرين بالملاحه وماليين بكل علم، قادرين تنبّهوا بعضکم بعض 15 ولاکن بکثرة الشجاعة کتبت لکم شي طرف يا الخوت بحال إذا کنفکرکم بالنعمة الّی اتعطت لي من عند الله 16 باش نكون الخدّام د يسوع المسيح على سبب الجنوس خدّام في تبشير إنجيل الله باش تكون هديّة الجنوس مقبولة مقدّسة بالروح القدس. 17 على داك شي عندي باش نفخم في المسيح يسوع في أمور الله، 18 على حق اش أنا ما نزعّم نتکلم حتى على شي من

غير الّٰي عمله المسيح على يدّٰي باش يطوِّع الجنوس بالقول والفعل 19 بالامارات والعجايب القويّين بقوة روح الله، حتى كملت من اورشليم واحوازها حتى لا للير* يكون التبشير بانجيل المسيح. 20 ولاكن كنت حارص باش نبشر هكدا، ماشي فاين مذكور المسيح باش ما نبني شي على اللساس دواحد اخر، 21 لآكن بحال ما هو مكتوب: الّٰي ما تخبّروا شي به يشوفوا والّٰي ما سمعوا شي يفهموا. 22 على داك شي انحصرت بزّاف دالمرّات على المجي لعندكم، 23 ولاكن دابّ من حيث ما بقى لي موضع في هدو الجوايه ومدّة من سنين هدي وأنا بغيت نجّي لعندكم 24 حين نمشي لاصبانيا نجّي لعندكم، على حق اش أنا كنتر جيّ نشوفكم مّنين ندوز وتسيفطوني لّتمّ إذا سمعت شويّا في الاول من وجوهكم. 25 ولاكن دابّ أنا ماشي لاورشليم باش نخدم القديسين. 26 على حق اش اهل مكدونية وأخاية بغّوا يجمعوا شي معاونة للمساكين د القديسين الّٰي هم في اورشليم. 27 بغّوا داك شي وبالحق هم المديانين ديالهم. على حق اش إذا كانوا الجنوس كيشركوا في امورهم الروحيين، واجب عليهم تاني يخدموهم في الامور الجسديين. 28 ومّنين نكمّلوا داك شي ونسوجر لهم هد الغلّة عاد ندوز عليكم لاصبانيا. 29 ونعرف باين مّنين نجّي لعندكم نجّي في تعمير بركة انجيل المسيح. 30 ودابّ كنطلب منكم، يا الاخوت، ربّنا يسوع المسيح وبمحبة الروح تعملوا جهدكم معي في الصلاوات لله على سببي 31 باش ننجا من الناس في اليهوديّة الّٰي ما كيامنوا شي وباش تكون خدمتي لاورشليم مقبولة عند القديسين 32 باش نجّي لعندكم بالفرحة في خاطر الله ونرتاح معكم. 33 إله السلام يكون معكم مجموعين. آمين

الفصل السطّاش

1 كنوصيكم على أختنا فيبي الّٰي هي خدّامة د الكنيسة الّٰي في كنخريا 2 باش تقبلوها في الربّ بحال ما يليق للقديسين وتوقفوا معها في كل من هي مسالة فاش تحتاجكم. على حق اش هي عاونت ناس كتار وعاونتني أنا تاني.

3 سلّموا على بريسكلا وأكيلا الخدّامين معي في المسيح يسوع. 4 الّٰي حطّوا أعناقهم على سبب عمري الّٰي ما كنشكرهم شي أنا بوحدّي لآكن تاني جميع الكنايس د الجنوس. 5 وسلّموا تاني على الكنيسة الّٰي في دارهم. سلّموا على أبينتوس الحبيب ديالي الّٰي هو الغلّة الاولى في أخاية للمسيح. 6 سلّموا على مريم الّٰي تعبت علينا بزّاف. 7 سلّموا على أندرونكوس ويونياس الّٰي من أهلي المسجونين معي الّٰي هم مشهورين بين الرسل وكانوا في المسيح قبل مّني. 8 سلّموا على أمبلياس الحبيب ديالي في الربّ. 9 سلّموا على أوربانوس الخدّام معنا في المسيح وعلى إستاخيس الحبيب ديالي. 10 سلّموا على

أَبْلَسَ الْمَزَكِّي فِي الْمَسِيحِ. سَلِّمُوا عَلَى دَارِ أَرَسْتُوبُولُوسَ. 11 سَلِّمُوا عَلَى هِيرُودِيُونِ الْيَّ هُوَ مِنْ أَهْلِي. سَلِّمُوا عَلَى دَارِ نَرْكِسَّوْسِ الْيَّ هُمْ فِي الرَّبِّ. 12 سَلِّمُوا عَلَى تَرِيفِينَا وَتَرِيفُوسَا الْيَّ كَيْتَعِبُوا فِي الرَّبِّ. سَلِّمُوا عَلَى بَرُسِيْسِ الْعَزِيزَةِ الْيَّ تَعَبْتُ بِزَّافٍ فِي الرَّبِّ. 13 سَلِّمُوا عَلَى رُوفُسِ الْمُخْتَوْرِ فِي الرَّبِّ وَعَلَى أُمِّهِ الْيَّ هِيَ أُمِّي. 14 سَلِّمُوا عَلَى أَسِينَكْرِيتَسَ، فُلِيغُونِ، هَرْمَاسَ، بَتْرُوبَاسَ وَهَرْمِيْسَ وَعَلَى الْخَوَاتِ الْيَّ مَعَهُمْ. 15 سَلِّمُوا عَلَى فِيلُولُوغُسَ وَجُولِيَا وَبِيرِيُوسَ وَاخْتَهُ وَأُولْمَاسَ وَعَلَى جَمِيعِ الْقَدِّيسِينَ الْيَّ مَعَهُمْ. 16 سَلِّمُوا عَلَى بَعْضِكُمْ بَعْضَ بَبُوسَةٍ مُقَدَّسَةٍ. كُنَايِسُ الْمَسِيحِ كَيْسَلِّمُوا عَلَيْكُمْ.

17 وَكُنْطَلِبُ مِنْكُمْ، يَا الْخَوَاتُ تَنَابَهُوا لِلِّي كَيْعْمَلُوا الْخُصُومَاتِ وَالْعَتَرَاتِ خِلَافَ التَّعْلِيمِ الْيَّ تَعَلَّمْتُوهُ وَبَعَدُوا مِنْهُمْ. 18 عَلَى حَقِّ أَشِ الْيَّ هُمْ بِحَالٍ هَدُوا مَا كَيْخْدُمُوا شَيْ رَبَّنَا يَسُوعَ الْمَسِيحَ لَآكِنْ كَرُوشَهُمْ. وَبِالْكَلِمَاتِ الْمَلَاخِ وَالْكَلَامِ الْحَلُوكِ خِدَعُوا الْقُلُوبَ دَ الْيَّ هُمْ نِيَّاتٌ. 19 لِأَنَّهُ طَاعَتَكُمْ شَاعَتْ لِلنَّاسِ كُلِّهِمْ، وَكُنْفَرِحَ أَنَا بِكُمْ وَكُنْبَغِيكُمْ تَكُونُوا عَقَّالٌ مِنْ جِهَةِ الْخَيْرِ وَنِيَّاتٌ مِنْ جِهَةِ الشَّرِّ. 20 وَإِلَهُ السَّلَامِ مَاشِي يَسْحَقُ الشَّيْطَانَ تَحْتَ رِجْلَيْكُمْ دَغِيَا. نِعْمَةٌ رَبَّنَا يَسُوعَ الْمَسِيحُ تَكُونُ مَعَكُمْ. آمِينَ.

21 كَيْسَلِّمُوا عَلَيْكُمْ تِيْمُوثَاوُسَ الْخَدَّامَ مَعِي وَلُوكِيُوسَ وَيَاسُونَ وَسُوسِيْبَاتَرُسَ الْيَّ هُمْ مِنْ أَهْلِي. 22 أَنَا تَرْتِيُوسُ، كَاتِبُ هَذِهِ الرِّسَالَةِ، كُنْسَلِّمُ عَلَيْكُمْ فِي الرَّبِّ. كَيْسَلِّمُ عَلَيْكُمْ غَايِسَ الْيَّ مُضِيْفَنِي وَكِيْضِيْفَ الْكَنِيسَةِ كُلِّهَا. كَيْسَلِّمُ عَلَيْكُمْ أَرَاِسْتَسَ أَمِينَ الْمَدِينَةِ وَكَوَارْتُسَ الْخُو. 24 نِعْمَةٌ رَبَّنَا يَسُوعَ الْمَسِيحُ تَكُونُ مَعَكُمْ مُجْمُوعِينَ. آمِينَ.

25 وَلِّلِّي هُوَ قَادِرٌ يَتَبَنَّاكُمْ عَلَى حَسَبِ أَنْجِيلِي وَالتَّبَشِيرِ بِيَسَعِ الْمَسِيحِ عَلَى حَسَبِ تَبْيِينِ السَّرِّ الْيَّ كَانَ مَخْفِي فِي الزَّمَانَاتِ الْقَدَامِ 26 وَلَآكِنْ ظَهَرَ دَابَّ وَتَخَبَّرُوا بِهِ جَمِيعُ الْجَنُوسِ مِنْ كُتُبِ الْأَنْبِيَا عَلَى حَسَبِ وَصَايَةِ الْإِلَهِ الدَّائِمِ لَطَاعَةِ الْإِيمَانِ 27 لِلَّهِ الْحَكِيمِ وَحْدَهُ بِيَسُوعَ الْمَسِيحِ لَهُ يَكُونُ الْمَجْدُ عَلَى الدَّوَامِ. آمِينَ.

رسالة بولس الرسول الأولى إلى أهل كورنثوس

الفصل الأوّل

1 بولس معيّن رسول د يسوع المسيح بإرادة الله مع سوستانيس الخو 2 لكنيسة الله اليّ في كورنثوس المقدّسين في المسيح يسوع المعروضين تكونوا قدّيسين مع جميع اليّ كيغيّطوا على اسم ربّنا يسوع المسيح في كل مكان دياهم وديالنا. 3 النعمة لكم والسلام من عند الله أبونا والربّ يسوع المسيح. 4 كنشكر الله على قبلكم في كل وقت على نعمة الله اليّ اتعطت لكم في يسوع المسيح 5 باين اتغنيتوا به في كل شي، في كل كلام وكل علم 6 كما تتبّنت فيكم شهادة المسيح. 7 وما جيتوا نافصين حتى في شي معطى وأنتم كتنسّناوا ظهور ربّنا يسوع المسيح 8 اليّ يتبّنتكم تاني حتى للتمام بلا لوم في يوم ربّنا يسوع المسيح. 9 صادق هو الله اليّ به انعرضتوا لشركة ابنه يسوع المسيح ربّنا. 10 ولاكن كنزغيبكم، يا الخوت، باسم ربّنا يسوع المسيح باين تتكلّموا كلّم بكام واحد وما يكون بينتكم خلاف، لآكن كونوا كاملين في عقل واحد وراي واحد. 11 على حق اش أنا تخبّرت بكم، يا خوتي، من أهل خلوي باين كاينين خصومات بينتكم. 12 يعني كل واحد منكم كيقل: أنا ديال بولس، وأنا ديال أبّلوس، وأنا ديال صفا وأنا ديال المسيح. 13 واش انقسم المسيح؟ أو بولس، واش تصلّب على سببكم؟ أو باسم بولس تعمّدتوا؟ 14 كنشكر الله باين ما عمّدت حد منكم غير كريستس وباش 15 ما يقول حد باين أنا عمّدت باسمي. 16 وعمّدت تاني دار أستيفانوس. من غير هدوك، ما كنعرف إذا عمّدت شي حد آخر. 17 على حق اش المسيح ما سيفطني شي باش نعمد لآكن باش نبشّر، ماشي بالحكمة د الكلام باش ما يتبطّل صليب المسيح. 18 على حق اش التبشير بالصليب هو حمق عند اليّ كينهلكوا واما عندنا احنا اليّ ناجيين هو قوّة الله. 19 حيث مكتوب: نهلك عقل العقال ونطّيح فهم الفهما. 20 فاين الحكيم؟ فاين الكاتب؟ فاين المباحث ديال هد الدنيا؟ واش ما ردّ شي الله حكمة هد الدنيا حمق؟ 21 على حق اش منين في حكمة الله الدنيا بالحكمة ديالها ما عرفت شي الله ظهر لله مزيان باين بالحمق د التبشير بالإنجيل ينجّي اليّ كيأمنوا. 22 حيث اليهود كيطلبوا الإمارات واليونانيين كيفتّشوا على العلم 23 ولاكن احنا كنخبروا بالمسيح مصلوب، لليهود عترة ولليونانيين حمق، 24 واما للمعروضين، يهود ويونانيين، بالمسيح قوّة الله وحكمة الله، حيث جهالة الله اعقل من بن آدم وضعف الله اقوى من بن آدم.

26 شوفوا عرضتكم، يا الخوت، باين ما كاينين شي بزّاف د العقال على حسب الجسد ولا بزّاف د القويين ولا بزّاف د الكبار اليّ انعرضوا، 27 لآكن اختار الله اليّ ما عندهم شي العقل في الدنيا

باش يخزي العقل، واختار الله ضعاف الدنيا باش يخزي القويين. 28 واختار الله رداًل الدنيا والي هم محقورين والي ما هم شي كاينين باش يهدم الي كاينين، 29 باش ما يفخم حتى آدمي قدّامه، 30 ومنه أنتم في المسيح يسوع الي اتجعل لنا حكمة من عند الله وتقوى وقداصة وفدية، 31 حتى كما هو مكتوب: الي يفخم يفخم بالرب.

الفصل الثاني

1 وأنا منين جيت لعندكم، يا الخوت، ما جيت شي بزينة الكلام أو العقل كنشركم بشهادة الله. 2 حيث أنا عولت ما نعرف حتى حاجة بينكم غير يسوع المسيح وهو مصلّب. 3 وأنا كنت عندكم في الضعف والخوف والرعدة كتيرة، 4 وكلامي والتبشير ديالي ما كانوا شي بكلام العقل د بن آدم الي كيغوي لادن ببرهان الروح والقوة 5 باش ما يتبت شي إيمانكم بالحكمة د بن آدم لادن بقوة الله. 6 لادن احنا كنتكلّموا بالحكمة بين الناس الي كاملين، ولادن بالحكمة ماشي ديال هد الدنيا ولا ديال كبار هد الدنيا الي يفناوا، 7 لادن كنتكلّموا بالحكمة د الله في واحد السر، الحكمة المخفية الي سبق الله وعيّنّها قبل الدنيا لمجدنا، 8 الي ما عرفها حد من كبار هد الدنيا، على حق اش لو كان عرفوها لو كان ما يصلّبوا شي ربّ المجد. 9 لادن كما هو مكتوب: ما شافت شي العين ولا سمعت الأذن وما طاح شي في بال بن آدم داك شي الي وجده الله للي كيحبّه 10 لادن الله بيّنه لنا احنا بالروح دياله، حيث الروح كيبيحت كل شي حتى الغروق د الله. 11 لأنّه شكون في بن آدم الي يعرف الأمور د بن آدم من غير الروح د بن آدم الي فيه؟ هكدا تاني أمور الله ما يعرفهم حد من غير روح الله. 12 واحنا ما قبضنا شي روح الدنيا لادن الروح الي من عند الله باش نعرفوا الأمور الي اتعطاوا لنا من الله 13 الي كنتكلّموا بهم تاني ماشي بالكلام الي كيعلّمه العلم د بن آدم لادن بلي كيعلّمه الروح القدس مقابلين الأمور الروحيين مع الأمور الروحيين. 14 ولادن الإنسان الطبيعي ما كيقبل شي الأمور د روح الله على حق اش هم عنده حمق ولا يقدر يعرفهم حيث هم كينعرفوا بالروح. 15 واما الي هو روحي كيفهم كل شي وهو ما كيفهمه حد. 16 لأنّه شكون الي عرف راي الربّ باش يعلمه؟ واما احنا عندنا راي المسيح.

الفصل الثالث

1 وأنا، يا الخوت، ما قدرت شي نتكلّم معكم بحال إذا كنتوا روحيين لادن بحال مع ناس جسديين بحال مع الأطفال في المسيح. 2 وكلكم بالحليب ماشي بالماكلة حيث ما قدرتوا شي عليها

وحتى دابّ تاني ما كتقدروا شي 3 حيث باقيين جسديين. من حيث فيكم الحسد والخصام والخلاف واش ما أنتم شي جسديين وكتتمشّاوا على قاعدة بن آدم؟ 4 لأنّه مّنين كيقول واحد: أنا ديال بولس، والآخر: أنا ديال أبّلوس، واش ما أنتم شي جسديين؟

5 شكّون هو بولس وشكّون هو أبّلوس من غير خدّامة الّلي على يدّهم امّنتوا بحال ما أعطى الربّ لكلّ واحد؟ 6 أنا غرست، وأبّلوس سقى، لّاكن الله هو الّلي سخّر. 7 على داك شي الّلي غرس ما هو حاجة ولا الّلي سقى لّاكن الله الّلي كيسخّر. 8 والّلي غرس والّلي سقى هم واحد لّاكن كل واحد ماشي ياخذ إجارته على قدّ تعبّه. 9 على حقّ اش احنا خدّامة مع الله وأنتم فلاحه الله. أنتم بنيان الله. 10 على حسب نعمة الله الّلي اتعطت لي كيف واحد البّناي حكيم أنا نزّلت اللّساس وواحد آخر كيبيني عليه، ولّاكن كل واحد لازم يكون على بال كيف كيبيني عليه. 11 على حقّ اش ما يقدر حدّ ينزّل لّساس آخر غير الّلي تنزّل الّلي هو يسوع المسيح. 12 ولّاكن إذا كان شي حدّ كيبيني على هد اللّساس الذهب، النّقرة، الحجار الحرّ، الخشب، العشوب، التبن، 13 عمل كل واحد يولّي ظاهر على حقّ اش النهار ماشي يبيّنه، حيث بالنار يتبيّن والنار تجرّب عمل كل واحد أش من شكل هو. 14 إذا بقى عمل شي حدّ الّلي بناه عليه ياخذ الأجر. 15 إذا انحرقت عمل شي حدّ يخسر، وأمّا هو ينجو ولّاكن كما بالنار. 16 واش ما كتعرفوا شي باين أنتم بيت المقدس د الله وروح الله ساكن فيكم؟ 17 إذا فسّد شي حدّ بيت المقدس د الله، يهلكه الله حيث بيت المقدس د الله مقدّس الّلي أنتم هو. 18 لا يخدع حدّ نفسه، إذا كان شي حدّ فيكم كيظنّ في راسه باين هو حكيم في هد الدنيا يحتاج يولّي احمق باش يكون حكيم. 19 لأنّه العلم د هد الدنيا هو حمق عند الله حيث مكتوب: كيقبض الحكماء بحيلتهم، 20 وعاود تاني: الربّ عارف تخميمات الحكماء باين هم خاويين. 21 لا بولس ولا أبّلوس ولا صفا ولا الدنيا ولا الحياة ولا الأمور الحاضرين أو الجايين، كل شي ديالكم، 23 وأمّا أنتم ديال المسيح والمسيح ديال الله.

الفصل الرابع

1 هكدا واجب يحسبنا الإنسان كيف خدّام المسيح والوكّلان د أسرار الله. 2 وبالحقّ واجب على الوكّلان باين الإنسان ينصاب صادق. 3 وأمّا أنا حاجة قريبة عندي باش نكون محكوم بكم أو بيوم بن آدم. لّاكن ما كنحكم حتى نفسي، 4 على حقّ اش ما كنشعر بشي حاجة في نفسي، لّاكن ما أنا شي مبرّي بداك شي، ولّاكن الّلي يحكم فيّ هو الربّ. 5 على داك شي لا تحكموا حتى في شي قبل

الوقت حتى يجي الربّ اليّ يضيّو على أسرار الظلام ويبين تخميمات القلوب، وداك الوقت يكون الشكر لكل واحد من عند الله.

6 وهد شي، يا الخوت، رديته شبيهة لنفسه ولأبّوس على قبلكم باش تتعلموا فينا ما تظنوا شي فوق اليّ مكتوب باش لا يفخم حد بواحد على الآخر. 7 على حق اش شكون اليّ كيفرك؟ واش من حاجة عندك اليّ ما اتعطت لك شي؟ وإذا اتعطت لك، علاش كتفخم بحال إذا ما اتعطت لك شي؟ 8 بالحق دابّ شبعنوا، دابّ اتغنيتوا، تسلطنوا بلا بنا. ومن صاب لو كان تسلطنوا باش نتسلطنوا احنا تاني معكم. 9 حيث أنا كيظهر لي باين الله خرّجنا احنا الرّسل الآخرين بحال إذا معيّنين للموت، على حق اش احنا وليّنا فراجة للدنيا، للملايكة وللناس. 10 احنا حماق على سبب المسيح واما أنتم عقّال في المسيح، احنا ضعاف واما أنتم قويين، أنتم موقرين واما احنا محقورين. 11 حتى لهد الساعة كنجعوا ونعشوا وكنكونوا عريانين وكيضربونا وما عندنا موضع، 12 وكنتعبيو خدامين بيدينا، كيشتموا فينا وكنباركوا، احنا مرمدين وكنصبروا، 13 كينوّقوا علينا الكدوب وكننهيوا. وليّنا بحال زبل الدنيا ووسخ كل شي حتى لدابّ. 14 كنكتب هد شي ماشي باش نحشّمكم لادن كيف أولادي العزاز كندبّهم. 15 على حق اش وحيّ عندكم الألوفات د المعلمين في المسيح ما عندكم شي البوّات بزّاف، على حق اش أنا ولدتم في المسيح يسوع بالإنجيل. 16 على داك شي كنطلبكم تكونوا بحالي. 17 على هد شي سيفطت لكم تيموثاوس اليّ هو ولدي العزيز والصادق في الربّ اليّ يفكركم بطرقاني في المسيح كما كنعلّم في كل مكان في كل كنيسة. 18 وتنّفخوا شي بعضين بحال إذا ما نجي شي لعندكم. 19 ولاكنّي نجي لعندكم بلا عطلة، إذا بغى الربّ، ونعرف ماشي الكلام د اليّ تنّفخوا لادن قوتهم، 20 حيث ملاكة الله ما هي شي بالكلام لادن بالقوّة. 21 أش بغيتوا؟ واش بالعصا نجي لعندكم أو بالمحبّة وروح الحنانة؟

الفصل الخامس

1 شاع الخبر باين فيكم الزنا وداك الزنا اليّ ما كاين حتى عند الكنّوس باش تكون للرجل امراة أبوه. 2 وأنتم منفوخين حين واجب عليكم تبكيوا حتى يتحيّد من وسطكم اليّ فعل هد الفعل. 3 على حق اش أنا وحيّ غايب بالجسد ولاكن حاضر بالروح حكمت بعد في اليّ عمل هد شي هكدا بحال إذا كنت حاضر، 4 باسم ربّنا يسوع المسيح حين أنتم وروحي مجموعين مع قوّة ربّنا يسوع المسيح 5 باين يتدفع مثل هدا للشيطان لهلاك الجسد باش تنجا الروح في يوم يسوع. 6 الفخم دياكم ما هو شي مليح. واش ما عرفنوا شي باين خميرة قليلة كتخمر العجين كلّ؟ 7 على داك شي حيّدوا منكم الخميرة

الحايلة باش تكونوا عجينة جديدة كما أنتم فطير، على حق اش البيسح ديالنا تاني المسيح اندبح على سببنا. 8 على داك شي نعيّدوا ماشي بالخميرة الحايلة ولا بخميرة القباحة والخبت لآكن بالفطير د الصفاوة والحق.

9 كتبت لكم في واحد البراة باين لا تخالطوا شي الزانيين. 10 ولاكن ماشي زعما الزانيين ديال هد الدنيا أو الطمّاعة أو الشفّارة أو عبّاد الأصنام أو يلازمكم تخرجوا من الدنيا. 11 واما دابّ كتبت لكم إذا كان واحد اليّ مسمّي اخوكم زاني أو طمّاع أو عابد الصنم أو كيشتم أو سكايري أو شفّار، لا تخالطوه ولا تاكلوا مع اليّ بحال هدا. 12 لأنّه علاش نحكم أنا في هدوك اليّ على برّا؟ واش ماشي أنتم تحكموا في هدوك اليّ من داخل؟ 13 أما اليّ برّا الله، هو اليّ كيحكم فيهم. على داك شي حيّدوا الخبيت من وسطكم.

الفصل السادس

1 واش يزعم شي حد فيكم اليّ عنده شي دعوة على الآخر يدعيه لعند الظالمين وماشي لعند القدّيسين؟ 2 واش ما كتعرفوا شي باين القدّيسين ماشيين يحكموا الدنيا؟ وإذا كانت الدنيا ماشية تتحكم بكم واش ما أنتم شي مستاهلين تحكموا في الدعاوي الصغار؟ 3 واش ما كتعرفوا شي باين احنا ماشيين نحكموا ملايكة؟ واعسّاك أمور هد الحياة! 4 على داك شي إذا عندكم دعاوي في أمور هد الحياة، كلّسوا المحقّورين في الكنيسة يكونوا قضات. 5 لحشومتكم كنتكلّم. واش هكدا ما كاين فيكم شي رجل عاقل ولا واحد اليّ يقدر يحكم بين خوته؟ 6 لآكن الخو كيدعي الخو حتى لعند اليّ ما هم شي مومنين! 7 ودابّ فيكم واحد العيب ظاهر حيت عندكم الدعاوي مع بعضكم. علاش ما يكون شي احسن عندكم تحملوا الظلم؟ علاش ما يكون شي احسن عندكم تتحوّصوا؟ 8 لآكن أنتم كتظلموا وكتحوّصوا بعضكم بعض وأنتم خوت. 9 واش ما كتعرفوا شي باين الظالمين ما يورتوا شي ملاكة الله؟ لا تتلفوا شي! ما يورتوا شي ملاكة الله لا الزانيين ولا عبّاد الأصنام ولا الفاسقين ولا الفاسدين ولا اليّ كيرقدوا مع الدكورة. 10 ولا السراق ولا الطمّاعة ولا السكايرية ولا الشتّامة ولا الشفّارة. 11 وهكدا كانوا البعض منكم، لآكن انغسلتوا، لآكن تقدّستوا، لآكن تبرّيتوا باسم الربّ يسوع وبروح إلهنا. 12 كل شي حلال عليّ لآكن ما كيليق شي كل شي. كل شي حلال عليّ ولاكن لا يغلب عليّ حتى شي. 13 المااكل للكرش والكرش للمااكل، والله يفنيهم لا هدا ولا هدوك. ولاكن الجسد ما هو شي للزنا لآكن للربّ والربّ للجسد. 14 والله راه قيّم الربّ وبقّيما احنا تاني بقوّته. 15 واش ما كتعرفوا شي باين أجسادكم هم اطراف المسيح؟ واش ناخذ اطراف المسيح ونردّهم اطراف الفاسدة؟

حاشا! 16 أو ما كتعرفوا شي باين الّي كيلصق في الفاسدة هو جسد واحد لأنّه كييقول: يكونوا الزوج جسد واحد؟ 17 وأمّا الّي كيلصق في الربّ هو روح واحد. 18 اهربوا من الزنا. كل دنّب الّي كي عمله الرجل هو برّا من الجسد، لّاكن الّي كيزني كيخطا مع جسده. 19 واش ما كتعرفوا شي باين جسدكم هو بيت المقدس ديال الروح القدس الّي فيكم الّي عندكم من الله وما أنتم شي ديال روسكم، 20 حيث راكم مشريين بالتمن. على داك شي مجدّوا الله في أجسادكم وفي أرواحكم الّي هم ديال الله.

الفصل السابع

1 وأمّا من جهة الأمور الّي كتبتوا لي، عليهم مزيان للرجل إذا ما يمسّ شي المرأة، 2 ولاكن على سبب الزنا تكون لكلّ واحد امراته ويكون لكلّ واحدة رجلها. 3 لا بدّ على الرجل يوفي للمرأة حقّها الواجب وكذاك المرأة تاني للرجل. 4 المرأة ما عندها شي الحكام على جسدها لّاكن الرجل، وكذاك الرجل تاني ما عنده شي الحكام على جسده لّاكن المرأة. 5 لا يحدّد شي واحد على الآخر غير إذا كان بالاتّفاق على شي مدّة باش تكونوا مساليين للصيام والصلاة، ديك الساعة تتجمعوا تاني مع بعضكم باش ما يجربكم شي الشيطان على سبب قلة الصبر ديالكم. 6 ولاكن هد شي كنقوله من جهة الإذن، ماشي بالوصاية. 7 على حق اش بغيت الناس كاملين يكونوا بحالي. لّاكن كل واحد عنده المعطى دياه من الله، واحد هكدا والآخر هكدا.

8 ولاكن كنقول للّي ما هم شي مزوجين وللهجالات باين احسن لهم إذا يبقاوا بحالي. 9 ولاكن إذا ما يحكموا شي روسهم خليهم يتزوّجوا، حيث الزواج احسن من الحريق. 10 ولاكن المزوجين نوصيهم، ماشي أنا لّاكن الربّ، باين المرأة ما تفارق شي رجلها. 11 وإذا فارقته لازم تبقى بلا زواج أو تتصالح مع رجلها والرجل ما يترك شي امراته. 12 وأمّا الآخرين كنقول لهم، أنا ماشي الربّ، إذا كانت عند شي اخو امرأة ما هي شي مومنة وهي بغات تسكن معه، ما يتركها شي. 13 والمرأة الّي عندها رجل ما هو شي مومن وهو يغى يسكن معها، ما تتركه شي. 14 على حق اش الرجل الّي ما هو شي مومن مقدّس في المرأة والمرأة الّي ما هي شي مومنة مقدّسة في الرجل، وإلاّ أولادكم راهم منجوسين. لّاكن دابّ راهم مقدّسين. 15 ولاكن إذا فارق الّي ما هو شي مومن، خليه يفارق. الخو والأخت ما هم شي مربوطين حيث يكون الأمر هكدا، ولاكن الله عرض علينا في السلام. 16 على حق اش كيف عرفت، يا المرأة، إذا تنجّي رجلك؟ أو كيف عرفت، يا الرجل، إذا تنجّي امراتك؟ 17 لّاكن بحال ما قسم الله لكلّ واحد كيف عيّن الربّ لكلّ واحد هكدا يتمشّي وهكدا أنا كنوصي في جميع الكنايس. 18 واش تعيّن شي حدّ وهو مختّن؟ ما يولي شي بلا ختانة. واش تعيّن شي حدّ وهو بلا ختانة؟ ما يتختّن

شي. 19 الختانة ما هي حاجة وتخليّة الختانة ما هي حاجة لآكن حضيان وصايات الله. 20 المرتبة فاش تعييط كل واحد فيها يبقى. 21 واش تعييطت وأنت عبد؟ ماش كمالك. لآكن إدا قديت تتحرر احسن عمله. 22 لأنه آلي تعييط في الربّ وهو عبد هو المحرر ديال الربّ. كدالك تاني آلي تعييط وهو حرّ هو عبد المسيح. 23 اتشريتوا بالتمن، لا توليوا شي عبيد الناس. 24 داك شي فاش تعييط كل واحد، يا الخوت، يبقى فيه مع الله.

25 وآما من جهة العزبات، ما عندي وصاية من الربّ عليهم ولاكن كنعطي الراي ديالي بحال واحد آلي صاب الرحمة من الربّ باش يكون صادق. 26 كنظنّ باين هد شي مزيان بسبب الضيق الحاضر باين مزيان للإنسان يكون هكدا. 27 إدا أنت مزوّج بالمرأة، لا تفتش على الطلاق. إدا أنت بلا امرأة، لا تفتش على امرأة. 28 ولاكن إدا تزوّجت ما دنبت شي. وإدا تزوّجت العزبة ما دنبت شي. ولاكن آلي بحال هدو يكون عندهم الضيق في الجسد، وآما أنا كنرتى عليكم. 29 ونقول هد شي، يا الخوت، من دابّ لفوق الوقت تقصرّ باش آلي عندهم النسا يكونوا بحال إدا ما عندهم شي. 30 وآلي كيبيكيوا بحال إدا ما كيبيكيوا شي. وآلي كيفرحوا بحال إدا ما كيفرحوا شي. وآلي كيشربوا بحال إدا ما كيكسبوا شي. 31 وآلي كيتصرفوا في هد الدنيا بحال إدا ما كيتصرفوا شي فيها، على حق اش قاعدة هد الدنيا تفنى. 32 لآكن نبغيمكم تكونوا بلا همّ، آلي ما هو شي مزوّج كيبيالي بأمر الربّ كيف يعجب الربّ. 33 وآما آلي مزوّج، كيبيالي بأمر الدنيا كيف يعجب امراته. 34 وكاين الفراق تاني بين امرأة الرجل والعزبة. آلي ما مزوّجة شي كتبيالي بأمر الربّ باش تكون مقدّسة في الجسد وفي الروح. وآما المزوّجة كتبيالي بأمر الدنيا كيف تعجب رجلها.

35 هد شي كنقوله لنفعمكم، ماشي باش ننصب لكم الشبكة، لآكن لداك شي آلي يليق والموابدة للربّ بلا همّ. 36 ولاكن إدا كان شي حد كيظنّ باين ما كيعمل شي آلي كيليق بالعزبة دياله إدا فوّتت وقتها وهكدا كان لازم يكون، خليه يعمل آلي بغى. ما كيدنب شي. خليه يتزوّجوا. 37 وآما آلي بقى ثابت في قلبه وما عنده علاش لآكن عنده القدر على خاطر دياله وعول على هد شي في قلبه باين يحضي العزبة دياله، كيعمل مليح. 38 هكدا آلي زوّجها عمل مليح، لآكن آلي ما زوّجها شي عمل احسن. 39 المرأة مربوطة بالشرع ما حدّ رجلها عايش ولاكن إدا مات رجلها هي محررة باش تتزوّج بمن بغات، في الربّ وكان. 40 ولاكن تكون فرحانة أكثر إدا بقات هكدا على حسب الراي ديالي، وكنظنّ باين أنا تاني عندي روح الله.

الفصل الثامن

1 وأما من جهة داك شي الي اندبح للأصنام، كنعرفوا باين كلنا عندنا المعرفة. المعرفة كتنفخ ولاكن المحبة كتبني. 2 وإذا كان شي حد كيظن باين كيعرف شي حاجة راه باقي ما عرف حتى شي كيف واجب يعرف. 3 ولاكن إذا كان شي حد كيحب الله هذا راه معروف عنده. 4 ومن جهة الماكلة د داك شي الي مدبوح للأصنام، كنعرفوا باين الصنم ما هو حتى شي في الدنيا وباين ما كاين إلاه آخر من غير واحد، 5 على حق اش وحي كاينين الي كيتسمّوا إلاهات، كان في السماء أو على الأرض، كما هم كاينين إلاهات بزّاف وأرباب بزّاف. 6 ولاكن لنا إلاه واحد الأب الي منه كل شي واحنا له، ورب واحد يسوع المسيح الي به كل شي واحنا به. 7 ولاكن الناس كلهم ما فيهم شي المعرفة. لاكن البعض بالضمير من جهة الصنم باقيين لداب كياكلوه بحال الي اندبح للصنم، وضميرهم حيت ضعيف كيتنجس. 8 ولاكن الماكلة ما تقربنا شي لله، على خاطر إذا كلينا ما زدنا شي، وإذا ما كلينا ما نقصنا شي. 9 ولاكن كونوا على بال عندكم تولي هد الحربة ديا لكم عترة للي هم ضعاف. 10 لأنه إذا شافك شي حد، أنت الي عندك المعرفة، كالس في الجامع ديال الصنم، واش ما يتقوى شي ضميره هو الي ضعيف حتى ياكل داك شي الي اندبح للأصنام؟ 11 وعلى سبب المعرفة ديا لك ينهلك الخو الضعيف الي مات المسيح على مسبته. 12 وهكذا مينين كتدنبوا مع الخوت وتجرحوا ضميرهم الي ضعيف كتدنبوا مع المسيح. 13 على داك شي إذا الماكلة تعتر اخي ما ناكل شي اللحم أبداً باش ما نعتر شي اخي.

الفصل التاسع

1 واش ما أنا شي رسول؟ واش ما أنا شي حرّ؟ واش ما شفت شي يسوع المسيح ربنا؟ واش ما أنتم شي خدمته في الرب؟ 2 إذا ما كنت شي رسول لآخرين بلا شك أنا رسول لكم على حق اش أنتم الطابع د الرسالة ديا لي في الرب. 3 هذا هو جوابي للي كيبحثوني. 4 واش ما عندنا شي القدر باش ناكلوا ونشربوا؟ 5 واش ما عندنا شي القدر باش ندوروا بواحد الأخت زوجة بحال الرسل الآخرين واخوت الرب وصفا؟ 6 أو أنا وبرنا بواحدنا، واش ما عندنا شي القدر باش ما نخدموا شي؟ 7 شكون الي عمره دخل في العسكر وصرف على راسه؟ وشكون الي يغرس واحد الجنان وما ياكل شي من غلته؟ أو شكون الي يسرح الكسيبة ومن حليب الكسيبة ما ياكل شي؟ 8 واش كنقول هد شي بحال واحد الإنسان؟ واش ماشي الشرع تاني كيقول هد شي؟ 9 لأنه مكتوب في شرع موسى: لا تكلم شي التور الي كيدرس. واش الله كيوالي بالتيران؟ 10 أو كيقول هد شي غير علينا وكان؟ بالحق علينا مكتوب: حيت

واجب على الّٰي كيحرت يحرت بالرجاء وعلى الّٰي كيدرس بالرجاء يكون شريك في الرجاء دياهه. 11
 إذا كنّا زرعنا لكم الأمور الروحيين، واش حاجة كبيرة إذا حصدنا منكم الأمور الجسديين؟ 12 إذا كانوا
 آخرين شركان في هد القدر عليكم، واش ماشي احنا اكثر؟ لآكن ما خدّمنّا شي هد القدر لآكن كنحملوا
 كل شي باش ما نعكّسوا شي إنجيل المسيح. 13 واش ما كتعرفوا شي باين الّٰي كيخدموا في الأمور
 المقدّسين كياكلوا من بيت المقدس؟ الّٰي كيتسخّروا على المدبّح هم شركان مع المدبّح. 14 هكدا تاني
 وصّى به الربّ باين الّٰي كيبيشّروا بالإنجيل من الإنجيل يعيشوا. 15 ولاكن أنا ما عملت حتّى شي من
 هد شي، ولا كتبت هد شي باش يكون لي هكدا، لأنّه خير لي نموت من الّٰي يبطلّ لي شي حدّ الفخم
 دياي. 16 على حق اش بعدّمّا كنبيشّر، ما عندي علاش نفخم على حق اش ملزوم عليّ. إيّه، الويل لي
 إذا ما نبشّر شي. 17 على حق اش إذا كنعمل هد شي بالخاطر عندي الأجر، ولاكن إذا كان بزّز منّي،
 راني تكلفّت بالوكالة. 18 أشنّهو بعدّ أجري؟ هو باش منين كنبيشّر بإنجيل المسيح نبشّر به بلا إجارة
 حتّى كنسمح في حقّي الّٰي كيوجب لي في خدمة الإنجيل. 19 على حق اش وخّى أنا حرّ من الجميع،
 أنا عملت راسي عبد للجميع باش نريح الناس اكثر. 20 وليّت لليهود بحال يهودي باش نريح اليهود،
 ولّٰي هم تحت الشرع بحال إذا أنا تحت الشرع باش نريح الّٰي هم تحت الشرع، 21 ولّٰي هم بلا شرع
 بحال إذا أنا تاني بلا شرع، وبالحق ما أنا شي بلا شرع لله لآكن تحت الشرع للمسيح، باش نريح الّٰي
 هم بلا شرع. 22 للّٰي هم ضعاف وليّت بحال الضعيف باش نريح الّٰي هم ضعاف. وليّت كل شي
 للجميع باش ننجّي على كلّ حال شي منهم. 23 وهد شي كنعمله على مسبّة الإنجيل باش نكون
 شريك فيه. 24 واش ما كتعرفوا شي باين الّٰي كيجربوا في المسابقة كيجربوا كلّهم ولاكن واحد كيربح؟
 هكدا اجرّوا باش تربحوا. 25 وكل واحد الّٰي يجتهد باش يريح كيحكم نفسه في كل شي، أمّا هم باش
 يقبضوا واحد التاج فاني، لآكن احنا واحد التاج الّٰي ما يفنى شي. 26 على داك شي أنا هكدا
 كنجري، ماشي بحال واحد الّٰي ما هو شي ميّقن. هكدا كندابز، ماشي بحال إذا كنضرب الهوا. 27
 ولاكن كنطوّع جسدي ونحكمه، لا يكون من مورا ما بشّرت ناس آخرين أنا براسي نكون مدحي.

الفصل العاشر

1 وتاني ما نحبّكم شي، يا الخوت، تتغشّموا باين جدودنا كلّهم كانوا تحت السحابة وكلّهم
 دازوا في البحر. 2 وكلّهم تعمّدوا لموسى في السحابة وفي البحر، 3 وكلّهم كالأوا مأكلة واحدة روحية 4
 وكلّهم شربوا شرب واحد روحي، حيث هم كانوا كيشربوا من ديك لصخرة الروحية الّٰي تبتعتهم
 والصخرة كانت المسيح. 5 لآكن الله ما رضى شي على الكثير فيهم على حق اش تطيّحوا في بلاد القفر.

6 وهكذا الأمور وقعوا متال لنا باش ما نشتهاوا شي الأمور القباح بحال ما اشتهاوا هم. 7 ولا تكونوا عبّاد الأصنام بحال ما كانوا البعض منهم، بحال ما هو مكتوب: كلّسوا الناس ياكلوا ويشربوا وقاموا يلعبوا. 8 ولا نزنّيو بحال ما زناوا البعض منهم وطاحوا في نهار واحد ثلاثة وعشرين ألف. 9 ولا تجربّوا المسيح بحال ما جرّبوا تاني البعض منهم وهلكوهم الحياي. 10 ولا تكّمّموا شي بحال ما كمّمّموا تاني البعض منهم وهلكهم المهلك. 11 ودابّ جميع هدو الأمور وقعوا لهم متال وانكتبوا لتنبّيهنا احنا الّّي تتلاّوا علينا أوآخر الزمانات. 12 على داك شي الّّي كيحسب راسه ثابت، لازم يردّ باله باش ما يطيح شي. 13 ما قبضتكم حتى تجربة الّّي ما هي شي بشرّية، ولاكن الله صادق الّّي ما يخلّيكم شي تتجرّبوا فوق جهدكم لاكن يجعل مع التجربة تاني المكاز باش تقدرّوا تحملوها. 14 على داك شي، يا العزاز، اهربوا من عبادة الأصنام.

15 كنتكّم كما للعقال، احكموا أنتم في الّّي كنقول. 16 كاس البركة الّّي كنباركوه واش ما هو شي شركة دمّ المسيح؟ الخبز الّّي كنكسروه واش ما هو شي شركة جسد المسيح؟ 17 حيث احنا الّّي بزّاف، خبز واحد وجسد واحد على حق اش كنشركوا كاملين في الخبز الواحد. 18 شوفوا إسرائيل من جهة الجسد، الّّي كياكلوا الدبايح. واش ما هم شي شركان في المذبح؟ 19 أش كنقول بعد؟ باين الصنم شي حاجة أو الّّي اندبح للصنم شي حاجة؟ 20 لاكن كنقول باين الّّي كيدبحوه الكُنوس، راهم كيدبحوه للشياطين، ماشي لله. وما نبغيكم شي تكونوا أنتم شركان مع الشياطين. 21 ما تقدرّوا شي تشربوا كاس الربّ وكاس الشياطين. ما تقدرّوا شي تشركوا في المائدة ديال الربّ وفي المائدة ديال الشياطين. 22 أو كننوّصوا الغيرة في الربّ؟ واش احنا اقوى منه؟

23 كل شي حلال عليّ لاكن ما كيليق شي كل شي. كل شي حلال عليّ لاكن كل شي ما كيبنني شي. 24 لا يفتّش حدّ على نفع رأسه، لاكن كل واحد يفتّش على نفع جاره. 25 كل ما كينباع في الكزّارين، كولوه بلا ما تبحتوا على شي من جهة الضمير، 26 لأنّه ديال الربّ الأرض وتعميرها. 27 وإذا عرض عليكم شي حدّ من الّّي ما هم شي مومنين وبغيتوا تمشيوا، كل ما تنزّل لكم كولوا منه بلا ما تبحتوا من جهة الضمير. 28 ولاكن إذا قال لكم شي حدّ: هذا مدبوح للصنم، لا تاكلوا شي على مسبّة هداك الّّي أعلمكم وعلى مسبّة الضمير، لأنّه ديال الربّ الأرض وتعميرها 29 (كنقول الضمير، ماشي ضميرك أنت لاكن ضمير الآخر). لأنّه علاش تنحكم حُرّيتي بضمير واحد آخر؟ 30 وإذا أنا كنشرك بالشكر، علاش كيتكلّموا عليّ بالقباحة على مسبّة داك شي الّّي شكرت عليه؟ 31 وإذا تاكلوا أو تشربوا أو تعملوا شي حاجة، اعملوا كل شي لمجد الله. 32 كونوا بلا عترة لليهود ولليونانيين

ولكنيسة الله، 33 بحالي أنا تاني كنعجب الجميع في كل شي وما كنفتش شي على الي يصلح لراسي،
لاكن على الي يصلح لناس بزاف باش ينجوا.

الفصل الحشاش

1 كونوا متمتلين بي بحال ما أنا تاني بالمسيح. 2 كنشكركم، يا الخوت، على حق اش
كتتفكروني في كل شي وكتحضيوا التعليمات بحال ما دفعتمهم لكم. 3 ولاكن كنبيغكم تعرفوا باين راس
كل رجل هو المسيح، واما راس المرأة هو الرجل، ورأس المسيح هو الله. 4 كل رجل الي كيصلي أو
كتتنبأ ورأسه مغطي كيبهدل برأسه. 5 واما كل امراة الي كتصلي أو كتتنبأ ورأسها عريان كتبهدل
برأسها، على حق اش كيفها كيف المحسنة. 6 على حق اش إذا ما تتغطي شي المرأة خليها تتحفف،
ولاكن إذا كانت حشومة على المرأة تتحفف أو تتحسن، خليها تتغطي. 7 بالحق الرجل واجب عليه ما
يغطي شي رأسه من حيث هو صورة الله ومجده، ولاكن المرأة هي العز د الرجل. 8 لأنه الرجل ما هو
شي من المرأة لآكن المرأة من الرجل. 9 والرجل ما خلق شي على مسبة المرأة، لآكن المرأة على مسبة
الرجل. 10 على هد شي واجب على المرأة تكون عندها القوة على راسها على مسبة الملائكة. 11
وبالحق الرجل ما هو شي بلا المرأة ولا المرأة بلا الرجل في الرب. 12 على حق اش بحال ما هي المرأة
من الرجل، هكدا تاني الرجل بالمرأة ولاكن كل شي من الله. 13 احكموا في أنفسكم، واش يليق بالمرأة
تصلي لله وهي ما مغطية شي؟ 14 واش ما كتعلمكم حتى الطبيعة باين عيب على الرجل يخلي شعره
يطوال؟ 15 ولاكن المرأة إذا خلأت شعرها يطوال هو عز لها على حق اش سعرها انعطى بها في عوض
اللتام. 16 ولاكن إذا كان شي حد كيظهر باين بغى يتجادل، احنا ما عندنا شي هد القاعدة ولا عند
كنايس الله.

17 ولاكن في هد شي باش كنوصي، ما كنشكركم شي من حيث كتتجمعوا ماشي للنفع لآكن
للضرر. 18 على حق اش في الأول حين كتتجمعوا في الكنيسة كنسمع باين كاين فيكم الخلاف وكننتيق
شويا بذاك شي. 19 على حق اش لا بد يكون فيكم الخرجان تاني باش يظهروا الي مزكبين فيكم. 20
ومنين تتجمعوا مع بعضكم ما هو شي باش تاكلوا العشاء د الرب، على حق اش كل واحد كيسبق في
الماكلة وياكل العشاء دياله وواحد جيعان والآخر سكران. 22 كيف اش؟ واش ما عندكم شي الديار فاش
تاكلوا وتشربوا أو كتحقروا كنيسة الله وكتحشمو الي ما عندهم شي؟ أش نقول لكم؟ واش نشكركم على
هد شي؟ ما نشكركم شي، 23 على حق اش أنا قبضت من الرب داك شي الي دفعت لكم نيت، باين
الرب يسوع ديك الليلة فاش انباع قبض الخبز 24 وشكر وكسر وقال: قبضوا تاكلوا. هدا هو جسدي

الّي مكسّر عليكم. اعملوا هد شي تفكيرة ليلي. 25 كدالك الكاس تاني من مورا ما تعشاوا كيقول: هد الكاس هو العهد الجديد في دمي. اعملوا هد شي تفكيرة ليلي فوقاش ما تشربوه، 26 على حق اش فوقاش ما تاكلوا هد الخبز وتشربوا هد الكاس كتظهروا موت الربّ حتى يجي. 27 على داك شي كل واحد الّي ياكل هد الخبز أو يشرب كاس الربّ بدون ما يستاهل يكون مقلّد بالجسد والدمّ د الربّ. 28 ولاكن الإنسان يفتّش نفسه وهكذا ياكل من الخبز ويشرب من الكاس. 29 على حق اش الّي كياكل ويشرب بدون ما يستاهل كياكل وكيشرب الحكم لنفسه حيث ما كيبيّن شي جسد الربّ. 30 على سبب هد شي فيكم بزّاف الّي ضعاف ومراض وبزّاف ناعسين. 31 على حق اش لو كان نحكموا على روسنا، ما نتحكموا شي، 32 ولاكن مّنين نتحكموا كيربينا الربّ باش ما نتعاقبوا شي مع الدنيا. 33 على داك شي، يا الخوت، حين تتجمعوا باش تاكلوا، عاينوا بعضكم بعض. 34 وإذا جاع شي حدّ، ياكل في داره باش ما تتجمعوا شي للحكم. واما الأمور الباقيين نرتبهم حين نجي.

الفصل الطناش

1 واما من جهة المعطات الروحيين، يا الخوت، ما نبغيكم شي تكونوا غشام. 2 أنتم تعرفوا باين كنتوا جهّال مكوّدين للأصنام البكم بحال ما كنتوا تاني مسوّكين. 3 على داك شي كنعلّمكم باين ما كاين حدّ الّي كيتكلّم بروح الله ويقول: يسوع منعول. ولا شي حدّ الّي يقول: يسوع هو الربّ، من غير بالروح القدس. 4 المعطات هم على الشكال ولاكن الروح هو واحد، 5 والخدمات على الشكال ولاكن الربّ هو واحد، 6 الأعمال على الشكال ولاكن الله واحد الّي كي عمل الكلّ في الكل. 7 ولاكن تبين الروح اتعطى لكلّ واحد للمنفعة. 8 على حق اش لواحد انعطى كلام العقل بالروح، ولواحد آخر كلام العلم بالروح الواحد، 9 ولواحد آخر الإيمان بالروح الواحد، ولواحد آخر معطات الشفا بالروح الواحد، 10 ولواحد آخر باش يعمل المعجزات ولواحد آخر النبوة، ولواحد آخر تمييز الأرواح، ولواحد آخر لغات على الشكال، ولواحد آخر تفسير اللغات، 11 ولاكن هد شي كلّ كيخدمه الروح الواحد بنفسه كيقسم لكلّ واحد وحدّه كيف بغى. 12 على حق اش بحال ما هو الجسد واحد وعنده اطراف بزّاف وجميع اطراف الجسد الواحد، وخّى بزّاف، هم جسد واحد، كدالك المسيح تاني. 13 لأنّه كلّا تعمّدنا بروح واحد لجسد واحد، كنّا يهود أو يونانيين، عبيد أو أحرار، وكلّا انسقينا بروح واحد. 14 على حق الش الجسد تاني ما هو شي طرف واحد لاكن اطراف بزّاف. 15 وإذا قالت الرجل: حيث ما أنا شي اليدّ، ما أنا شي من الجسد، واش بالحق ما هي شي من الجسد؟ 16 وإذا قالت الأذن: حيث ما أنا شي العين، ما أنا شي من الجسد، واش بالحق ما هي شي من الجسد؟ 17 لو كان كان الجسد

كلّهُ عين، فاين السمع؟ ولو كان كان كل شي سمع، فاين الشم؟ 18 ولاكن دابّ عمل الله الطرف كل واحد منهم في الجسد كيف بغى. 19 ولاكن لو كان كان كلّ طرف واحد فاين يكون الجسد؟ 20 ودابّ راهم اطراف بزّاف ولاكن جسد واحد. 21 ما تقدر شي العين تقول لليدّ: ما عندي حاجة بك. أو الراس تاني يقول للرجلين: ما عندي حاجة بكم. 22 لاكن اكرت بزّاف دوك اطراف د الجسد الي كيظهروا اضعف من الآخرين، هم واجبين، 23 واطراف الجسد الي كنحسبهم بلا وقار كنعطيوهم الوقار اكرت، والطراف الخايبين فينا عندهم الزين اكرت، 24 واما الي زوينين فينا ما محتاجين شي. لاكن الله ركّب الجسد والي ناقص أعطاه الوقار اكرت 25 باش ما يكون شي الخلاف في الجسد لاكن يبالوا الطراف ببعضهم مبالية واحدة. 26 وإذا كان واحد الطرف مروجع، الطراف كلّهم مروجعين منه، وإذا كان واحد الطرف موقّر الطراف كلّهم كيفرحوا معه. 27 واما أنتم جسد المسيح وكل واحد واحد من اطرافه. 28 وعمل الله في الكنيسة رُسُل في الأوّل، تاني أنبياء، تالت معلّمين، وبعد المعجزات، وبعد داك شي معطات الشفا، المعاونات، الحكامات، والشكال د اللغات. 29 واش كلّهم رُسُل؟ واش كلّهم أنبياء؟ واش كلّهم معلّمين؟ واش كلّهم كي عملوا المعجزات؟ 30 واش عندهم كلّهم معطات الشفا؟ واش كيتكلّموا كلّهم باللغات؟ واش كلّهم كيفشّروا؟ 31 ولاكن فتّشوا بالجدّ على المعطات المزيانيين وباقي نورّيكم واحد الطريق افضل.

الفصل التلّطاش

1 إذا كنت كنتكلم بلُسن الناس والملايكة وما عندي شي المحبّة أنا وليت شي نحاس كيطنطن أو شي صنع كيزنزن. 2 وإذا كانت عندي المعطى د النيوّة ونعرف جميع الأسرار وكل علم، وإذا كان عندي الإيمان كلّهُ حتى ننقل الجبال وما عندي شي بالمحبّة حتى شي ما أنا. 3 وإذا أعطيت جميع متاعي باش نوكل المساكين، وإذا أعطيت جسدي حتى ننحرق وما عندي شي المحبّة، ما ينفعني حتى شي. 4 المحبّة كتصبر وترفق. المحبّة ما كتحسد شي. المحبّة ما كتفّيش شي ولا تنفخ، 5 وما كتقبح شي ولا تفتّش على أمور نفسها وما كتتقلّق شي ولا تنوي الشرّ، 6 وما كتفرح شي بالظلم لاكن كتفرح بالحق. 7 وكتحمل كل شي وكتصدّق كل شي وكترجا كل شي وكتصبر في كل شي. 8 المحبّة عمرها ما تخيب. واما النبوّات ماشيين يبطلوا واللُسن يتقاضاوا والعلم يبطل. 9 على حق اش كنعرفوا بعض العلم وكنتنبأوا ببعض النبوّة، 10 ولاكن مّنين يجي داك شي الي كامل، عاد يبطل داك شي الي ناقص. 11 مّنين كنت طفل بحال واحد الطفل كنت كنتكلم وبحال واحد الطفل كنت كنفهم وبحال واحد الطفل كنت كنخمّم، ولاكن مّنين وليت رجل، فارقت الأمور د الصُغر. 12 على حق اش كنشوفوا

دابَ بحال في شي مظلّمة لآكن داك الوقت الوجه للوجه. دابَ كنعرف بعض المعرفة لآكن داك الوقت ماشي نعرف بحال ما كنت معروف. 13 أمّا دابَ يبقاوا الإيمان والرجاء والمحبة، هدو الثلاثة، ولاكن الكبيرة فيهم هي المحبة.

الفصل الاربعطاش

1 اتبعوا المحبة وفتّشوا بالجدّ، على حق اش الي كيتكلّم بلُغة أخرى ما كيتكلّم شي مع الناس لآكن مع الله من حيث ما كيفهمه حدّ، ولاكن هو في الروح كيتكلّم بالأسرار. 3 وأمّا الي كيتنبأ كيتكلّم مع الناس للبنيان والتوعيط والتسلية. 4 الي كيتكلّم بلُغة أخرى كيبيني نفسه، وأمّا الي كيتنبأ كيبيني الكنيسة. 5 أنا كنبيعكم كلّم تتكلّموا بلُغات أخرى ولاكن احسن باش تتنبأوا، على حق اش الي كيتنبأ هو اعظم من الي كيتكلّم بلُغة أخرى غير إذا يفسّر باش تنال الكنيسة البنيان. 6 ودابَ، يا الخوت، إذا جيت لعندكم كنتكلّم بلُغات آخرين، أش ننفعكم إذا ما نتكلّم شي معكم إمّا بالتبيين أو بالمعرفة أو بالنبوة أو بالتعليم؟ 7 الأمور بلا نفس الي كيعطيوا الصوت، الغيطة أو الكيتارة إذا ما فرزوا شي النغمات، كيف ينعرف داك شي الي تغيّط أو باش تكلّم الكيتارة؟ 8 والنفير تاني إذا أعطى صوت ما ظاهر شي، شكون الي يوجد نفسه للقتال؟ 9 هكدا أنتم تاني إذا ما أعطيتوا شي باللسان كلام مفهوم، كيف ينعرف الي كنتكلّموا به؟ على حق اش تكونوا كنتكلّموا في الهوا. 10 ربّما كاينين أعداد د الرهوط د اللُغات في الدنيا وحتى واحدة ما هي بلا معنى، 11 وإذا ما عرفت شي المعنى د اللُغة نكون عند الي كيتكلّم برّاني والي كيتكلّم يكون برّاني عندي. 12 هكدا أنتم تاني من حيث عندكم الغيرة من جهة المعطات الروحيين، فتّشوا باش يكتروا على سبب بنيان الكنيسة. 13 على داك شي الي كيتكلّم بلُغة أخرى لازم يطلب الله باش يفسّر. 14 حيث إذا كنصلي بلُغة أخرى، روي كنصلي وأمّا عقلي يكون بلا غلّة. 15 وكيف دابَ؟ نصلي بالروح ونصلي بالعقل تاني، نهّل بالروح ونهّل بالعقل تاني. 16 وإلاّ إذا أنت بالروح كتشكر، كيف يقول هداك الي كالس في موضع الغشيم "آمين" حين كتشكر؟ حيث ما يعرف شي أش كتقول. 17 أنت بالحق كتشكر مليح ولاكن الآخر ما كينبني شي. 18 كنشكر إلهي باين أنا كنتكلّم بلُغات آخرين اكتر منكم كلّم. 19 ولاكن في الكنيسة كنبيغي نقول خمسة د الكلمات بعقلي باش نعلّم ناس آخرين تاني احسن ما نقول عشرة آلاف كلمة بلُغة أخرى. 20 يا الخوت، لا تكونوا شي أولاد في عقولكم لآكن كونوا صبيان في الشرّ، وأمّا في العقل كونوا كاملين. 21 مكتوب في الشرع باين: بموالين لُغات آخرين وبشوارب آخرين نتكلّم مع هد القوم وحتى هكدا ما يسمعو لي شي، كيقول الربّ. 22 على داك شي اللُغات هم إمارة ماشي للمومنين لآكن للي ما هم شي

مومنين. اما النبوة ما هي شي للي ما هم شي مومنين لآكن للمومنين. 23 وإذا اتجمعت الكنيسة كلها في موضع واحد وكانوا الجميع كيتكلّموا بلغات آخرين ودخلوا شي ناس غشام أو الي ما هم شي مومنين، واش ما يقولوا شي باين أنتم كتهترفوا؟ 24 ولاكن إذا كانوا الجميع كيتنبأوا ودخل شي حد ما هو شي مومن أو غشيم هو، يتويخ من الجميع، ينحكم بالجميع. 25 وهكذا الأمور المخفيين د قلبه يتظهروا وهكذا يطيح على وجهه ويسجد لله كيستقر باين الله الحق في وسطكم.

26 وكيف داب، يا الخوت؟ منين تتجمعوا كل واحد منكم عنده مزمو، عنده تعليم، عنده لغة أخرى عنده تبين، عنده تفسير، يكون كل شي للبنيان. 27 إذا كيتكلّم شي حد بلغة أخرى يتكلّموا زوج زوج أو بالكترة ثلاثة ثلاثة وبالترتيب ويفسر واحد. 28 ولاكن إذا ما كاين من يفسر، يسكت في الكنيسة ويتكلّم مع نفسه ومع الله. 29 أما الأنبياء يتكلّموا زوج أو ثلاثة والآخرين يحكموا. 30 ولاكن إذا تبين شي لواحد آخر الي كالس، الأول يسكت. 31 على حق اش كلّم تقدرو تتنبأوا واحد بواحد باش يتعلّموا الجميع ويتسلّوا الجميع. 32 وأرواح الأنبياء هم طايعين للأنبياء، 33 على حق اش الله ما هو شي إله الخواض لآكن إله السلام، بحال في جميع كنايس القديسين. 34 لازم على نساكم يسكتوا في الكنايس على حق اش ما عندهم إدين باش يتكلّموا، لآكن يطيعوا بحال ما كيقول الشرع تاني. 35 ولاكن إذا بغاوا يتعلّموا شي حاجة يسقصوا رجالهم في الدار حيث ما كيوا لم شي للنسا يتكلّموا في الكنيسة. 36 واش من عندكم خرج كلام الله؟ أو لكم وحدكم جا؟ 37 إذا كان شي حد كيحسب نفسه نبي أو روحي، لازم يعرف باين الأمور الي كنكتب لكم هم وصايات الرب. 38 ولاكن إذا بغى شي حد يكون غشيم، خليه يكون غشيم. 39 وداب، يا الخوت، فتشوا بالجدّ باش تتنبأوا ولا تحصروا شي الي يتكلّم بلغات آخرين. 40 ولازم يكون كل شي بحال ما يليق وبالترتيب.

الفصل الخمسطاش

1 ونعرفكم، يا الخوت، بالإنجيل الي بشرتكم به وقبلتوه وأنتم تابتين فيه 2 وبه تاني راكم ناجيين إذا بقيتوا قابضين في داك الكلام الي بشرتكم به، غير إذا امّنتوا باطل. 3 على حق اش أنا دفعت لكم في الأول داك شي الي قبلت أنا نيت، باين المسيح مات على سبب دنوبنا بحال ما كيقولوا الكتب، 4 وأنه اندفن وأنه قام في النهار الثالث بحال ما كيقولوا الكتب، 5 وأنه ظهر لصفا وبعده للطناش، 6 وبعد داك شي ظهر في مرة واحدة لاكثر من خمس مية د الخوت الي الكثير فيهم باقيين لداب، ولاكن البعض منهم نعسوا. 7 وبعد داك شي ظهر ليعقوب ومن بعد للرسل كلهم، 8 ومن مورا هم كلهم ظهر لي أنا بحال إذا لواحد الي خلق من غير وقته. 9 على حق اش أنا الصغير في الرسل، أنا

الّي ما نستاهل شي نتسمّى رسول على حق اش مرمدت كنيسة الله. 10 ولاكن بنعمة الله أنا داك شي الّي أنا. ونعمته الّي اتعطت لي ما كانت شي بطّالة لآكن أنا تعبت اكتر منهم كلّهم، ولاكن ماشي أنا لآكن نعمة الله الّي معي. 11 سوى سوى كان أنا أو هم، هكدا كنبشّروا وهكدا أمّنوا.

12 ولاكن إذا كيبشّروا بالمسيح باين قام من الميّتين كيف كيقلوا شي ناس منكم باين ما كاينة قيامة د الميّتين. 13 وإذا ما كاينة قيامة د الميّتين حتى المسيح ما قام شي، 14 وإذا ما قام شي المسيح، التبشير ديانا بطّال وإيمانكم بطّال تاني. 15 واحنا ننصابوا تاني شهود الزور لله حيث احنا شهدنا من جهة الله باين قيّم المسيح وهو ما قيّمه شي إذا ما كيقيموا شي الميّتين. 16 على حق اش إذا ما يقيموا شي الميّتين، حتى المسيح ما قام شي، 17 وإذا ما قام شي المسيح بطّال إيمانكم، أنتم باقيين في دنوبكم، 18 وهذوك تاني الّي نعسوا في المسيح انهلكوا. 19 وإذا كان عندنا في هد الحياة وكان الرجا في المسيح، احنا مزغوبين اكتر من جميع الناس. 20 ولاكن دابّ قام المسيح من الميّتين وولّى الغلّة الأولى د الّي ناعسين. 21 على حق اش حتي الموت بالإنسان، بالإنسان تاني قيامة الميّتين. 22 على حق اش بحال ما كيमतوا الجميع في آدم، هكدا في المسيح ماشيين يحيواو الجميع. 23 ولاكن كل واحد في مرتبته، المسيح الغلّة الأولى وبعد داك شي الّي هم ديال المسيح في المجي دياه. 24 وبعد داك شي الآخر منين يسلم الملك لله الأب حين يهدم كل رياسة وكل قدرة وكل قوّة. 25 لأنّه لازم يحكم حتى يردّ جميع العديان تحت رجليه. 26 والعدو الاخري الّي يتبطّل هو الموت. 27 لأنّه طوّع كل شي تحت رجليه، ولاكن منين كيقل باين كل شي تطوّع ظاهر باين من غير هداك الّي طوّع له كل شي. 28 ومنين يتطوّع له كل شي داك الوقت الابن بنفسه تاني يطيع لهداك الّي طوّع له كل شي باش يكون الله الكلّ في الكلّ.

29 أو أش يعملوا هذوك الّي كيتعمّدوا على سبب الميّتين إذا ما يقيموا شي الميّتين بالكلّ؟ علاش كيتعمّدوا على سبب الميّتين؟ 30 وعلاش احنا كل ساعة في الخوف؟ 31 على حق اش بفخمكم الّي عندي في يسوع المسيح ربّنا أنا كنموت كل نهار. 32 إذا أنا بحال واحد الإنسان تضاربت مع الوحوش في أفسس، أش من فايذة عندي؟ إذا ما يقيموا شي الميّتين، خليّنا ناكلوا ونشربوا على حق اش غدا نموتوا! 33 لا تتلفوا شي، را العشرة القبيحة كتفسد الطبيعة المليحة. 34 توكظوا التقوى ولا تدنّبوا شي على حق اش كاينين الّي ما عندهم شي معرفة الله. كنقول هد شي لحشومتكم.

35 لآكن يقول شي حد: كيف يتقيّموا الميّتين وباش من جسد يجيوا؟ 36 يا الاحق، داك شي الّي كتزرع ما يحيا شي غير إذا مات! 37 وداك شي الّي كتزرع ما كتزرع شي الدات الّي ماشية تكون لآكن حبة مجرّدة، ربّما من القمح أو من شي زريعة أخرى، 38 ولاكن الله كييعطيها واحد الدات بحال

ما بغى ولكلّ واحدة من الحبوب داتها. 39 الجسد ما هو شي كلّ واحد، لآكن عند الناس واحد الجسد وعند البهايم جسد آخر، وعند الحوت واحد آخر وعند الطيور واحد آخر. 40 وأجساد سماويين وأجساد أرضيين، لآكن نور السماويين حاجة ونور الأرضيين حاجة أخرى، 41 نور الشمس حاجة ونور القمر حاجة أخرى، ونور النجوم حاجة أخرى، على حق اش نجمة مفروقة على نجمة في النور. 42 هكدا ثاني قيامة الميتين، كينزرع في الضعف ويتقيّم في القوّة، 44 كينزرع جسد حيواني ويتقيّم جسد روحاني. كايين جسد حيواني وكايين جسد روحاني. 45 هكدا مكتوب ثاني: ولّى آدم الإنسان الأوّل نفس حيّة وآدم الاخري روح الّي كحيي. 46 لآكن الروحاني ما هو شي الأوّل لآكن الحيواني، وبعد داك شي الروحاني. 47 الإنسان الأوّل من الأرض أرضي، الإنسان الثاني هو الربّ من السما. 48 وبحال الأرضي هكدا الأرضيين ثاني، وبحال السماوي هكدا السماويين ثاني، 49 وبحال ما لبسنا صورة الأرضي، ماشيين نلبسوا ثاني صورة السماوي. 50 وكنقول هد شي، يا الخوت، باين اللحم والدمّ ما يقدرّوا شي يورتوا ملاكة الله، ولا يورت الفساد الّي هو بلا فساد. 51 ها واحد السرّ كنقلوه لكم: ما ننسوا شي كاملين ولاكن كلّنا نتبدّلوا 52 في دقيقة في رمشة العين في وقت البوق الاخري. لأنّه البوق يتكلّم ويتقيّموا الميتين بلا فساد واحنا نتبدّلوا. 53 على حق اش هد الجسد الّي يفسد لا بدّ يلبس الّي بلا فساد وهّد الجسد الّي يموت يلبس الّي ما يموت شي. 54 ومين يلبس هد الجسد الّي يفسد هداك الّي بلا فساد وهّد الجسد الّي يموت يلبس الّي ما يموت شي. داك الوقت توفي الكلمة الّي مكتوبة: اتبلعت الموت في الغلب. 55 فاين شوكتك، يا الموت؟ فاين غلبك، يا الهاوية؟ 56 أمّا شوكة الموت هي الدنوب، والقوّة د الدنوب هو الشرع. 57 ولاكن الحمد لله الّي كيعلينا الغلب برّبنا يسوع المسيح. 58 على داك شي، يا خوتي العزاز، كونوا تابتين ولا تتزعزعوا شي وكترّوا في شغل الربّ في كل وقت عارفين باين تعبكّم ما هو شي بطال في الربّ.

الفصل السطّاش

1 وأمّا من جهة الجمع للقدّيسين بحال ما وصّيت الكنايس د غلاطية هكدا اعملوا أنتم ثاني. 2 كل نهار الحد يحدّد كل واحد منكم داك شي علاش يقدر ويخزنه باش مينين نجى ما يكون شي الجمع داك الوقت. 3 ومين نحضر نسيّظ هدوك الّي اخترتوهم بالبروات باش يديّوا إعانتكم لأورشليم. 4 وإذا كان واجب باين نمشي أنا ثاني، هم يمشيوا معي. 5 وأنا ماشي نجى لعندكم مينين ندوز في مكدونية على حق اش أنا ندوز في مكدونية، 6 وربّما نكلّس عندكم أو ندوز الشتوة ثاني باش أنتم تسيفطوني فاين ما نمشي. 7 حيث ما بغيت شي نشوفكم دابّ وأنا دايز من حيث كنرجا باين نكلّس

عندكم شي مدّة إدا أدنني الربّ. 8 ولاكن نكلّس في أفسُس حتى ليوم الخمسين، 9 على حق اش انفتحت لي واحد الباب كبيرة وخدمّة وكاينين بزّاف د العديان.

10 إدا جا تيموثاوس تهلاّوا باش يكون عندكم بلا خوف، لأنّه كيخدم شغل الربّ بحالي أنا

تاني. 11 ولا يحقرّه حدّ لاكن سيفطوه بالسلامة باش يجي لعندي على حق اش كنتسنّاه يجي مع

الخوت، 12 واما من جهة أبلّوس، اخانا، أنا رغبته بزّاف باش يجي لعندكم مع الخوت، لاكن ما بغى شي بالكلّ يجي دابّ، ولاكن يجي مّنين يصيب الوجبة.

13 اسهروا، اتبتوا في الإيمان. كونوا رجال، تقوّوا. 14 لازم يكونوا جميع أموركم في المحبّة.

15 وكنطلبكم، يا الخوت، أنتم كتعرفوا دار أستفاناس باين هي الغلّة الأولى د أخاية وباين

أعطوا أنفسهم لخدمة القديسين، 16 باش تطيعوا أنتم تاني للّي هم بحال هدو ولكلّ واحد الّي كيخدم

معهم ويتعب. 17 أنا كنفرح بمجي أستفاناس وفرّتوناتوس وأخائيكوس على حق اش داك شي فاش

جيتوا ناقصين هم كمّلوه 18 من حيث هم هئاوا روحي وروحكم. ودابّ اعرفوا الّي هم بحال هدوك.

19 كيسلّموا عليكم كنايس أسيا. كيسلّموا عليكم في الربّ كثير أكّيلا وبريسكّيلا مع الكنيسة الّي

في دارهم. 20 كيسلّموا عليكم الخوت كلّهم. سلّموا على بعضكم بعض ببوسة مقدّسة.

21 سلامي أنا بولس بيدي. 22 إدا كان شي حدّ ما كيحبّ شي الربّ يسوع المسيح يكون

اناثيما. ماراناثا. 23 نعمة الربّ يسوع المسيح معكم. 24 محبّتي معكم كلّكم في المسيح يسوع. آمين.

رسالة بولس الرسول الثانية لاهل كورنثوس

الفصل الأوّل

- 1 بولس رسول يسوع المسيح بإرادة الله مع تيموثاوس الخو، لكنيسة الله الّتي في كورنثوس مع جميع القديسين الّتي في أخاية كلّها، 2 النعمة لكم والسلام من عند الله ابونا والربّ يسوع المسيح.
- 3 مبارك الله ابو ربّنا يسوع المسيح ابو الرحمة وإلاه كل تسليّة 4 الّتي كيسلّينا في كل ضيقنا حتى كنعقدروا نسلّوا الّتي هم في شي ضيق بالتسليّة الّتي كنعسلّوا بها احنا من الله. 5 على حق اش بحال ما كيكثر عذاب المسيح فينا، كدالك بالمسيح كتكثر تسليتنا تاني. 6 وإدا كنّا كنتمرتوا داك شي راه لتسليتكم ونجاكم الّتي كيخدم للصبر في داك العذاب نيت باش كنعذبوا احنا تاني، وإدا كنّا كنعسلّوا، داك شي راه لتسليتكم ونجاكم. 7 ورجانا من جهتكم ثابت، عارفين باين بحال ما أنتم شركان في العذاب، كدالك تكونوا في التسليّة تاني. 8 على حق اش ما كنبيعكم شي تتغشّموا، يا الخوت، من جهة ضيقنا الّتي وقع لنا في آسيا باين تتقلّنا بزّاف فوق الجهد حتى قطعنا اليأس من الحياة تاني. 9 لآكن كان عندنا حكم الموت في أنفسنا باش ما نكونوا شي متكلّين على أنفسنا لآكن على الله الّتي كيقيّم الموتى، 10 الّتي نجّانا من واحد الموتة كيف هدي. وهو كينجّي، الّتي عندنا الرجا فيه باين باقي ينجّي تاني. 11 وأنتم تاني معاويننا بالصلاة على قبلنا باش يتعطى الشكر من ناس بزّاف على قبلنا على الّتي اتوهب لنا بواسطة ناس كتار.
- 12 لأنّه فحمنّا هو هدا: شهادة ضميرنا باين في النية وصفاوة الله ماشي في الحكمة الجسدية لآكن في نعمة الله تصرفنا في الدنيا ولا سيّما لجهتكم. 13 على حق اش احنا ما كنكتبوا لكم شي أمور آخرين من غير داك شي الّتي كتقراوا وكتعرفوا، وأنا كنرجا باين ماشيين تعرفوا حتى للتمام تاني. 14 بحال ما عرفنونا تاني شويّا باين احنا فحمنكم كما أنتم تاني فحمنّا في نهار الربّ يسوع.
- 15 وفي هد التيقّة كنت كنبعي نجي لعندكم في الأوّل باش تكون لكم بركة تانية 16 وندوز عليكم لمكدونية ونجي تاني من مكدونية لعندكم ونتسيفط من عندكم لليهودية. 17 واش بالخفّة عوّلت على هد شي أو كنعوّل على داك شي الّتي كنعوّل عليه بحسب الجسد باش يكون عندي إيّه، إيّه ولا، لا. 18 لآكن صادق هو الله باين كلامنا لكم ما كان شي إيّه ولا. 19 على حق اش ابن الله يسوع المسيح الّتي تبشّرتوا به على يدنا أنا وسلوانس وتيموثاوس ما كان شي إيّه ولا، لآكن فيه كان إيّه، 20 على حق اش جميع ميعادات الله فيه هم إيّه وهم آمين لمجد الله بواسطتنا. 21 ولاكن الّتي كيتبّتنا معكم في المسيح والّتي دهنّا هو الله، 22 الّتي تاني طبعنا بالطابع دياه وأعطى العربون د الروح في قلوبنا. 23

ولكن الله هو الشاهد على نفسي باين ما جيت شي لكورنثوس من حيث شفقت عليكم. 24 ماشي باين عندنا الحكم على إيمانكم، لكن احنا معاونينكم في فرحتكم، على حق اش بالإيمان راكم كتبتبتوا.

الفصل الثاني

1 ولاكن عوّلت على هد شي في نفسي باين ما نعاود شي نجي لعندكم مغبن. 2 على حق اش إذا كنت أنا كحزننكم، شكون الّ يفرحني من غير الّ حزننته؟ 3 وكتبت لكم هد شي حتى إذا جيت ما تكون لي شي الغبينة من الّ كان واجب نفرح بهم حيث عندي التيقّة فيكم كلّكم باين فرحتي هي فرحتكم كلّكم. 4 على حق اش من حزن كثير وغبينة القلب كتبت لكم بالدموع بزّاف ماشي باش تحزنوا لكن باش تعرفوا المحبّة الّ عندي ولا سيّما فيكم.

5 ولاكن إذا كان شي حد سبب الحزن، راه ما حزنني شي أنا لكن حزننكم كلّكم شويّا باش ما نتقل شي عليكم. 6 الّ بحال هدا تكفيه هد العقوبة الّ حكموا بها الكثرة. 7 لكن احسن تسمحوا له وتسليّواه باش ما يتبلع الّ بحال هدا بكثرة الغبينة. 8 على داك شي كنطلب باين تتبّتوا له المحبّة، 9 على حق اش هد شي علاش كتبت لكم باش نعرف صفاوتكم واش أنتم طايعين في كل شي؟ 10 والّ كتسمحوا له في شي حاجة حتى أنا كنسمح، على حق اش داك شي فاش سامحت إذا كنت سامحت في شي حاجة، را على مسبتكم في حضرة المسيح 11 باش ما يطمع فينا الشيطان، على حق اش ما احنا شي غسام في مُرادّه.

12 ولاكن مّنين جيت لترواس على سبب إنجيل المسيح وانفتحت لي واحد الباب من الربّ 13 ما كانت عندي راحة في روحي من حيث ما خبرت شي تيطس اخي، لكن تسيفطت معهم وخرحت لمكدونية.

14 ولاكن الحمد لله الّ كيجعلنا ديما منصورين في المسيح وكيظهر بنا ريحة معرفته في كل مكان. 15 على حق اش احنا الريحة الطيبة د المسيح لله في الّ كينجاوا وفي الّ كينهلكوا، 16 لهدو ريحة الموت للموت ولهدوك ريحة الحياة للحياة، ولكون هو الّ مقدّ على هدو الأمور؟ 17 على خاطر ما احنا شي بحال بزّاف الّ كيغشّوا في كلام الله لكن بحال بالصفوة بحال من الله كنتكلّموا قدّام الله في المسيح.

الفصل الثالث

- 1 واش نبدأوا نشكروا أنفسنا أو نحتاجوا بحال شي ناس براوات التوصية لكم أو براوات التوصية منكم؟ 2 أنتم البراة ديالنا مكتوبة في قلوبنا معروفة وكيقرواها جميع الناس 3 ظاهرين باين راكم البراة د المسيح مسخرة على يدينا مكتوبة ماشي بالمداد لآكن بروح الله الحيّ، ماشي في اللوح د الحجر لآكن في ألواح القلب د اللحم.
- 4 ولاكن عندنا التيقّة بحال هدي في المسيح قدّام الله، 5 ماشي باين احنا مقدّين بأنفسنا باش نخمّموا في شي حاجة بحال إذا هي من أنفسنا، لآكن من عند الله احنا مقدّين، 6 الّي جعلنا مقدّين باش نكونوا خدّام واحد العهد جديد، ماشي د الحرف لآكن د الروح على حق اش الحرف كيقتل ولاكن الروح كيحيي. 7 وإذا كانت خدمة الموت المنقوشة بالحروف في الحجار دركت في المجد حتى ما قدروا بنو إسرائيل يشوفوا في وجه موسى على سبب النور الفاني د وجهه، 8 واعسّاك خدمة الروح كيف ما تكون شي بالمجد؟ 9 على حق اش إذا كانت خدمة الحكم مجد، واعسّاك خدمة التقوى تزيد أكثر بزّاف في المجد. 10 على حق اش حتى الّي تمجّد ما تمجّد شي في هد المعنى على سبب المجد الّي اعظم منه. 11 لأنّه إذا كان الفاني مجيد، واعسّاك الدائم يكون مجيد أكثر.
- 12 وحيث عندنا واحد الرجا بحال هذا كنتكلّموا بشجاعة كثيرة. 13 وماشي بحال ما كان موسى كي عمل واحد اللتام على وجهه باش ما يشوفوا شي بنو إسرائيل في تمام داك شي الّي فاني، 14 لآكن اتعماوا عقولهم على حق اش حتى لليوم حين كيقروا العهد القديم داك اللتام بالدات ما هو شي مزول الّي كيتحيّد في المسيح. 15 لآكن حتى لليوم حين كيتقرا موسى، را اللتام باقي على قلوبهم، 16 ولاكن حين يرجع الربّ يتحيّد اللتام. 17 واما الربّ هو الروح وفاين ما كان روح الربّ تمّ الحرّية. 18 واحنا كلّا بوجوهنا معرّيين كنشوفوا مجد الربّ كما في واحد المارية وكنتبذلوا لديك الصورة بنفسها من مجد لمجد بحال من الربّ الّي هو الروح.

الفصل الرابع

- 1 على داك شي حيث عندنا هد الخدمة بحال ما اترحمنا، ما كنقنطوا شي 2 لآكن فارقنا الأمور المخفيين د الحشومة وما كنتمشّاوا شي بالحيلة ولا كنغشّوا في كلام الله لآكن بتبيين الحق كنظّهروا روسنا لضمير كل إنسان قدّام الله. 3 ولاكن إذا كان الإنجيل ديالنا مخبّع راه مخبّع على الّي كينهلكوا 4 الّي فيهم إلاه هد الدنيا أعمى عقول هدوك الّي ما كيامنوا شي باش ما يشوفوا شي ضوّ إنجيل مجد المسيح الّي هو صورة الله. 5 على حق اش ما كنشّروا شي بأنفسنا لآكن بالمسيح يسوع

الربّ، ولاكن بأنفسنا عبيد لكم على مسبّة يسوع. 6 لأنّه الله الّلي قال: يشرق الضوّ من الظلام، هو الّلي شرق في قلوبنا لضوّ معرفة مجد الله في وجه يسوع المسيح.

7 ولاكن هد الكنز عندنا في المواعن د الفخّار باش يكون الفضل د القوّة ديال الله ماشي منّا 8 احنا مضيقين من كل جهة لآكن ماشي مسحوقين، حارين ولاكن ما قاطعين شي اليأس، 9 ممردين لآكن ماشي متروكين، مطيحين لآكن ماشي مهلوكين. 10 كنحملوا في الجسد ديما الممات ديال الربّ يسوع باش تظهر حياة يسوع تاني في جسدنا، 11 على حق اش احنا الّلي عايشين مدفوعين ديما للموت على مسبّة يسوع باش تظهر حياة يسوع تاني في جسدنا الّلي يموت. 12 وهكذا الموت كتخدم فينا ولاكن الحياة فيكم. 13 واحنا حيت عندنا داك الروح د الإيمان نيت بحال ما هو مكتوب: امنت وعلى داك شي تكلمت. احنا تاني امنتا وعلى داك شي كنتكلموا تاني، 14 عارفين باين الّلي قيّم الربّ يسوع ماشي يقيّمنا احنا تاني بيسوع ويحضّرنا معكم. 15 على حق اش كل شي راه على سببكم باش تكون النعمة وهي كترت تزيد بالشكر د ناس بزّاف لمجد الله. 16 وعلى داك شي ما كنعيواو شي لآكن بعدمّا كيفنى إنساننا البرّاني الداخلا في راه كيتجدّد نهار على نهار. 17 على حق اش خفّة ضيقنا الوقتي كيخدم لنا اكتر واكتر واحد التقل د المجد الدايم. 18 واحنا ما متنا بهين شي للأمر الّلي كينشافوا لآكن للّلي ما كينشافوا شي، حيت الأمور الّلي كينشافوا راهم وقتيين، واما الّلي ما كينشافوا شي هم دايمين.

الفصل الخامس

1 على حق اش كنعرفوا باين إدا نهدم بيت خيمتنا الأرضي عندنا في السماوات واحد البني من الله واحد الدار دايمّة الّلي ما هي شي مصنوعة باليد. 2 على حق اش في هدي تاني كننينوا مشتاقين باش نتكساوا من فوق بالمسكن ديانا الّلي من السما، 3 وإدا كنّا مكسيين، ما ننصابوا شي عريانيين. 4 على حق اش احنا الّلي في هد الخيمة كننينوا متقلّين ماشي باين كنبيعوا نحيدوها لآكن باش نتكساوا من فوق باش الجسد الّلي يموت يتبلع بالحياة. 5 ولاكن الّلي صنعنا لهد شي نيت هو الله الّلي أعطانا تاني العربون د الروح. 6 على داك شي احنا ديما ميّقنين وعارفين باين ما حدّنا ساكنين في الجسد، احنا غايبين على الربّ. 7 على حق اش بالإيمان كنتمشّواو ماشي بالشوفان، 8 احنا ميّقنين وكنفرحوا اكتر باش نغيبوا من الجسد ونسكنوا عند الربّ. 9 على داك شي كنجهدوا تاني، كنّا في الجسد أو غايبين منه، باش نوكونوا مرضيين عنده. 10 لأنّه لا بدّ علينا نظهروا قدّام كرسي المسيح باش ينال كل واحد داك شي الّلي كان في الجسد بحسب الّلي عمل، كان خير أو شرّ.

11 ومن حيث كنعرفوا خوف الربّ كنعملوا جهدنا نردّوا الناس، لآكن آحنا ولّينا ظاهرين لله وكنرجا باين ولّينا ظاهرين في ضميركم تاني. 12 على حق اش ما كنشكروا شي أنفسنا لكم عاود تاني لآكن كنعطيوكم الوجبة باش تفخموا بنا باش يكون عندكم ما تجاوبوا للّي كيفخموا بالوجه ماشي بالقلب، 13 على حق اش إدا خرجنا روسنا هو لله، أو كئّا في عقولنا هو لكم. 14 حيث محبة المسيح كتحصّر علينا من حيث كنعسبوا هكدا، إدا كان واحد مات على مسبة الجميع الجميع راهم ماتوا، 15 وهو مات على مسبة الجميع باش الّي حيّين ما باقيين شي يعيشوا لأنفسهم، لآكن للّي مات على مسبتهم وقام. 16 على داك شي آحنا من دابّ لفوق ما نعرفوا حدّ من جهة الجسد، ووخّي عرفنا المسيح من جهة الجسد لآكن من دابّ لفوق ما نعرفوه شي. 17 على داك شي إدا كان شي حدّ في المسيح هو واحد الخليقة جديدة، الأمور القدام فاتوا، كل شي راه ولّي جديد. 18 ولاكن كل شي من الله الّي صالحنا لنفسه بيسوع المسيح وأعطانا خدمة المصالحة. 19 زعما باين الله كان في المسيح كيصالح الدنيا لنفسه، ما كيحسب لهم شي دنوبهم وكلّفنا بكلمة المصالحة. 20 على داك شي كنجرىوا بحال المرسلين د المسيح، بحال إدا كان الله كيوعّظ بنا، كنطلبوكم في عوض المسيح تصالحو مع الله. 21 لأنّه الّي ما عرف شي الدنوب جعله دنوب على مسبتنا باش نوليوا آحنا التقوى د الله فيه.

الفصل السادس

1 ومن حيث آحنا خدامين معه كنطلبوكم ما تاخذوا شي نعمة الله بلا فايده، 2 لأنّه كييقول: في واحد الوقت مقبول سمعتك وفي نهار النجا عاونتك. دابّ الوقت المقبول، دابّ نهار النجا. 3 وما نكونوا شي سبب العترة حتى في شي باش ما تنلام شي الخدمة، 4 لآكن في كل شي نظهروا أنفسنا بحال الخدمة د الله في صبر كتير في الشدّات في الاحتياجات في الضيقات 5 في الشحطات في الحباسات في الضجيجات في الخدمات في السهرات في الصيامات 6 في الصفاوة في العلم في طولان الصبر في اللطف في الروح القدس في المحبة بلا نفاق، 7 في كلام الحقّ في قوّة الله بسناح التقوى على اليمين وعلى الشمال، 8 بالوقار وبالحقرة بخبر قبيح وبخبر مليح، بحال الخدّاعين وآحنا صادقين، 9 بحال ما معروفين شي وآحنا معروفين، بحال إدا كنموتوا وآحنا حيّين، بحال المعصّيين وآحنا ما مقتولين شي، 10 بحال إدا حازنين وآحنا ديما فرحانين، بحال المساكين وآحن كنغنيوا ناس كتار، بحال إدا ما عندنا والو وآحنا مالكين كل شي.

11 فمّا محلول لكم، يا الكورنثيّين، قلبنا موسّع. 12 ما أنتم شي مضيّقين فينا لآكن مضيّقين في جوفكم. 13 بالجزا لداك شي كنتكلم بحال لأولادي، كونوا أنتم تاني موسّعين.

14 لا تترابطوا شي في الزكُّو مع الي ما هم شي مومنين، على حق اش أش من خلطة عند التقوى مع الإثم؟ وأش من شركة عند الضو مع الظلام؟ 15 وأش من اتفاق عند المسيح مع بليعال؟ وأش من نصيب عند المومن مع الي ما هو شي مومن؟ 16 وأش من موافقة عند بيت المقدس د الله مع الأصنام؟ وأنتم راكم بيت المقدس د الله الحي كما قال الله: أنا نسكن فيهم ونتمشي في وسطهم ونكون إلههم وهم يكونوا قومي. 17 على داك شي، اخرجوا من وسطهم وتعزلوا كيقل الرب، ولا تحاديوا شي النجس وأنا نقبلكم 18 ونكون ابوكم وأنتم تكونوا لي أولاد وبنات كيقل الرب القادر على كل شي.

الفصل السابع

1 ومن حيث عندنا هدو الميعادات، يا العزاز، كيخصنا نطهروا أنفسنا من كل وسخ الجسد والروح مكملين القداسة في خوف الله.

2 اقبلونا. ما ظلمنا حد، ما فسدنا حد، ما طمعنا في حد. 3 ما كنقول شي هد شي باش نلومكم، على حق اش عاد قلت باين أنتم في قلوبنا باش نموتوا معكم ونعيشوا معكم. 4 عندي تيقة كتيرة فيكم، عندي الفخم كتير بكم. تعمّرت بالتسلية وزدت فرحت بزّاف في جميع ضيقاتنا. 5 على حق اش مينين جينا لمكدونية ما كانت حتى شي راحة لجسدنا لآكن كنّا مضيقين من كل جهة، من برّا الخصومات، من داخل الخوف. 6 لآكن الله الي كيسلي المساكين سلانا بمجي تيطس، 7 وماشي بمجيه وكان لآكن تاني بالتسلية الي تسلي بها من قبلكم وهو كيخبرنا بشوقكم وبكاكم وغيرتكم على قبلي حتى فرحت اكثر. 8 على حق اش وخي كنت حزنتكم بالبراة، ما كنندم شي بعدما ندمت، حيث كنشوف باين ديك البراة حزنتكم، وخي غير على شي ساعة. 9 داب أنا كنفرح، ماشي باين حزنتوا، لآكن على حق اش تغيّرتوا للتوبة، على حق اش أنتم حزنتوا على حسب إرادة الله باش ما تنضروا منّا حتى في شي. 10 لأنّه الحزن الي هو على حسب إرادة الله كيخدم للتوبة للنجا بلا ندامة، واما حزن الدنيا كيخدم للموت. 11 على حق اش شوفوا حزنكم هدا نيت على حسب إرادة الله اشحال خدم فيكم د الجدّ لآكن د التربية لآكن د الغيظ لآكن د الخوف لآكن د الشوق لآكن د الغيرة لآكن د الحسيفة. في كل شي ظهّرتوا روسكم باريين في هد الأمور. 12 على داك شي وخي كتبت لكم ما كان شي على سبب المدنب ولا على سبب الي انضر به، لآكن باش يظهر لكم قدّام الله الجدّ ديالنا لجهتكم. 13 على سبب هد شي احنا تسلينا بتسليتكم. ولاكن فرحنا اكثر بزّاف على سبب فرحة تيطس لأنّه روحه ارتاحت بكم كلّمكم. 14 وإذا كنت فحمت بكم في شي قدّامه، ما حشمت شي لآكن بحال ما تكلمنا معكم بكل شي بالصدق، كدالك فحمتنا تاني قدّام تيطس رجع صدق، 15 ومحبة قلبه

لجهتكم بالزيادة حيث كيتفكر طاعتكم كلّم كيف قبلتوه بالخوف والرعدة. 16 على داك شي أنا كنفرح من حيث كنتيق بكم في كل شي.

الفصل التامن

1 ونعرفكم، يا الخوت، بنعمة الله اليّ اتعطت لكنايس مكدونية، 2 باين وهم في التجريب د واحد الضيق شديد فاضت كثرة فرحتهم وكثرة الفقر دياهم لغنى سخاوتهم. 3 على حق اش أنا نشهد باين هم من دايتهم لروسهم أعطوا على قدّ جهدهم وفوق الجهد 4 كيغربونا بزّاف باش نقبلوا النعمة وشركة الخدمة للقدّيسيين. 5 وماشي كيف رجينا، لادن أعطوا في الأوّل أنفسهم للربّ ولنا بإرادة الله، 6 حتى طلبنا تيطس باين كما سبق وبدا هكدا تاني يكمل بكم هد النعمة. 7 لادن بحال ما كتزيدوا في كل شي في الإيمان والكلام والعلم وكل جدّ ومحبتكم فينا، من صاب تزيدوا في هد النعمة تاني. 8 ما كنقول هد شي باش نوصي لادن بالجدّ د ناس آخرين كنجرّب صفاوة محبتكم. 9 على حق اش كتعرفوا نعمة ربّنا يسوع المسيح باين على مسبتكم ولّي مسكين وخيّ كان غني باش تتغناوا أنتم بالتمسكينت دياي. 10 نعطي الراي في هد شي تاني. على حق اش هد شي ينفعكم أنتم اليّ سبقتوا وبديتوا من عام الأوّل ماشي غير تعملوا وكان لادن بغيتوا تاني. 11 ولاكن دابّ كملوا العمل باش بحال ما كان الخاطر موجود كدالك يكون التكميل تاني على قدّ اليّ عندكم. 12 لأنّه إدا كان الخاطر موجود راه مقبول على قدّ اليّ عند الإنسان ماشي على حسب اليّ ما عنده شي. 13 ماشي باين الآخرين تكون عندهم الراحة وأنتم الضيق 14 لادن بالمساوية، باش في هد الوقت كثرة خيركم يكمل ما خصّهم باش كثرة خيرهم تاني يكمل ما خصّكم باش تكون المساوية، 15 بحال ما هو مكتوب: اليّ جمع كثير ما شاط له شي، والّي جمع قليل ما خصّه شي.

16 ولاكن الحمد لله اليّ جعل الهمّ على مسبتكم في قلب تيطس، 17 على حق اش قبل طلبتنا ومن حيث كان رافد الهمّ اكثر مشى لعندكم بخاطرّه. 18 وسيفطنا معه الخو اليّ شكره في الإنجيل راه في جميع الكنايس. 19 وماشي غير داك شي لادن هو مختور تاني من الكنايس باش يكون رفيق معنا في السفر بهد المعطى المخدمومة بنا لمجد داك الربّ الواحد ولشكر وجود خاطركم، 20 وكندردوا بالنّا باش ما يلومنا حدّ في هدي قوّة، الشي اليّ مخدمومة بنا، 21 متهلّيين في الأمور الملاح ماشي غير قدّام الربّ لادن تاني قدّام الناس. 22 وسيفطنا معهم اخانا اليّ جربناه بزّاف د المرّات في أمور كتار باين كيجهتهد، ولاكن دابّ شدّ كيجهتهد اكثر بالتيقة الكثيرة اليّ عندنا فيكم. 23 واما من جهة تيطس هو

الشريك ديالي والخدام معي على مسبتكم واما خوتنا هم المسيفطين د الكنايس ومجد المسيح. 24 على
داك شي بينوا لهم وقدام الكنايس البينة د محبتكم والفخم ديالنا بكم.

الفصل التاسع

1 وبالحق من جهة الإعانة للقديسين ما كاين علاش نكتب لكم. 2 على حق اش أنا كنعرف
سحاوتكم الي كنفخم بها من جهتكم قدام المكدونيين باين أخاية موجودة من عام الأول، وغيرتكم
نوضت ناس بزاف. 3 ولاكن سيفطت الخوت باش ما يتبطل شي فمنا بكم من هد القضية باش تكونوا
موجودين بحال ما قلت، 4 حتى إذا جاوا معي المكدونيين وصابوكم ما موجودين شي ما نحسموا شي
احنا، ما نقول شي حتى أنتم، بهد الدسارة د الفخم. 5 على داك شي شفت باين لازم نطلب الخوت
يسبقوا لعندكم ويوجدوا من قبل بركتكم الي سبق عليها الخبر باش تكون موجدة بحال بركة وماشي
طمع. 6 ولاكن نقول هد شي باين الي كيزرع قليل يحصد قليل، والي كيزرع بزاف يحصد تاني
بالواف. 7 كل واحد كما ينوي في قلبه ماشي بالنكاد أو بز، حيث الله كيحب الي كيغطي بالفرحة.
8 والله قادر يزيد لكم كل نعمة باش تزيدوا في كل عمل الصالح وأنتم ديما مكفين بكل مكافية في كل
شي، 9 كما هو مكتوب: فرق، أعطى للمساكين، تقوته تبقى ديما. 10 والي كيغطي الزريعة للزراع
والخبز للي كياكل هو ماشي يعطي ويكثر زريعتكم ويقوي غلات تقوتكم، 11 مغنيين في كل شي لكل
سحاوة الي كتقدم بنا الشكر لله. 12 على حق اش جرية هد الإعانة ماشي كتكفي لاحتياج القديسين
وكان، لاكن كتقوي بزاف الشكر لله، 13 حيث هم بتجريب هد الإعانة كيمجدوا الله على الطاعة الي
استقرتوا بها لإنجيل المسيح وعلى سحاوة التفريق لهم وللجميع، 14 وبصلاتهم على قبلكم مشتاقينكم
من قبل نعمة الله العظيمة لجهتكم. 15 الحمد لله على المعطى دياله الي ما عندها لا عبر ولا قياس.

الفصل العاشر

1 وداب كنرغبكم بتمسكينت المسيح وحنانته، أنا بولس براسي الي دليل مينين كنحضر في
وسطكم ولاكن مينين كنغيب أنا شجيع، 2 ولاكن كنرغبكم باش ما نتشجع شي مينين نحضر بديك
التيقة الي بها كنحسب باين نتشجع على شي بعضين الي كيحسبوا بحال إذا كنتمشاوا حسب
الجسد. 3 على حق اش وحى كنتمشاوا في الجسد ما كنحاربوا شي على حسب الجسد، 4 من حيث
سناح الحرب ديالنا ما هو شي جسدي لاكن قوي بالله لهديم الحصون. 5 كنهدموا التخميمات وكل

حاجة عالية الّتي كَتَقوم ضدّ في معرفة الله وكنيسرّوا كل تخميم لطاعة المسيح ، 6 وموجودين نعاقبوا على كل معصية حين تكمل طاعتكم.

7 واش كَتشوفوا على حسب داك شي الّتي كيظهر؟ إذا كان شي حد كيتيق بنفسه باين هو ديال المسيح ، يحسب هد شي تاني من رأسه باين كما هو ديال المسيح كدالك احنا تاني ديال المسيح. 8 على حق اش بعدمّا فحمت بشي حاجة اكرت بقوتنا الّتي أعطانا الربّ لبنيانكم ماشي لهديمكم ما نحشم شي. 9 باش ما نظهر شي بحال إذا كنخوفكم بالبروات ، 10 على حق اش كيقلوا البروات دياه تقال وقويين واما حضوره ضعيف والكلام محقور. 11 الّتي بحال هذا واجب عليه يحسب باين بحال ما احنا الكلام بالبروات واحنا غايبين ، هكدا نكونوا تاني بالفعل واحنا حاضرين. 12 على حق اش احنا ما نزعموا شي نحسبوا أنفسنا من شي بعضين الّتي كيشكروا روسهم ولا نقابلوا أنفسنا معهم. لادن هم حيث كيقيسوا أنفسهم بأنفسهم ، ويقابلوا أنفسهم مع أنفسهم ، ما كيفهموا شي. 13 ولادن احنا ما نفخموا شي بلّي ما يتقيس شي لادن حسب قياس القانون الّتي قسمه لنا الله ، قياس الّتي يبلغ حتى لعندكم تاني. 14 على حق اش ما كنمدّوا شي أنفسنا بحال ما نبلغوا شي لعندكم ، على حق اش وصلنا اعندكم تاني في تبشير إنجيل المسيح. 15 ما اكنفخموا شي بلّي ما يتقيس شي في خدمات ناس آخرين لادن كنرجاوا حين يزيد إيمانكم باين نتعظّموا في وسطكم على حسب القانون ديالنا بالزيادة للقدّام 16 باش نبشّروا في البلدان لهيه منكم ، ماشي باش نفخموا بالأمر الموجدّين في قانون واحد آخر. 17 واما الّتي يفخم يفخم بالربّ ، 18 على حق اش ماشي الّتي شكر رأسه هو مزكّي ، لادن الّتي كيشكره الربّ.

الفصل الحشاش

1 من صاب تحملوا حمقي شويا ، وبالحق كتحملوني. 2 وأنا مغيار من جهتكم بواحد الغيرة د الله على حق اش خطبتكم لرجل واحد باش نهديكم عزبة صافية للمسيح. 3 ولادن كنخاف باين بحال ما خدعت الحية أمّا حواء بحيلتها هكدا عقولكم يتفسّدوا من صفاوة النية الّتي في المسيح. 4 لأنّه إذا جا شي حد كيبيشركم بشي يسوع آخر الّتي ما بشرنا شي به ، أو إذا خديتوا شي روح آخر الّتي ما خديتوه ، أو شي إنجيل آخر الّتي ما قبلتوه شي را مليح ما حملتوا. 5 على حق اش كنحسب باين ما أنا أقلّ حتى في شي من الكبار في الرّسل. 6 وخيّ كنت عامّي في الكلام بالحق ماشي في العمل ، لادن احنا ظاهرين لكم في كل شي بين الجميع. 7 أو خطيت حيث دلّيت نفسي باش تتعلّوا أنتم على حق اش بشركم بإنجيل الله بلا طمع. 8 حوصت كنائس آخرين كنقبض الإجارة منهم باش نخدمكم أنتم ، ومنين كنت عندكم وكنت مخصص ، ما تقلّت على حدّ. 9 على حق اش داك شي فاش كنت

مخصوص وجّدوه الخوت الّتي جاوا من مكدونية، وفي كل شي حضيت راسي باش ما نتقل شي عليكم وباقي نحضي راسي. 10 الحقّ د المسيح فيّ، حتى حدّ ما يحصرني على هد الفخم في نواحي أخاية. 11 علاش؟ واش حيت ما كنحبكم شي؟ الله كييعرف. 12 ولاكن الّتي كنعمله راني ماشي نعمله باش نقطع الوجبة من الّتي كيبيغيوا الوجبة باش ينصابوا بحالنا تاني في داك شي باش كيفخموا. 13 على حق اش الّتي هم بحال هدو هم رسل كدابة وخدّامة خدّاعين مبدلين صفتهم باش يظهرّوا رسل المسيح. 14 وماشي عجب. حيت الشيطان برأسه كيبدّل صفته باش يظهر ملاك د النور، 15 وماشي حاجة كبيرة إذا كانوا الخدّامة دياه تاني كيبدّلوا صفتهم بحال إذا هم خدّامة د التقوى، الّتي تكون تاليتهم على قد أعمالهم.

16 نقول تاني، لا يظنّ حدّ باين أنا احمق، أو اقبلوني وخّى بحال الاحق باش أنا تاني نفخم شويا. 17 هد شي الّتي كنقول ما كنقوله شي بحال ما يقول الربّ لآكن بحال إذا في الحق في دساره هد الفخم. 18 من حيت برّاف كيفخموا على حسب الجسد، نفخم أنا تاني. 19 على حق اش أنتم بالفرحة كتحملوا الحمّاق من حيت أنتم عقّال، 20 حيت راكم كتحملوا إذا كان شي حد يردكم عبيد، إذا كان شي حد كياكلكم، إذا كان شي حد كياذّي ديالكم، إذا كان شي حد كيعلّي رأسه، إذا كان شي حد كيضربكم على وجوهكم. 21 كنتكلم بحال بالحقرة بحال إذا كنّا ضعاف. ولاكن إذا كان شي حد شجيع في شي حاجة، كنتكلم بالحق حتى أنا تاني شجيع. 22 واش هم عبرانيّين؟ حتى أنا تاني. واش هم إسرائيليّين؟ حتى أنا تاني. واش هم نسل إبراهيم؟ حتى أنا تاني. 23 واش هم خدام المسيح؟ كنتكلم بحال واحد الاحق. حتى أنا تاني. أنا افضل في التعب اكثر، في الشحطات اكثر برّاف، في الحباسات اكثر، في الموتات مرّات كتار. 24 من اليهود خمسة د المرّات كليت أربعين شحطة غير واحدة. 25 ثلاثة د المرّات انضربت بالعصي، واحد المرّة اترجمت، ثلاثة د امرّات تهرّست بي السفينة، دوّزت ليلة ونهار في الغروق، 26 في السفر مرّات كتار، في الخوف من الحملات، في الخوف من السراق، في الخوف من جنسي، في الخوف من الكُنوس، في الخوف في المدينة، في الخوف في الخلا، في الخوف في البحر، في الخوف من الخوت الكدّابة، 27 في التعب والشقا، في السهير مرّات كتار، في الجوع والعطش، في الصيام مرّات كتار، في البرد والعرى. 28 وبرّا من هد شي كلّ الأمور الّتي كيتعرّموا عليّ كل نهار، التكليف بجميع الكنايس. 29 شكون الّتي ضعف وأنا ما ضعفت شي؟ شكون الّتي عتر وأنا ما فيّ شي الحريق؟ 30 إذا كان واجب الفخم، نفخم بأمر ضعفي. 31 الله ابو ربّنا يسوع المسيح الّتي هو مبارك إلى الأبد كييعرف باين ما كنكذب شي. 32 في دمشق الباشا د الحارث السلطان

كان كيعسّ في مدينة الدِمَشقيّين باغي يقبضني 33 وتدلّيت في واحد القفّة من واحد الطاقة على السور
وفلتّ من يديّه.

الفصل الطناش

1 بالحقّ ما كيوافقني شي نفخم، لآكن نجي لرؤيات الربّ والتبّيينات ديهاله. 2 كنعرف واحد
الإنسان في المسيح أربعطاشر عام هدي إدا في الجسد ما نعرف أو برّا من الجسد ما نعرف، الله
كيعرف، انخطف هدا للسما التالت. 3 وكنعرف هدا الإنسان إدا في الجسد أو برّا من الجسد، ما
كنعرف شي، الله كنعرف، 4 باين انخطف للفردوس وسمع شي كلمات الّلي ما يقدر حد ينطق بهم وما
هو شي حلال على الإنسان يتكلّم بهم. 5 بهذا انفخم، ولاكن من جهة نفسي ما نفخم غير بالضعف
ديالي. 6 على حق اش لو كان بغيت نفخم، ما نكون شي احمق حيث كنقول الحقّ، ولاكن كन्छ
باش ما يظنّ حد فيّ فوق ما كيشوفني أو كيسمع منّي. 7 وباش ما نتعلّا شي بكثرة الرؤيات، اتعطت
لي واحد الشوكة في الجسد ملاك الشيطان باش يضربني باش ما نتعلّا شي. 8 رغبت الربّ على هد
شي تلاتة د المرّات باش يتحيّد عليّ. 9 وقال لي: تكفيك نعمتي على حق اش قوّتي كتنكمل في
الضعف. على داك شي نختار بكلّ فرحة نفخم بالضعف ديالي باش تبقى عليّ قوّة المسيح. 10 وعلى
داك شي نفرح بالضعف والشتايم والمخصّات والتمرميدات والضيقات على مسبّة المسيح، على حق اش
مينين كنكون ضعيف، ديك الساعة أنا قوي.

11 أنا وليّيت احمق في الفخم. أنتم الّلي لزمتوني على حق اش كان واجب عليكم أنتم تشكروني
من حيث ما أنا شي ناقص حتى بشي على الكبار في الرُّسل بعدمّا ما أنا حتى شي. 12 بالحقّ إمارات
الرسول انعملوا في وسطكم في كل صبر بالإمارات والعجايب والقوّات. 13 لأنّه أش داك شي فاش أنتم
ناقصين على الكنايس الآخرين غير من حيث ما تقلّت شي عليكم؟ اسمحوا لي على هد الظلم. 14 را
هدي هي المرّة التالّثة وأنا موجود نجي لعندكم وما نتقلّ شي عليكم، على حق اش ما كنفتّش شي على
متاعكم لآكن عليكم أنتم، حيث ما واجب شي على الأولاد يخزنوا للوالدين، لآكن الوالدين يخزنوا
للأولاد. 15 واما أنا بكلّ فرحة كنعطّي كل ماعندي ونعطّي حتى راسي على مسبّة أنفسكم بعدمّا كل
ما حبّيتكم اكتر نتحبّ أقلّ. 16 وخيّ كاين، أنا ما تقلّت شي عليكم لآكن من حيث كنت احيلي،
قبضتكم بالحيلة. 17 واش طمعت فيكم على يدّ شي حد من الّلي سيفطتهم لعندكم؟ 18 رغبت تيطس
ووسيفطت معه واحد الخو. واش طمع فيكم تيطس؟ واش ما تمشّينا شي في روح واحدة وفي طريق
واحدة؟

19 واش كتنظّوا باين كنبرّيو روسنا قدّامكم؟ قدّام الله في المسيح كنتكلم. ولاكن كل شي، يا الاحباب، على مسبّة بنيانكم. 20 على حق اش كنخاف إذا جيت باين ما نصيبكم شي بحال ما نبغي وما تصيبوني شي بحال ما تبغيوا. باين ينصاّبو الخصومات والمحاسدات والسخطات والخلافات والتقريطات والنميمات والتكبرّات والتشويشات، 21 باش ما يدلّني إلهي عندكم مّنين نجّي تاني ونبكي على بزّاف الّلي دنّبو من قبل وما زالين ما تابوا من النجاسة والزنا والفسق الّلي فعلوا.

الفصل التلّطاش

1 هدي هي المرّة الثالثة وأنا ما جي لعندكم على فمّ زوج د الشهود أو ثلاثة تنبت كل كلمة. 2 قلت لكم من قبل وكنسبّق ونقول المرّة الثانية بحال إذا أنا حاضر، ودابّ أنا غايب، كنتكّتب للّلي دنّبو من قبل ولجميع الباقيين باين إذا جيت تاني ما نشفق شي. 3 من حيث أنتم كتفتّشوا على واحد البرهان باين المسيح كيتكلم فيّ الّلي ما هو شي ضعيف من جهتكم لاكن قوي فيكم. 4 على حق اش بعدمّا تصلّب من الضعف لاكن راه حيّ بقوة الله، واحنا تاني ضعاف فيه ولاكن ماشيين نحياوا معه بقوة الله من جهتكم. 5 جرّبوا أنفسكم واش أنتم في الإيمان؟ فتّشوا أنفسكم، أو ما كتعرفوا شي أنفسكم باين يسوع المسيح فيكم غير إذا كنتوا مدحيّين؟ 6 لاكن كنرجا باين تعرفوا باين ما احنا شي مدحيّين. 7 وكنطلب الله ما تعملوا حتى حاجة قبيحة ماشي باش نظهروا احنا مزكيّين لاكن باش تعملوا أنتم المليح، وخّى نكونوا احنا بحال إذا مدحيّين. 8 على حق اش ما نقدروا على شي حاجة ضدّ في الحقّ لاكن على الّلي من جهة الحقّ. 9 على خاطر كنفرحوا حين نكونوا احنا ضعاف وأنتم تكونوا قويّين، والّلي كنطلبوا تاني هو كما لكم. 10 وعلى داك شي كنتكّتب بهد شي وأنا غايب باش ما نكون شي واعر مّنين نحضر على حسب القوّة الّلي أعطاهّا لي الربّ للبنيان ماشي للهديم.

11 ودابّ، يا الخوت، افرحوا، كونوا كاملين، كونوا مسليّين. باليوا مبالية واحدة، عيشوا في السلام، وإلاه المحبّة والسلام ماشي يكون معكم. 12 سلّموا على بعضكم بعض ببوسة مقدّسة. 13 كيسلّموا عليكم جميع القدّيسين.

14 نعمة ربّنا يسوع المسيح ومحبّة الله وشركة الروح القدس يكونوا معكم كلّكم. آمين.

رسالة بولس الرسول لأهل غلاطية

الفصل الأوّل

- 1 بولس رسول ما شي من الناس ولا بشي إنسان، لآكن يسوع المسيح والله الأب الّي قيّمه من الميّتين 2 وجميع الخوت الّي معي لآنايس غلاطية. 3 النعمة لكم والسلام من عند الله الأب ومن ربّنا يسوع المسيح 4 الّي أعطى نفسه على دنوبنا باش ينجيّنا من الدنيا الحاضرة القبيحة على حسب إرادة الله وأبونا 5 الّي له المجد على الدوام ديما. آمين.
- 6 أنا كنتعجبّ باين كنتحوّلوا هكدا دغيا من هداك الّي عرض عليكم بنعمة المسيح لواحد الإنجيل آخر 7 الّي ما هو شي آخر لآكن كاينين شي ناس الّي كيهوّلوكم وكيبغيوا يبدّلوا إنجيل المسيح. 8 ولاكن إذا بشرناكم احنا أو واحد الملاك من السماء بشي إنجيل آخر الّي ما بشرناكم شي به، راه يكون منعول. 9 كما سبقنا وقلنا هكدا نقول دابّ تاني، إذا كان شي حدّ كيبشركم بشي إنجيل آخر الّي ما قبلتوه شي، راه يكون منعول. 10 واش دابّ كنرغب الناس أو الله؟ أو كنفتش باش نعمل خاطر الناس؟ على حق اش لو كنت باقي كنعمل خاطر الناس ما نكون شي عبد المسيح.
- 11 ونعرّفكم، يا الخوت، بالإنجيل الّي بشرت به باين ما هو شي على حسب بن آدم، 12 على حق اش ما قبضته شي من عند شي إنسان ولا علّمه لي شي حدّ، لآكن بتبيين يسوع المسيح. 13 على حق اش سمعتوا بصرفي الفايت في دين اليهود باين كنت كنمرمد كنيسة الله بزّاف ونخسرّها، 14 وكنت كنزید في دين اليهود على بزّاف من قراني في جنسي حيث كانت عندي الغيرة اكتر بزّاف في قواعد جدودي. 15 ولاكن الله الّي فرزني من كرش أمي وعرض عليّ بنعمته مّنين ظهر له مزيان 16 باين يظهر ابنه فيّ باش نبشّر به بين الكنّوس، في الحين ما شاورت شي اللحم والدم 17 ولا طلعت لأورشليم لعند الرّسل الّي كانوا قبل مّني، لآكن مشيت لبلاد العرب وعاد رجعت تاني لدمشق. 18 وبعد تلت سنين طلعت لأورشليم باش نتلاقى مع بطرّس وبقيت عنده خمسطاشر يوم. 19 ولاكن ما شفت حدّ آخر من الرسل من غير يعقوب اخا الربّ. 20 وداك شي الّي كنكتب لكم راه قدّام الله ما كنكذب شي فيه. 21 ومن مورا داك شي جيت لجوايه سورية وكيليكية، ولاكن ما كنت شي معروف بالوجه عند كنايس اليهودية الّي في المسيح، 23 غير بالحق كانوا كيسمعوا باين الّي كان في الوقت الفايت كيמרمدنا، كيبشّر دابّ بالإيمان الّي كان قبل كيخسرّه، 24 وكانوا كيمجدّوا الله على قبلي.

1 ومن مورا أربعطاشر عام طلعت تاني لأورشليم مع برنابا واديت معي تيطس نيت. 2 وبالحق طلعت بموجب واحد التبیین ووريت لهم الإنجيل الي كنشّر به بين الكنوس، ولاكن للكبار بوحدهم باش ما نجري شي أو نكون جريت باطل. 3 لاكن حتى تيطس الي كان معي، وهو يوناني، ما تلمّم شي يتختّن. 4 ولاكن على سبب الخوت الكدّابة الي تدخلوا مخفيين الي دخلوا بالسرقه باش يجسسوا الحرّية ديانا الي عندنا في المسيح باش يردّونا تحت العبوديّة، 5 الي ما سلّمنا لهم شي بالطاعة حتى ساعة باش يبقی عندكم الحق د الإنجيل. 6 واما الي محسوبين باين هم شي حاجة كيف ما كانوا ما كاين فراق عندي (الله ما يقبل شي وجه الإنسان) على حق اش هدوك الي كانوا كبار ما علموني حتى شي، 7 لاكن بالعكس حين شافوا باين تآمن عندي الإنجيل للناس الي بلا ختانة بحال ما تآمن عند بطرس الإنجيل لأهل الختانة، 8 على حق اش الي خدم في بطرس لرسالة الختانة خدم في تاني للكنوس، 9 ويعقوب وصفا ويوحنا الكبار، الي هم محسوبين سوارى، مّنين عرفوا بالنعمة الي اتعطت لي، أعطاوني أنا وبرنابا يدّهم د اليمين د الشركة باش نكونوا احنا للكنوس واما هم لأهل الختانة. 10 غير بالحق بغاونا نتفكّروا المساكين وهد شي أنا براسي كنت موجود نعمله.

11 ولاكن مّنين جا بطرس لأنطاكيّة تعرّضت به بطاي طاي حيت كانت عليه اللومة، 12 لأنه قبل ما جاوا شي ناس من عند يعقوب كان كياكل مع الكنوس. ولاكن مّنين جاوا، توخّر وفرز نفسه خايف من هدوك الي من الختانة، 13 واليهود الآخرين نافقوا تاني حتى تحوّل برنابا نيت بالنفاق ديالهم. 14 لاكن حين شفّتهم ما كيتمشّاوا شي دغريين على حسب الحق د الإنجيل، قلت لبطرس قدّام الجميع: إذا كنت وأنت يهودي كتعيش بحال الكنوس وماشي بحال اليهود، علاش كتلمّم على الكنوس يوليوا يهود. 15 احنا الي يهود بالطبيعة وماشي الكنوس مدنّبين 16 حيت كنعرفوا باين الإنسان ما يكون شي مبرّي بأعمال الشرع لاكن بإيمان يسوع المسيح آمنا احنا تاني بيسوع المسيح باش نكونوا مبرّيين بإيمان يسوع ماشي بأعمال الشرع، حيت بأعمال الشرع ما يكون مبرّي حتى بن آدم.

17 وإذا كنّا واحنا كنفتّشوا نكونوا مبرّيين بالمسيح، كننصابوا احنا بروسنا تاني مدنّبين، واش المسيح خدام للدنوب؟ حاشا! 18 على حق اش إذا كنت كنبنّي تاني هد شي الي هدمته نظهر نفسي واحد المتعدّي. 19 على حق اش بالشرع مُت للشرع باش نحيا لله. 20 مع المسيح تصلّبت لاكن أنا حي، ماشي أنا لاكن المسيح كيحيا فيّ، والحياة الي كنحياها داب في الجسد، راني كنحياها في الإيمان، إيمان ابن الله الي حبّني وأعطى نفسه عليّ. 21 ما كنبتّل شي نعمة الله على حق اش إذا تندرك التقوى بحضيان الشرع، المسيح راه مات باطل.

الفصل الثالث

- 1 يا الغلاطيّين الحمّاق، شكّون الّبي سحر لكم حتّى ما كتطيعوا شيّ للحق أنتم الّبي قدّام عينيكم توصّف ظاهر يسوع المسيح مصلّب؟ 2 بغيت نسمع منكم هد شيّ وكان، واش بأعمال الشرع خديتوا الروح أو بخبر الإيمان؟ 3 واش هكدا أنتم حمّاق؟ من مورا ما بديتوا بالروح واش تتكملّوا دابّ بالجسد؟ 4 واش هد شيّ كله حملتوه باطل إذا كان باطل؟ 5 والّبي كييعطيكم الروح وكيعمل المعجزات في وسطكم، واش كييعمله بأعمال الشرع أو بخبر الإيمان؟ 6 كما أمّن إبراهيم بالله واتحسب له تقوى. 7 على داك شيّ اعرفوا باين الّبي من الإيمان هم أولاد إبراهيم. 8 والكتاب حيث شاف قبل باين الله بالإيمان يبرّي الكنّوس سبق وبشّر إبراهيم كييقول: فيك يتباركوا جميع الكنّوس. 9 على داك شيّ الّبي هم من الإيمان يتباركوا مع إبراهيم المومن. 10 على حق اش جميع الّبي من أعمال الشرع هم تحت النعلة حيث مكتوب: منعول كل واحد الّبي ما يتبّت شيّ في كل ما هو مكتوب في كتاب الشرع باش يعمل به. 11 ولاكن ظاهر باين ما كاين حدّ الّبي مبرّي عند الله بالشرع على حق اش التقّي بالإيمان يحيا. 12 ولاكن الشرع ما هو شيّ من الإيمان لاكن الإنسان الّبي يعمل به ماشي يحيا به. 13 المسيح فداننا من نعلة الشرع حيث ولّى نعلة على مسبّتنا، لأنّه مكتوب: منعول كل واحد الّبي تعلّق على الخشبة، 14 باش تكون البركة د إبراهيم على الكنّوس في المسيح يسوع باش نحوزوا بالإيمان القول د الروح. 15 يا الخوت، على حسب الإنسان كنتكلمّ، ما كاين حدّ الّبي يبطلّ واحد العهد الّبي تتبّت أو يزيد فيه بعدمّا غير د بن آدم. 16 وأمّا الميعادات انعطّوا لإبراهيم ولدريّته، ما كييقول شيّ "لدريّاتك" بحال إذا تكلمّ على بزّاف، لاكن بحال إذا على واحد، وفي "دريّتك" الّبي هو المسيح. 17 وبالحق كنقول هد شيّ باين العهد الّبي سبق وتتبّت من الله في المسيح الشرع الّبي جا أربع مية وتلاتين عام من مورا ما ينسخه شيّ باش يبطلّ القول. 18 حيث إذا كان الورّ بالشرع، ما هو شيّ تاني بالقول، ولاكن الله أعطاه لإبراهيم بالقول.
- 19 وعلاش الشرع؟ راه انزاد على سبب المعصيّات مرتّب بالملايكة على يدّ واحد الوسيط حتّى تجي الدريّة لمن انعطى القول. 20 وأمّا الوسيط ما كيكون شيّ ديال واحد، لاكن الله واحد. 21 واش الشرع ضدّ في ميعادات الله؟ حاشا، لأنّه لو كان انعطى واحد الشرع الّبي قادر يحيى لو كان بالتحقيق التقوى تكون بالشرع. 22 لاكن الكتاب شدّ على الجميع تحت الذنوب باش بالإيمان ببسوع المسيح ينعطى القول للّبي يأمّنوا. 23 ولاكن قبل ما جا الإيمان كنّا تحت العسّة د الشرع محصورين للإيمان الّبي كان غادي يتبيّن. 24 على داك شيّ كان الشرع كيربّينا ويقودنا للمسيح باش نتبرّوا بالإيمان، 25

ولكن من مورا ما جا الإيمان ما بقينا شي تحت المربي، 26 على حق اش أنتم كلّم أولاد الله بالإيمان في المسيح يسوع. 27 أنتم اليّ تعمّدتوا في المسيح راكم لبستوا المسيح. 28 ما كاين لا يهودي واليوناني، ما كاين لا عبد ولا حرّ، ما كاين لا ذكر ولا انتى، على حق اش أنتم كلّم واحد في المسيح يسوع. 29 وإذا كنتوا ديال المسيح راكم دريّة إبراهيم وورثته على حسب القول.

الفصل الرابع

1 وبالحق كنقول ما حدّ الوارت باقي صغير، ما هو مفروق حتى بشي من العبد بعدّمّا مولى كل شي، 2 لآكن هو تحت المقدّمين والوكلان حتى للوقت المعين من عند أبوه. 3 هكدا احنا تاني مّنين كنّا باقيين صغار كنّا مكسوبين لقواعد الدنيا، 4 ولاكن مّنين جا كمال الزمان، سيفط الله ابنه مولود من واحد المرأة، مولود تحت الشرع، 5 باش يفدي اليّ هم تحت الشرع، باش احنا نحوزوا مرتبة الأولاد. 6 ومن حيث أنتم أولاد، سيفط الله روح ابنه لقلوبكم كيبيط: يا أبّا الأب. 7 على داك شي ما بقيت شي عبد لآكن ولد. وإذا كنت ولد، راك واحد الوارت د الله بالمسيح. 8 لآكن داك الوقت مّنين كنتوا ما كتعرفوا شي الله انكسبتوا لليّ بالطبيعة ما هم شي إلهات. 9 واما دابّ مّنين عرفتوا الله، وبالحق الله هو اليّ عرفكم، وكيف ترجعوا تاني للقواعد الضعاف والدلال اليّ بغيتوا تنكسبوا لهم عاود تاني؟ 10 كتحضيو ايام وشهور وأوقات وسنين. 11 كنخاف عليكم ربّما نكون تعبت عليكم بلا فايده.

12 كنرغبكم، يا الخوت، كونوا بحالي، على حق اش أنا تاني بحالكم. ما ظلمتوني حتى في شي، 13 ولاكن أنتم كتعرفوا باين أنا بضعف الجسد بشرتكم في الأوّل، 14 وتجربتي اليّ في جسدي ما حقرتوها شي ولا كرهتها لآكن بحال واحد الملاك من عند الله قبلتوني بحال المسيح يسوع. 15 فاين هي بعدّ فرحتكم؟ على حق اش كنشهد لكم باين لو كان يمكن لو كان قلّعتوا عينيكم وأعطيتوهم لي. 16 واش على داك شي وليت عدوكم من حيث كنقول لكم الحق. 17 الغيرة اليّ عندهم من جهتكم ما هي شي صافية لآكن بغاوا يفرقوكم علينا باش الغيرة ديالكم تكون من جهتهم. 18 الغيرة مزيانة في الأمور الملاح ديما وماشي حين نكون حاضر عندكم وكان. 19 يا أولادي اليّ كنتوجّع بكم تاني حتى يتصوّر المسيح فيكم. 20 ولاكن بغيت نكون حاضر عندكم دابّ ونبدّل صوتي على حق اش أنا حاير من جهتكم.

21 قولوا لي، أنتم اليّ بغيتوا تكونوا تحت الشرع، واش ما كتسمعوا شي الشرع؟ 22 على حق اش مكتوب: كانوا عند إبراهيم زوج د الأولاد، واحد من الخادم والآخر من الحرّة. 23 لآكن اليّ من

الخدام اتولد على حسب الجسد، واماّ اليّ من الحرّة بالقول. 24 وداك شي هو متال على حق اش هدو الزوج هم الزوج د العهد الواحد من جبل سينا اليّ كيولد للعبوديةّ اليّ هو هاجر، 25 على حق اش هاجر هي جبل سينا في بلاد العرب. ولاكن هو بحال أورشليم الحاضرة على حق اش هي في العبوديّة مع أولادها، 26 واماّ أورشليم الفوقانيّة اليّ هي امّنا كاملين راها حرّة. 27 لأنه مكتوب: افرحي، يا العاقرة. اليّ ما كتولد شي، اهتفي وصيحي، يا اليّ ما توجّعت شي على حق اش أولاد هديك اليّ بلا رجل هم اكثر من ديال هديك اليّ عندها الرجل. 28 واماّ دابّ، يا الخوت، احنا أولاد القول بحال إسحق. 29 ولاكن كما كان داك الوقت اليّ اتولد على حسب الجسد كيبرمرد اليّ على حسب الروح، هكدا تاني دابّ. 30 لاكن أش كييقول الكتاب؟: ادحي الخادم وولّدها حيت ما يورت شي ولد الخادم مع ولد الحرّة. 31 على داك شي، يا الخوت، ما احنا شي أولاد الخادم لاكن أولاد الحرّة.

الفصل الخامس

1 وعلى داك شي اتبتوا في الحرّيّة اليّ حرّنا بها المسيح ولا تتخبّلوا شي تاني في الزكّو د العبوديّة. 2 ها أنا بولس كنقول لكم إذا تخنّنتوا، ما ينفعكم المسيح حتى شي. 3 لاكن كنشهد تاني لكلّ إنسان اليّ مختّن باين ملزوم عليه يعمل بالشرع كلّ. 4 راكم اتفرقتوا من المسيح، يا اليّ كتتبرّأوا بحضيان الشرع، ما بقيتوا شي في النعمة. 5 على حق اش احنا بالروح من الإيمان كنتسنّأوا رجا التقوى. 6 لأنه في المسيح يسوع الختانة ما تنفع حتى شي ولا تخلّيّة الختانة، لاكن الإيمان اليّ كيخدم بالمحبّة. 7 كنتوا كتجربوا مليح، شكون اليّ حصركم باش ما تسعفوا شي الحق؟ 8 هد المسعفة ما هي شي من هداك اليّ عرض عليكم. 9 خميرة قليلة كتخمرّ العجين كلّ. 10 ولاكن كننّيق بكم في الربّ باين ما تخمّموا شي حاجة أخرى، ولاكن اليّ كيهولّكم ماشي يرفد عقوبته، شكون ما كان. 11 واماّ أنا، يا الخوت، إذا كنت ما زال كنشّر بالختانة، علاش باقي كنتمرد؟ ديك الساعة عترة الصليب ما بقات شي. 12 من صاب ينقطعوا اليّ كيهولّوكم.

13 وأنتم، يا الخوت، بالصّحّ انعرضتوا للحرّيّة، لاكن لا تردّوا شي الحرّيّة سبّة للجسد، لاكن بالمحبّة اخدموا بعضكم بعض. 14 على حق اش الشرع كلّ في كلمة واحدة كيوفى: تحبّ جارك بحال نفسك. 15 على حق اش إذا كنتوا كتنتشوا وكتاكلوا بعضكم بعض، ردّوا بالكم عندكم تفناوا بعضكم بعض.

16 ودابّ كنقول تمشّأوا في الروح ولا تكملّوا شي شهوة الجسد. 17 على حق اش الجسد كيشتهى ضدّ في الروح والروح ضدّ في الجسد، وهذو الزوج كيتضادّوا مع بعضهم حتى كتعملوا اليّ ما

بغيتوا شي. 18 ولاكن إذا تَكُوْدَتُوا بالروح، ما أنتم شي تحت الشرع. 19 وأعمال الجسد ظاهرين: الزنا، الفسق، النجاسة، الفجور، 20 عبادة الأصنام، السحر، العداوة، الخصام، الغيرة، السخط، التغيوغ، الخلاف، الخرجان، 21 الحسد، القتل، السكر، الفساد وأمور بحال هدو الي نقول لكم عليهم من قبل كما قلت تاني باين الي كيفعلوا أمور بحال هدو ما يورتوا شي ملاكة الله. 22 واما غلة الروح هي المحبة، الفرحة، السلام، طولان الصبر، اللطف، الملاحه، الإيمان، 23 الحنانة، حصران النفس: ما كاين شرع ضد في الأمور الي بحال هدو. 24 ولاكن الي هم ديال المسيح راهم صلبوا الجسد مع الاهوا والشهاوي. 25 إذا كنّا كنعيشوا في الروح، نتمشّوا تاني على حسب الروح. 26 ما نكونوا شي متكبرين ونغدّوا بينتنا ونحسدوا بينتنا.

الفصل السادس

1 يا الخوت، إذا زهق شي حد حتى اتقبض في شي زلة، أنتم الي رويين ردّوا الي بحال هذا بروح التمسكينت. حاضي نفسك عندك تتجرب أنت تاني. 2 تعاونوا بينتكم في الأمور التقال وهكذا توفيوا شرع المسيح. 3 لأنه إذا ظنّ شي حد باين هو شي حاجة وهو والو، راه كيغشّ نفسه. 4 ولاكن واجب على كل واحد يجرب عمله وداك الوقت يكون له العزّ من جهة رأسه وكان ماشي من جهة واحد آخر، 5 على حق اش كل واحد غادي يرفد حمل نفسه. 6 ولاكن واجب على الي كيتعلم الكلام يشرك مع الي كيعلّمه في جميع الخيرات. 7 لا تتلفوا شي، الله ما يتملّع عليه حد. على حق اش داك شي الي كيزرع الإنسان يحصده نيت، 8 لأنه الي كيزرع لجسده، من الجسد يحصد الفساد. والي كيزرع للروح، من الروح يحصد حياة الآخرة. 9 على داك شي ما نعيواوا شي في عمل الخير على حق اش ماشيين نحصدوا في وقته إذا ما نقنطوا شي. 10 على داك شي ما حدّ عندنا الوجبة لازم نعملوا الخير في الجميع ولا سيّما في أهل الإيمان. 11 شوفوا ما اكبر الحروف الي كتبت لكم بيدي. 12 جميع الي كيبيغيوا يعملوا واحد النظرة مزيانة في الجسد راهم كيلزّموا عليكم تتختّنوا باش ما يتمردوا شي على سبب صليب المسيح، 13 على حق اش الي مختّنين هم ما كيحضيوا شي الشرع لاكن كيبيغيوكم أنتم تتختّنوا باش يفخموا في جسدكم. 14 واما من جهتي، حاشا نفخم من غير بصليب ربنا يسوع المسيح الي به تصلّبت الدنيا لي وأنا تصلّبت للدنيا. 15 حيث في المسيح يسوع الختانة ما تنفع حتى شي ولا تخلية الختانة لاكن الخليقة الجديدة. 16 وجميع الي يتمشّوا على هد القانون عليهم السلام والرحمة وعلى إسرائيل د الله. 17 من

دَابَّ لَفُوقَ لَا يَهُوِّلُنِي حَدَّ حَيْثُ رَانِي رَافِدٌ فِي جَسَدِي إِمَارَاتُ الرَّبِّ يَسُوعَ. 18 نَعْمَةُ رَبَّنَا يَسُوعُ الْمَسِيحُ
مَعَ رُوحِكُمْ، يَا الْخُوتَ. آمِينَ.

رسالة بولس الرسول لأهل أفسس

الفصل الأول

- 1 بولس رسول يسوع المسيح بإرادة الله للقدّيسين الّهي في أفسس والمؤمنين في المسيح يسوع 2
النعمة لكم والسلام من عند الله أبونا والربّ يسوع المسيح.
- 3 مبارك الله أبو ربّنا يسوع المسيح الّهي بارك فينا بكلّ بركة روحيّة في المواضع السماويّين في المسيح 4 كما اختارنا فيه قبل من خلوق الدنيا باش نكونوا قدّيسين وبلا لوم قدّامه في المحبّة 5 حيث هو عيّنا من قبل باش نكونوا أولاد لنفسه بيسوع المسيح على حسب جودة إرادته 6 لشكر مجد نعمته الّهي بها أنعم علينا في الحبيب 7 الّهي فيه عندنا الفداء بدمه غفران الذنوب على حسب غنى نعمته 8 الّهي كثرها لنا بزّاف بكلّ حكمة وفهامة 9 حيث عرفنا بسرّ إرادته على حسب جودته الّهي عولّ عليها في نفسه 10 لتدبير كمال الزمانات باش يجمع في المسيح كلّ شي الّهي في السماوات والّهي على الأرض فيه هو 11 الّهي فيه تاني هزنا واحد الورت واحنا معيّنين من قبل على حسب قصده هو الّهي كي عمل كلّ شي براي إرادته 12 باش نكونوا لشكر مجده احنا الّهي سبقنا واتكلنا على المسيح. 13 الّهي عليه أنتم تاني اتكلتوا مّنين سمعتوا كلام الحق إنجيل نجاكم الّهي فيه تاني مّنين امّنتوا انطبعتموا بالروح المّقاوّل القدّوس 14 الّهي هو عربون ورتنا لفداء الملك المشري لشكر مجده.
- 15 على داك شي أنا تاني حيث سمعت بإيمانكم بالربّ يسوع ومحبّتكم في جميع القدّيسين 16 ما كنفتّر شي من شكران الله عليكم كندكركم في صلواتي 17 باش إله ربّنا يسوع المسيح أبو المجد يعطيكم روح الحكمة والتبّيين في المعرفة دياه 18 عينين قلوبكم مضويّين باش تعرفوا اشنّهو رجا عرضته واشنّهو غنى مجد ورثته في القدّيسين 19 وتعرفوا اشنّهي كترّة عظمة قدرته لجهتنا احنا الّهي كنامنوا على حسب خدمة شدّة قوّته 20 الّهي عملها في المسيح مّنين قيّمه من الميّتين وجلسه على يمينه في المواضع السماويّين 21 فوق كلّ رياسة وكلّ سلطنة وكلّ قوّة وكلّ سيادة وكلّ اسم الّهي يتسمّى ماشي في هد الدنيا وكان لّاكن في هديك الّهي ماجية تاني 22 وطوّع كلّ شي تحت رجليه وجعله يكون الراس فوق كلّ شي للكنيسة 23 الّهي هي جسده وتعميره هو الّهي كي عمّر الكلّ في الكلّ.

الفصل الثاني

- 1 وأنتم مّنين كنتمو ميتين في الذنوب والمعصيات 2 الّهي تمشيتوا فيهم قبل على قاعدة هد الدنيا تابعين رايس القوّة د الهوا الروح الّهي خدام دابّ في أولاد المعصية 3 الّهي في وسطهم احنا مجموعين تاني

تصرّفنا فايت في شهاوي جسدنا عاملين خواطر الجسد والأفكار وكنا بالطبيعة أولاد الغضب كيف
الباقيين ثاني 4 الله الي هو غاني في الرحمة على سبب محبته الكثيرة الي حبنا بها 5 واحنا ميّتين في
الدنوب راه احيانا مع المسيح. بالنعمة راكم ناجيين. 6 وقيّمنا معه وجلّسنا معه في المواضع السماويين في
المسيح يسوع 7 باس يظهر في الزمانات المايجيين كثيرة غنى نعمته بلطفه علينا في المسيح يسوع. 8
حيث بالنعمة راكم ناجيين بالإيمان وداك شي ما هو شي منكم هو المعطى د الله. 9 ماشي بالأعمال
باش ما يفخم حد. 10 لأن احنا صنعته مخلوقين في المسيح يسوع باش نعملوا الأعمال الصالحين الي
سبق الله ووجدهم باش نتمشوا فيهم.

11 على داك شي تفكروا باين أنتم كنتوا فايت كنوس في الجسد المسميين بلا ختانة عند الي
كيتسمّوا الختانة المعمولة باليد في الجسد 12 تفكروا باين كنتوا في داك الوقت بلا المسيح برانيين من
رعيّة إسرائيل وغرباء عهود القول ما عندكم رجا وبلا الله في الدنيا. 13 ولاكن داب في المسيح يسوع
أنتم الي كنتوا قبل بعاد وليتوا قراب بدم المسيح. 14 لأته هو الصلح ديالنا الي جعلنا بجوج واحد وهدم
الحيط الوسطي الي فرقنا 15 يعني العداوة. كييطل في جسده شرع الوصايات الي في الفرياض وهكذا
عمل الصلح باش يخلق في نفسه من الزوج إنسان واحد جديد 16 وباش يصلح الزوج في جسد واحد مع
الله بالصليب قاتل العداوة به. 17 وجا وبشركم بالصلح أنتم الي بعاد والي قراب. 18 لأته به عندنا
بجوج الدخول لعند الأب في روح واحد. 19 على داك شي ما بقيتوا شي غربا وبرانيين لاكن أنتم رعيّة
مع القديسين وأهل دار الله 20 وأنتم مبنيين على الأساس د الرسل والأنبياء ويسوع المسيح بنفسه هو
حجرة القنت 21 الي فيه البني كلّه مركّب مع بعضه كيطلع واحد بيت المقدس مقدّس في الرب. 22
الي فيه أنتم ثاني مبنيين مع بعضكم واحد المسكن لله في الروح.

الفصل الثالث

1 على هد شي أنا بولس المسجون د المسيح يسوع على مسبتكم، يا الكنوس، 2 إذا كنتوا
سمعتوا بتدبير نعمة الله الي اتّعطت لي على مسبتكم، 3 باين هو بالتبيين عرفني بالسرّ، بحال ما
كتبت لكم قبل بالتقصير، 4 وبداك شي منين تقراواه تقدروا تعرفوا فهمي في سرّ المسيح. 5 الي في
الأجيال الآخرين ما عرف شي به الله أولاد بن ادم بحال ما بيّنه داب بالروح للرسل دياله القديسين
والأنبياء. 6 باين الكنوس راهم شركان في الورت والجسد ويشركوا في القول دياله في المسيح بالإنجيل. 7
الي له أنا وليت خدام على حسب المعطى د نعمة الله الي اتّعطت لي على حسب عمل قوته. ليلي أنا
الي اصغر من الصغير في جميع القديسين اتّعطت هد النعمة باش نبشّر بين الكنوس بغنى المسيح الي ما

ينعبر ولا يتقيس 9 ونضوي على الجميع باش يشوفوا اشنهي شركة السرّ الي كان مخبّع من أوّل الزمان في الله الي خلق كلّ شي بيسوع المسيح. 10 باش حكمة الله الي هي مختلفة تنعرف دابّ بواسطة الكنيسة عند الحكّام والصلّاطين في المواضع السماويين 11 على حسب القصد الدايم الي قصده في المسيح يسوع ربّنا. 12 الي به عندنا الشجاعة والدخول بإيمانه على سبب التيقّة. 13 على داك شي كنطلبكم ما تقنطوا شي بضيقاتي على مسبتكم الي هم عزّكم. 14 على هد شي كنتني ركّابي قدّام أبو ربّنا يسوع المسيح 15 الي منه تسمّات الأهلّة كلّها الي في السماوات والي على الأرض، 16 باش يعطيكم على حسب غنى مجده تتقوّوا بالقوّة بروحه في الإنسان الداخلي 17 باش يسكن المسيح في قلوبكم 18 وأنتم مجدّرين والمسلّسين في المحبّة باش تقدروا تفهموا مع جميع القديسين اشنهو العرض والطول والغرق والعلو 19 وتعرفوا محبّة المسيح الي فايّة المعرفة باش تكونوا معمرين حتّى لتعمير الله كلّهُ. 20 وهو الي قادر يعمل فوق كلّ شي اكثر بزّاف من الي كنطلبوا أو نظنّوا على حسب القوّة الي كتخدم فينا 21 له المجد في الكنيسة في المسيح يسوع لجميع الأجيال إلى الأبد. آمين.

الفصل الرابع

1 وعلى داك شي كنطلبكم أنا المسجون في الربّ باش تتمشّوا كما يليق بالعرضة الي انعرضتوا بها. 2 بكلّ صگران الراس تمسكينة وبطولان الصبر متحمّلين بعضكم بعض في المحبّة. 3 عاملين جهدكم تحفظوا وحدانيّة الروح في رباط السلام. 4 جسد واحد كاين وروح واحد بحال ما انعرضتوا تاني في رجا عرضتكم الي هو واحد. 5 ربّ واحد، إيمان واحد، معمودية واحدة 6 إله وأبو واحد للجميع الي على الجميع ومع الجميع وفي جميعكم. 7 ولاكن لكلّ واحد منّا اتّعطت النعمة على حسب قياس المعطى د المسيح. 8 على داك شي كيقول: منين طلع للعلو يسرّ ميسرين وأعطى المعطى للناس. 9 وأمّا أنّه طلع اشنهو من غير أنّه نزل نيت في الأوّل حتّى لأقسام الأرض السفليين. 10 الي نزل هو هداك الي طلع نيت فوق جميع السماوات باش يعمر كلّ شي. 11 وهو أعطى البعض باش يكونوا رُسُل والبعض يكونوا أنبياء والبعض يكونوا مبشّرين والبعض يكونوا رعيان ومعلّمين 12 على مسبّة تكميل القديسين ولعملان الخدمة لبنيان جسد المسيح 13 حتّى نوصلوا مجموعين لوحداينة الإيمان ومعرفة ابن الله. لواحد الإنسان كامل. لقياس قامة تعمير المسيح. 14 باش ما نكونوا شي من دابّ لفوق أطفال مزعزعين ومحمولين بالريح د كلّ تعليم بحيلة بن ادم بالخديعة الي كتدّي لمصيصة التلاف. 15 لاكن صادقين في المحبّة نكبّروا في كلّ شي في هداك الي هو الراس يعني المسيح 16 الي

منهُ الجسد كُلُّه مركَّب مع بعضُهُ ومتقارن بمعاونة كلِّ مفصل على حسب الشغل على قياس كلِّ طرف كيخدم زيادة الجسد لبنائهُ في المحبَّة.

17 ونقول هد شي ونشهد في الربِّ باين ما تزيدوا شي تتمشَّوا اكر بحال ما كيتمشَّوا الآخرين من الكُنُوس تاني في خوى عقلهم 18 حيث تخميمهم مظلم ومبغدين على حياة الله على سبب الجهل الي فيهم على سبب عميَّة قلوبهم. 19 وهم من حيث ما بقاوا يحسَّوا بشي، سلِّموا روسهم للفساد باش يعملوا كلَّ نجاسة في قوَّة الشهوة. 20 وأمَّا أنتم ما تعلِّمتموا شي المسيح هكدا 21 إذا كنتوا سمعتموه وتعلِّمتموا فيه كما هو الحقَّ في يسوع 22 باين تحيِّدوا عليكم من جهة التصرّف السابق الإنسان القديم الي هو فاسد بشهاوي الغرور 23 وتتجدّدوا في روح عقلكم 24 وتلبسوا الإنسان الجديد الي هو مخلوق في صورة الله في التقوى والقداسة د الحقَّ.

25 وعلى داك شي حيِّدوا عليكم الكدوب وتكلِّموا الصدق كلِّ واحد مع جاره. على حق اش احنا بعضنا أطراف البعض. 26 اغضبوا ولا تدنّبوا شي. لا تخلِّوا شي الشمس تغرب على تقليقكم 27 ولا تعطوا شي موضع لإبليس. 28 السارق لا يعاود شي يسرق لآكن يتعب خدام بيديه داك شي الي يصلح باش يكون عنده ما يعطي للي محتاج. 29 لا تخلِّوا شي كلمة قبيحة تخرج من فوامكم لآكن كلِّموا بكلِّ شي الي يصلح للبنيان على حسب الي خصّ باش تكون البركة للي كيسمعوا. 30 ولا تغيِّروا شي روح الله القدّوس الي به انطبعتموا ليوم الفداء. 31 تتحيّد عليكم كلِّ مرورة وسخط وغضب وغوات وشتم مع الخبت كُلُّه 32 وكونوا لطاف بعضكم بعض حنان متسامحين بحال ما سامحكم الله نيت في المسيح.

الفصل الخامس

1 وكونوا متمثّلين بالله كيف الأولاد العزاز 2 وتمشَّوا في المحبَّة بحال ما حبَّنا المسيح نيت وأعطى نفسه علينا قربان ودبيحة لله واحد الريحة طيبة 3 وأمَّا الزنا وكلَّ نجاسة أو طمع لا يتسمَّوا شي بينكم كما يليق بالقدّيسين 4 ولا القباحة ولا كلام السفاهة والملاغة الي ما يليقوا شي لآكن في عوض داك شي الشكر. 5 على حق اش كتعرفوا بالصحّ باين كلِّ زاني أو منجوس أو طمّاع، الي هو عابد الاصنام، ما عنده ورت في ملاكة المسيح والله. 6 لا يغركم حدّ بالكلام الخاوي على حق اش بسبب هدو الأمور يجي غضب الله على أولاد المعصية. 7 لا تكونوا شي شركانهم. 8 على حق اش كنتوا قبل ظلام وأمّا دابّ راكم ضوُّ في الربِّ. تمشَّوا بحال أولاد الضوِّ. 9 وغلَّة الروح هي في جميع الملاحاة والتقوى والحقّ. 10 وتجربوا ما هو مرضي عند الربِّ 11 ولا تشاركوا شي في أعمال الظلام الي

ما فيهم غلة لآكن افضحوهم 12 من حيث الامور الّتي كييعملوا بالتخبيعة حتّى دكرانهم حشومة. 13 لآكن كلّ شي مّنين ينفضح يتظّهّر بالضوّ. حيث كلّ شي الّتي تظّهّر هو ضوّ. 14 على داك شي كييقول فقّ، يا الّتي ناعس، وقمّ من الميّتين ويضوّي عليك المسيح.

15 عليها شوفوا كيف تتمشّأوا بالتدقيق ماشي كيف الحمّاق لآكن الناس الّتي بعقولهم 16 وتفديوا الوقت حيث الايّام راها قبيحة. 17 على داك شي لا تكونوا شي بلا عقل لآكن كونوا فاهمين اشنّهو خاطر الربّ. 18 ولا تسكروا شي بالخمّر الّتي فيه الفساد لآكن تعمّروا بالروح 19 وتكلموا مع بعضكم بالمزامير والتهلّيلات والغنّيات الروحيات مترنّمين وتهلّلين في قلوبكم للربّ. 20 اشكروا الله والأب في كلّ وقت على كلّ شي باسم ربّنا يسوع المسيح. 21 طايعين بعضكم بعض في خوف الله. 22 يا النسا، طيعوا لرجالكم كما الربّ. 23 على حقّ اش الرجل هو راس المرأة بحال ما هو المسيح تاني راس الكنيسة. وهو منجّي الجسد. 24 ولاكن بحال ما كتطيع الكنيسة للمسيح كدالك النسا يحتاجوا يطيعوا لرجالهم في كلّ شي. 25 يا الرجال، حبّوا نساكم بحال ما حبّ المسيح تاني الكنيسة وأعطى نفسه عليها 26 باش يقدّسها مطهّرها بغسيل الما بكلامه 27 باش يحضّرها لراسه كنيسة مجيدة، ما فيها لا وسخ ولا تكميشة ولا حتّى حاجة الّتي بحال داك شي لآكن تكون مقدّسة وبلا عيب. 28 كذلك واجب على الرجال يحبّوا نساكم بحال أجسادهم. الّتي حبّ امرائته راه كيحبّ راسه. 29 وبالحقّ عمر شي حدّ ما بغض جسده لآكن كيقوّته وكيتهلّي فيه بحال ما كييعمل الربّ تاني في الكنيسة. 30 على حقّ اش احنا اطراف جسده من لحمه ومن عظامه. 31 على داك شي يترك الرجل ابوه وأمه ويلصق في امرائته ويكونوا الزوج جسد واحد. 32 هدا واحد سرّ عظيم ولاكن أنا كنهدر على المسيح والكنيسة. 33 وأمّا أنتم يحتاج كلّ واحد فيكم يحبّ امرائته هكدا بحال نفسه وأمّا المرأة تحتاج تهيب رجلها.

الفصل السادس

1 يا الأولاد، طيعوا لوالديكم في الربّ حيث هدا حقّ. 2 وقرّ أبوك وأمّك. هدي هي الوصاية الأولى الّتي معها القول. 3 باش يكون لكم الخير ويكون عمركم طويل على الأرض. 4 وأنتم، يا البوّات، لا تقلّقوا شي أولادكم لآكن ربّيوهم بتأديب الربّ والتنبيه ديالّه. 5 يا العبيد، طيعوا لأسيادكم من جهة الجسد الخوف والرعدة بصفافوة قلوبكم كما للمسيح. 6 ماشي بخدمة العين بحال واحد الّتي يعجب الناس لآكن بحال عبيد المسيح عاملين خاطر الله من القلب 7 خدامين بالنيّة الصافية كما للربّ ماشي للناس، 8 عارفين باين داك شي الّتي عمل كلّ واحد من الخير راه يحوزّه من عند الربّ كان عبد أو

حرّ. 9 وأنتم أسيادهم، اعملوا لهم هدو الأمور نيت واتركوا التهديد عارفين باين سيدهم وسيدكم راه في السماوات وما عنده شي الوجهيات.

10 ودابّ يا خوتي، تتقوّاوا في الربّ وفي شدّة قوّته. 11 البسوا سناح الله كلّه باش تقدروا تتبتوا ضدّ في حيلات إبليس. 12 على حق اش ما كنتصارعوا شي مع الدم واللحم لآكن مع الرّياس مع السلاطين مع حكّام الظلام د هد الدنيا مع المحالّ د القباحة الروحيين الّلي هم في المواضع السماويين. 13 على داك شي رقدوا سناح الله كلّه باش تقدروا تدافعوا في النهار القبيح وباش من مورا ما تكملّوا كلّ شي تتبتوا. 14 على داك شي اتبتوا محزّمين نصاصكم بالحقّ ولا بسين صدرية التقوى 15 ومسبّطين رجليكم موجودين بالإنجيل د السلام. 16 رافدين فوق كلّ شي درقة الإيمان الّلي بها تقدروا تطفيوا جميع النشاشب المشعولين دالقبّيح. 17 واخدوا درقة النجا للرأس والسيف د الروح الّلي هو كلام الله. 18 وصلّوا بكلّ صلاة وكلّ طلب ديما في الروح فايقين لهد شي بكلّ مداومة وكلّ طلب على مسبّة جميع القدّيسين 19 وعلى مسبّتي أنا باش ينعطى لي الكلام حين نفتح فمّي باش نعلم بالشجاعة بسرّ الإنجيل. 20 الّلي على مسبّته أنا واحد الرسول في السناسل. باش نتكلّم به بالشجاعة كما واجب عليّ نتكلّم.

21 ولاكن باش تعرفوا أنتم تاني حالتي وأش كنعمل، يعرفكم بكلّ شي تيخيكس الخو الحبيب والخدّام الصادق في الربّ. 22 سيفطّته لعندكم على سبب هد شي نيت باش تعرفوا أمورنا وباش يسلي قلوبكم.

23 السلام على الخوت والمحبة مع الإيمان من عند الله الأب والربّ يسوع المسيح. 24 النعمة تكون مع جميع الّلي كبحبّوا ربّنا يسوع المسيح بالمحبة الصافية. آمين

راسلة بولس الرسول لاهل فيلبّي

الفصل الأوّل

- 1 بولس وتيموثاوس ، عبّيد يسوع المسيح لجميع القديسين في المسيح يسوع اليّ في فيلبّي مع النظار والوقافة. 2 النعمة لكم والسلام من عند الله ابونا والربّ يسوع المسيح.
- 3 فوقاش ما تفكرتكم كنشكر إلهي 4 ديما في جميع صلاواتي كنطلب على قبلكم كلّكم بالفرحة
- 5 على سبب شركتكم في الإنجيل من النهار الأوّل حتى لدابّ 6 ميّقن بهد شي نيت باين اليّ بدا يخدم فيكم واحد الخدمة صالحة يكملها حتى ليوم يسوع المسيح. 7 بحال ما هو الحق عليّ ننوي هد شي فيكم كلّكم على حق اش أنا حافظكم في قلبي في الرباط دياي وفي المحامية على الإنجيل وتتبيته انتم اليّ مجموعين شركاني في النعمة. 8 والله هو الشاهد عليّ كيف كنشقاكم كلّكم في المحبة د يسوع المسيح. 9 وهد شي كنطلبه باين تزيد محبتكم تاني اكثر واكثر في المعرفة وفي كلّ فهمامة 10 باش تميزوا الأمور المختلفين باش تكونوا صافيين وبلا عثرة حتى ليوم المسيح 11 معمرين بغلات التقوى اليّ هم بيسوع المسيح لمجد الله وحمده.
- 12 كنحبكم تعرفوا، يا الخوت باين الأمور دياي خرجوا اكثر لزيادة الإنجيل، 13 حتى ولّاوا القيود دياي في المسيح ظاهرين في دار المخزن كلها وفي جميع المواضع الآخرين، 14 وكثرة الخوت في الربّ حيث تشجّعوا بالقيود دياي كيزعموا اكثر باش يتكلّموا بالكلام بلا خوف. 15 لائن شي ناس من الحسد والخصام كيبيشروا بالمسيح واما شي آخريين بالفرحة. 16 هدو من الخصام كيبرّحوا بالمسيح ماشي بالنية ظانّين يزيّدوا الضيق على القيود دياي، 17 وهدوك من المحبة عارفين باين أنا مكلف بالمحامية على الإنجيل. 18 وكيفاش؟ غير أنّه على كلّ حال، كان بالغش أو بالحق المسيح كيبرّحوا به وبهد شي أنا كنفرح، ايّه، وما زال نفرح تاني 19 على حق اش أنا كنعرف باين هد شي يخرج لي منه النجا بطلبتكم ومعاونة روح يسوع المسيح 20 على حسب التيقّة دياي ورجايّ باين ما نتخزى حتى في شي لائن بكل شجاعة بحال في كلّ وقت كدالك دابّ يتعظّم المسيح في جسدي إمّا بالحياة إمّا بالموت. 21 على حق اش عندي أنا الحياة هي المسيح والموت هي ربح، 22 ولاكن إذا الحياة في الجسد هي اليّ تكون لي غلة خدمتي ما كنعرف شي اش نختار، 23 راني محصور من جهتيين، اشتيهيت ننتلق ونكون مع المسيح، داك شي أفضل بزّاف. 24 ولاكن على مسبتكم لازم نبقي في الجسد. 25 وحيث أنا ميّقن بهد شي، كنعرف باين نجلس ونبقي معكم مجموعين على سبب زيادتكم وفرحتكم في الإيمان 26 باش يزيّد فخمكم بالمسيح يسوع فيّ بحضوري تاني معكم.

27 عيشوا وكان كما يليق بإنجيل المسيح حتى إذا جيت وشفقتكم أو كنت غايب نسمع بأموركم باين تابيتين في روح واحدة كتجاهدوا بنفس واحدة على إيمان الإنجيل 28 وبلا خوف حتى من شي من المعارضين اليّ لهم بيّنه للهلاك وأمّا لكم بيّنه للنجا وهو من الله، 29 على حق اش انعطى لكم على مسبّة المسيح ماشي باين تآمنوا به وكان، لآكن تاني باين تتعدّبوا على سببه، 30 من حيث عندكم داك الاجتهاد بنفسه اليّ شفتوه فيّ ودابّ كتسمعوا باين راه فيّ.

الفصل الثاني

1 إذا كانت شي نصيحة في المسيح وادا كانت شي راحة في المحبّة وادا كانت شي شركة في الروح وادا كانت شي كبدة وشي محنة، 2 كمّلوا فرحتي باش تكونوا في راي واحد وفيكم محبة واحدة بنفس واحدة ناويين حاجة واحدة، 3 ما يكون حتى شي بالخصومة أو بالكبر لآكن بصغرّان الراس، كل واحد يحسب الآخرين أفضل من نفسه. 4 لا تشوفوا شي كل واحد في اليّ هو ديال راسه لآكن كل واحد يشوف تاني في اليّ هو ديال الآخرين. 5 ولازم يكون فيكم هد العقل اليّ كان في المسيح يسوع تاني، 6 اليّ كان في صورة الله لآكن ما حسبه شي غنيمة باين يكون متقادّ مع الله 7 ولاكن خوى نفسه وخدا صورة العبد ورجع في سبيهة الناس، 8 وحيث ظهر في الصفة كيف بن آدم، حنى نفسه وطاع حتى للموت، موت الصليب. 8 على داك شي رفعه الله تاني واعطاه واحد الاسم فوق كل اسم، 10 باش تركع باسم يسوع كل ركبة اليّ في السما واليّ على الأرض واليّ تحت الأرض، 11 ويستقرّ كل لسان باين يسوع المسيح هو الربّ لمجد الله الاب.

12 على داك شي، يا العزاز، بحال ما طعتوا في كل وقت ماشي بحال مّنين كنت حاضر وكان، لآكن دابّ اكتر بزّاف في غيبتي، كمّلوا نجاكم بالخوف والرعدة، 13 على حق اش الله هو اليّ كيّجعل فيكم باش تبغيوا وباش تعملوا على سبب جودة إرادته، 14 اعملوا كل شي بلا تجمّجيم وبلا مجادلة 15 باش تكونوا بلا لوم وصافيين، أولاد الله بلا عيب في وسط واحد الجيل معوّج ومعكّس وتضوّيوا في وسطهم بحال الضواوي في الدنيا 16 شادّين في كلام الحياة باش نفخم في يوم المسيح باين ما جريت شي باطل ولا تعبت باطل. 17 ولاكن إذا كنت انكبّيت تاني على دبيحة إيمانكم وخدمته كننشط ونفرح معكم كلّكم. 18 وبهد شي نيت كونوا انتم تاني ناشطين وافرحوا معي.

19 لآكن كنرجا في الربّ يسوع باين نرسل لعندكم في قريب تيموثاوس باش تفرح نفسي مّنين نعرف حالتكم. 20 على حق اش ما عندي حدّ آخر معي اليّ بحال نفسي اليّ يتهلّى في أموركم بالنّيّة، 21 من حيث الجميع كيفتسوا على أمور أنفسهم، ماشي على أمور يسوع المسيح. 22 وأمّا خبره انتم

كتعرفوه باين بحال الولد مع ابوه خدم معي على مسبة الإنجيل. 23 هذا كنرجا نسيفته في الحين، أول ما نشوف كيف يخرجوا أموري. 24 وكنتيق بالرّب باين أنا تاني نجى لعندكم دغيا، 25 ولاكن حسب لي واجب نسيفت لكم أبفرودتس، اخي الخدام معي ورفيقي في الحرب د الإيمان ورقاصكم والخدام لحاجتي، 26 حيث كان مشتاق فيكم كلّم ومغيّر من حيث سمعتوا باين كان مريض، 27 وبالحق كان مريض على حال يموت لآكن الله رحمه وماشي غير هو وحده، لآكن أنا تاني ربّا يكون لي الحزن على الحزن. 28 وسيفطه لكم بالزربة آكثر باش منين تشوفوه تفرحوا تاني ويخفّ عليّ الحزن. 29 اقبلوه في الربّ بكلّ فرحة ويكون اليّ بحال هذا مكروم عندكم، 30 على حق اش في جرة شغل المسيح كان قريب للموت ساخي بنفسه باش يوفي نقصان خدمتكم لي.

الفصل الثالث

1 ودابّ، يا خوتي، افرحوا في الربّ، باش نكتب لكم هدو الأمور ما هو شي تقيل عليّ وأما لكم هد شي أمان. 2 كونوا على بال من الكلاب. كونوا على بال من فاعلين الشرّ. كونوا على بال من أهل القطع. 3 على حق اش اخنا هم أهل الختانة اليّ كنعبدوا الله بالروح وكنفخمو بالمسيح يسوع وما كنتكلوا شي على الجسد، 4 بعدما عندي باش نتكلّ على الجسد تاني، إذا ظنّ شي حدّ آخر باين يتكلّ على الجسد، أنا آكثر: 5 من جهة الختانة مختّن في النهار التامن، من الجنس د إسرائيل، من قبيلة بنيامين، عبراني من العبرانيين، من جهة الشرع فريسي، 6 من جهة الغيرة كنت كنمرمد الكنيسة، من جهة التقوى اليّ بالشرع بلا لوم. 7 لآكن داك شي اليّ كان لي ربح هو اليّ حسبته خسارة على مسبة المسيح. 8 وكنحسب كل شي تاني خسارة على سبب فضل معرفة المسيح يسوع ربّي اليّ على مسبته خسرت كل شي وراني كنحسب داك شي كلّ وسخ باش نربح المسيح 9 وننصاب فيه ماشي بالتقوى ديالي اليّ هي بالشرع، لآكن اليّ هي بالإيمان د المسيح التقوى اليّ عند الله بالإيمان، 10 باش نعرفه هو وقوة قيامته وشركة عداؤه متشبه بموته، 11 باش على كل حال نلحق للقيامة من الميتين. 12 ماشي باين دركت أو وليت كامل ولاكن كنجري باش ندرك داك شي علاش شدّ فيّ تاني المسيح يسوع. 13 يا الخوت، أنا ما كنحسب شي نفسي باين راني دركت، ولاكن حاجة واحدة كنعملها، كننسى داك شي اليّ وراي وكنزيد لداك شي اليّ قدامي 14 كنجري قاصد للغرض على الربح د عرضة الله العالية في المسيح يسوع. 15 ولازم يخمّموا هكدا جميع اليّ هم كاملين فينا وادا خمّمّوا شي حاجة مخالفة لهد شي، الله راه يبيّن لكم هد شي نيت. 16 وأما داك شي اليّ دركناه بعدّ، نتمشاوا فيه بحسب داك القانون بنفسه ونكونوا في داك العقل نيت.

17 كونوا متمثلين بيّ مجموعين، يا الخوت، وردّوا بالكم مع هدوك الّي كيمشيوا هكدا كما احنا عندكم مثال. 18 على حق اش بزّاف كيمشيوا، على مَن تكلمت معكم بزّاف د المرّات، ودابّ كندكرهم تاني بالبكا باين هم عديان صليب المسيح 19 الّي تاليتهم الهليكة، الّي إلههم هو كرشهم ومجدهم في خزيمهم الّي بالهم معه الأمور الأرضيين. 20 على حق اش سيرتنا احنا هي في السماوات الّي منهم تاني كنتسأوا المنجّي الربّ يسوع المسيح 21 الّي ماشي يبدّل شكل جسد دلّتنا باش يكون في صورة جسد مجده على حسب عمل قدرته الّي بها يقدر يطوّع كل شي لنفسه.

الفصل الرابع

- 1 على داك شي، يا خوتي العزاز، الّي كنتوحشكم، يا فرحي والتاج دياي، اتبتوا هكدا في الربّ، يا العزاز.
- 2 كنطلب أفودية وكنطلب سنتيخي باين يكونوا براي واحد في الربّ. 3 نعم، كنرغبك أنت تاني، يا شريكي الصادق، عاون دوك الزوج د النسا الّي تعبوا معي في الإنجيل مع أكليمنّس تاني والآخرين الّي خدموا معي الّي اسمياتهم في كتاب الحياة.
- 4 افرحوا في الربّ في كل وقت ونعاود نقول، افرحوا. 5 لازم يكون صبركم معروف عند جميع الناس، الربّ قريب. 6 لا ترفدوا شي الهمّ حتى لشي لاكم في كل شي بالصلاة والطلب مع الشكر، عرّفوا بطلباتكم قدّام الله، 7 وسلام الله الّي فايث كل عقل يحفظ قلوبكم وبالكم في المسيح يسوع.
- 8 ودابّ، يا الخوت، كل ما هو حق، كل ما هو جليل، كل ما هو عادل، كل ما هو طاهر، كل ما هو مزيان، كل ما هو خبره مليح، إدا كانت شي فضليّة وادا كان شي شكر، خمّموا في هدو الأمور. 9 والّي تعلّمته وقبلته وسمعتوه وشفته فيّ، اعملوه وإله السلام يكون معكم.
- 10 راني فرحت بزّاف بالربّ من حيث دابّ التهليّة دياكم فيّ أحييت تاني مرّة أخرى الّي كنتوا تفكرتوها ولاكن ما كانت عندكم وجبة. 11 ماشي باين كنتكلم من جهة الاحتياج، حيث أنا تعلّمت نقنع بالحالة الّي أنا فيها، 12 كنعرف كيف نكون ذليل وكنعرف تاني كيف نكون في الخير، في كل شي وفي جميع الأمور، راني تعلّمت نشبع ونجوع، نكون في الخير ونكون مخصوص. 13 نقدّ على كل شي بالمسيح الّي كيقويني. 14 ولاكن عملتوا مليح حين شركتوا في ضيقي. 15 وانتم كتعرفوا، يا الفيلبّيين، باين في بدو الإنجيل مّنين خرجت من مكّدونية ما شركت معي حتى كنيسة في القبض والعطا من غير انتم وحدكم، 16 على حق اش انتم حتى في تسالونيكي ارسلتوا مرّتين لاحتياجي، 17 ماشي باين كنفتش على المعطى لاكم كنبغي الغلّة الّي تكثر لحسابكم. 18 ولاكن راني توصّلت بكل

شي واتكفيت. راني تعمّرت حيت قبضت من أبفروديتس داك شي الي سيفطتوا واحد النسيم، ريحة طيبة، دبيحة مقبولة مرضية عند الله. 19 ويرزقكم إلهي بكل ما خصكم على حسب الغنى دياه في المجد في المسيح يسوع. 20 ولله وابونا المجد على الدوام ديما. آمين.

21 سلّموا على كل القديسين في المسيح يسوع. كيسلّموا عليكم الخوت الي معي. 22 كيسلّموا عليكم جميع القديسين ولا سيّما الي هم من دار قيصر. 23 نعمة ربنا يسوع المسيح معكم كلّكم. آمين.

رسالة بولس الرسول لأهل كولوسي

الفصل الأوّل

1 بولس رسول يسوع المسيح بإرادة الله. مع تيموثاوس الخو. 2 للقديسين اليّ في كولوسي

والخوت المومنين في المسيح، النعمة لكم والسلام من عند الله أبونا والربّ يسوع المسيح.

3 كنشكروا الله وأبو ربّنا يسوع المسيح ديمًا وكنصليّوا من جهتكم. 4 من حيث سمعنا بإيمانكم

بالمسيح يسوع ومحبتكم في جميع القديسين 5 على سبب الرجاء اليّ متبّت لكم في السموات اليّ سمعتوا

به قبل في كلام الحقّ د الإنجيل 6 اليّ وصل لعندكم بحال ما وصل ثاني للدنيا كلّها وكيجيب الغلّة

بحال ما كيجيب فيكم ثاني من النهار اليّ سمعتوا وعرفتوا نعمة الله بالتحقيق 7 كما تخبرتوا ثاني من

أبفراس العبد الحبيب معنا اليّ هو خدام صادق ديال المسيح على مسبتكم 8 اليّ ثاني خبرنا بمحبتكم

في الروح.

9 على داك شي احنا ثاني من النهار اليّ سمعنا به ما فترنا شي من الصلاة طالبين على مسبتكم باش

تتعمروا بمعرفة إرادته في كلّ حكمة وفهامة روحية 10 باش تتمسّوا بحال ما يليق بالربّ في كلّ رضى

جايبين الغلّة في كلّ عمل الصالح وزايدين في معرفة الله 11 متقويين بكلّ قوّة على حسب قدرة مجده

لكلّ صبر والمهل بالفرحة 12 معطيّين الحمد للأب اليّ جعلنا نليقوا لشركة ميراث القديسين في النور

13 اليّ فكنا من القوّة دالظلام ونقلنا لملاكة ولد محبته 14 اليّ عندنا فيه الفدا بدمه، غفران الذنوب.

15 وهو صورة الله اليّ ما كينشاف شي البكر د كلّ خليقة. 16 على حق اش به خلق كلّ شي اليّ في

السموات واليّ على الأرض اليّ كينشاف واليّ ما كينشاف شي، كان كراسي أو حكومات أو رياسات أو

قوّات. كلّ شي به وله خلق، 17 اليّ هو قبل من كلّ شي وبه كلّ شي قايم، 18 وهو راس الجسد

الكنيسة. اليّ هو البدو والبكر من الميتين باش يكون هو المفضّل على كلّ شي. 19 لأنّه فرح باين فيه

يسكن كلّ تعمير. 20 ويصالح به كل شي لنفسه عامل الصلح بدم صليبه بواسطته كان اليّ على الأرض

أو اليّ في السموات. 21 وأنتم اليّ كنتوا قبل برّانيين وعديان في عقولكم بالأعمال القباح راه صالحكم

داب 22 في داته البشرية بالموت باش يحضركم قديسين وصافيين وبلا لوم قدامه، 23 إذا تبتّوا على

الإيمان ملسسين وتابتين وما تتحولوا شي على رجا الإنجيل اليّ سمعتوه وتبشّروا به كلّ العباد تحت

السماء اليّ وليت أنا بولس واحد الخدام له 24 اليّ داب كنفرج في العذاب ديالي على مسبتكم ونكمّل

ما خصّ من شدايد المسيح في داتي على مسبة جسده اليّ هو الكنيسة 25 اليّ لها وليت خدام على

حسب تدبير الله المعطي لي على مسبتكم باش نوّفي كلام الله 26 السرّ المخفي من القديم ومن الأجيال

ولكن دابّ تظهر للقديسين دياه 27 الي بغى الله يعرفهم بما هو غنى المجد د هد السر بين الكنوس الي هو المسيح فيكم الرجاء د المجد 28 الي به كنشروا وكنهيو كل انسان وكنعلموا كل انسان بكل حكمة باش نحضروا كل انسان كامل في المسيح يسوع 29 الغرض علاش كنتعب تاني وكنجاهد على حسب خدمته الي كتخدم في بالقوة.

الفصل الثاني

1 على حق اش كنبيعكم تعرفوا اش من اجتهد عندى على مسبتكم وعلى مسبة الي هم في لاوديكية وجميع الي ما شافوا شي وجهي في الجسد 2 باش يتسلوا قلوبهم مزديين في المحبة لكل قوة يقين الفهامة لمعرفة سر الله الأب والمسيح 3 المخزون فيه جميع الكنوز د الحكمة والعلم. 4 وبالحق كنقول هد شي باش ما يخدمكم حد بالكلام الي كيغوي. 5 على حق اش وخي كنت غايب بالجسد أنا معكم بالروح فرحان وراقب على ترتيبكم وتبوت إيمانكم في المسيح. 6 وبحال ما قبلتوا المسيح يسوع الرب هكدا تمشاوا فيه 7 متجدرين ومبنيين فيه ومتبوتين في الإيمان كما تعلمتوا ومتزايدين فيه بالحمد. 8 كونوا على بال عندكم يغنمكم شي حد بالفلسفة وبالغرور الخاويين على حسب حديث بن ادم على حسب قواعد الدنيا ماشي على حسب المسيح. 9 على حق اش فيه ساكن التعمير د الألوهية كله في الجسد. 10 وفيه أنتم معمرين الي هو الراس د كل رياضة وقوة. 11 وفيه أنتم تاني مختنين بالختانة د المسيح بتحييد دات الذنوب الجسديين بالختانة الي ما هي شي معمولة باليد. 12 مدفونين معه في المعمودية الي فيها قمتوا تاني معه بالإيمان د خدمة الله الي قيمه من الميتين. 13 وأنتم مبنين كنتوا ميتين في الذنوب وتخليّة الختانة د جسدكم أحياكم معه حيث غفر لكم جميع دنوبكم. 14 ومحا الرسم الي كان علينا في الفرياض الي كان ضدّ لنا وحيدّه من الطريق وسمّره للصليب. 15 ومن حيث عرى الحكومات والسلطين، شهرهم غالب عليهم فيه.

16 على داك شي لا يحكم عليكم حد في الماكلة أو الشرب أو من جهة شي عيد أو شهر أو سبت 17 الي هم خيال الأمور المايجيين وأما الصح هو د المسيح. 18 لا تخلّوا حد يخسر لكم أجركم بصغر الراس د النفاق والعبادة د الملائكة، متداخل في الأمور الي ما شافهم شي منفوخ بالخوى من قبل عقله الجسدي 19 وما قابض شي في الراس الي منه الجسد كله بالمفاصل والرباط مقيوم في كل شي ومزدي كيزيد بالزيادة من الله.

20 على داك شي إذا كنتوا متوا مع المسيح لقواعد الدنيا، علاش بحال راكم عايشين في الدنيا كينفرضوا عليكم الفرياض؟ 21 لا تمسّ ولا تدوق ولا تقلّب بيدك. 22 الي يفناوا كلهم في تخديمهم.

على حسب الوصايات والتعليمات د الناس. 23 اليّ فيهم الرشم د الحكمة بالعبادة الزائدة والتواضع والتفرط في الجسد ولاكن ما فيهم حتّى فايدة باش يبطلوا إشباع الشهواي الجسديين.

الفصل الثالث

1 وإذا كنتوا قمتوا مع المسيح، فتشوا على الأمور اليّ هم فوق فاين راه كالس المسيح على يمين الله. 2 اعملوا بالكم مع الأمور اليّ هم فوق، ماشي مع الأمور اليّ على الأرض. 3 على حق اش راكم متّوا وحياتكم مستورة مع المسيح في الله. 4 منين يظهر المسيح اليّ هو حياتنا ديك الساعة تظهروا انتم تاني معه في المجد.

5 على داك شي اعملوا اطرافكم اليّ على الأرض يموتوا: الزنا، النجاسة، الهوى، الشهوة القبيحة، الطمع اليّ هو عبادة الأصنام، 6 الأمور اليّ على مسبتهم كينزل غضب الله على أولاد المعصية، 7 اليّ بينهم أنتم تاني تمشيتوا قبل منين كنتوا كتعيشوا فيهم. 8 واما داب ارميوا عليكم تاني هد شي كلّ: الغضب، السخط، الخبت، الكفر والكلام القبيح من فوامكم. 9 ولا يكذب واحد على الآخر من حيث راكم حيدتوا الإنسان القديم بأعماله 10 ولبستوا الإنسان الجديد اليّ كيتجدد في المعرفة على حسب صورة خالقه، 11 فاين ما كاين يوناني ويهودي، ختانة وتخليّة الختانة، بربري سكيّتي، عبد وحرّ، لاكن المسيح هو الكلّ وفي الكلّ.

12 والبسوا كيف المختورين د الله القديسين المحبوبين الجوف د الرحمة واللفظ وصغران الراس والتمسكين وطولان الصبر 13 متحاملين مع بعضكم ومتسامحين مع بعضكم، إذا كان شي حد عنده شي شكوى على حد. كما غفر لكم المسيح هكذا اغفروا أنتم تاني. 14 وفوق هد شي كلّ البسوا المحبة اليّ هي رباط الكمال 15 ويحكم في قلوبكم سلام الله اليّ له انعرضتوا في دات واحدة. وكونوا معمرين بالحمد 16 ويسكن فيكم كلام المسيح بالوفاء وأنتم بكلّ حكمة علّموا ونبّهوا بعضكم بعض بالمزامير والتسابيح والغنايات الروحانيات وتهلّلوا بالنعمة في قلوبكم للرب. 17 وكلّ ما تعملوا بالقول أو بالفعل اعملوه باسم الرب يسوع حامدين الله والأب به. يا النسا، طيعوا لرجالكم بحال ما يليق في الرب. 19 يا الرجال حبّوا نساكم ولا تكونوا شي قاسحين معهم. 20 يا الأولاد، طيعوا لوالديكم في كلّ شي على حق اش هد شي مرضي عند الرب. 21 يا البوات، لا تقلّقوا شي أولادكم باش ما يقنطوا شي. 22 يا العبيد طيعوا في كلّ شي لأسيادكم من جهة الجسد، ماشي بخدمة العين بحال واحد اليّ كيرضي الناس لاكن بصفاوة القلب خايفين الرب. 23 وكلّ ما تعملوا اعملوه من القلب كما للرب ماشي

للناس 24 عارفين باين من الربّ تاخذوا أجر الميراث. على حق اش كتخدموا الربّ المسيح. 25 ولاكن الظالم ماشي يتخلص على الظلم دياه وما كاين وجهيات .

الفصل الرابع

1 يا الأسياذ اعملوا مع العبيد العدل والمساوية عارفين باين أنتم تاني عندكم واحد السيّد في السموات.

2 داوموا على الصلاة ساهرين فيها بالحمد 3 وصلّوا من ههتنا احنا نيت باش يفتح لنا الربّ واحد الباب للكلام باش نتكلّموا بسرّ المسيح الّلي من قبله أنا تاني مقبوض 4 باش نظهره كما واجب على نتكلّم. 5 تمشّوا بالعقل مع هدوك الّلي على برّا وافديوا الوقت. 6 باش يكون كلامكم في كلّ وقت بالنعمة مصلوح بالملح باش تعرفوا كيف واجب عليكم تجاوبوا كلّ واحد.

7 جميع الأمور دياي ماشي يعرفكم بهم تيخيكس الخو الحبيب والخدام الصادق والعبد معنا في الربّ 8 الّلي سيفطته لعندكم على هد شي نيت باش يعرف أموركم ويسلّي قلوبكم 9 مع أنسيمس الخو الصادق الحبيب الّلي هو منكم. هم ماشيين يعرفوكم بكلّ ما جرى هنا. 10 أرسترخس المقبوض معي كيسلم عليكم ومرقس ولد أخت برنابا الّلي قبضتوا من جهته الوصايات باين إذا جا لعندكم تقبلوه. 11 ويسوع المكّي يسطس الّلي هم من أهل الختانة. هدو وحدهم الخدمة معي لملاكة الله الّلي تسلّيت بهم. 12 كيسلم عليكم أبغراس الّلي هو منكم عبد المسيح وكيجهد كلّ وقت على مسبتكم في الصلوات باش تتبتوا. وتكونوا كاملين ومعمّرين بكلّ إرادة الله. 13 وأنا كنشهد له باين عنده الغيرة كتيرة على مسبتكم وعلى مسبة الّلي هم في هيرابوليس 14 كيسلم عليكم لوقا الطبيب الحبيب وديماس. 15 سلّموا على الخوت الّلي في لاوديكية وعلى نيفاس وعلى الكنيسة الّلي في داره. 16 ومنين تتقرا هد البراة عندكم، قريوها تاني في كنيسة اللاوديكيين. والبراة الّلي من لاوديكية تقراوها أنتم تاني. 17 وقولوا لأرخيس ردّ بالك مع الخدمة الّلي قبضتها في الربّ باش تكملها. 18 السلام بيدي أنا بولس. تفكّروا سناسلي. النعمة معكم. آمين.

الرسالة د بولس الرسول الأولى لأهل تسالونيكي

الفصل الأوّل

1 بولس وسلوانس وتيموثاوس لكنيسة التسالونيكين الي في الله الأب والرب يسوع المسيح.

النعمة لكم والسلام من عند الله أبونا والرب يسوع المسيح

2 كنحمدوا الله في كلّ وقت على قبلكم مجموعين وكندكروكم في صلواتنا 3 وكنتفكروا قدام الله

وأبونا بلا فترة خدمة إيمانكم وتعب محبتكم وصبر رجاكم في ربنا يسوع المسيح 4 عارفين يا اخوت

المحبوبين باين من عند الله اختياركم. 5 لأنّه إنجيلنا ما جاكم شي بالكلام وكان لآكن بالقوة تاني

وبالروح القدس وباليقين الشديد كما كتعرفوا أش من رجال كنا في وسطكم على مسبتكم. 6 وأنتم وليتوا

متمتلين بنا وبالرب حيث قبلتوا الكلام في ضيق كثير بفرحة الروح القدس 7 حتى وليتوا مثال مزيان

لجميع الي كيامنوا في مكدونيه وأخيه 8 حيث من عندكم اتشهر كلام الرب وماشي غير في مكدونيه

وأخيه وكان لآكن في كلّ موضع تاني اتشهر إيمانكم بالله حتى ما كحتاجوا شي نتكلّموا. 9 على حق

اش هم بأنفسهم كيخبروا بنا أش من دخول كان عندنا لكم وكيف رجعتوا لله من الأصنام باش تعبدوا

الله الحي الحقيقي 10 وتعاينوا ابنه من السماء الي قيّمه من الميتين يسوع الي كينجينا من الغضب

الماجي.

الفصل الثاني

1 على حق اش أنتم يا اخوت كتعرفوا دخولنا لعندكم باين ما كان شي بلا فايده 2 لآكن من

مورا ما تعدبنا قبل وظلمونا في فيلبّي بحال ما كتعرفوا اتشجعنا في إلهنا باش نتكلّموا معكم بإنجيل الله

في قوة الجدل. 3 على حق اس تنبيهنا ما كان شي بالخديعة ولا بالنجاسة ولا بالغش 4 لآكن بحال ما

قبل علينا الله باش يتامن عندنا الإنجيل هكدا كنتكلّموا ماشي بحال إذا كنعملوا خاطر الناس لآكن

خاطر الله الي كيفتش قلوبنا. 5 وعمرنا ما تكلّمنا بالمداينة كما تعرفوا ولا كان فينا شي طمع. الله

شاهد. 6 ولا فتشنا على التوقيير من الناس لا منكم ولا من غيركم بعدما قدرنا نتقلّوا عليكم بخال رسل

المسيح. 7 لآكن كنا كنتمشاوا بالمحانة في وسطكم بحال ما كتربّي المرضعة أولادها 8 هكدا حيث كنا

كنتوحشوكم كنا موجودين نعطيوكم ماشي الإنجيل د الله وكان لآكن أنفسنا تاني حيث وليتوا عزاز

علينا. 9 على حق اش انتم كتعقلوا يا اخوت على تعبنا وشقانا حيث كنا كنبشروكم بالإنجيل د الله

واحنا كنخدموا ليل ونهار باش ما نتقلوا على حد منكم. 10 أنتم شهود والله تاني كيف بالصفوة والصدق وبلا لوم كنّا في وسطكم أنتم المومنين. 11 كما تعرفوا كيف كنّا كننصحوا كل واحد منكم بحال ما كينصح ابو أولادّه وكنشجعوكم 12 وكنوصيوكم باش تتمشوا كما يليق بالله الي ناداكم لملاكته ومجدّه.

13 على داك شي احنا تاني كنشكرو الله بلا فترة على حق اش حين قبضتوا منّا كلام الله ما قبلتوه شي بحال كلام بن آدم لآكن كما هو بالتحقيق كلام الله الي تاني كيخدم فيكم أنتم المومنين. 14 وأنتم يا الخوت وليتوا متمثلين بكنائس الله الي هم في بلاد اليهود في المسيح يسوع حيث تعدبتوا أنتم تاني من أهل بلادكم بداك العذاب نيت بحال ما تعدبوا هم من اليهود 15 الي قتلوا الرب يسوع والأنبياء دياهم ومردونا احنا تاني. وما كيرضيو شي الله ومخالفين جميع الناس 16 ما كيخليونا شي نتكلّموا مع الكنوس باش ينجأوا. حتّى راهم كيكمّلوا دنوبهم ديما ولاكن نزل عليهم الغضب حتّى للتمام. 17 واما احنا يا الخوت حيث اتفرقنا معكم غير ساعة بالوجه، ماشي بالقلب، عملنا جهدنا اكثر وتوحشنا بزاف نشوفوا وجوهكم. 18 على داك شي بغينا نجيوا لعندكم. أنا بولس بغيت نجى مرّة ومرتين. ولاكن عكس لنا الشيطان. 19 لأنّه شكون هو رجانا وفرحنا وتاج عزّنا؟ واش ماشي أنتم نيت قدّام ربّنا يسوع المسيح في المجي دياله. 20 على حق اش أنتم عزّنا وفرحنا.

الفصل الثالث

على داك شي حيث ما قدرنا شي نصبروا اكثر ظهر لنا مزيان نبقاوا في أثينا بوحدنا 2 وسيفطنا تيموثاوس اخانا والخدام د الله في إنجيل المسيح باش يتبّتكم وينصحكم من جهة إيمانكم. 3 باش ما يتزعزع حد في هدو الضيفات حيث أنتم كتعرفوا باين احنا معينين لهد شي 4 على حق اش حين كنّا عندكم قلنا لكم من قبل باين ماشيين نكونوا في الضيق بحال ما وقع تاني وأنتم كتعرفوا. 5 على هد شي حيث ما قدرت شي نصبر اكثر سيفطت باش نعرف إيمانكم ربّما يكون جربكم المجرب ويولّي تعبنا بلا فائدة. 6 ولاكن دابّ حيث جانا تيموثاوس من عندكم وخبرنا بإيمانكم ومحبتكم وباين كتتفكرونا بالمحبة في كل وقت وأنتم كتتوحشوا تشوفونا بحال ما كنتوحشوا احنا تاني نشوفوكم. 7 وعلى هد شي تسلّينا من جهتكم يا الخوت بإيمانكم في شدّتنا وضيقنا 8 على حق اش دابّ احنا كنعيشوا إذا تبّتوا أنتم في الرب. 9 لأنّه باش من شكر قدرنا نخلصوا الله من جهتكم على الفرحة كلّها الي كنفرحوا بها على سببكم قدّام إلّها 10 طالبين ليل ونهار طلب كتير باش نشوفوا وجوهكم ونكمّلوا نقصان إيمانكم. 11 والله بنفسه أبونا وربّنا يسوع المسيح يهدي طريقنا لعندكم. 12 والربّ يجعلكم تزيدوا وتكثروا في

المحبة بعضكم لبعض ولجميع الناس كما احنا تاني لكم 13 باش يتبت قلوبكم بلا لوم في القداسة قدام الله أبونا في مجي ربنا يسوع المسيح مع جميع القديسين دياه.

الفصل الرابع

و داب يا الخوت كنطلبوكم ونرغبوكم بالرب يسوع باين بحال ما قبلتوا منا كيف واجب تتمشاوا وترضوا الله، هكذا تزيدوا اكثر واكثر. 2 حيث كتعرفوا اشنهم الوصايات الي اعطيناكم بالرب يسوع. 3 على قبل إرادة الله هي قداستكم باين تتركوا الزنا 4 ويعرف كل واحد منكم كيف يحكم الماعون دياه في القداسة والتوقير. 5 ماشي في محبة الشهوة بحال الكنوس الي ما كيغرفواشي الله. 6 وباين في هد الأمر ما يتعدى حد على اخاه ولا يغدره على حق اش الرب هو الي كيغاقب على هدو الأمور كلهم بحال ما قلنا لكم من قبل وشهدنا. 7 على حق اش الله ما نادانا شي للنجاسة لادن في القداسة. 8 على داك شي الي كييهدل ما كييهدل شي بين آدم لادن بالله الي كييعطينا روحه القدوس. 9 واما على محبة الخوت، ما كاين علاش نكتب لكم حيث أنتم بأنفسكم مفقهين من الله باش تتحابوا مع بعضكم. 10 وبالحق كتعملوا داك شي لجميع الخوت الي في مكدونية كلها. ولاكن كنرغبوكم يا الخوت تزيدوا اكثر واكثر 11 وتعملوا جهدكم تكونوا مهدين وتكابلوا أمور روسكم وتخدموا بيدكم بحال ما وصيناكم 12 باش تتمشاوا بحال ما يليق قدام هدوك الي على برا وباش ما تكونوا محتاجين لحد.

13 ولاكن ما نبغيكم شي تتغشوا يا الخوت من جهة الي هم ناعسين باش ما تحزنوا شي بحال الآخرين الي ما عندهم رجا. 14 على حق اش إذا كنا منوا باين يسوع مات وقام كدالك، هدوك الي نعساوا في يسوع ماشي يحضرهم الله تاني معه. 15 وهدي شي كنقولوه لكم بكلام الرب باين احنا الحيين الي بقينا حتى لمجي الرب ما نسبقوا شي هدوك الي ناعسين. 16 حيث الرب بنفسه ماشي ينزل من السماء بواحد الصوت عالي بصوت رايس الملائكة وبوق الله والميتين في المسيح ماشيين يقوموا هم الأولين. 17 ديك الساعة احنا الي حيين وباقيين ماشيين نتخطفوا كلنا معهم في السحاب باش نتلاقوا مع الرب في الهواء وهكذا نكونوا دينا مع الرب. 18 على داك شي سلياوا بعضكم بعض بهد الكلام.

وَأَمَّا الزَّمَانَاتِ وَالْأَوَاقَاتِ مَا عِنْدَكُمْ عَلاشْ نَكْتَبْ لَكُمْ عَلَيْهِمْ يَا الْخَوْتِ. 2 عَلَى حَقِّ أَشْ أَنْتُمْ كَتَعْرِفُوا بِالتَّحْقِيقِ بَايْنِ يَوْمِ الرَّبِّ يَجِي بِحَالِ شَيْ سَارِقٍ فِي اللَّيْلِ. 3 لِأَنَّهُ حِينَ يَقُولُوا السَّلَامَةَ وَالْأَمَانَ، دَاكِ الْوَقْتُ يَنْزِلُ عَلَيْهِمُ الْهَلَاكُ عَلَى غَفْلَةٍ بِحَالِ الْوَجْعِ دَ وَاحِدِ الْحَبْلَةِ وَمَا يَنْجَاوُ شَيْ. 4 وَلَاكِنْ أَنْتُمْ يَا الْخَوْتِ مَا أَنْتُمْ شَيْ فِي الظَّلَامِ حَتَّى يَجِي عَلَيْكُمْ دَاكِ النَّهَارِ بِحَالِ شَيْ سَارِقٍ. 5 أَنْتُمْ كَامِلِينَ أَوْلَادِ الضُّوِّ وَأَوْلَادِ النَّهَارِ. مَا أَحْنَا شَيْ مِنَ اللَّيْلِ وَلَا مِنَ الظَّلَامِ. 6 عَلَى دَاكِ شَيْ مَا نَنْعَسُوا شَيْ بِحَالِ الْآخَرِينَ لَاكِنْ نَسْهَرُوا وَنَكُونُوا عَلَى بَالٍ. 7 حَيْثُ أَلِّي كِينْعَسُوا كِينْعَسُوا فِي اللَّيْلِ وَأَلِّي كَيْسَكُرُوا كَيْسَكُرُوا فِي اللَّيْلِ. 8 وَلَاكِنْ أَحْنَا أَلِّي مِنَ النَّهَارِ لَا بُدَّ نَكُونُوا عَلَى بَالٍ لَا بَسِينَ صَدْرِيَّةَ الْإِيمَانِ وَالْمَحَبَّةِ وَدَرْكَةُ الرَّاسِ أَلِّي هِيَ رَجَا النِّجَا. 9 مِنْ حَيْثُ اللَّهُ مَا جَعَلْنَا شَيْ لِلْغَضَبِ لَاكِنْ بَاشْ نَنَالُوا النِّجَا بِرَبَّنَا يَسُوعَ الْمَسِيحِ 10 أَلِّي مَاتَ عَلَى مَسَبَّتِنَا بَاشْ إِذَا سَهَرْنَا أَوْ نَعْسْنَا نَحْيَاوَا كُلَّنَا مَعَهُ. 11 عَلَى دَاكِ شَيْ سَلِّوْا بَعْضَكُمْ بَعْضَ وَابْنِيوَا وَاحِدَ الْآخَرِ بِحَالِ مَا كَتَعْمَلُوا تَانِي.

12 وَدَابَّ كَنْطَلِبُوكُمْ يَا الْخَوْتِ تَعْرِفُوا أَلِّي كِيخْدَمُوا فِي وَسْطَكُمْ وَيَكُونُوكُمْ فِي الرَّبِّ وَيَنْبَهَوْكُمْ 13 وَتَوْقَرُوهُمْ بَزَّافٍ فِي الْمَحَبَّةِ عَلَى سَبَبِ خِدْمَتِهِمْ. كُونُوا عَلَى خَيْرِ بَعْضَكُمْ بَعْضَ. 14 وَنَطْلِبُوكُمْ يَا الْخَوْتِ نَبَّهُوا أَلِّي هُمْ خَارَجِينَ الطَّرِيقِ. شَجَّعُوا قَلَالَ النَّفْسِ. عَاوَنُوا الضَّعَافَ. اصْبَرُوا مَعَ الْجَمِيعِ. 15 رَدُّوْا بِالْكُمْ بَاشْ مَا يَجَازِي حَدَّ حَدٍّ عَلَى الشَّرِّ بِالشَّرِّ لَاكِنْ فِي كُلِّ وَقْتٍ اتَّبِعُوا الْخَيْرَ بَعْضَكُمْ بَعْضَ وَمَعَ جَمِيعِ النَّاسِ. 16 افْرَحُوا دِيمَا. 17 دَاوَمُوا عَلَى الصَّلَاةِ. 18 اَحْمَدُوا اللَّهَ عَلَى كُلِّ شَيْ. حَيْثُ هَدِي هِيَ إِرَادَةُ اللَّهِ فِي الْمَسِيحِ يَسُوعَ مِنْ جَهْتِكُمْ. 19 لَا تَطْفِيُوا شَيْ الرُّوحِ. 20 لَا تَحْقِرُوا شَيْ النُّبُوءَاتِ. 21 جَرِّبُوا كُلَّ شَيْ، اقْبِضُوا فِي أَلِّي مَلِيحٍ. 22 بَعْدُوا عَلَى كُلِّ مَا كِيَشْبَهُ لِلشَّرِّ. 23 وَإِلَهُ السَّلَامِ بِنَفْسِهِ يَقْدِّسْكُمْ بِالتَّمَامِ وَيَحْفَظْ رُوحَكُمْ وَنَفْسَكُمْ وَجَسَدَكُمْ كَامِلِينَ بِلَا لُومٍ فِي مَجِي رَبَّنَا يَسُوعَ الْمَسِيحِ. 24 صَادَقْ هُوَ أَلِّي عَرْضَ عَلَيْكُمْ أَلِّي تَانِي مَاشِي يَعْمَلُهُ. 25 يَا الْخَوْتِ صَلِّوْا مِنْ جَهْتِنَا. 26 سَلِّمُوا عَلَى الْخَوْتِ كَامِلِينَ بِبُوسَةِ مَقْدَسَةٍ. 27 كَنْدَاخِلْ عَلَيْكُمْ بِالرَّبِّ بَاشْ تَقْرَاوَا هَذِهِ الرِّسَالَةَ عَلَى جَمِيعِ الْقَدِّيسِينَ. 28 نِعْمَةُ رَبَّنَا يَسُوعَ الْمَسِيحِ مَعَكُمْ. آمِينَ.

الرسالة د بولس الرسول الثانية لاهل تسالونيكي

الفصل الاول

1 بولس وسلوانس وتيموثاوس لكنيسة التسالونيكيين في الله أبونا والرب يسوع المسيح. 2 النعمة لكم والسلام من عند الله أبونا والرب يسوع المسيح

3 واجب علينا نحمدوا الله في كل وقت على قبلكم يا اخوت كما يليق حيث إيمانكم كيزيد برّاف ومحبة كل واحد منكم كتنقوى بعضكم لبعض 4 حتّى كنفخموا بكم احنا بروسنا في كنايس الله على سبب صبركم وإيمانكم في جميع شداتكم والضيقات الّتي كتندوزوهم 5 الّتي هي واحد البينة د حكم الله العادل باش تكونوا محسوبين مستاهلين الملائكة د الله الّتي على مسبتها كتتعذبوا ثاني. 6 على حق اش هذا حقّ عند الله باين الّتي كيضيّقوا عليكم يجازيهم بالضيق. 7 وأنتم الّتي متضيّقين يجازيكم بالراحة معنا عند ظهور الرب يسوع من السماء مع ملايكة قوّته 8 في النار المشعولة كيخلف الحسيّة في الّتي ما كيعرفيوها شي الله والّتي ما كيطيعوها شي لإنجيل ربّنا يسوع المسيح 9 الّتي ماشيين يتعاقبوا بالهلاك الدائم من وجه الرب ومن مجد قوّته 10 منين يجي باش يتمجّد في القديسين دياه وبتعجبوا منه في جميع المومنين في داك النهار. على حق اش شهادتنا عندكم مصدّقة. 11 الحاجة الّتي على مسبتها ثاني كنصلّيوها في كل وقت من جهتكم باش يحسبكم ألها مستاهلين هد العرضة ويكمّل فيكم كل جودة الخير وخدمة الإيمان بالقوّة 12 باش يتمجّد اسم ربّنا يسوع المسيح فيكم وأنتم فيه بنعمة إلها والرب يسوع المسيح.

الفصل الثاني

1 وداب كنرغبوكم يا اخوت من جهة مجي ربّنا يسوع المسيح وجموعنا عنده 2 باين ما تنزعزعوها شي دغيا في عقولكم ولا تنهولوا لا بشي روح ولا بشي كلام ولا بشي براة بحال إذا منا بحال إذا كان وصل يوم المسيح. 3 لا تخلّيوها حد يتلفكم حتّى بشي. حيث ما يجي غير إذا جا في الأوّل الخرجان من الإيمان ويتظهر إنسان الدنوب ولد الهلاك 4 الّتي كيقيم ويرفع نفسه على كل ما كيتسمّى إله أو كينعبد حتّى يكّلس في بيت المقدس د الله بحال إذا هو الله وكيظهر نفسه أنّه إله. 5 واش ما كتتفكروا شي باين منين كنت باقي عندكم كنت كنقول لكم هد شي؟ 6 وداب كتعرفوا الّتي كيحصر حتّى يتظهر في وقته. 7 على حق اش سرّ الإتم راه كيخدم داب غير بالحقّ الّتي كيحصر يبقّى يحصر حتّى يتحيّد من الطريق 8 وديك الساعة ماشي يتظهر داك القبيح الّتي يفنيه الربّ بنفس فمه ويهلكه

بظهور المجي دياله. 9 هداك الّي المجي دياله بخدمة الشيطان بكلّ قوّة وبالمعجزات والعجايب
دالكدوب 19 وبكلّ خديعة المعصيّة في الّي كينهلكوا من حيث ما قبلوا شي محبة الحقّ باش ينجوا.
11 وعلى هد شي ماشي يسيفط لهم الله خدمة التلاف حتّى يتيقوا بالكدوب 12 باش ينحكموا جميع
الّي ما صدّقوا شي الحقّ لآكن فرحوا بالمعصيّة.

13 واما احنا واجب علينا نشكروا الله في كلّ وقت على مسبتكم يا اخوت المحبوبين عند
الربّ حيث اختاركم الله من البدو للنجا بتقديس الرّوح وتصديق الحقّ. 14 ولهّد شي عرض عليكم
بإنجيلنا باش تنالوا مجد ربّنا يسوع المسيح. 15 على داك شي اتبتوا يا اخوت وشدّوا في التعليمات
الّي تعلّمتموهم كان بالكلام أو برسالتنا. 16 وربّنا بنفسه يسوع المسيح والله أبونا الّي حبّنا وأعطانا واحد
التسليّة دايمة ورجا صحيح بالنعمة 17 يسلي قلوبكم ويتبتكم في كلّ خدمة مليحة وكلّ كلام مليح.

الفصل الثالث

1 ودابّ يا اخوت صليّوا على مسبتنا باش يجري كلام الربّ ويتمجّد كما عندكم تاني. 2
وباش ننجوا من الناس المكارة والقباح. على حقّ اش ماشي الناس كاملين الّي عندهم الإيمان. 3 صادق
هو الربّ الّي ماشي يتبتكم ويحفظكم من الشرير. 4 وكنتيق بالربّ من جهتكم باين كتعملوا داك شي
الّي كنوصيّكم به وتزيدوا تعملوه تاني. 5 والربّ يهدي قلوبكم لمحبة الله وللصبر د المسيح.
وكنوصيّوكم يا اخوت باسم ربّنا يسوع المسيح باين تبعّدوا على كلّ اخو الّي كيتمشّى بخرجان الطريق
وماشي على حسب التعليم الّي خداه منّا. 7 على حقّ اش أنتم كتعرفوا كيف واجب تكونوا متمتّلين بنا
على حقّ اش احنا ما تمشينا شي بخرجان الطريق في وسطكم 8 ولا كلينا خبز شي حدّ باطل لآكن كنّا
كنخدموا بالتعب والشقا ليل ونهار باش ما نتقلّوا على حدّ منكم. 9 ماشي باين ما عندنا شي القدر
لآكن باش نعملوا أنفسنا متال لكم باش تكونوا متمتّلين بنا. 10 على داك شي تاني حين كنّا عندكم
وصيّناكم بهّد شي باين إذا كان شي حدّ ما بغى يخدم ما ياكل شي نيت. 11 من حيث كنسمعوا باين
كاينين شي فيكم الّي كيتمشّاوا بخرجان الطريق الّي ما كيخدموا شي بالكلّ لآكن هم فضوليّين. 12
والّي هم بحال هدو كنوصيّهم وننبّهوهم برّبنا يسوع المسيح باين يخدموا بالسكات وياكلوا الخبز د
روسهم. 13 أما أنتم يا اخوت لا تعياوا شي في عمل الخير. 14 وإذا كان شي حدّ ما كيطيع لكلامنا،
ارشموه ولا تخالطوه شي باش يحشم. 15 ولاكن لا تحسبوه شي بحال واحد العدو لآكن نبّهوه بحال
واحد الخو. 16 وربّ السلام بنفسه يعطيكم السلام ديما من كلّ جهة. الربّ معكم كلّكم.

17 السلام بيديّ أنا بولس الّٰي هو العلامة في كلّ رسالة. هكذا أنا كنكتب. 18 نعمة ربّنا يسوع المسيح معكم كلّكم. آمين.

رسالة بولس الرسول الأولى لتيموثاوس

الفصل الأوّل

- 1 بولس رسول يسوع المسيح بأمر الله منجينا وربنا يسوع المسيح الرجا ديالنا 2 لتيموثاوس ولدي الحقيقي في الإيمان، النعمة والرحمة والسلام من عند الله أبونا والمسيح يسوع ربنا.
- 3 بحال ما طلبت منك تبقى في أفسس حين كنت أنا ماشي لمكدونية باش توصي البعض من الناس ما يعلموا شي تعليم آخر 4 ولا يتصنّتا للخرايف والأصول الي ما عندهم حدّ الي كيجيبوا المجادلات من غير بنيان الله الي في الإيمان. 5 واما مقصود الوصاية هي المحبة من قلب صافي وضمير صالح والإيمان بلا غش. 6 الأمور الي حيث تعوّجوا منهم البعض نحرفوا للكلام الخاوي 7 كيحبّوا يكونوا معلّمين الشرع وهم ما كيفهموا شي أش كيقولوا ولا باش كيوكّدوا. 8 ولاكن احنا كنعرفوا باين الشرع مليح إذا خدمه الواحد على الطريق الشرعيّة 9 عارف هد شي باين الشرع ما هو شي معمول للتاقي لآكن للعاصيين والزايغين للفجار والمدنيين للمنكوسين والفاسدين للي قاتلين أبوهم والي قاتلين أمهم لقاتلين الناس 10 للزانيين للفاسقين للي كيسرقوا بن ادم للكذابين للحاتنين وادا كانت شي حاجة أخرى الي كتحالف التعليم الصحيح 11 على حسب إنجيل مجد الله المبارك الي تامنت أنا عليه. 12 وأنا كنحمد يسوع المسيح ربنا الي قواني حيث حسبني صادق وجعلني في الخدمة 13 أنا الي كنت قبل كافر ومعارض وكنتبوطل على الناس ولاكن اترحمت على حق اش عملته بالجهل حيث كنت بلا إيمان 14 وقوات نعمة ربنا بزاف مع الإيمان والمحبة الي في المسيح يسوع. 15 صادقة هي الكلمة وكنستحق كل قبول باين المسيح يسوع جا للعالم بشا ينجي المدنيين الي أنا هو الكبير فيهم، 16 لآكن على هد شي اترحمت باش يسوع المسيح يظهر فيّ أنا الأوّل كل صبر متال لهدوك الي ماشيين يأمّنوا به لحياة الآخرة. 17 السلطان الدائم الي ما يفنى شي ولا ينشاف، الإله الحكيم وحده له التوقير والمجد على الدوام ديما آمين.
- 18 هد الوصاية، يا ابني تيموثاوس، أنا كنأمنها عندك على حسب النبوات الي سبقوا عليك باش تحارب بها المحاربة المزيانة 19 وشاد في الإيمان والضمير الصالح الي حين تركوه شي بعض تهرّست بهم السفينة من جهة الإيمان تاني 20 الي منهم هيمينايس والإسكندر الي سلّمتمهم للشيطان باش يتربّأوا باش ما يكفروا شي.

الفصل الثاني

- 1 ونطلب قبل من كل شي باين الطلبات والصلوات والرغبات والشكر يتقدّموا على قبل جميع الناس
- 2 على حق اش السلاطين وجميع الي هم حكام باش نعيشوا مهنيين وفي الأمان بكل تقوى وتوقير.
- 3 على حق اش هد شي مزيان ومقبول قدام الله منجينا 4 الي كيبيغي جميع الناس ينجوا ويوصلوا لمعرفة الحق.
- 5 لأنه كايين إله واحد ووسيط واحد بين الله وبين الناس، الإنسان يسوع المسيح، 6 الي أعطى نفسه فدية على الجميع الشهادة الي يشهدوا بها في أوقاتها المعينة 7 الي اتجعلت لها أنا مبشر ورسول، كنقول الحق في المسيح وما ككذب شي، معلّم للجنوس في الإيمان والحق.
- 8 وكنبغي باين الرجال يصلّوا في كل مكان رافدين كفوف طاهرين بلا غضب ولا جدال، 9 وكذلك باين النسا يكسيوا دواتهم بلباس الحشمة والهيبة والرزانة، ماشي بالضفاير أو الذهب أو الجواهر أو اللباسات الغاليين 10 لكن بالأعمال الصالحة كما يليق بنسا الي متعاهدين بتقوة الله. 11 تتعلّم المرأة بالسكات بكل طاعة. 12 المرأة ما عندها إدن باش تعلّم ولا تحكم على الرجل لكن تكون ساكتة. 13 على حق اش آدم خلق هو الأوّل وبعده أمنا حواء. 14 وآدم ما اتغوى شي لادن المرأة اتغوات وحصلت في التعدي، 15 ولاكن هي تنجا في الولادة إذا يتبتوا في الإيمان والمحبة والقداسة مع الرزانة.

الفصل الثالث

- 1 صادقة هي الكلمة، إذا بغى شي حد مرتبة الناظر كيفتش على واحد الخدمة مليحة. 2 وواجب على الناظر يكون بلا لوم، واخذ مرأة واحدة، عاقل، رزين وفيه الحياء، كيحبّ الضياف الغرباء، يصلح يعلم، 3 ما يكون شي شارب الخمر ولا كيبيغي يدابز، ولا طمّع في الربح القبيح لادن حنين وماشي مخاصم ولا يحبّ المال 4 كيحكم داره مليح، عنده أولاده طايعين بكل هيبة. 5 على حق اش اذا كان شي حد ما كيعرف شي يحكم داره، كيف يقابل كنيسة الله؟ 6 ماشي جديد في الإيمان، عندك يتكبّر مع رأسه ويطيح في عقوبة إبليس. 7 وواجب ثاني تكون له شهادة مليحة عند الي هم على برّا، عندك يطيح في المعايير ومصيدة إبليس.
- 8 كذلك واجب على الوقافة يتمشاوا بالوقار ما يكونوا شي موالين زوج د الوجوه، ما مولوعين شي بالخمر بزّاف ولا طمّاعين في الربح القبيح 9 وعندهم سرّ الإيمان في ضمير صافي. 10 وبالحق هدو ثاني يتجربوا في الأوّل وعاد يكونوا وقافة إذا كانوا بلا لوم. 11 كذلك واجب على النسا يكونوا رزانات ماشي قرقارات، لادن فايقات وصادقات في كل شي. 12 الوقافة يكونوا رجال مرأة واحدة حاكمين

أولادهم وديارهم مليح. 13 على حق اش الي خدموا مليح في مرتبة الوقاف حازوا لأنفسهم درجة مليحة وتيقة كثيرة في الإيمان الي بالمسيح يسوع.

14 هد شي كنكتبه لك وكنرجا نجي لعندك في قريب 15 ولاكن إذا بطيت، كتبت لك باش تعرف كيف واجب عليك تقابل بيت الله الي هو كنيسة الله الحي عمود الحق ولساسه، 16 مسلم باين عظيم هو سر التقوى، الله ظهر في الجسد، تبراً في الروح، شافوه الملائكة، وبشروا به الناس بين الجنوس وامنوا به في الدنيا واترفع في المجد.

الفصل الرابع

1 ولاكن الروح كيتكلم ظاهر باين في تأخير الزمان يخرجوا شي ناس من الإيمان تابعين شي أرواح الي كيتلفوا وتعاليم الشياطين 2 وكيتكلموا بالنفاق والكدوب وعندهم ضميرهم موسوم 3 كيحصروا الناس على الزواج وكبحروا بعض الماكل الي خلقهم الله باش يتقبلوا بالشكر عند المومنين والي كيصرفوا الحق. 4 على حق اش كل خليفة الله هي جيدة وما تتخيب شي إذا اتقبلت بالشكر 5 حيث كتقدس بكلام الله والصلاة. 6 إذا فكرت الخوت بهد شي تكون واحد الخدام مليح ديال يسوع المسيح مربّي في الكلام د الإيمان والتعليم المليح الي تبعته. 7 واما الخرايف الموسخين د العجايز ما تقبلهم شي وربّي نفسك للتقوى 8 على حق اش الترابي الجسدية كتنتفع شوي ولاكن التقوى كتنتفع لكل شي حيث عندها القول د الحياة الحاضرة والماجية. 9 صادقة هي الكلمة وكتستحق كل قبول، 10 حيث على هد شي كنتعبوا وكنفردوا المعيار على حق اش عملنا رجانا في الله الحي الي هو المنجي د جميع الناس ولا سيما د المومنين. 11 وصي وعلم بهد شي.

12 لا يحقر حد صغرك لاكن كون متال مليح للمومنين في الكلام، في التصرف، في المحبة، في الروح، في الإيمان، في الصفاوة. 13 حتى نجي، داوم على القراية والنصيحة والتعليم. 14 لا تفرط شي في المعطى الي فيك الي اتعطت لك بالنبوة مع حطان يدين الشيوخ. 15 بالي بهدو الأمور، سلم راسك لهم باش تكون زيادتك ظاهرة في كل شي. 16 رد بالك مع نفسك والتعليم وداوم على داك شي، على حق اش إذا عملت هد شي تنجي نفسك وهدوك تاني الي كيسمعو.

الفصل الخامس

1 لا توبخ شي واحد الشارف لاكن انصح بهال واحد البو والشبان بحال الخوت 2 والشارفات بحال الأمهات والشابات بحال الخواتم بكل صفاوة.

3 اكرم الهجالات الّتي هم بالحق هجالات. 4 ولاكن إذا كانت شي هجالة عندها الأولاد أو أولاد الأولاد، لازم على هدوك يتعلموا في الاول يتهلّوا في أهل دارهم ويقوموا بما واجب لوالديهم، لأنّه هد شي مليح ومقبول عند الله. 5 ولاكن الّتي هي بالحق هجالة ووحدها كتنكّل على الله وهي كنداوم على الطلبات والصلاوات ليل ونهار، 6 وأما الّتي كتنتمّع راها ماتت وهي حيّة. 7 وصّي بهد شي باش يكونوا بلا لوم. 8 وادا كان شي حد ما يتهلّى شي في دياره ولا سيّما في أهل داره راه نكر الإيمان وهو اقبح من هداك الّتي ما هو شي مومن. 9 باش تنتمّم واحد الهجالة، لازم ما تكون شي في عمرها قلّ من ستّين عام، زوجة رجل واحد، 10 مشهود لها بأعمال صالحة، إذا هي ربّات الأولاد، ضيّفت الغرباء، غسلت رجلين القديسين، عاونت المضيّفين، تبعت كل عمل صالح. 11 أما الهجالات الشابّات لا تقبلهم شي على حق اش منين ييداوا يزيغوا من المسيح يبغيوا يتزوّجوا، 12 وعندهم عقوبة حيث تركوا الإيمان الاول، 13 وفوق داك شي تاني كيتعلموا يكونوا بطالات يدوروا في الديار وماشي بطالات وكان، لاكن كيهدروا في الناس تاني وفضوليّات كيتكلّموا بلّي ما واجب شي. 14 على داك شي نبغي الشابّات يتزوّجوا ويولدوا الأولاد ويكابلوا الديار وما يعطيو سبّة للعدو باش يشتم، 15 على حق اش شي منهم راهم خرجوا مورا الشيطان. 16 إذا كان شي مومن أو مومنة عندهم هجالات، لازم يعاونوهم وما يتقلّوا شي على الكنيسة باش تعاون هي الّتي هم بالحق هجالات.

17 أما الشيوخ الّتي كيحكموا مليح ينحسبوا مستاهلين توقير متني ولا سيّما الّتي كيتعبوا في التبشير والتعليم، 18 على حق اش الكتاب كيقول: لا تكّموا شي التور الّتي كيدرس والخدام الّتي كيستاهل إجارته.

19 لا تقبل شي الشكوى على واحد الشيخ من غير على فمّ زوج د الشهود أو ثلاثة. 20 الّتي كيدنبا، وبّخهم قدّام الجميع باش يخافوا الآخرين. 21 كنداخلك عليك قدّام الله والربّ يسوع المسيح والملايكة المختورين باش تحضي هدو الأمور بلا غرض وما تعمل حتى شي بالوجهيّات. 22 لا تحطّ يدك على حدّ بالزربة ولا تشرك في دنوب الآخرين، احضي نفسك باش تكون صافي.

23 من دابّ لفوق، لا تكون شي شرّاب الما لاكن خود شويا د الخمر على قبل كرشك والمرضات ديالك الّتي هم بزّاف.

24 دنوب شي ناس باينين كيسبقوا للحكم وأما البعض دنوبهم كيتبعوهم. 25 كدالك تاني الأعمال الصالحة باينة والّتي هي بخلاف داك شي ما تمكن شي تتخبّع.

- 1 جميع الّٰي هم مكسوبيين عبيد يحسبوا أسيادهم مستاهلين كل توفير باش ما ينشتم شي اسم الله وتعليمه، 2 والّٰي عندهم أسيادهم مومنين، لا يحقروهم شي على حق اش هم خوت لآكن يطيعوا لهم أكثر على حق اش الّٰي متشاركين في الفضل هم مومنين ومحبوبين. علم وانصح بهد شي.
- 3 إذا كان شي حد كيعلّم شي تعليم آخر وما يوافق شي مع ربنا يسوع المسيح الصحيح والتعليم الّٰي هو على حسب التقوى، 4 راه متكبر وما كيفهم حتى شي لآكن راسه مشغول بالمسقصيات والمغاننات على الكلمات الّٰي كيتولدوا منهم الحسد والخصام والسفاهة والظنون القباح 5 ومجادلات الناس الّٰي فاسدين العقل وما عندهم شي الحق، الّٰي كيظنّوا باين التقوى هي تجارة، فارق الّٰي بحال هدو. 6 واما التقوى مع القناعة هي ربح عظيم. 7 على حق اش ما دخلنا للدنيا بشي وظاهر باين ما نقدرنا شي نخرجوا منها بشي، 8 وادا كانت عندنا الماكلة والكسوة نقنعوا بهم. 9 واما الّٰي يبيعوا يكونوا أغنياء هم ماشيين يطيحوا في التجربة والمصيصة وبزاف د الشهوي الحمقة الّٰي كيضروا والّٰي كيغرّقوا الناس في الخراب والهلاك. 10 على حق اش محبة المال هي أصل جميع الشر الّٰي منين بغاواه شي ناس خرجوا على الإيمان وطعنوا أنفسهم بأوجاع بزاف. 11 واما أنت، يا إنسان الله، اهرب من هدو الأمور واتبع الحق والتقوى والإيمان، واقبض في الحياة الدائمة الّٰي لها تناديت تاني وشهدت واحد الشهادة مليحة قدام شهود بزاف. 13 كنوصيك قدام الله الّٰي كيحيي كل شي والمسيح يسوع الّٰي شهد قدام بيلاطس البنطي واحد الشهادة مليحة 14 باين تحضي الوصاية بلا وسخ وبلا لوم حتى لظهور ربنا يسوع المسيح 15 الّٰي ماشي يبينه في أوقاته المبارك العزيز الوحيد ملك الملوك وربّ الأرباب 16 الّٰي هو وحده ما يموت شي، الساكن في النور الّٰي ما يتقرب شي الّٰي ما يشوفه حد من الناس ولا يقدر يشوفه الّٰي له التوفير والقدرة الدائمة. آمين.
- 17 وصي الأغنياء في هد الدنيا الحاضرة ما يتكبروا شي ولا يعملوا تكلانهم على الغنى الفاني لآكن على الله الحيّ الّٰي كيعطينا كل شي بالوفاء باش نفرحوا، 18 وباين يعملوا الخير ويكونوا غانيين في الأعمال الصالحة ويكونوا ساهيين في العطاء وجواد في الفريق، 19 خازنين لأنفسهم لساس مزيان للوقت الما جي باش يقبضوا في الحياة الدائمة.
- 20 يا تيموثاوس، احضي الّٰي تآمن عندك وحيد على الكلام الباطل الموسخ ومخالفات العلم الّٰي مسمي العلم بالكدوب 21 الّٰي فخموا به شي ناس وتلفوا على الإيمان. النعمة معك. آمين.

رسالة بولس الرسول الثانية لتيموثاوس

الفصل الأوّل

- 1 بولس رسول يسوع المسيح بإرادة الله على حسب قول الحياة الّتي في يسوع المسيح، 2 لتيموثاوس ابني الحبيب. النعمة والرحمة والسلام من عند الله الأب والمسيح يسوع ربّنا.
- 3 أنا كنحمد الله الّتي كنعبده من جدودي بضمير صافي كما كندكر ديمًا في طلباتي ليل ونهار 4 متفكّر دموعك كنتوحش نشوفك باش نتعمّر بالفرحة 5 مَنين كنتفكّر الإيمان بلا نفاق الّتي فيك الّتي سكن في جدّتك لويس وأمّك أفنيكي وأنا ميّقن باين فيك أنت تاني. 6 وعلى هد شي كنتفكّر باش تحيي تاني المعطى د الله الّتي فيك بحطّان يديّ. 7 على حق اش الله ما أعطانا شي روح الخوف لآكن الروح د القوّة ود المحبّة ود النصيحة.
- 8 على داك شي لا تحشم شي بشهادة ربّنا ولا بيّ أنا المسجون دباله لآكن ارفد حقك في المشقّات على سبب الإنجيل على حسب قوّة الله 9 الّتي نجّنا وعرض علينا بواحد العرضة مقدّسة ماشي على حسب أعمالنا لآكن على حسب القصد والنعمة الّتي اتعطات لنا في المسيح يسوع قبل من خلوق الدنيا 10 وبالحق ظهرت دابّ بظهور منجّينا يسوع المسيح الّتي بطلّ الموت وبيّن الحياة والخلود بواسطة الإنجيل 11 الّتي اتجعلتْ له أنا مُبشر ورسول ومعلّم للجنوس. 12 على هد شي كندحمل هدو الأمور تاني لآكن ما أنا شي حشمان على حق اش كنعرف بمن آمّنت، وأنا ميّقن باين قادر يحضي أمانتي حتى لداك النهار.
- 13 شدّ في صورة الكلام الصحيح الّتي سمعته مَنّي في الإيمان والمحبّة الّتي في المسيح يسوع. 14 احضي الأمانة الصالحة بالروح القدس الّتي ساكن فينا.
- 15 أنت عرفتْ هد شي باين هدوك الّتي في آسيّا كلهم فارقوني الّتي منهم فيجلّس وهرموجانس. 16 الربّ يعطي الرحمة لدار أنيسيفورس على حق لش فاداني بزّاف د المرّات وما حشم شي بالسلسلة ديالي 17 لآكن مَنين كان في رومة فتش عليّ مسقّم وصابني. 18 الربّ يعطيه باش يصيب الرحمة عند الربّ في داك النهار، وكتعرف مليح كل ما كان كيخدم في أفسس.

الفصل الثاني

- 1 على داك شي تقوّى، يا ولدي، بالنعمة الّتي في المسيح يسوع، 2 والّتي سمعته مَنّي بشهود كتار أمّنه عند الناس الصادقين الّتي يقدروا يعلموا آخرين تاني. 3 وأنت، رَفِدْ حقك في المشقّات بحال

واحد العسكري مليح ديال يسوع المسيح. 4 ما كاين حدّ الي كيخدم عسكري ويتخبّل بأمر هـ الحياة باش يرضي هـاك الي دخّله عسكري. 5 وتاني إذا كان شي حدّ كيجاهد ما يربح غير إذا جاهد على طريق القانون. 6 يوجب للفلاح الي كيخدم ياخذ هو الاول من الغلات. 7 افهم الي كنقول، ويعطيك الربّ الفهامة في كل شي. 8 تفكّر يسوع المسيح الي من درية داود باين قام من الميتين على حسب إنجيلي 9 الي فيه كنحمل المشقات حتى القيود بحال واحد المجرم، لآكن كلام الله ما هو شي مقيد. 10 على داك شي كنصبر في كل شي على مسبّة المختورين باش يتوصلوا هم تاني بالنجا الي في المسيح يسوع مع المجد الدايم. 11 صادقة هي الكلمة، إذا كنّا متنا معه ماشيين نحيواوا تاني معه. 12 إذا صبرنا ماشيين نملكوا تاني معه. وادا نكرناه هو ينكرنا آحنا تاني. 13 إذا ما امّنا شي هو راه يبقّى صادق، ما يقدر شي ينكر نفسه.

14 فكّرهم بهـدو الأمور وداخل عليهم قدّام الربّ باين ما يتخاصموا شي بالكلام، الي ما كينفع حتى لشي لآكن كيهدم الي كيسمعوه. 15 اعمل جهدك تعطي نفسك مزكي لله، واحد الخدّام الي ما يتخزى شي، مفصل كلام الحق في الحقيقة. 16 وآما الهدرات الخاويين والموسّخين بعدّ عليهم على حق اش يزيدوا لفجور آكثر، 17 وكلامهم ياكل بحال واحد الدبرة، الي منهم هيمينايس وفيليتس 18 الي زاغوا الحق كيقلولوا باين القيامة دازت وكيقبلوا الإيمان دشي بعضين. 19 ولاكن لساس الله الصحيح هو تابـت حيث عنده هـد الطابع: الربّ كيـعرف الي هم دـياله. وكل من كيدكر اسم المسيح لا بدّ يبعدّ على الدنوب. 20 ولاكن واحد الدار كبيرة فيها ماشي غير مواعن من الذهب والنقرة وكان، لآكن من العود والطين تاني وهـدوك للتوقير وهـدو للدّل. 21 وادا طهرّ شي حدّ نفسه من هـدو الأمور، يكون واحد الماعون للتوقير مقدّس وكيصـلح لحاجة سيده وموجد لكل خدمة مليحة.

22 آما الشهاوي د الصغر، اهرب منهم واتبع التقوى والإيمان والمحبة والسلام مع الي كيـعطوا على الربّ من قلب صافي. 23 بعدّ على المسائل الخاويين والهبال عارف باين يولدوا الخصومات، 24 والخدّام ديال الربّ ما واجب شي عليه يخاصم لآكن يكون رطب مع الجميع، يصلح يعلم، صبار في المشقات 25 ينهي بصـگران الراس المعارضين إذا يقدر يكون يعطيهم الله التوبة باش يعرفوا الحق 26 ويفكّوا روسهم من فخّ إبليس من حيث صيدهم باش يعملوا خاطره.

الفصل الثالث

1 ولاكن اعرف هـد شي باين في الايام الآخـرين ماشي يجي واحد الوقت صـعيب. 2 على حق اش الناس يكونوا يحبّوا نفسهم، يحبّوا المال متعظّمين متكبرين كافرين ما طايـعين شي لوالديهم، ما

كيحمدوا شي الله منكوسين 3 بلا محنة بلا رضى غتابين، ما قادرين شي على الصبر واعرين، ما كىحبوا شي الصلاح 4 غدارة زاعمين منفوخين مع روسهم، كىحبوا اللدات، دون المحبة د الله، 5 عندهم صورة التقوى ولاكن هم كينكروا قوتها. فارق هدو. 6 على حق اش منهم كيجيو هدو الي كيدخلوا للديار وكيصيدوا النسا الحمقات المتقلات بالدنوب المسوقات بشهاوي مختلفين، 7 ديما كيتعلموا وعمرهم ما كيقدررو يدركوا معرفة الحق. 8 وبحال ما عارضوا يتيس ويمبريس موسى كدالك هدو تاني كيعارضوا الحق. ناس فاسدين العقل ومن جهة الايمان ما مقبولين شي. 9 لاكن هم ما يزيدي شي اكر على حق اش حمقهم ماشي يظهر للجميع كما ظهر حمق هدوك تاني.

10 واما انت، تبعت تعليمي وسيرتي وقصدي وايماني ومهلتي ومحبتتي وصبري 11 وتمرميداتي وعدايي كما طرا لي في انطاكية وايقونية ولسترة، اش من ترميدات دورتهم، ومن الجميع نجاني الرب، 12 وجميع الي كيبغيوا يعيشوا بالتقوى في المسيح يسوع يتمردوا، 13 ولاكن الناس القباح المزورين يزيديا يقباحوا اكر كيتلفوا وهم متلوفين. 14 واما انت، اتبت على ما تعلمت وتيقنت به عارف من عند من تعلمته، 15 وانت من صورك عرفت الكتب المقدسة الي قادرين يعطيوك العقل للنجا بالايمان الي في المسيح يسوع. 16 الكتاب كله جا بالوحي من الله وكينفع للتعليم والتوبيخ للتقويم والترابي الي في التقوى 17 باش يكون الانسان د الله كامل وموجد لكل عمل صالح.

الفصل الرابع

1 على داك شي داخلت عليك قدام الله والرب يسوع المسيح الي ماشي يحكم الحيين والميتين في وقت ظهوره وملاكته 2 بشر بالكلام، داوم على داك شي في وقت الوجبة ومن غير وجبة، وبخ، انهبي، انصح بكل صبر والتعليم. 3 حيث يجي الوقت الي فيه ما يحملوا شي التعليم الصحيح لاكن حيث أدنيهم كياكلوهم يجمعوا لروسهم معلمين على حسب شهاويهم الخاصة، 4 ويحيديا أدنيهم على الحق ويتعوجوا للخرايف. 5 واما انت، كون على بال في كل شي، احمل المشقات، اعمل المبشر، اوفي خدمتك.

6 حيث أنا داب مسبل ووقت فكاكي راه جا. 7 أنا اجتهدت واحد الجهاد مزيان، كملت جريتي، حضيت الايمان 8 وداب راه كاين موجد لي واحد التاج د التقوى الي يعطيه لي الرب الحاكم العادل في داك النهار وماشي لي وكان، لاكن لجميع تاني الي كىحبوا الظهور دياه.

9 بادر تجي لعندي دغيا 10 على حق اش ديماس راه تركني حيث حب الدنيا الحاضرة ومشى لتسالونيكى وكريسكس لغلاطية وتيطس لدماطية، لوقا وحده معي. ادي معك مرقس وجيبه

حيث كينفع لي للخدمة. 12 أمّا تيخيكس عاد سيفطته لأفسس. 13 السلهم اليّ خليته في ترواس عند
كاربُس جيبُه مِنين تجي والكتب تاني ولا سيّما الصفحات. 14 إسكندر النحاس بيّن لي شرّ كثير.
الربّ يجازيه على حسب فعايله. 15 احضي راسك منه انت تاني حيث كيضدّ كلامنا بزّاف. 16 في
جوابي الاول ما وقف معي حدّ لآكن خلاّوني الجميع، لا يحاسبهم شي الله به، 17 ولاكن الربّ وقف
معّي وأعطاني القوّة باش يوفى بيّ التبشير ويسمعوا جميع الجنوس وتنجيّت من فم السبع. 18
وينجيني الربّ من كل حاجة قبيحة ويحفظني لملاكته السماوية، اليّ له المجد على الدوام ديما. آمين.
19 سلّم على بريسكا وأكيلا ودار أنيسيفورُس، 20 أراستس بقى في كورنثوس وأمّا ترفيموس راه
خليته في ميليتس مريض. 21 بادر تجي قبل الشتوة. كيسلّم عليك أفبولس وبوديس ولينس وكلافدية
والخوت كلّهم. 22 الربّ يسوع المسيح يكون مع روحك. النعمة معكم. آمين.

رسالة بولس الرسول لتيطس

الفصل الاول

1 بولس عبد الله ورسول يسوع المسيح على مسبة إيمان المختارين د الله ومعرفة الحق الي هو
على حسب التقوى 2 على رجا حياة الاخرة الي قاول بها الله الي ما فيه كدوب قبل من خلوق الدنيا
3 ولاكن ظهر كلامه في أوقاته بالتبشير الي تامن عندي على حسب وصاية الله منجينا. 4 لتيطس ابني
الحقيقي في الإيمان العام، النعمة والرحمة والسلام من عند الله الأب والرب يسوع المسيح منجينا.
5 على هد شي خليتك في كريت باش تكمل ترتيب الأمور الناقصين وتعين في كل مدينة الشيوخ
بحال ما وصيتك. 6 إذا كان شي حد بلا لوم واخذ مرة واحدة عنده الأولاد مومنين ما عليهم شكوى لا
د الفساد ولا عاصيين. 7 على حق اش واجب على الناظر يكون بلا لوم بحال وكيل الله ماشي منفوخ
مع رأسه ولا غضبان ولا شارب الخمر ولا كيبيغي الدباز ولا طماع في الربح القبيح 8 لاكن كيحب
الضياف الغرباء ويحب الخير. رزين تقي قدوس، حاصر على نفسه، 9 قابض في الكلام الصادق على
حسب التعليم باش يكون قادر ينبه بالتعليم الصحيح وينهي المعارضين 10 حيث كاينين بزاف د
العاصيين الي كيتكلموا بالكلام الخاوي ويخدعوا العقول ولاسيما هدوك الي من أهل الختانة 11 الي
واجب ينشدوا فوامهم من حيث هم كيقلبوا ديار مجموعين ومن قبل الربح القبيح كيعلّموا داك شي الي
ما واجب شي يكون. 12 قال واحد منهم. وهو نبي عندهم: الكريتيين ديما كدابة، وحوش قباح،
بطون خاليين. 13 هد الشهادة صادقة على داك شي وبّخهم بالجهد باش يكونوا صحاح في الإيمان 14
ما يتصنّوا شي للخرايف د اليهود ووصايات الناس الي خارجين على الحق. 15 كل شي طاهر
للطاهرين وللمنكوسين وللي ما هم شي مومنين حتّى شي ما هو طاهر لاكن اتنجسوا عقولهم وضميرهم.
16 بالفم كيقلوا باين كيعرفوا الله ولاكن بالأعمال كينكروه حيث هم قباح وعاصيين ومن جهة كل عمل
صالح ما هم شي مقبولين .

الفصل الثاني

1 واما أنت، تكلم بما يليق بالتعليم الصحيح. 2 باش يكونوا الكبار فايقين وموقرين رزان
صحاح في الإيمان والمحبة والصبر. 3 كدالك العجايز يتمشّوا كما يليق بالقداسة ماشي قرقارات ولا
شاربات الخمر بزاف معلّات الصلاح 4 باش ينصحوا الشابات يكونوا عاقلات ويحبوا رجالهم ويحبوا
أولادهم 5 رزانات تاقيات ملازمات ديارهم صالحات طايغات لرجالهم باش ما يشتموا شي الناس في

كلام الله. 6 كدالك نبّه الشّبّان يكونوا رزان. 7 مظهر نفسك متال في كلّ شي للأعمال الصالحة وفي التعليم تظهر النقاوة والوقار والصفاء 8 والكلام د المعقول اليّ ما فيه لوم باش يتّخزى المعارض من حيث ما عنده حتّى شي قبيح اليّ يقوله فيكم. 9 والعبيد نبّههم باش يطيعوا لأسيادهم ويرضيوهم في كلّ شي بلا مخالفة 10 ماشي خاينين لآكن مظهرين كلّ تمارة مليحة باش يزيّنوا في كلّ شي تعليم الله منجّينا. 11 لأنّه نعمة الله اليّ كنتنجي ظهرت لجميع الناس 12 وكتعلّمنا ننكروا الفجور والشهاوي الدنياويين ونعيشوا بالرزانة والحقّ والتقوى في هد الدنيا الحاضرة 13 ونتسنّوا الرجاء المبارك وظهور مجد الله العظيم ومنجّينا يسوع المسيح 14 اليّ أعطى نفسه على مسبّتنا باش يفدينا من كلّ دنوب ويطهرّ لنفسه واحد القوم اليّ تكون فيهم الغيرة باش يعملوا الأعمال المليحة. 15 تكلمّ بهد شي وانصح ووبّخ بكلّ قوّة. لا يحقرّك حدّ.

الفصل الثالث

1 فكرهم باش يسعفوا الحكّام والسلّاطين ويطيعوا للمخزن ويكونوا موجودين لكلّ عمل صالح. 2 وما يقرطوا في حدّ وما يكونوا شي مخاصمين لآكن حنان مظهرين كلّ صگران الراس لجميع الناس. 3 على حقّ اش حتّى احنا كنّا حماق قبل، ما طايعين شي متلوفين مكسوبيين لشهاوي ولدّات مختلفين عايشين في الخبت والحسد مبغوضين وباغضين بعضنا بعض. 4 ولاكن حين ظهر لطف الله منجّينا والإحسان دياه 5 ماشي بأعمال التقوى اليّ عملناهم احنا، لآكن على حسب رحمته نجّانا بغسيل الخلق الثاني وتجديد الروح القدس 6 اليّ كبّه علينا بالوفاء بيسوع المسيح منجّينا 7 باش واحنا مبرّيين بنعمته نكونوا ورّنته على حسب رجاء حياة الآخرة. 8 صادقة هي الكلمة، وكنحبّك توكّد عليهم بهدو الأمور باش اليّ امنوا بالله يتهلّأوا باش يداوموا على الأعمال الصالحة. هدو الأمور ملاح وينفعوا الناس. 9 واما المسائل الحمق والأصول والخصومات والمجادلات على الشرع، بعدّ عليهم على حقّ اش ما فيهم نفع وخاويين. 10 الرجل اليّ خارج الطريق من مورا النصّاحة الأولى والثانية ادحيه. 11 عارف باين اليّ بحال هدا راه مغشوش وكيدنب محكوم من نفسه.

12 مّنين نسيّفت لعندك أرّتيماش أو تيخيكسّ بادر تجي لعندي لنيكوبوليس على حقّ اش راني عوّلت ندوّز الشتوة تّم. 13 عافر تعاون زيناس الوكيل وأبلّوس للسفر باش ما يخصّهم حتّى شي. 14 ولازم يتعلّموا اليّ هم ديالنا يداوموا في شي خدمة مزيانة على مسبّة الأمور المحتاجين باش ما يكونوا شي بلا غلّة. 15 كيسلّموا عليك جميع اليّ هم معي. سلّم على اليّ كيحبّونا في الإيمان. النعمة معكم كلّكم. آمين

رسالة بولس الرسول لفليمون

- 1 بولس المسجون د يسوع المسيح وتيموثاوس الخو لفليمون العزيز والخدام معنا 2 ولأبقيّة
العزيزة وأرخبّس عسكري معنا وللكنيسة الّتي في دارك 3 النعمة لكم والسلام من عند الله ابونا والربّ
يسوع المسيح.
- 4 كنحمد إلهي ديمًا وندكرك في صلواتي 5 حيث كنسمع بمحبّتك والإيمان الّتي عندك في الربّ
يسوع وفي جميع القديسين 6 باش تكون شركة إيمانك خدامة في معرفة كل خير الّتي فيكم بالمسيح
يسوع. 7 على حق اش عندنا فرحة كثيرة والتسلية بسبب محبّتكم من حيث قلوب القديسين تفاجوا
بك، يا اخونا.
- 8 على داك شي بعدما عندي بالمسيح تيقّة كثيرة باش نوصيك بما يليق 9 لآكن بسبب المحبّة
كنرغبك كثير من حيث أنا واحد الإنسان هكدا بحال بولس الشارف ودابّ المسجون د يسوع المسيح
تاني 10 كنرغب على مسبّة ابني أنسيّمس الّتي ولدته في السجن 11 الّتي كان قبل بلا نفع لك ولاكن
دابّ هو ينفعل وينفعني 12 الّتي رديته لك. على داك شي، اقبله الّتي هو كبديتي، 13 الّتي كنت كنغبي
نخليه عندي باش يخدم لي في عوضك في قيود الإنجيل 14 ولاكن بلا رايك ما نحبّ نعمل حتى شي
باش ما يكون شي خيرك بحال ادا كان بزز منك لآكن بالخاطر، 15 لأنه ربّما على سبب هد شي
اتفرق عليك شي مدّة باش يكون عندك ديمًا، 16 ماشي دابّ كيف قبل بحال واحد العبد لآكن أفضل
من العبد واخو عزيز ولا سيّما عندي واكثر عندك في الجسد وفي الربّ بجوج. 17 وادا أنت كتحسبني
شريك، اقبله بحال نفسي. 18 وادا كان ظلمك بشي حاجة أو كتسال له شي دين، احسب داك شي
عليّ، 19 أنا بولس كتبت بيدّي، أنا نخلّص، باش ما نقول لك شي باين أنا كنسال لك حتى نفسك
تاني. 20 نعم، يا اخي، خليني نفرح بك في الربّ. فاجي لي قلبي في الربّ. 21 حيث ما عندي شكّ
في طاعتك. كتبت لك كنعرف باين أنت تعمل تاني اكثر من الّتي كنقول.
- 22 ومع هد شي وجدّ لي تاني واحد المنزل على حق اش راني كنرجا باين بصلواتكم ماشي
ننعطى لكم. 23 كيسلمّ عليك أبفراس المسجون معي في المسيح يسوع 24 ومرقس وأرسترخس وديماس
ولوقا الخدامة معي. 25 نعمة ربّنا يسوع المسيح مع روحكم. آمين.

الرسالة للعبرانيين

الفصل الاول

- 1 الله الّٰي تكلم في الزمان مع الجدود بالانبياء مرّات كتار وبطرقان على الشكال 2 تكلم معنا في هد الايام التالية بابطه الّٰي جعله وارت كل شي الّٰي به تاني خلق العالمين 3 الّٰي هو نور مجده وصورة روحه ورافد كل شي بكلمة قدرته، بعدما عمل بنفسه التطهير لدنوبنا، جلس على يمين العظمة في العلو 4 وهو اعظم من الملائكة حيث ورت واحد الاسم افضل منهم.
- 5 على حق اش لمن في الملائكة عمره قال: انت راك ابني، أنا اليوم ولدتك؟ وتاني: أنا نكون له ابو وهو يكون لي ولد. 6 وتاني، مينين حضر البكر في الدنيا كيقول: ويسجدوا له ملائكة الله كلهم.
- 7 وعلى الملائكة كيقول: الّٰي كييجعل ملائكته ارواح والخدماء دياله لهبة د العافية. 8 واما للابن كيقول: كرسيك، يا الله، هو على الدوام ديما. قضيب التقوى هو قضيب ملاكتك. 9 حببت التقوى وبغضت المعصية. على داك شي دهك الله إلهك بزيت الفرحة اكثر من عشانك. 10 وانت، يا رب، في البدو لست الارض والسموات هم خدمة يدك. 11 هم يفناوا ولاكن انت تبقى وكلهم بحال شي توب يبلاوا. 12 وبحال واحد الكسا تطوبهم وهم يتبدلوا ولاكن انت انت وسنينك ما يفناوا شي. 13 ولن في الملائكة عمره قال: اجلس على يميني حتى نجعل عديانك تحت رجلحك؟ 14 واش ما هم شي كلهم ارواح الّٰي كيخدموا مرسولين باش يتسخروا على هدوك الّٰي ماشيين يورتوا النجا؟

الفصل الثاني

- 1 على داك شي واجب علينا نردوا بالناس اكثر مع داك شي الّٰي سمعنا عندك يفلت لنا. 2 على حق اش إذا تبتت الكلمة الّٰي تكلموا بها الملائكة وكل تعدي ومعصية تخلصت بالعقوبة العادلة 3 وكيف نجاوا احنا إذا فرطنا في هد النجا قدّاش، الّٰي بدا الرب يتكلم به وتبتت لنا من الّٰي سمعوه؟ 4 الله تاني شاهد معهم بالامارات والعجائب والقوات على الشكال والمعطيات الروح القدس على حسب إرادته.
- 5 على حق اش ماشي للملائكة لمن تطوعت الدنيا الماجية الّٰي كنتكلموا عليها. 6 لاكن شهد واحد في واحد الموضع كيقول: اشنهو بن ادم حتى تتفكره وولد الآدمي حتى تضرب فيه الفك؟

7 جعلته اقل شويًا من الملائكة. عملت له المجد والتوقير بحال التاج جعلته يحكم على اعمال يدبك. 8 طوعت كل شي تحت رجليه. ومن حيث طوع له كل شي، ما خلّى حتى شي الي ما طابع له شي. وبالحق داب ما زال ما كنشوفوا كل شي طابع له. 9 ولاكن يسوع، الي على مسبة عذاب الموت اتجعل اقل من الملائكة باش يدوق بنعمة الله الموت على مسبة كل واحد، كنشوفوه لابس تاج المجد والتوقير.

10 على حق اش هداك الي على مسبته كل شي وبه كل شي حيث بغى يجيب أولاد بزاف للمجد لاق به باش يرد راييس نجاهم كامل بالعذاب. 11 على حق اش الي كيقدس والمقدسين كلهم من واحد وعلى هد شي ما حشم شي يسميهم خوت 12 كيقول: نخبر خوتي باسمك وفي وسط الكنيسة نحمدك بالتهليل. 13 وتاني: أنا نكون متكل عليه. وتاني: ها أنا والأولاد الي اعطاهم لي الله. 14 وحيث شركوا الأولاد في اللحم والدم كدالك هو تاني شرك فيهم باش يفني بالموت هداك الي عنده القوة د الموت يعني إبليس 15 ويفك هدوك الي كانوا بالخوف من الموت طول عمرهم تحت العبودية. 16 وبالحق ما قبض شي في الملائكة لاكن قبض في ذرية إبراهيم 17 على داك شي كان واجب عليه يشبه لاختوته في كل شي باش يكون واحد كبير الفقهاء رحيم وصادق في الأمور ديال الله باش يخلص دنوب الناس. 18 على حق اش حيث تعدب وهو مجرب يقدر يعاون الي كيتجربوا.

الفصل الثالث

1 على داك شي، يا الخوت القديسين الشركا في العرضة السماوية، اعملوا بالكم مع الرسول والفقهاء الكبير يسوع المسيح الي كنستقروا به 2 الي كان صادق للي عيئه كما كان موسى تاني صادق في داره كلها. 3 وبالحق هدا اتحسب مستحق المجد اكثر من موسى بحال ما يكون عند باني الدار العز اكثر من الدار. 4 على حق اش كل دار مبنية بشي واحد ولاكن الي كيبنني كل شي هو الله. 5 وموسى كان صادق في داره كلها بحال واحد الخدام شهادة لداك شي الي ماشي ينقال. 6 واما المسيح بحال الولد على داره. وداره هي احنا إذا شدينا في تيقنتنا وفرحة رجانا تابتين حتى للتمام. 7 على داك شي بحال ما كيقول الروح القدس: اليوم إذا سمعتوا صوته، 8 لا تقسحوا شي قلوبكم كما في نهار الغضب نهار التجربة في بلاد القفر 9 فاين جربوني جدودكم. وحققوني وشافوا اعمالهم اربعين عام. 10 على داك شي كرهت داك الجيل وقلت: هم ديما تالفين في قلوبهم وهم ما كيعرفوا شي طرقي.

11 حتّى حلفت في غضبي ما يدخلوا شي لراحتي. 12 ردّوا بالكم، يا الاخوت، باش ما يكون عند شي حد فيكم قلب قبيح وبلا إيمان زايغ على الله الحي. 13 لآكن انصحوا انفسكم كلّ نهار ما حدّ الوقت مسّمي "اليوم" باش مايتقسّح حد منكم بغرور الدنوب. 14 على حق اش دابّ ولينا شركان في المسيح إذا شدّينا في أوّل التيقّة تابتين حتّى للتمام 15 حيث انقال: اليوم إذا سمعتوا صوته لا تقسّحوا شي قلوبكم بحال في نهار الغضب. 16 وشكون هم الّلي غدّوه منين سمعوا؟ واش ماشي جميع الّلي خرجوا من مصر بواسطة موسى؟ 17 وشكون هم الّلي كرههم اربعين عام؟ واش ماشي الّلي دنبوا الّلي اجسادهم طاحوا في بلاد القفر؟ 18 ولن حلف ما يدخلوا شي لراحتّه من غير لهدوك الّلي ما طاعوا شي؟ 19 وكنشوفوا باين ما قدروا شي يدخلوا حيث كانوا بلا إيمان.

الفصل الرابع

1 على داك شي نخافوا ربّما يكون شي حد منكم الّلي ما يدرك شي راحتّه بعدما كاين القول بدخول لها 2 على حق اش احنا تاني تبشّرنا بالانجيل بحال ما تبشّروا هدوك لآكن كلام الخبر ما نفعهم شي هم حيث ما كان شي مخلّط بالايمان عند الّلي سمعوه. 3 على حق اش احنا المومنين كندخلوا الراحة. كما قال: حتّى حلفت في غضبي باين ما يدخلوا شي لراحتي بعدما تكملّوا الاعمال من أوّل الدنيا. 4 على حق اش قال في واحد الموضوع على النهار السابع هكدا: وارتاح الله في النهار السابع من جميع اعماله. 5 وفي هذا تاني: ما يدخلوا شي لراحتي. 6 حيث ظاهر باين شي ناس باقيين يدخلوا لها والّلي تبشّروا في الأوّل ما دخلوا شي على سبب المعصيّة 7 كيعيّن تاني واحد النهار كييقول في داود "اليوم" بعد هد الوقت كلّهُ كما انقال: اليوم إذا سمعتوا صوته لا تقسّحوا شي قلوبكم. 8 على حق اش لو كان اعطاهم يشوع الراحة، علاش تكلمّ بعد داك شي على نهار اخر؟ 9 على داك شي باقية واحد الراحة لقوم الله. 10 على حق اش الّلي دخل لراحتّه ارتاح هو تاني من اعماله كما الله من اعماله. 11 على داك شي لازم نعملوا جهدنا باش ندخلوا لديك الراحة باش ما يطيح شي حد في مثل ديك المعصيّة بنفسها 12 على حق اش كلمة الله حيّة وخدمّة وامضى من كلّ سيف الّلي ماضي من جهتين وواصله حتّى لفراق النفس والروح والمفاصل والمخاخ وكتميّز تخميمات القلب ونيّاته. 13 وما كاينة حتّى خليفة الّلي ما ظاهرة شي قدّامه لآكن كلّ شي عريان وباين لعينين هداك الّلي شغلنا معه. 14 وحيث عندنا واحد كبير الفقهاء عظيم الّلي داز للسموات، يسوع ابن الله، لازم نتبتوا في الّلي كنستقروا به. 15 على حق اش ما عندنا شي واحد كبير الفقهاء الّلي ما قادر شي يرتى على

ضعفاتها لآكن كان مجرّب بحالنا في كلّ شي من غير دنوب. 16 على داك شي نقرّبوا بالشجاعة للكرسي د النعمة باش نتوصلوا بالرحمة ونصيبوا النعمة الّتي تعاوننا في الوقت فاش نكونوا محتاجين.

الفصل الخامس

1 على حق اش كلّ كبير الفقهاء موخود من الناس معيّن على مسبّة الناس في الامور ديال الله باش يقدّم القرايين والدبايح على الدنوب 2 قادر يحنّ على الغشماء والمتلوفين حيث هو ثاني داير به الضعف. 3 وعلى سبب هد الضعف يلزم عليه يقربّ الديحة على الدنوب ماشي غير على الناس لآكن على نفسه ثاني. 4 وحتّى واحد ما يعليّ نفسه لهد المرتبة من غير الّتي عييط له الله بحال ما عييط لهارون ثاني 5 كدالك المسيح ثاني ما مجدّ شي نفسه باش يوليّ كبير الفقهاء لآكن الّتي قال له: انت ابني، أنا اليوم ولدتك. 6 بحال ما قال ثاني في موضع اخر: انت فقيه على الدوام على مرتبة ملكي صادق. 7 الّتي في ايام جسده منين قدّم بصوت عالي وبالدموع الطلبات والرغبات للّتي قادر ينجيّه من الموت واتقبل على التقوى دباله، 8 وحقّى كان ولد، تعلّم الطاعة بذاك شي الّتي تعدّب به. 9 وحيث ولىّ كامل صار سبب النجا الدائم لجميع الّتي كيطيعوا له 10 معيّن من الله كبير الفقهاء على مرتبة ملكي صادق. 11 على من عندنا بزاف ما نقولوا وواعر التفسير حيث وليتوا تقال السمع. 12 على حق اش منين كان واجب عليكم من مورا هد الوقت كلّه تكونوا معلّمين راكم محتاجين في شي حد يعلمكم اشنهم الامور الاولين د كلام الله ووليّتوا محتاجين في الحليب وماشي في الطعام القوي 13 من حيث كلّ واحد الّتي كيعيش بالحليب باقي غشيم في كلام التقوى حيث راه صغير. 14 ولاكن الطعام القوي ديال البالغين الّتي بسبب الولف ولاّوا لهم عقولهم مربّيين للتمييز بين الخير والشرّ.

الفصل السادس

1 على داك شي واحنا نخليوا كلام بدو المسيح لازم نزيدوا لقدّام حتّى للكمال وما ننزلوا شي ثاني لساس التوبة من الاعمال الميّتين والايمان بالله 2 تعليم المعموديّات وحطّان اليدين، قيامة الميّتين والعقوبة الدائمة. 3 وهد شي نعملوه إذا دن الله. 4 على حق اش هدوك الّتي شرق عليهم الضوّ واحد المرّة وداقوا المعطى السماويّة، وولاّوا شركان في الروح القدس 5 وداقوا كلام الله الصالح وقوّات الدنيا الماجية 6 إذا هم طاحوا ما يمكن شي يتجدّدوا ثاني للتوبة. حيث صلّوا لانفسهم ابن الله المرّة الثانية وفضحوه. 7 على حق اش الارض الّتي كتشرب الشتا الّتي كتطيح عليها مرّات كتار وكتجيب العشب الّتي يصلحوا للّتي حرتوها تاخذ البركة من الله.

8 ولاكن إذا جابت الشوك والجرنيج راها ما مقبولة شي وقريبة للنعلة الي تمامها الحريق. 9
ولاكن، يا العزاز، احنا ميقنين باين فيكم انتم امور افضل من هدو والي يجيوا مع النجا وحي كنتكلّموا
هكذا. 10 على حق اش الله ما هو شي ظالم حتى ينسى عملكم وتعب المحبة الي ظهّرتوهم لجهة
اسمه من حيث خدمتوا للقديسين وكتخدموا لهم. 11 ونبغي كل واحد منكم يظهر هد الجد براسه
ليقين الرجا حتى للتمام 12 باش ما تكونوا شي عجزانين لآكن متمّلين بهدوك الي بالايمان والصبر
كيورتوا كل ما قاول به الله.

13 على حق اش مينين قاول الله إبراهيم حلف بنفسه حيث ما كان ما اعظم من نفسه بمن
يحلف 14 كيقول: أنا بالحق نبارك فيك ونكتر برف. 15 وهكذا حيث صبر حاز داك شي الي قاوله
به. 16 على حق اش الناس كيحلفوا بلي هو عظيم والحلوف هم حد التتبيت في كل خصومة عندهم.
17 على داك شي حيث بغى الله يظهر للورثة د القول اكثر برف باين ما كاين لا تبديل ولا تغيير في
حكاه دخل بيئه وبينهم بالحلوف 18 باش بجوج د الامور الي ما فيهم لا تبديل ولا تغيير، وما يمكن
شي باين الله يكذب، فيهم تكون لنا واحد التسلية قوية احنا الي زاوجنا باش نقبضوا في الرجا الي
منزل قدامنا. 19 الي هو لنا بحال واحد المرساة للنفس مامونة وثابتة وكتدخل حتى لداك شي الي
داخل من الحجاب 20 فاين دخل يسوع كيف واحد الي سبق قدامنا وولي على قبلنا واحد كبير
الفقهاء إلى الابد على مرتبة ملكي صادق.

الفصل السابع

1 على حق اش هذا ملكي صادق ملك ساليم فقيه الله العلي الي تلاقي إبراهيم مينين رجع من
كسرة الملوك وبارك فيه. 2 الي قسم له إبراهيم العشور د كل شي، الي مترجم اسمه في الاول "ملك
التقوى" وتاني "ملك ساليم"، يعني ملك السلام، 3 بلا ابو بلا أم بلا أصل الجدود. ما عنده لا بدو
الايام ولا حد الحياة لآكن كيشبه لابن الله هذا يبقى فقيه على الدوام. 4 وتاني شوفوا ما اعظم هذا الي
اعطى له إبراهيم كبير الجدود العشور من المخير د الغنايم. 5 واما الي هم من اولاد لاوي الي كيتوليوا
على مرتبة الفقيه عندهم الوصاية باش يقبضوا العشور من الناس على قاعدة الشرع يعني من خوتهم
وحي خرجوا من صلب إبراهيم. 6 ولاكن هداك الي اصله ما هو شي منهم راه قبض العشور من إبراهيم
وبارك في الي عنده الميعادات 7 وبلا حتى مغانة الصغير يتبارك من الكبير. 8 وهنا الناس الي
كيموتوا كيقبضوا العشور واما تم كيقبضه واحد الي مشهود له باين حي. 9 حتى نقول واحد الكلمة

باين لاوي ثاني الي كيقبض العشور اعطى العشور على يد إبراهيم. 10 حيث كان داك الوقت في صلب ابوه حين تلاقاه ملكي صادق.

11 ولو كان كان الكمال بالتكوهنيت د اللاويين ، على حق اش في وقتها اتعطى الشرع للناس ، أش من حاجة بقات حتّى يقوم فقيه اخر على مرتبة ملكي صادق وما يتسمّى شي على مرتبة هارون. 12 على حق اش إذا تبدّلت التكوهنيت باللازم يتبدّل الشرع ثاني. 13 على حق اش الي انقول عليه هد شي راه من قبيلة اخرى الي ما يلازم حد منها المذبح ، 14 على حق اش ظاهر باين ربنا جا من قبيلة يهودا الي ما تكلم عليها موسى حتّى شي من جهة التكوهنيت. 15 وداك شي ظاهر اكرت باين على شبيهة ملكي صادق يقوم ثاني فقيه اخر 16 الي تولّى ماشي على حسب الشرع د واحد الوصاية جسدية لآكن على حسب القوة د الحياة الدائمة. 17 على حق اش كيشهد له : راك فقيه على الدوام على مرتبة ملكي صادق.

18 وعلى هد شي رجعت الوصاية السابقة بطلالة بسبب ضعفها وقلة نفعها. 19 حيث الشرع ما كمل حتّى شي ولاكن بالدخول د واحد الرجا افضل الي به كنقربوا لله. 20 من حيث ما هو شي فقيه بلا حلوف 21 على حق اش هدوك بلا حلوف ولاّوا فقهاء واما هدا راه بالحلوف من هداك الي قال له : حلف الربّ وما يندم شي. انت فقيه على الدوام على مرتبة ملكي صادق. 22 على قدر داك شي ولّى يسوع الضمان د واحد العهد افضل. 23 وهدوك كانوا فقهاء كتار على حق اش ما خلاّتهم شي الموت يبقاوا. 24 واما هدا حيث يبقى على الدوام التكوهنيت دياله دائمة 25 وعلى داك شي يقدر ثاني ينجي حتّى للتمام الي يتقدّموا به لعند الله حيث هو حيّ ديما باش يشفع فيهم. 26 على حق اش كيليق بنا واحد كبير الفقهاء بحال هدا الي قدّوس وبلا ضرر وصافي الي اتفرق من المدن بين وولّى اعلى من السماوات 27 الي ما كيحتاج شي كلّ نهار بحال هدوك كبار الفقهاء يقرب الدبائح في الاول على دنوب نفسه ومن بعد على دنوب الناس من حيث عمل هد شي مرّة واحدة حين اعطى نفسه. 28 على حق اش الشرع كي عمل الناس الي فيهم الضعف يكونوا كبار الفقهاء. واما كلمة الحلوف الي من مورا الشرع كتعمل الابن يكون فقيه الي هو كامل على الدوام.

الفصل التامن

1 ودابّ حاصل الكلام هو باين عندنا واحد كبير الفقهاء بحال هدا الي جالس على يمين عرش العظمة في السماوات 2 خدام الاقداس والمسكن الحقيقي الي نصبه الربّ ماشي بن آدم. 3 على حق اش كلّ كبير الفقهاء كيتولّى باش يقرب القرابين والدبائح. على داك شي لازم يكون عند هدا ثاني

شي حاجة ما يقرب. 4 على حق اش لو كان كال على الارض ما يكون شي فقيه حيث كاينين الفقهاء
الي كيقربوا القرايين على حسب الشرع 5 الي كيخدموا شبيهة الامور السم ويين وظلهم بحال ما تبين
لموسى منين كان موجود باش يصنع المسكن على حق اش قال: رد بالك باش تصنع كل شي بحال
المثال الي ورّيت لك في الجبل. 6 ولاكن داب راه حاز خدمة افضل بمقدار ما هو وسيط ثاني ديال واحد
العهد اعظم الي تتبت على ميعادات الي هم افضل.

7 على حق اش لو كان كان داك الاول بلا عيب علاش يفتشوا على الموضع للثاني؟ 8 من
حيث كيقول لهم ويعيب: راها الايام تجي كيقول الرب فاش نعمل مع دار إسرائيل ومع دار يهودا
واحد العهد جديد. 9 ماشي بحال العهد الي عملته مع جدودهم في النهار الي قبضتهم من يدهم باش
نخرجهم من بلاد مصر من حيث ما تبتوا شي في عهدي وأنا تركتهم كيقول الرب. 10 على حق اش
هذا هو العهد الي نعمله مع دار إسرائيل من مورا ديك الايام كيقول الرب: نجعل الشروعات دياي في
عقولهم ونكتبهم على قلوبهم وأنا نكون إلههم وهم يكونوا قومي. 11 وما يعلموا شي كل واحد جاره
وكل واحد اخاه ويقول: اعرف الرب! على حق اش كلهم ماشيين يعرفوني من الصغير فيهم حتى
للكبير. 12 على حق اش نكون غفور على معصياتهم وما نتفكر شي دنوبهم ولا تعدياتهم من هنا لقدام.
13 وحيث قال: واحد العهد جديد، رد الاول قديم. واما الي بلا وشرف هو قريب يفنى.

الفصل التاسع

1 والعهد الاول كان عنده ثاني الفرائض د الخدمة وبيت المقدس الدنياوي 2 على حق اش
تصوب المسكن الاول الي تسمى القدس الي كانت فيه الحسكة والمائدة وخبز المعطي. 3 ومورا الحجاب
الثاني المسكن الي كيتسمى قدس الاقداس 4 فيه واحد المبخرة من الذهب وتابوت العهد مغطي من كل
جهة بالذهب الي فيه واحد العبر من الذهب فيه المن والعصا ديال هارون الي لقحت وألواح العهد. 5
وفوق منه كروبيم المجد مظللين على الغطا. امور الي ما قدرنا شي داب نتكلموا عليهم واحد بواحد. 6
ومنين كانوا هدو الامور مرتبين هكدا كيدخلوا الفقهاء للمسكن الاول في كل وقت مجابلين الخدمة. 7
واما المسكن الثاني كبير الفقهاء وحده واحد المرة في العام ماشي بلا دم الي كيقربه على نفسه وعلى
جهالات القوم 8 كيبين الروح القدس بهد شي باين طريق الاقداس باقية ما ظهرت ما حد المسكن الاول
موجود 9 الي هو مثال ديال الوقت الحاضر الي فيه تقربوا قرايين ودبائح الي ما قدرنا شي يردوا هداك
الي قربهم كامل من جهة الضمير 10 وداك شي مقيوم غير بالماكلات والشرابات والغسلات مختلفين
وفرائض جسديين مفروضين عليهم حتى لوقت الصلاح. 11 واما المسيح حيث هو جا واحد كبير الفقهاء

د الخيرات الماجيين وبالمسكن الاعظم والاكمل ما مصنوع شي باليدّ يعني اليّ ما هو شي من هد الخليفة. 12 وماشي بدمّ العتارس والعجول لآكن بدمّ نفسه دخل مرّة واحدة للاقداس وحاز لنا الفدا الدائم. 13 على حق اش ادا كان دمّ التيران والعتارس ورماد العجلة مرشوش على المنجوسين كيقدّس لطهارة الجسد.

14 واشحال اكثر يكون دمّ المسيح اليّ بالروح الدائم قرّب نفسه لله بلا عيب يطهر ضميركم من الاعمال الميّتين باش تخدموا الله الحيّ.

15 وعلى هد شي هو وسيط العهد الجديد باش يشدّوا المعروضين قول الميرات الدائم حيث وقعت الموت لفدا التعديّات اليّ في العهد الاوّل. 16 على حق اش فاين ما كانت الوصاية لازم تظهر موت الموصي. 17 من حيث الوصاية ثابتة على الموتى لآكن ما عندها قوّة بالكلّ ما حدّ الموصي عايش. 18 على داك شي تاني حتّى العهد الاوّل ما اتّعد شي بلا دمّ 19 على حق اش موسى من مورا ما تكلم مع جميع القوم بكلّ وصاية على حسب الشرع قبض دمّ العجول والعتارس مع الما وواحد الصوفة حمرا وواحد الزوفة ورشّ الكتاب بنفسه وجميع القوم 20 كيقول هذا هو دمّ العهد اليّ وصاكم الله به. 21 وكذاك المسكن تاني وجميع مواعن الخدمة رشّم بالدمّ. 22 وبالشرع على حال كلّ شي كيتطهر بالدمّ وبلا سيلان الدمّ ما يكون شي الغفران.

23 وكان لازم بين المتال د الامور اليّ في السماوات يتطهر بهدو واما الامور السم ويّين بانفسهم بدبائح افضل من هدو. 24 على حق اش المسيح ما دخل شي للاقداس اليّ مصنوعين باليدّ اليّ متشبّهين للحقيقيين لآكن للسما بنفسه باش يظهر دابّ قدام وجه الله على مسبتنا. 25 ولا باش يقرب نفسه مرّات كتار بحال ما كيدخل كبير الفقهاء للاقداس كلّ عام بدمّ واحد اخر 26 على حق اش لو كان كان هكدا واجب يتعدّب مرّات كتار من لساس الدنيا ولاكن دابّ راه ظهر مرّة واحدة في تاخير الزمان باش يحيّد الدنوب بضحيّة نفسه 27 وبحال ما معيّن للناس يموتوا مرّة واحدة وبعد داك شي الحساب 28 هكدا المسيح تاني بعد ما تقرب ضحيّة مرّة واحدة باش يرفد الدنوب د الناس بزاف وماشي يظهر المرّة الثانية بلا دنوب للنجا لليّ كيتسناواه.

الفصل العاشر

1 على حق اش الشرع حيث هو خيال الخيرات الماجيين وماشي صورة الامور بانفسهم، عمره ما قدر بدوك الدبائح اليّ كيعاونوهم ديما كلّ عام يردّ كاملين هدوك اليّ كيقرّبوا. 2 أو لو كان ردّهم كاملين علاش يعاودوا يقربوهم؟ على حق اش اليّ كيقرّبوا لله بهم ادا تطهروا واحد المرّة ما يعاودوا شي

يَحْسُوا في ضميرهم بالذنوب، 3 لَكن في دوك الدبائح كايَن تفكير الذنوب كلّ عام. 4 من حيث ما يقدر شي يكون باين دمّ التيران والعنارس يَحْيِد الذنوب. 5 على داك شي مِنين جا للدنيا، قال: الدبيحة والقربان ما بغيت هم شي ولاكن وَجَدت لي واحد الجسد. 6 بالمحروقات والدبائح على الذنوب ما كَتَفَرَح شي. 7 ديك الساعة قلت راني جيت في رسم الكتاب مكتوب عليّ باش نعمل إرادتك، يا الله. 8 حيث قال قبل: الدبيحة والقربان والمحروقات والدبائح على الذنوب ما بغيت هم شي ولا تَفَرَح بهم الّتي تَقَرَّبوا على حسب الشرع. 9 ديك الساعة قال: راني جيت باش نعمل إرادتك، يا الله؛ كينزع الاول باش يَتَبَّت الثاني. 10 وبهد الإرادة احنا مقدّسين بضحيّة جسد يسوع المسيح مرّة واحدة. 11 وكلّ فقيه واقف كلّ نهار كيخدم ويقرب مرّات كتار دوك الدبائح بانفسهم الّتي ما يقدرُوا شي بالكلّ يَحْيِدوا الذنوب. 12 واماّ هدا من مورا ما قرب على الذنوب ضحيّة واحدة جلس على الدوام على يمين الله 13 كيتسنّى حتّى يتردّوا عديانّه تحت رجليه. 14 على حق اش بضحيّة واحدة ردّ المقدّسين كاملين الى الأبد. 15 وكيشهد لنا الروح القدس تاني، على حق اش بعد ما قال قبل: 16 هدا هو العهد الّتي نعمله معهم من مورا ديك الايام كيَقول الربّ نجعل شروعاتي في قلوبهم ونكتبهم في بالهم 17 وما نتفكّر شي دنوبهم وتعدّياتهم من هنا لقدام. 18 وبالحقّ فاين يكون الغفران ما تكون ضحيّة على الذنوب.

19 على داك شي، يا الخوت، حيث عندنا اليقين بالدخول للاقداش بدمّ يسوع 20 طريق جديدة وحيّة الّتي فتحها لنا بالحجاب يعني جسده 21 وعندنا فقيه عظيم على بيت الله 22 نقربوا بقلب صادق في يقين الايمان مرشوشين قلوبنا من ضمير قبيح ومغسولين اجسادنا بالما النقي 23 ونشدّوا في الرجا الّتي استقرّينا به تابتين على حق اش الّتي قاولنا هو صادق. 24 ونردّوا بالنّا بعضنا بعض باش نتناصحوا على المحبّة والاعمال الصالحة 25 وما تاركين شي جموعنا بحال قاعدة شي ناس لَكن متناصحين بعضنا بعض واكثر حيث كتشفوا النهار كيقرّب، 26 على حق اش إذا دنبنا بخاطرنّا من مورا ما توصلنا بمعرفة الحقّ ما بقات دبيحة على الذنوب 27 لَكن يبقّى الخوف د واحد العقوبة شديدة وقوّة النار الماجية الّتي تاكل المضادّين 28 الّتي خالف شرع موسى مات بلا رحمة على فمّ زوج د الشهود أو ثلاثة. 29 قدّاش د العقوبة اكثر كتظنّوا يستاهلها هداك الّتي عفس على ابن الله وحسب دمّ العهد الّتي تقدّس به نجاسة وبهدل بروح النعمة. 30 على حق اش كنعرفوا هداك الّتي قال: ديالي الحسيّة، أنا نخلف، كيَقول الربّ. وتاني الربّ يحكم قومه. 31 زغبية هي الحصلة في يدين الله الحيّ!

32 ولاكن تفكروا الايام الفايته الي فيها من مورا ما شرق عليكم الضو صبرتوا في شدة العذاب

الكثير 33 من واحد الجهة مشهورين بالمعيار والضيقات ومن جهة اخرى، حيث كنتوا شركان مع هدوك الي وقع لهم هكدا. 34 من حيث راكم رتيتوا علي في سناسلي تاني وقبلتوا تحويص أموالكم بالفرحة عارفين في انفسكم باين عندكم مال افضل ودائم في السماوات. 35 ولا تسمحوا شي في الثقة ديالكم الي عندها مجازية عظيمة. 36 على حق اش انتم كتححتاجوا الصبر باش من مورا ما عملتوا خاطر الله تحوزوا القول. 37 على حق اش باقي شويا ويجي الي ماجي وما يبطا شي. 38 اما التقى بالايمان يحيا ولاكن إذا رجع للورا ما تفرح شي به نفسي. 39 واما احنا ما احنا شي من الي كيرجعوا للهلاك لاكن من هدوك الي كيأمنوا لنجا انفسهم.

الفصل الحضاش

1 واما الايمان هو تبات الامور الي كنرجوا، الايقان بالامور الي ما كينشافوا شي. 2 على حق اش بالايمان كيأمنوا خبر مزيان على الناس د الزمان. 3 بالايمان كنفهموا باين العالمين تقوموا بكلمة الله حتي ما تكون شي داك شي الي كينشاف من الحاجة الي كتظهر. 4 بالايمان هابيل قرب لله واحد الدبيحة افضل من ديال قايين وبه اتشهد له باين راه تقي حيث شهد الله على داك شي الي قرب. وبه باقي كيتكلم بعدما مات. 5 بالايمان اترفع اخنوخ باش ما يشوف شي الموت وما انصاب شي على حق اش الله رفعه. حيث قبل ما اترفع اتشهد له باين رضى الله. 6 ولاكن بلا إيمان ما يقدر حد يرضيه على حق اش الي كيحي لعند الله لازم يامن باين موجود وباين يجازي الي كيفتشوا عليه. 7 بالايمان، نوح حيث تنبه من عند الله على الامور الي عمرهم ما انشافوا، خاف وبني واحد السفينة باش ينجي داره وبه حكم على الدنيا وولى وارت التقوى الي هي بالإيمان. 8 بالايمان إبراهيم، منين ناداه الله باش يخرج للمكان الي كان ماشي يحوزه ورت، طاع وخرج وهو ما عارف لاين كيمشي. 9 بالايمان تغرب في بلاد القول بحال إذا هي غريبة ساكن في الخيام مع إسحق ويعقوب الوارتين معه في داك القول بالدات. 10 من حيث كان كيتسنى المدينة الي عندها لساسات الي بنائها وخالقها هو الله. 11 بالايمان سارة بنفسها تاني اخدت القوة باش تحبل ومن مورا ما فاتت وقت الولادة ولدت حيث حسبت هداك صادق الي قاولها. 12 على داك شي تاني زادوا من واحد، وهداك بحال الي ميّت، قد نجوم السما في الكثرة وقد الرمل على شط البحر ما يتحسب شي.

13 هدو كلهم ماتوا في الايمان وهم ما حازوا شي الميعادات لاكن شافوهم من بعيد وصدّقوهم وقبلوهم واستقروا باين هم غرباء وبرانيين على الارض. 14 على حق اش الي كيتكلموا هكدا كيبيّنوا

ظاهر باين كيفتشوا على واحد البلاد. 15 ولو كان تفكروا ديك البلاد الي خرجوا منها لو كان صابوا الوجبة باش يرجعوا. 16 ولاكن داب كيبيغيوا واحد البلاد افضل يعني بلاد سموية. على داك شي ما حشم شي الله بهم باش يتسمى إلههم حيث وجد لهم واحد المدينة.

17 بالايمان قرب إبراهيم إسحق وهو مجرب. والي حاز الميعادات قرب ولده الوحيد 18 الي انقال له: في إسحق تتسمى دريتك. 19 حيث حسب باين الله قادر يقيمه حتى من الميتين. الي منهم اخذه ثاني في متال. 20 بالايمان إسحق بارك في يعقوب وعيسو من جهة الامور الماچيين. 21 بالايمان يعقوب بارك في اولاد يوسف بجوج منين كان كيموت وسجد على راس عصائه. 22 بالايمان يوسف، منين كان كيموت، تفكر خروج بني إسرائيل ووصى على عظامه. 23 بالايمان موسى، من مورا ما خلق، خبعوه والديه تلت شهور على حق اش شافوا الصبي باين مزيان وما خافوا شي من امر السلطان. 24 بالايمان موسى، منين كبر، ما بغى شي يتسمى ولد بنت فرعون. 25 اختار يندل مع قوم الله من الي يتمتع بالدنوب على شي وقت 26 كيحسب عار المسيح غنى اعظم من خزاين مصر حيث كان كيراعي للمجازية. 27 بالايمان خوى مصر ما خايف شي من غضب السلطان على حق اش تقوى بحال إذا شاف هداك الي ما كينشاف شي. 28 بالايمان عمل عيد البيسح ورش الدم باش ما يمسه شي الي هلك الابكار. 29 بالايمان دازوا في البحر الاحمر بحال في البر الي بداوا يعملوه المصريين وغرقوا. 30 بالايمان طاحوا أسوار أريحا من مورا ما داروا بهم سبع ايام. 31 بالايمان راحاب الزانية ما انهلكت شي مع العاصيين حيث قبلت الجوساسة بالسلامة.

32 واش باقي نقول على حق اش ما يكفيني شي الوقت باش نخبر على جدعون وباراق وشمشون ويفتاح وداود وصموئيل والانبياء 33 الي بالايمان قهروا ملاكات عملوا التقوى حازوا الميعادات شدوا فوام السبوعة 34 طفاوا جهد النار نجاوا من فم السيف تقواوا من الضعف ولاوا شداد في الحرب هزموا محال البرانيين. 35 النسا احييت لهم الموتى ديالهم. واخرين تعدبوا وما قبلوا شي يتفكوا باش ينالوا واحد القيامة افضل. 36 واخرين تجربوا بالطنز والعصا وفي السناسل تانيوا الحبس. 37 اترجموا، اتنشروا، تجربوا. ماتوا مقتولين بالسيف. كانوا كيدوروا في جلود الغنم وجلود المعيز، مخصوصين، معدبين، مدلولين. 38 الي ما كانت شي الدنيا مستاهلة بهم، تايهين في الصحاري والجبال والغيران وشقايق الارض. 39 وهدو كلهم مشهود لهم بالايمان ما نالوا شي القول 40 حيث سبق الله ووجد لنا شي حاجة افضل باش ما يكونوا شي مكمولين بلا بنا.

1 على داك شي احنا تاني حيث عندنا هدي قوّة الشهود دايرين بنا، لا بدّ نرميوا بكلّ تقل والدنب الّي ديمّا موجود يحصرنا ونجربوا بالصبر في المسابقة المعينة قدامنا 2 متنابهين ليسوع راس الايمان والّي كيكمّله الّي بسبب الفرحة المنزلة قدامه رقد الصليب ما مطلع شي الحساب في الحشومة وجلس على يمين عرش الله. 3 وخمّموا في الّي حمل من المدينين المعارضة قدّ هدي ضدّ في نفسه باش ما تعياوا شي وتفشلوا في انفسكم 4 باقيين ما تشاريتوا شي حتّى للدمّ مجاهدين ضدّ في الذنوب 5 ونسيتوا النصيحة الّي كتتكلم معكم بحال مع الاولاد، يا ابني، لا تحقر شي تأديب الربّ ولا تقنط حين يوبّخك. 6 على حق اش الّي كيحبه الربّ يرّبهه وكيعصّي كلّ ولد الّي كيقبّله. 7 إذا حملتوا الترابي كيتصارف الله معكم بحال مع الاولاد. وفاين الولد الّي ما يرّبهه شي ابوه؟ 8 ولاكن إذا كنتوا بلا ترابي الّي كيشركوا فيها الجميع راكم اولاد الحرام ماشي اولاد الحلال. 9 وكانوا عندنا بوات اجسادنا الّي ربّاونا وكنا كنهيبوهم. واش ما نطيعوا شي اكثر بزّاف لأبو الارواح ونحياوا؟ 10 على حق اش هم ربّاونا على شي ايام قليلة بحال ما ظهر لهم مزيان. واما هذا للنفع ديالنا باش نشركوا في القداسة دياله. 11 ولاكن كلّ ترابي في وقتها ما كتظهر شي فيها الفرحة لاكن الغيار. واما في الاخر كتجيب للّي كيتربّاوا بها غلة التقوى للسلام. 12 على داك شي هزّوا اليدين الّي اترخاوا والركابي الّي فشلوا 13 واعملوا لرجليكم طرقات مسجدين باش ما يتلف شي الاعرج لاكن يتشافى احسن. 14 اتبعوا السلام مع الجميع والقداسة الّي بلا بها حتّى حدّ ما يشوف الربّ، 15 رادين البال باش ما يخيب حدّ من نعمة الله، باش ما يطلع شي جدر د المارة ويعمل الفتنة ويتّنجسوا به ناس كتار. 16 باش ما يكون شي حدّ زاني أو زنديق بحال عيسو الّي على مسبة مأكلة واحدة باع البركة دياله. 17 وبالحقّ كتعرفوا باين بعد داك شي مّنين بغى يورت البركة، ما اتقبل شي حيث ما صاب موضع للتوبة بعدما فتّش عليها بالدموع. 18 على حق اش ما جيتوا شي للجبل الّي يتمسّ مشعول بالنار ولا للضبابة والظلام والعجاج 19 وغوات البوق وصوت الكلمات والّي سمعوا داك شي رغبوا باش ما يتّزاد لهم شي الكلام. 20 على حق اش ما قدروا شي يحملوا داك شي الّي توصّوا به: وإذا مسّت الجبل شي بهيمة تتّرجم بالحجار. 21 وكانت النظرة هكدا مخيفة حتّى قال موسى: أنا خوفان وكنتّرعّد. 22 لاكن راكم جيتوا لجبل صهيون ولمدينة الله الحيّ اورشليم السماوية ولواحد العدد بلا حساب مجموع من الملائكة 23 ولكنيسة الابكار الّي مكتوبين في السماوات ولله الحاكم على الجميع ولارواح التقيين الّي حازوا الكمال 24 ولوسيط العهد الجديد يسوع ولدمّ الرشان الّي كيتكلم بامور افضل من دمّ هابيل.

25 ردّوا بالكم باش ما تحقروا شي اليّ كيتكلّم. على حق اش إذا ما نجاوا شي هدوك اليّ حقروا اليّ تكلّم على الارض واعسّاك احنا ما ننجواوا شي إذا تركنا هداك اليّ كيتكلّم من السما 26 اليّ صوّته زعزع الارض داك الوقت واماّ دابّ راه اعطى القول كييقول: باقي واحد المرّة اخرى نزعزع ماشي الارض وكان، لكن السما تاني. 27 وهدا القول دياله "باقي واحد المرّة اخرى" كيدلّ على تغيير الامور المتزعزعين بحال الامور المصنوعين باش اليّ ما يتزعزع شي يبقّى. 28 على داك شي حيث احنا قابضين واحد الملائكة اليّ ما تتزعزع شي لازم يكون فينا الشكر اليّ به نخدموا الله بخدمة مرضيّة بالخشوع والتقوى. 29 على حق اش إلهنا هو نار كتاكل.

الفصل التلّطاش

1 تبقى محبّة الخوت ثابتة. 2 لا تنساوا شي ضيافة الغربا على حق اش بها شي ناس ضيّفوا الملائكة وهم ما عرفوهم شي. 3 تفكّروا المسجونين بحال إذا كنتوا مسجونين معهم والمضيّقين بحال إذا كنتوا انتم تاني في الجسد. 4 ويكون الزواج موقّر عند كلّ واحد والفراس ما هو شي منجوس. واماّ الفاسدين والزانيين يعاقبهم الله. 5 يكون صرفكم بلا محبّة المال. كونوا قانعين بلّي عندكم حيث هو قال: ما ننساك شي ولا نتركك 6 حتّى كنقولوا واحنا ميقّنين: الربّ هو عويني وما نخاف شي. أش يعمل لي بن ادم؟ 7 تفكّروا مقدّمينكم اليّ تكلّموا معكم بكلام الله. شوفوا في تمام سيرتهم وكونوا بحالهم في الايمان.

8 يسوع المسيح هو هو البارح واليوم وعلى الدوام. 9 لا تتحوّلوا شي بالتعليمات المشكّلين وغراب على حق اش مليح باش يتتبّت القلب بالنعمة ماشي بالماكالات اليّ ما نفعاوا شي هدوك اليّ اتّشغلوا بهم. 10 عندنا واحد المديح اليّ ما قدروا شي هدوك اليّ كيخدموا بيت المقدس ياكلوا منه. 11 على حق اش البهايم اليّ دمّم كيّدخله كبير الفقهاء للاقداس على الدنوب اجسادهم كينحرقوا على برّا من المحلّة 12 على داك شي يسوع تاني باش يقدّس القوم بدمّ نفسه تعدّب على برّا من الباب. 13 على داك شي نخرجوا لعنّده على برّا من المحلّة رافدين عاره. 14 على حق اش ما عندنا هنا شي مدينة اليّ تبقى لآكن كنفتّشوا على المدينة الماجية. 15 على داك شي نقربوا به لله في كلّ وقت دبيحة الحمد يعني غلّة شواربنا مستقرّين باسمه. 16 ولاكن لا تنساوا شي تعملوا الخير وتعاونوا على حق اش بدبائح اليّ بحال هداو كيرضى الله.

17 طيعوا لمقدّمينكم واسعفوهم على حق اش كييسّوا على مسبّة انفسكم بحال إذا غاديين يعطيوا

الحساب باش يعملوا داك شي الفرحة ماشي بالغيار على حق اش هد شي ما ينفعكم شي.

18 صلّوا على قبلنا حيث كنتيقوا باين عندنا ضمير صالح باغيين نتصرّفوا مليح في كلّ شي.

19 ولاكن يطلب اكثر باين تعملوا هد شي باش نرجع لكم دغيا. 20 وإله السلام الّي قيّم من الميّتين راعي الخرقان العظيم ربّنا يسوع بدمّ العهد الدائم 21 يجعلكم تكونوا كاملين في كلّ عمل الصالح باش تعملوا إرادته ويخدم فيكم داك شي الّي مرضي قدّامه بيسوع المسيح الّي له المجد على الدوام ديما. آمين.

22 ونطلبكم، يا الخوت، باين تحملوا كلمة النصّاحة على حق اش بكلمات قلال كتبت لكم.

23 اعرّفوا باين اتّطلق اخونا تيموثاوس الّي معه نشوفكم إذا جا دغيا. 24 سلّموا على جميع مقدّمينكم وجميع القدّيسين. كيسلّموا عليكم الّي هم من إيطاليا. 25 النعمة معكم كلّكم. آمين.

رسالة يعقوب

الفصل الاوّل

1 يعقوب، عبد الله وعبد الرب يسوع المسيح كيبلغ السلام للطناشر قبيلة اليّ مشتتين. 2 احسبوه كلّ فرحة، يا خوتي، منين تطيحوا في تجربات على الشكال، 3 عارفين باين تجريب إيمانكم كيحبيب الصبر. 4 ولاكن خليوا الصبر يخدم خدمة تامّة باش تكونوا تامين وكاملين، ما ناقصين حتى في شي. 5 وإذا كان شي حد فيكم كتخصّه الحكمة يطلبها من الله اليّ كييعطي للجميع بالسخاوة وما يمنّ شي وتنعطى له. 6 ولاكن لازم يطلب بالإيمان وما يشكّ شي بالكلّ على حق اش المشكاك كيشبه لواحد الموجة د البحر كيخضضها الريح ويدفعها. 7 ما يظنّ شي داك الإنسان باين ياخذ شي حاجة من عند الربّ. 8 الرجل اليّ عنده زوج د الارياي مزعزع في جميع طرقانه. 9 الخو المسكين يفرح حيث تعلّى. 10 ولاكن الغني يفخم حيث انحنى على حق اش بحال نؤارة الفدان يفوت. 11 على حق اش الشمس كتشرق بالحرارة وكتيبس الربيع وتطيح نؤارته وزين صورته كيفنى. هكدا تاني الغني يدبال في طرقانه. 12 مبروك الرجل اليّ كيحمل التجربة، على حق اش منين يتزكّى يقبض التاج د الحياة اليّ قاول به الرب هدوك اليّ كيحبّوه.

13 ما يقول حد منين يتجرّب: الله الي جربني. حيث الله ما يقدر شي يتجرّب بالأمر القباح وهو ما كيجرّب حد. 14 ولاكن كل واحد مجرّب منين كيتغوى وكيخذع بالشهوة دياه. 15 ديك الساعة منين تحبل الشهوة، كتولد الدنوب والدنوب منين يكملوا كيحيبوا الموت. 16 لا تتلفوا شي، يا خوتي العزاز. 17 كل معطى مزيانة وكل فضل التامّ هم من فوق كينزلوا من عند ابو الأنوار اليّ ما فيه لا تغيير ولا ظلّ الدوران. 18 بإرادته ولدنا بكلمة الحقّ باش نكونوا الغلّة الاولى في خلايقه.

19 على داك شي، يا خوتي العزاز، يكون كل إنسان خفيف باش يسمع، ما يزرّب شي يتكلم، وما يتقلّق شي دغيا. 20 على حق اش غضب بن ادم ما كيعمل شي التقوى د الله. 21 على داك شي سيّبوا كل نجاسة وكثرة الشرّ واقبلوا بصگران الراس الكلمة المغروسة إليّ قادرة تنجّي أنفسكم. 22 ولاكن كونوا عاملين بالكلام ماشي سامعين وكان خادعين أنفسكم. 23 على حق اش إذا كان شي حد كيسمع الكلام وما يعمل شي به هداك كيشبه لشي رجل اليّ كيشوف وجه خليقته في المراية. 24 هو بالحق شاف رأسه ومشى وفي مرّة نسي كيف كان. 25 ولاكن اليّ طالع على الشرع الكامل، شرع الحرّية، وتبت وما كان شي سامع وناسي لاكن عامل بالكلام، هدا يكون مبارك مسعود في عمله. 26

إذا كان شيء حد فيكم كيظنّ باين قابض الدين وهو ما كييعمل شيء اللجام على لسانه لآكن كيخضع قلبه، الدين دياهه بطال. 27 الدين الصافي والنقي عند الله الاب هو باش يطلل الإنسان على اليتامى والهجات في ضيقهم ويحفظ نفسه صافي من وسخ الدنيا.

الفصل الثاني

1 يا خوتي، ما يكون شيء عندكم إيمان ربنا يسوع المسيح ربّ المجد بالوجهيات. 2 على حق اش إذا دخل لجماعتكم واحد الرجل عنده الخواتم د الذهب ولابس كسوة رفيعة ودخل ثاني واحد المسكين لابس كسوة موسخة 3 وعملتوا بوجه هداك الّلي لابس اللباس الرفيع وقتلوا له: اجلس أنت هنا في الموضع المزيان، وقتلوا للمسكين: اوقف أنت تمّ أو اجلس هنا عند رجلي، 4 واش ما كتعملوا شيء بالوجه؟ واش ما كتعملوا شيء الفراق في أنفسكم ووليتوا حكام د تخميمات قباح؟ 5 اسمعوا، يا خوتي العزاز، واش ما اختار شيء الله مساكين هد الدنيا غانيين في الإيمان والورثة د ديك الملاكه الّلي قال بها للّلي كيحبّوه؟ 6 واما انتم حقرتوا المسكين. واش ما كيحكموا شيء عليكم الأغنياء وهم كيجرّوكم للمحكمات؟ 7 واش ماشي هم الّلي كيكفروا بداك الاسم الكريم الّلي تسمّيتوا به؟ 8 وإذا وفيتوا الشرع الملوكي على حسب الكتاب: تحبّ جارك بحال نفسك، كتعملوا مليح. 9 ولاكن إذا كتعملوا الوجهيات، تعملوا الذنوب متبتين من الشرع باين راكم ناس متعدّيين. 10 على حق اش الّلي حضى الشرع كلّه وخطى في حاجة واحدة، هو ولّى عاصي في كل شيء. 11 حيث الّلي قال: لا تزني، قال ثاني: لا تقتل. دابّ إذا ما كتزني شيء لآكن قتلتها أنت ولّيت عاصي الشرع. 12 هكدا تكلموا وهكدا اعملوا بحال إذا ماشيين تتحاكموا بشرع الحرّية. 13 على حق اش الّلي ما عمل شيء الرحمة يتحكم بلا رحمة، والرحمة كتفخم على الحكم.

14 أش من فايده، يا خوتي، إذا قال شيء حد باين عنده الإيمان ولاكن ما عنده شيء الأعمال؟ واش يقدر ينجيّه الإيمان؟ 15 إذا كان شيء اخو أو شيء أخت عريانيين ومحتاجين في القوت اليومي 16 وقال لهم شيء حد فيكم: سيروا بالسلامة، اسخنوا واشبعوا، ولاكن ما تعطيوهم شيء الّلي احتاجوا للجسد، أش من فايده؟ 17 هكدا الإيمان ثاني إذا ما عنده شيء الأعمال ميّت هو. 18 لآكن يقول لك شيء حد: عندك الإيمان وأنا عندي الأعمال. ورّيني إيمانك بدون أعمالك وأنا نورّيك إيماني بأعمالي. 19 أنت كتأمّن باين الله واحد هو. كتعمل مليح. والشياطين ثاني كيامنوا ويترعدوا. 20 ولاكن واش بغيت تعرف، يا الرجل الخاوي، باين الإيمان بدون أعمال ميّت هو؟ 21 واش ما تبرّى شيء إبراهيم أبونا بالأعمال منين قدّم إسحاق ولدّه على المذبح؟ 22 وكتشوف باين الإيمان خدم مع أعماله وبالأعمال

تكمّل الإيمان 23 ووفى الكتاب الّلي قال: وامن إبراهيم بالله واتحسب له تقوى وتسمّى خليل الله. 24
كتشفوا بعدَ باين بالأعمال كيتبرّى الإنسان ماشي بالإيمان وحدّه. 25 كدالك راحاب الزانية تاني واش
ما تبرّات شي بالأعمال مّنين قبلت المرسلين وخرجتهم على طريق أخرى. 26 على حق اش بحال
الجسد بلا روح ميّت هكدا الإيمان تاني بلا أعمال ميّت.

الفصل الثالث

1 لا تكونوا شي معلّمين كتار، يا خوتي، عارفين باين نتعاقبوا اكثر. 2 على حق اش كلّنا
كنخطيوا في أمور كتار. إذا كان شي حدّ الّلي ما خطى شي في الكلام، هداك رجل كامل وقادر يحصر
الجسد كلّه تاني. 3 ها الخيل كنعملوا اللجام في فوامهم باش يسعفونا وندوروا جسداهم كلّه. 4 وها
السفن تاني وخّى كبار قدّ اش وكيسوقوهم الارياح المجهدين كتدورهم واحد الدفة صغيرة بزّاف فاين ما
بغى الرايس. 5 هكدا اللسان تاني طرف صغير وكيفخم بأمر كبار. شوفوا شحال د العواد تحرقهم
واحد العافية صغيرة. 6 واللسان نار، هو. عالم د الدنوب. هكدا اللسان في اطرافنا الّلي كينجّس الجسد
كلّه وكيشعل في دايرة الخليقة وهو كيتشعل من جهنم. 7 على حق اش كل رهط د الوحوش والطيور
والزحافات والأمور في البحر يقدرّوا يتطوّعوا وتطوّعوا بعدَ لبن آدم. 8 واما اللسان ما يقدر حتى بن آدم
يطوّعه. هو واحد الشرّ الّلي ما يتحصر شي معمرّ بالسم الّلي يقتل. 9 به كنحمدوا الله الاب وبه كينعلوا
الناس الّلي تكونوا على صورة الله. 10 من فم واحد كتخرج البركة والنحلة. يا خوتي، ما يصلح شي
يكونوا هدو الأمور هكدا. 11 واش من عين واحدة كيخرج الحلو والمرّ؟ 12 واش تقدر، يا خوتي، واحد
الكرمة تولد الزيتون أو الدالية الكرّوس؟ كدالك حتى عين ما تعطي ماء شلوق وماء حلو.
13 شكون هو الّلي عاقل وعليم فيكم يبيّن أعماله بالصرف المليح في حلاوة الحكمة. 14 ولاكن
إذا عندكم الغيرة المرّة والخصومة في قلوبكم، لا تفخمو شي وتكدبوا على الحق. 15 هد الحكمة ما
كتنزل شي من فوق لآكن هي أرضية نفساوية شيطانية. 16 على حق اش فاين ما تكون الغيرة
والخصومة تم يكون الشواش وكلّ أمر قبيح. 17 واما الحكمة الّلي هي من فوق هي في الأوّل طاهرة ومن
بعد كتبغي السلام وكتترق ساهلة ومعمرّة بالرحمة والغلات الصالحة، بلا وجهيات وبلا نفاق. 18 وغلّة
التقوى كتنزرع في السلام بلّلي كي عملوا السلام.

الفصل الرابع

- 1 مَنِين كيجيوكم المضاريات والخصومات واش ماشي من الشهاوي ديا لكم الّي كيقيموا المضاربة في اطرافكم؟ 2 كتشتهاوا وشي ما عندكم. كتقتلوا وتحسدوا وما قدرتوا شي تدركوا. كتخاصموا وتدابزوا وشي ما هو عندكم من حيث ما كتطلبوا شي. 3 كتطلبوا وما كتقبضوا شي من حيث ما كتطلبوا شي كيف واجب لآكن باش تخسروه على شهاويكم.
- 4 يا الزانيين والزانيات، واش ما كتعرفوا شي باين محبة الدنيا هي عداوة مع الله؟ وهداك الّي بغى يكون صاحب الدنيا هو ولّى عدو مع الله. 5 واش كتظنّوا باين الكتاب باطل قال: الروح الّي ساكن فينا كيشناق للحسد؟ 6 ولاكن كيغطي النعمة اكتر، على داك شي كيقول: الله كيضاد المتكبرين لآكن كيغطي النعمة للمتواضعين. 7 طيعوا لله. ضادّوا إبليس وهو يهرب منكم. 8 قربوا لله وهو يقرب لعندكم. نقيوا يديكم، يا المدنين، وطهّروا قلوبكم، يا موالين زوج د الارياي. 9 تخشعوا ونوحوا وابكيوا. يتبدّل ضحكهم بالبكا وفرحتكم بالغيار. 10 صغّروا روسكم قدام الرب وهو يرفع بكم.
- 11 لا تتعاليبوا شي بينتكم، يا الخوت. الّي كيغيّب اخاه ويحكم على اخاه هداك راه كيغيّب الشرع ويحكم على الشرع. وإذا كنت كتحكم على الشرع ما أنت شي عامل بالشرع لآكن حاكم عليه.
- 12 واحد كاين الّي أعطى الشرع وهو قادر باش ينجّي ويهلك. شكون أنت الّي كتحكم على غيرك؟
- 13 وليلكم دابّ، يا الّي كتقولوا: نمشيو اليوم أو غداً لهد المدينة أو للأخرى وندوزوا تمّ واحد العام ونبيعوا ونشربوا ونربحوا. 14 وانتم ما عرفتوا شي أش يكون غداً. على حق اش اشنيحي حياتكم؟ هي غير فوار الّي كيظهر على شي شويّا وعاود كيدوب. 15 ولاكن واجب تقولوا: إن شاء الله نعيشوا ونعملوا هد شي أو داك شي. 16 ولاكن دابّ كتفخموا بتخميماتكم المتكبرين. الفخم بحال هدا كلّ قبيح. 17 الّي كيعرف يعمل واحد الحاجة مزيانة وما يعملها شي هداك راه دنب.

الفصل الخامس

- 1 وانتم دابّ، يا الأغنياء، ابكيوا وتشهقوا على عذابكم الّي ماجي. 2 غناكم رشي وحوايحكم اتكلوا بالتنيه. 3 ذهبكم ونقرتكم تصدّوا وصداهم يكون شهادة عليكم وياكل لحكم بحال النار. جمعتوا الكنوز في الأيام التاليين. 4 را إجارة الخدّامة الّي حصدوا فدادنكم الّي هي موخّرة عندكم بالغش كتغوّت وغوات الخدّامة وصل حتى لأدنين ربّ الجنود. 5 راكم تمتعتوا على الأرض وتدخمتوا مع روسكم. شبعتموا قلوبكم بحال في نهار الدبح. 6 حكمتوا على التقى وقتلتوه وهو ما ردّ شي على رأسه.

7 اصبروا، يا الخوت، حتى لمجي الرب. راه الفلاح كيعاين الغلة العزيزة د الأرض وكيستسّناها حتى تطيح الشتا البكريّة والمازوزيّة. 8 كونوا انتم تاني صابرين تبتنوا قلوبكم على حق اش مجي الرب راه قرب. 9 لا تتعايروا شي بينتكم، يا الخوت، باش ما تنحكموا شي. ها الحاكم واقف على الباب. 10 خدوا، يا خوتي، الأنبياء الّي تكلموا باسم الرب متال كيف تحملوا المشقات والصبر. 11 ها احنا كنحسبوا الصابرين مبروكين. سمعتوا بصبر أيّوب وشفتوا العاقبة د الرب، على حق اش الرب كثير الرحمة وكيرفق.

12 ولاكن قبل من كل شي، يا خوتي، لا تحلفوا لا بالسما ولا بالأرض ولا بشي حلوف آخر. لاكن يكون إيّهكم إيّه، ولاكم لا، باش ما تطيحوا شي في العقوبة. 13 إذا كان شي حد فيكم في التمارّة، يصلّي. وإذا شي حد فرحان، يهلّل. 14 إذا شي حد فيكم مريض، يعيّد على كبار الكنيسة ويصلّيوا على سببه ويدهنوه بالزيت باسم الرب، 15 وصلاة الإيمان تشافي المريض والرب يقيّمه وإذا عمل شي دنوب، ينجفروا له.

16 استقرّوا بدنوبكم بعضكم لبعض. اطلبوا الله بعضكم بعض باش تبرّوا. صلاة التقي كتقضي بزّاف. 17 إيليّا كان واحد الرجل طبيعته بحال ديالنا وصلّي كيطلب باش ما تطيح شي الشتا وما طاحت شي الشتا على الأرض مدّة من تلت سنين وسِت شهور. 18 وصلّي تاني وأعطى السما الشتا وولدت الأرض غلّتها.

19 يا الخوت، إذا تلف واحد منكم على الحق وردّه شي حد، 20 هدا يعرف باين الّي ردّ واحد المدنب من تلاف طريقه ينجّي واحد النفس من الموت ويغطي دنوب كثير.

رسالة بطرس الرسول الاولى

الفصل الاول

1 بطرس رسول يسوع المسيح للغربا اليّ مشتتين في بنتس وغلطيّة وكبدوكيّة وآسيّا وبِيثِينِيّة 2 المختورين على حسب العلم السابق د الله الاب في تقدّيس الروح للطاعة ولرّشّان دمّ يسوع المسيح. تكثر لكم النعمة والسلام.

3 مبارك الله ابو ربّنا يسوع المسيح اليّ بحسب رحمته الكثيرة ولدنا المرّة الثانية لواحد الرجا حيّ بقيامة يسوع المسيح من الميتين 4 للورت اليّ ما يغنى شي ولا يتنجس ولا يتقاضى محفوظ لكم في السماوات، 5 انتم اليّ محضيين بقوة الله بالإيمان للنجا الموجد باش يظهر في تأخير الزمان. 6 اليّ به كترفحوا كثير بعدما انتم دابّ إذا كان من اللازم تحزنوا شي مدّة بتجربات مختلفين 7 باش يكون تجريب إيمانكم وهو أغلى من الذهب الفاني وخي يتصفّى بالنار يتصاب للحمد والتوقير والمجد في وقت ظهور يسوع المسيح 8 اليّ كتحبّوه بعدما ما شفتوه شي. وهو بعدما دابّ ما كتشفوه شي كتأمّنوا به وكتترفحوا بالفرحة اليّ ما يقدر ينطق بها حدّ معمرة بالمجد 9 حايزين مقصود إيمانكم نجا أنفسكم. 10 النجا اليّ فّقشوا فيه وبحتوا عليه الانبيا. اليّ تنبّأوا على النعمة اليّ هي على مسبتكم 11 باحتين على أش من وقت أو كيف يكون الوقت اليّ كان كينعت عليه روح المسيح اليّ فيهم حين سبق وشهد بالعداب د المسيح والمجد اليّ تابعه. 12 اليّ تبين لهم باين ماشي لأنفسهم لآكن لنا كانوا كيخدموا في هدو الأمور اليّ تخبرتوا بهم انتم دابّ على يدّ اليّ بشروكم في الروح القدس المرسول من السما. الأمور اليّ اشتهاوا الملايكة يطالعوا عليهم.

13 على داك شي تبّتوا عقولكم وكونوا على بال وترجاوا بالرجا التامّ النعمة اليّ ماشية تجي لكم في وقت ظهور يسوع المسيح. 14 بحال الأولاد الطايعين ولا تتمثّلوا شي بشهاويكم السابقين في جهالتكم 15 لآكن بحال القدّوس اليّ ناداكم كونوا انتم تاني قدّيسين في سيرتكم كلّها. 16 على حق اش مكتوب: كونوا قدّيسين حيث أنا قدّوس، 17 وإذا كتعيّطوا على الاب اليّ كيحكم بلا وجهيات بحسب عمل كلّ واحد دوّزوا زمان غربتكم بالخوف 18 عارفين باين اتّفديتوا من سيرتكم البطالة اليّ تعلّمتموها من جدودكم ماشي بالأمور الفانيين بالنقرة أو الذهب 19 لآكن بدمّ الكريم د المسيح بحال دمّ شي خروف صافي وبلا عيب 20 اليّ تعين قبل خلوق الدنيا ولاكن ظهر في هدو الزمانات الأخريين على سببكم 21 انتم اليّ به كتأمّنوا بالله اليّ قيمه من الميتين واعطاه المجد باش يكون إيمانكم ورجاكم في الله. 22 طهّروا أنفسكم في طاعة الحقّ بالروح لمحبة الخوت بلا نفاق وتحبّوا بعضكم بعض بمحبة قويّة

من قلب صافي. 23 مولودين المرّة الثانية ماشي من الزريعة الي تفنى لآكن من الي ما تفنى شي ، بكلام الله الي هو حيّ ويبقى على الدوام. 24 وأما كلّ جسد بحال العشوب وجميع مجد الإنسان هو بحال نؤار العشوب. العشوب يببسا ونؤارهم يطيح ، وأما كلام الربّ تابت على الدوام. وهذا هو الكلام الي تبشّرتوا به .

الفصل الثاني

1 على داك شي سيّبوا عليكم كلّ خبت وكلّ غشّ والنفاق والحسد وكلّ قباحة 2 وبحال الأطفال الي عاد خلقوا اشتهيوا الحليب الحقيقي الي بلا غشّ باش تكبروا به 3 إذا دقتوا باين الربّ كريم. 4 لعند من جيتوا بحال لواحد الحجرة حيّة مسيّبة عند الناس ولاكن مختورة عند الله وكريمة. 5 كونوا انتم تاني مبنيّين احجار حيّين ، دار رويّة فقهاء مقدّسين باش تقرّبوا دبايح رويّين مقبولين عند الله بيسوع المسيح. 6 على داك شي مكتوب تاني في الكتاب : راني كمنزّل في صهيون حجرة القنت مختورة كريمة والي كيأمن به ما يتّخزى شي. 7 ولكم انتم الي كتأمنوا هو العزّ وأما لهدوك الي ما كيطيعوا شي الحجرة الي سيّبوها البناية رجعت راس القنت 8 وحجرة الضرر وصخرة العترة. الي كياعتروا حيث ما كيطيعوا شي للكلام. الأمر الي تعيّنوا له تاني. 9 وأما انتم راكم جنس مختور ، فقهاء ملوكيّين وأمة مقدّسة ، قوم مفديّين باش تخبّروا بفضايل هداك الي ناداكم من الظلام للضوء دياه العجيب ، 10 انتم الي ما كننوا شي قوم وأما دابّ راكم قوم الله ، الي كننوا ما مرحومين شي وأما دابّ راكم مرحومين.

11 يا العزاز ، كنطلبكم بحال الغربا والبرّانيين تفارقوا الشهواني النفساويّين الي كيتشارّوا مع الروح 12 وباش تكون سيرتكم مليحة بين الجنوس باش في داك شي فاش كيكذبوا عليكم بحال فاعلين الشرّ يمجّدوا الله في يوم الفقد على سبب أعمالكم الصالحة الي يشوفوهم. 13 طيعوا لكلّ ترتيب د بن آدم على مسبّة الربّ. إذا كان للسلطان بحال الي هو فوق الجميع 14 أو للعمّال بحال المسيفطين منه باش يعاقبوا فاعلين الشرّ ولشكر الي كيعملوا الخير. 15 على حق اش هكدا هي إرادة الله باش تعملوا الخير وتسكّنوا جهالة الناس الحمّاق. 16 بحال الأحرار ولاكن ماشي بحال الي عندهم الحرّيّة سترة للشرّ لاكن بحال عبيد الله. 17 وقّروا الجميع. حبّوا الخوت. خافوا الله. وقّروا السلطان.

18 يا الخدّامة ، طيعوا لأسيادكم بكلّ هيبة ماشي للمزيانين والساهلين وكان لآكن للي هم واعرين تاني. 19 على حق اش هدا هو الفضل إذا كان شي حدّ على مسبّة الضمير من جهة الله يصبر في الضيقات مضرور بالظلم. 20 على حق اش أش من عزّ كاين إذا خطيتوا وطرشوكم وتصبروا؟ لاكن إذا

كثتعدّبوا وانتم عاملين الخير وتصبروا، هذا هو الفضل عند الله. 21 على حق اش لهد شي تناديتوا، من حيث المسيح تاني تعدّب على مسبتنا وخلي لنا متال باش تتبعوا خطواته، 22 الي ما عمل شي دنوب ولا انصاب في فمه غشّ 23 الي ما ردّ شي الشتمين منين شتموا فيه ومنين تعدّب ما هدّ شي لادن سلّم نفسه للي كيحكم بالعدل 24 الي رفد هو بنفسه دنوبنا في جسده على الخشبة باش نموتوا للدنوب ونحياوا للتقوى، الي بشحطاته بريتوا. 25 على حق اش كنتوا بحال الغنم المتلوفة لادن رجعتوا داب لعند الراعي والحاضي د أنفسكم.

الفصل الثالث

1 كدالك، يا النسا، كونوا طايعات لرجالكم باش إذا كانوا البعض ما كيطيعوا شي للكلام يتّربحوا بلا كلام بسيرة نسا، 2 متنابهين لسيرتكم الطاهرة بالخوف. 3 ولا تكون زينتكم الزين الي على برا بصفير الشعر والزواق بالذهب ولباس الحوايج الغاليين، 4 لادن زين القلب الي من داخل بلا فساد، زينة الروح المتواضعة الهانية الي هي قدام الله كتير التمن. 5 على حق اش هكدا كانوا النسا في الزمان القديسات تاني الي اتكلوا على الله كيزينوا أنفسهم طايعات لرجالهم، 6 بحال ما كانت سارة كتطيع لإبراهيم كتعيط له سيدي، الي رجعتوا لها بنات فاعلات الخير وما خايفات حتّى بخوف. 7 كدالك، يا الرجال، اسكنوا مع نساكم بحسب الفهامة، موقرين المرأة حيث هي اضعف منكم وحيث هم تاني وارتات معكم نعمة الحياة، باش ما يبطلوا شي صلاواتكم. 8 الحاصل كونوا كلّمكم براي واحد تحانّوا بعضياتكم، تحبّوا كيف الخوت وتشفقوا وكونوا مصوايين 9 لا تجازيوا الشرّ بالشرّ أو الشتمين بالشتيم، لادن بالمقلوب تباركوا، عارفين باين لهد شي انتم تناديتوا باش تورتوا البركة. 10 على حق اش الي بغى يحبّ الحياة ويشوف الايام الصالحة لازم يحضي لسائه من الشرّ وشواربه باش ما يتكلّموا شي بالغشّ. 11 يبعد على القباحة ويعمل الخير ويفتّش على السلامة ويتبعها بالجدّ، 12 على حق اش عينين الربّ هم على التاقيين وأدنيه محلولين لطلباتهم. ولاكن وجه الربّ مضادّ فاعلين الشرّ.

13 وشكون هو الي ياديكم إذا كنتوا تابعين الخير؟ 14 ولاكن إذا تعدّبتوا على سبب التقوى انتم مبروكين. واما خوفهم لا تخافوه شي ولا تنهولوا، 15 لادن قدّسوا المسيح في قلوبكم بحال الربّ، موجودين ديما تجاوبوا بتمسكينت والخوف كلّ واحد الي يسقّصكم على سبب الرجا الي فيكم 16 ويكون عندكم الضمير الصافي باش يتّخزوا الي كيقبّحوا سيرتكم المليحة في المسيح الي كيهدرها فيكم بالكدوب بحال إذا كنتوا فاعلين الشرّ. 17 على حق اش احسن تتعدّبوا إذا بغى الله على سبب الخير

من الّٰي تتعدّبوا على سبب الشرّ. 18 من حيث المسيح تاني تعدّب مرّة واحدة على سبب الذنوب،
التقي على سبب الظالمين باش يقربنا لله، مقتول في الجسد ولاكن حيّ في الروح. 19 الّٰي فيه تاني
مشى وبشّر الأرواح الّٰي في الحبس 20 الّٰي عصاوا زمان حين كان الله كيّمهلّ واحد المرّة في أيّام نوح
حيث كانت السفينة كتّبنى الّٰي فيها نجاوا بالما شي قلال يعني تمنية د الأنفس، 21 الّٰي المتال دياله
كينجينا احنا دابّ، يعني المعموديّة، ماشي تحييد وسخ الجسد لاكن سوال الضمير الصافي من جهة
الله بقيامه يسوع المسيح 22 الّٰي هو على يمين الله حيث مشى للسما، ملايكة وسلاطين وقوّات مطوّعين
له.

الفصل الرابع

1 ومن حيث تعدّب المسيح على سببنا في الجسد تسنّحوا انتم تاني بهد النية. على حق اش
الّٰي تعدّب في الجسد تفارق مع الذنوب 2 باش ما يزيد شي يعيش ما باقي له في الجسد لشهاوي الناس
لاكن لإرادة الله. 3 على حق اش وقت حياتنا الّٰي فات يكفيننا مّنين عملنا الراي د الجنوس، ماشيين
في القباحة والشهاوي وشريب الخمر والنفخة والعشرة القبيحة وعبادة الأصنام، الّٰي هي حرام، 4 الّٰي
كيستغربوا فيه حيث ما كتجربوا شي معهم لكثرة هد الزهو بنفسه كيقرطوا فيكم 5 الّٰي ماشيين يعطيو
الحساب للّٰي هو موجود يحاسب الحيّين والميّتين. 6 وعلى مسبّة هد شي تبشّروا الموتى تاني باش
يتحاسبوا على حسب الناس في الجسد ولاكن باش يحياوا على حسب الله في الروح.
7 ولاكن تمام كلّ شي قريب. كونوا بعقولكم وتتبّتوا في الصلاوات. 8 ولاكن قبل من كلّ شي
لازم تكون محبّتكم بعضكم لبعض قويّة على حق اش المحبّة كتستر بزّاف د الذنوب. 9 كونوا تضايفوا
بعضكم بعض بلا تجمجمة. 10 لازم على كلّ واحد بحسب المعطى الّٰي قبض يعمل بها الخير بعضكم
بعض بحال وكلان ملاح على نعمة الله المختلفة. 11 إذا كيتكلّم شي حد يتكلّم بحال إذا بكلام الله.
وإذا كيخدم شي حد يخدم بحال إذا بالقوّة الّٰي كيغطيها الله، باش يتمجّد الله في كلّ شي بيسوع
المسيح الّٰي له المجد والقوّة على الدوام ديما. آمين.

12 يا العزاز، لا تتعجّبوا شي من الوقعة المحرقة الّٰي عاد وقعت لكم على سبب تجريبكم
بحال إذا نزل عليكم شي قضى غريب. 13 لاكن بحال ما شركتوا في عذاب المسيح، افرحوا باش
تفرحوا في تبين مجده تاني بالفرحة الّٰي بلا قياس. 14 إذا تعيّرّوا باسم المسيح، هدي فرحتكم على
حق اش روح المجد وروح الله كيبقى عليكم. إمّا من جهتهم كيتكلّموا عليه بالكفر، وأمّا من جهتكم
كيتمجّد. 15 لا يتعدّب حد فيكم بحال قاتل أو سارق أو فاعل الشرّ أو فضولي الّٰي كيدخل في أمور

غيره. 16 ولاكن إذا تعدّب حيت مسيحي، لا يحشم لآكن يمجّد الله من هذ القبل. 17 على حق اش هدا هو الوقت باش يبدا الحكام في بيت الله. وإذا بدا في الاول بنا، كيف تكون تالية هذوك الّٰي ما كيطيعوا شي لإنجيل الله؟ 18 وإذا كان التقى بحرا كينجا، فاين يظهر الفاجر والمدنب؟ 19 على داك شي الّٰي كيتعدّبوا بحسب خاطر الله يأمّنوا أنفسهم عنده بحال للخالق الصادق في عمل الخير.

الفصل الخامس

1 أنا الشيخ رفيقكم والشاهد على العذاب د المسيح وشريك في المجد الّٰي ماشي يتبيّن كنطلب الشيوخ الّٰي عندهم 2 ارعوا رعيّة الله الّٰي في وسطكم. نظّار ماشي بزّز لآكن بالخاطر ولا على سبب الريح القبيح لآكن بالفرحة. 3 ولا بحال الّٰي كيتقدّم على الورت لآكن متال للرعيّة، 4 ومين يظهر رايّس الرعيان تقبضوا التاج د المجد الّٰي ما يبلا شي.

5 كدالك، يا الشبان، طيعوا للشيخ وكونوا مجموعين طايعين بعضكم لبعض وتلبسوا صگران الراس على حق اش الله كيضادّ المتكبرين واما المتواضعين يعطيهم النعمة. 6 طيعوا تحت يدّ الله القويّة باش يرفع بكم في وقته. 7 ارميوا همّكم كلّه عليه على حق اش هو كيتهلّى فيكم.

8 كونوا على بال وسهروا على حق اش إبليس عدوكم بحال السبع الزاهر كيدور يفتّش على مَن يفرس. 9 تعرّضوا له تابنتين في الإيمان، عارفين باين هذ العذاب بنفسه جرى لآخوتكم الّٰي في الدنيا.

10 وإله كلّ نعمة الّٰي نادانا لمجده الدائم في المسيح يسوع من مورا ما تتعدّبوا شويا يردّكم كاملين ويتبّتكم ويقويكم ويمكّنكم. 11 له المجد والقوّة على الدوام ديمّا. آمين.

12 بيدّ سلوانس الخو الصادق كما كنظنّ كتبت لكم بكلمات قلال ناصح وشاهد باين هدي هي نعمة الله الحقيقيّة الّٰي فيها انتم تابتين. 13 كيسلموا عليكم الّٰي في بابل المختورين معكم، ومرقس ابني. 14 سلّموا على بعضكم بعض ببوسة المحبّة. السلام عليكم كلّكم الّٰي في المسيح يسوع. آمين.

رسالة بطرس الرسول الثانية

الفصل الاول

- 1 سمعان بطرس عبد يسوع المسيح ورسول لهدوك الي حازوا معنا الإيمان العزيز بحال ديانا بتقوى إلهنا والمنجي يسوع المسيح. 2 تتكثّر لكم النعمة والسلام بمعرفة الله ويسوع ربنا.
- 3 بحال ما وهبت لنا قدرته الإلهية كل شي الي هو ديال الحياة والتقوى بمعرفة هداك الي نادانا بالمجد والفضلية 4 الي بهم وهب علينا الميعادات الكبار والعزاز باش توليوا بهم شركان في الطبيعة الإلهية، هاربين من الفساد الي في الدنيا بالشهوة. 5 على هد شي نيت وانتم عاملين جهدكم زيدوا على إيمانكم الفضلية، وعلى الفضلية المعرفة، 6 وعلى المعرفة حصران النفس، وعلى حصران النفس الصبر، وعلى الصبر التقوى، 7 وعلى التقوى محنة الخوت، وعلى محنة الخوت المحبة. 8 على حق اش إذا كانوا فيكم هذو الأمور وكثروا ما يخليوكم شي تكونوا بطالين ولا بلا غلة في معرفة ربنا يسوع المسيح. 9 على حق اش الي ما عنده شي هذو الأمور هو أعمى، قصير البصر، ونسى باين تطهر من دنوبه الفاتيتين. 10 على داك شي، يا الخوت، اعملوا جهدكم اكثر باش تتبّتوا عرضتكم واختياركم. على حق اش إذا عملتوا داك شي ما تزهقوا شي أبداً. 11 من حيث هكدا يتّزاد لكم واحد الدخول واسع للملاكة الدائمة د ربنا ومنجينا يسوع المسيح.
- 12 على داك شي ما نغفل شي باش نفكركم ديما بهذو الأمور، وخي عارفين ومتبّتين في الحقّ الحاضر. 13 ولاكن كنحسبه حقّ عليّ ما حدّني في هد المسكن باش نفيّكم بالتفكير 14 عارف باين تحييد هد المسكن دياالي قريب كما ورّاني ثاني ربنا يسوع المسيح. 15 وكنعمل جهدي ثاني باش من مورا موتي تكونوا في كلّ وقت تعقلوا على هذو الأمور. 16 على حق اش ما تبعنا شي الخرايف المصنوعين حين عرفناكم بقوة ربنا يسوع المسيح والمجي دباله لاكن كنّا كنشوفوا عظمتّه بعينينا. 17 على حق اش قبض من الله الاب التوقير والمجد منين جا له واحد الصوت بحال هدا من المجد العلي كيقول: هدا هو ابني الحبيب الي به انا كنفرح. 18 واحنا سمعنا هد الصوت الي جا من السما منين كنّا معه في الجبل المقدّس. 19 وعندنا الكلمة النبوية وهي متبّنة اكثر الي تعملوا مليح إذا تنابهتوا لها بحال لواحد الضو كيضوي في موضع الظلام حتّى يفجر النهار وتطلع نجمة الصبح في قلوبكم، 20 عارفين هد شي في الاول باين كلّ نبوة الكتاب ما هي شي من تفسير خاصّ. 21 على حق اش عمرها ما جات شي نبوة بخاطر الإنسان لاكن رجال الله القدّيسين تكلموا بحال ما أعطاهم الروح القدس.

1 ولاكن كانوا تاني أنبيا كدّابة في وسط الناس بحال ما يكونوا فيكم تاني معلّمين كدّابة الّي بالتخبيعة يدخلوا التعليمات خارجين على الحقّ الّي كيهلكوا. كينكروا حتّى الربّ الّي شراهم. كيجيبوا على أنفسهم الهلاك دغيا. 2 وبزّاف ماشيين يتبعوا فسادهم الّي على سببهم كيكفروا بطريق الحقّ. 3 وهم بالطمع كي عملوا بكم التجارة بالكلام المصنوع الّي عقوبتهم من الزمان ما معطّلة شي وهلاكهم ما ناعس شي. 4 على حقّ اش إذا ما شفق شي الله على الملائكة الّي دنبوا لاكن سيّبهم في جهنّم في سناسل الظلام وسلّمهم محيدين للحكام، 5 وما شفق شي على العالم القديم، لاكن حفظ نوح وهو كيبشّر بالتقوى وسبعة آخرين معه مّنين جاب الطوفان على العالم د الفجّار، 6 وردّ مدّن سدوم وعمورة رماد حين حكم عليهم بالقلب وعملهم واحد المتال للّي ماشيين يدنبوا، 7 ونجّا لوط التقي معدّب بالسيرة الفاسدة د القباح 8 (على حقّ اش داك التقي حيث كان ساكن في وسطهم كان كيعدّب نفسه التاقية بالشوفان والسمع نهار على نهار بأعمالهم القباح)، 9 الربّ كي عرف كيف ينجّي التقيين من التجربة ويحضي القباح حتّى ليوم الدين باش يتعاقبوا، 10 ولا سيّما هدوك الّي كيتمشاوا كيف بغات النفس في شهوة النجاسة ويحقروا الحكام، داسرين كيعجبوا أنفسهم وما كيخافوا شي يتكلّموا بالقباحة في الكبار. 11 والملائكة وهم اكبر في القوّة والقدرة، ما كيجيبوا شي عليهم قدّام الربّ حكم خايب. 12 واماّ هذو كيف البهايم البكم في الطبيعة مخلوقين يتصيّدوا وينهلّكوا كيتكلّموا بالقباحة في الأمور الّي ما كيفهموهم شي وهم ينهلّكوا في الفساد ديالهم، 13 وهم ياخذوا إجارة الظلم، الّي كيحسبوا التدخيم بالنهار لديد. منجوسين وعاييين كيتدخّموا في غرورهم عاملين الكرامات معكم. 14 عندهم العينين معمرين بالزنا الّي ما يفارقوا شي الدنوب وكيخدعوا أنفسهم هدوك الّي ما تابتين شي. عندهم قلب مربّي في الطمع، أولاد النعلة، 15 تركوا الطريق المستقيمة وتلقوا تابعين طريق بلعام بن بصور الّي حبّ إجارة الظلم. 16 ولاكن توبّخ على التعديّ ديالّه من الحمار الأبكم حين تكلمّ بصوت بن آدم وحصّر الحماق ديال النبي. 17 هذو هم بيار بلا ماء. غيام كيسوقهم الريح العصف الّي لهم محفوظ كحولية الظلام على الدوام. 18 على حقّ اش هم حين كيتكلّموا بالعظايم الخاويين كيخدعوا بشهوات الجسد في الفساد هدوك الّي بداوا يهربوا من الّي كيتمشاوا في التلاف 19 كيقاولوهم بالحرية وهم بروسهم عبيد الفساد. على حقّ اش بمن انغلب الواحد لهداك يكون عبد تاني. 20 على حقّ اش إذا هم يعاودوا يتخبّلوا تاني بهم وينغلبوا من مورا ما هربوا من نجاسات الدنيا بمعرفة الربّ والمنجّي يسوع المسيح ولّاّت الحالة التالية اقبح من الاولى. 21 على حقّ اش كان أحسن لهم لو كان ما يعرفوا شي

طريق التقوى من آلي من مورا ما عرفوها يتركوا الوصاية المقدسة آلي اندفعت لهم. 22 وقع لهم بحال ما قال المتال الصادق: الكلب رجع للقي دياه والحلوة المغسولة للتمرغ في الغيص.

الفصل الثالث

1 هدي هي داب الرسالة الثانية، يا العزاز، آلي كنكتبها لكم وفيهم بجوج كنفيق عقولكم النقيين بالتفكير 2 باش تتفكروا الكلام آلي تكلموا به الأنبياء القديسين من قبل ووصايتنا احنا الرسل وصاية الرب والمنجي، 3 عارفين هد شي في الاول باين في آخر الأيام يجيوا ناس طنازة آلي كيتمشاوا على حسب شهوات أنفسهم 4 ويقولوا: فاين هو القول د المجي دياه؟ على حق اش من النهار آلي ماتوا بواتنا كل شي باقي هكدا من البدو فاش خلق الله الدنيا. 5 على حق اش هم بالعاني غشام في هد شي باين السماوات كانوا من قديم والأرض بكلمة الله قايمة من الما وبالم 6 آلي بهم انهلكت الدنيا آلي كانت في داك الوقت حيث فاض عليهم الما. 7 واما السماوات والأرض آلي كاينين داب راهم مخزونين ومحفوظين للنار بديك الكلمة بالدات حتى ليوم الدين وهلاك الناس الفجار.

8 ولاكن لا تخفى عليكم هد الحاجة، يا العزاز، باين نهار واحد عند الرب بحال ألف عام وألف عام بحال نهار واحد. 9 الرب ما كيبيط شي في قوله بحال شي ناس كيحسبوا البطا لاكن كيمل علينا ما كيبيغي شي يهلك الناس ولاكن باش يتوصلوا الجميع بالتوبة. 10 ولاكن نهار الرب ماشي يجي بحال شي سارق في الليل آلي فيه يتحيدوا السماوات بالهز الكثير والعناصر يدوبوا بالسخانة القوية وتنحرق الأرض وكل ما فيها.

11 من حيث هد شي كله يدوب هكدا، أش من شكل د الناس واجب عليكم تكونوا في السيرة المقدسة والتقوى؟ 12 وتعاينوا وتطلبوا زربة مجي الرب آلي فيه السماوات شاعلة فيهم العافية ينحلوا والعناصر يدوبوا بالسخانة القوية. 13 ولاكن احنا على حسب قوله كنعانوا سماوات جداد وأرض جديدة آلي تسكن فيهم التقوى.

14 على داك شي، يا العزاز، من حيث كتتسناوا هد شي اعملوا جهدكم باش يصيبكم بسلام وبلا وسخ ولا عيب قدامه. 15 واحسبوا المهل د ربنا نجا، كما كتب لكم اخونا بولس الحبيب ثاني على حسب الحكمة آلي اتعطت له، 16 بحال ما كيتكلم ثاني في الرسائل دياه كلهم على هدو الأمور، آلي فيهم شي أمور غارقين على الفهم كيحرفوهم آلي ما هم شي قاريين وتابتين لهلاك أنفسهم كما كيحرفوا ثاني الكتب الآخرين.

17 وانتم، يا العزاز، من حيث عرفتموا هد شي مِن قبل كونوا على بال عندكم تتحوّلوا بتلاف
القباح وتطّيحوا من تبوتكم. 18 ولاكن زيدوا في النعمة ومعرفة ربّنا ومنجّينا يسوع المسيح، لهُ المجد
دابّ وعلى الدوام. آمين.

رسالة يوحنا الرسول الاولى

الفصل الاول

1 اليّ كان من البدو اليّ سمعناه اليّ شفناه بعينينا اليّ كنّا له شهود ومسّوه يدينا من جهة كلمة الحياة. 2 والحياة راها ظهرت وشفنا وكنشهدوا وكنخبّروكم بحياة الأخيرة اليّ كانت عند الاب وظهرت لنا. 3 اليّ شفناه وسمعناه كنخبّروكم به باش تكون لكم ثاني الشركة معنا. واما شركتنا احنا هي مع الاب ومع ابنه يسوع المسيح. 4 وكنكتبوا لكم هد شي باش تكون فرحتكم كاملة. 5 وهذا هو الخبر اليّ سمعناه منه وكنخبّروكم به باين الله ضوّ وما فيه ظلام الكلّ. 6 إذا قلنا باين عندنا الشركة معه ومشينا في الظلام كنكدبوا وما كنعملوا شي الحقّ. 7 ولاكن إذا مشينا في الضوّ كما هو في الضوّ عندنا الشركة مع بعضنا ودمّ يسوع المسيح ابنه كيظهرنا من كلّ دنوب. 8 إذا قلنا باين ما عندنا دنوب كنغروا بروسنا والحقّ ما هو شي فينا. 9 إذا استقرّينا بدنوبنا هو صادق وعادل باش يغفر لنا دنوبنا ويظهرنا من كلّ إثم. 10 إذا قلنا باين ما دنبنا شي نردّوه كدّاب وكلامه ما هو شي فينا.

الفصل الثاني

1 يا أولادي، كنكتب لكم هد شي باش ما تدنّبوا شي. وإذا دنّب شي حدّ عندنا الشفيح عند الاب يسوع المسيح التقي، 2 وهو الكفّارة لدنوبنا؛ ماشي لدنوبنا وكان لآكن لدنوب الدنيا مجموعة ثاني. 3 وبهد شي كنعرفوا باين عرفناه إذا حضينا وصاياته. 4 اليّ قال: عرفته، وهو ما كيحضي شي وصاياته راه كدّاب والحقّ ما هو شي فيه. 5 واما اليّ حضى كلمته في هدا بالحقّ تكملت محبة الله. بهد شي نعرفوا باين احنا فيه: 6 اليّ قال باين هو تابّت فيه، واجب عليه يمشي هكدا كيف مشى هداك ثاني. 7 يا الخوت، ما كنكتب لكم شي وصاية جديدة لآكن وصاية قديمة اليّ كانت عندكم من البدو. الوصاية القديمة هي الكلمة اليّ سمعتوها من البدو. 8 ثاني وصاية جديدة كنكتبها لكم وداك شي حقّ فيه وفيكم على حقّ اش الظلام فات والضوّ الحقيقي دابّ كيضوي. 9 اليّ قال باين هو في الضوّ وكيبغض اخاه راه في الظلام لدابّ. 10 اليّ كيحبّ اخاه هو تابّت في الضوّ وما فيه عترة. 11 واما اليّ كيبيغض اخاه راه في الظلام وفي الظلام كيمشي وما كيعرف شي لآين كيمشي على حقّ اش الظلام أعمى له عينيه.

12 كنكتب لكم، يا الأولاد، على حق اش مغفورين لكم الذنوب على مسبة اسمه. 13 كنكتب لكم، يا البوات على حق اش عرفتموا الي من البدو. كنكتب لكم، يا الشبان، على حق اش غلبتموا القبيح. كتبت لكم، يا الأولاد على حق اش عرفتموا الاب. 14 كتبت لكم، يا البوات، على حق اش عرفتموا الي من البدو. كتبت لكم، يا الشبان، على حق اش انتم قويين وكلام الله ثابت فيكم وغلبتموا القبيح. 15 لا تحبوا شي الدنيا ولا الأمور الي في الدنيا. إذا حب شي حد الدنيا، ما فيه شي محبة الاب. 16 على حق اش كل ما في الدنيا، شهوة الجسد وشهوة العينين ونفخة العيشة، ما هو شي من الاب لآكن من الدنيا. 17 والدنيا تفوت وشهوتها واما الي كي عمل خاطر الله راه يتبت على الدوام. 18 يا الأولاد، هدي هي الساعة الأخيرة. وكيف سمعتموا باين المسيح الدجال يجي راهم جاوا داب المسحاء الدجاجيل كتار. من هد شي نعرفوا باين هي الساعة الأخيرة. 19 من عندنا خرجوا لآكن ما كانوا شي مآ على حق اش لو كان كانوا مآ لو كان بقاوا معنا لآكن باش يظهروا باين ما هم شي كلهم مآ. 20 واما انتم عندكم التدهين من القدوس وكتعرفوا كل شي. 21 ما كتبت لكم شي حيث ما كتعرفوا شي الحق لآكن حيث كتعرفوه وكتعرفوا باين كل كذب ما هو شي من الحق. 22 شكون هو الكذاب من غير الي ينكر باين يسوع هو المسيح؟ هذا هو المسيح الدجال الي كينكر الاب والابن. 23 كل واحد الي ينكر الابن هداك ما عنده شي الاب تاني والي يستقر بالابن هو عنده الاب تاني. 24 أما داك شي الي سمعته من البدو واجب يتبت فيكم. إذا تبت فيكم داك شي الي سمعته من البدو، ها انتم تاني تتبتوا في الابن وفي الاب. 25 وهذا هو القول الي قولنا به، يعني حياة الأخيرة. 26 كتبت لكم هد شي على الي يتلفوكم. 27 واما انتم، التدهين الي قبضتوه منه راه ثابت فيكم وما كتحساجوا يعلمكم حد لآكن كيف ما كي علمكم هد التدهين براسه على كل شي وهو حق وما هو شي كدوب. كيف ما علمكم، تتبتوا فيه.

28 وداب، يا الأولاد، اتبتوا فيه باش مينين يظهر تكون لنا التيقة وما نحشمو شي قدامه في المجي دياه. 29 إذا عرفتموه هو تقي اعرافوا باين كل واحد الي كي عمل التقوى راه مولود منه.

الفصل الثالث

1 شوفوا المحبة الي أعطانا الاب حتى نتسماوا أولاد الله. على هد شي ما كتعرفنا شي الدنيا حيث ما كتعرفه شي هو. 2 يا العزاز، داب احنا أولاد الله وباقي ما ظهر أش ماشيين نكونوا ولاكن كنعرفوا باين مينين يظهر هو نكونوا بحاله، على حق اش احنا نشوفوه كما هو. 3 وكل واحد الي عنده هد الرجا فيه يطهر نفسه كما هو طاهر. 4 كل واحد الي كي عمل الذنوب كي عمل التعدي تاني. والذنوب

هو التعدّي. 5 وكتعرفوا باين هداك تظهر باش يرفد دنوبنا وهو ما فيه دنوب. 6 كل واحد الي تابت فيه ما كيدنب شي. كل واحد الي كيدنب ما شافه شي ولا عرفه.

7 يا الأولاد، لا يتلفكم حد. الي كي عمل التقوى راه تقي كما هو تقي. 8 الي كي عمل الدنوب هو من إبليس على حق اش إبليس من البدو كيدنب. على هد شي تظهر ابن الله باش يهدم أعمال إبليس.

9 كل واحد الي مولود من الله ما كي عمل شي الدنوب على حق اش زريعتة ثابتة فيه وما يقدر شي يدنب حيث مولود من الله. 10 بهد شي أولاد الله ظاهرين وأولاد إبليس: كل واحد الي ما كي عمل شي التقوى ما هو شي من الله وكذاك الي ما كيحب شي اخاه. 11 على حق اش هدا هو الخبر الي سمعته من البدو باين نتحبوا مع بعضنا. 12 ماشي كيف كان قايين من القبيح وقتل اخاه. وعلاش قتله؟ على حق اش أعماله كانوا قباح وأعمال اخاه تقيين.

13 لا تتعجبوا شي، يا خوتي، إذا كانت الدنيا كتبغضكم. 14 احنا كنعرفوا باين احنا تنقلنا من الموت للحياة على حق اش كنحبوا الخوت. الي ما كيحب شي اخاه باقي في الموت. 15 كل واحد الي كي بغض اخاه راه قاتل الروح. وانتم كتعرفوا باين كل قاتل الروح ما عنده شي حياة الأخيرة ثابتة فيه. 16 بهد شي عرفنا المحبة على حق اش هداك أعطى نفسه علينا واحنا واجب علينا نعطيو أنفسنا على الخوت. 17 واما الي عنده معيشة الدنيا وشاف اخاه محتاج وغلق عليه قلبه، كيف ثابتة محبة الله فيه؟ 18 يا أولادي، ما نحبو شي بالكلام ولا باللسان لآكن بالأعمال والحق. 19 وبهد شي نعرفوا باين احنا من الحق ونتبنا قلوبنا قدامه. 20 على حق اش إذا لامونا قلوبنا، الله راه أعظم من قلوبنا وكيعرف كل شي.

21 يا العزاز، إذا ما لامونا شي قلوبنا، را عندنا التيقّة قدام الله 22 وداك شي الي طلبنا نقبضوه منه على حق اش احنا كنحضيوا وصاياته وكنعملوا الأعمال المرضيّة عنده. 23 وهدي هي وصاياته باش نامنوا باسم ابنه يسوع المسيح ونتحبوا مع بعضنا كما أعطانا الوصاية. 24 والي كيحضي وصاياته يتبت فيه وهو فيه. وبهد شي نعرفوا باين هو تابت فينا من الروح الي أعطانا.

الفصل الرابع

1 يا العزاز، لا تصدقوا شي كل روح لآكن جربوا الأرواح واش هم من الله على حق اش أنبياء كدابة كتار خرجوا في الدنيا. 2 بهد شي تعرفوا روح الله: كل روح الي يستقرّ بيسوع المسيح باين جا في الجسد راه من الله. 3 وكل روح الي ما يستقرّ شي بيسوع المسيح باين جا في الجسد ما هو شي من الله. وهذا هو روح المسيح الدجال الي سمعتموا باين يجي. وحتى داب راه في الدنيا. 4 انتم من الله، يا

الأولاد، وغلبتوهم على حق اش الّي فيكم أعظم من الّي في الدنيا. 5 هم من الدنيا، على داك شي كيتكلموا من الدنيا والدنيا كتسمع لهم. 6 احنا من الله والّي كيعرف الله يسمع لنا والّي ما هو شي من الله ما يسمع لنا شي. من هد شي نعرفوا روح الحقّ وروح التلاف. 7 يا العزاز، واجب نتحبّوا مع بعضنا على حق اش المحبّة هي من الله وكلّ واحد الّي كيحبّ راه اتولد من الله وكيعرف الله. 8 والّي ما كيحبّ شي ما عرف شي الله على حق اش الله هو محبّة. 9 بهد شي ظهرت محبّة الله فينا من حيث الله سيفط ابنته الواحد للدنيا باش نحيوا به. 10 في هد شي هي المحبّة ماشي باين احنا حبينا الله لکن هو حبنا احنا وسيفط ابنته كفارة لدنوبنا.

11 يا العزاز، إذا كان الله حبنا هكدا واجب علينا تاني نتحبّوا مع بعضنا. 12 الله ما شافه حد حتّى وقت. إذا تحبينا مع بعضنا الله راه تابت فينا ومحبته تكملت فينا. 13 بهد شي نعرفوا باين احنا تابتين فيه وهو فينا من حيث أعطانا من روحه. 14 واحنا شفنا وكنشهدوا باين الاب سيفط الابن منجّي للدنيا. 15 الّي استقرّ باين يسوع هو ابن الله را الله تابت فيه وهو في الله. 16 واحنا عرفنا وصدّقنا المحبّة الّي عند الله فينا. الله هو محبّة والّي تابت في المحبّة تابت في الله والله فيه. 17 بهدا تكملت المحبّة فينا باش تكون لنا التيقّة في يوم الدين على حق اش كما هو هكدا احنا تاني في هد الدنيا. 18 ما كاين خوف في المحبّة لکن المحبّة الكاملة كتسيّب الخوف على برا، على حق اش الخوف فيه العذاب واما الّي كيخاف ما كامل شي في المحبّة. 19 احنا كنحبوه على حق اش هو حبنا هو الاول. 20 إذا قال شي حد: أنا كنحبّ الله، وبغض اخاه راه كدّاب، على حق اش الّي ما كيحبّ شي اخاه الّي شافه، كيف يقدر يحبّ الله الّي ما شافه شي؟ 21 وعندنا هد الوصاية منه باين الّي كيحبّ الله يحبّ اخاه تاني.

الفصل الخامس

1 كلّ واحد الّي كيامن باين يسوع هو المسيح راه اتولد من الله، وكلّ واحد الّي كيحبّ الوالد كيحبّ الّي مولود منه تاني. 2 بهد شي كنعرفوا باين كنحبوا أولاد الله: منين كنحبوا الله ونحضيوا وصاياته. 3 وهدي هي محبّة الله: باش نحضيوا وصاياته. ووصاياته ما هم شي تقال. 4 على حق اش كلّ واحد الّي اتولد من الله يغلب الدنيا. وهذا هو الغلب الّي يغلب الدنيا: إيماننا. 5 شكون هو الّي كيغلب الدنيا من غير الّي كيامن باين يسوع هو ابن الله؟

6 هدا هو الّي جا بالما والدّم يسوع المسيح. ماشي بالما وكان لکن بالما والدّم. والروح هو الّي كيشهد على حق اش الروح هو الحقّ. 7 والّي كيشهدوا في السما هم ثلاثة: الاب والكلمة والروح القدس

وهو الثلاثة هم واحد. 8 والي كيشهدوا في الأرض هم ثلاثة: الروح والماء والدم والتلاتة هم في واحد. 9 إذا كنقبلوا شهادة الناس را شهادة الله أعظم، على حق اش هدي هي شهادة الله الي شهد بها على ابنه. 10 الي كيامن بادن الله عنده الشهادة في نفسه. الي ما كيصدق شي الله راه رده كداب على حق اش ما امن شي بالشهادة الي شهد بها الله على ابنه. 11 وهدي هي الشهادة باين الله أعطانا حياة الأخيرة وهدي الحياة هي في ابنه. 12 الي عنده الابن عنده الحياة والي ما عنده شي ابن الله ما عنده شي الحياة.

13 كتبت هد شي لكم انتم الي كتامنوا باسم ابن الله باش تعرفوا باين عندكم حياة الأخيرة وباش تامنوا باسم ابن الله. 14 وهدي هي التيقية الي عندنا فيه باين إذا طلبنا شي حاجة الي توافق مع خاطره، يسمع لنا. 15 وإذا كنعرفوا باين يسمع لنا في كل ما طلبنا، نعرفوا باين عندنا الطلبات الي طلبنا منه. 16 إذا شي حد شاف اخاه كيدنب شي ديب الي ما هو شي للموت، يطلب والله يعطي الحياة للي يدنبوا الدنب الي ما هو شي للموت. كايين الدنب للموت. ماشي على هدا نقول يطلب. 17 كل إتم هو ديب وكايين الدنب الي ما هو شي للموت. 18 كنعرفوا باين كل واحد الي اتولد من الله ما كيدنب شي لادن الي مولود من الله كيحضي نفسه والقبيح ما يمسه شي. 19 كنعرفوا باين احنا من الله والدنيا كلها راقدة في القبيح. 20 وكنعرفوا باين ابن الله جا وأعطانا البصيرة باش نعرفوا الحق. واحنا في الحق في ابنه يسوع المسيح. هدا هو الإله الحق وحياة الأخيرة. 21 يا الأولاد، احضيو أنفسكم من الأصنام. آمين.

رسالة يوحنا الرسول الثانية

- 1 المقدم للسيدة المختارة ولأولادها الي كذبهم في الحق وماشي غير أنا وكان لادن تاني جميع الي عرفوا الحق 2 على مسبة الحق الي ثابت فينا وماشي يكون عندنا على الدوام. 3 تكون معكم النعمة والرحمة والسلام من عند الله الاب ومن الرب يسوع المسيح ابن الاب في الحق والمحبة.
- 4 فرحت بزاف من حيث جبرت شي من أولادك كيتمشاوا في الحق بحال ما قبضنا الوصاية من الاب. 5 وداب كنطلب منك، يا السيدة، ماشي بحال إذا كنكتب لك وصاية جديدة لادن هديك الي كانت عندنا من البدو باين نتحبوا مع بعضنا. 6 وهدى هي المحبة باين نتمشاوا على حسب وصاياته. هدى هي الوصاية كما سمعتوا من البدو باين نتمشاوا فيها. 7 على حق اش بزاف د الخداعين دخلوا للدنيا الي ما كيستقروا شي بيسوع المسيح باين جا في الجسد. هدا هو الخداع والمضاد في المسيح. 8 احضيو أنفسكم باش ما نضيعوا شي في داك شي الي عملنا لادن باش نحوزوا الأجر التام.
- 9 كل من تعدى وما تبت شي في تعليم المسيح هداك ما عنده شي الله. والي تبت في تعليم المسيح هدا عنده الاب والابن جميعا. 10 إذا جاكم شي حد وما جاب شي هد التعليم، لا تقبلوه شي في الدار وما تسلّموا شي عليه. 11 على حق اش الي سلّم عليه يشرك في أعماله القبيحة.
- 12 من حيث عندي بزاف ما نكتب لكم، ما نبغي شي باين يكون بالكاغط والمداد على حق اش كنرجا نجي لعندكم ونتكلم فمي لفمكم باش تكون فرحتنا كاملة. 13 أولاد اختك المختارة كيسلّموا عليك. آمين.

رسالة يوحنا الرسول الثالثة

1 المقدم إلى غايس الحبيب الّـي كـنـحـبـه في الحقّ. 2 يا الحبيب، في كلّ شي كنـبـغـيـك تكون بخير وصحيح بحال ما هي روحك بخير. 3 على حق اش فرحت بزّاف مـنـين جاوا الخوت وشهدوا بالحقّ الّـي فيك بحال ما كـتـمـشـى في الحقّ. 4 ما عندي فرحة اكثر من هدي باش نسمع على أولادي باين كيتمشاوا في الحقّ.

5 يا الحبيب، كـتـعـمـل بالجدّ كلّ ما كـتـعـمـل للخوت وللغرباء 6 الّـي شهدوا بمحبّتك قدّام الكنيسة. وتعمل مليح إذا تسيفطهم بحال ما يليق بالله، 7 على حق اش على سبب اسمّه خرجوا وما كيقبضوا حتّى شي من الجنوس. 8 واحنا واجب علينا نقبلوا الّـي بحال هدو باش نكونوا خدامين معهم في الحقّ.

9 كتبت للكنيسة ولاكن ديوتريفس الّـي كـيـحـبّ يـكـون الكبير فيهم ما كيقبلنا شي. 10 وعلى داك شي إذا جيت، أنا ماشي نتفكر أعماله الّـي كي عملهم. كيهدر فينا بالكلام الخايب. ومن حيث ما كفاه شي هد شي ما كيقبل شي الخوت وكيحصر تاني الّـي بغاوا يقبلوهم وكيدحيهم من الكنيسة. 11 يا الحبيب، لا تتمتّل بالشرّ لاكن بالخير، على حق اش الّـي كي عمل الخير هو من الله والّـي كي عمل الشرّ هداك ما شاف شي الله.

12 ديمتريوس مشهود لّه من الجميع ومن الحقّ بنفسه واحنا تاني كنشهدوا وانتم كتعرفوا باين شهادتنا هي حقّ. 13 وكان عندي بزّاف ما نكتب لاكن ما نبغي شي نكتب لك بالمداد والقلم، 14 لاكن كنرجا نشوفك في قريب ونتكلّم فمّي لفمك. 15 عليك السلام. كيسلموا عليك الاحباب. سلّم على الاحباب كلّ واحد باسمه.

رسالة يهوذا

- 1 يهوذا عبد يسوع المسيح واخو يعقوب، للمعروضين المقدسين بالله الاب والمحفوظين في يسوع المسيح 2 تتكثر لكم الرحمة والسلام والمحبة.
- 3 يا العزاز، منين كنت كنعمل جهدي كله باش نكتب لكم على النجا المشروك، جبرت باين لازم عليّ نكتب لكم وننصحكم باش تجتهدوا على مسبّة الإيمان المسلم مرة واحدة للقديسين. 4 على حق اش شي ناس راهم دخلوا بالسرقة اليّ كانت مكتوبة عليهم هد العقوبة من قديم: ناس فجّار اليّ كيردوا نعمة إلهنا فساد وينكروا السيّد الواحد الله وربنا يسوع المسيح.
- 5 على داك شي نبغي نفكركم بعدما كنتوا كتعرفوا هد شي واحد المرة باين الربّ من مورا ما نجّا الناس من بلاد مصر هلك تاني هدوك اليّ ما امّنوا شي. 6 والملايكة اليّ ما حضوا شي مرتبتهم لائن تركوا مسكنهم، حيدهم في القيود الدايمين تحت الظلام لعقوبة النهار العظيم. 7 بحال ما تاني سدوم وعمورة والمدن اليّ دايرين بهم حين زناوا بحالهم ومشوا من مورا جسد آخر، راهم انعملوا متال كيتعدّبو عقوبة النار الدائمة. 8 كدالك تاني هدو اليّ كيحلما وينجسوا الجسد وكيبهدلوا بالحكام ويهدروا بالقباحة على الكبار. 9 واما ميخائيل راييس الملايكة منين تخاصم مع إبليس وكيجاحده على جسد موسى ما زعم شي يدعي فيه بدعوة خايبة لائن قال: الربّ ينهض فيك. 10 ولاكن هدو كيهدروا بالقباحة في داك شي اليّ ما كيعرفوا شي، واما داك شي اليّ كيفهموا بالطبيعة بحال البهايم البكم في داك شي كيفسدوا روسهم. 11 الويل لهم على حق اش مشاوا في طريق قايين ومالوا لتلاف بلعام على مسبّة الطمع ونهلكوا في خصومة قورح. 12 هدو هم الصخور في كراماتكم د المحبة عاملين الكرامات معكم بلا خوف كيرعيوا روسهم. غيام بلا ماء، محمولين بالأرياح، اشجار الخريف بلا غلة، ميّتين على مرتّين، مقلّعين بجدورهم، 13 أمواج البحر هايجين، هايجين في حشايهم، نجوم تايهين لمن مخزون الظلام الاكل على الدوام ديما. 14 على هدو تنبأ تاني أخنوخ السابع من آدم كيقل: ها هو الربّ جامع العشرة د الألوف د القديسين دياله 15 باش يجريّ الحكام على الجميع ويعاقب جميع الفجّار ديالهم على جميع أعمال فجورهم اليّ زاغوا بهم وعلى جميع الهدرات القاسحين اليّ تكلّموا بهم عليه المدنين الفجّار. 16 هدو هم الجمجمة مشاكين كيتمشاوا على حسب شهاويهم وفهم كيتكلّم بالعظيم. كيحبّوا بالوجوه على مسبّة الطمع. 17 واما انتم، يا العزاز، تفكّروا الكلمات اليّ تكلّموا بهم رُسّل ربنا يسوع المسيح قبل، 18 باين راهم قالوا لكم باين في تأخير الزمان يكونوا ناس

طَنَازَة الّٰى كَيْتَمَشَاوَا عَلَى حَسَب شَهَوَات فَجُورِهِمْ. 19 هَدُوْهُمْ الّٰى مُتَعَزِّلِيْنَ بِأَنْفُسِهِمْ نَفْسَاوِيِيْنَ مَا عِنْدَهُمْ شَيْءٌ الرُّوح.

20 وَآمَّا أَنْتُمْ، يَا الْعَزَازَ، ابْنِيُوا أَنْفُسَكُمْ عَلَى إِيْمَانِكُمُ الْمُقَدَّسَ وَتَصَلُّيُوا فِي الرُّوحِ الْقُدُّسِ 21 وَاحْفَظُوا أَنْفُسَكُمْ فِي مَحَبَّةِ اللَّهِ وَتَعَايِنُوا رَحْمَةَ رَبَّنَا يَسُوعَ الْمَسِيحِ لِحَيَاةِ الْآخِرَةِ. 22 وَارْحَمُوا الْبَعْضَ وَتَمَيَّزُوا 23 وَنَجِّيُوا الْبَعْضَ بِالْخَوْفِ خَاطِفِيْنَهُمْ مِنَ النَّارِ وَتَكْرَهُوا حَتَّى الْكِسُوَّةَ الْمُنْجُوسَةَ بِالْجَسَدِ. 24 وَلِيْلَهُ هُوَ الّٰى قَادِرٌ يَحْفَظُكُمْ مِنَ الطَّيْحَةِ وَيُوقِفُكُمْ قَدَامَ مَجْدِهِ، 25 الْإِلَهِ الْحَكِيمُ الْوَحِيدُ، مُنْجِيْنَا، لَهُ الْمَجْدُ وَالْعِظْمَةُ وَالْقُدْرَةُ وَالْقُوَّةُ دَائِبًا وَعَلَى الدَّوَامِ دِيْمًا. آمِينَ.

الرؤيا د يوحنا الرسول

الفصل الأوّل

- 1 تبين يسوع المسيح الّلي أعطى له الله باش يورّي لعبيدّه داك شي الّلي لازم يكون في قريب وبينّه وسيفطه على يدّ الملاك دياه له عبده يوحنا 2 الّلي شهد بكلام الله وبشهادة يسوع المسيح وبكلّ ما شاف. 3 مبروك الّلي يقرأ والّلي يسمعون ما قالت هذ النبوة ويحضيوا الّلي مكتوب فيها على حق اش الوقت قريب.
- 4 يوحنا إلى السبعة د الكنايس الّلي في آسيا، النعمة لكم والسلام من الّلي كاين والّلي كان والّلي ديما يكون ومن السبعة د الأرواح الّلي قدّام العرش دياه 5 ومن يسوع المسيح الشاهد الصادق، البكر من الميّتين ورايس ملوك الأرض. الّلي حبّنا وغسلنا من دنوبنا بدمّه 6 وجعلنا ملوك وفقهاء لله ابوه، له المجد والقوة على الدوام ديما، آمين.
- 7 ها هو ماجي بالسحاب وكل عين ماشية تشوفه والّلي تقبوه وينوحوا عليه جميع قبائل الأرض. نعم، آمين. 8 "أنا هو الألف والياء، البدو والآخر" كيقول الربّ، "الّلي كاين والّلي كان والّلي ديما يكون، القادر على كل شي."
- 9 أنا يوحنا اخوكم وشريككم في الضيق وفي ملاكة يسوع المسيح والصبر دياه كنت في الجزيرة الّلي مسمّية بطمّس على سبب كلام الله وعلى سبب شهادة يسوع المسيح. 10 كنت في الروح في نهار الربّ وسمعت من موراي واحد الصوت عظيم بحال صوت البوق 11 كيقول: أنا هو الألف والياء، الأوّلي والآخري. والّلي تشوفه، اكتبه في واحد الكتاب وسيفطه للسبعة د الكنايس الّلي في آسيا، لأفسس، ولسميرنا، ولبرغامس، ولصياتيرا، ولساردس، ولفيلادلفيا وللاودكية.
- 12 ودّرت باش نشوف الصوت الّلي تكلم معي ومينين دّرت، شفت سبعة د الحساكي ديال الذهب 13 وفي وسط السبعة د الحساكي واحد بحال ابن الإنسان مكسي بواحد الكسوة حتى للرجلين ومحزّم على صدره بحزام د الذهب. 14 وأما رأسه وشعره بويض بحال الصوف البيضا، بحال التلج، وعينيه بحال لهبة د العافية 15 ورجليه بحال النحاس الصافي بحال إدا محميين في الكوشة وصوته بحال صوت شي مياه كثيرة، 16 وعنده في يده اليمنى سبعة د الكواكب وواحد السيف ماضي من جهتين خارج من فمه، ووجهه بحال الشمس حين كتضوي في جهدها. 17 ومينين شفته، طحت عند رجليه بحال واحد الميّت وعمل يده اليمنى عليّ كيقول لي: لا تخاف شي. أنا هو الأوّلي والآخري.

18 وأنا هو الحيّ وكنت ميّت وها أنا حيّ على الدوام ديما. آمين. وعندي المفاتيح د الهاوية والموت.
19 اكتب اليّ كتشوفه وداك شي اليّ كاين والي غادي يكون بعد هد شي. 20 السرّ د السبعة د الكواكب اليّ شفتهم على يميني والسبعة د الحساكي د الذهب. السبعة د الكواكب هم الملائكة د السبعة د الكنائس والسبعة د الحساكي اليّ شفت هم السبعة د الكنائس.

الفصل الثاني

1 اكتب لملاك كنيسة أفسُس. هد شي كيقوله اليّ قابض السبعة د الكواكب في يده اليمنى اليّ كيتمشّي في وسط السبعة د الحساكي د الذهب: 2 أنا كنعرف أعمالك وتعبك والصبر ديالك وباين ما تقدر شي تحمل القباح وجربّت هدوك اليّ كيقولوا باين هم رُسُل وهم ما هم شي رسل وجبرتهم كدّابة. 3 ودوّزتِ وعندك الصبر وتعبتِ على سبب اسمي وما عييت شي. 4 لآكن عندي عليك باين تركتِ محبّتك الأولى. 5 وعلى داك شي تفكّر مَين طحّت وتوب واعمل الأعمال الأولى وإلاّ أنا نجي لعندك في قريب ونحيّد الحسكة ديالك من موضعها إذا ما تُبّت شي. 6 ولاكن عندك هد شي باين كتكّره أعمال النقولويين اليّ كنكرهم حتى أنا. 7 اليّ عنده الأذن، يسمع ما كيقول الروح للكنائس. اليّ كيغلب، أنا ماشي نعطيّه ياكل من شجرة الحياة اليّ في وسط الفردوس د الله.
8 واكتب لملاك كنيسة سميرنا. هد شي كيقوله الأولي والأخري، اليّ كان ميّت وراه حيّ: 9 أنا كنعرف أعمالك وضيقك وفقرك وبالحقّ راك غني. وكنعرف كفر هدوك اليّ كيقولوا باين هم يهود وما هم شي يهود لآكن هم جماعة الشيطان. 10 لا تخاف شي بالكلّ من داك شي اليّ غادي تتعدّب به. إبليس راه معوّل يرمي شي منكم في السجن باش تتجربّوا ويكون عندكم الضيق عشر أيّام. كون صادق حتى للموت وأنا نعطيك تاج الحياة. 11 اليّ عنده الأذن، يسمع ما كيقول الروح للكنائس. اليّ كيغلب ما تاديه شي الموت الثانية.

12 واكتب لملاك الكنيسة اليّ في برغامُس. هد شي كيقوله اليّ عنده السيف الماضي من جهتين: 13 أنا كنعرف أعمالك وفاين ساكن في موضع كرسي الشيطان وانت شادّ في اسمي وما نكرت شي إيماني حتى في الأيام فاش كان أنتيباش الشاهد ديالي الصادق اليّ انقتل عندكم فاين ساكن الشيطان. 14 ولاكن عندي عليك شي قليل، باين عندك تمّ شي بعضين شادّين تعليم بلعام اليّ علّم بالاق يحطّ العترة قدام بني إسرائيل باش ياكلوا اليّ مدبوح للأصنام ويزنبوا. 15 وعندك تاني شي بعضين شادّين تعليمات النقولويين اليّ كنكرهم. 16 على داك شي، توب وإلاّ أنا نجي لعندك دغيا ونتضارب معهم بسيف فميّ. 17 اليّ عنده الأذن يسمع ما كيقول الروح للكنائس. اليّ كيغلب ماشي

نعطيه ياكل من المنّ المخفي ونعطي له حجرة بيضا وعلى الحجرة واحد الاسم جديد مكتوب ما يعرفه حد غير اليّ ياخذّه.

18 واكتب لملاك الكنيسة اليّ في ثياتيرا. هد شي كيقوله ابن الله اليّ عنده العينين بحال لهبة

د العافية ورجليه بحال النحاس الصافي. 19 أنا كنعرف أعمالك ومحبتك وخدمتك وإيمانك والصبر

ديالك وباين أعمالك التاليين اكثر من الأولين. 20 لآكن عندي عليك شي قليل حيث كتحلّي ديك المراه إيزابل اليّ كتنقول باين هي نبية حتى كتعلم وكثغوي عبيدي باش يزنيوا وياكلوا اليّ مدبوح للأصنام.

21 واعطيت لها التيسع باش تنوب من الزنا ديالها وما تابت شي. 22 ها أنا نزميها في الفراش واليّ

يزنيوا معها في ضيق عظيم إذا ما يتوبوا شي من أعمالهم. 23 وأولادها نقتلهم بالموت ويعرفوا جميع

الكنائس باين أنا هو اليّ كيبحت الكلاوي والقلوب وماشي نعطي لكل واحد منكم على حسب أعماله.

24 ولاكن نقول لكم وللباقيين في ثياتيرا، كلهم اليّ ما عندهم شي هد التعليم واليّ ما عرفوا شي غروق الشيطان بحال ما كيقولوا، باين ما نعمل شي عليكم تقل آخر. 25 وبالحق، اليّ عندكم شدوا فيه حتى

نجي. 26 اليّ كيغلب ويحفظ أعماله حتى للآخر ماشي نعطيه القوة على الجنوس. 27 ويحكمهم

بواحد القضيب د الحديد، بحال مواعن الفخار يتهرّسوا، بحال ما قبضت أنا تاني من عند ابي 28

ونعطيه نجمة الصبح. 29 اليّ عنده الأذن، يسمع ما كيقول الروح للكنائس.

الفصل الثالث

1 واكتب لملاك الكنيسة اليّ في ساردس. هد شي كيقوله هداك اليّ عنده السبعة د الأرواح د

الله والسبعة د الكواكب: أنا كنعرف أعمالك باين مسمي حي وانت راك ميّت. 2 كون على بال وصحّ

داك شي اليّ بقى اليّ على حالة الموت على حق اش ما جبرت شي أعمالك كاملين قدام الله. 3 على

داك شي تفكر كيف قبضت وسمعت، واحضي وتوب وإذا ما تعسّ شي نخلط عليك بحال واحد السارق

وما تعرف اش من ساعة نخلط عليك. 4 عندك شي سميات قلال حتى في ساردس اليّ ما نجسوا شي

حوايجهم وهم يتمشّوا معي بالحوايج البويض على حق اش هم مستاهلين. 5 اليّ كيغلب هو ماشي

يلبس الحوايج البويض وما نمحي شي اسمه من كتاب الحياة وانا ماشي نعرف باسمه قدام ابي وقدام

ملايكته. 6 اليّ عنده الأذن يسمع ما كيقول الروح للكنائس.

7 واكتب لملاك الكنيسة اليّ في فيلادلفيا. هد شي كيقوله القدّوس الحق، اليّ عنده المفتاح د

داود اليّ كيفتح وما يشدّ حد وكيشدّ وما يفتح حد: 8 أنا كنعرف أعمالك، ها أنا جعلت قدامك واحد

الباب محلولة وما يقدر حد يشدّها على حق اش عندك شوي د الجهد وحضيت كلامي وما نكرت شي

اسمي. 9 ها أنا نجعل هدوك الّٰي من جماعة الشيطان الّٰي كيقولوا باين هم يهود وما هم شي يهود
لاكن كيكذبوا، ها أنا نجعلهم يجيوا ويسجدوا قدّام رجلِك ويعرفوا باين أنا حييتك. 10 حيث
حضيت كلام الصبر ديالي أنا تاني ماشي نحفظك من ساعة التجربة الّٰي ماشية تجي على الدنيا كلّها
باش تجرّب الّٰي ساكنين على الأرض. 11 ها أنا ماجي دغيا. شدّ في داك شي الّٰي عندك باش ما يدي
لك حد تاجك. 12 الّٰي كيغلب ماشي نعمله سارية في بيت المقدس د إلهي وما يعاود شي يخرج على
برّا ونكتب عليه اسم إلهي واسم مدينة إلهي أورشليم الجديدة النازلة من السما من عند إلهي ونكتب
عليه اسمي الجديد، 13 الّٰي عنده الأذن، يسمع ما كيقول الروح للكنائس.
14 واكتب لملاك اللاؤدكيين. هد شي كيقوله الآمين، الشاهد الصادق والحقّ، بدو خليفة الله:
15 أنا كنعرف أعمالك باين ما أنت لا بارد ولا سخون. من صاب تكون بارد أو سخون. 16 ومن حيث
أنت دافي وما أنت لا بارد ولا سخون، أنا معوّل نتقيّاك من فمي. 17 على حق اش أنت كتقول: أنا
غني واتغنيت وما محتاج حتى في شي، وما كتعرف شي باين راك شقي وزُغبي ومزلوط وعميان
وعريان. 18 ننصحك تشري منّي الذهب المصفّى في العافية باش تتغنّى، والحوايح البويض باش تتكسى
وما تظهر شي حشومة عراق، وادهن عينيك بالدهين باش تشوف. 19 كل من حبّيته كنوبّخه ونربّيه.
على داك شي، توب بالجدّ. 20 ها أنا واقف على الباب وكندقّ، إذا سمع شي حد صوتي وفتح
الباب، ندخل لعنّده ونتعشّى معه وهو معي. 21 الّٰي كيغلب ماشي نعطيه باش يكُلّس معي في عرشي
بحال ما غلبت أنا تاني وكُلّست مع ابي في عرشه. 22 الّٰي عنده الأذن، يسمع ما كيقول الروح
للكنائس.

الفصل الرابع

1 بعد هد شي شفت وواحد الباب راها محلولة في السما والصوت الأوّل الّٰي سمعت كيف واحد
البوق كيتكلّم معي كيقول: اطلع لهنا ونوريك داك شي الّٰي لا بدّ يكون بعد هد شي. 2 وفي الحين كنت
في الروح وراه واحد العرش محطوط في السما وواحد كَالس على العرش. 3 والّٰي كَالس كان كيظهر بحال
حجر اليشب والعقيق وقوس عروسة الشتا داير بالعرش كيظهر بحال الزُمرّد. 4 ودايرين بالعرش كانوا
أربعة وعشرين كرسي. وشفت على الكراسي أربعة وعشرين شيخ كَالسين مكسيين بكساوي بويض وعلى
روسهم التيجان د الذهب. 5 ومن العرش كانوا كيخرجوا بروق وعود وأصوات، وقدّام العرش كانوا
سبعة د المصاييح د النار مشعولين وهم السبعة د الأرواح د الله. 6 وقدّام العرش كان واحد البحر د
الزاج بحال البلّار، وفي وسط العرش ودايرين بالعرش أربعة د الحيوانات معمرين بالعينين من القدّام

ومن اللور، 7 والحيوان الأوّل كان بحال واحد السبع والحيوان الثاني بحال واحد العجل والحيوان الثالث عنده الوجه بحال وجه الإنسان والحيوان الرابع بحال واحد النسر كيدير، 8 والأربعة د الحيوانات عندهم كل واحد منهم ستّة د الجنحين دايرين به ومعمرين من داخل بالعينين وما فتروا شي نهار وليل كيقلوا: قدّوس، قدّوس، قدّوس الربّ الإلاه القادر على كل شي الّي كان والّي كاين والّي ديما يكون. 9 ومين كيغطيوا الحيوانات المجد والتوفير والشكر لهداك الّي كألّس على العرش، الحيّ على الدوام ديما، 10 كيطيحوا الأربعة وعشرين شيخ قدّام الّي كألّس على العرش ويسجدوا للحيّ على الدوام ديما وكيسيّبوا التيجان دياهم قدّام العرش كيقلوا: 11 كل شي بإرادتك هم كاينين وخلقوا.

الفصل الخامس

1 وشفّت على يمين هداك الّي كألّس على العرش واحد الكتاب مكتوب من داخل وعلى الظهر مطبوع بسبعة د الطوابع. 2 وشفّت واحد الملاك قوي كيغيّط بصوت عظيم: شكون هو الّي مستحقّ باش يفتح الكتاب ويفسخ الطوابع دياه؟ 3 وما كان حد لاقى السما ولا على الأرض ولا تحت الأرض الّي قدر يفتح لاكتاب ولا يشوف فيه. 4 وولّيت كنبيكي بزّاف على حق اش ما انصاب حد الّي مستحقّ باش يفتح الكتاب ويقراه ولا يشوف فيه. 5 وقال لي واحد من الشيوخ: لا تبكي شي. ها السبع الّي من قبيلة يهوذا والجدر ديال داود غلب باش يفتح الكتاب ويفسخ السبعة د الطوابع دياه. 6 وشفّت وراه في وسط العرش والأربعة د الحيوانات وفي وسط الشيوخ واحد الخروف واقف بحال إدا مدبوح عنده سبعة د القرون وسبعة د العينين وهم السبعة د الأرواح د الله المسيّطين للدنيا كلّها. 7 وجا وقبض الكتاب من اليد الّيمني د هداك الّي كألّس على العرش. 8 ومين قبض الكتاب، سجدوا الأربعة د الحيوانات والأربعة وعشرين شيخ قدّام الخروف وعندهم كل واحد الكيتارات والمبخرات د الذهب معمرين بالبخور وهم الصلاوات دالقدّيسين. 9 وهم كيهلّلوا بتهليلة جديدة كيقلوا: أنت مستحقّ تقبض الكتاب وتحلّ طوابعه على حق اش اندبحت وفديتنا لله بدمك من كل قبيلة وكلّ لسان وكلّ قوم وكلّ جنس 10 وجعلتنا ملوك وفقهاء لإلاهنا وماشيين نحكموا على الأرض. 11 وشفّت وسمعت الصوت د ملايكة بزّاف دايرين بالعرش والحيوانات والشيوخ وكان عددهم عشرة آلاف على عشرة آلاف المتعدّدة 12 كيقلوا بصوت عظيم: مستحقّ هو الخروف المدبوح باش ياخذ القدرة والغنى والحكمة والقوّة والتوفير والمجد والبركة. 13 وكلّ خليقة الّي في السما والّي على الأرض والّي تحت الأرض والّي على البحر وكلّ ما فيه سمعتهم كيقلوا: البركة والتوفير والمجد والقوّة للّي

كألس على العرش وللخروف على الدوام ديما. 14 والحيوانات بأربعة كيقولوا: آمين. والشيوخ الأربعة وعشرين طاحوا وسجدوا لهداك الي حي على الدوام ديما.

الفصل السادس

1 وشفّت مِنين حلّ الخروف واحد من السبعة د الطوابع وسمعت واحد من الأربعة د الحيوانات بحال صوت الرعد كيقول: أجي تشوف. 2 وشفّت ورا واحد العود ابيض والّي راكب عليه عنده واحد القوس وانعطى له واحد التاج وخرج غالب وباش يزيد يغلب. 3 ومِنين فتح الطابع الثاني، سمعت الحيوان الثاني كيقول: أجي تشوف. 4 وخرج عود آخر احمر والّي راكب عليه اتعطى له باش يزول الهنا من الأرض وباش يتقاتلوا بعضهم بعض واتعطى له واحد السيف كبير.

5 ومِنين فتح الطابع الثالث، سمعت الحيوان الثالث كيقول: أجي تشوف. وشفّت وراه عود كحل والّي راكب عليه عنده واحد الميزان في يده. 6 وسمعت واحد الصوت في وسط الأربعة د الحيوانات كيقول: ثُمّني د القمح بدينار وتلت تمانى د الشعير بدينار وأما الزيت والخمر لا تضرهم شي.

7 مِنين فتح الطابع الرابع، سمعت صوت الحيوان الرابع كيقول: أجي تشوف. 8 وشفّت وراه عود اخضر والّي راكب عليه اسمه الموت والهاوية تابعة واتعطى له القدر على الربع في الأرض باش يقتل بالسيف والجوع والموت وبوحوش الأرض.

9 ومِنين فتح الطابع الخامس، شفت تحت المذبح الأنفس د الي انقتلوا على مسبّة كلام الله وعلى مسبّة الشهادة دياهم. 10 وغوّتوا بصوت عظيم كيقولوا: حتى لاين، يا السيّد القدّوس والحقّ، وانت ما تحكم شي وتخلف الحسيّفة د الدمايات ديانا في الي ساكنين على الأرض؟ 11 واتعطت لكل واحد كسوة بيضا وانقال لهم باين يرتاحوا باقي واحد السواي حتى يتكملوا العبيد رفقانهم وخوتهم تاني الي ماشيين ينقتلوا بحالهم.

12 وشفّت مِنين فتح الطابع السادس، ورا واحد الزنزلة عظيمة وقعت والشمس ولّات كحلا بحال التوب د الشعر والقمر رجع بحال الدمّ 13 ونجوم السما طاحوا للأرض بحال ما كتطيح الكرمة الكرموس دياها مِنين يهزّها شي ريح قوي. 14 والسما تحيّد بحال شي رزمة د الكاغط مطوي وكلّ جبل وكلّ جزيرة تزعزعو من مواضعهم. 15 وملوك الأرض والكبار والأغنياء والقيّاد الكبار والمجهدين وكلّ عبد وكلّ حرّ خبّعوا روسهم في الغيران وفي صخور الجبال 16 وهم كيقولوا للجبال والصخور:

طيحوا علينا واسترونا من وجه هداك الّلي كُالس على العرش ومن غضب الخروف، 17 على حق اش جا نهار غضبه العظيم وشكون يقدر يوقف.

الفصل السابع

1 وبعد هد شي شفت أربعة د الملايكة واقفين على الأربعة د الركاني د الأرض حاصرين الأربعة د الأرياح د الأرض باش ما يصوط شي الريح على الأرض ولا على البحر ولا على شي شجرة. 2 وشفت واحد الملاك آخر طالع من الشرق عنده الطابع د الله الحيّ وعييط بصوت عظيم للأربعة د الملايكة لمن انعطى باش يضرّوا الأرض والبحر 3 كيقول: لا تضرّوا شي الأرض ولا البحر ولا الاشجار حتى ينطبعوا عبيد إلهنا على جباههم. 4 وسمعت عدد المطبوعين وهم مية وأربعة واربعين ألف المطبوعين من كل قبيلة د بني إسرائيل. 5 من قبيلة يهوذا انطبع اطناشر ألف. من قبيلة راوبين انطبع طناشر ألف. من قبيلة جاد انطبع طناشر ألف. 6 من قبيلة أشير انطبع طناشر ألف. من قبيلة نفتالي انطبع طناشر ألف. من قبيلة منسى انطبع طناشر ألف. 7 من قبيلة شمعون انطبع طناشر ألف. من قبيلة لاوي انطبع طناشر ألف. من قبيلة يساكر انطبع طناشر ألف. 8 من قبيلة زبولون انطبع طناشر ألف. من قبيلة يوسف انطبع طناشر ألف. من قبيلة بنيامين انطبع طناشر ألف.

9 وبعد هد شي شفت ورا جماعة كبيرة ما قدّ حد يحسبها من جميع الجنوس والقبائل والقومان واللّسن واقفين قدام العرش وقدام الخروف مكسيين بالكساوي البويض وفي يديهم جريد النخل 10 وهم كيغوّتوا بصوت عظيم ويقولوا: النجا لإلهنا الّلي كُالس على العرش وللخروف. 11 وجميع الملايكة كانوا واقفين دايرين بالعرش والشيوخ والحيوانات الأربعة وطاحوا قدام العرش على وجوههم وسجدوا لله 12 كيقولوا: آمين. البركة المجد والحكمة والشكر والتوقير والقدرة والقوة لإلهنا على الدوام ديمّا. آمين. 13 وجاوب واحد من الشيوخ كيقول لي: هدو الّلي مكسيين بالكساوي البويض، شكون هم ومنين جاوا؟ 14 وقلت له: يا سيدي، أنت تعرف. وقال لي: هدو هم الّلي جاوا من الضيق العظيم وغسلوا كساويهم وبيّضوهم في دمّ الخروف. 15 وعلى داك شي هم قدام عرش الله وكيخدموه نهار وليل في بيت المقدس ديهال والّلي كُالس على العرش يبقي فوقهم. 16 ما يعاودوا شي يجوعوا وما يعاودوا شي يعطشوا ولا تقيسهم الشمس ولا شي حرارة 17 على حق اش الخروف الّلي في وسط العرش يرعاهم ويكوّدهم للعيون د الما الحيّ ويمسح الله كل دمة من عينيهم.

الفصل الثامن

1 ومِنين فتح الطابع السابع ، وقع واحد السكات في السما علاين نصّ ساعة. 2 وشفت السبعة د الملايكة الّتي واقفين قدام الله واتعطوا لهم سبعة د البواق. 3 وجا ملاك آخر ووقف عند المذبح وعنده مبخرة د الذهب وانعطى له بخور كثير باش يقدّمه مع صلاوات جميع القديسين على المذبح د الذهب الّتي قدام العرش. 4 وطلع دخان البخور مع صلاوات القديسين من يدّ الملاك قدام الله. 5 وقبض الملاك المبخرة وعمرّها من نار المذبح ورماها على الأرض ووقعوا أصوات ورعود وبروق وواحد النزلة.

6 ديك الساعة السبعة د الملايكة الّتي عند هم السبعة د البواق وجدّوا باش يبوّقوا. 7 وبوّق الملاك الأوّل ورا التبروري والنار مخلّطين بالدمّ واترماوا على الأرض وانحرق التّلت في الاشجار وانحرق الربيع الاخضر كلّ.

8 وبوّق الملاك الثاني ورا بحال إذا واحد الجبل عظيم مشعول بالنار اترمى في البحر وولّى التّلت في البحر دمّ، 9 ومات التّلت من الخلاق الّتي هم في البحر الّتي عندهم الحياة وتهرّس التّلت في السفن.

10 وبوّق الملاك الثالث وطاح من السما واحد الكوكب عظيم مشعول بحال واحد المنارة وطاح على التّلت د د الويدان وعلى عيون المياه. 11 واسم الكوكب مسمّى الأفسنتين وولّى التّلت في المياه أفسنتيني وماتوا بزّاف د الناس من المياه على حق اش الما ولى مرّ. 12 وبوّق الملاك الرابع وانضرب التّلت في الشمس والتلت في القمر والتلت في النجوم حتى تظلم التلت فيهم والتلت في النهار ما ضوى شي والليل كذاك. 13 وشفت وسمعت واحد الملاك كيظير في وسط السما كيقول بصوت عظيم: الويل الويل الويل للّي ساكنين على الأرض على مسبة أصوات البواق الباقيين ديال الثلاثة د الملايكة الّتي غاديين يتكلّموا!

الفصل التاسع

1 ديك الساعة بوّق الملاك الخامس وشفت واحد الكوكب راه طاح من السما للأرض وانعطى له المفتاح د الهاوية الّتي ما عندها قاع، 2 وفتح الهاوية وطلع واحد الدخان من الهاوية بحال دخان شي كوشة عظيمة وظلامت الشمس والهوا بسبب دخان الهاوية. 3 ومن الدخان خرجوا الجراد على الأرض وانعطى لهم القوّة بحال القوّة د العقارب د الأرض. 4 وانقال لهم باين ما يضرّوا شي عشوب الأرض ولا شي حاجة خضرا ولا شي شجرة غير دوك الناس وكان الّتي ما عندهم شي الطابع د الله على جباههم. 5 واعطى لهم باين ما يقتلوهم شي لآكن يتعدّبو خمس شهور، عذابهم بحال عذاب العقرب مِنين

كيضرب الإنسان. 6 وفي ديك الأيام ماشيين يفتّشوا الناس على الموت وما يصيبوها شي ويشتهيوا يموتوا وتهرب الموت منهم. 7 ورهط الجراد كان بحال الخيل موجّدة للحرب وعلى روسهم التيجان بحال د الذهب ووجوههم بحال وجوه الناس، 8 وعندهم الشعر بحال شعر النساء واسنانهم بحال اسنان السبوعة، 9 وعندهم الصدريّات بحال الصدريّات د الحديد وصوت جناحهم بحال هرج الكراس د الخيل بزّاف كيجريوا للقتال. 10 وعندهم الدنابي بحال د العقارب وكانوا في دنابيهم شي شوكات وقوتهم باش ياديوا الناس خمس شهور، 11 وعندهم ملاك الهاوية سلطانهم اسمّه بالعبرانية أبّدون وبال يونانية عنده اسمّه أبوليّون. 12 واحد الويل فات هاهم ماجيين زوج د الوليات تاني بعد هد شي. 13 وبوق الملاك السادس وسمعت واحد الصوت من الأربعة د القرون د المذبح د الذهب اليّ قدام الله 14 كييقول للملاك السادس ال! اي عنده البوق: اطلق الأربعة د الملائكة المكوّدين حدا الواد الكبير الفرات. 15 وانطلقوا الأربعة د الملائكة الموجّدين على الساعة والنهار والشهر والعام باش يقتلوا التلّت في الناس. 16 وعدد محلّة الخيل ميّتين ألف ألف. وانا سمعت عددهم. 17 وهكذا شفت الخيل في الرؤيا والي راكبين عليهم، عندهم صدريّات العافية واسمانجوني والكبريت وروس الخيل بحال روس السبوعة ومن فوامهم خارجة النار والدخان والكبريت. 18 بهدو الثلاثة انقتلوا التلّت في الناس بالنار والدخان والكبريت اليّ خرجوا من فوامهم. 19 قوتهم في فوامهم وفي دنابيهم على حق اش دنابيهم بحال الحياي وعندهم الروس وبهم كيضروا. 20 واما الباقيين في الناس اليّ ما انقتلوا شي بهدو الضربات ما تابوا شي من أعمال يديهم. بقاوا كيسجدوا للشياطين وأصنام الذهب والنقرة والنحاس والحجر والخشب اليّ ما قدروا شي يشوفوا ولا يسمعوا ولا يمشيوا. 21 وما تابوا شي من قتلهم ولا من سحرهم ولا من زناهم ولا من سرقتهم.

الفصل العاشر

1 وشفت واحد الملاك آخر قوي نازل من السما مكسي بواحد السحابة وعلى رأسه عروسة الشتا ووجهه بحال الشمس ورجليه بحال السواري د النار 2 وعنده في يده واحد الكتاب صغير مفتوح وعمل رجله اليمنى على البحر واليسرى على الأرض 3 وغوت بصوت عظيم بحال ما كيزهر السبع، ومن مورا ما غوت تكلموا السبعة د الرعود بأصواتهم. 4 ومن مورا ما تكلموا السبعة د الرعود بأصواتهم كنت ماشي نكتب وسمعت واحد الصوت من السما كييقول لي: اخزن داك شي اليّ تكلموا به السبعة د الرعود ولا تكتبه. 5 والملاك اليّ شفت واقف على البحر والأرض هزّ يده للسما 6 وحلف بهداك اليّ حيّ على الدوام ديما اليّ خلق السما وما فيه والأرض وما فيها والبحر وما فيه باين ما باقي شي يكون

الوقت 7 لآكن فى آيام صوت الملاك السابع مَنِين يَبْدَأُ يَبْوَقُ يَتَكَمَّلُ السَّرَّ دِ اللّٰه بِحَالِ مَا بَشَّرَ الْأَنْبِيَاءُ عِبِيدُهُ.

8 والصوت الّٰى كُنت سمعته من السما عاود تكلم معيَ وقال: سير تقبض الكتاب الصغير المفتوح فى يَدِ الملاك الواقف على البحر وعلى الأرض. 9 ومشيت لعند الملاك وقلت له: اعطيني الكتاب الصغير. وقال لي: خُذْهُ وكوله يَرِدْ جوفك مرّ ولاكن فى فَمِّكَ يكون حلو كيف العسل. 10 وقبضت الكتاب الصغير من يَدِ الملاك وكليته وكان فى فَمِّي حلو بحال العسل وبعدما كليته وَلَّى جوفي مرّ. 11 وقال لي: واجب عليك تتنبأ تاني على بَرّاف دِ الناس والجنوس واللّسن والسلّاطين.

الفصل الحضاش

1 واتعطت لي واحد القصبة بحال شي عصا ووقف الملاك كيقول لي: قوم تعبر بيت المقدس دِ اللّٰه والمدبح والّٰى كيسجدوا فيه. 2 واما الدار الّٰى برّا من بيت المقدس، خلّٰيها برّا وما تعبرها شي على حق اش اتعطت للجنوس ويعفسوا على المدينة المقدّسة اتنين واربعين شهر. 3 وماشي نعطي لشهودي الزوج ويتنبأوا ألف وميتين وستين يوم لابسين الخيش. 4 هدو الزوج هم الزوج دِ الزيتونات والزوج دِ الحساكي الّٰى واقفين قدام ربّ الأرض. 5 وإدا كان شي واحد بغى ياديهم تخرج العافية من فمّهم وتاكل عديانهم وإدا كان شي واحد بغى ياديهم، هكذا لازم ينقتل. 6 هدو عندهم القدر باش يغلقوا السما حتّى ما تنزل شي الشتا فى آيام نبوتهم وعندهم القدر على المياه باش يردّوهم دمّ وباش يضربوا الأرض بكلّ ضربة فوقاش ما بغاوا. 7 ومَنِين يكملّوا شهادتهم، الوحش الّٰى طالع من الهاوية يعمل معهم الشرّ ويغلبهم ويقتلهم. 8 ويكونوا كُنايزهم فى زنقة المدينة العظيمة المسمّية بمعنى روحية سدوم ومصر فاين را تصلّب نيت ربّنا. 9 والّٰى من الناس والقبائل واللّسن والجنوس يشوفوا كُنايزهم تلت آيام ونصّ وما يخلّٰوا شي كُنايزهم يندفنوا. 10 ويتشفّوا فيهم سكّان الأرض ويفرحوا ويعطّوا الهديات بعضهم بعض على حق اش هدو الزوج دِ الأنبياء عدّوا الّٰى ساكنين على الأرض. 11 وبعد تلت آيام ونصّ، دخلت فيهم روح الحياة من اللّٰه ووقفوا على رجليهم ونزل خوف عظيم على جميع الّٰى شافوهم. 12 وسمعوا واحد الصوت عظيم من السما كيقول لهم: اطلعوا لهنا وطلعوا للسما فى السحابة وشافوهم عديانهم. 13 وفى ديك الساعة وقعت واحد الزلزلة عظيمة وطاح العشر من المدينة وماتوا بالزلزلة سبعة آلاف من الناس والباقيين نزلت عليهم الرهبة واعطوا المجد لإلاه السما. 14 الويل التاني فات وراه الويل الثالث جاي دغيا.

15 وبوق الملاك السابع وراهم أصوات عظيمة في السما كيقولوا عاد ولأوا ملاكات العالم ديال ربنا والمسيح دياه وهو ماشي يحكم على طول الأبد. 16 والأربعة وعشرين شيخ الي كألسين قدام الله على كراسيهم طاحوا على وجوههم وسجدوا لله 17 كيقولوا: نشكرك، يا الرب الإلاه القادر على كل شي، الي كاين والي كان والي ديما يكون على حق اش قبضت قوتك العظيمة وحكمت. 18 وغضبوا الجنوس وجا غبضك والوقت د الميتين باش يتحاسبوا باش يتعطى الأجر لعبيدك الأنبياء وللقديسين وللي كيخافوا اسمك صغار وكبار وباش ينهلكوا الي كانوا كيهلكوا الأرض. 19 وانفتح بيت المقدس د الله في السما وظهر تابوت عهدّه في بيت المقدس دياه ووقعوا بروق وأصوات ورعود وواحد الزنلة والتبروري عظيم.

الفصل الطناش

1 وظهر واحد العجب كبير في السما، واحد المرآة مكسيّة بالشمس والقمر تحت رجليها وعلى راسها تاج ديال اطناشر نجمة 2 وهي حبلى كتغوّت حيث جاها الوجع وكتعصر باش تولد. 3 وظهر عجب آخر في السما، را واحد الهيشة عظيمة حمرا عندها سبعة د الروس وعشرة دالقرون وعلى الروس دياها سبعة د التيجان، 4 ودنبتها جرّت الثلث في النجوم د السما وسيبتهم للأرض. والهيشة وقفت قدام المرآة الي غادية تولد باش تبلع ولدها مينين تولد. 5 وولدت ولد دكر الي غادي بحكم جميع الجنوس بالعصا د الحديد، واتخطف ولدها لعند الله وللكرسي دياه. 6 والمرآة هربت للخلا فاين عندها واحد الموضع موجد من الله باش يعولوها تم ألف وميتين وستين يوم.

7 ووقع واحد الشرّ في السما، ميخائيل وملايكته تشاروا مع الهيشة وتشارت الهيشة وملايكتها 8 وما غلبوا شي وما انصاب شي موضعهم بعد داك شي في السما. 9 وتسيبت الهيشة العظيمة الحية القديمة المسميّة إبليس والشيطان الي كيتلف العالم كله تسيب للأرض وتسيبوا معه ملايكته. 10 وسمعت صوت عظيم كيقول في السما: داب را جا إلهنا وقدرته وملكه وقوة المسيح دياه على حق اش تسيب هداك الي كيشكي بخوتنا الي كان كيشكي بهم قدام إلهنا نهار وليل. 11 وهم غلبوه بدم الخروف وبكلمة شهادتهم وسخاوا بعمرهم حتى للموت. 12 على هد شي افرحوا، يا السماوات، والي ساكنين فيهم. الويل لسكان الأرض والبحر على حق اش إبليس نزل لعندكم وعنده غضب عظيم حيث كيعرف باين ما عنده غير وقت قليل.

13 ومينين شافت الهيشة باين تسيبت للأرض، مرمدت المرآة الي ولدت الولد الذكر. 14 واتعطاوا للمرأة جناح النسر العظيم باش تطير للخلا لموضعها فاين كتتعول وقت وقتين ونص وقت من

وجه الحيّة. 15 ورمات الحيّة من فمّها من مورا المارة لما بحال الحملة باش تدّيها الحملة. 16 والأرض عاونت المارة وفتحت الأرض فمّها وبلعت الحملة الّتي رماها الهيشة من فمّها. 17 وغضبت الهيشة على المارة ومشات الهيشة باش تعمل الشرّ مع الباقيين من نسلها الّتي كيحضيوا وصايات الله وعندهم شهادة يسوع المسيح.

الفصل التلّطاش

1 ووقفت على رمل البحر، وشفّت واحد الوحش طالع من البحر عنده سبعة د الروس وعشرة د القرون وعلى قرونه عشرة د التيجان وعلى روسه اسم الكفر. 2 والوحش الّتي سفت كان بحال النمر ورجليه بحال رجلين الدبّ وفمّه بحال فمّ السبع واعطت له الهيشة قوتّها وكرسيها وسلطنة عظيمة. 3 وشفّت واحد من الروس دياه بحال إذا مدبوح للموت والجرحه دياه الّتي هي للموت برات وتعجّبت الأرض كلّها من مورا الوحش 4 وسجدوا للهيشة الّتي اعطت القوّة للوحش وسجدوا للوحش كيقلوا: شكون هو الّتي بحال الوحش؟ شكون يقدر يتشارّ معه؟ 5 واتعطى له واحد الفمّ باش يتكلّم بأمر عظام والكفر واتعطى له القدر باش يعمل الحرب اتنين واربعين شهر. 6 وفتح فمّه بالكفر بالله باش يكفر باسمه وبيته وبلي ساكنين في السما. 7 واتعطى له باش يتشارّ مع القديسين ويغلبهم واتعطت له القوّة على كل قبيلة وكل لسان وكل جنس. 8 وماشيين يسجدوا له جميع سكّان الأرض الّتي ما مكتوبين شي سمياتهم من خلق الدنيا في كتاب الحياة د الخروف الّتي اندبح. 9 الّتي عنده الأذن، لازم يسمع. 10 إذا كان شي واحد كيسعى هو يتسعى. وإذا كان شي واحد كيقتل بالسيف، بالسيف لازم ينقتل. هنا را صبر القديسين وإيمانهم.

11 وشفّت واحد الوحش آخر طالع من الأرض وعنده زوج د القرون بحال قرون الخروف وكان كيتركلم بحال واحد الهيشة. 12 وكخدم القوّة د الوحش الأوّل قدامه وكيعمل الأرض كلّها والسكّان دياها باش يسجدوا للوحش الأوّل الّتي تشافى جرحه الّتي كان للموت. 13 وكيعمل معجزات كبار حتى كييعمل العافية تنزل من السما على الأرض قدام الناس. 14 وكيتركلم سكّان الأرض بالمعجزات الّتي اتعطاوا له باش يعملهم قدام الوحش وكيقول لسكّان الأرض باين يعملوا واحد الصورة للوحش الّتي كانت عنده الجرحه د السيف وعاش. 15 واتعطى له باش يعطي الروح لصورة الوحش حتى تتكلّم صورة الوحش وكيقتش على جميع الّتي ما يسجدوا شي لصورة الوحش باش ينقتلوا. 16 وكيعمل الجميع الصغار والكبار، الأغنياء والّتي ما عندهم شي، الأحرار والعبيد باش تنذار لهم شي إمارة في يدهم اليمنى أو على جبهتهم 17 وباش ما يقدر حد لا يشري ولا يبيع غير الّتي عنده ديك الإمارة أو اسم الوحش أو

عدد اسمهُ. 18 هنا الحكمة، الّٰي عنده العقل يحسب عدد الوحش على حق اش هو عدد الإنسان، وعدده ست مية وستة وستين.

الفصل الرابع عشر

- 1 وشفنت ورا الخروف واقف على جبل صهيون ومعه مية وأربعة واربعين ألف عندهم اسم ابوه مكتوب على جباههم. 2 وسمعت صوت من السما بحال صوت المياه الكثيرة بال صوت شي رعد عظيم، وسمعت صوت بحال صوت الّٰي كيضربوا بالكيثارة حين كيضربوا بكيثاراتهم. 3 وهم كيغنيوا بحال بواحد الغناية جديدة قدام العرش وقدام الأربعة د الحيوانات والشيوخ وما يقدر حد يتعلم الغناية غير المية والأربعة واربعين ألف الّٰي اتفداوا من الأرض. 4 هـو هم الّٰي ما تنجسوا شي مع النسا من حيث هم طاهرين. هـو هم الّٰي كيتبعوا الخروف فاين ما مشى. هـو اتشراوا من بين الناس، الغلة الأولى لله وللخروف 5 وفي فوامهم ما انصاب غش على حق اش هم بلا عيب قدام عرش الله.
- 6 وشفنت واحد الملاك آخر كيظير في وسط السما عنده البشارة الدائمة باش يبشّر سكّان الأرض وكلّ جنس وكلّ قبيلة وكلّ لسان وكلّ قوم، 7 كيقول بصوت عظيم: خافو الله واعطيوا له المجد على حق اش جات ساعة حكامه واسجدوا لخالق السما والأرض والبحر والعيون د الما. 8 وتبعه ملاك آخر كيقول: طاحت بابل المدينة العظيمة على حق اش سقات جميع الجنوس من خمر غضب زناها.
- 9 وتبعهم الملاك الثالث كيقول بصوت عظيم: إذا سجد شي حد للوحش ولصورته ويقبل رشمته على جبهته أو على يده، 10 هو تاني ماشي يشرب من خمر غضب الله المكبوب بلا تخليط في كاس غضبه ويتعدّب بالنار والكبريت قدام الملائكة القديسين وقدام الخروف. 11 ودخان عذابهم يطلع على الدوام ديما وما تكون راحة لا في النهار ولا في الليل عند الّٰي كيسجدوا للوحش ولصورته ولا عند الّٰي كيقبل إمارة اسمهُ. 12 هنا صبر القديسين الّٰي كيحضيو وصايات الله وإيمان يسوع.
- 13 وسمعت واحد الصوت من السما كيقول لي: اكتب: مبروكين الميتين الّٰي كيموتوا في الرب من دابّ ل فوق. نعم، كيقول الروح، باش يرتاحوا من تعبهم، وأعمالهم يتبعوهم.
- 14 وشفنت وراها سحابة بيضا وعلى السحابة واحد كالس بحال ابن الإنسان عنده على راسه تاج ديال الذهب وفي يده واحد المنجل ماضي. 15 وخرج ملاك آخر من بيت المقدس كيغيّط بصوت عظيم للّٰي كالس على السحابة: اضرب بمنجلك واحصد على حق اش جا وقت الحصاد حيث وجد حصاد الأرض. 16 والّٰي كالس على السحابة ضرب بمنجله على الأرض واتحصدت الأرض.

17 وخرج ملاك آخر من بيت المقدس الّتي في السما وعنده حتى هو منجل ماضي. 18 وخرج ملاك آخر من المدبح عنده القدر على العافية، وغوّت بصوت عظيم للّتي عنده المنجل الماضي كيقول: اضرب بنمجلك الماضي واجني عناقد دالية الأرض على حق اش عنبها طاب. 19 وضرب الملاك بمنجله على الأرض وجني دالية الأرض ورماها في معصرة غضب الله العظيمة 20 واتعفست المعصرة برّا من المدينة وخرج الدّم من المعصرة حتى للجامات الخيل جهد ألف وست مية مسافة.

الفصل الخمسطاش

1 وشفت إمارة أخرى في السما عظيمة وعجيبة. سبعة د الملائكة عندهم السبعة د الضربات التالبيين على حق اش بهم كيتكّم غضب الله. 2 وشفت بحال بحر من الزاج مخلص بالعافية والّتي غلبوا على الوحش وصورته وعلى رشمته وعدد اسمه واقفين على البحر الزاج وعندهم كيتارات الله. 3 وهم كيهلّلوا بتهليلة موسى عند الله وبتهليلة الخروف كيقولوا: عظيمة وعجيبة أعمالك، يا الربّ الإلاه القادر على كل شي. عادلين وحقّ هم طرقاتك، يا ملك القديسين. 4 شكون الّتي ما يخاف شي منك، يا ربّ، ويمجد اسمك؟ على حق اش أنت وحدك قدّوس. على حق اش جميع الجنوس يجيوا ويسجدوا قدّامك على حق اش أحكامك راهم ظهوروا. 5 وبعد هد شي شفت ورا انفتح بيت المقدس خيمة الشهادة في السما 6 وخرجوا السبعة د الملائكة من بيت المقدس وعندهم السبعة د الضربات وهم مكسيين بالكتان النقي كيبرق ومحزّمين على صدورهم بالحزامات د الذهب. 7 وواحد من الأربعة د الحيوانات أعطى للسبعة د الملائكة سبعة د الطاسات من الذهب معمّرين بغضب الله الحيّ على الدوام ديمًا. 8 وتعمّر بيت المقدس بالدخان من مجد الله ومن قدرته وما كان حد الّتي قدر يدخل لبيت المقدس حتى كملوا السبعة د الضربات د السبعة د الملائكة.

الفصل السطّاش

1 وسمعت صوت عظيم من بيت المقدس كيقول للسبعة د الملائكة: سيروا تكبّوا الطاسات د غضب الله على الأرض. 2 ومشى الأوّل وكبّ طاسته على الأرض والّتي عندهم رشة الوحش والّتي كيسجدوا لصورته اتضربوا بشي دمال خاييين وقباح. 3 وكبّ الملاك الثاني طاسته على البحر ووّلّى دمّ بحال دمّ الميّت، وكلّ نفس حيّة ماتت في البحر. 4 وكبّ الملاك الثالث طاسته على الويدان وعلى العيون د الما وولّوا دمّ. 5 وسمعت الملاك د المياه كيقول: عادل أنت، يا الّتي كاين والّتي كان والّتي يكون، من حيث حكمت هكدا، 6 على حق اش

هم سيّلوا دمّ القديسين والأنبياء واعطيّتهم الدمّ باش يشربوا، راهم كيستاهلوا. 7 وسمعت واحد آخر من المدبح كيقول: نعم، يا الربّ الإلاه القادر على كل شي، حق وعادلين هم أحكامك.

8 وكبّ الملاك الرابع طاسته على الشمس واتعطى لها باش تحرق الناس بالعافية. 9 وانحرقوا الناس واحد الحريقة عظيمة وكفروا باسم الله الّي عنده القدر على هدو الضربات وما تابوا شي باش يعطيوا المجد.

10 وكبّ الملاك الخامس طاسته على كرسي الوحش وولات ملاكته مظلمة وكانوا كيعضوا لسنهم من الوجع، 11 وكفروا بإلاه السماء على سبب أوجاعهم وعلى سبب قرحاتهم وما تابوا شي من أعمالهم.

12 وكبّ الملاك السادس طاسته على الواد الكبير الفرات ونشق الما دياه باش تتوجد طريق الملوك الّي هم من جهة شروق الشمس. 13 وشفّت من فم الهيثة ومن فم الوحش ومن فم النبي الكذاب ثلاثة د الأرواح منجوسين كيشبهوا اللجان. 14 وهم أرواح شياطين كيخدموا المعجزات الّي كيخرجوا لملوك العالم وللدنيا كلّها باش يجمعوهم لقتال داك النهار العظيم، نهار الله القادر على كل شي. 15 ها أنا ماجي بحال شي سارق. مبروك الّي كيسهر ويحضي كسوته باش ما يتسارى شي عريان ويشوفوا عورته. 16 وجمعهم لداك الموضع الّي مسمّى بالعبرانية هرّمجدون.

17 وكبّ الملاك السابع طاسته في الهوا وخرج واحد الصوت كبير من بيت المقدس د السما من العرش كيقول: را كمل. 18 وكانوا الأصوات والرعود والبروق. ووقعت واحد الزنلة عظيمة عمرها ما وقعت بحالها من الوقت الّي كان بن آدم على الأرض واحد الزنلة قدّها عظيمة هكدا. 19 وانقسمت المدينة العظيمة على ثلاثة د الأقسام وطاحوا مدّن الجنوس. وبابل العظيمة تفكرّها الله باش يعطيها كاس خمر شدة غضبه. 20 وهربت كل جزيرة، والجبال ما انصابوا شي. 21 ونزل من السما واحد التبروري عظيم على الناس ثقله على حال وزنة، وكفروا الناس بالله على سبب ضربة التبروري، حيث كانت ضربته عظيمة بزّاف.

الفصل السبعطاش

1 وجا واحد من السبعة د الملائكة الّي عندهم السبعة د الطاسات وتكلّم معي كيقول لي: أجي ونوريك عقوبة الزانية الكبيرة الّي كألّسة على المياه الكثيرة 2 الّي زناوا معها ملوك الأرض وتسكروا سكّان الأرض بخمر زناها. 3 واذاّني في الروح للخلا وشفّت واحد المرأة كألّسة على واحد الوحش قرمزي معمر بسميات الكفر عنده سبعة د الروس وعشرة د القرون. 4 والمرأة راها مكسيّة بالزبيبي

والقرمزي ومزينة بالذهب والحجر الحرّ وديامنض وعندها واحد الكاس د الذهب في يدها معمرّ
بالوسوخات ونجاسات زناها. 5 وعلى جبهتها واحد الاسم مكتوب، سرّ: بابل العظيمة، أمّ الزانيات
ووسوخات الأرض. 6 وشفّت المرأة سكرانة بدمّ القديسين وبدمّ شهود يسوع. ومنين شفتها تعجّبت
واحد العجوبة عظيمة.

7 وقال لي الملاك: علاش تعجّبت؟ أنا نقول لك سرّ المرأة والوحش الّلي رافدها الّلي عنده السبعة
د الروس والعشرة د القرون. 8 الوحش الّلي شفت كان وما هو شي دابّ وهو ماشي يطلع من الهاوية
ويمشي للهلاك. وسكان الأرض الّلي سمياتهم ما هم شي مكتوبين في كتاب الحياة من خلق الدنيا
ماشيين يتعجّبوا منين يشوفوا الوحش باين كان وما هو شي دابّ، وخّى كاين. 9 هنا العقل الّلي عنده
الحكمة، السبعة د الروس هم سبعة د الجبال الّلي كألسة عليهم المرأة، 10 وسبعة د الملوك، خمسة
طاحوا وواحد موجود والآخر باقي ما جا. ومنين يجي لازم يبقّى واحد الشويا. 11 والوحش الّلي كان
ودابّ ما كاين شي هو التامن وهو من السبعة ويمشي للهلاك. 12 والعشرة د القرون الّلي شفت هم عشرة
د الملوك ما زالين ما قبضوا شي الحكام لآكن يقبضوا الحكام بحال الملوك ساعة واحدة مع الوحش. 13
هدوك عندهم راي واحد ويعطيوا قوتهم وسلطتهم للوحش. 14 هدوك ماشيين يعملوا الحرب مع
الخروف والخروف يغلبهم على حق اش هو ربّ الأرباب، ملك الملوك، والّلي معه هم معروضين
ومختارين وصادقين. 15 وقال لي: المياه الّلي شفت الزانية كألسة عليهم هم ناس وجماعات وجنوس
ولسّن. 16 واماّ العشرة د القرون الّلي شفت على الوحش، هم ماشيين يكرهوا الزانية ويخليوها ويعريّوها
وياكلوا لحمها ويحرقوها بالعافية، 17 على حق اش الله عمل في قلوبهم باش يعملوا الراي دياله وباش
يتوافقوا ويعطيوا ملاكتهم للوحش حتى يوفى ما قال الله. 18 والمرأة الّلي شفتها هي المدينة العظيمة الّلي
كتحكم على ملوك الأرض.

الفصل الثمنطاش

1 بعد هد شي شفت واحد الملاك آخر نازل من السما عنده قوّة عظيمة وضوات الأرض بنوره. 2
وغوّت بزّاف بصوت عظيم كيقول: طاحت! طاحت بابل العظيمة وولّات المسكن د الشياطين والمحشر
د كل روح منجوس والمحشر د كل طير منجوس ومكروه 3 على حق اش جميع الجنوس شربوا من خمر
غضب زناها وملوك الأرض زناوا معها وتجارّ الدنيا اتغناوا من قوّة نعيمها.

4 وسمعت صوت آخر من السما كيقول: اخرجوا منها، يا قومي، باش ما تشركوا شي في
دنوبها وباش ما يلحقوكم شي ضرباتها، 5 على حق اش دنوبها لحقوا السما وتفكرّ الله معصيّاتها. 6

جازوها بحال ما جازتكم ثاني واتنيوا لها على مرتين على حسب أعمالها. الكاس الّتي خلّطت خلطوه لها على مرتين. 7 بمقدار ما مجّدت رأسها وتدخّمت، قدّ داك شي أعطيوها لها من العذاب والحزن. على حق اش كتقول في قلبها: أنا كألّسة سلطنة وما أنا شي هجّالة وما نشوف شي الحزن. 8 على داك شي في نهار واحد ماشيين يجيوا ضرباتها، الموت والحزن والجوع وتتحرق بالعافية على حق اش قدير هو الربّ الإلاه الّتي كيّعاقبها.

9 وملوك الأرض الّتي زناوا وتدخّموا معها ماشيين يبكيوا وينوّحوا عليها منين يشوفوا دخّان حريقها 10 واقفين من بعيد بسبب خوف عذابها كيقلّوا: الويل! الويل لبابل المدينة العظيمة، المدينة القويّة، على حق اش في ساعة واحدة جات عقوبتها. 11 ويبكيوا تجار الأرض وينوّحوا عليها على حق اش سلعتهم ما باقي يشربها حد من بعد، 12 سلعة الذهب والفضّة والحجر الحرّ والجوهر والكتّان والزبيبي والحريز والقرمز وكلّ عود القماري وكلّ ماعون من العاج وكلّ ماعون من العود الغالي ومن النحاس والحديد والرخام 13 والقرفة والبخور والطيب واللّبان والخمر والزيت والخالص والقمح والبهائم والغنم والخيّل والسفن والأجساد والأنفس د بن آدم. 14 ومشّوا منك الغلّات الّتي اشتهاهم نفسك ومشّ منك كل شي الّتي مشحّم ومزيان وما تعاود شي تصيبه. 15 تجار هدو الأمور الّتي اتغنّوا منها ماشيين يوقفوا من بعيد على مسبة خوف عذابها كيبيكيوا وينوّحوا 16 وكيقلّوا: الويل! الويل للمدينة العظيمة المكسيّة بالكتّان والزبيبي والقرمز والمزيّنة بالذهب والحجر الحرّ والجوهر، 17 على حق اش في ساعة واحدة خرب الغنى بحال هذا! وكلّ مول بابور وجميع المسافرين في البوابر والبحريّة وجميع الّتي كيتجروا على البحر وقفوا من بعيد 18 وغوّتوا منين شافوا دخّان حريقها كيقلّوا: أش من مدينة بحال المدينة العظيمة؟ 19 ورماوا التراب على روسهم وكيغوّتوا وكيبيكيوا وينوّحوا ويقولوا: الويل! الويل! المدينة العظيمة الّتي فيها اتغنّوا جميع موالين البوابر في البحر بسبب الأمور ديالها الغاليين، على حق اش في ساعة واحدة تخربت. 20 افرح عليها، يا السما والرّسل القديسين والأنبياء على حق اش الربّ عاقبها بعقوبتكم.

21 ورفد واحد الملاك قوي واحد الحجرة كبيرة بحال حجرة الرّحا وسيبها في البحر كيقلّ: هكدا بالجهد تترمي بابل المدينة العظيمة وما تعاود شي تنصاب. 22 وصوت الّتي كيضربوا بالكيّتارات والّتي كيغنّوا والغياطة والّتي كينفخوا في البوق ما يعاودوا شي ينسمعوا فيك. وكلّ معلّم الصنعة كيف ما كانت صنعته ما يعاود شي ينصاب فيك. وصوت الرّحا ما يعاود شي ينسمع فيك. 23 وضو الشماعة ما يعاود شي يضوي فيك. والصوت د العريس والعروسة ما يعاود شي ينسمع فيك، على حق اش التجار

ديالك كانوا كبار الدنيا. على حق اش بسحرك تلفت جميع الجنوس، 24 وانصاب فيها دمّ الأنبياء
والقدّيسين وجميع من مات مقتول على الأرض.

الفصل التسعطاش

1 وبعد هد شي سمعت واحد الصوت عظيم ديال ناس كتار في السما كيقولوا: هلّوليا! النجا
والمجد والتوقير والقوّة ديال الربّ إلهنا، 2 على حق اش حكاماته حقّ وعادلين من حيث عاقب
الزانية الكبيرة الّتي فسدت الأرض بزناها وخلق لها الحسيّفة ديال دمّ عبّيده الّتي تسيل على يدّها. 3
وعاود قالوا: هلّوليا! ودخانها كيطلع على الدوام ديمّا. 4 وطاحوا الأربعة وعشرين شيخ والأربعة د
الحيوانات وسجدوا لله الكالس على العرش كيقولوا: آمين، هلّوليا! 5 وخرج من العرش واحد الصوت
كيقول: سبّحوا لإلهنا، يا جميع عبّيده الّتي كيخافوه، الصغار والكبار. 6 وسمعت واحد الصوت بحال
صوت ناس بزّاف وبحال صوت شي مياه كثيرة وبحال صوت شي رعود مجهدين كيقول: هلّوليا على
حق اش الربّ الإلاه القادر على كل شي كيحكم. 7 نفرحوا نهلّلوا ونعطيواه المجد على حق اش عرس
الخروف راه وصل والمرأة دياله وجّدت راسها. 8 واتعطى لها تلبس كتّان نقي كيبرق، على حق اش
الكتّان هو التقوى د القدّيسين.

9 وقال لي: اكتب "مبروكين المعروضين لعشا عرس الخروف". وقال: هدوهم الكلمات د الله

الصادقين. 10 وطحت قدّام رجله باش نسجد له، وقال لي: عندك تعمله! حتى أنا عبد بحالك

وبحال خوتك الّتي عندهم شهادة يسوع. اسجد لله. وبالحقّ شهادة يسوع هي روح النبوة.

11 وشفّت السما مفتوح وراه عود ابيض والّتي كالس عليه كيتسمّى صادق وحقّ وبالعديل كيحكم

وكيتشار. 12 وعينيه بحال اللهب د العافية وعلى راسه تيجان بزّاف وعنده واحد الاسم مكتوب ما

كيعرفه حد غير هو. 13 ومكسي بكسوة مغمّسة في الدمّ وكيتسمّى اسمه "كلمة الله". 14 والمحالّ الّتي

في السما تبعوه على الخيل البويض لابسين كتّان ابيض ونقي. 15 ومن فمه خارج واحد السيف ماضي

باش يضرب به الجنوس وهو ماشي يحكمهم بالعصا د الحديد وهو يعفس معصرة خمر سخط الله

وغضبه، القادر على كل شي. 16 وعنده على كسوته وعلى فخذّه واحد الاسم مكتوب "ملك الملوك

وربّ الأرباب".

17 وشفّت واحد الملاك واقف في الشمس وغوّت بصوت عظيم كيقول لجميع الطيور الّتي كيطيروا

في وسط السما: اجيوا تتجمعوا لعشا الإلاه العظيم، 18 باش تاكلوا لحم الملوك ولحم القيّاد ولحم

المجهدين ولحم الخيل والّتي راكبين عليهم ولحم الجميع، الحرّ والعبد، الصغير والكبير.

19 وشفّت الوحش وملوك الأرض ومحالّهم مجموعين باش يعملوا الشرّ مع الّلي كألّس على العود ومع المحلّة دياره. 20 واتقبض الوحش والنبي الكدّاب معه الّلي عمل قدّامه المعجزات الّلي بهم تلتّف هدوك الّلي قبلوا رشمة الوحش والّلي كيحرق بالكبريت. 21 والباقيين انقتلوا بسيف هداك الّلي راكب على العود، بالسيف الّلي خارج من فمه وجميع الطيور شبعوا من لحمهم.

الفصل العشرين

1 وشفّت واحد الملاك نازل من السما عنده المفتاح د الهاوية وواحد السنسلة كبيرة في يده. 2 وقبض الهيشة الحيّة القديمة الّلي هو إبليس والشیطان وقيّده ألف عام، 3 ورمّاه في الهاوية وشدّ عليه وعمل عليه الطابع باش ما يعاود شي يتلفّ الجنوس حتى ينتمّ الألف عام ومن مورا داك شي لا بدّ ينطلق واحد الشويا.

4 وشفّت شي كراسى وكّلّسوا عليهم وانعطى لهم الحكام وشفّت الأنفس د الّلي انقتلوا على مسبّة شهادة يسوع وعلى مسبّة كلام الله والّلي ما سجدوا شي للوحش ولا لصورته وما قبلوا شي الرشمة على جباههم وعلى أيديهم وعاشوا وحكموا مع المسيح ألف عام. 5 واما المييتين الباقيين ما عاشوا شي حتى ينتمّ الألف عام. هدي هي القيامة الأولى، 6 مبروك ومقدّس الّلي عنده حقه في القيامة الأولى. على هدوك الموت الثانية ما عندها قدر لکن هم ماشيين يكونوا فقهاء لله وللمسيح ويحكموا معه ألف عام. 7 ومنين ينتمّ الألف عام ينطلق الشيطان من الحبس دياره 8 ويخرج باش يتلفّ الجنوس الّلي في الأربعة د الجوايه د الأرض جوج وماجوج باش يجمعهم للشرّ، الّلي عددهم قدّ رمل البحر. 9 وطلعوا على تاسيع الأرض وداروا بمحطة القديسين وبالمدينة العزيزة ونزلت النار من عند الله من السما وكلاتهم. 10 وإبليس الّلي كان كيتلفّهم تسيّب في البحر د النار والكبريت فاين راه الوحش والنبي الكدّاب وماشيين يتعدّبوا نهار وليل على الدوام ديما.

11 وشفّت واحد العرش عظيم ابيض والّلي كألّس عليه، الّلي من وجهه هربت الأرض والسما وما انصاب لهم موضع. 12 وشفّت المييتين الصغار الكبار واقفين قدّام الله وانفتحوا الكتب وانفتح كتاب آخر وهو كتاب الحياة. وتحاسبوا المييتين بداك شي الّلي مكتوب في الكتب على قدّ أعمالهم. 13 ودفع البحر الموتى الّلي فيه، ودقعت الموت والهاوية الموتى الّلي فيهم وانحكموا كل واحد على قدّ أعماله. 14 وتسيّبت الموت والهاوية في البحر د النار. هدي هي الموت الثانية. 15 وكلّ واحد الّلي ما انصاب شي مزّم في كتاب الحياة تسيّب في البحر د النار.

1 وشفّت سما جديد وأرض جديدة على حق اش السما الأوّل والأرض الأولى فاتوا، والبحر ما باقي شي يكون. 2 وانا يوحنا شفّت المدينة المقدّسة أورشليم الجديدة نازلة من السما من عند الله موجّدة بحال واحد العروسة مزينة لرجلها. 3 وسمعت واحد الصوت عظيم من السما كيقول: را مسكن الله مع بن آدم وهو يسكن معهم وهم يكونوا له قوم والله بنفسه يكون معهم إلههم. 4 ويمسح الله كل دمة من عينيهم والموت ما باقية شي تكون ولا يكون الحزن ولا بكا ولا وجع، عل حق اش الأمور الأوّلين راهم فاتوا. 5 وقال اليّ كالس على العرش: ها أنا نصنع كل شي جديد. وقال لي: اكتب، على حق اش هدو الكلمات صادقين وتابتين. 6 وقال لي: عاد انكمل. أنا هو الألف والياء، البدو والآخر. أنا نعطي لليّ عطشان من العين د الما د الحياة باطل. 7 اليّ يغلب، يورت كل شي ونكون له إله وهو يكون لي ولد. 8 واما اليّ خايفين واليّ ما كيامنوا شي والمنجوسين والقتالة والزانيين والسحارة وعباد الأصنام وجميع الكدّابة حقهم في البحر اليّ كيحرق بالنار والكبريت، اليّ هي الموت الثانية. 9 وجا لعندي واحد من السبعة د الملائكة اليّ عندهم السبعة د الطاسات المعمّرين بالسبعة د الضربات التاليين وتكلّم معي كيقول: أجي نورّيك العروسة امراة الخروف. 10 ومشى بيّ بالروح لواحد الجبل كبير عالي وورّاني المدينة الكبيرة أورشليم المقدّسة نازلة من السما من عند الله، 11 عندها مجد الله والضوّ ديالها بحال الحجر الحرّ، بحال الحجر يشب بلاّري. 12 وكان عندها سور كبير وعالي وعندها اطناشر باب وفي البيبان اطناشر ملاك وسميات مكتوبين وهم سميات الطناشر قبيلة د بنو إسرائيل، 13 من الشرق ثلاثة د البيبان ومن الشمال ثلاثة د البيبان ومن الجنوب ثلاثة د البيبان ومن الغرب ثلاثة د البيبان. 14 وسور المدينة كان عنده اطناشر لساس وعليهم السميات د الطناشر رسول د الخروف. 15 واليّ كان كيتكلّم معي كانت عنده قسبة د الذهب باش يعبر المدينة وبيبانها وسورها. 16 والمدينة منزلة مربّعة طولها بحال العرض وعبر المدينة بالقسبة اطناشر ألف مسافة الطول والعرض والعلو قدّ قدّ. 17 وعبر سورها مية وأربعة واربعين دراع، دراع الإنسان، كيف استعملها الملاك. 18 وكان بني سورها من يشب والمدينة راها ذهب صافي بحال الزاج الصافي. 19 ولساسات سور المدينة مزينين بكلّ حجر الحرّ، اللساس الأوّل يشب، الثاني باقوت ازرق، الثالث عقيق ابيض، الرابع زُمرّد دبابي، 20 الخامس جزع عقيقي، السادس عقيق احمر، السابع زبرجد، الثامن زُمرّد سلقي، التاسع ياقوت اصفر، العاشر عقيق اخضر، الحشاش اسمانجوني، الطناش جمشت. 21 والطناشر باب اطناشر جوهرة، كل باب جوهرة واحدة. وزنقة المدينة ذهب صافي كيف الزاج الضاوي. 22 وما شفّت فيها شي بيت المقدس من حيث الربّ الله القادر على كل شي هو والخروف بيت المقدس ديالها. 23 والمدينة ما محتاجة شي

في الشمس ولا في القمر باش يضيّوا فيها من حيث مجد الله ضواها والخروف هو الضوّ ديالها. 24
والجنوس الّلي نجاوا يتمشّوا في النور ديالها وملوك الأرض يجيبوا لها مجدهم والنور دياهم. 25
وبيبانها ما كينشدّوا شي بالنهار من حيث ما كاين ليل تمّ. 26 ويجيبوا مجد الأمّ ونورهم لها. 27 وما
يدخل لها بالكلّ شي وسخ ولا الّلي يعمل النجاسة والكدوب، ولاكن غير هدوك الّلي مزّمين في كتاب
الحياة د الخروف.

الفصل التناين وعشرين

1 وورّاني واحد الواد صافي من الما د الحياة كيبرق بحال البلاّ خارج من عرش الله والخروف.
2 وفي وسط الزنقة وعلى الواد من هنا ومن تمّ شجرة الحياة كتعمل اطناشر غلّة وكتعطي كل شهر
غلّتها، والأوراق ديال الشجرة لشفاء الأمّ. 3 وما باقية شي تكون النعلة. وعرش الله والخروف يكون
فيه وعبيده يخدموه. 4 وهم يشوفوا وجهه واسمه يكون على جباههم. وما يكون ليل تمّ ولا يحتاجوا
الشمعة أو ضو الشمس على حق اش الربّ الإلاه يضيّو عليهم وهم يتنصروا على الدوام ديمّا.
6 وقال لي: هذو الكلمات هم حقّ وصادقين والربّ إلاه الأنبياء القديسين سيفط الملاك ديالها
باش يورّي لعبيده أش لازم يوقع في قريب. 7 ها أنا جاي دغيا. مبروك الّلي يحضي كلمات نبوة هد
الكتاب.

8 وانا يوحنا الّلي كنت كنشوف وكنسمع هد شي. وحين سمعت وشفّت، طحت باش نسجد
قدّام رجلين الملاك الّلي كان كيورّيني هد شي. 9 وقال لي: عندك تعمله. على حق اش أنا عبد بحالك
وبحال خوتك الأنبياء وبحال الّلي حاضيين كلمات هد الكتاب. اسجد لله. 10 وقال لي: لا تخزن شي
كلمات نبوة هد الكتاب على حق اش الوقت قريب. 11 الّلي هو ظالم يبقّى ظالم، والّلي هو منجوس
يبقى منجوس، والّلي هو تاقى يبقّى تاقى، والّلي هو مقدّس يزيد يتقدّس.

12 ها أنا ماجي دغيا وأجري في يدّي باش نجازي كل واحد بحال ما يكون عمله. 13 أنا
الألف والياء، البدو والآخر، الأوّلي والأخري. 14 مبروكين الّلي كي عملوا وصاياته باش يكون عندهم
القدر على شجرة الحياة ويدخلوا من الببان للمدينة. 15 على حق اش على برا الكلاب والسحارة
والزانيين والقتالة وعباد الأصنام وكلّ واحد الّلي كيحبّ ويصنع الكدوب.

16 أنا يسوع سيفطت الملاك دياي باش نشهد لكم بهدو الأمور في الكنايس. أنا هو الجدر
ودريّة داود. أنا هو نجمة الصبح الضاوية. 17 والروح والعروسة كيقولوا: اجي. والّلي كيسمع يقول:
اجي. والّلي ضرّه العطش يجي. والّلي بغى ياخذ ماء الحياة بلا فلوس.

18 أنا كنشهد لكل واحد الّٰي كيسمع كلمات نبوة هـ الكتاب ، إـا كان شي واحد يزىـ على هـ

شي يزىـ الله عليه الضـبات الّٰي مكتوبين في هـ الكتاب. 19 وإـا كان شي واحد يزول من كلمات
كتاب هـ النبوة يزول الله حقّه من كتاب الحياة ومن المدينة المقدسة ومن الّٰي مكتوب في هـ الكتاب.

20 الشاهد بهـ شي يقول: نعم. أنا جاي دغيا. آمين. تعالى ، يا الرب يسوع.

21 نعمة ربنا يسوع المسيح معكم كلّم. آمين.

إشكالية سوء الفهم: ابن الله

هل يمكن لله أن يتزوج بامرأة وينجب منها ابناً؟ حاشا لله! إن ذلك مستحيل! لكن بعض الناس يظنون أن أتباع المسيح يقولون إن الله قد مارس الجنس مع مريم وولد المسيح من هذه العلاقة، مع أن الحقيقة هي أن لا حد من أتباع المسيح يفهم ولادته العجيبة بهذه الطريقة. يعلم الكتاب المقدس بكل وضوح أن الملاك جبرائيل جاء إلى مريم ليعلن إليها ولادة المسيح. فقد جاء في الكتاب المقدس: "الروح القدس أتى عليك، وقدرة العلي تظلللك. لذلك أيضاً القدوس المولود منك يدعى ابن الله" لوقا 1: 35. إذا، حدث حمل مريم بعمل روح الله القدوس وحدث بدون ملامسة جنسية. ويشرح هذا النص أيضاً سر تسمية المسيح باسم "ابن الله". وهو، بكل بساطة، لأن المسيح وُلد بعمل روح الله.

هناك سر آخر لتسمية المسيح باسم "ابن الله" وهو أن للاسم "ابن الله" وهو كونه رمزي في معناه. يعني أن شخصية المسيح مثل شخصية الله. فمثلاً، عندما سُمي المسيح يوحنا ويعقوب باسم "أبناء الرعد" (مرقس 3: 17) لم يقصد بذلك أن الرعد قد ضاجع امرأة! لا! بل قصد بذلك أن صوتهما وشخصيتهما يشابهان الرعد.

وفي مثل آخر، الرجل الذي يدعى "ولد البلاد" كوصف لشخصيته لأنه يماثل رجال البلاد الآخرين بصفاته. فبهذا المعنى ندعو المسيح "ابن الله".

فضلاً عن هذا، يحمل المسيح أسماء أخرى كثيرة في الكتاب المقدس وكل واحد منها يعبر عن شيء معين في شخصيته وطبيعته: كلمة الله، الفادي، المخلص، رئيس السلام، حمل الله، المشير، العجيب، الوسيط، رئيس الحياة، قدوس الله، الطريق، الحق، الحياة، عمانوئيل، رئيس الإيمان ومكملته، ابن الإنسان، الشفيع، نور العالم، ملك الملوك، رب الأرباب، القيامة والحياة، البداية والنهاية، الألف والياء، خبز الحياة، الأب الأزلي، الديان العادل، شمس البر، رب المجد، الراعي الصالح، وإلى آخره.

معنى "الوحي" الإلهي

وحي الكتاب المقدس ليس تلقيناً أو تنزيلاً. إن كلمة "وحي" تعني في الكتاب المقدس أن أتقياء الله، تحت هداية الروح القدس وتأثيره، الذي هو روح الله بذاته، دونوا ما هداهم الله أن يدونوه مستعملاً كل

واحد أسلوبه وتعبيره الشخصي. فلذلك ، عند قراءة الكتاب المقدس ، يجد القارئ أساليب مختلفة من سفر إلى آخر. إنّما كلماتهم ، عوضاً أن تكون مجرد كلمات بشرية ، هي التشجيل الحقيقي للوحي الإلهي ، أي كلمة الله.

هكذا أعطانا الله سبحانه الكتاب المقدس لكي يعرف الناس من كل جنس وكل شعب وكل لغة كيف يكسب الإنسان غفران الله ومحو الذنوب التي في قلبه. لذلك ففهم رسالة الكتاب المقدس وتطبيقها في حياتنا أهمّ جدّاً من قراءة الكلمات باللغة الأصلية. حيث أن المخطوطات نسخت ألوف من المرات ، دخلت في النصوص القديمة اختلافات في كتابة بعض الكلمات والعبارات. ولكن هذه الاختلافات لا تؤثر في معنى النصوص ولا في رسالتها. فلهذا ، تبقى سلطة كلمة الله وعصمتها ثابتتين. فلهذا أيضاً ، لا يتردد المؤمنون بالكتاب المقدس أن يترجموه الى جميع لغات العالم لكي تكون لكل بني البشر فرصة لقراءته بلغتهم الخاصة لأن أهميته تفوق الكلمات المستخدمة. والكتاب المقدس هو صوت الرب المنادي علينا بالنجدة والحياة الفضلى. آمين.